श्री गुर प्रताप सूरज ग्रंथ

जिल्द II रासि तीसरी से चौथी रासि की समाप्ति तक

भाई संतोखिंसह

भाषा विभाग, पंजाब

Shri Gur Pratap Suraj Granth (Hindi)
Vol. II

by
Bhai Santokh Singh
Transliterated and Annotated by
Dr. Manmohan Sehgal.
Revised by
Prem Bhushan Goyal

गुर प्रताप सूरज ग्रंथ जिल्द II भाई संतोख सिंह

प्रकाशकः भाषा विभाग, पंजाब, पटियाला ।

प्रथम संस्करण:

मूल्य: 8-65 पैसे

मुद्रक:—
स्वैन प्रिंटिंग प्रैस,
अड्डा टाँडा, जालन्धर—1
द्वारा कण्ट्रोलर, प्रिंटिंग एवं स्टेशनरी विभाग,
पंजाब, चण्डीगढ़।

श्री गुर प्रताप सूरज ग्रंथ

जिल्द 11

विषय सूची

| | अंशु | पृष्ठ संख्या |
|-----|------------------------------------|--------------|
| 1. | प्रिथीए को प्रसंग | 2-8 |
| 2. | | 9-13 |
| 3. | | 14—18 |
| 4. | स्री हरि गोबिन्द जन्म प्रसंग | 19—23 |
| 5. | स्री हरि गोबिन्द जन्म प्रसंग | 24-29 |
| 6. | स्री हरि गोविन्द जन्म उतसव प्रसंग | 30—33 |
| 7. | धाइ मारन प्रसंग | 34-37 |
| 8. | बालक लीला प्रसंग | 38-42 |
| 9. | सरप को हतन प्रसंग | 4347 |
| 10. | देवन को प्रसंग | 48-52 |
| 11. | स्री गुरु रामदास नगर प्रवेश प्रसंग | 53-57 |
| 12. | सीतला को प्रसंग | 58-61 |
| 13. | सीतला को प्रसंग | 62 - 65 |
| 14. | सीतला पूजन प्रसंग | 66 - 69 |
| 15. | विप्र बिख दैन प्रसंग | 70 - 75 |
| 16 | विख दैन प्रसंग | 76-81 |
| 17. | बिप्र मितक जीवालबो प्रसंग | 82 - 86 |
| 18. | प्रिथीआ गुर झगरन प्रसंग | 87—91 |
| 19. | प्रिथीआ समुझावन को प्रसंग | 92—97 |
| 20. | महांदेव प्रिथीआ संबादि | 98—102 |
| 21. | प्रियीआ सुलही सों मिलिनि प्रसंग | 103-106 |
| 22. | प्रियीआ सुलही सो मिलिनि प्रसंग | 107—111 |
| 23. | प्रिथीए ताल लगावन प्रसंग | 112—117 |
| 24. | भाई गुरदास प्रिथीआ संबाद | 118—123 |

| | ાં સ્કૃ | पृष्ठ संख्या |
|-----|--|--------------|
| 25. | भाई गुरदास को आवन प्रसंग | 124—129 |
| 26. | जहांगीर सों प्रिथीआ मिलिनि प्रसंग | 130—133 |
| 27. | प्रिथीआ कोठा पावन प्रसंग | 134—138 |
| 28. | बिप्प्र प्रसंग | 139—144 |
| 29. | बिप्प्र-बनिक प्रसंग बरननं | 145—149 |
| 30. | स्री हरि गोबिन्द ताप प्रसंग | 150—154 |
| 31. | स्री हरि गोविन्द पढ़िन प्रसंग | 155 - 158 |
| 32. | पंडत अर पैंडे की प्राण संगली लिआवन प्रसंग | 159 - 163 |
| 33. | बुड्ढे को पोथीआं लैण भेजण अरु गोइंदवाल आगवन प्रसंग | 164—169 |
| 34. | मोहन पोथीआं देनि प्रसंग | 170—176 |
| 35. | पोथीआं लैनि प्रसंग | 177—184 |
| 36. | स्री अरजन पोथीआं लैनि प्रसंग | 185192 |
| 37. | दातू मिलिनि प्रसंग | 193—197 |
| 38. | खडूर प्रसंग | 198—204 |
| 39. | पीथीनि लेनि सुधासर प्रवेश प्रसंग | 205—210 |
| 40. | रामसर होन प्रसंग | 211-214 |
| 41. | भगतन आगवन प्रसंग | 215—219 |
| 42. | भगतन को आगमन प्रसंग | 220-223 |
| 43. | सत्ते बलवण्ड प्रसंग | 224-227 |
| 44. | लद्धे आवन प्रसंग | 228-234 |
| 45. | सत्ते बलवंड प्रसंग | 235—240 |
| 46. | कान्हा आदिक भगति आवन प्रसंग | 241—246 |
| 47. | कान्हा आदि भगत प्रसंग | 247—252 |
| 48. | वेद भटिन को प्रसंग | 253—259 |
| 49 | | 260-266 |
| 50. | सतिगुरु महातम प्रकाश स्त्री प्रिय साहिब | 267-271 |
| 51. | सिक्खन प्रसंग | 272—276 |
| 52. | सिक्खिन प्रसंग | 277—280 |
| 53. | सिक्खन प्रसंग | 281—284 |
| 54. | सिखनि प्रसंग | 285—289 |
| C | C-O. Nanaji Deshmukh Library, BJP, Jammu. Digitized By Siddhanta eGa | |

| \$\frac{1}{55}\$ सिक्खित प्रसंग \$290 - 294 \$56\$ सिक्खित प्रसंग \$295 - 299 \$57\$ सिक्खित प्रसंग \$300 - 303 \$58\$ सिक्खित प्रसंग \$304 - 307 \$59\$ सिक्खित प्रसंग \$308 - 309 \$60\$ सिक्खित प्रसंग \$310 - 313 \$61\$ सिक्खित प्रसंग \$314 - 317 \$62\$ सिक्खित प्रसंग \$318 - 322 \$63\$ सिक्खित प्रसंग \$323 - 326 \$64\$ सिक्खित प्रसंग \$327 - 331 \$65\$ सिक्खित प्रसंग \$332 - 335 \$66\$ सिक्खित प्रसंग \$336 - 340 \$67\$ तरत तारत प्रसंग \$341 - 345 \$68\$ तरत तारत प्रसंग \$346 - 349 \$69\$ सिक्खित प्रसंग \$350 - 355 \$78\$ चौथी रासि \$350 - 355 \$78\$ सगाई को प्रसंग \$364 - 367 \$65\$ सगाई प्रसंग \$368 - 371 \$66\$ ते सगाइआं इकट्ठी होना \$76 - 379 \$76\$ दिवाह की तिआरी \$380 - 383 \$85\$ चन्दू का बैर विध्या \$344 - 397 \$10\$ व्याह प्रसंग \$394 - 397 \$11\$ बिआह प्रसंग \$394 - 397 \$11\$ विआह प्रसंग \$394 - 397 \$11\$ विआह प्रसंग \$398 - 401 | | 137 | | |
|---|-----|----------------|-----------------------|-------------|
| 55. सिक्खनि प्रसंग 290 - 294 57. सिक्खनि प्रसंग 295 - 299 58. सिक्खनि प्रसंग 300 - 303 59. सिक्खन प्रसंग 304 - 307 60. सिक्खन प्रसंग 310 - 313 61. सिक्खन प्रसंग 314 - 317 62. सिक्खन प्रसंग 323 - 326 64. सिक्खन प्रसंग 327 - 331 65. सिक्खन प्रसंग 332 - 335 66. सिक्खन प्रसंग 336 - 340 67. तरन तारन प्रसंग 341 - 345 68. तरन तारन प्रसंग 346 - 349 69. सिक्खन प्रसंग 350 - 355 चौथी रासि 1. मंगलाचरण प्रसंग 364 - 367 4. सगाई को प्रसंग 364 - 367 4. सगाई मां, दी 372 - 375 6. दो सगाई मां, दी 376 - 379 7. विवाह को तिआरी 380 - 383 8. चन्द का वैर विध्या 384 - 387 9. मेल आवण प्रसंग 388 - 393 10. व्याह प्रसंग 394 - 397 | | अंशु | | पढ्ठ संख्या |
| 57. सिक्खिन प्रसंग 300-303 58. सिक्खिन प्रसंग 304-307 59. सिक्खिन प्रसंग 304-307 60. सिक्खिन प्रसंग 310-313 61. सिक्खन प्रसंग 314-317 62. सिक्खन प्रसंग 323-326 64. सिक्खन प्रसंग 327-331 65. सिक्खन प्रसंग 332-335 66. सिक्खन प्रसंग 341-345 67. तरन तारन प्रसंग 346-349 68. तरन तारन प्रसंग 346-349 69. सिक्खन प्रसंग 350-355 चौथी रासि 1. मंगलाचरण प्रसंग 364-367 4. सगाई को प्रसंग 364-367 4. सगाई प्रसंग 368-371 5. सोगाई मोंड वी 372-375 6. दो सगाई मों इक्टो होना 376-379 7. विवाह को तिआरी 380-383 8. चन्द का वैर विधा 384-387 9. मेळ आवण प्रसंग 394-397 | 55. | सिक्खनि प्रसंग | | |
| 57. सिक्खान प्रसंग 300—303 59. सिक्खन प्रसंग 304—307 60. सिक्खन प्रसंग 310—313 61. सिक्खन प्रसंग 314—317 62. सिक्खन प्रसंग 318—322 63. सिक्खन प्रसंग 323—326 64. सिक्खन प्रसंग 327—331 65. सिक्खन प्रसंग 336—340 67. तरन तारन प्रसंग 341—345 68. तरन तारन प्रसंग 346—349 69. सिक्खन प्रसंग 350—355 चौथो रासि 350—355 2. सगाई को प्रसंग 364—367 4. सगाई को प्रसंग 368—371 5. सगाई प्रसंग 368—371 6. दो सगाइआं इकट्ठी होना 376—379 7. विबाह की तिआरी 380—383 8. चन्द का वैर विधा 384—387 9. मेळ आवण प्रसंग 384—397 10. व्याह प्रसंग 394—397 | 56. | सिक्खनि प्रसंग | | |
| 59. सिक्डन प्रसंग 304—307 60. सिक्डन प्रसंग 310—313 61. सिक्डन प्रसंग 314—317 62. सिक्डन प्रसंग 318—322 63. सिक्डन प्रसंग 323—326 64. सिक्डन प्रसंग 327—331 65. सिक्डन प्रसंग 332—335 66. सिक्डन प्रसंग 341—345 67. तरन तारन प्रसंग 346—349 69. सिक्डन प्रसंग 350—355 चौथो रासि 350—355 2. सगाई को प्रसंग 364—367 4. सगाई प्रसंग 368—371 5. सगाई मोड़ दी 372—375 6. दो सगाइआं इक्ट्ठी होना 376—379 7. विवाह की तिआरी 380—383 8. चन्द का दैर विधा 384—387 9. मेळ आवण प्रसंग 384—397 10. व्याह प्रसंग 394—397 | 57. | सिक्खनि प्रसंग | | |
| 60. सिक्खिन प्रसंग 308-309 61. सिक्खन प्रसंग 310-313 62. सिक्खन प्रसंग 314-317 63. सिक्खन प्रसंग 323-326 64. सिक्खन प्रसंग 327-331 65. सिक्खन प्रसंग 332-335 66. सिक्खन प्रसंग 341-345 68. तरन तारन प्रसंग 346-349 69. सिक्खन प्रसंग 350-355 चौथी रासि 350-355 2. सगाई को प्रसंग 360-363 3. सगाई को प्रसंग 368-371 5. सगाई पांड वी 372-375 6. दो सगाइआं इकट्ठी होना 376-379 7. विवाह की तिआरी 380-383 8. चन्दू का वैर विधा 384-387 9. मेल आवण प्रसंग 388-393 10. व्याह प्रसंग 394-397 | 58. | | | |
| 61 सिक्खन प्रसंग 62. सिक्खन प्रसंग 63. सिक्खन प्रसंग 63. सिक्खन प्रसंग 64. सिक्खन प्रसंग 65. सिक्खन प्रसंग 66. सिक्खन प्रसंग 67. तरन तारन प्रसंग 68. तरन तारन प्रसंग 69. सिक्खन प्रसंग 10. व्याह प्रसंग 310-313 314-317 318-322 323-326 323-326 327-331 327-331 332-335 332-335 336-340 341-345 346-349 341-345 346-349 350-355 20. संगाई को प्रसंग 356-359 360-363 3. संगाई को प्रसंग 364-367 4. संगाई प्रसंग 368-371 5. संगाई मोड़ दी 372-375 6. दो संगाइआं इकट्ठी होना 376-379 7. विवाह की तिआरी 380-383 384-387 9. मेल आवण प्रसंग 388-393 10. व्याह प्रसंग 394-397 | 59. | सिक्खन प्रसंग | | |
| 61 सिक्खन प्रसंग 314—317 62 सिक्खन प्रसंग 318—322 63 सिक्खन प्रसंग 323—326 64 सिक्खन प्रसंग 327—331 65 सिक्खन प्रसंग 336—340 67 तरन तारन प्रसंग 341—345 68 तरन तारन प्रसंग 346—349 69 सिक्खन प्रसंग 350—355 चौथो रासि 356—359 2 सगाई को प्रसंग 364—367 4 सगाई को प्रसंग 368—371 5 सगाई प्रसंग 368—371 5 सगाई मोड़ दी 372—375 6 दो सगाइआं इकट्ठी होना 376—379 7 विवाह की तिआरी 380—383 8 चन्दू का वैर विधआ 384—387 9 मेल आवण प्रसंग 388—393 10 व्याह प्रसंग 394—397 | 60. | सिक्खनि प्रसंग | | |
| 62. सिक्खन प्रसंग 318—322 63. सिक्खन प्रसंग 323—326 64. सिक्खन प्रसंग 327—331 65. सिक्खन प्रसंग 336—340 67. तरन तारन प्रसंग 341—345 68. तरन तारन प्रसंग 346—349 69. सिक्खन प्रसंग 350—355 चौथो रासि 356—359 2. सगाई को प्रसंग 364—367 4. सगाई प्रसंग 368—371 5. सगाई पोड़ दी 372—375 6. दो सगाइआं इकट्ठी होना 376—379 7. विवाह की तिआरी 380—383 8. चन्द का वैर विधआ 384—387 9. मेल आवण प्रसंग 388—393 10. व्याह प्रसंग 394—397 | 61 | सिक्खन प्रसंग | | |
| 63. सिक्खन प्रसंग 323-326 64. सिक्खन प्रसंग 327-331 65. सिक्खन प्रसंग 332-335 66. सिक्खन प्रसंग 341-345 68. तरन तारन प्रसंग 346-349 69. सिक्खन प्रसंग 350-355 चौथी रासि 350-355 1. मंगलाचरण प्रसंग 360-363 3. सगाई को प्रसंग 364-367 4. सगाई प्रसंग 368-371 5. सगाई मोड़ दी 372-375 6. दो सगाइआं इकट्ठी होना 376-379 7. विवाह की तिआरी 380-383 8. चन्दू का वैर विधआ 384-387 9. मेल आवण प्रसंग 388-393 10. व्याह प्रसंग 394-397 | 62. | सिक्खन प्रसंग | | |
| 64. सिक्खन प्रसंग 327-331 65. सिक्खन प्रसंग 332-335 66. सिक्खन प्रसंग 336-340 67. तरन तारन प्रसंग 341-345 68. तरन तारन प्रसंग 346-349 69. सिक्खन प्रसंग 350-355 चौथो रासि 356-359 2. सगाई को प्रसंग 364-367 4. सगाई प्रसंग 368-371 5. सगाई मोड़ दी 372-375 6. दो सगाइआं इकट्ठी होना 376-379 7. विवाह की तिआरी 380-383 8. चन्दू का वैर विधआ 384-387 9. मेल आवण प्रसंग 388-393 10. व्याह प्रसंग 394-397 | 63. | सिक्खन प्रसंग | | |
| 65. सिक्खन प्रसंग 332-335 66. सिक्खन प्रसंग 341-345 68. तरन तारन प्रसंग 346-349 69. सिक्खन प्रसंग 350-355 चौथो रासि 350-355 1. मंगलाचरण प्रसंग 366-359 2. सगाई को प्रसंग 364-367 4. सगाई प्रसंग 368-371 5. सगाई मोड़ दी 372-375 6. दो सगाइआं इकट्ठी होना 376-379 7. विवाह की तिआरी 380-383 8. चन्दू का वैर विधा 384-387 9. मेल आवण प्रसंग 388-393 10. व्याह प्रसंग 394-397 | 64. | सिक्खन प्रसंग | | |
| 66. सिक्खन प्रसंग 336—340 67. तरन तारन प्रसंग 341—345 68. तरन तारन प्रसंग 346—349 69. सिक्खन प्रसंग 350—355 चौथो रासि 356—359 2. सगाई को प्रसंग 360—363 3. सगाई को प्रसंग 364—367 4. सगाई प्रसंग 368—371 5. सगाई मोड़ वी 372—375 6. दो सगाइआं इकट्ठी होना 376—379 7. विवाह की तिआरी 380—383 8. चन्द्र का वैर विधआ 384—387 9. मेल आवण प्रसंग 388—393 10. व्याह प्रसंग 394—397 | 65. | सिक्खन प्रसंग | | |
| 67. तरन तारन प्रसंग 341-345 68. तरन तारन प्रसंग 346-349 69. सिक्खन प्रसंग 350-355 चौथो रासि 356-359 1. मंगलाचरण प्रसंग 360-363 2. सगाई को प्रसंग 364-367 4. सगाई प्रसंग 368-371 5. सगाई मोड़ दी 372-375 6. दो सगाइआं इकट्ठी होना 376-379 7. विवाह की तिआरी 380-383 8. चन्दू का वैर विधआ 384-387 9. मेल आवण प्रसंग 388-393 10. व्याह प्रसंग 394-397 | 66. | सिक्खन प्रसंग | | |
| 68. तरन तारन प्रसंग 346—349 69. सिक्खन प्रसंग 350 – 355 चौथी रासि 356—359 1. मंगलाचरण प्रसंग 360—363 2. सगाई को प्रसंग 364—367 4. सगाई प्रसंग 368—371 5. सगाई मोड़ वी 372—375 6. दो सगाइआं इकट्ठी होना 376—379 7. विवाह की तिआरी 380—383 8. चन्दू का वैर विधआ 384—387 9. मेल आवण प्रसंग 388—393 10. व्याह प्रसंग 394—397 | 67. | | | |
| 69. सिक्खन प्रसंग 350 – 355 चौथी रासि 356—359 2. सगाई को प्रसंग 360—363 3. सगाई को प्रसंग 364—367 4. सगाई प्रसंग 368—371 5. सगाई मोड़ दी 372—375 6. दो सगाइआ इकट्ठी होना 376—379 7. विवाह की तिआरी 380—383 8. चन्दू का वैर विधआ 384—387 9. मेल आवण प्रसंग 388—393 10. व्याह प्रसंग 394—397 | 68. | | | |
| चौथी रासि356—3591. मंगलाचरण प्रसंग356—3592. सगाई को प्रसंग360—3633. सगाई को प्रसंग364—3674. सगाई प्रसंग368—3715. सगाई मोड़ वी372—3756. दो सगाइआं इकट्ठी होना376—3797. विवाह की तिआरी380—3838. चन्दू का वैर विध्या384—3879. मेल आवण प्रसंग388—39310. व्याह प्रसंग394—397 | 69. | सिक्खन प्रसंग | | |
| 2. सगाई को प्रसंग 360—363 3. सगाई को प्रसंग 364—367 4. सगाई प्रसंग 368—371 5. सगाई मोड़ दी 372—375 6. दो सगाइआं इकट्ठी होना 376—379 7. विवाह की तिआरी 380—383 8. चन्दू का वैर विधआ 384—387 9. मेल आवण प्रसंग 388—393 10. व्याह प्रसंग 394—397 | | चौथी रासि | | 300 – 303 |
| 2. सगाई को प्रसंग 360—363 3. सगाई को प्रसंग 364—367 4. सगाई प्रसंग 368—371 5. सगाई मोड़ दी 372—375 6. दो सगाइआं इकट्ठी होना 376—379 7. विवाह की तिआरी 380—383 8. चन्दू का वैर विधआ 384—387 9. मेल आवण प्रसंग 388—393 10. व्याह प्रसंग 394—397 | 1. | | | 256 250 |
| 3. सगाई को प्रसंग 364 — 367 4. सगाई प्रसंग 368 — 371 5. सगाई मोड़ दी 372 — 375 6. दो सगाइआं इकट्ठी होना 376 — 379 7. विवाह की तिआरी 380 — 383 8. चन्दू का वैर विधा 384 — 387 9. मेल आवण प्रसंग 388 — 393 10. व्याह प्रसंग 394 — 397 | 2. | | | |
| 4. सगाई प्रसंग368-3715. सगाई मोड़ दी372-3756. दो सगाइआं इकट्ठी होना376-3797. विवाह की तिआरी380-3838. चन्दू का वैर विध्या384-3879. मेल आवण प्रसंग388-39310. व्याह प्रसंग394-397 | 3. | | | |
| 5. सगाई मोड़ दी 372—375 6. दो सगाइआ इकट्ठी होना 376—379 7. विवाह की तिआरी 380—383 8. चन्दू का वैर विधा 384—387 9. मेल आवण प्रसंग 388—393 10. व्याह प्रसंग 394—397 | 4. | | | |
| 6. दो सगाइआं इकट्ठी होना 376—379 7. विवाह की तिआरी 380—383 8. चन्दू का वैर विधआ 384—387 9. मेल आवण प्रसंग 388—393 10. व्याह प्रसंग 394—397 | 5. | | | |
| 7. विवाह की तिआरी380—3838. चन्दू का वैर विधआ384—3879. मेल आवण प्रसंग388—39310. व्याह प्रसंग394—397 | 6. | | Г | |
| 8. चन्दू का वैर विधआ 384—387 9. मेल आवण प्रसंग 388—393 10. व्याह प्रसंग 394—397 | 7. | | | |
| 9. मेल आवण प्रसंग388—39310. व्याह प्रसंग394—397 | 8. | | | |
| 10. ब्याह प्रसंग 394—397 | 9. | | | |
| | 10. | | | |
| | 11. | | | |
| 12. ब्याह प्रसंग 402-405 | | | | |
| 13. ब्याह प्रसंग 406—409 | | | | |
| 14. बरात आगवन प्रसं ग 410-415 | | | | |
| 15. विवाह प्रसंग 416—420 | | - | | |
| CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha | | | P, Jammu. Digitized E | |

| | अंशु | पृष्ठ संख्या |
|-----|--|-----------------------|
| 16. | सुलही को प्रसंग | |
| 17. | सुलही आगवन प्रसंग | 421—424 |
| 18. | सूलही नषट प्रसंग | 425 - 428 |
| 19. | प्रिथीए सों चन्दू प्रसंग | 429 — 433 |
| 20. | चन्दू मिलिनि प्रसंग | 434-437 |
| 21. | गोइंदवाल गमन प्रसंग | 438 - 441 $442 - 445$ |
| 22. | महांदेव प्रलोक प्रसंग | 446 - 450 |
| 23. | स्त्री गुर गुन प्रसंग बरननं | 450 - 450 $451 - 455$ |
| 24. | जहांगीर प्रसंग बरननं | 456 - 460 |
| 25. | सुलभी हतन प्रसंग बरनन | 461 - 466 |
| 26. | प्रिथीआ मरन प्रसंग | 467-472 |
| 27. | चन्दू के प्रसंग | 473-477 |
| 28. | स्त्री चन्द प्रसंग वरननं | 478-481 |
| 29. | चन्द्र प्रसंग | 482 -485 |
| 30. | स्री हरि गोविन्द जी पित सों संबाद | 486 - 491 |
| 31. | स्री अरजन लवपुरि आगमन प्रसंग | 490-493 |
| 32. | अरथ मल्ल मिलिनि प्रसंग | 494 - 497 |
| 33. | चन्दू ग्रिह आविन गुरु प्रसंग | 498-502 |
| 34. | चन्दू गुरु प्रसंग | 503—507 |
| 35. | चन्दू अरु गुरु प्रसंग | 508 -511 |
| 36. | चन्द् ग्रिह गुरु प्रसंग | 512—515 |
| 37. | स्री गुरु अरजन साहिब जी परलोक गमन प्रसंग | 516-519 |
| 38. | स्री अरजन वैकुंठ गमन प्रसंग | 520-523 |
| 39. | सुधासर सुधि होवन प्रसंग | 5.4 - 527 |
| 40. | स्री हरि गोबिन्द प्रण करण प्रसंग | 528 531 |
| 41. | स्री हरि गोबिन्द पग बंधावन प्रसंग | 532-535 |
| 42. | अकाल बुंगा रचन प्रसंग | 536 - 539 |
| 43. | स्री हरि गोबिन्द तखित वैठिन प्रसंग | 540543 |
| 44. | गुरु बिलास प्रसंग | 544 547 |
| 45. | स्री गुरु विलास प्रसंग | 548-550 |
| 46. | चन्द्र को प्रसंग | 551 - 554 |
| | | OUI OUT |

| | अंशु | |
|-------------|--|-------------|
| 47. | दूत आविन जाइ प्रसंग | ृष्ठ संख्या |
| 48. | जहांगीर प्रसंग | 555 — 558 |
| 49. | मसलति करनि प्रसंग | 559 - 562 |
| 50. | वजीर खान मिलनि प्रसंग | 563 - 566 |
| 51. | स्री हरि गोबिन्द दिल्ली प्रसथान प्रसंग | 567-570 |
| 52. | दिल्ली प्रवेश स्त्री हिर गोबिन्द प्रसंग | 57 - 574 |
| 5 3. | दिल्ली प्रसंग | 575—578 |
| 54. | सतिगुरु शाहू मेल प्रसंग | 579—582 |
| 55. | केहरि निकन्दन प्रसंग | 583—587 |
| 56. | दिल्ली ते कूच करिन प्रसंग | 588—591 |
| 57. | आगरे आगवन प्रसंग | 592595 |
| 58. | शाहु को नजूमी भ्रमावनि प्रसंग | 596 - 599 |
| 59. | स्री गुरु हरि गोबिन्द दुरग प्रवेशनि प्रसंग | 600—€03 |
| 60. | सिक्खिन मसलित करिन प्रसंग | 604 - 607 |
| 61. | रातीं जहांगीर को शेरों ने डराइआ | 608611 |
| 62. | भाई जेठे को अजर जरन का उपदेश | 612-616 |
| 63. | बजीर खाँ लैण आया | 617 - 621 |
| 64. | पीर मीआं मीर और जहांगीर मल | 622 - 625 |
| 65. | वजीर खाँ वापस आइआ | 626 - 629 |
| 66. | वंदी छोड़ जी दिल्ली आए | 630—633 |
| 67. | संज्ञा कोष | 634 - 638 |
| 07. | त्रशा काप | 639 - 651 |

प्राक्कथन

पंजाब को भारत की खड्ग भुजा कहा जाता है। यह ठीक भी है। किन्तु पंजाब को मात्र शक्ति एवं सम्पन्त प्रदेश कहना या समझना भ्रामक है। भारतीय साहित्य व संस्कृति के कोष को भी पंजाब ने जगमगाते रत्नों से भरा-पूरा है। भ्रान्ति का कारण काफ़ी हद तक तालमेल की कमी तथा हमारी परतन्त्रता थी। इन्हीं कारणों से भारतीय अपने साहित्य और संस्कृति से कट गए और पाश्चात्य साहित्य के अध्ययन और अनुसंधान को ही अपने जीवन की इति श्री मान बैठे। स्वतन्त्रता-प्राप्ति के पश्चात् हमारी भाषाओं और साहित्य ने भी करवट ली और इस दशा में नवजागरण हुआ। इसका प्रभाव यह हुआ कि हम अपने प्रति जागरूक होकर अपने साहित्य और संस्कृति की ओर मुड़े। फलत: जहाँ देशीय भाषाओं में नव साहित्य सृजन प्रारम्भ हुआ वहाँ हमारी दृष्टि उस भूले-विसरे साहित्य की ओर भी गई जो किन्हीं कारणों से जनता के सम्मुख नहीं आ पाया था।

भाषा विभाग, पंजाब ने ऐसे साहित्य को प्रकाश में लाने का बीड़ा उठाया है और अब तक कई दुर्लभ ग्रंथ यथा गुरु नानक प्रकाश, कथा हीर रांझणि की, पंचनद, ज्ञान त्रिवेणी इत्यादि हिन्दी जगत् को भेंट कर चुका है।

प्रस्तुत ग्रंथ 'श्री गुर प्रताप सूरज' एक महान् रचना है। किव चूड़ामणि भाई संतोख सिंह जी ने इस अपूर्व काव्य ग्रंथ का सृजन बीस वर्ष की निरन्तर साहित्य साधना के पश्चात् किया। किव का जन्म गाँव नूरही, तहसील तरनतारन, जिला अमृतसर में भाई देवा सिंह जी के घर 1785 ई० में हुआ। भाई देवा सिंह जी, जिन्हें अपने काम धंधे के लिए प्राय: अमृतसर आना पड़ता था, ने अपने सुपुत्र संतोख सिंह की शिक्षा-दीक्षा का भार ज्ञानी संत सिंह जी के हाथों सौंप दिया। इनके यहाँ रह कर भाई संतोख सिंह ने गुरुमत विद्या, संस्कृत और ब्रजभाषा का गहन अध्ययन किया। लगभग दस वर्ष तक 'बूड़िए' गाँव में रहने के पश्चात् वे कुछ समय के लिए पिटयाला दरबार में आ गए। मगर महाराज राम सिंह के यहाँ वे बहुत दिन दिक न सके। इसके पश्चात् वे श्री उदे सिंह, कैथल नरेश, के राज्य आश्रय में आ गए जहाँ उनको सादर रखा गया:—

उदे सिंह बड भूप वहादुर। कवि बुलाए राखिउ ढिग सादर।

(गरब गंजनी)

और फिर 1829 से जीवन पर्यन्त अथित् अक्तूबर, 1845 तक वहीं दरबारी किव रहे और इस काल में उन्होंने प्रस्तुत ग्रंथ की रचना की। इनसे पूर्व वे नामकोश, गुरु नानक प्रकाश, गरब गंजनी, बाल्मीकि रामायण का काव्यानुवाद, आत्म प्राण आदि रचनाएं लिख चके थे।

वस्त्त: गुरु नानक प्रकाश भी ''श्री गुर प्रताप सूरज ग्रंथ'' का ही एक अंग है। गरु नानक प्रकाश, जिसे पिछले वर्ष हम पाठकों के सम्मुख भेंट कर चुके हैं, में श्री गुरु नानक देव जी का जीवन-वृत्त काव्य में लिखा गया है। भाई संतोख सिंह जी इसी प्रकार अन्य गुरुओं के जीवन काव्य लिखना चाहते थे। इसी आशा को फलीभूत करने के लिए उन्होंने गुरु प्रताप सूरज ग्रंथ की रचना की। उन्होंने स्वयं लिखा है:--

श्री गुरु को इतिहास जगत महि, रलमिल रह्यो एक थल सम नाहि जिम सकता महिं कंचन मिले, बीन डावला ले तिह भले, तथा जगत ते मैं चुनि लेऊँ कथा समसत सु लिख कर देऊँ। बानी सफल बरन के कारण, करिही सत गुरु सु जस उचारन। जिम दिध बिखै द्रित मिल रहै, करिह कथन नीके गुभ लहै, तिम जग महि बाद बिवादु, गुरु जस संची दे अहिलादु।

(ग्० प्र० स्० अंश् 5)

भाई संतोख सिंह जी ने गुरु-काव्य लिखने का बीड़ा उठाया। मगर यह कार्य कोई सरल नहीं था। गुरुओं के जीवन पर प्रकाश डालने के लिए उन्हें कोई भी प्रमाणिक सामग्री उपलब्ध न हुई। फिर भी उन्होंने गुरु ग्रंथ साहिब, दशम ग्रंथ, वारां भाई गुरदास वाले वाली जन्म साखी, पंज सौ साखी, भक्त माल, ज्ञान रत्नावली, महिमा प्रकाश आदि ग्रंथों का गहन अध्ययन तथा अनुशीलन किया। ऐतिहासिक तथ्यों को अपनी कल्पना एवं प्रिमा का रंग चढ़ा कर इन्होंने अपने अद्भुत काव्य-भवन का निर्माण कर डाला।

इस बृहद् काव्य रचना का नाम उन्होंने गुरु प्रताप सूरज रखा था, इसलिए संपूर्ण कथानक को सूर्य की गति के आधार पर 12 राशियों, 6 ऋतुओं और 2 अयनों अर्थात् कुल बीस बड़े भागों में विभक्त किया है। पुन: सूर्य की किरणों के आधार पर अध्यायों को अंशुओं की संज्ञा प्रदान की गई है। इसलिए रचना के नामकरण तथा इसके रचना विद्यान में एक सुन्दर रूपक की कल्पना की गई है। सूर्य की भाति गुरुओं का जीवन भी अंधकार को दूर करता है।

बारह राशियों में गुरु नानकोत्तर गुरुओं की जीवन गाथा है, छः ऋतुओं और अयनों में संत सिपाही श्री दशमेश जी का जीवन वृत दिया गया है । इस संपूर्ण रचना के कुल 1150 अध्याय हैं । जिनका विवरण निम्न स्ननुसार है :—— CC-O. Nanaji Deshmukh Library, BJP, Jammu. Dightzed By Siddhanta eGangotri Gyaan Kosha

सूरज गुरु प्रताप ते, वरनी द्वादश रासि, अपट साच पातशाह के, वरनों वर गुण रास। (15) दछणाइने उतराइणे, अयन बनैंगे दोइ, वरनत रितु जो खषट शुभ, तिम पर वरनन होइ। (16) प्रथम कही कविता रुचिर, श्री नानक प्रकाश, पूरवारध उतरारध इम, वर वरने गुग लास। (17) अब कलगीघर की कथा, खषट रुतन पर होइ, गुरु प्रताप सूरज भयो, या ते सभ गित जोइ। (18)

(गु॰ प्र॰ ह॰ 1, अंशु 1) केवल परिमाण और आकार की दृष्टि से देखें तो पंजाब के इस हिन्दी किव की इस अद्वितीय रचना की तुलना में विश्व भर के किसी अन्य किव की रचना नहीं ठहर पाती। पंजाब के प्रत्येक गुरुद्वारे में सायंकाल इस ग्रंथ की विधिवत् एवं नियमित कथा की जाती है।

भाई साहिव ब्रजभाषा के विद्वान कि होने के साथ साथ, संस्कृत, पंजाबी तथा अन्य कई भाषाओं के महान पण्डित थे। बाल्मीिक रामायण तथा आत्म पुराण जैसे संस्कृत ग्रंथों का हिन्दी अनुवाद इसका ज्वलन्त उदाहरण कहे जा सकते हैं। यह तो गुरु प्रताप सूरज के प्रारम्भ में दिए गए, 'मंगलाचरण' से भी भली-भांति स्पष्ट हो जाता है कि उन्हें भिन्त-भिन्न भारतीय भाषाओं पर कितना अधिकार प्राप्त था।

किव की काव्य प्रतिभा को परखने के लिए हमारे पास उनके दो ग्रंथ हैं, गुरु नानक प्रकाश और गुरु प्रताप सूरज। इनमें ऐसा काव्य सौष्ठव है कि हर पंक्ति पर किव की काव्य प्रतिभा को देखकर चकाचौंध हो जाना पड़ता है। भाव और भाषा दानों की दृष्टि से ही ये अनुपम काव्यत्व के स्वामी ठहरते हैं।

सोहलवीं-सत्तारहवीं शती में हिन्दी साहित्य में भिक्त-भाव की काव्य रचना का बाहुल्य था। इस धारा के शिरोमणि किव गोस्वामी तुलसीदास (1532-1625) और सूरदास (1473-1563) थे। गोस्वामी तुलसीदास जी और सूरदास के काव्य मृदुलता और मधुरता के लिए अद्वितीय हैं और लोक कल्याण की भावना से भी इनका काव्य ओत-प्रोत हैं। कुछ ऐसी ही बात चूड़ामणि भाई संतोख सिंह जी के समुचे काव्य-जगत के बारे भी कही जा सकती है। चाहे इनकी रचना भिक्त भावना प्रधान है फिर भी यह भिक्त काल के अन्तर्गत नहीं आती।

इस ग्रंथ के हिन्दी में प्रकाशित होने से आलोचक इसका तुलनात्मक अध्ययन कर सकेंगे और अन्य हिन्दी किवयों के परिप्रेक्ष्य में पंजाब के इस मेधावी हिन्दी-सेवा का यथो-चित स्थान निर्धारित कर पायेंगे। किव ने इसमें पौराणिक शैली को अपनाया है। इस आगे रचना को इसी दृष्टि से देखना उपयुक्त होगा। भाई संतोख सिंह का काव्य गुणों का गुलदस्ता है जिसकी महक के बारे में किसी समकालीन किव ने लिखा है:—

CC-Ö. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

कि नाधुरी आगार है, कि भाव कि नोग है।
मूखन है कि के कि दूखन हा कि के,
बिद्रखन के बीच भी प्रसिद्ध हिर दोष है।
बानी ही उतंग है सु अंक हीऊ रंग है,
अनग अंग भंग के बिसूबन निसेस है।
नानक अरथ जोऊ कीनो कली कल सोऊ,
नाम तो संतोख सिंह धीयवर कोश है।

प्रस्तुत ग्रंथ को आठ जिल्दों में प्रकाशित किया जा रहा है। दूसरी जिल्द का लिप्यन्तर डा॰ मनमोहन सहगल ने किया है। इसमें श्री गुरु अरजन देव जी के वैकुण्ठ गमन और श्री हरिगोविंद के दुर्ग से निकलने तक के प्रसंग हैं। संज्ञा कोश तथा टीका भी पाठकों की सुविधा के लिए इसके साथ ही दे दिए गए हैं।

मुझे पूर्ण विश्वास है कि हिन्दी जगत् पंजाब के इस महा कवि की महान् रचना का भव्य स्वागत करेगा।

पटियाला फरवरी, 1974 रजनीश कुमार निदेशक, भाषा विभाग, पंजाब। १ ओं सितगुर प्रसादि। स्त्री वाहिगुरू जी की फते। (अथ वितिय राप्ति कथनं)

अंशु १ प्रिथिए को प्रसंग

१. 'कवि संकेत' मर्यादा का मंगल।

दोहरा

सारसुती¹ सरिता वहो बाक² तरंग विचार। चारु सुमम मानस बिखै³, जानों सार असार॥१॥ २, इष्टदेव—अकाल पुरख़—मंगल।

सर्वया

करता जग केर सुरासर को निस द्योस चराचर को भरता⁴। भरता सभि को परमेश्वर पूरन दासं बिनै नित आचरता⁵। चरिता जिसके न लखे पर है मुनि शेश गिरा कहि अच्छरता⁶। छरता मित को⁷ लखि चातुरता तजि, आतुरता गहि⁸, संकरता⁹।। २।।

३. इष्ट गुरू-श्री गुरू नानक देवजी-मंगल।

कवित्त

मिटिक विकारित ते शरत परीज तित, नाम के उचारत ते मोह जाति घटिक । घट के मझार 10 ध्यान धारित ते, पार होहि मन टिक जाइ विशियान ते 11 उलिट के । लटक न सिर तरवायो 12 ह्व गरभ बीच, पर्यो विस सदा बहुबंधित विकट के । किट के सुदेहि मोख, ऐसे गुरु नानक जी बंद हों पदार्श बंदिन सिमिटि के 14 ।। रे ।)

४. इष्ट गुरू-श्री गुरू अंगद देव जी-मंगल।

दोहरा

कंद अनंद बिलंद के श्री गुर अंगद चंद। चंदन सम दुख धाम को वंदौं विधन निकंद¹⁵।। ४।। ४. इष्ट गुरू—श्री गुरू अमरदास—मंगल।

1. सरस्वती रूपी नदी । 2. वाक्य रूपी तरंगें । 3. बीच में । 4. पोषक, स्वामी । 5. दासों की विनय (सुनकर) नित्य उसके (अनुकूल) आचरण करने वाला । 6. अक्षरता, अनुष्वरता । 7. बुद्धि को छलने वाला । 8. विनम्नता ग्रहण कर । 9. कल्याण-प्रदता । 10. अन्त:करण में । 11. विषय-वासनाओं से । 12. नीचे की ओर । 13. चरण-कमल में नमन करता हूँ । 14. इन्द्रियों को समेट कर अर्थात् इन्द्रियों को बहिर्जगत से उद्धानिकार कि विद्यान कि अपने विद्यान कि विद्यान कि अपने विद्यान कि से कि अपने विद्यान कि अपने कि कि अपने कि स्वामित कि से कि अपने विद्यान कि अपने कि अपने

दोहरा

मार¹ हंकार जु डसित नित तांहि सहाइक मार²। मारिस् चिह, श्री अमर भिज नित, जे बिना शुमार³।। ५।। ६. इष्ट गुरू —श्री गुरू रामदास जी — मंगल।

दोहरा

रामदास श्री सितगुरू रूप एक श्री राम। राम भ्रात⁴ हैं रिपु हते निमो चरन अभिराम।। ६।। ७. इष्ट गुरू—श्री गुरू अरजन देव जी—संगल।

दोहरा

अरजन-सर-से वाक जिन विदत सुजस अरजन । अरजनि दासनि की सुनति नमो गुरू अरजन ।। ७ ।। ८. इष्ट गुरू — श्री गुरू हिर गोविंद जी — मंगल ।

दोहरा

विंदु नीर पद परस की प्रापित मुख अरबिंद। विंदक⁷ विखे निहाल किय श्री गुर हरिगोविंद॥ द॥ ९. इष्ट गुरू—श्री हरिराय जी—मंगल।

दोहरा

राइ जगत के⁸ अवतरे सुख उपजे भिज नाइ। नाइ सीस करि बंदना जैजै श्री हरि राइ।। ९।। १०. इष्ट गुरू— श्री गुरू हरि क्रिषण जी— मंगल।

दोहरा

किशन रिदा उज्जल करहिं प्रथम रूप श्री विशन्⁹। विस न रहित विषियान की सिमर गुरू हरिक्रिशन ॥ **१०**॥ ११• इप्ट गुरु—श्री गुरू तेग बहादुर जी —मंगल।

दोहरा

तेग बहादर सितगुरू दे शत्रुनि उदबेग 10 । बेग 11 धारि जनन गिरा दुषट पर तेग ।। ११।।

1. सर्प । 2. काम । 3. अलेख्य, परम । 4. राम के सहायक या बलराम के भाई श्री कृष्ण । 5. जिनका अजित यश लोक-जिनत है । 6. अजियाँ, प्रार्थनाएँ । 7. थोड़ समय में ही । 8. जगत के स्वामी, करतार । 9. विष्णु से भी अपूर्व । 10. उद्देग, घबराहट । 11. वेग, शीझता-पूर्वक ।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

१२. इष्ट गुरू—श्री गुरू गोबिंद सिंघ जी—मंगल। दोहरा

सिंच म्निगन रिपु ब्रिंद[ा] को महांबली नर सिंध । सिंघ पंथ के मूल द्रिढ भजि श्री गोबिंद सिंध ॥ १२ ॥ १३. समसत गुरू मंगल ।

दोहरा

रचौं रासि अबि तीसरी सितगुर सुजस विसाल। नमसकार करि सिभिनि को विघन ब्रिंद को टालि॥ १३॥

(मंगलाचरण समाप्त । गुरु-कथा का आरम्भ) सुनित सिंध गुरु कथा को प्रेम साथ पुलाकित । पीवित अस्त्रित त्रिपित निह रुचि चौगुन उपजाति ॥ १४ ॥

चौपई

भाई रामकुइर मुख चंद। निकसति तिस ते सुधा मनिद। जिस मिंह सदगुन को समुदाइ। धरि हिरदे जम भेट न पाइ।। १५॥ कहित सुनित जिस अनिक महातम । क्या तिन महिमा धरें जु आतम । उपजिह दिन प्रति चाउ घनेरा। इक मन होइ सुनींह करि घेरा।। १६।। रामकुइर गिरवर के समसर²। कथा जु उपजी सलिता सुख-करि। गुर जसु उजल जल भरपूरा। प्रेम प्रवाह विमल वहु रूरा।। १७।। भ्रम बेम्खता द्वै द्रिढ कूला। जिन पर अवगुन तरुगन फूला। पठिन सुनिन बल बेग बिसाला। जर समेत भगनित ततकाला³।। १८।। सदगुन कमल ब्रिंद बिकसावति । मन संतन के मधुपनि भावति⁴ । सिंघ सकल जलजंतु अनंदति । करति केल गुर रहति अनिदति⁵ ।। १९ ।। दस गुरं दसहुं घाट जिस केरे। दुखी त्रिखातुर जन हुइ नेरे। गर-जस जलते सभि सुख पार्वीह । विषियन विखा तुरत विनसार्वीह ॥ २० ॥ अंतक घाम पीर नहिं देई। नित प्रति निकट होइ जो सेई। रामकुइर परबीन जु माली। कीरति गुरनि सकेलि विसाली।। २१॥ ग्रंथ बनावनि बाग लगायहु। तस्वरु जेतिक घ्याइ सुहायहु। प्रकारन शाखा। तुक बह पत्र सघन शुभ भाखा।। २२।। छंद

^{1.} मृग रूपी शत्रुओं के दल पर सिंह-समान आक्रमण करने वाले। 2. समान।
3. उसी समय उसे जड़-मूल से उखाड़ देती है। 4. सद्गुण रूगी सुविकसित कमल सन्तों के मन रूपी भंवरों को लुभाते हैं। 5 गुह की अनिद्य कथासरिता में कल्लोल करहे उहिते वहिंव। Desh संदित में अपने ही असि सिंह क्या सिंह कि अपने कि अपन

गुण गन तिन मिह सुमन सफूले। अरथ सुफल जुित, भाखन झूले। शांति रसादिक रस जिन मांही। कषट धाम हित छाया तांही ॥ २३॥ प्रेम बारि ते सिंचन करिता। ढिग निह होहि मोह पशु हरता। अस सपबन मिह जो नर बासे। मोख सुगंधि सदा तिन पासे॥ २४॥

दोहरा

सिभ श्रोता बच कहित भे हाथ जोड़ि हुइ दीन।
'हिर गोबिंद के जनम की कहित कथा परवीन'।। २४।।
सुनि कै साहिब रामकौर² कहित भए सुखदाइ।
आदि अंत सिभ कहित हौं सुनहुं कथा मन लाइ।। २६।।
जिंह किंह गुर सिक्खी हुती बिदत्यो एव प्रसंग।
सरव जगत मिंह जसु महां करिह सु उज्जल रग।। २७।।

कवित्त

सुने देश देश हूं ते आए हैं अशेष सिख, भेटिन बिशेष को चढ़ावें पग सीस घरि।
गादी पै विराजें गुरू अरजन बैठे बीच, करामात पूरन सुजोति जगदीश घरि।
बांछित को देति हैं अनंद हूं को हेत हैं, दुखिन हिर लेति हैं सु दासिन असीस घरि।
केऊ रहैं पास हरें जमहूं को तास बहु घारें गुन रास को, निवार मोह रीस घरि ।।
संगति पिता नै दीनि, थोरी कछु आवै तहां, प्रिथीए सु महांदेव हेत गुजरान के ।
करामात साहिव सु एक गुरू अरजन तां सो द्वैष ठानें. निंह साकही पछान कै ।
दरव उदार आवै चल्यो दिश चारू हूं ते अनिक पदारथ अनूठे गित दान के ।
जरी हूं न जाइ , जर जाइ दुख पाइ किर-हुतो लघु भ्रात भयो ऐश्वरज महांन के ॥ रे९ ॥
कोऊ दिन बीत गए गादी गुष्ता की लीए मेला तब आयो महां, मेख संक्रांति को ।
सिली दूरि दूरि हूं ते संगति हज़्र गन पूरन पदारथ दरब भूर भांत को ।
बैठे गुरू अरजन हेरि करें अरजिन सखा-अरजि के सरूप सुख दात को ।
भेट घर आइ आइ जाचें चित चाइ चाइ पाइ पाइ बर को हरख भिर जाति को ।। ३० ॥
आयो सिख एक बर जेवर को ल्याइ धर्यों, तेवर 10 मनोहर चढ़ायो हाथ बंद के ।
बिनती सुनाई 'देहु मंदर पुचाई एहु, भावना पूरेहु ।। मेरी, दानी हो अनंद के ।

1. ग्रंथ रूपी उद्यान में फले-फूले पेड़ कष्ट की धूप का अन्त करके वहां छाया कर रहे हैं। 2. रामकुँवर या रामकुइर। 3. देखा-देखी। 4. पिता ने गुरुआई एवं संगति गुरु अर्जुन को दी थी, फिर भी कुछ थोड़ी संगति पृथीए और महाँदेव के पास भेंट ली जाती थी, जिससे उनका गुजारा चलता था। 5 (वास्तविकता) नहीं पहचान सकते। 6. सहन नहीं कर सकते। 7. (ईर्ष्या से) जल जाते हैं। 8. मेष-संक्रान्ति का मेला, वैशाखी 9. कृष्ण। 10. जनाना पोशाक। 11. इसे घर में (जनाने में) पहुँचवा दें, मेरी यह भावना पूर्ण हो।

कह्यो मानि, दास को पठायो सुअवास को, बिलोक्यो छिब रास को जुमोल धन ब्रिट के । गंगा¹ हरखाई, अंग पहिरे सुहाई बहु गुरता बडाई जान कंतिह बिलंद के ।। ३१ ।।

सवैया

संगति ब्रिंद बिदा करि दीनि दीए सिरुपाउ² जथोचित जाने।
केतिक पै बहु कीनि खुशी धन पूतन के जु मनोरथ ठाने³।
'श्री गुर अंत सहाइक होवहुं केतिक नै इह भांति बखाने।
केतिक को सितनाम लगायहु, केतिक ग्यान ते किन महांने।। ३२॥
भांति अनेकन केर मनोरथ सिख्यन के सिभ पूरन कीने।
जाति भए निज धामन को, अभिराम कहैं जस को रसभीने⁴।
'सुंदर रूप सुशील महां बर देति उदार, समान न चीने⁵।
श्री गुर नंद⁶ बिलंद गुणे किर, रूप मुकंद अभै बर दीने।। ३३।।
फोर गए गुर मंदर को पिखि⁷ गंग उठी उर में हरखाई।
तेवर जेवर की सिभ बाति सु पूछित भी कित भेटजु आई।
कीनि अजाइब⁸ मोल महान को देश किसू मिंह भा अधिकाई।
रावर के⁹ चरनांबुज को अरप्यो किर भावनी सों छिव पाई।। ३४।।

कबित्त

भनें निज भारजा सों 'आरजा¹⁰! श्रवण किर, बड़े गुरू नान के प्रताप सीम देश किर । किली काल भारी जानि सिक्खी बिसतारी आिन, विशे बिस तारी में, सितनाम दे विशेषु किर । आवें दूरि दूरि ते उपाइन को भूर ल्याइ पूरन मनोरथ हदूर मैं अशेष किर । तिनहूं के नाम किर आने निज धाम हूंते, चीर अभिराम धन मुकतादि वेश किर । ३५।। मिहमा उतंग शुरू नानक की सुनी गंग, महां प्रेम संग नमों कीनि हाथ बंद के । ऐसे रामदासपुरि बास के बिताइ समों, बास मिलि आस धिर पास ह्वै मुकंद के । जरीदार अंबर पटंबर सुहाइ बड़ो किब किब पहिरे समेत ह्वै अनंद के । नातुर सुधारि धरें दासी जे संभारि करें, बचन उचरें 'बन्यो लागे धन बिह के'।। ३६।। प्रीखम बिताई रुति बरखा की आई पुनि घटा घुमडाई जल जलधर छोरिते। इसी मीटि गई जिब दासी सुधि लई तिब, सिभ पश्मंबर भ पटंबर ले भोर ते।

^{1.} गुरू अर्जुन देव जी की पत्नी । 2. समादृत किया । 3. जिन स्त्रियों ने पुत्र-कामना की थी । 4. रसमय होकर उनका यशोगान करते हैं । 5. उनके समान और कोई नहीं देखा । 6. गुरु रामदास के सुपुत्र गुरु अर्जुन । 7. देखकर । 8. आश्चर्य प्रकट किया । 9. आपके । 10. अपनी स्त्री से बोले, हे श्रेष्ठ नारी सुन । 11. विषयों के विष से मुक्त किया । 12. बढ़-चढ़ कर । 13. उच्च । 14. रेशमी कपड़े । CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

आतप लगैबे हेत¹ पाए सो निकेत पर², बैठी ह्वै सूचेत करै राखी चहुं ओर ते। बीयका मैं जाति लोक संदर विलोकि करि सगरे सराहैं 'सिख ल्यायो सूख लोर ते3'।। ३७॥ प्रिथीए की दासी देखि ईरखा विशेख करि, गई तिस भारजा के पासि हुँ सुनाइ दीन। दिराणी के लुभाणी शुभ चीर हेरि आए किसी देश ते विशेष धनु लाइ कीन। आगे न विलोके अस, सुने हूँ न कान करि, किसी पातिशाह ढिग होर्हि किधौ नांहि चीन। ऊपरि परे हैं, महां दमक भरे हैं, चारु कैंसे किसू करे हैं⁵, छरे हैं भाव बीन बीन⁶ ॥ ३८॥ स्नि कै शरीकिन लगी है मन नीक न, अरूढ़ी निज मंदर पै सुंदर निहारिओ। सूरज की जोति संग एक रग होइ रह्यो, जरी अंग अंग में, नजरी जाइ जारिओ⁸। झलमल झलकति आग सम लाग्यो नैन, वैन हुं न बोल सकै मानो उर फारिओ। होई बिसंभार⁹ लीन दासी ने उतारि तब, धारित उदासी, मन मानो कित हारिओ ।। ३९ ।। बैठी सारे दिन, उदिबगन भई है मन, रैन परी जानि के प्रियीया धाम आइओ। हेरि वाल हाल को बुलाइ कै बिहाल को कह्यो है 'किस ख्याल ते विसमाद 10 बडो पाइओ' ?कौन काज भौन को बिगर गयो ? मौन करी, कैं घों किह संग लरी, कैं कछू गवाइओ ? दीजै सो बताइ सभि चिंत को विताइ अबि, कैसे पछुताइ मुरझाइ ? समझाइओं ।। ४० ।। सुनिकै सनेह सानी बानी कंत हूं की करमो कहित भई रिस धारि अतीआ। 'हमरे गरीक हूं के नीकी नीकी भेट आवें, चीर तांकी ती के 11 हेरि होई विसमतीआ 12 । झलाझल झलकति डीठ न ठिहर सकै, धूनी ज्यों धुखित मम सुलगित छतीआ। होइ है वडाई नित, हमरी घटाई, वात साकन मैं वियर जगत जित कितीआ 13 11 ४१ 11

करते पिता की सेव पावते सुपद एव, गुरता को लेव गुरु देव जग होवते। छूछे रहे जेठे तुम, पैठे घर वैठे रहे, ले गयो अनुज, सोई काटें जोई बोवते। अनिगन धनु आवे, जन गन मन भावे, मोद मैं समावे, हम दीन होइ रोवते। भई विपरीति महां, जरी हूं न जाइ चीति, तुमरी अनीत हेरि सुख मैं न सोवते'॥ ४२॥ भारजा विलोकि के, सशोक बीच ओक के, सुकरन प्रसंन तिस बाक को बखानिओ। भिंचता चित चूर करि, दुख को विदार दूर, जानीए न कूर लेहु साचि मिन मानिओ। जीवति हैं जावित सो पावित उपाइन को संमत कितिक होइ अरजन हानिओ¹⁴। जनमैं न सुत, स्नितु पाश हमें होइ हित¹⁵, पावें गुरिआई को जो पद महानिओ।। ४३॥

^{1.} धूप लगवाने के लिए। 2. छत्त पर। 3. सुख की इच्छा से। 4. तुम्हारी देवरानी के घर सुंदर पोशाक देखकर मैं मुग्ध हो गई। 5. किसी ने बड़े ही सुन्दर बनाए हैं। 6. भाव चुन चुनकर बनाए हैं। 7. सम्बंधिनी। 8. सहन नहीं हुआ, ईर्ष्या से जल गई। 9. बेसुध। 10. दुःख। 11. स्त्री के। 12. देखकर आश्चर्य होता है! 15. यत्न-तत्न। 13. गुरु अर्जुन की मृत्यु। 14. हमारा भला।

नंद के अनंद बिन¹ वसतू बिलद गन भर्यो जो सदन सिभ आपनो ही जानी अहि। मालक न और बैठि ठौर जे संभारें सोऊ, यांते हम लेहिंगे, न देहिं आन मानी अहि। सगरे पदारथ अकारथ सपूत बिन, हम को सकारथ बनहिं, पहिचानी अहि। को दिन बडाई जरो, हेरि के न जरो तिह, जर हीन जर किस काज की²? बिगानी अहि³॥ ४४॥

सवैया

यौं प्रिणीए किह धीरज दीनिस होहि सुचेत न चिंत धरीजें। बीत गई अबि हाथ न आवित, पाछल बात न याद करीजें। अपनी संगति ते बित आवित ले खरचो पट चारु बनीजें। जेर जवाहरि जेवर को किर तेवर जेवर को पहिरीजें।। ४५।।

दोहरा

इत्यादिक किह तीय को किर प्रसन्त तिह जीय। रिल कीनिस कूरी रिल⁴, हुइ निशर्च लेखि लीय।। ४६।। बुरा चितवि किर अपर को आपन आनद ठानि। प्रभू बिपरजै कदिति⁵ तिस इह तो बिदित जहान।। ४७॥

इति श्री गुर प्रताप सूरज ग्रंथे त्रितीये रासे 'प्रिथीए को' प्रसंग बरननं नाम प्रथमो अंसु ॥ १ ॥

^{1.} पुत-प्राप्ति की प्रसन्नता के बिना। 2. जड़ बिन धन, अर्थात् पुत्र के बिना धन किस काज ? 3. बेगाना है। 4. झूठी खुशी। 5. प्रभु उलटी करता है।

अंशु २ बुड्ढे निकट गमन प्रसंग

(२. माता जी की सुपुत्र हित याचना और गुरु जी की आग्या)

दोहरा

दासी प्रिथीए की सुनति दंपति के सिभ बैन। मन प्रसंन अति ही भई करि बिचार दिन रैन।। १।। श्री गुर अरजन की हती इक दासी बुधिवान। तिह सों कह्यो प्रसंग सभि जितनो कीन बखान ॥ २ ॥ 'प्रिथीए निज तिय निकट हुइ गुर अरजन पर कोप। दियो स्नाप-सूत होहि नहि-इह राखह उर गोप ॥ ३॥ सकल वदारथ हम लहैं जब गुर स्त्रित् को पाई। ग्रिआई को लेहि तबि चिंता करह न काइ।। ४।। होनहार निशर्च इही जानी जाति सू बात। बीते संमत बहुत ही निह जनम्यो ग्रिह तात² । १ ।। यांते मालक इही हैं गुरता जुत घर वार। नहिं अपरन³ को प्रापती, देखह रिदे बिचार ।। ६ !।

सोरठा

गुर दासी सुनि बैन नैन भरे जल कहति इमु। 'दे प्रभू सुत गुर ऐन⁴ गुरता इन के होहि किम ॥ ७ ।। अजह न जरा अरूढ़ दंपति की वय है तरुन। मतसर अगनी गृढ जरित मरित किह दुरबचन⁵ ॥ ८ ॥ बसिह गुरू को धाम इह उजरे जग फिरहिंगे। सुत जनमहि अभिराम जिसु हेरति रिपु डरहिंगे।। ९।। मिलि दासी इम दोइ निज निज पख की बात करि। अपने मंदरि सोइ गमनी चिंता रिदें धरि॥ १०॥

बहुत वर्ष बीत गए।
 घर में पुत्र-जन्म नहीं हुआ।
 अन्य लोगों को। 4. घर, अयन । 5. उसमें अहंकार की बड़ी आग है, जो मृत्यु के दुर्वचन कहता है।

गुर अरजन के धाम आनि सुनाई तरक जुत।
'इम प्रिथीए की बाम बुरा चितिहि-किम ह्वै न सुत।। ११।।
सगरो सुन्यो प्रसंग तिन की दासी ने भन्यो।
भरी हरख के संग, मैं दुख पावित सिर धुन्यो।। १२।।

कवित्त

सुन्यो श्रोन गंग तातकाल चित भई भंग, लेति स्वास दृख संग सोचन को सोचती। 'नंद ते बिलंद ही अनंद होति ब्रिंद बीच नंद-हीन मैं हौं कही आंस्वन को मोचती । हमरे शरीक नित म्रित्त् की उडीक करें तांकी तीय सगरे पदारथ को लोचती। ऐसे मन गिनती गिनति बीते निस दिन, नीको खान पान चीर भूखन न रोचती² ॥ १३ ॥ समै पाइ सतिगुरू आए निज मंदर मैं सुंदर प्रयंक पै बिराजे मन शांति है। गंगा उठी हेरि करि हाथ जोरि नेर करि, खरी होइ बिनती सुनाई हित तात है। 'करबो ग्रिहसत सुठ सदन समान जानो, उपजै सप्त इह दीपक की भांत है। नांहि त अंधेर होति, दुख को उदोत नित, लोक परलोक मैं न शोभा उपजाति है ॥ १४ ॥ आप सरबग्ग्य3, क्या मैं कहौं अलपग्ग्य मन, तऊ निज दुख को सुनावौं महां दीन होइ। रावरे सहोरद ने आपनी क्रिशोदरी सों भन्यो जिमि, सून्यो तिम, दासी सूनि आई सोइ। पूत्र ह्वै न तिन घर पीछै हम बनें गुर सगरे पदारथ को लेहिं रमणीक जोइ। शोक मझ होति है, तनज न उदोत है⁵, सिभिनि सिर मौत है सिथर जगू नांही कोइ।। १५।। सिक्खन हजरन की कामना को करह पूर, वित्त सूत आदिक सकल समुदाय को। आपने सदन मैं सु नंद देहु गुरू तुम, बंस को विभूखन अनेक रिपु धाय को। हासी न शरीक करें हेरि न अनंद धरें तैसे विधि करो अबि तुम सिम लाय को'। ऐसे कहि बैन, करे नीचे जुग नैन, भई लाज हं को ऐन, ते संकोची निज काय को⁶।। १६।। 'हमरे न तात भयो ऐसी तो कहति बात, मो को बिन भाग जानि मानति अनंद को। आप समरत्य नाथ, सभै बिधि हाथ बिखै, किपासाथ कही बाक, सुंदर सू नंद को 7। कीजै मो कितारथ सकारथो सदन होइ दासी जान मेटीअहि संकट बिलंद को'। धारी पुनि मौन, नहीं बोल्यो जाइ बैन कौन, नैनन मैं नीर औनि डारै ब्रिंद बुंद को⁸।। १७।। सितगुर हेरी किया ठानि कै धनेरी तिब, 'लालस वडेरी जो पै कीनी सुत लेनि की। राखा रहि घास को न गमनै अवासु को, दरसु करि तास को शकति बर देनि की। साहिबु सु बुड्ढा नाम, महांगुन ब्रिंद धाम, ग्यान अभिराम शेर मोह सम एन की⁹। की जीए प्रसंन बर ली जीए सू धंनि बनि, बिनती भनी जीए बडाई तिज बैन की 10 ।। १८ ॥

CC-O. Nanàji Deshmukh Library, BJP, Jammu. Digitized By Siddhanta eGangotri Gyaan Kosha

^{1.} अश्रु वहाते हुए। 2. वस्त्राभूषण भी नहीं रुचते। 3. सर्वज्ञ। 4. स्त्री। 5. पुत्रोत्पत्ति नहीं होती। 6. ऐसे वचन कहकर माता गंग ने दोनों नेत्र नीचे झुका लिए और लज्जा अनुभव करते हुए शरीर को भी सकुचित कर लिया। 7. कृपा पूर्वक सुन्दर पुत्र होने का वर दो। 8. आँखों में जल भर आया और अश्रु गिरने लगे। 9. जिसके सुन्दर ज्ञान रूपी सिंह के सम्मुख मोहादि मृग के समान हैं। 10. नम्रता पूर्वक।

सिम ही गुरू के पाइ सेवित विताइ वैस, ग्राम गुरू धाम को संभार कार तिन की। महां समरत्य है, जि हाथ धरे मत्य है1, सकत दुख लत्य है, विहाइ चिंत मन की। पुरवै मनोरथ प्रसंन होहि जाही पर, बांछत को देहि, लाज राख है शरन की। चित में अचल है, बिसाल धी² प्रवल है, टह्लि³ ता सफल है अटलता वचन की ।। १९।। ऐसे निज दास की प्रसंसा को प्रकाश कीनि गंगा सुनि लीनि आसा धारी उर नंद की । बाक पै बिसास करि राति को निवास करि उद्यो 4 सपतासु 5 त्यारी करी जान ब्रिंद की । स्यंदन तुरंग जोरि⁶ सुंदर सजाइ रंग, कलस उतंग चामीकर⁷ दृति दंद⁸ की। गाजै मंद नीरधर शबद गंभीर भयो बारता सकल करें आनंद विलंद की ॥ २०॥ दासी ब्रिंद सिक्खनी बहिल पै अरूढ़ि चली मानव की भीर संग गमने सू राह को। मधुर सनिगध, विसद है बरन जिस लीनो पकवान हेत खान चित चाह को। जो भरे बाहन खुले है¹⁰ बह दिन खरे, चंचल चलाकी करें देति उतसाह को। बिद्ध को सथान नेरे रह्यो तिव प्रेरे पंथ, भाजे घंट बाजे, छवि छाजे गुभ बाह¹¹ को ।। २१ ।। पीछे ते बहिल ब्रिंद बल को बिलंद करें सगरी धवाई¹² धर चढ़ी असमान मैं। घंगरू धमके, घोरे पैर को बजते, नेमी¹³ शबद उठते, जान¹⁴ दौरति पयान मैं। शोर उठे जोर, खग्ग उड्डे चहुं ओर धाए वन ते पलाए स्रिग वासि तिस थान मैं। कोऊ ब्रिध पासि तांसो पूछ्यो 'एह कौन आवै? जीव भए व्याकुल विसाल ही भयान मैं॥ २२॥ तां ने पहिचान करि, बुड्ढे सों बखान करि, 'गुरू के पयान करि आवें इत ओर को। नरिन की भीर संग, स्यंदन तुरंग लगे, भाजे ते शवद होति, सकट सु जोर को'। बैन श्रीन धारे ते उचारे ब्रिध तांसो फेर रामदास पुरे किन कीनो अस शोर को। भाजर¹⁵ को पाॾ समुदाइ नर ल्याइ साथ चले किस थान को उठाइ घोर को ।। २३ ।। ऐसे कहि देखन लगे हैं पुन तांही ओर इतने मैं नेरे आइ त्यागे सभि यान को। गंगा संग दासी लीनि दासन को आगे कीनि नमो पाइ ठानि¹⁶, आगे धर्यो पकवान को । सिंहज सुभाइ ब्रिध बाक को सुनाइ कह्यों 'कैसे आई मात करि भाजर महान को ? सुने कंपमान भई पौन लगे केला जिम सूक्यो मुख, बोली नहीं, महां त्रास मान को ॥ २४ ॥ दासी बोली हाथ जोरि, 'सितगुरू इत ओर. आग्या दै कै पठी, सुत लोरै तुम बैन ते। सिक्खन मैं मुक्खि, गूरू नानक को देख्यो आप, गुन मैं महान हो, समान आन है न ते।

^{1.} जिसके सिर पर हाथ रख देते हैं। 2. बुद्धि। 3 सेवा। 4. उदित हुआ। 5. सूर्य, सप्ताख। 6. रथ-घोड़े जोड़कर। 7. ऊँचे स्वर्ण कलश। 8. दोनों की शोभा। 9. बहलियों (बैल गाड़ियों) पर चढ़कर चलीं। 10. घोड़े। 11. वाहन। 12. दौड़ाईं। 13. पहिए। 14. यान, वाहन। 15. भगदड़। 16. चरणों में प्रणाम कर। CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

घाली बडी घाल भए वैस मैं विसाल अबि संकट कराल के कटैपा देखि नैन ते1। हुजीए क्रिपाल बर दीजीए निहाल करि, जानै मात बैठी पद वंदै मन दैन ते² ॥ २५ ॥ वुड़ है श्रौन सुनि के जबाब दीन भनि के, तनूज कहां मोहि ढिग, घाही गुरधाम को । राखा रहौं बीड 4 को, शकति मो मैं कहां अस, सेवक सदा के करें काम अभिराम को। आप गुरू पुरत हैं पुरति मनोरथिन, नाचित हजारों दास लेहि तिन नाम को। कोस होहि सैंकरे अराधे जन भे धरे, सहाइ जाइकै करें, विदारें रिपू बाम को ।। २६ ॥ मौन पुन धारी सुनि गंगा यो निरास भई, मन मैं उदास बह संकट को पाइ कै। दासी दास ब्रिंद जान सगरे बिमन भए, बोलति न बैन दीनो हरख मिटाइ कै। नमो ठानि ठानि कै उठे हैं चढि जान पै सु पंथ प्रसथान कै बिसाल चिंत पाइ कै। प्रिथीए को बाक होइ साची सभि-जान्यो मन-उपजै न नंद, चले जाति मुरझाइ कै।। २७।। आइ गए रामदास पुरि मैं, उतर बरे सदन, गरू जी देखे, बंदना को धारि करि। कोमल कमल कुमलायो सो बदन हेरि, पूछी, 'सूत-कामना को पाई चिंत टार करि? कैसे तू बिमन ? नहीं आनंद समेत मन, बारता को भनि, जिम आई तहां कार करि'। लोचन मैं बारि भरि. ऊचे बड स्वास भरि, बारता वताई मुख बाक को उचारि करि।। २८।। 'सुनो प्रभु ! रावर के प्रेरे हम गए तहां बंदन को ठानि कीन आगे अरदास को । आतमज रह्यो कित, दीनसि अहित महां 5-भाजर परैगी पूरि संकट प्रकाश-को । ऐसी बिपरीत भई चिंता बड चीत भई. आई भयभीत भई आपने अवास को। कलपतरू पै जिम जाइ को जतन करि. पाइ न पदारथ गवाइ बित पास को⁸।। २५ ॥ बूझी गुरू गवनी तैं कौन से समाज संग, कैसे भाउ कीन, भेट दीन कौन जाइ करि' ?। गंगा ने उचारी 'चिंढ रथ असवारी गई, गाडी बह संग लैके, जन समुदाइ करि। मधुर सनिगध प्रसादि को अगारी धर्यों, भन्यो है मनोरथ स दासी ने सुनाइ करि। तिनों ने टलाइ करि⁷, स्नाप को अलाइ करि, सभै विसमाइ करि, त्रास उपजाइ करि ।। ३० ।।

सवैया

श्री गुरु अरजन सुनि करि पुन किह, सिच्छा⁸ दई सुमत बिसतारि । 'पूरन पुरखर के ढिग जानो डिंभ⁹ न कीजै कछू विचार।

^{1.} अपनी कृपा-दृष्टि से ही महान् संकटों को काट देने वाले हो। 2. मन की दीनता से। 3. मैं तो गुरु-घर का घसियारा हूं, मेरे पास पुत्र (अर्थात् पुत्र के वरदान की शक्ति) कहाँ ? 4. जंगल। 5. पुत्र का वरदान तो कहाँ, अहित का अभिशाप मिला। 6. मेरी ऐसी दशा हुई जैसे कोई यत्नपूर्वक कल्पतरु के पास पहुँच कर भी मनोबांछित फल प्राप्त न कर सके, वरन् गाँठ का धन भी खो बैठे। 7. उन्होंने टाल दिया। 8. शिक्षा। 9. पाखंड।

होइ दीन हंकार निवारहु, विनती कीजहि आप उचार। नहीं जनावन आपा करी अहि, वचन धूरि के वन अनुहार*॥ ३१॥ दोहरा

इत्यादि शुभ मित कही सुनि गंगा पछुताइ। बिना बिचारे मैं कर्यो तिस को फल दुख पाइ।। ३२।।

इति श्री गुर प्रताप सूरज ग्रिन्थे वितिय रासे 'बुड्ढे निकट गमन प्रसंग वरननं नाम दुतीओ अंसु ॥ २ ॥

अंशु ३ भाई बुड्ढे ते वर लेने प्रसंग

दोहरा

नीच बिलोचन करि रही सोचित सोच विसाल। कितिक देर महिं धीर धरि बोली नंम्रत नाल ॥१॥

सबैया छंद

'श्री जग गुर सरबग्य सदा उर सकल शकति महिं पूरन भर। चहहु करहु नींह विजम लगिह प्रभु ! सिभ देशन मींह सिभिनि हदूर। कर्राहं अराधन पहुंचह ततिष्ठिन, शरधाल की इच्छा परि 1 । लाखहं के काजन कहु करिता, बहु इम कहिंह, न हौं किह कूर ।। २ ।। ब्रिध ने सुजस आपको उचर्यो-जगु जाचक सो देवन हार। जद्दय्पि समरथ सभि विधि इम हो तद्दपि आग्या कीनि उचारि। तिन ते बर लिहु पुत्र चहति जो-सो मुझ ते हुइ सकी न कार। बिगर्यो आप सुधारन करीअहि शुभ सीछा2 दिह, मैं अनुसारि।। ३।। बुड पुरषन की सेवा करनी इस महिं चहीऐ वृधि अधिकाइ। बंसु बिभूखन, पूखन समसर³ सृति हुइ, अस मति दिहु सिखराइ। तिम भ्रवि कीजिह, हेर प्रसीजिह 4 , शुभ बर लीजिंह चिंत बिलाइ। बखशहु भूल लखहु अनक्ली, लहीं मूल सुख धूली पाइ'।। ४।। इम हुइ दीन गुरु जब बूझे शुभ मित देति भए ततकाल। 'जाट सिक्ख पुन इंद्रैं जित है 5 , तिह सेवह अपने कर नालि। धरहु प्रेम आपा न जनावह 6 , करहु कार उठि भोर विसाल। प्रथम शनानहु, पुन क्रित ठानहु, अंन सुधारहु शुभ तिसकाल ॥ ५॥

^{1.} आराधना करने वाले श्रद्धालु की इच्छा तत्क्षण पूर्ण करते हो । 2. शिक्षा । 3. सूर्य सदृश । 4. देखते ही पसीज उठें । 5. एक तो वे जाट-जिमीदार हैं हैं, दूसरे इन्द्रियजित हैं । 6. अहंकार न प्रकट करो ।

श्ररध चणक गोधूम मिलावहु¹, पीसहु आपे लेहु पका**इ**। मोट रोटका लवण अमेजी 2 , तिह ऊपर बहु ब्रित को पोइ। दिध मथी अहि थोरा जल पावहु, संघनी छाछ, तनक तुरशाइ³। धूप देहु लिहु बासन पाई, दुइ त्रै गठे⁴ सथूल मंगाइ।। ६।। पाइनि नगन उपाइन अस लिहु, निज सिर धरि गमनहु तिस पास। तिज गिनती बिनती को मनीअहि हुई किपाल तिव सिभ गुन रासि। देहिं सु बर को इच्छा पुरहिं, लखहु निसंसै लिहु सुत आसि⁵ । अति उत्तम होइ बली बिलंदहि सेवहि जितिक वनहि समदास⁶।। ७। सुनि अनंद किय, मनहु नंद भा⁷ नीठ नीठ⁸ निस कीनि वितीत । जाग्रत रही चौंप 9 अति उपजी अंम्रित वेला 10 मज्जन कीति। सुंदर अंन सुधार्यो रुचि करि, पीसन लगी आप उठि प्रीति। दासी जाचि रही बहुतेरी, तरज तरज बरजी दिढचीत 11 ।। 5।। आपिह करी पकावन घ्रित जुत, पंचन को प्रशादि करि त्यार। छाछ धूप दे संघनी स्वादल, गठे सहत निज सिर पर धारि। चरन नगन गमनी जिब मारग, दासी दोइक चली पिछारि। अपर वरज करि सरव हटाए, तऊ दूरि हुइ गमने लार 12 ॥ ९॥ भयो श्रम्म गमनी जिब मारग, तऊ न ल्यावित भी मन मांहि। सीस उठायों दुखित भयो बहु गिनहि नहीं चित चौंप सु तांहि। महिमा सिक्खन की बड परखित धरिह भाव गुर सेवक मांहि। कौन वसत् है दूलभ तिनह कहु धंन पुरखु सभि विखै कहाहि।। १०॥ पहुंची जाइ सू बीच बीड़ 13 के आगे ब्रिध 14 सो छुधित बिसाल 15 । तिस् निस् नहिं भोजन को कीनसि अधिक विखत¹⁶ बैठ्यो तिस काल। जबिह गंग को आवित देख्यो तति छन उठ्यो प्रीति के नाल। 'धंन मात हो ! उचित सदन गुरु, मम कारन आई पग नालि ॥ ११ ॥ डोरे सयंदन जोग गमन हित पुन ल्याई सिरि भार उठाइ। क्यों न आस पूरन हुइ तेरी, सिभ ते बजो, बहुर इमु आइ।

^{1.} आधे चने और आधे गेहूँ मिलाओ। 2. नमक-मिश्रित। 3. थोड़ी खट्टी। 4. प्याज । 5. आशीर्वाद, वरदान। 6. उत्तम, बलवान तथा ऊँचे स्तर के भी सब लोग दासों के समान उसकी सेवा करेंगे। 7. ऐसी प्रसन्नता हुई जैसा पुत्र ही हो गया हो। 8. ज्यों-त्यों। 9. चाव, लग्न। 10. उषा-काल। 11. तरह तरह से दृढ़-चित्त होकर उन्हें मना किया। 12. पीछे चलीं। 13. रक्षित वन। 14. बाबा बुड्ढा। 15. बहुत भखा। 16 प्यासा। СС-0. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

किस प्रकार हंकार न कीनिस, मन नीवे बनि, प्रेम वढाइ'। इम कहि मिलयो, उतार्यो सिर ते, मात जोरि कर नमी कराइ।। १२।। मोटि रोटिका गट्ठे संग करि ब्रिध तबि स्वादल करि करि खाइ। पानि छाछ करि कवर¹ पाइ मुख, रुचि करि भोजन-रह्यो अवाइ। 'सूत को छुधति जननि जबि जानति सभि तजि करि तिस कौ तिपताइ²। तिमि हे माता । मुहि तिपताइस छुधित तिखित लिखि कै सहिसाइ' ॥ १३ ॥ गंगा सुनि करि बिनै बिखानी सुकचित दीन-मना कर जोरि। 'गादी को मालिक शुभ बखशहु शरिन परी दासी मैं तोर। श्री नानक के दरशन करता सेवति भे गुर चरन निहोरि। तमरे समसर अपर न लखीअति संकट अधकार के भोर³।। १४।। भई अवग्या छिमहु गुरू सिख, सेव करन ते मैं अनजान। केवल बड़े प्रेम को हेर्राहं नहि कछु भूखे खान रू⁴ पानं। कहित सुनित इम त्रिपत्यो ब्रिध तिब करि के चुरी पखारे पान⁵। तिस छिन बह्यो बायु बहु बल सों जलधर गर्जयो गगन महान ॥ १५ ॥ ति इता लशकति तेज अधिक धरि दसहु दिशनि महिं कीन प्रकास। मनहं मेघ है सुभट महाबलि, छटा खड़ग थरकावति पास⁶। जन हेरित ब्रिध को तबि प्रेरित—बरको देहु पूरी अहिआस⁷—। पिखि⁸ लच्छन बिसमत हुइ हरख्यो हुइ है नंदन बल की रासि'॥ १६॥ बोल्यो बड उतसाह बढावित 'धंन मात! आवन भा तोहि। बली विसाल खड़ग खर कर धरि मुगलन मार गृह बड होहि। गादी तजिह तखत पर बैठिह अस लच्छन दीखित हैं मोहि। रण प्रिय, रण घमसान मचावहि, दुषट व खपावहि करि कै कोहि ।। १७॥ जथा स् कंदक¹⁰ मैं अबि फोरे तिम मुगलन के फोरहि सीस। जिम खुध्यारयु मुझि त्रिपताइस तिम तूं त्रिपतिह आस ज थीस11। पीरी अरु मीरी जुग धारिह नाम सु हरि गोविंद जगदीश। जोद्या प्रगटिह सदन तुमारे जीतिह अनगन शत्रु महीश ॥ १८ ॥

11. जो आशा होगी । CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

^{1.} ग्रास । 2. जैसे पुत्र को भूखा जानकर माता सब काम छोड़कर पहले उसे तृष्त करती है। 3. संकट रूपी अन्धेरी रावि को दूर करने वाले भोर के उजाले । 4. अरु, और । 5. कुल्ला करके हाथ धोए । 6. दामिनी रूपी खड्ग चमकाता है। 7. प्रतीत होता था कि वह (बादल रूपी वीर योद्धा) बाबा बुड्ढा को देखता हुआ प्रेरित कर रहा था कि माता गंगा को वर देकर उसकी आशा पूरी करो । 8. देखकर । 9. क्रोध : 10. प्याज ।

सुनहु मात तें सुजसु लियो वहु जनम्यो राम कौशल्या जैस। श्री घनश्याम देवकी जाए तेरे भाग भए अवि तैस। यितशौ पुंनिन को फल प्रगटिह सुंदर रूप सरव ही वैस। भंग बिलंद सभिनि ते होविह, वल की समता होइ न हैसु'।। १९।। सोलहि सै इकवंजा संमत मास असौज इकीसव जानि¹। बुड्ढे बाक वखान्यो तिस दिन सुनित श्रोन भा अनंद महान। धंन धंन सतिगुर के सिख तुम सेवति वांछिति देवति दान। करि बंदन पुनि पुनि कर बंदति हरखति उर घर कीनि पयान ।। २०।। तति छन मिले दास गन दासी विगसित वदन देखि सुखं मानि। 'कहहु मात बाछिति अबि पायहु सेवे भली भांति हित ठान' ? सिम को धीरज दे कहि म्रिदु बच, आई रामदासपुरि थान। सिभिनि गुरू कहु ध्यान धारि करि नमहि चरन करि विनै वखानि ।। २१ ।। जिस दिन मात गंग वर लीनिस तिस दिन सुत चाहित सो जाइ। तस प्रशादि कर तिह थल पहुंचिह उर मैं ब्रिध को ध्यान धराइ। करि अरदासि अहार सु बंटिह, निज कर ते सिभ सेव कराइ। नंदन बांछित नंदन पावहि, अवलौ फलदाइक वहि थाइ² ॥ २२ ॥ ग्रिह लग आवित गंगा पग सों थकित भई वहु स्रिदुल सरीर। असन³ खान पूनि कीनिस कुछ नहिं, सुके अधरन पीनो नीर। चरन अरुन अति रुधिर चुवित जनु लपटी घूर अंगु अरु चीर। छुधित त्रिखित पुनि श्रम बहु होवा तऊ प्रेम ते तजी न धीर ॥ २३ ॥ सरव आरवल सख सों वीती नहीं विसादि भयो कवि कोइ। गमन पंथ को क्यों किब कीनिस, यांते अधिक थकति भई सोइ। नीठ नीठ घर आनि पहूंची पाइ सु बांछति हरखति होइ। कछ खेद को गिनति नहीं मन चिरंकाल की चिंता खोइ।। २४।। उशन उदक कर चरन पखारे दासी ब्रिंद करहिं सिभ सेव। त्तिबलौ संध्या भी 'रिव असत्यों कहति भई 'भोजन लिह जेव'। 'पति दरशन करि असन अचौंगी करित उडीकन बैठी एव'। सुनि सुनि सदन अनंद मन ठानहि इतने महि आए गुरुदेव।। २५।। थित प्रयंक पर सतगुर होए पुन प्रसंग पूछ्यो 'किम कीन ?' भनी बारता सरव छोर ते 'पुत्त खड़ग धारी बर दीनि।

^{1.} आध्वन बदी २१, संवत् १६५१। 2. अत्र तक वह स्थान पुत्र-दाता है।
3. भोजन।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

सेव बिलोकि प्रसंन भए अति अधिक अधिक कि बाक प्रवीन ।
पीरी पीरी बरतिह दोनहुं डील बिलंद, सबल हुइ पीन । २६॥
किपा आप की ते बर पाइस, औचक भए शगुन शुभ आइ।
गरज्यो घन अरु चमकी तिहता तिन को देखि ब्रिद्ध हरखाइ।
बैठिह तखत, महद हुइ जोधा रण प्रिय, हनिहं रिपुनि समुदाइ।
गुण बिशाल, निजबंस ब्रिधाविह, गुर घर मिंह अससुत उपजाइ । २७॥
सुनति प्रसंग भए गुर अरजन मिहमा संतिन करींह उचार।
'शुषक सथल जल पल मिंह पूरें, पूरन शुषक करींह इक बार।
रंक राव ते, राव रंक ते, म्रितु जीवाइं जिवित दें मारि।
अचल चलाविंह, चलित थिराविंह, बाक अमिट हैं, प्रगट संसार।। २८॥
अंत संत को कोइ न पाविह, सुर नर असुर जाित सिभ हािर।
संत हुकम को फेर न सार्कांह, सगरे सादर लें सिर धार।
बुड्ढा साहिब तपकी मूरित, आतम ग्यानी गुन गनसार ।

दोहरा

इत्यादिक गुन ब्रिद्ध के बरने श्रीमुख आप।
सुनि गंगा बंदन करी धंन सिक्ख निषपाप।। ३०।।
जनम दारिदी घर बिखै कलप तरु जिम पाइ।
तिम प्रसंन गंगा भई चिंता सकल मिटाइ।। ३१।।

सोरठा

पित को असन अचाइ परम प्रेम बैठी निकटि।
पुन आपित मुखि पाइ चित चिंता काटी बिकट।। ३२॥
तिस मिंह आनंद मानि, सुपित जथा सुख ह्वै रहे।
तिन पद बंदन ठानि, किंव संतोख सिंह गुन कहे।। ३३॥

इति श्री गुर प्रताप सूरज ग्रंथे वितिय रासे भाई बुड्ढे ते वर लेन प्रसंग बरनने नाम वितियो अंशु ।। ३ ।।

^{1,} शक्तिशाली, बलवान्। 2. अत्यधिक श्रेष्ठ गुणों वाले। 3. दु:ख-दरिद्र का द्वंद्र दूर करता है।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

अंशु ४ श्री हरि गोविंद जनम प्रसंग

दोहरा श्री अरजन उर गंग जुत परम प्रसन्न सु होइ। चहति पुत्र वड तेज मय जिह सम दुती न कोइ।। १।। कबिरु

ब्रिद्ध बर पाइ गंग गरभ धर्यो है तबि दंपति अनंद भए, दासी अर दासगन। और हितकारी सु प्रसंन भए भारी सुनि-गुरु अवतारी प्रगटेगो जिन जास गन्।। होइगी वधाई, हम बांछित को पाई, तिब लहैंगे दरसु करें पूरन की आस गन²। बढ़ैंगे बिलासु गन हेरेंगे प्रकाश गन, शत्रु ह्वें उदास गन, लहैंगे बिनाश गन।। २।। संतन की महिमा अनंत ही बिचारैं चित, सम भगवंत के, मिलैंगे अंत तांहि सों । गुरू अरजन उर धार्यो जो उचार्यो स्नाप तांको सत्त होनि वनै, हीन फल नांहि सो। पुत्र ते प्रथम भन्यो, प्रथम ही भोग्यो जाइ, जोगता इही है: दुख सुख सेवैं चाहि सो। बचन अमिट्ट है, उपाइ ते न हट्ट है, अनेक ही पलट्टि है, न मिटै लटकाहि सो 1 ।। ३ ।। इतने में सुधि सुनि सुलही को आगमन, बाहनी सहंस्र पंच संग भट भीर की। प्रिथीआ को मीत, तां पै पत्रिका पठाइ नीति, 'हमको अनीत भई, रीति न गहीर की⁵। जेठों मैं सु वैठो रह्यो, लघु ने इकैठों धन लीनि गुरिआई न सहाइ तोहि बीर की । ऐसे सुनि आयो संग अधिक समाज ल्यायो, जेन केन रीति लीनि आग्या जहांगीर की ॥ ४ ॥ कीनसि खुटाई गुरु अरजन वांधि लेऊं, रामदास पुरा लुटि, देऊं मैं सजाइ को। मीत पर करों उपकार को सिधारि करि--आयो रिस धारि कै लै अनी समुदाइ को। सारों भेव सुन्यों गुरदेव समो जानि लेव—आइ, अहंमेव जुत जमन कुदाई सों ⁷। होइ फल स्नाप को अवास तर्जें आपको समेत ह्वै संताप, परै भाजर सथाइ सो ।। ५ ॥ घर को समाज लादि, नरिन विसाद भयो, चले गुरू अरजन, वास धरि सैन को। नगर के संग नर चले हैं दुखति उर, प्रिथीए को गारि देति, सूने करि ऐन को ।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

^{1.} जिसका यश होगा। 2. सबकी। 3. अन्तत: उसी प्रभु से मिलेंगे। 4. विलम्ब करने से भी वे मिटते नहीं। 5. बड़े लोगों के लिए यह अनुचित है। 6. तुम्हारे वीरत्व की भी सहायता न मिली। 7. अहंकार-पूर्ण यवन खोटी नियत से चढ़ आया है। 8. घरों को सूना करके।

ग्राम है वडाली तहां जाइके प्रवेश भए, बसे हैं अशेष, कीन सैन जाइ रैन को।
गुरू गुन गावें, सितनाम सिभ ध्यावें, सिख संग सुख पावें, यौं ग्रलावें 'हमें भैन को'।। ६।।
'सुलहीजमन आयो' प्रिथीए ने सुनि पायो, 'संग चमू ल्यायो, भयो हेत मेरे आवनों।
शात्रु है सहोदर सुत्याग गयो घर अबि, जाइ मिलौं आगें करौं तिसें हरखावनो।
आवें रामदास पुरि खेचल करैंगो बहु², यांते रोकों जाइ, भयो काज मन भावनो।
कर्यों तिब जावनो पदारथ सुहावनो लै, होइ गरबावनो बिसाल चितचावनो।। ७।।
मिल्यो जाइ आगे, देखि दोऊ अनुरागे मन, गरे संग लागे, पुन वैठे मुसकाइ करि।
जावत³ के हेत घन दीनो हित कीनो बहु, 'आए हो करम घरि⁴ मीत सुखदाइ करि'।
सुलही भनित 'मैन लेवों घन, अनवन देनो बनै गुरू तुम मानै जग भाइ करि।
बांछित को पाइकरि, सीस को निवाइ करिभेटिन चढाइ करि, वनैं सिख आइ करि'।। ५।।

सवैया

प्रिथीआ सुलही सों भनै 'सुनि, मीत गुरू घर को इह जानि प्रसादू। धन देश के हेत⁵ दयो तुम को, लिहु आप, करो हमरो अहिलादू। विसवास विसाल अहै तुमरे पर, देख सको नहिं मोर बिसादू। बल संग सहाइक हो रिपु घाइक को न सकै करि मो सों बिबादू॥ ९॥

कबित्त

सुलही सलाहै 'तुम सखा हो बिसाल मेरे तेरी सुधि सुनि कै चढ़ाई करि आइऊं। वंधों गुरू अरजन, लेहुं मैं पकरि करि, रामदास नगरी को सगरी लुटाइऊं। तोहि सों मिलाप करि, अधिक प्रताप करि, रिपुनि संताप करि, शाहू पास जाइऊं। सिभ को सुनाइऊं, गुरू तुमिंह बनाइऊं, सखा को सुखदाइऊ विसाल जस पाइऊं'।। १०।। प्रिथीए बखानी 'साध साधि प्रीति ठानी, शुभ कीरित महानी जग भई सखा दोइकी। आगमन तेरो सुनि गयो है पलाइ रिपु पुरी को उजाह कियो, वसतू न कोइ की। महां सुमरत्थ तुम नाम लीए काम होहि, आप चिलआए पुनि चिता किस लोइ की । कित कित कीनि सिभ काज को सुधार दीनि, मो पै उपकार कीनि, रीति तहतोइ की । ११।।

सवैया

मैं अबि लोक बुलाइ मिलाइ कै फेर पुरी को बनाइ बसाऊं। जे उजरे उजरे सो रहो, पुनि आइब सैं तिब मैं नहटाऊं। आप पयान करो घर को सुख होहि तुमैं इमुनीत मनाऊं। शाहु सों मेल रहो नित बाढित चौगन काम असीस मैं गाऊ।। १२।।

कवित्त

सुलही सु लही सुधि महां दुरबुद्धी कूर आनंद बिलंद ते बदन मुसकाइ करि। गयो भाज जानि देहु, काहे तिस नाम लेहु, राखो निज गेह सिभ नगरी बसाइ करि। फोर वसै आइ करि बैर को लगाइ करि, आप पुजवाइ करि धन समुदाइ करि। दीजै मो सुनाइ करि. आवों पंथ धाइ करि, तिब ही गहाइ करि देवौं मरवाइ करि'।।१३।। ऐसे किह धीर दीन मिले दोऊ बीर सम प्रिथीआ प्रसंन भयो निज धाम आइऊ। सुलही विताइ निसि और काम हेत गयो, हुतो पातिशाहि को सु नीको सुधराइऊ। फेर दिल्ली पुरि को पयानो कीन मंद मित बाहनी समीप ते अधिक परवाइऊ। चाहौं चित करौं सोइ, आगे नांही अरै कोइ, माने तुरकेशु वैन, मैं जथा अलाइऊं²।। १४।। रामदास पुरी मैं प्रिथीआ रह्यो धामकरि थोरी कुछ भेट आवै तप्यो रहै रात दिन। लालसा दरव की-सरव मोहि पूजै आइ बाढै बडिआई-पिता समता को चाहै मन । संगतां अनुज पास जातिको बिलोकै सुनै त्यों त्यों वर्ढ कोधयुत ईरखा को बोधिबन³। जैसे पटबीजनो⁴ चहति रिव बीजनो⁵ न जानै तेज छीजनो विसालता जनाइ जनु॥ १**५**॥ पतिशाह पंचम प्रयंच को न रंच जानै कि सूधो ई सुभाव रहे ग्राम तिस जाइ करि। पर उपकार हेत धारन सरीर कर्यो जहाँ रहैं तहां चहैं हित समुदाइ नर। प्रव कराए धाम बासिवे को अभिराम, जेते मैं सुखेन बसैं तेतो कीनि थाइं वर। गए संग लोक जेई वसें करि ओक⁷ तेई, गुरु की शरंन मैं अशोक सुख पाइ उर ॥ १६ ॥ प्न लगवायो कृप महिमा अनूप मनी, नाम है छिहरटा अजी सु लग जानीयहि। मज्जन जो कर नर, पापन सो परहरि जोग ह्वं सुरग के सगल सुखदानीअहि। मास मास प्रति इशनानै इस थान आनि नंदन अनंद लिह नारी दुख हानीअहि⁸। बांछित अपर⁹ लहै, दोषनु को दहै नर, सितगुरु शरधा बिलंद होइ मानीअहि ॥ १७ ॥ कबित्त

आए देश देश ते विशेष ले उपाइन को बूझि बूझि जात है वडाली गुर पास को।
ग्रिनिक पदारथ सकारथे करित नर अरपै चरन तीर, बोलें अरदासको।
भीर भई रहै इक आवित है जाति कोई, सेवा को कमावै कोई हेरि सुखरास को ।
करते कराहु वहु बरते उमाह होति हरते उपाधि गन, धरते प्रकाश को।। १८।।
खुरासान, काबल, पिशौर, कशमीरपुरि, धंनी, घेप, लमेदेश आवैं दरसानि हित।
बलखबुखारा, मुलतान ते महांन नर संगति पहुचै आइ भेट अरपानि हित।

1. पृथीए की सुधि लेकर 12. मैंने जो वचन कहे वे तुरकेश (जहाँगीर) ने भी मान लिए। 3. तब-तब अविचार-पूर्ण ईर्ष्या तथा कोध बढ़ता। 4. जुगनू। 5. चाहता है कि (मैं भी) सूर्य समझा जाऊँ। 6. पंचम गुरु अर्जुन देव किंचित भी छल नहीं जानते। 7. घर। 8. स्त्रियाँ दु:ख-मुक्त होती हैं। 9. और भी। 10. सुख-राशि (गुरु अर्जुन देव) को देखकर।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

दूरि दूरि ते हदूर पूर कामना को रूर मुख देखते जरूर हरखान हित। सदा मुख मानि चित कोऊ रहें पास नित, सेवित सुजान थित लेनि रिदें ग्यान हित ॥ १९॥ दुशमन देखि देखि दाह होति दुखी बहु, जरी हूँ न जाइ खुनसाइं निंदु भाखते। बक के करम करें हंसिन की रीसि धरें उघर कपट जानें धन अभिलाख ते । बस न बसाइ ठाने अनिक उपाइ मूढ, झूठे ह्वं बिबाद ते महांन मन माखते । रिदें गोप राखते बिलंद बिषें कांखते बड्यों की सीम नाखते न सेवा विखं गाखते ।

सवैया

ग्राम वडाली बसै सुख सों नव मास तहां इस भांति बिताए। सिक्ख समृह की श्रेय करें सितनाम ररें लिव देति लगाए। मेलि रहै बहु संगत को, धनि ब्रिंद पदारथ भेट चढ़ाए। सो उपकार के कारन श्री गुर कूप ते आदिक दें बनवाए।। २१।। देग चलै दिन रैति निरंतर⁶, ब्रिंद मसंद ही कार गुजारैं। आप गुरु धन को न छुवैं कर सेवक आनि धरैं ज् अगारैं। लेहि संभार पदारथ जो सभि पै खरचैं जिम आप उचारैं। केवल हेत सभै उपकार के, हेरि व्रिलोक प्रसंस पसारैं।। २२।। मास चढ़यो दसमो ग्रभ को जबि होति भयो सु प्रस्त समो। धाइ⁷ जि स्यानी बुलाइ लई तिब, आनि असीस दी नंद जमो⁸। कोशठ अंतरि दीपक आठ दिपाइ धरे करि दूरि तमो। सौन⁹ सभै शुभ, वार निछ्लानि नौग्रिह आनि कै कीनि नमो ॥ २३॥ संमत सोलिह सै अरु बावन हाड़ इकीसवी को दिन सोऊ। जामनी आधि बितीति भई जिब, पुख्य निछत्र 10 समो तिब होऊ। और भले ग्रिह राज को जोग भा रूप मनोग सुवालक जोऊ। धाइनि सेवतिते जनम्यो सुनु¹¹ देखि अनंद करै सिभ कोऊ।। २४।।

दोहरा

आदितवार सु दिन महां थिति इकादशी जानि। सुकल पक्छ्य आषाड़ को प्रगटे गुरू महान¹²।। २५।।

^{1.} बगले के कर्म करते हैं। 2. हंसों की चाल चलते हैं। 3. अर्थ-लाभ की अभिलाषा का कपट प्रकट हो जाता है। 4. कोध करते। 5. सीमोल्लंघन करते हैं। 6. सेवा में संलग्न नहीं होते। 7. रात-दिन लंगर (सदाव्रत) चलता है। 8. धाय, दाई। 9. पुत्नोत्पत्ति हुई। 10. शकुन। 11. पुष्य नक्षत्र। 12. पुत्र। 13. रिववार, आषाढ़। शुक्ला एकादशी।

सवैया

चारू प्रकाश अवास भयो पिखि धाइन वे-विस ह्वं बिलहारू।
हारू उद्यो मन को जनु चंद विलंद सरूप शुभ सम मारू।
मारू रिपून को, सेवक तारक, मोहनी मूरित बृद्धि उदारु।
दारू सुदोष हुतासन भा वल प्राक्रम जा विथर दिस चारु।। २६॥
दीपक मंद बिलंदप्रकाशत, धाइ भई विसमे हरखावित।
बाल अनेक भए मम हाथ, नहीं इसके सम को दुति पावित।
सुंदर सूरित शोभते पूरित श्री मुख मंद मनो मुसकावित।
आपको पीर न मात को पीर, सधीर प्रसंनता भूर उपावित।। २७॥

कबित्त

बीजरी प्रकाश जिम, तेजको उजास तिम, लोचन को भास तिव गंग को सुनायो है। 'जनम्यो सपूत' सुनि धाइन ते पूत मना कलमखधूत के रिदा सु हिर खायो है। बिंद ताप तापते सु प्रेम के प्रताप ते सदीव नाम जापते मनों सु प्रभू पायो है। रंक नित ऐन ते कलपतर लैनि ते ज्यों, कौन भन बैन ते जितिक मोद छायो है।। २५॥ चाहै चिरकाल की जु कामना बिसाल की शरीकिन के साल की बिनासी चिंता मन की। कमल समान भी प्रफुल्लित महान तिब बानी सुखदानी सुनि जैसे मोर घन की। जेवर जराव मीन धाइ के सु हाथ दीनि, आनंद उदिध मीन रीति सखी जन की। २९॥ चीरन को देति है दरव कोई लेति है, सु दासी दौर दौर करें, कहैं ज्यों बचन की।। २९॥

दोहरा

अधिक महिद उतसाह को गंगा कीन अनंद। घर अंतरि सभि इसी विधि वखशी बखश विलंद।। ३०।। सदन विखे मेन्यो नहीं पूरन ह्वं ततकाल। निकस्यो वाहर उछर करि उतसव सुखद विसाल।। ३१॥

इति श्री गुर प्रताप सूरज ग्रंथे त्रितिय रासे श्री हिर गोविंद जनम प्रसंग बरननं नाम चतुरथो अंशु ॥ ४४ ॥

मन के हरण करने वाला।
 पावन, पाप जिसके निकट नृहीं आता।
 दु:ख।
 अानंद रूपी सागर में दास-दासी मछली-सी रीति निभा रहे हैं।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

अंशु ५

श्री हरि गोबिंद जन्म प्रसंग

दोहरा

इक दासी दौरित गई गुर अरजन जिसु थान। करित उडीकिन सुत जनम जागित किपा निधान॥१॥

सबैया छंद

सिमर्राहं अबिनाशी पुरषोतम 'सत्य नाम' श्री बदन उचार।
सुठ प्रयंक पर प्रभू बिराजिंह बैठे एकल बुद्धि उदार।
सुधि दीनिंस दासी किह बानी 'श्री गुर जनम्यो पुत्तर तुमार।
अति अनंद हुइ सदन अंदरे उतसव करित सरब ही नारिं।। २।।
सुत जनमिन को बैन श्रोनि सुनि श्री अरजन मन अनंद उदार।
हाथ बंद किर बंदन कीनिंस श्री परमेशुर ध्यान सु धारि।
उमग्यो प्रेम छेम को करता निस दिन बसै जु रिदै अगार।
जाम जामनी ते मज्जन बहुर बिराजै आसन डारि।। ३।।
सुत परथाइ सबद शुभ कीनहु, महांपुरख अवतार सुजान।
अनिक नरन पर पर उपकारी दैगो दुशटन दण्ड महान।
पीरी अरु मीरी कहु बरतिह नई रीति बिदताइ जहान।
पहिरहि शसत्र तखत पर बैठिह बंस बधाइ जुगनि लिंग माने।। ४।।

दोहरा

कुल भूखन दूखिन रिपुनि पूखन तेज प्रचंड²। तम दुशटन खे³ करनि को दे संघर⁴ महिं डंड ॥ ५॥

सोरठा

. रिदै अनंद बिलंद प्रभु मुकंद को प्रेम उर । शबद बदित सुखकंद आसा राग सु गाइ गुर ।। ६ ।।

^{1.} युग-युगान्तर तक ही समझो। 2. प्रचण्ड तेज वाला सूर्य। 3. क्षय। 4. युद्ध।

श्री मुखवाक

आसा महला ५

सित गुर साचै दीआ भेजि। चिर जीवन उपजिआ संजोगि। उदरै माहि आइ कीआ निवासु। माता कै मनि बहुतु बिगासु ॥ १ ॥ जंमिआ पूतु भगतु गोविंद का। प्रगटिआ सभ महि लिखिआ धुर का ।। रहाउ ।। दसी मासी हुकमि बालक जनमु लीआ। मिटिआ सोगु¹ महा अनंदु थीआ। गूरवाणी सखी अनंदु गावै। साचे साहिब के मिन भाव।। २।। बहु पीड़ी चाली 2 । वधी वेलि धरम कला हरि बंधि वहाली। मन चिदिआ3 सतिगृह दिवाइआ। अचित एक लिवलाइआ ॥ ३ ॥ जिउ बालकु पिता उपरि करे बहु माणु। बुलाइआ बोलै गुर कै भाणि। नाही बात। गुझी छंनी गुर नानकु तुठा कीनी दाति।। ४।। ७।। १०१।।

बिलावल महला ५

सगल अनंद कीआ परमेसरि अपगा विरदु समारिआ⁴।
साध जना होए किरपाला विगसै सिभ परवारिआ।। १।।
कारजु सितगुरि आपि सवारिआ।
वडी आरजा रि गोविंद की सूख मंगल किलआण बीचारिआ।। १।। रहाउ।।
वण विण विभवण हरिआ होए सगले जीअ साधारिआ।
मन इछे नानक फल पाए पूरन इछ पुजारिआ।। २।। ५।। २३।।
दोहरा

सतिगुर नानक दीन सुत चिरजीवी जग माहि। चित अपुत्र को शोक हरि⁵ मंगल अनंद उछाहि॥ ७॥

1. शोक। 2. परिवार बढ़ा और वंश चल निकला। 3. मनचाहा। 4. परमेश्वर ने अपने यश की लाज रखी। 5. पुत्र के न होने के शोक को मन से दूर कर। CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha धरम कला ते कुल चली मन चिद्या फल पाइ।
हुइ प्रसंन नानक गुरु, दात न छपै छपाइ।। ८।।
बुड्ढा साहिब साध जन किपा करी दिय नंद।
बडी बैस कल्याण जुति हुइ है हिर गोबिद।। ९।।

सवैया

आसा राग समें को लखि करि गायह शबद प्रेम प्रभु नाल। दती बिलावल मंगल सचक सबद बनायो अनद बिसाल। उतसव इम होवति शुभ हरखित भई प्रभाति उदयो अंसमाल। ग्राम समसत बिखै सुधिसुखदा मनहिं सुनहिं आविहं ततकाल ॥ १०॥ बंदनवार हरित दलफुलन अनिक बरन की रिच करि सोइ। श्री गुर घर दर पर बह बंधी लघदंदिभ मधरी धनि होइ। अबला लिलतकलित बर बसत्रनि जेबर जेव¹ अजाइब जोड । देति बधाई आपस महिं मिलि, बोलिंह हरख भरी सिभ कोइ।। ११।। म्रिग-द्रिग स्निग² ग्रीवा बर धारी विधु-बदनी करि करि शिंगार। कोकिल कंठी गार्वीह गीतिन, देति परसपर हसिहसि गार। देव बध्टी कपट वेस धरि मधुर मधुर सुर मगल चार। भई भीर को सिकय पछान न सुंदर मंदिर जुति विसतार।। १२।। गगन गोप हुइ सुर बर आए 3 गुर मंदर को चरचिंह चारु। मंजुल फूलनि, अंजुल भरि भरि, चंदन केसरि घसि घसि डारि। अनिक स्गंधिनि सींचिह रुचि करि, रिच रिच रुचिर क्सम विसतार4। धूप धुखावति, बंदन धारित, करित सतुति को वचन उचारि ॥ १३ ॥ भान ग्यान के शांत रूप बर, सति संतोख छिमा गुन ब्रिंद। श्री अरजन सिरजनि सुख दासनि महिमा महां चरन अरविंद। केवल नरन कल्यान कारने कांयां धरी सुछंद मुकंद। जनम्यो पुत्र आपके जोघा 'रण प्रिय नाम सु हरि गोविंद ।। १४ ।। दाहक दुशटनि. ग्राहक गुन को, चाहक धरम, सु बाहु जवान । शसत्र धर्राहं संग्राम करिंह बड, हर्नीहं तुरक को दल बलवान। दीनिन दासिन सहत उपासिन तिनको रच्छक होई महान। नहीं अरिनि को अरिन देहिंगे 5 , अरुन करिंह रन अरन समान 6 ।। १५।।

^{1.} शोभा । 2. माला । 3. गगन के देवता गोपनीय वेष में आए । 4. फूल विखराते हैं । 5. जो शत्रुओं को टिकने नहीं देंगे । 6. रण (भूमि) को सूर्य समान लाल करेंगे ।

नमसकार करि सुरग सिधारे, गुर के चरित उचारित जाति। कलजुग विखे प्रकाश पंथ को, सत्तिनाम सिमरिन अवदाति। वडे भाग नर अंगीकारहिं पार्वीहं मुकति रिदै करि शांति। जोग भोग महिं हरख सोग महिं सिमरिंह सदा हुकम प्रभु दाति ।। १६ ।। जाचिक जाचित जो चित बांछित गुर अरजन मन महद उदार। ढाढी , डोम, भाट बहु आए गाइं कलावंत मंगलचार। दरब दीनि ले आशिख² उचरति 'जीवहु जुग जुग पुत्त्र तुमार'। वसत्र अंन भूखन ते आदिक वखशहिं गुरु न लावें वार ।। १७ ।। त्रही ढोल नगारे बार्जीह, म्रिद्ल म्रिदंग रवाब सतार। गाविह शबद रबाबी रागिन सित्तनाम को जस विसतारि। भयो कुलाहल कौतक देखिंह पाविह नट वाजी हित धारि। अपर सिक्ख सेवक दे धन को लें मंगत जैकार उचार।। १८॥ कहिंलग कहों महिद³ उतसाह सभिहिनि रिदे अनंद बिलंद। चिरजीवो आशिष मुख भाखित चिरंकाल के चाहित नंद। पूरन आस किं गुरु नानक पिखह द्रिगनि ते नित सूखकंद। इम किह किह जाचक घर गमने श्री अरजन को मुजस भनंद ॥ १६॥ ग्राम वडाली घर घर मंगल करति हरख भरि गन नर नारि। जाम दिवस जिब चढ्यो अनंदति वुड्ढा साहिब संत उदार। ले गुरदास संग तबि आयह दरशन कारन गुर दरबार । उतसव अधिक कुलाहल होवति लघु दुंदिभ की धुनि सुनि चार ।। २० ॥ पत्र जनम गुर घर महिं होयहु सुनित अनंदति दरशन कीनि। हाथबंद पद वंदन करि कै वहर वधाई दई प्रजीन। चिरंजीव थीवह⁴ कूल भूखन, सुजस अदूखन⁵, बल महिं पीन। राज साज ऐश्वरज समाजू जोग भोग देइन सुख लीनि ।। २१ ॥ श्री अरजन ब्रिध को बड आदर म्रिदल बाक किह कीनि महान । श्री नानक के सेवक तुम हो, हरख शोक महिं ब्रिती समान। भसम बिखे पावक जिम छप रहि⁶, सकल कला जुति पूरन ग्यानि। बचन अमिट, दुख कटिह विकट जो धंन धंन तुम बड़े सुजान ॥ २२ ॥ गावरि बर प्रताप इह होवा, दीनिस दासी को सुखदान। जिस पर किपा करहु हित ठानहु, तिसके चार पदारथ पान⁷।

^{1.} प्रशस्ति-गायक । 2. आशीष, आशीर्वाद । 3. महत्, अत्यधिक । 4. हो । 5. अदूषित । 6. जैसे राख के नीचे आग छिपी रहती है । 7. हाथ ।

तप महि प्रीति तपह तप दीरघ, गूर सिख्यन महिं मुक्खि महान¹। तुमरी महिमा कौन सकहि कहि संत रूप परमेस्वर मान।। २३।। सुनि गुरदास गरु के बाकिन सनमानित बोल्यो करवंद। सत्य कहित सरबग्य प्रभू तुम पूरन सिभ गुन ग्यान बिलंद। पंच गरनि के दरशन परसे सेवा कीनसि लीनि अनद। सरब प्रसंन भए हैं इन पर अपर न जनीअति इनह मनिंद'।। २४।। इम बिध के गन बिद्ध भने तबि रहति भए श्री सतिगुर पास । रामदास परि महि सधि पहुंची गुर अरजन के पुत्र प्रकाश। सुंदर बसत्र बिभखन पहिरे नर नारिनि तिज अपन अवास। भेट जथोचित ले सिभ गमने चित सर्चौंप² उर धरे हलास ।। २५ ॥ ग्राम वडाली धाम गुरु के आनि प्रवेशे उतसव होति। भनति बधाइ, अरप उपाइन, पाइन परिंह अनंद उदोति। 'अधिक जतन ते नंदन उपज्यो, चिर जीवी हइ श्री गर जोति। चाहति सत चित चित उदधिवत असगंगा तिसके इह पोतं 3।। २६।। रामदास पूरि की सिभ नारी मिलि बालक अवलोकिन चाहि। तिस घर के दर पर ठांढी नमो कीनि उर बह उतसाहि। साहिबजादे को शुभ दरशन दिखरावह किंह प्रेम उमाहि। धाइ लयो सिस दोनह कर पर4 देखि देखि करि बलि बलि जाहि।। २७।। सिभ नारिनि सो गंग उचारित हे प्रियसखी सुनह मनलाइ। बुड्ढे साहिब दे हम को बर कर्यो निहाल भयो सुखदाइ। कुलभूखन सिभ घर को दीपक सुंदर सुत ऐसो अबि पाइ। हे सजनी ! इस रजनी ऊपर उमग उमग मन बिल बिल जाइ ।। २८ ।। करि दरशन सुंदर सिस केरा अधिक सराहति रूप बिसाल। ब्रिध के बर ते ब्रिद्ध होइ बय 5 आशिख देति प्रेम के नाल। गुरु देग को भोजन ग्रचि⁶ सभि रामदास पुरि के मग चालि । सुजस परसपर उचरिन हित धरि पहुँचे सदन नारि नर जाल ॥ २९॥ पुन स्री गुर संग बुड्ढा बोल्यो बालक दरशन दिहु दिखराइ। महिद लालसा मन महिं मेरे, मात गरभ ते भा चित चाइ।

^{1.} गुरु-सिक्खों (शिष्यों) में समादृत । 2. चाव-भरे । 3. जिसके चित्त में पुत्र-प्राप्ति की चाह सागर के समान थी, उस गंगा (माता) को जहाज समान (पुत्र) मिला; अर्थात् चिन्ता दूर हुई । 4. दोनों हाथों पर लेकर । 5. बुड्ढे के वर से पैदा होने वाले पुत्र की आयु भी दीर्घ होगी । 6. गुरु के लंगर से भोजन-प्रसाद पाकर ।

जिनके कारन भए शगुन शुभ पिखे अचानक मैं बिसमाइ। जिस हित जननी भई नंम्रिता अनिक जतन ते अबि सुत पाइ।। ३०।। श्री अरजन किंह घाइ हकारी लेहु ब्रिद्ध को संग सिधार। अंतर सदन दिखावह वारिक गुर नानक को नाम उचारि। अपर न डर करीअहि, हरखावह रच्छक जिसके श्री करतार। जिम उर कांखिंह, मुख ते भाखिंह रह इस आग्या के अनुसारि ॥ ३१ ॥ सनि ब्रिघ को ले संग सिधारी, अजर विठायह आसन डारि। गंगा को गुर हकम सुनायह हरखित हुइ करि लिह कर धारि। बालक तिन को मैं नित दासी कहैं सु करहु बिहीन बिचार। बुड्ढे साहिव को हम ते प्रिय1 दरसिंह निज करना फल चारु2 ।। ३२ ।। हाथन पर थिति करि संदर सिस घर के दर लौ ल्याई धाइ। देखति उठयो त्याग विध आसन दीरघ दरशन दिखि हरखाइ। लाल म्रिदुल पद मनह कोकनद उरघ उठावति जनु विखराइ। अंग बिलंद सकल गुभ लच्छन मच्छ अकार रेख कर पाइ³।। ३३॥ रेख छत्र की दाहन करमिंह चमरु रेख शोभित है बाम⁴। नख गन रक्त सुमिलि सभि अगुरी, व्रतलाकार बदन है बाम⁵। रुचिर चिकर मेचक लघु चिववन⁶, बड़े बिलोचन, बरनी बाम⁷। बालक बपु बिराजित श्री प्रभु बरनित बानी, ब्रह्मा, बाम⁸ ॥ ३४ ॥

दोहरा

बंदन करि दरसे गुरु, ब्रिघ के बध्यो अनंद। सभिनि सुनावित नाम किह शुभ श्री हरिगोविंद।। ३५॥ गुर अरजन ढिग आइकै आइसु ले हरखाइ। निज थल गमन्यो बीड़ को सत्यनाम लिवलाइ॥ ३६॥

इति श्री गुर प्रताप सूरज ग्रंथे त्रितिय रासे श्री हरि गोबिंद जनम' प्रसंग बरननं नाम पंचमो अंशु ॥ ५ ॥

बुड्ढे को तो, यह हमसे भी प्रिय है। 2. अपनी ही कृपा का सुन्दर फल।
 उ. हाथ और पैर में मछली के आकार की शुभ लक्षणी रेखाएँ हैं। 4. बाएं हाथ में चँवर रेखा सुशोभित है। 5. सुन्दर। 6. सुन्दर चिकने छोटे घुंवराले बाल। 7. विषम बरौनियाँ। 8. सरस्वती।

अंश् ६

श्री हरिगोबिंद जनम उतसव प्रसंग

दोहरा

निकट निकट जे ग्राम हैं सिभिनि सुनि सुधि कान। मंगत गन सगत तबहि देति बधाई आनि।। १।। सबैया छंड

नाचिंह हीज² गाइ सुख राचिंह, जाचिंह धन, माचिंह निज खेल³। ढोलक, टलका⁴ घुंघरू, ताली ताल मिलाइ, भवाली मेलि⁵। हाथिन भाव उसारित शारित⁶ वारित वथ्⁷, डारित वह बेल⁸। बैठित कबहुं अमैठित अंगन, भौह अमैठिति⁹, पैठित पेल¹⁰।। २।। होति प्रसंन हेरि गूर अरजन मन बांछित धन पाइ सू जाइं। इत्यादिक उतसव अति वरधति सेवक सिक्ख रहे हरखाइ। जिति किति पूरन मोद महां चित गाइ शबद पद गरु मनाइ। बहु नर नारि शिगार धारि करि मिले वडाली महि समुदाइ॥ ३॥ ग्राम अलप उतसव अति बरध्यो चहुं कोद वहु मोद विथार। ग्राम नगर महिं सूनि सिख सेवक मिलमिलि कर्राहं मंगलाचार। प्रिथीए की दासी सुनि धाई कीनसि करमो निकट उचार। 'गुर अरजन के जनम्यो नंदन जिंह किहं होइ रह्यो जैकार'।। ४।। गुर के ओक विहीन रोक के कीन बिलोकिन सो कींह वैन 11 । मंदर के अंदर सिस 12 सुंदर देखित रही न त्रिपते नैन। अधिक सराहित रिदा उमाहित चाहित चित हित ते विछरै न। होति अनंद बिलंद वडाली देनि लेनि बहु ह्वै तिन ऐन ।। ५ ।।

^{1.} भिखारी । 2. हीजड़े । 3. अपने खेल दिखाते हैं । 4. वंटियाँ । 5. घूम-घूम कर फेरियाँ लेते हुए । 6. हाथों द्वारा भावों को प्रकट करने के इशारे करते हैं । 7. धन न्योछावर करते हैं । 8. 'वेल' अर्थात् शुभ-कामना युक्त गीत गाते हैं । 9. भौहें चढ़ाते हैं । 10. धकेल कर । 11. गुरु-घर में (जिन्होंने) स्वतन्त्रतापूर्वक उसे देखा है, वे कहते हैं । 12. शिशु ।

वहु संगति उतसाहित गमनित सदन गुरु अरजन के जाइ। दिन प्रति अधिक प्रताप वधित तिन अनगन धन जस को उपजाइ। निकसे रामदास पुरि जिव ते भए न घट, ऐश्वरज बधाइ। तुमरे नर कुछ थोरे आवहिं तहां उपाइन बहुती आइ।। ६।। दलक्यो रिद¹ दासी ते सुनि करि मनहुं सरप ने डसी दुखंति। पीरी परी धीर उर हरिकरि हुइ भैंभीत-शरीक बधंति²। बह्यो जाति चित चिंता सलिता खान पान कुछ तनक करंति। दुरवलता अंगनि भई सगरे उशन सास बहु बार भरंति ॥ ७ ॥ भई राति पति आइ समीपी, मन संकट को भनति कराल। हे गुर सुत ! तुम बाक बखान्यो — श्री अरजन के होइ न बाल । अवि जनम्यो सुंदर सम चंदिह सगरी करींह सराहिन बाल। अधिक उपाइन चढ़िह दरव बहु तिन दे मंगित कए निहाल ।। ८ ॥ अनिक रीति के उतसव होवति वजिंह वधाइ अनंद विसाल। र्जीह किंह सुजस विथायों अपनो जनम लाभ लीनसि इस काल। वस्यो ग्राम सो, तुम वित के पुरि तऊ न समता भी तिस नाल3। वचन कूर4 पुन भए तुमारे मैं झुरति हेरति अस हाल ॥ ९॥ प्रिथीए भन्यो जथा सूत लीनसि गई ब्रिध हिंग नगन सु पाइ। देखि सेव तिसने वर दीनसि यांते पत्र लियो हरखाइ। मोहि बाक नींह झुठ विचारह अपर जतन ते क्योहं त पाइ। श्री नानक सेवक ने दीनहुं जिसको कोई न सकहि मिटाइ॥ १०॥ बडे पुरख निज सेवा हेर्रीह वसतु अदेय जु देति ऋषाल। जग गर नुखा⁵ पगनि ते गमनी बिन पनहीं⁶, सिर भार उठालि। सकल टहिल अपने कर कीनिस श्रमित भई हुइ बेद बिसाल। इस उपाइ ते नंदन प्रापित नांहि त मम बच सहै कराल ।। ११।। भयो पुत्र तो क्या अबि होयह रिदे हमारे सल्ल्य⁷ समान। नहीं उखारींह जावत इसको तावत उपजित करक⁸ महान। नींद निसा नींह भोजन दिन मींह चिता वधहि नई नित आनि। जतन बनहि जिम, चितवति रहु तिम कितिक दिवस महि करहि सु हान⁹ ॥ १२ ॥ ज्यों क्यों गुरता निज घर राखिंह इस हित ठानींह ग्रनिक उपाइ। जिब लो मात गोद मींह बालक तिब ली विया जाइ को घाइ।

^{1.} हृदय फट गया। 2. सम्बन्धियों को बढ़ते देख भयभीत हुई। 3. वह ग्राम में बसा है (गुरु अर्जुन) और तुम पिता की नगरी में हो, फिर भी उसके साथ कोई समता नहीं। 4. मिथ्या। 5. पत्नी। 6. जूता। 7. काँटा। 8. चुभन। 9. नाश।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

कुछ चतुराई सो करि पहंचहि करहि सु धातु घात को पाइ¹। अस इसती खोजित नित रहीअहि, देह दरव तिस लेहुं लुभाइ॥ १३॥ निज पुरि महिं हुइ सो तिंह पहुंचिह मिसि कुछ करिह रहिह तिनि धाम। कै तिसि ग्राम होहि बुलवावह करह लुभावनि दै करि दाम। के दासी तिसि रहे समीपी सो स्खेन ही करि है काम। खोजित रहह आज ते तैसी बालक हनिह मिलिह अस बाम ।। १४।। इम मसलत² करि हरखी करमो करम क्रुर महिं दुरमत धारि। अच्यो असन्3, बिसरामे निस महिंचित महिं चितवति अनिक प्रकार। जिंह किंह वृद्धि कीन बिसतारिन, खोजित मन किर तैसी नारि। भई प्रभात चिंत गलतानी प्रिय दासी को निकटि हकार 11 १५ ।। मन की ब्रिथा⁵ उचारिन कीनिस पूरि मिंह तै त्रिय ऐसी आनि। ले करि दरब काम इम ठानहिं श्री अरजन को नदन हानि। तिसकी नित गजरान कराविंह असन बसन दें सिभ सखदान। हित करि नित खोजित रह चित करि इह मेरो लखि काज महान ।। १६।। इम दासी करि गोप बात को सनैसनै⁶ बझति बहनारि। इति श्री अरजन अति उतसाहति मंगति के दो दरव अपार। सुनि सुनि दूरि दूरि ते आविह ले करि गमनिह सुजस उचार। बडे भाग जुत सुत शुभ जनम्यो जिंह किंह जिसते हुइ जैकार।। १७॥ अधिक प्रसंन होति सत हेरति बलिहारी हइ करति दुलार। स्ंघति मसतक⁷ परम प्रेम ते ब्रिध को लखिह महां उपकार। कीनि छठी को उतसव⁸ भारी सभि को दीनि कराह अहार⁹। बाजे दर पर बाजित हैं बहू सिख संगित सुख करींह उदार ॥ १८ ॥ दस दिन बीते पून उतसव भा मंगल कर्राह अनेक प्रकार। कुल की सगल रीति शुभ कीनसि जथा ब्रिधन के अगीकार¹⁰। लघु दुंदिभ की होति मधुर घुनि सुनि श्रोनिन ते अनद उदार। बर्जीह नफीरनि 11 , गाइं सबद विच, खरे लोक उचरें जैकार ॥ १९ ॥ आदि बिलावल सुंदर रागनि गाइं रवाबी प्रेम लगाइ। सुनि सुनि सिख सेवक के हिरदे द्रविह रीझ ही मोद बढाइ। बंखर्शाह बसत्र विभूखन बहु बिधि विरमत बैठहि उठ न सकाइं। 'धंन धंन गुरु धंन जनम सिस जिसते दस दिश जस पसराइ।। २०।।

^{1.} घात लगाकर जो चोट कर सके। 2. परामर्शोपरांत निर्णय। 3. भोजन ग्रहण किया। 4. बुलाकर। 5. व्यथा। 6. शनै: शनै:। 7. सिर सूँघना अर्थात् प्यार देना। 8. छठवें दिन का उत्सव। 9. हलवे का भोजन। 10. जैसी बुजुर्गों (पूर्वजों) की मर्यादा थी। 11. शहनाई।

वधित सरीर दूज ते जस सिस तिम तिम सुंदरता अधिकाइ। एक मास बीत्यो जिंव ऐसे करित दुलार मात बल जाइ। रात दिवस सुत को मुख देखिह नींह लोचन क्यों हूं विपताइ। बरबस निद्रा अधिक वधिह जिब सूपतिह, छिप्प्र जाग को पाइ।। २१।। जनु पंगन मन मनि सो लाग्यो¹ अहनिस राखन महि हितकार। निद्रा ते जिब उघरिंह लोचन तनुज वदन पर द्रिषटि पसार। पालति, ललित, घालति घाले, डालति नयन श्यामता चारु। झगली² झीन महीन सूत की वरन वरन की पाइ सुधारि।। २२।। कंचन के कंकन करवाइस जुग जुग हीरे जरे जराइ। छुद्द्र घंटका बाजनवारी कारीगर ने घरी सहाइ। पावन पदपंकज महिं नुपर रुणकति रुचिर जि उरध उचाइ³। छाप छला इनि गर के भुखन शोभित सिभ ही शुभ पहिराइ।। २३।। श्याम बिंदु संदर बिच भीहन श्याम केस ऐसे छबि पाइ। अलको बालक अल गन तिज करि धस्यो पंक अंम्रित के आइ4। डीठ न लगिह डरित उर जननी वारित राई लीन⁵ मंगाइ। तिनका तोरि तोरि करि गेरित रच्छक श्री नानक ले नाइ।। २४।। जेवर जरे जवाहर जाहर जेव अजाइव जवर जरंति। सवरन को सवरन तन द्ति मिलि समता ते मेव न लखियंति । करकस होति सपरस जानीयत कै हीरन की दमक दिखंति। तिन की उपमा कहाँ कौन की मन भ्रम हार्यो लघु लगंत।। २५॥

दोहरा

इस प्रकार ब्रिद्धित गुरु सुंदर सरव सरीर। अंग बिलंद बिलोकीयति हरगुविंद मतिधीर॥ २६॥

इति श्री गुर प्रताप सूरज ग्रथे वितिय रासे 'श्री हरिगोबिंद जनम उतसव' बरननं नाम खष्टमो अशु ॥ ६॥

^{1.} यथा सर्प का मन मिण में लीन होता है। 2. कुर्ता। 3. जब (वे) पावन चरण-कमल को ऊँचा उठाते हैं, तब घुँघर बजते हैं। 4. काली भौहों तथा काले केशों के बीच माथे पर काली बेंदी ऐसी प्रतीत होती है, जैसे कोई भ्रमर-शावक भ्रमरावली से भटक कर अमृत-पंक में आ फँसा हो। 5. राई-नमक उस पर स्पर्श कर आग में डालती है— बला टालना। 6. स्विणिम शरीर में स्वर्णाभूषणों की शोभा अभेद के कारण दीख ही नहीं पड़ती।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

अंशु ७

धाइ मारन प्रसंग

दोहरा

प्रिथीए की दासी फिरी खोजित दुरमित नारि। इक ने किह धीरज दई 'तोहि करौं मैं कार'।। १।।

सवैया छन्द

<mark>रामदास पुरि बसहि क</mark>ुचलणी 1 धाइन की क्रित ते गुजरान 2 । दासी मसलत अघ की करिक करमो निकट सु मेली आनि। सादर सदन बिठाइ समीपी पूरव भास्यो कषट महान। 'अनुज लीनि गुरता विप्रीती जेठो वैठो रह्यो सुजान ॥ २ ॥ बहु उपचारन ते निपज्यो सुत तिनहुं कीनि उतसव हरखाइ। कहै कि-गादी को इह मालक पाछे गुरता ले शुभ पाइ। पुरब आस हिती हमरे मन-श्री अरजन जिंव तन विनसाइ। संतति नहीं, बेनहिं हम ही गुर, चारहं दिश के पूज कहाईं।। ३।। जबि को नंदन तिन के जनम्यो तिब ते हम हइ गए निरास। अबि उपाइ अस करि चित चितवनि जिस ते बालक होइ बिनास। पन तिन के जनमे न आतमज हमरे काज होइं सभि रास। दरव आदि संदर सिभ वसत् चहं दिश ते चिल आइ अवास ।। ४।। तिब तेरी बह करींह जीवका भोजन वसन सकल परवार। निज घर ते हम देहिं तोहि कहु अरु तेरो जानहिं उपकार। मिहरवान के पिता पास ते आदर मैं करिवाउं उदार। ' इह कारज निज चातुरता ते करिंह अविह उपजिह सुख सार ।। ५ ।। इक शत लेह रजतपन³ अबिहं, करह काज को बिलम बिसारि। बालक मित् हमरो हित लिख चित, पुन नींह कमी, भरींह भंडार। इम कहि बसत्र आपनो ले करि दीनसि तिस के ऊपर डार। अति सनेह की बात बखानित किह किह कबहूं भरि द्रिग वारि ।। ६ ॥

^{1.} दुराचारिनी । 2. धाय का धंधा करती थी । 3. रुपए (चाँदी के) ।

धाइ करू करमा अति पापनि सुनि करि हरखी धीरज दीनि। दुखी न होहु करों में तौ हित, रचौं कपट, को लेय न चीन¹। तुमरे सुख ते है सुख मो कउ खान पान की सिभ सुधि लीनि। सो उठि गए कहां तिन साथिह2, लेनि देनि कुछ नांहि न कीनि ॥ ७ ॥ चित बांछति इह कारज मोकंड करिहौ मै अबि विलम विसारि। चिंता रंचक हूं नहिं कीजहि निशचै लखहु सुधारी कार। मेरो द्रोह प्रथम ही तिन सों अपर धाइ को लीनि हकार। नहीं अवाहन मो को कीनसि नहिं कुछ दीनसि, बहु बुरिआर ॥ ८ ॥ लगहिं सूल मुझ तिन के मंगल जिस हित होइ महां सुख मोहि। प्रिथीए की वामा सिभ सुनि कै कहै कि 'साध साध बहु तोहि। भयो भरोस लखी बुधि दीरघ, तुझ ही ते कारज सिध होहि। इस प्रकार निशचै करि दोनह दुर बुद्धागन पाप अरोहि³॥ ९॥ ले कुछ देख सदन महि आई रंगदार अंवर तन धारि। रुचिर विभ्खन पहिरे रुचि करि मुख पखार द्रिग अंजन डारि। जहिर अजाहर⁴ करले रगर्यो निज असतन⁵ जुग लेप सुधारि। शुपक कीनि पुन अंगीआ पहिरी पंथ वडाली के पग धारि।। १०।। दरव लोभ ते चौंप चोगनी-हति सिस को मै लेउं इनाम। सकल आरबल की गुजारन जुहइ है मोहि करे इस काम। इत गंगा ने करि चालीसा बरतिह बंस रीति अभिराम6। नितप्रति उतसव नए नए बह प्रिय सत जिब को जनम्यो धाम ।। ११ ।। भयो अनंद बिलंद नंद ते दरब ब्रिंद ते लेति असीस। बह ग्रामिन की बाम आइ करि सिस् अभिराम धाम महिं दीस। सादर तिन को बांछित बखशित डरित मात निहं किह दुरशीस। श्रेय सहत जिम चहति कहति बच लहति महत मुद करि⁷ वखशीश ।। १२ ।। दराचारनी मंगल समये आइ प्रवेशी गुरू अधिक भीर नारिनि की जिंह किंह जथा जोग आदर कह देति। कितिक वाल को दरशन करती, कितिक सराहति प्रीत समेति। केतिक लेति उछंग दुलारित⁸, केतिक बिगसित दंतिन सेत⁹।। १३।।

^{1.} ऐसा कपट रचूँगी कि कोई पहचान नहीं पाएगा। 2. वे तो (गुरु अर्जुन) चले गए हैं, उनके साथ हमारा क्या मेल-जोल है। 3. दोनों दुर्वृद्धि वाली स्तिएँ, जिनके सिर पाप चढ़ा हुआ था। 4. न दिखाई पड़ने वाला। 5. स्तनों पर। 6. इधर गंगा (माता) ने सवा मास का उत्सव वंश-परम्परानुसार सम्पन्न किया। 7. प्रसन्न हो कर। 8. गोद में दुलराती हैं। 9. कई (खिल खिलकर हँसती हैं.) सफेद दाँत खोलती हैं।

दोहरा

बसत्र बिभूखन देखि शुभ आदर साथ बिठाइ । इसित्रनि के समुदाइ मैं पुत्रनि बात चलाइ ।। १४ ।। सबैया छन्द

सभिनि बिखे गंगा म्रिदु बच किह दो इक दिन ते अनमन नंद। असतन लेति न रुचि करि मुख मिंह को दुख, सुधि निंह मोहि बिलंद। जितिक बिद्ध उपचारिन भाखित गुरती आदि देह सुखकद। घाति पाइ करि दुषटा बोली क्रिशन पूतना केरि मनिंद ॥ १५ ॥ मोहि बिखे गुन दियो प्रभूने बहुबालक ते मैं पतिआइ। पान करहि जो असतन मेरे तिस सिस के दुख निकटि न आइ। हरहि अरूच को ततछिन छुधतहि, आरबला² सु अधिक विरधाइ। रहै निरोवा³ सूख सो बय महिं नहिं औषिध की चाहि रहाइ।। १६।। रामदास पुरि बासकीनि मैं जिब के तुम आए इस थाइं। मम ग्न सुनिक प्रिथीए आनी, स्तवंती तिय सभि ढिग आइ। इक दुइ दिन असतन दे मेरो रुज⁴ गवाइ गमनी समुदाइ। भागवान के मैं चिल जावौं निरभागन के को चिल जाइ ?।। १७ :। अधिक चाहि करि तुमरे आई पुरी तुहारी बसी जु आनि। परमेशुर ते मैं नित जाचौं सुतवंती हुइं विया महान । इस बिधि करि गुजरान करौ सद दरव सहत पावों सनमान। जीवन जोग पुत्र इह तेरो मुझ कोछर⁵ महिं दीजहि आनि ।। १८ ।। तिसते सनि सभि त्रियनि सराही, वसन विभूखन सुंदर हेरि। 'बिन औषधि रुज की इह हरता धंन तोहि गुन लह्यो बडेर'। मरजी सभि नारिनि की लखि करि मात गंग बिसमाइ घनेर। दियो पत्र तिस गोद प्रमोदित दुषट जीअ तिन को सम शेर ।। १९ ।। श्री गरु हरिगोविंद चित जानी कूर जु करमा आवे नारि। दिन चारिक ते अनमन होए जिस ते मात चिंत लेधारि। धाइ उछंग दहिगी⁶ रुचि करि — यांते पूरव विधी सुधारि। दुषटन के नांशन को मम तन - सिस सरूप ते करी सु कारि।। २०।। धाइ उछंग गए हुइ चंचल, इत उत मुख करि अंग चलति। कछ रोदन करि वहर टिके तिंह लोरी देति मधुर छलवंति। अंगीआ ते असतन करि बाहर एक हाथ सों समुख करंत। दूसर कर पर सिस को सिर धरि ऊपर डार्यो वसत दुरंत।। २१।।

^{1.} घुट्टी । 2. आयु । 3. नीरोग । 4. रोग । 5. गोद । 6. धाय की गोद में देंगे ।

कावत

तति छिन अंतर बसन असतन देति, लेति न तनक, गहे होति इत ऊतना । गाढो² जिंव कीनि तौ पयोधर को लीन मुख. हाथ को पसारि गही छोरी तव गूतना³। दूजे हाथ साथ गह्यो दूजो कुच द्रिढ करि खोटी कित हेतु आई लागे लोभ भूतना। जांको मन पूत ना⁴ लख्यो गुरू सपूतना, जिसी के पीर पूतना⁵, संघारी सम पूतना⁶ ॥ २२ ॥ गाढे अंग पीर करि, गाढी उरपीर करि प्रान ते सरीर करि भिन ऐंच लीनिओ?। जैसे पोल तील ते किलाल को सु फूक नालि खैंच लेति³ वा<mark>लक सुभाइक ही कीनिओ।</mark> हाइ हाइ बोलती विहाल ह्वै बिसाल 'बाल ! छोरो अवि मोहि को, प्रताप चित चीनिओ । लोचन मैं नीर भरि, धीर हरि चीर तजि, परी सभि तीर धर⁹, प्रान करि हीनिओ ॥२३॥ कूकती पुकार विसंभार ह्वै पसार अंग, परी म्रितु भई, द्रिग निकरे परित जनु। मुख ते झगूर¹⁰ जाति, पीरी पर गई गात, भवो उतपात, हेरि नारी विसमाई मन। कहां होइ गयो वैठी सिभिनि मैं लियो सिसु त्रास उपजयो, तजी दूर जहां परयो तन। गंगा भयभीत भई पुत्र को गहनधाई हाथिन उचावै प्रिया किपन को मानो धन ॥ २४॥ हाथ गही बेनी, बल साथ निंह छोरें तांहि मात छुटकावै कहाँ एतने सु होइ जोर । दासी को पुकारे रिस भरी 'क्यों न आवै पासि' ? कंपति सरीर वासधारे उतपात घोर । मिली गन आइ, नीठ नीठ करि छोरी तिब, कंठ सों लगायो नंद परयो है बिलंद शोर। परी जिस ठौर अवलोकित न तां $\{1$ ओर 11 , डरी उर होर धाई थान निज छोरि छोरि 117५11मरी दुराचारनी ते कुछक प्रकाश भयो बीजरी की रीति थरकाई है अजर बीच। सिभ के बिलोचन गए हैं मुंद तेही छिन, बोलित न बैन कोइ हेरिक करम नीच। हाथ जूग पाव को पसार कै परी है घर दास गन दासी मिलि देखी सु प्रसी है मीच¹²। जीव गयो ऊपर अपर देहि धार करि, मुरछित कोई लिख ताके मुख बार सींच¹³ ॥ २६ ॥

दोहरा

इस प्रकार जिब मिर गई अपर देहि धरि सोइ।
छिप आकाश मैं भेद निज भनित सुनित सिभ कोइ।। २७॥
इति श्री गुर प्रताप सूरज ग्रंथे वितिय रासे 'धाइ मारन' प्रसंग बरननं नाम
सपतमो अंशु।। ७॥

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

^{1.} इत-उत, इधर-उधर। 2. जोर से दबाया। 3. तब हाथ पसार कर उस की लटकती चोटी पकड़ ली। 4. जिसका मन पिवल नहीं। 5. जिसे कभी पुत्र की पीड़ा का सामना नहीं हुआ। 6. उसे पूतना राक्षसी की भाँति मार डाला। 7. अन्तर में जोरदार पीड़ा उत्पन्न कर प्राण शरीर से अलग खींच लिए। 8. जैसे बीच से खाली नलिका से फूँक मार कर जल खींच लेते हैं। 9. सबके निकट धरती पर गिर पड़ी। 10. फेण। 11. (वहाँ एकितत स्त्रियाँ) उस स्थान की ओर देखती ही नहीं, जहाँ (धाय) पड़ी थी। 12. मृत्यु। 13. कोई उसे मूर्छित समझ कर उसके मुँह में पानी डालते हैं।

अंशु प्र 'बालक लोला प्रसंग'

दोहरा

दूरी गगन महिं बचन कहिं डरहु न मो ते कोई। सभि प्रसंग सुनि लीजिए, भयो कहीं मैं सोई।। १।।

सबैया छन्द

पूरव जनम मोहि गंधरवी, सकल शकति जुित मैं मन मान। गावन विद्या बिखै निपून बह सुंदर अति सरूप दुतिवान। सरग सदा बिचरित सुख पावित इक दिन सूरिन सभा के थान। करित गान बहु तान मिलावित सूनित कान सो हइ विरमान 1 ।। २।। तिब सूरगूर² आयो किस कारन हेरति उठे सभा सूर ब्रिट । सादर नमो कीनि बड जान्यो ब्रह्म विद्या मिंह निपन बिलंद। बैठ्यो आनि समिनि कहु देखति राग रंग महि भए अनंद। मम दिशा लिख करि जानि मान वड-इह दषटाचारिण मितिमंद ।। ३ ।। गाविन अरु सरूप बड मेरो इह गुन जानि धरति हंकार। सुरिन सभा के उचित न दुषटा निहं मन जान्यो मोहि उदार। अपर सरब ही मानहिं दीरघ इंद्र आदि जेतिक बलिभार³। दंड जोग है देउं स्नाप इस गरब बिनाशहि इसी प्रकार ।। ४ ।। इम बिचार करि स्नाप दीनि तबि स्नित् मंडल महि जनम सूधारि। जाइ करम धाइन के करि कै, हेत जीविका करहु अहार। पाप कमावहु जीवनि दुख करि4, धरह देहि जे महिद गवार। मद्द्र देश महि विचरहु जित कित भोगहु दुख ह्वै करि बुरिआर ।। ५ ।। मैं कर जोरे सुर गुरु आगे — कवि मेरो पुन होइ उधार। गरब कीनि तिसको फल पायो तुम क्रिगाल हो सदा उदार। इसत्री मित पीछे सुधि आवित निज सरूप गुन के हंकार। साधूसदा छिमां को धारित अपकारी पर भी उपकार ॥ ६ ॥

मोहित हो रहे थे। 2. वृहस्पति, देवताओं के गुरु। 3. इन्द्रादि जितने बली हैं। 4. जीवों को दुःख पहुँचा कर।

सुर गुरु भन्यो होहिं गुरु अरजन श्री नानक के वैठिहं थान। तिन को पुत्र जनम जिंव धारिह तिसके साथ मेल निज ठाठ। सो तेरो तिब कर्राह उधारिन निज बल ते हार्नीहगो प्रान। बहुर सरीर परापित हुइगो, गंधरवी को रूप महान ॥ ७ ॥ भयो पतन सुर गुरु के वच सुनि, मा अग्यान जनम को पाइ। चिरंकाल की विचरति इत उत रामदास पुरि वासी आइ। प्रिथीए की दासी मुझ मिलि करि करमो ढिग पहुंचाई जाइ। तिसने दीनि रजतपण इक शत, इम सिख्या दे इहां पठाइ।। ८॥ श्री अरजन नंदन को हित करि, इह मो पर कीजिह उपकार। लोभ लहिर ने प्रेरन कीनसि मैं आई सु मनोरथ धारि। कपट वेस धरि वालक नाशनि, जहिर सथन मैं लेप निकार2। प्रभु अवतार पुत्र है तेरो, पकरि पयोधर को मुझ मारि॥ ९॥ अबि मैं रूप गंधरबी पायहु जाति सुरगुको, नमो हमार। शत्र् तुमारो प्रिथीआ जानहुं करिह वैर सगरो परवार। रहहु सुचेत न करहु भरोसा ज्यों क्यों ठानहिंगो अपकार। इम कहि गमन कीनि निज घरको, अति प्रसंन ह्वै रिदे मझार ॥ १० ॥ अजर विखे त्रिय विंद मिली तिव, सूनि सिभ भेव रही विसमाइ। 'धिक धिक करमो कीन कुकरमो, हते बाल क्या कर मो आइ³। परालबध⁴ पर निशचै नाहिन पाप मती उर महिं प्रगटाइ। परमेशुर जिन केर सहाई वंक रोमको करि न सकाइ।। ११।। लग्यो कलंक कुली अकलंक जु मतसर पावक जरित महान⁵। बड़े भाग इनके सभि रीति पिता प्रेम ते गरता दान। उत्तम करति हैं निस दिन सत्तिनाम को सिमरनि ठानि। चहं कोद ते⁶ सम पयोद के पाइ प्रमोद देति धन आनि ॥ १२ ॥ पावन पद पंकज को पूजित अनगन संगति भेट चढाइ। तऊ न मान करहिं इह दंपित सिभ को सुख दे सरल सभाइ। प्रम् अवतार पुत्र इन केरा, महिमा सभि महिं कही सुनाइ। मूरख बुरा कौन करि सकही जथा चंद को चोर निकाइ⁶ ॥ १३॥

^{1.} नाश करेंगे। 2. स्तनों पर विष का लेप लगाकर। 3. करमो (पृथीआ की पत्नी) ने बड़ा कुकर्म किया, भला बालक को मार कर उसके हाथ क्या आयेगा? 4, प्रारब्ध कर्म। 5. (पृथीचंद) अकलंक कुल का कलंक बन गया है और सदैव अहंकार कि अधि-अधिकाओं अञ्चलका पहिल्ला है। ध्रिष्ट्रचार के कि अधिका कि अधि

इत्यादिक प्रिथीए को निंदति श्री अरजन को सूजस भनंति। सत गर संग लगायह गंगा नीर बिलोचन बंद ढरंति। चीत महां भयभीत भई पिखि क्यों सूत दीनि रिदे पछ्तंति। शत्र शरीक बडे दुरचारी कीनि कपट को नहीं लखंति।। १४।। कह्यो दास को 'पास पधारह जग गुर को सुधि देह सूनाइ। श्री नानक ने पुत्र बचायह, नांहि त हत्यो हतो छल लाइ। अंगण मितक धाइ को देखह सुधि सिभ कही गगन महिं जाइ। लीनि कलंक भ्रात इह तुमरे जो हम को नहिं देखि सकाइ।। १५।। परी उजारे ग्राम बसे हम तऊ न बैर तजहि अघवंति 2। निज कुल को पन बालक बय को हतनि पाप को नहीं लखंति। इक ब्रिआई साथ प्रीति है, हम तिस को नहिं बरा करंति। जाह छिप्प्र, घर आनह हेरीहं अति उतपात अधिक दुखवंति'।। १६॥ सुनित दास दोयों गुर पासिह, बहिर बिराजित हैं जिस थान। 'क्रिपा निधान! कहाँ हो बैठे, कारज गिर्यो हतो महान। सतिगुर राख्यो बंस तुमारो', सकल प्रसंग स कीनि बखान। सुनित उठे गुर अरजन आए कुछ सिख सेवक संग सु आनि ।। १७ ।। परी अजर महिं धाइ म्रितक हाँ कहि गिरवाई वहिर उजार। 'श्री नानक रच्छक है हमरे घर बाहर संगै इक सार। को बपुरा नर बुरा करिह जो, जिब इक स्वामी राखनहार'। उमग प्रेम ते सबद बनायह सुंदर अासा राग मझार ।। १८ ॥

श्री मुखवाक

आसा महला ५

गुर पूरे राखिया दे हाथ।
प्रगटु भइआ जन का परतापु।। १।।
गुरु गुरु जपी गुरु गुरु धिआई।
जीअ की अरदासि गुरु पहि पाई।। रहाउ।।
सरिन परे साचे गुरदेव।
पूरन होई सेवक सेव।। २।।
जीउ पिंडु जोबनु राखे प्रान।
कहु नानक गुर कउ कुरबान।। ३।। ८।। १०२।।

^{1.} आंगन में । 2. पापी । 3. आंगन में ।

दोहरा इम श्री नानक की महां कही वडाई चारु। पठिह जु चितविह चरित गुर त्नास न कित ते धारि।। १९॥ कवित्त

भयो अस कौतक विसम रहे लोक सभि पुत्र को विलोकि भए दंपति अनंदअति । कीनिस कराहु बांट दीनिस उछाह करि, सगरे गुरिन को ले नाम धरि ध्यान चित । रैन दिन रच्छक, द्रुजन गन भच्छक, विसाल जस स्वच्छक, जे सेवक वछल नित । रिदे मैं अराधते, सकल सुख लाधते, अनेक बाधा बाधते सदीव सितनाम हित ॥ २० ।

सवैया

गंग अनंद सो नंदन को प्रतिपारित होइ सुचेत सदा। मंदर अंदर सुंदर पालना लालति लाल झुलाइ तदा। नारिनि ब्रिंद मैं ना कबि ल्यावति—देखति डीठ लगै न कदा। टामन³ को करि जाइ नहीं रखवार रहो गुर रूप सदा ॥ २१ ॥ तांते करे जल मज्जन को मुख चारु पखारति, लालति है। पौंछति सूखम चीर गहे, पट सुंदर फेर उढालित है। बाघ नखा मढि कंचन ते मखत्ल गरे महि डालति है⁴। यों दिन केतिक बीत गए सुत प्रेम करे प्रतिपालित है।। २२।। श्री हरिगोबिंद सुंदर रूप अनुपम बैठने लागि तबै। सोच बिमोचित लोचन ते अविलोकति तेज समेत जबै। लेति उछंग पिता गुर पूरन संगति पंगति देखि सबै। ज्यौं अजनंदन 5 कै रघुनंदन वालक बैस महिं बैठि फवें।। २३।। अंगण मैं रिंगमाण भए⁶, पुन देखि भले किलकावति है। जे घर बीच गलीचन पै इत आवित फेरि सू जावित हैं। बैठित हैं बिच संगति के गन दास तबै वतरावित हैं। भावति हैं, मसकावति हैं, चपलावति हैं, सू हसावति हैं।। २४।। जुग दत सुमंति महां दुतिवंत हैं ओषट लाल बिसाल सुहाए। मुकता बिव संपट बिद्द्रम के विधि सुंदर ते जनु बीच टिकाए। मुसकावति ते दिखरावति हैं जनु अंग्रित बीच भिगोइ बनाए। कवि और बनाइ कहै उपमा जनु कीरति⁷ के जुग बीज दिखाए ॥ २५ ॥

^{1.} वत्सल । 2. वाधाओं को दूर करते । 3. टोना-जादू । 4. शेर के नाखून को स्वर्ण में मढ़ाकर तथा रेशमी धागे में पिरोकर गले में डाल रखा है (ताकि किसी की बुरी नज़र न लग जाये) । 5. अज के पुत्र, दशरथ । 6. आँगन में घुटनों के बल चलने लगे । 7. एक पौधा ।

अंगण बीच फिरें गुडली बहु भांतिनि ते करि बालक लीला। खेंचित पावन पावन पंकज नूपर को रुणकाइ छ्बीला। दें करबंद करें अभिबंदन दोख निकंदन रूप गहीला। पाइं सु चारु पदारथ सेवक दें गुरदेव अतेव सुशीला।। २६॥ मानुख रूप धरयो जग मैं जिन भूम को भार उतारन को। आयुध धारि महां बल सों तुरकान के तेज निवारिन को। सेवक संतन को सुख दे उर ग्यान की सीख सिखारिन को। बालक बय अबि कीड़ित हैं, करि कूर जरां सु उखारन को।। २७॥

इति श्री गुर प्रताप सूरज ग्रंथे त्रितिय रासे 'बालक लीला' प्रसंग वरननं नाम अषटमो अंशु ।। ८ ।।

^{1.} घुटनों के बल। 2. अतीव। 3. नष्ट करके।

अंशु ६ सरप को हतन प्रसंग

दोहरा

इस प्रकार श्री सतिगुरू संमत द्वै के होइ। ग्राम वडाली कीड़ते पिख हरखित सिभ कोइ।। १।।

सवैया

प्रिथीए प्न प्रेरिन कीनि हतो इक दयोस बिखै इक आइ सपैला। वड नाग तज्यो सभि ते दूर कै सु प्रवेश भयो घर अंतरि भैला। निह मात उछंग टिकैं हरि गोविंद रूप बिलंद अनंद दे छैला। चित चाहित हैं तिस जीव² उधारिन, ह्वै गुडली मिस खेलित खेला ॥ २॥ श्याम भजंग फिरै खुड³ खोजित, पावित है न छपै जिस मांही। मात की डीठ लगी कित और, सु दासनि कारज को बतराही। जाइ के बेग समेत तबै गहि लीनिस हाथ विखैतन तांही। फुंकरतो डिसबे भजिबे हित जोर करयो पै छुट्यो कर नांही ॥ ३ ॥ सीस दबाइ कै फेस दियो⁴ बहू दीरघ सो उलट्यो वलु खाए। लांगल को पटकाइ मरयो तिब तां दिश मात ने नैन लगाए। भै करि भीत भई ढिग धाइकै श्री हरिगोबिंद दीनि बगाए । दूर पर्यो म्रितु भोग⁷ पसार कै, भूर भयंकर ह्वै सरलाए⁸ ॥ ४ ॥ मात ने जाइ उछंग लीए, बिसमाइ रही सभि देखति कांयां। डंग हत्यो नींह होइ, पर्यो म्रित्, श्रीगुर नानक नंद बचाया। अंगन ते म्रितका⁹ पट पोंछति धीरज ते मन फैर टिकाया। हौल 10 रह्यो उर रौर 11 पर्यों, पुन दौरित आवित दास निकाया ।। χ ।। श्री गुर पै तब धाइ कह्यो 'इक नाग महां निकस्यो बलि भारी। श्री हरिगोविंद हाथ गह्यो तिज प्रान पर्यो निहं जाइ निहारी।

भयंकर। 2. यहाँ सर्ग से अभिप्राय है। 3. बिल। 4. कुचल डाला।
 दुम। 6. फोंक दिया। 7. फण। 8. सीधा होकर। 9. मिट्टी। 10.
 भय। 11. शोर।

नांहि छुयो वड आनंद भा, परमेशुर आप भयो रखवारी'। देखनि को घर आवित भे सिख साथ कछू बिसमे नरनारी॥ ६॥

दोहरा

श्री अरजन जी जिब गए म्रितक सरप भा जोइ¹। अपरदेहि सुंदर घरी करी दिखाविन सोइ॥ ७॥

स्वैया

बूझिन कीनि तिसे 'कहू कौन तूं कैसे भुजंगम को पायो ?। क्यों म्रितु भा, किम देहि लई अस, क्यों कहु कारन ह्यां चिल आयो ?। हाथ को जोरि प्रसंग सुनायहु 'पूरब देह मुनी तप तायो। हुयो हंकार उदार मुझे-नहिं मो सम बेद किन्ं नर गायो ॥ ८ ॥ एक समैं बिचरंति हुतो रिखि नारद भो ढिग आइ गयो। ग्यान प्रसंग भने बहुते, भगृती भव तारक नाम लियो। मैं प्रशनोतर भूर करे गरब्यो उर मैं नहिं मान कियो²। धारि रिदै समता तिह सो बच कूर कहे तिब कोप भयो।। ९।। क्यों तपतावति है तन मूरख वेद रहस्य नहीं मन जान्यो। मोर अनादर को फल पावहू, तां छिन मैं इम स्नाप बखान्यो। तूं कुटलाई 3 करें अधिकै अरु मोहि जुवाक नहीं हित मान्यो । याते भुजंग सरीर धरो करि कोटलता सभि सूधत हान्यो ।। १० ।। बेद पड्यो तन पाप तप्यो इसको फल स्नाप के अंत मो पावैं। संकट के बसि जीविन देखि, धरें अवतार प्रभू घर जावें 4। हाथ छुवै तिन को तन तेरे ही ता छिन मैं सुरलोक सिधावें। तौ लिंग जून भुजंगम की दुखदाइक धारि घरा बिचरावें।। ११।। श्री गुर! सो अबि आइ समों, गहि मोहि सपैले ने आनि कै छोरा। प्रेरिन कीनि शरीक तुमारे नै लोभ दिखाइ कछु तिस थोरा। खोजि रह्यो खुड पाई निहं, गिह लीनि तबै बल ते सिर फ़ोरा। जाउं अबै सुरलोक जहां, गुर पूरन ! हो अभिबंदन मोरा ॥ १२॥ त्रिंद खरे नर नारि सबै सुनि सारो प्रसंग रिदै विसमाए। श्री गुर ने म्रितु पंनग को उचवाइके बाहर दीनि दबाए।

^{1.} दिखाई पड़ा। 2. उनकी बात नहीं माना। 3. कुटिलता। 4. अवतार धारण कर जब परमात्मा धरती पर जायेंगे।

कीन महां उतसाहन को धन दीनिस रंक मिले समुदाए।
और कराहु करें बहुते गुरु नानक आदिके पैर मनाए। ।। १३।।
जाति सभै सुधि लोक भनै, प्रिथीए सुनि कै रिस को उपजाई।
'मूरख लोग जि बात सुनावित, झूठ कहैं सिम गाथ बनाई।
मो उर को परतीित न आवित, हाथ मले विधि लेति उपाई?।
उत्तमता निज नंदन की जग बीच बिथारित ही हरखाई।। १४॥
लोभ बध्यो मन मैं अधिकाइ पुजावन को इम बात बनावै।
दोहि उपाइन को समुदाइ सु कीरित आपनी लोक सुनावै।
क्या उहु बालक जानित ना कुछ, एक ते एक वडाई बधावै।
ज्यों धंन आइ उपाइ बनावित यों छिलि कै निज पाइ पुजावै॥ १५॥
आपनी संगत ह्वं इक्ठी जिंव, तौ प्रिथीआ सिम बीच सुनावै।
ए छल के करता पुजवावित मूरख लोकन को बिरमावै।
आप गुरू बिन बैठित बीचि, छलै धन को, बहु दंभ कमावै।
जो सिख मोहि, वहीं दरसो तिस यो किर निंद सभा मैं बतावै॥ १६॥

सवैगा

साचो बनैनिज संगित मैं नित पाप कमावित कूर भनंता।
निंदिति है गुर पूरन को उर धारि छिमा जुऊ धीरज वंता।
हान रु लाभ समान जिनो कहु, शोक नहीं किव, ना हरखंता।
भोग मैं जोग अरोग करें, जढ लोगन पै उपकार करंता॥ १७॥
श्री गुर बैठिन थान गए जिब गंग विलोकित है बिलहारी।
नीर त सारो शरीर पखारित दासी जि तीर सों वात उचारी।
'देखहु री कस संकट भा सुत मेरो बच्यो गिह पंनग भारी।
मैं दिन रैन रखौं ढिग ऐन मैं, हेरित हीं निज नैन अगारी ।
थोरे ई काल कर्यो इति लोचन तां फल हौल पर्यो उरि मेरे'।
यों किह हाथ रुमाल धरे मुखचंद को पौंछित भी तिस बेरे।
सारो शरीर सुधारि भले नव चीर निकास कै ल्याई अछेरे।
नंदन को पिहराइ अनंदित सुंदर रूप मुकंद को हेरे।। १९।।

हलवे का प्रसाद किया तथा गुरु नानक आदि के चरणों का ध्यान किया।
 (जादूगर की नाई) लोग हाथ मलकर बातें (चीजें) उपज लेते हैं। 3. झूठ।

^{4.} और । 5. जड़ता-पूर्ण लोग । 6. आंखों के सम्मुख ।

ब्रिंद नछावर¹ कीनि तबै निज हाथ ते देति गरीबनि को। अंग्रित ते मध्री अधिकै अस लेति है पुंज असीसिन को। बादित पौर विखे वजवाइ, भनें दुरवाक शरीकिन को²। होति महां उतसाह तंहां प्रभ् के गुन गावत गीतिन को ॥ २०॥ भेद न जानति नंदन को जिन पंनग कालीको³ मान मध्यो। केसी कराल, बकासुर, कंस हते गन दैंत मुनीनि कथ्यो। मल्लय चंड्र हन्यो बल सों, मघनाथ को जांही ते तेज अथ्यो। जाइ सुयंबर भूपति केगन वैल को एक ही बार नथ्यों 4।। २१।। श्री हरिगोबिंद नंदन की महिमा कबि हं चित जानित है। श्री गृह पूरन केर सपूत भयो अवत।र ही मानति है। होन करे विचनां सभि हूं शकती अतिवान-प्रानित है। पंनग भीखन मार दियो, हित धाइ, महांवल ठानित है।। २२।। मात करै निशचै असको जिव, श्री हरिगोविंद जानि रिदे। मोह उपावति हैं तिसके करिवालक रीति अनेक होइ छ्धातुर जाचित भोजन धूरि लगावित धाइ कदे। गोद ते जाति प्रमोद भरे चहुं कोद फिरैं हदयंत जिदे ।। २३।। बालक की सम चंचलता अवलोकति गंग सप्त ही जानति। पालित है नित लालित है, हित घालित है मन को त्रिय मानित । केतिक द्योस बितीत भए सुख साथ तब पग मैं बल ठानित। होति खरे गुन पुंज खरे⁶ जिन दास तरे सितनामु बखानित ।। २४ ॥ श्री चरणांबुज ते चलित्रे पग नूपर भू पर दौर बजावें। कंचन की बर किंकनि है कटि हीरे जराउ जरे दमकावै। पीत गरे झगुली बहु झीन महां दुति ते तन चारु दिपावै⁷। हाथ मैं कंकन छाप छलायनि सीस विभूखन शोभ बढ़ावैं।। २५।। बालक और मिले तिस ठौर मैं दौरित हैं अगुवा पिछवाई। खेलित हैं बहु मेलित रौर गुरु हरिगोविंद जी हरखाई।

^{1.} बहुत-सा न्यौछावर किया। 2. घर-द्वार पर बाजे बजवाए और सम्बन्धियों (दुराचारी) को दुर्वाक् (दुर्वचन) कहे। 3. कालीय नाग। 3. इस पद में किव ने गुरु हिरगोविंद की कीर्ति की पूर्व-कथा में श्रीकृष्ण के पराक्रमों का अभेद बताया है। 5. हठ पूर्वक रोते हैं। 6. सम उत्तम गुणों के स्वामी खड़े होने लगे हैं। 7. सुन्दर शरीर दीप्त होता है।

होइ इकैठित बैठित हैं किव अंग अमैठित देति पलाई।
सुंदर मंदर अंदर हवै किव वाहर, रोकित हैं भज जाई।। २६।।
ग्राम वडाली के वालक जे वड भाज भये इम खेलित हैं।
श्री हिरगोविंद संग मिले वहु स्वाद के भोजन मेलित हैं।
द्योस सबै निहं पास तजें मिलि आपस मैं वल रेलित हैं।
आप दिखाइ करे कुशती गहि हाथिन साथ धकेलित हैं।। २७।।

दोहरा

इस प्रकार क्रीड़ित प्रभु खेलित खेल बिसाल। मिलिह जाल बालक लिलित, निस मिह निज निज साल²।। २८।।

इति स्त्री गुर प्रताप सूरज ग्रंथे वितिय रासे 'सरप को हतन' प्रसंग बरननं नाम नौमो अंशु ।। ६ ।।

^{1.} धकेलते हैं। 2. रात्रि में अपने-अपने घर (चले जाते हैं)

अंशु १०

देवन को प्रसंग

दोहरा

श्री अरजन हुइ जामनी आविह अजर मझार। वैठि प्रयंक विराजते सिम सुख के दातार॥१॥

सवैया

हाथ को जोरि कै गंग बखानित आप महां मित देति सबै। मोहि रिदा डरपंति रहै इस हेत् करौं विनती सु अवै। ब्रिंद बड़े उतपात के घातक आप सम्रत्थ जबै रु कवे¹। होइ न को बिघना तिस थान जहां तुम नाम उचारि तवै।। २।। आइ वसे हम ग्राम विखें करि बिंद उपाइ को नंदन पायो। स्दर रूप बिलंद अनदक एक अहै न द्ती उपजायो। श्री गूरनानक आप दया करि हाथ दै जानि कै दास बचायो। धाइ महां अपराधिन ते इस पंनग ते सूख सों उबरायो।। ३।। आप चलो अपने पूरि को तिंह बास करो विवनो निंह होवै। सेवक ब्रिंद वसें सिभ सेविह, चिंत तहां विस कै हम खोवैं2। ईखद³ ग्राम विखै वसते, नर ब्रिंद नहीं पूरि जेतिक जोवैं। थान वडेन के वास करो सुखरासि ! निशमित ही सोवैं।। ४।। श्री गुरनाथ भन्यो 'डर ना उर, बालक के रखवार रमापति⁴। भावी टरै निह को कित जाइ, वनै तिस रीति मिटै न कदाचित। आस करो परमेशर की जिसते नींह और बडो सुखदा हित। वास विनां किम वास करै, सिमरो सितनाम विसाल सदा चित ॥ १॥

^{1.} अत्यधिक उत्पातों को नाश करने में आप ही समर्थ हैं। 2. वहाँ रहकर हम निश्चिन्त हो जायोंगे। 3. छोटे से। 4. रमा के पित विष्णु; यहाँ रमा माया या प्रकृति को कहा गया है, अर्थात् स्वयं प्रभु।

गूढ महां कपटी प्रिथीआ नहिं देखि सकै पर की विडिआई। बाहर प्रेम करे हित भाखित राखित खोट रिदै दुपटाई। हेरति ही हम को दुख पावति या हित ठानि अनेक उपाई। यांते रहे तिसते हुइ दूरि भली न शरीकिन की कुटलाई'।। ६।। यौं कहि श्री गुर त्र्शन¹ कीनि, विचारित नारि सुभाव स त्रासा । सोचित है सुत धारि सनेह को, जानित है इहे वल रासा। धीरज छोरि डराक्ल² बोलित वाक सुने अस होति उदासा। चाहित है पुरि मैं बिसबे कहु पास शरीकिन केर अवासा ॥ ७॥ यौं चित मैं चितवंति दयानिध हेत प्रसंन के वैन कहे। 'वासुर केतिक वास करो इत, फेर करें चितर तोर चहे। बालक को प्रतिपाल करो नित होइ विसाल अनंद लहे'। गंग ने श्रोन सुनी हरखी उर—छोडि हैं ग्राम को बास इहे॥ ८॥ या विधि बोलित बूझित³ को निस जाम गई करि खान अहारा। फर जथा सूख सों सूपते उठि प्रात समें जल मज्जन धारा। तात को लालित है प्रतिपालित भूखन घालित गौक उदारा4। सुन्दरं चीर सरीर विखं पहिरावित ही हरखावित भारा॥ ९॥ दासन पैन भरोस धरै, अठ जाम रखै निज नैन अगारी। सोवित हाथ लगाइ कै नंदन औचक जाग उठे डर धारी। नीत सनेह अछेह नवों हड्⁵, डील बिसाल बधै बिल भारी। सुन्दर सूरित शोभित है, निज कोछर लेकरि ह्वै बलिहारी।। १०।। केतिक द्योस बितीत गए जबि एक निसा परि कै सिभ सोए। देव मिले समुदाइ तबै सभि आविन कीनि प्रमोदित होए। श्री हरिगोविंद जानि तिनो कहु छोरि प्रयंक उठे सिभ जोए। द्वै कर वंद करें अभिवंदन दूख निकंदन तीर खरोए।। ११।। नारद, सारद, पारद से तन⁶, श्री ब्रह्मा, मघवा⁷ जुत आए। आठ बस् अर रुद्द्र इकादश, पावक अग्ग्र मिले समुदाए। और कहां तिनकी गिनती हुइ देखिन को अवतार सुहाए। चौसठ जोगित, वीर बवंजन द्वै कर जोरित सीस निवाए।। १२।।

^{1.} मौन । 2. डर से ब्याकुल । 3. बोलते-पूछते । 4. बड़े शौक से आभूषण पहनाती है । 5. नित्य ही स्नेह रूपी एक नया रस उपजता । 6. स्वच्छ-निर्मल शरीर । 7. सुरपति, इन्द्र ।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

'नाशनि को तुरकानि समूह, सरीर धरयो तुम अंतरजामी। सेवक संतिन को प्रतिपारिन, जो सितनाम जप नित स्वामी। लोक अनेक उधारिन को चित देनि बिबेक भए पथगामी। सूर महाँ भुज पूरन श्री गुर, शत्रुन चुरनि को। नित कामी, ।। १३॥ कीरति को बिसतीरति यौ पद पूजति चंदन को चरचाए। धूप धुखावति फुल चढावति और सूर्गधिन को अरचाए। कुंकम सों घनसार² घसाइ करें बिनती सुर ह्वं समुदाए। 'ज्यों हुइ आइस रावर की हमकाज करें तिम द्यो फ़ुरमाए'।। १४ ॥ चौसठ जोगनि कीनि बिनै बड भुख हमै नहिं पाइ अहारा। बीर ववंजिन वाक कहे 'हम चाहति हैं वड जुद्ध अखारा। नारद आदिक प्रारथना करि 'ब्रिंद मलेख बलीन संघारा। रावरि ऋद्वति जुद्ध करो इम चाहति देवन को गन सारा'।। १५।। श्री हरिगोविंद देति अनंद का देवन ब्रिंदन सो कहिवानी। 'बीर सभै तुम धार सरीर को धीरज सों बिचारो धरि आनी। नारद को दिखराउं महां रण, मारि मलेछ करों घमसानी। पीवहु श्रोनत चौसठ जोगनि ! लेहु डकार महां द्विपतानी ।। १६ ।। जुद्ध घमंड प्रचंड रचौं, शिव लेह विंलद ही मुंडनि माला। काली ! कपाल 3 भरो अपनो पल श्रोणत संग 4 उमंग बिसाल । जो सिभ देविन के मिन भावित सो किर हों वल धारि कराला। लालित मात को देउ अनंद स् बालिक आरवला इस काला।। १७॥ जो सूर के उर होइ मनोरथ आइ सरीर धरो धरि मैं। मो संग सैन बनो रण मैं बलवंत मलेछिन संघर मैं। आयुध केर प्रहार करो उतसाहित ह्वै करि कैवर मैं। फेर पयान करें सुरलोक सुधारि के काज बसैं घर मैं ।। १८ ॥ 'धंन गुरू ! सभि देव मनोरथ पूरन को करता हरखावित। शाँतकी पंच सरीर धरे सितनाम सनेह मैं सेवक लावित । मानव कीन निहाल करोरिन श्री प्रभु के उमगैं गुन गावित। पंच सरूप अनूप धरे अबि पंथ प्रकाश करो रिपु घावति ॥ १९॥

^{1.} शत्रुओं का नाश करने को । 2. केसर । 3. खप्पर, काली (देवी) को रक्त-पान के लिए खप्पर भर सकने का आश्वासन दिया गया है । 4. रक्त-माँस के साथ । 5. संघर्ष, युद्ध ।

घोर महां कलि काल विखे जुग आदि की रूर ग्रिजाद चलाई। क्यों न चले, सिभ के करता तुम आप भए जिंव आिन सहाई। देविन यौ सिफती करि दीरघ¹ देखि सरूप सभै वलि जाई। देखि निकंदन को करि बंदन आनंद कंद विलंग कराई।। २०।। जानि लगे जवि गंग विलोचनि नींद को त्यागति ही विकसाए। गौनति की² अविलोकति पीठ, अचंभ भई उर त्नासको पाए। ब्रिंद ए चोर गएभज कैमम नंदन को इह लेवनि आए। चारु विभूखन हीरन के जुत ले अव जाति जि, कौन छुटाए ।। २१।। सेवकनी सुपती जि समीप³ पुकार के ऊंचे समूह जगाई। 'क्यों न बिलोकति हो उठिके ? गन चोरनि आनि कै दीनि दिखाई । श्री हरिगोविंद मोहि ते दूर हुते अवि मैं, गहि लीनि उठाई। देखित मेरे सु अंगण बीच ते जागती जानि गए सु पलाई ॥ २२ ॥ दासी उठी ततकाल फिरी चहुँ कोद मैं, हेरति ना दरसाए। शेष निसा जितनी जुहती सिभ जागति मात ने जाम विताए। बोलित वातन को वतरावित, व्राप्ति नींद गई किस थाए। चिंतति चिंत महां चित में-सूत को विघना न कछू हुइ जाए।। २३।। भोर भई सभि जागति ही अनुरागति तात को मात दूलारे। श्री हरिगोविंद केर पिता गुर आए जबै निज धाम मझारे। मीर भयाकुल भूर भई भगवंत सु कंत के आई अगारे। हाथ को जोरि निहोरित है 'तुम क्यों नहीं तात को न्नासु बिचारे।। २४।। जामनी मैं जिब जागती निहं मैं संकट होति महां भए दाए। चोर हुते समुदाइ सु अंजण श्री हरिगोविंद लेनि को आए। बीच लीए सभि सों परवारित आपस मैं वह बाक अलाए। आंख गई खुल मेरी तब ततकाल ही त्रास ते देखि पलाए 1। २५।। मैं उठि तूरन⁵ नंदन लीनसि दासी जगाई विलोकनि चोरनि । धाइ गई सगरी दिश महिं तिसने बहु बोलि दई सुधि होरन⁶। रौर पर्यो सून दौरि गए तबि दास फिरेघर के चहुँ कोरन⁷। क्यों न चलो अपुने पुरि को ? इस ग्राम को बास करो अबि छोरिन ।। २६ ।।

देवताओं ने इस प्रकार गुरु जी की स्तुति की । 2. जाते हुए (देवताओं की) ।
 तिकट ही सोने वाली दासियाँ । 4. देखकर डर से भाग गए । 5. शीघ्रता पूर्वक । 6. अप्य (दासियों) को । 7. कोनों में ।

होति महां उतपात इहां सुखबास तहाँ पुरि रूर जहाँ।
मोहि को वास बिसाल रिदे बिप्रीत ही नीत भई असहां²।
श्री हरि गोबिंद नंदन मेरो जु होइ बिलंद तौ भै न कहां।
चित लहां इस ग्राम हां, करजोर कहां करि मोरचहां³॥२७॥
श्री गुर गंग के बाक सुने मुसकावित धीरके बाक कहैं।
'तेरो कह्यो हम मानि चलें पुरि बीच अवास के बासु चहैं।
तो सुत को निंह वास किसू थल श्री परमेशुर रच्छक हैं।
भोर को प्यान करें नगरी निज, ले सगरी वसतू जि अहैं'॥ २५॥

इस प्रकार किं श्री गुरू त्यारी सकल कराइ। सदन समाज संभारिओ दास लगे समुदाइ।। २९।।

इति श्री गुर प्रताप सूरज ग्रंथे तितिय रासे 'देवन को प्रसंग' वरननं नाम दशमो अंशु ॥ १० ॥

^{1.} जहाँ सुन्दर नगर है। 2. यहाँ तो नित्य ही विपरीत हो रहा है। 3. मेरी इच्छा पूरी की जिए।

अंशु ११

श्री गुर रामदास नगर प्रवेश प्रसंग

दोहरा

जब श्री अरजन चलनि को कह्यो सिभिनि के मांहु। दासी दास समूह जै हरखित कीन उमाहि॥१॥ किवत

चारु असवारी कर। सारी तिब त्यारी तिह हेरि नर नारी को उछाह भयो मन मैं। स्यंदन¹ बहल² अरु सकटे¹ समाज भरे, दास करै कारज को लादी आनि तिन मैं। बडे बरटोहे 3 थार दीरघ कराहे 4 लीनि और सिम वासन संभारे तिस छिन मैं। वसन के भार भूर धरे करि पूरन को ब्रिखम⁵ को जोरि कीनि तूरन गमन मैं।। २।। सुंदर सुरंग सज्यो स्यंदन पै ज़रीदार, ऊरध उतंग है कलस चामीकर के। चंचल तुरंग बल संग भरे अंग जिन, घंगरू घमंकति सजाए बीच गर के। जूले साथ जोरि कर, हेरे कछु तोरि करि, फरे पुन मोर करि खरे दर घर के?। श्री हरि गोविंद नंद ले करि उछंग गंग आनंद विलंद करि, वैठी बीच बरि के ॥ ३ ॥ पालकी अरूढ भए गुरू गुन गूढ़ महां पंथ प्रसथाने हरखाने परि जानिको। नंद मुख चंद देखि गमनै सु मंद मंद, दासी, दास, त्रिंद सिख, संगतां महान को। रामदाम नगरी मैं जाई कै प्रवेश भए, बादित अशेष बजवाए हरखान को। ददभि अलप संख शोर औ नफीर गन बाजित म्रिदंग सो खाबी करै गान को ॥ ४ ॥ रहे तीन संमत वडाली गुरू महाराज, सगरे समाज साज परी निज आइगे। लोक समुदाइ गुर आगम को सुनि पाइ, भए इक थाई सिभ ही के मोद छाइगे। आए अगवाइ, धाइ मिले चित चाइ चाइ, शबद सु गाइ, प्रेम उमगाइ गे। भेट अरपाइ, अरदासिन सुनाइ करि, सीस को निवाइ करि गुरू पग लाइगे ॥ ५ ॥ देति है बधाई, 'परी आपनी मूहाई, बसो पुत्र के समेत नित दरस को दीजिए'। लेकरि सिधारे संग सदन सुरंग जहां, हाथ जोरि कहै 'इहां सुख सों बसीजीएं।

रथ। 2. बहलियाँ, बैल गाड़ियाँ। 3. बटलोहे। 4. कड़ाहे। 5. बैल।
 स्वर्ण। 7. घर के द्वार पर आ खड़े हुए। 8. तीन वर्ष।

श्री हरि गोबिंद नंद हेरति उछंग गंग, स्यंदन ते उतरी, सुनारी कहैं 'जीजीये'। सदा मोद की जीए सू नगरी थिरी जीए, उपाइन को ली जीए, हमारे पै प्रसी जीए।। ६।। सदन समाज को संभारि के उतारि करि पिता के सथान पन गृह ने गमन कीनि। चरन नगन करि गंग ले उछंग नंद गमनी है संग बह उत्तम प्रसादि लीनि। गए तबि हाथ बंद, बंदना करी है तहां अरज गुजारि के प्रसादि को बरताइ दीनि। फिरे हैं प्रकरमा तीन अधिक अधीन होइ, कछक असीन² पुन बंदत सूमन दीनि³ ।। ७ ।। तैसी बिधि गंग सूत संग ले करित भई पूज गृरु थान को सदन पनि आइ के। जगत म्रिजाद हेत बहरो विचारयो उर, जेठो है सहोदर समीप मिलै जाइकै। मधर प्रशाद लीनि रिदै अहिलाद हित. गोप बाद ठानै नहिं, ऐसे चित ल्याइकै 4। चले हरखाइके स-दास समदाइके, उगाइन उठाइ के जिठाइता रखाइके⁵।। पा प्रियीए के पास जाइ बंदन करी है पाइ, आइस को पाइ बैठे राखिके जिठाई को। गंगा मिद्र बानी बोलि मिली है जिठाणी साथ, टेक्यो माथ, नंद को लगाइ तिस पाई को करमो निहारि करि संदर लिलार महां दीरघ दरस भले भाग विड आई को। टूक टूक रिदा भयो, जल वल छार थियो⁶, ऊपर कपट कीयो दूध बिख न्याई⁷ को ॥ ९ ॥ आशिख कहति चिरंजीव सूत होहि तोहि कुशल प्रशन करि गोद में बिठायो है। एतने में सितगुर दास को पठायो तहां ल्याइ करि प्रिथीए के पाइ पर पायो है। आपकी किया ते जैसे कियन लहै सुधन, तैसे ही इह नंदन सदन मैं सुहायो है। जानो निज दास कीं जै आशिखा प्रकाश शुभ, उमर विसाल होइ जैसे जनमायो है।। १०॥ देखित बिसम गयो, रिदै महां गम भयो, बध्यो मन किम थियो8,सुंदर सु नंद जानि । माधुरो बचन कह्यो होवै चिरजीव वाल, आरवला अधिक अनंद को बिलंद ठानि'। मोर जिम बाक आछे जीवन को मच्छ काछे, वंचक ज्यों कहै कुछ राखे कुछ रिदे आन⁹। घटे मुख दूध धरे पेट बिख संग भरै 10, तैसे सो करम करें संकट महान मान ॥ ११ ॥ ''संमत कितिक को अनंद संग भयो नंद' ? गुरु तिव कह्यो 'अवि तीसरे वरस' को । कुशल प्रशन दोऊ दिशि ते सकल कही, कोऊ घटी बैठे सिस अंगनि परस को।

^{1.} दीर्घायु होवो । 2. वैठकर । 3. सु-मन (सच्चे हृदय) से वंदन किया । 4. ताकि (पृथीआ) गुप्त वाद (झगड़े) खड़े न करे, ऐसा विचार कर । 5. बड़प्पन की मर्यादा रखने के लिए । 6. (ईर्घ्या से) जल कर राख हो गई । 7. दुग्ध-विष न्याय । 8. बढ़ा मन निराश हो गया । 9. जैसे मोर की वाणी सुन्दर है. परन्तु वह जीव-भक्षी है, जैसे ठग कहता कुछ है और मन में कुछ और रखता है । 10. जैसे विष का भरा घड़ा, मुंह पर दूध ।

श्री हिरिगुविंद संग आप ले उठित भए, गमने बहुर महां देव¹ के दरस को। सदन प्रवेश कीनि, पाइन प्रणाम ठानि, मिलि कै परसपर धारित हरष को।। १२।। श्री हिरगोविंद नंद पायो चरणारविंद देखित उठायो महां देव लीनि गोद मैं। सूंघित लिलार को दुलारित उचारि बच, 'होहि महाजोधा चिरंजीवी रहो मोद मैं। बंस को विभूखन, अदूखन ह्वं पूखन सों, कटैगो कलूखिन, ससूखें चहुं कोदमैं²। बडो ह्वं है डील, तैसे सुंदर सुशील बहु, सुजसु पसारै ते विताइ वय विनोद मैं।। १३।।

दोहरा

इम किह महां प्रमोद किर महादेव धरि प्रीति । दरब निछावर वहु कियो निज सुत सम लिख चीत ।। १४ ॥

कबित्त

श्री गुरु उचारी, 'भई कहना तुमारी भारी यांते सुखकारी सुतकांखित को दीनिउ। आप ह्वं सहाइ लीनि दुख ते बचाई नित, बिघन विनास के प्रवल कीनि हीनिओ। महांदेव कह्यो पिता सितगुरु हमारे जोइ तिनकी किया ते ऐसो पद महां लीनिओ। सोई ह्वै सहाइ निज प्यारे को बचाइ लेति, संकट न कोऊ होति जहां पक्ख कीनीओ ॥ १५॥ आपस मैं ऐसे कुछ बारता करित भए आइसु को पाइ पुन आए हैं सदन को। सुख सों बसे है. सिभ संकट नसे हैं, देखि दास विकसे है, गुरु बालक बदन को। खेलति अजर मांझ पिता पै सकार सांझ⁴ वैठित घरी-क द्ख दासन कदन को। मंदर के अंदरि बिराजें रूप सुँदर, सु आनंद विलंद कै लजावति मदन को ॥ १६॥ स्वादल अहारि देति जागे ते सकार होति, फेर जाम दिन चढे भोजन करति हैं। खेलित पलावित विभुखन सुहावित है, सीस फूल हीरिन जराव को धरित हैं। दीरघ विलोचन विलोकत हैं, जिसि दिशि होति हैं निहाल दुख सागर तरित हैं। आस पास दास रहें बास मैं निवास करें, राखे मात त्रास, न विसास को परित है ।। १७ ॥ होति राति मात निज हाथ सों अचाइ पुनि पास ले सुपति प्रति पारति है प्रीति करि। हाथ लाइ गात साथ सेवति है, जागै प्रात चंद मुख घोवति, दुलारै मोद चीत करि। नए नए रंगदार अंबर पटंवर ले अंग मैं सुरंग कवि श्याम कबि पीत करि। ऐसी विधि नीत करि, महां मन हीत करि, उतसाह रीतिकरि, बसे पुर थीतकरि ।। १८।।

^{1.} गुरु अर्जुन के दूसरे बड़े भाई। 2. चारों ओर पूजित (सेवित, संस्कृत सुश्रुषा)। 3. जहाँ (गुरु रामदास ने) पक्ष लिया, वहीं संकट नाश हुआ। 4. प्रात:-सायं। 5. किसी का विश्वास नहीं होता (माता को)। 6. स्थित होकर। CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

केतिक बिते हैं मास ब्रिद्धति प्रकाश बय, होए तीन संमत के श्रीहरिगोविंद चंद। गंगा के उमंग मन बोली श्री गुरु के संग बिघन बिसालिन ते प्रभु ने उवार्यों नंद। ब्रहम भोज की जै आप, अधिक प्रताप होइ, जेन-केन दीजीए अहार ह्वै अनंद कंद। खाइ हरखावै, देखि आशिख अलावैं, बहु जस्सू विथारवैंगे विलंद ही निकंद दंद¹ ॥ १९ ॥ बानी पुंनसानी² सुनि सतिगुरु अरजन होइ कै हरखमन हकम वखाानओ। 'दीजै पुंज धन आवें वसत् अनेक मन कीजिए बिसाल ह्वें अतोट अन आनिओ। मानुख असंख आवें, भोजन जो मन भावें खावें हरखावें करें पाक को महानिओ। घ्रित को मंगावो सरकरा को खरीद ल्यावो, सुंदर गुधूम को पिसावो जो प्रमानिओ ।। २०।। दासन दरब देय वसतू मंगाई सिभ धरे हैं कराहे, बहुकीनि पकवान को। करयो है कराह, पूप पूरिका³ कचौरी बह, मोदक बनाए जेऊ मोदक महान को। मेवे सों अमेज 4 करि राइता सलौन बडो, मूलिका, ब्रिदारक रिधाए 5 संग खानि को । भोजन सो कोशठ भरायो भांति भांति करि, सिक्खय को बिठायो करै जपूजी बखान को ॥ २१ । प्रिथीआ सु प्रथम हकार्यो⁶ सनमान साथ, करमो बुलाई संग दासी चलि आई है। महांदेव महां मोद रिदै करि आयो आप और सिक्ख संगतां मिली ज समुदाई है। बिप्प्र आए ब्रिंद मिलि सूनि सूनि ग्रामिन ते, रंक भए अनगन⁷, पंकति विठाई है। लगे हैं परोसनि असन को अनेक नर 'लेहिं' 'देहिं' बानी तिहं आनन अलाई है।। २२।। जितनो असन खाइ नर विपताई रहैं एकबार तेतनो परोस्यो है बनाइ करि। कोऊ देहि मोदक सु पूरिका कराह देति, पूप सो कचौरी खाइ रहे त्रिपताइ करि। दिध सों पकौरी बरे जीरक मिरच पाइ, धनीआ लवन सों परोसी है मिलाइ करि। साद को सराहैं अहिलादित उमाहैं मन, विपित ह्वं चाहैं खानि रहे विसमाइ करि।। २३।। रंकन को भोजन दियो है जिपताई करि, जाचित जितिक देति सभिनि हकार करि। खावति अघावै, बह आशिख अलावैं गन श्री हरिगोविंद जीवो जग्ग जुग चार करि। तिब गुरू अरजन मन के उदार महां, दच्छना रजतपन दीनि है, सुधारि करि। सुजसु उचार सारे किह बिसतार बहु धंन गुरू कीनो मख उर को उदार किर ।। २४ ॥ दच्छना को लेइं दिज आशिखा को देय बह 'उमर बिलंद होइ संदर सू नंद की'। करते सत्ति आप आपने सदन गए प्रिथीए को भोजन अचायो संग ब्रिंद की। करमो को सादर अहार दीनो भांति भांति, ऊपर प्रसंन रीति कपट विलंद की। महांदेव महां मोद श्री हरिगोविंद गोद अचिकै असन को म्रिजाद ज्यों बिलंद⁸ की ॥२५॥

^{1.} कष्टों का नाश करने वाला । 2. पुण्य-युक्त । 3. पूड़े-पूरियाँ । 4 मिश्रित कर । 5. मूलियाँ और वैंगन पकवाए । 6. आमिन्त्रित किया । 7. अनिगनत । 8. जैसे बड़ों की मर्यादा है ।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

दोहरा

महादेव गुरदैव सुत अहंमेव जिस नांहि । गुरता गुरु निज अनुज की पिखि प्रसंन मन मांहि ॥ २६ ॥ नंदन अपन मनिद लखि हरि गुविंद सुखकंद । धरित अनंद बिलंद को पिखि चकोर जिम चंद ॥ २७ ॥

सोरठा

रिदे मुदित अति होइ अधिक मुदितकिर अनुज को ।
जस बिसतीरित सोइ सदन गयो नर संग कुछ ॥ २८ ॥
सुनि सुनि आवित धाइ सगरे नर गुर नगर के ।
बाछिति भोजन खाइ करित सतुति गमने सदन ॥ २९ ॥
बाजे बर्जीहं बिसाल अंग्रित वेला होति ही ।
संध्या लिंग सुख नालि लघुदुंदिभ सुत नफीर गन ॥ ३० ॥
मचिह कुलाहल जाल फैलित जस सितगुर महत ।
लेनो देन बिसाल होति गुरु दरबार मिहं ॥ ३१ ॥

इति श्री गुर प्रताप सूरज ग्रंथे वितिय रासे 'श्री गुर रामदास नगर प्रवेश' वरनने नाम इकादशमो अंशु ।। ११ ॥

अंशु १२ सीतला को प्रसंग

दोहरा

अति उतसाह बिलोक कै करमों दिल दिलगीर। नर नारिनि ते सुनित जस मनहुं रिदा दे चीर।। १।।

पाधड़ी छंद

बिजियंत पौर बाजै बिसाल। सुनियंति श्रोन तबि ह्वै विहाल। बस चलिह नहीं संकट महान । मन गिनित गटी – किम विघन ठानि ? ॥ २ ॥ उर सल्लय¹ मोहि किम निकसि जाइ। श्री हरिगोविंद जिम काल खाइ। तिब अनंद उदिह, रिद करक होइ । नतु म्रितक तुल्ल हम जियिन जोइ 2 ।। ३ ॥ नित करति महांमंगल सुचार । बहुदरव आइ भरि लिय भंडार । लघु थान हमहुं ते भे महान। सूत भयो चंद सम् लखि जहान।। ४।। गंगा अनंद। श्री हरि गबिंद जिस शोभ नंद। मंगलकरं ति जिब बडो होइ सम वली सिंह। सिभ को निवाइ संतोख सिंह।। ५।। इम राति दिवस करती विचार। पति साथ दुखत बाकनि उचारि। किम नहीं चिंत चिंत में तुमार। दीरघ शरीक नित ह्वै उदार।। ६॥ इक पुत्र तिनहिकम दिह खपाइ3। ग्रता वहोर हमरे सू आइ। तुम रहे बैठि नहिं करि उपाइ। इह बडो काज मन नहीं ल्याइ।। ७।। ज्यों ज्यों त्रितंत हमरो बितीत। निज पुत्र पौत्र क्या करींह रीति। हुइ दरब हीन मांगति फिराइं। सिख दें न भेट, नहिं लगहिं पाइ ॥ ८ ॥ तिब अपन बडिन को खोट जानि । मुरझाइ झूर क्या कित ठानि⁴। अबि तो उपाइ जे कर्राह् आप। अस जुगति ठानि तिन पुत्र खाप।। ९।। गुरुता बहोर हम बंसु पाइ। सिभ सिख्य देहि धन, लगिह पाइ। करि सकींह कछू तौ बिलम टारि। अस करि उपाइ तिन पुत्र मारि।। १०।।

^{1.} हृदय की पीड़ा । चुभन । 2. हमारा जीना मृतक के समान है । 3. मार डालो । 4. क्या कार्य करेंगे (हमारे बच्चे) ।

CC-O. Nanaji Deshmukh Library, BJP, Jammu. Digfti Zed By Siddhanta eGangotri Gyaan Kosha

सभि सुने प्रिथीए बचन कान। तिव दई धीर तिसको वखान। 'मत करहु चित, निंह जियहि सोइ । है बाल अलप निंह वडो होइ ।। ११ ।। तिह निकसि सीतला करिह हान । मम बचन पता अवि लेहु जानि । तिसते जिबचिह निहं मितु होइ। तौ मैं उपाव अस करहुं कोइ।। १२।। जिसते बिनासि श्री हरिगुविंद । हम पुत्र पौत्र सिभ ह्वं अनंद । अब आइ निकटि बिधि ह्वं सुखैन²। इस हतीं रीति करि जेनकेन'।। १३॥ करमो सुनंति बोली कु वैन। 'तुमरो बचन वरकृत सु है न। भा प्रथम कूर कहि — ह्वं जरूर । मैं सुनित जांहि किय हरखभूर ॥ १४ ।। तुम घटति जाति ऐश्वरज मांहि। सो ब्रधै सदा, को काष्ट नांहि। ऐसे बिलोकि मुझ चिंत होति। दिन रैन ऐन संकट उदोति'।। १४।। कहि प्रिथीआ 'अबि कै देखि लेहु। सुख होहि तोहि ज्यों मैं कहेहु'। इम सदा करित दंपित विचार। कुछ करैं कपट मिलि वच उचारि।। १६।। नित चितिहं खोट किम ह्वै अनरथ। निहं करामात की कुछ समरथ। इति अरजन गुरु सरलै सुभाइ। उपकार करन इक रिदै ल्याइ।। १७॥ लोकिन अनेक की करित श्रेय। सितनाम देति किस ग्यान देय। श्री हरिगुबिद आनंद कंद। खेलति ब्रिधंति जिम दूज चंद।। १८।। मिद् बचन तोतले मुख कहंति। सुनि मधुर श्रोन को सुखदवंत। करती दूलार। गर संग लाइ संघति लिलार।। १९॥ सुनि बाक तोतरे विपति ह्वं न। पुनि पुनि बुलाइ सुंदर सु बैन। मुख चंद देखि करि नहिं अघाइ। पित निकट गए चित आकुलाइ।। २०।। बह बार पठावति निकटि दास। सुधि सुनित पुनिह पुन ल्याइ पास। जिम धेनु वतस लघु नहिं तजंति । तिम महां प्रीति दिन दिन ब्रिधंति ।। २१ ।। तिज मात गोद को निकसि धाइं। तिब अलकार म्रिदुधुनि उठाइं। पग नूपर भू पर चलति बाज। कटि किंकिन कंचन वर विराज।। २२ ।। हीरिन जराउ करि कटक³ शोभ। दृति देखि रुचिर किस के न लोभ। बिच अजर चारु दौरति फिरंति । सिर सीस फूल सुंदर सुभंति ।। २३ ।। सूखम सु चीर गर पीत रंग। गोटा सु लाग सिभ कोर संग⁴। चमकहिं सु फूल तिस के बनाइ । गंर कंध जुगल पर बहु सुहाइ ।। २४ ।।

^{1.} परख लो । 2. अब वे हमारे निकट आ गए हैं, अब कार्य सरल हो जाएगा।

^{3.} हाथ के कड़े। 4. किनारों से।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

मधरे सुबोल कीडा करंति। जो करिह दरस उर मद धरंति। तन गौर रंग लोचन बिशाल। अरविंद पांखरी सेत लाल॥ २५॥ भज हैं प्रतंब कंधे उतंग। बर सूमिल आंगुरी नख सूरंग। मुख मंडल पर कुंडल डुलंति। सुंदर सु केस मेचक¹ सुभंति।। २६॥ नित प्रति नवीन इम है अनंद। बित गए दयोस तन है बिलंद। जिब भए बरख पंच बितीत। कीड़ित बिसाल हरखंति चीत।। २७॥ इक दिन चढयो स जबर हरिगोविंद । तबि रहे पौढि चित मात चिंद2। पनि दिवस तीसरे भी दिखाइ। जिह नाम सीतला जगत गाइ॥ २८॥ बह सघन निकसि बिसफोट बिंद । को दिखति छोट, को हुँ बिलंद । इक बार सरव भा तन सुलाल। नहिं छूछ थान⁴ कीने बिहाल।। २९।। पौढे प्रयंक पर दिवस राति। विसफोट सघन ते सोज गात। कर चरन तरव पर जीह मांहि⁵। सघनी घनी सुखर चंच जांहि⁶।। ३०।। लोचन द बीच मीच गए सु। उघरंति नहीं दिखियति न लेश। रहि बैठ निकट तिज घीर गंग। बहु बारि पत्र के दिखति अंग।। ३१।। जिम होवै सागर महिं जहाज। किह लाद लीनि सिभ घर समाज। विह बायु कुफेरी हेरि तांहि। इक प्रभु आस तिम चिंत मांहि॥ ३२॥ गुर अरजन तिब दिजबर बुलाइ। दुरगा स पाठ पिढवे लगाइ। कुछ दुरगिआणे थल बिठाइ। सिभ धूप दीप तिन को दिवाइ॥ ३३॥ पूजा जु सौज सिभ भेजि दीनि। संपट सु पाठ पढते प्रबीन । कुछ सदन विठाए बोलि विष्प्र । सिभ चिह-अरोग, सुख होहि छिष्प्र ।। ३४ ।। सगरे उदास दासी ज् दास। जे नगर लोक बिनती प्रकाश। दुरगिआणे प्रात जाइ। बहु बिनै बाक किह सीस न्याइ॥ ३५॥ तन कुशल करहु श्री हरि गुविंद। हम बहुर विलोकें सिस मिनंद। बहु करित जतन युति चिंत गंग। नित होम होति बहु छित संग।। ३६।। सरकरा डारि जल तिल भिलाइ। खारक⁸ बदाम विच अगनि पाइ। शुभ दे अहार कंन्यां बुलाइ। भूखन सु देति चुनरी उढाइ।।३७।।

^{1.} काले केश। 2. तब माता के मन में चिन्ता हुई। 3. छाले फूट पड़े।
4. खाली स्थान। 5. हाथ-पाँव के तलवों और जीभ फर। 6. (छाले) सघन,
तीखे और चोंचदार हैं। 7. आँधी-तूफान। 8. छुहारे।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

सिभ हरख धारि वोलित असीस। 'चिरंजीव करिह सुत तोहि ईश। जय मात चंडिका हुइ सहाइ। जिन हते दुष्ट संतन बचाइ।। ३८।। दिज एक काल भोजन करंति। हुइ सुच शरीर दुरगा जपंति। इस रीति जतन बहु करित गंग । द्रिग मुंदे देखि अरु सोज अंग ।। ३९ ।। वह डरित रिदे चिंता बिलंद। 'मम पुत् एक जनु चारु चंद। है जितक हमारो गन कुटंव। त्रिय सिभिनि रिदे इक इह अलंव^गा। ४०॥ जिम क्रिपन जतन करि धन उपाड । तिम अधिक चाह ते नंद पाइ। प्रभु पारब्रह्म रच्छक अकाल। अवि हुई सहाइ मुझ पर किपाल।। ४१।। गुर नानक सिस² निज दास जान । होवहु सहाइ सिभ कपट हानि । शुभ रहो चारु लोचन बिसाल । नींह अंगभंग कीजिहि किपाल ।। ४२ ।। हइ मात सीतला वह प्रसंन । मम पुत्तर रच्छ हो सुख सपंन । इम करति बेनती गंग मात । दिन लघु अहार निह सुपित राति ।। ४३ ।। चिता बिलंद जिसके रहंति। बहु कष्ट पुत्त के तन लहंति। जो प्रभू आप सिभ दुखनि खोइ। तिस देहि कष्ट अस है न कोइ।। ४४॥ तद्दिप जु धर्यो मानुख सरीर। अनुसारि तांहि वरतिहं सुधीर। दिन तीन बिते निकसी जु ब्रिंद। सभि भरी, ऊच ह्वं करि विलंद।। ४५॥

दोहरा प्रकार परिवार मध्य विका

इस प्रकार परिवार सिभ चिंता धरित उदास। निस दिन प्रभु अराधते 'संकट होहिं विनाश'।। ४६।।

इति श्री गुर प्रताप सूरज ग्रंथे वितिय रासे 'सीतला को प्रसंग' वरननं नाम द्वादशमो अंशु ।। १२ ॥

^{1.} अवलम्ब, आश्रय । 2. शिशु ।

अंशु १३ सीतला को प्रसंग

दोहरा

इत कुटंब सभि चिंत जुत महादेव ते आदि। चिंत चाहित हुइ कुशल तन पुनिहं पिखें अहिलाद।। १।।

पाधड़ी छंद

उत प्रिथीआ रिदै अनंद धारि। करमो समीप बाकिन उचारि। 'अबि हेरि भयो जिम तिनहुं नंद। नहिं जियन आस, शोकति बिलंद।। २।। सित बाक मोर अजहं न जानि । जिम कह्यो प्रथम मैं कोप ठानि । तिम भई सीतला निकसि भूर। अवि होइ म्रित् तिसकी जरूर।। ३।। मैं कई बार लीनो पत्याइ। मुख कहौं बाक नहिं निफल² जाइ। बल करामात को मोहि मांहि। अरजन लखै इक, और नांहि॥ ४॥ सो डरित रहित मो ते बिसाल। पद करिह वंदना मिलिनि काल। निहं महांदेव ते भै करंति। भोरा सुभाउ निहं कुछ वुलंति।। ५।। सत मरे पिछारी बनहि दीन³। पुन नहीं निपजि है आस हीन[']। सिन कंत बैन करमो सू चैन। उर हरख धारि परफुल्ल्य नैन।। ६।। 'इम बचन साच तुमरो जि होइ। इम सम उछाह नहिं अपर कोइ। जिस निकटि बीस दस ग्राम राज। बड होइ खरच तटयो समाज।। ७ 11 तिस ढिग अचानकै बनि सू जाइ। सिभ चक्त्रवरित को राज पाइ। इस बिधि उछाह हमरे सु होइ। गुरता सु पाइ हम वंस जोइ॥ ८॥ संमत हजार लग होहिं पूज। जग जिह समान नहिं और दूज। पूजीति पाइ बनि सिक्खय बिंद। वंदैं अनंद चंदिह मिनदे।। ९।। इम चित्रहि पाप-किम हइ अनरथ। जिन केर ठटन सिभ ह्वै विअरथ । बड प्रीति पाप सों दिवस रैन। पर हैं सूनरक इम जानि भैन।। १०॥

^{1.} युक्ति । 2. निष्फल । 3. पुत्र की मृत्यु के पश्चात् दीनता, निर्धनता आएगी ।
4. जिनके (पृथीए) सब ठाट (आयोजन) व्यर्थ होने वाले हैं।

इन कै अनंद दुरि वृरि करंति । वहु दुषट वृद्धि पर दुख चहंति। इस लोक अजस निहं डरिहं कूर। परलोक नरक प्रापित जरूर।। ११॥ श्री हरिगुविंद जी दिवस पच। दुख भयो अधिक सुख ह्वै न रंच। बिसफोट भयो इकबार ब्रिट । चमकहि बिसाल मुकता मनिद ॥ १२॥ नहिं खान पान निंहं बाक भाख। तूपन रहंति, निंहं खोलि आंख। करि म्रिदुल सेज तूलादि पाइ²। दिशि दुतिय मसे² पासो फिराइ ॥ १३॥ को गहैं अंग पिलपिल करंति। इक पास परे चिरली बितंति। पिखि मात गंग चिंता बिलंद। सिंतगुर सहाइ ह्व अनंद कंद।। १४॥। मैं दीन बहुत इह दरव मोर। दुख हरहु आप इह अधिक घोर। करुना निधान जाहर जहान। दीनान नाथ सुख करि सुजान।। १५।। दिन रैन बैन बिन चैन एव। गंगा भनंति जसु देव देव⁴। ्दीरघ उसास ले ्बार बार। द्रिग भरति ढरति बहु बूँद बारि ॥ १६ ॥ सुत अंग बिलोकति⁵ टक लगाइं। कवि अविन पिखहि निशचल रहाइ। बहु भई दूबरी देहि जांहि। रहि वैठि निकट मुख मौन तांहि।। १७।। इम पंच दिवस लग दुख बिसाल। सिभ कुटंव दास दासीन जाल। नहिं करित कोइ रुचि सों अहार। उदिबगन रिदे करि नहिं संभारि।। १८॥ निस मैं न सुपति बहु रहति जाग। करिगंग पुत्र बातें सुभाग। गुर अरजन ढिग भाखंति जाइ। 'दिन रैन गंग नहिं असन खाइ'।। १९।। सुनि देति धीर 'निहं करहु तात । इक पारब्रहम की धरहु आस । गुर नानक इनके नित सहाइ। जिन नाम जपे सिभ कषट जाइ'।। २०॥ बहु इस प्रकार तिस को सुनाइं। हिह एक पुत्र किम चैन पाइ। जिब दिवस खपटमो भा वितीत । तिस राति फिरी मुरझान कीति⁶ ॥ २१ ॥ तिब भई प्रात उदियंति भानु । श्री हरि गुविद अखियां महान । बिकसे विसाल जनु कमल पत्न । पिखि मात अनंद अति भा विचत्न ।। २२ ।। कुछ भा भरोस-द्रिग रहि अदोष⁷। सुत को सरीर की आइ होष। कुछ अलप कीनि मुख खान पान । पिखि सिभ कुटंब बड मोद ठानि ॥ २३ ॥ उर भे सधीर बोलित प्रसंन। सभि कहैं 'गुरू नानक सुधंन। दुख समय आन होए सहाइ। निज दास जानि लीनिस बचाइ'।। २४।।

^{1.} इनके (पृथीए के घर) छुप छुप कर आनन्द मनाते हैं। 2. रूई आदि डालकर बिछौना नर्म कर दिया गया। 3. बड़ी कठिनाई से। 4. देवाधिदेव-परमात्मा। 5. पुत्र की ओर देखती। 6. मुरझा कर घटने लगी। 7. नेत्नों में कोई दोष नहीं आया।

सुनि महांदेव सुधि होति आइ। नित चित करति सुख को मनाइ। करि नमो सहत आदर बिठाइ॥ २५॥ गुर अरजन ढिग वैठ्यो सु आइ। हम सनी अबहि मिटि गी सू पीर। 'सध देह बाल की सूख सरीर। बर बचे नेत्र शुभ मुख सुहाइ'।। २६।। बिसफोट अहैं किस बिधि, बताइ ?। सूनि श्रोन गुरू अरजन भनंति। 'तम हो बिशाल करना करंति। उपजंति मोद, नहिं विघन आइ।। २७।। तिहं सकल कुशल सिहजे सुभाइ। मरझाइ सकल बिसफोट पीर। अब मरी सीतला सिभ सरीर। द्रिग लिए आप कर दै वचाइ॥ २८॥ दीनान नाथ होए सहाइ। कुछ लग्यो करनि अबि खान पान । हुइ है अरोग अंगनि महान । जिब अए प्रथम सुधि लेनि आप। तिव थे विहाल सिभ तन संताप॥ २९॥ तुम दया साथ सिभ सुख सरीर। अवि गई बहुत मिटि अंग पीर। सुनि महांदेव ह्वं करि अनंद। तिब दई आशिखा 'सुख बिलंद'।। ३०।। पन आयो प्रियीआ कपट धारि। उर मैं अनरथ मुख स्निद् उचारि। सनमान साथ गुर नमहि कीनि । बहु भाउ धारि बैठाइ लीनि ।। ३१।। 'सुधि देहु नंद की होहि जैस। बहु दुखद सीतला मांहि भै सु¹। द्रिग मुंदे खोलवे नांहि कीनि । सुख करैं ईश, नींह होहि हीन' ।। ३२ ।। गुर कह्यो 'प्रभु होवहिं सहाइ। तुमरी ऋिपा सु दे हैं बचाइ। जीविन अधीन इह नांहि कार²। इशुर जिवाइ कै देहि मार।। ३३।। इक आस प्रभ की धरहिं चीत । जो सकल जगत दुख सुखिह कीत । इम मुनि प्रिथ्थीए जानि लीनि। नहिं कुशल इनहं के कष्ट भीन।। ३४।। मख शोकवान करिकै दिखाइ। चित मैं अनंद अधिकै वधाइ। उठि गयो सदन कपटी बिसाल। रिद मैं गुनंति-निहं जिये वाल।। ३५।। इम भयो दिवस सपतम् बितीति । श्री हरिगुबिंद तन अनंद शीत³ । रुचि संग कीनि तबि खान पान । विकसे मनोग लोचन 4 महान ।। ३६ ॥ तबि लगे शुषक होविन सुक्षेन। बिसफोट हुते भरि भूर जेन⁵। तन प्रथम चरम जुत शुष्क होइ। सिभ गए उतर निंह दिखति कोइ।। ३७।। सूख संग गंग सुत तन पखार। मुख चंद धोइ करि उशन बार⁶। सिभ दास अपर दासी सु आइ । हरखाइ बाक को किंह सुनाइ ।। ३८ ।।

^{1.} भय होता है। 2. यह कार्य जीवों के वश नहीं। 3. हुआ। 4. सुन्द नयन। 5. जो (छाले) बहुत भरे थे। 6. जल गर्म करके (उनके)चन्द्र-मुख को धोया।

दोहरा

'लेहुं बधाई पुत्र की उर प्रमोद को धारि'।
जित कित अति उतसाह ते सुनि किर नर गन नारि॥ ३९॥
किर शनान निज नंद को भूखन वसन्न उठाइ।
मात होति विलहारने नवों जनम जनु पाइ॥ ४०॥
श्री अरजन के निकिट तिव ल्याए दास उठाइ।
पद पंकज पर पाइ किर रिदै अनंद वधाइ॥ ४१॥
नंदन दिख्यो अनंद जुत गोद लीनि वैठाइ।
सिर पर धिर कर कमल को आणिख दी हरखाइ॥ ४२॥
चारु बिलोचन हेरि किर अरु सुख सकल सरीर।
कर्यो शवद अरजन गुरू जो धीरन महिं धीर॥ ४३॥

॥ गउड़ी महला ५ ॥

नेत्र परगासु कीआ गुरुदेव।
भरम गए पूरन भई सेव॥१॥ रहाउ॥
सीतला ते रिखआ विहारी।
पारब्रहम प्रभ किरपा धारी॥१॥
नानक नामु जपै सो जीवै।
साध संगि हरि अंम्रितु पीवै॥२॥ १०३॥ १७२॥
दोहरा

'श्री नानक गुरदेव नै करे सु नैन प्रकाश।
रच्छा कीनिस हाथि दै लिख पूरी मम आसे।। ४४।।
पूरन सेवा जानि किर भरम विदार्यो हूर।
पूरन सेवा जानि किर भरम विदार्यो हूर।
निश्च अपने किर लए सिभ निदक किर कूर।। ४५।।
निकसी अतिशे सीतला तिस ते ह्व रखवार।
दास उधार्यो आपनो पारब्रहम करतार।। ४६।।
श्री गुर नानक नाम को जपित होइ चिरंजीव।
साधू ब्रिध के वाक ते दुख हिर अंभित पीव'।। ४७।।
साधू ब्रिध के वाक ते दुख हिर अंभित पीव'।। ४७।।
इति श्री गुर प्रताप सूरज ग्रंथे व्रितिय रासे 'सीतला को प्रसंग' वरननं नाम

त्रियोदशमं अंशु ॥ १३ ॥

^{1.} मेरी आशा को जानकर पूरा किया।

अंशु १४ सीतला पूजन प्रसंग

दोहरा

पुन गंगा मन मोद करि चहति सीतला पूज। सिभ त्यारी करवाइ करि ले सुत जनु सिस दूज।। १।।

पाधड़ी छंद

परवार सरव प्रिथमै मिलाइ। करमो जिठाणि भेजी वलाइ। श्री हरिग्बिंद इशनान कीनि। इम कह्यो जाइ दासी प्रवीन।। २।॥ 'दरगा स पुजने जाति मात। अबि चलह आप भी तहिं वलाति'। सुनि करि दुखी सु हिरदै कुभाग। जनु डसी सरप बिख चढनि लागि।। ३।। सोचित बिसाल, निशचल सरीर। निहं उठ्यो जाति द्रिढ गृढपीर। पुन कितिक देर महिं हुइ तयार । पहिरे न वसत्र कुछ रंगदार ।। ४ ।। नहिं अलंकार पहिरे सु चारु। चिल गई सदन जिंह ब्रिंद नारि। दासी कितेक जिंह लीन संग। मिलि रही बैठ ह्वै निकट गंग।। ५।। श्री हरि गबिंद ले गोद माइ²। करमो चरंन मसतक टिकाइ। उर कपट सू मुख ते बच भनंति । 'चिरंजीवि होहु सुंदर शुभंति'।। ६।। पिठ दास प्रित्थीआ पुन बुलाइ। अरु महांदेव सादर मिलाइ। इन आदि अपर नर नारि ब्रिंद। पुरि केर मिले करि करि अनंद।। ७।। सिभ पहिर बिभुखन चार चीर। घर बिखै कीन मिलि भूर भीर। बहु देति बधाई आनि आनि । सनमान ठानि गंगा महान ।। ८ ।। जिनि कंठ कोकिला गाइं गीत। वह करि उछाह धरि हरख चीत। मुख हसति चलति जे हसति चालि । जन् अनंद उदधि महिं मीन जाल ॥ ९ ॥ इकठे सू होइ नर एक थान। गमने स् अग्र उर हरख ठानि। श्री हरिगुबिंद ले गंग संग। सभि विया गावती मन उमंग।। १०।।

^{1.} अतीव चिन्ता में डूब गई, शरीर स्तब्ध रह गया। 2. माता गंगा ने 1

दिश पशचम पुरि ते गमन ठानि । तिहं दुरिगआणि दुरगा सथान । बहु संग सु वादित¹ तव वजाइ। लघु दुंदिभ वाजित धुनि उठाइ।। ११।। कर झांझ नफीरिन 2 शबद होति । ले पटिह 3 पणव 4 धुनि उच उदोति । इत्यादि अनिक बाजे बजाइ। सिभ चले जाति मारग सुहाइ॥ १२॥ तिय सहत प्रित्थीआ पिखि उछाह। जनु चुभित सूल उर दिगिन मांहि। बहु कषट रिदे मुख मधुर भाखि । किह तनक वात नतु मीन राखि ।। १३ ।। नहिं समुख किसी के आंख जोर। इम चले जाति दुर्गयाणि ओर। पहुंचे समीप थल रुचिर भौन। सिभ कीनि वंदना औनि औनि ॥ १४॥ पूजक सु विष्य वैठ्यो सथान। दे प्रथम वंद्याई धुज महान⁶। चंदन सुगंधि धूपनि धूखाइ। बड फूल माल सुंदर चढाइ॥ १५॥ पट पाट⁷ को स् चेला विसाल। धरि चंडि उपर जो रंग लाल। गन पंग नालीअर⁸ सो चढाइ। हरखंति कीनि सभि जगत माइ॥ १६॥ कीनस कराह तहिं बांट दीनि। गन लोक संग सिभहनि लीनि। दिज पाठक तिन को दरव देय। शभ वसत मधर भोजन अचेय।। १७।। सभि को प्रसंन करि ह्वै प्रसंन। किंह 'मात भगवती घंनि घंनि'। इक बार कीनि जैकार बोल। पुन हटे नगर दिश बांधि टोल।। १८।। बजियंति बाज सुनियंति दूरि। दिजियंति⁹ दान दीनान भूर। गावंति गीत धरि मोद चीत। पुरि मैं प्रवेश करिवंस रीति॥ १९॥ घर आनि अधिक सनमान कीनि । बह करि कराह सिभ पान दीन । बधाई सहत आणिख उचार। 'श्री हरि गोविंद की वय उदार'।। २०।। कंन्या हकारि दीनसि अहार। णुभि वसत्र विभूखन देय चारु। तिन को प्रसंन कीनसि महान। सिभ दे असीस म्रिदुवच वखान।। २१।। दिज घर जु पाठ करते प्रबीन । तिन को प्रसंन करि <mark>दरब दीनि ।</mark> सिभ अपर जाति जाचिक जि आइ। सनमान साथ तिन धन दिवाइ॥ २२॥

दोहरा

भयो कुलाहल गुरू घर लेनि देनि की भीर। सुत पर वारति दरब बहु बखशति सुंदर चीर॥ २३॥

^{1.} बाजे । 2. तूती । 3. छोटा नगाड़ा । 4. डफली । 5. धरती पर झुक कर । 6. ब्राह्मणों के हाथों पहले ध्वजा बंधवाई, भाव दुर्गा मन्दिर पर ध्वजा चढ़ाई । 7. रेशमी कपड़ा । 8. सुपारी और नारियल । 9. देते हैं ।

पाधड़ी छंद

उतसाह अधिक गुर घर करंति । सिख मिलहिं आइ पूजा चढंति । नरनारि सिभिनि महिं जसु बिसाल। मिलि सकल कहित सुखदा रसाल।। २४।। पुन खुशी होति निति प्रति महान । दिन प्रति कराहु हुइ करिह खान । अरदास होति बांछित जु कोइ। करुनानिधान पूरित सोइ।। २५।। सिभ देश देश महिं तिज मसंद। गर कार चली आवहि विलंद। सिख मुक्खि तिनहुं सिरुपाउ देति । बहु संगि संगतां सोइ लेति ॥ २६ ॥ देशनि बिदेश बिंड टोल बांधि। धन ले पहुंच गुर को अराधि। अति दलभ पदारथ आइ पास। अरपंति दीन हइ दरव रास।। २७॥ हइ दीप माल संक्रांत मेख²। सिख संगति तिब आविह विशेख। गुर तीर भीर भरि जाइ भूर। इक दरशन हित आवहिं जरूर।। २८।। सभि घटनि जानि गन सिक्खय आइ। बांछति स देति आनंद उपाइ। उपदेश देति सतिनाम केर। सिमरंति सिक्ख शकती बहेर।। २९॥ 'तजि काम कोध मद लोभु मोहु। अपमान मान इक रसिह होह। हों मैं निवारि भाणा सु मंन । प्रभु कर्यो जानि नित रह प्रसंन ॥ ३०॥ निहं अपर कोइ दुख सुख जु देय। करतार पुरख तिस नाम लेय। अन्याइ करित निहं कबहं जोइ। सिभ जथा जोग कित करिह सोइ।। ३१।। अस दीन बंध तिस करहे मीत । पन चिंत छोरि धरि नाम चीत'। इस भांति देति उपदेश सार । उर धरिंह जुनर तिस भे उधार ॥ ३२ ॥ सिख करामात जुत मे कितेक। नहिं तजिह गुरू पग धरिहं टेक। अंम्रित बधीक जिब साद पाइ। अस कीत मूढ तिहं त्याग जाइ।। ३३।। सिख रहै पास सेवंति सेव। गुर लखें सकल देवा न देव। उर हरख शोक जिनके न लेश। नर रूप सुनट ज्यों काछ वेस³।। ३४।। नितप्रति प्रताप होवति विसाल। जिन वडे भाग नित रहति नाल। धन ब्रिंद आइ नहिं छूवति हाथ । सिभ दें लगाइ उपकार साथ ॥ ३५॥ सुनि जसु बिसाल द्रोही जू कूर। बिन अगन जरित दुख पाइं भूर। दुरबुद्धि मूढ बिन हेतु द्रोह। मतसर महान करि निफल कोह⁴।। ३६।।

^{1.} मुख्य या प्रधान सिक्खों को 'सिरोपाउ' दिए। 2. वैशाखी, मेष-संक्रान्ति।
3. गुरु जी ने नर की भांति मनुष्य रूप बनाया है। 4. कोध।

को कहै तिनहुं के संग जाइ। 'तिज मान क्यों न पग परहु आइ। उर अनंद लहहु दुख ह्वं न कोइ। सगरे पदारथिन लेहि सोइ'॥ ३७॥ क्या करिह जंतु जिन के न भाग। जस सुनित जरित उर हीन आग्। त्यों त्यों प्रताप गुर को बधंति। किस जतन सूर मूरख छपंति²॥ ३८॥ पुरि रामदास के होइ भीर। बहु बसन लागि लिख गुरिन तीर। सिख-मन-बिकार-म्रिग तिनहुं सिंह। अस गुरू दरस संतोख सिंह॥ ३९॥

दोहरा

कुछक दिवस बीतित भए गुर को इसी प्रकार। सुनि श्रोता आगल कथा दे जुपदारथ चार॥ ४०॥

इति श्री गुर प्रताप सूरज ग्रंथे त्नितिय रासे 'सीतला पूजन' प्रसंग बरननं नाम चौदशमो अंशु ।। २४ ।।

^{1.} विना अग्नि के ही मन में जलते हैं। 2. मूर्ख किस प्रकार सूर्य को छिपा सकते हैं?

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

अंशु १४ बिप्र बिख दैन प्रसंग

दोहरा लघु दुंदभि दुइ समैं मैं बाजित गुर के पौर ।। सबद नफीरन को मिलिहि, गाइं सबद सिरमौर ।। १ ।।

निसानी छंद

बजिह कुलाहिल होति है मंगल उपजंते। पतनी प्रिथीए की सूनै उर शोक ब्रधंते। नहिन बडाइ सहि सकहि दुख प्रापित भारी। निंह पूरी मत भावनी दुषटां जो धारी 1 ।। २॥ अनिक उपावनि चितवती चिंता गलतानी। बस न बसाविह बुरे पर² दुरमती अयानी। जतन बाद ही जाति है निहं पूर्यो काजा। अबि दिनप्रति बहु बधित है सिभ रीति समाजा।। ३।। तसु लायक सभि रीति ते सुन्दर बल भारी। कितिक बरख महि होइ है सुध लेहि संभारी। गुरता रहि है तिनहुं ढिग कुल चलहि अगारी। हम छुछे जिस भांति, तिम संतती हमारी।। ४।। कहां कर्राहंगे बाप्रे जार्चीह घर जाई। रलीआं3 पिखहिं शरीक की दीरघ दुख पाई। अबि तो थोरे जतन ते हुइ आवित काजा। हरि गोबिंद इक हते ते सगरे सुख साजा ।। ५ ।। लघु दरखत जिब उगित है बल अलप उखारे। गाढो होवहि मूल ते नर लिंग तिब हारे। इत्यादक चिंता कर्राहं निस बासूर सोऊ। जिम पपीलका सैल को चिह भगनित कोऊ।। ६।।

^{1.} दुष्टों की धारणा अभी तक पूरी नहीं हो सकती थी। 2. बुरा करने की वश नहीं चलता। 3. रंग-रलियाँ।

इक दिन प्रिथीआ वैठि करि निज पतनी पासु। करित वडाई आपनी सूख सहत बिलासू। अरजन गुरु कहावतो मम पद सिर धारे। किम सिख हमारे तांहि के हुईं नंम्रि अगारे॥ ७॥ जो सिख है शुभ मती जुति मोह कह मानै। करामाति साहिब लखै गन भेटनि आनै। बांछति पावहिं कामना वह कहति सनाए। अमुक सथल जिंह विखम थो तिहं भए सहाए 1।। ८।। इम स्नि कै करमो खिझी क्या करति बडाई। एक सल्ल छाती ठुक्यो सो नहिं निकसाई। जतन अनेकिन करि थक्यो सिभ बाद गए हैं। लखह न संकट अति बडे नित ब्रिधति भए हैं।। ९।। प्रथम भन्यो तुम बाक को-सुत नहिं उपजे है। करो भयो² न कछ फुरयो अबि सो मुदतै³ है। गरता हमरे आइ है, सो भी नहिं होवा। चहति हुतो-हित होहिगो-अबि म्रिखा⁴ सुजोवा ॥ १० ॥ जतन धाइ के पठन को तबि भयो स्बाद्। के बालक अहिलादू। बिनासे तिसी बहर सरप कै व्रास ते जीवति ही जोवा। पशलबध के बेग ते तिसकों हित होवा ।। ११।। कह्यो निकसि है सीतला सिस प्रान बिनासै। सकल अंग सुन्दर रहे कुछ बिघन न तासै। इह सभि तुमरे वाक थे क्यों न सच थीवे। जिसहि चहिति संघारिवे बिन रूज सो जीवे।। १२।। जिसकी चिंता राति दिन बासिह उर मेरे। धूनी सम छाती धूखित रिपु घाती हेरे। अपन बडाई बाद ही किम आह सुनावें। जिसते सगरी कुल दुखिह सो चीत न आवै।। १३।। सुनि प्रिथीए धीरज दई बहु बिधि समुझाई। बचे प्रान तिस पुत्र के बहु करे उपाई।

^{1.} अमुक स्थल पर जब कष्ट पड़ा था, तो सहायक हुआ था। 2. झूठा निकला।

^{3.} हर्षित हैं । 4. मिथ्या । CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

पाठ करे बहु चंडि के दिज ह्वै समुदाई। दान दीनि अनगिनति ही मम बच निफलाई ॥ १४॥ तऊ सुनहु मम बाक को तै चिह तिह हाना। सो कारज मैं करहुंगो बचहैं नींह प्राना। प्रथम जतन सभि बाद भे इह होइ न बादू¹। पहुंचिह जमके धाम को तुझ हुइ अहिलादू।। १५॥ सल्ल्य उखारों बंस को² गुरता हम लैहैं। विदेशनि सकल ते पूजा करवै हैं। बेदी तेहण बंस मिंह भल्ल्यन के नांही। गुरता सोढिन के अहै हम तीनहुं मांही ॥ १६॥ महांदेव भोरो अहै नहि चाह अरजन हुइ बिन पुत्र ते अधिकै दुखवंता। वैस बिते तन बिनस ह्वै इसिथर निहं कोई। पुन हम ही गुर होहिंगे को दुतिय न होई।। १७।। तजहु चित उर हरख धरि लखि सचु मम बानी। बिख दै करि बालक हतौं सिभ के अगवानी। बिप्प्र खिडावा³ इक अहै हरि गोविंद केरा। दे करि दरब लुभाइहौं मानहि बच मेरा ।। १८ ।। सुनि करमों इस जतन को जान्यो हित होवै। सल्ल रिदे चिरकाल को इस बिधि ते खोवै। करि मसलित मोदित उठे 4 हरि चिंत महानी। जान्यो कारज हुइ गयो हरिगोविंद हानी ॥ १९॥ इक दुइ दिन बीते जबहि कुछ अवसर पायो। परी राति पठि दास को सो बिप्प्र बुलायो। सनमान्यो म्रिदु वैन ते निज निकट बिठायो। 'शुभ सुभाव तेरो अहै हमरे उर भायो।। २०॥ हम देखति हैं निताप्रति बहु सेव करंता। रात दिवस बिचरित रहैं इत उत हितवंता।

^{1.} पूर्व-यत्न तो निष्फल हुए, यह व्यर्थ नहीं जायेगा। 2. अपने कुल की इस चुभन को सदा के लिए दूर कर दूँगा। 3. बालक खिलाने वाला ब्राह्मण। 4. मंत्रणा करते एवं प्रसन्नता प्रकट करते हुए। CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

तोहि राखिवे पास को चित चहति हमारो। करवार्वाहं गुज़रान को नित रखिंह सुखारो ॥ २१ ॥ श्री अरजन तुछ देति हैं ठाने विड सेवा। नहिं परखति तुझ किरत को हम जानहिं मेवा'। बिप्प्र भन्यो 'सुनि गुरु जी! चाहति गुजराना। जुकछ कहिं कारज करौं आलस विसराना॥ २२॥ अपर थान नहिं जीवका मैं भयो खिडावा। जाग्रति राखौं गोद महिं बह करि परचावा। खरो फिरति हों सदन महिं जंघा थिक जै हैं। राखित उरध उठाइ कै। निंह बैठन दैहैं।। २३॥ दीरघ थल सरीर है जिस भार घनेरा। करौं खिलावनि गोद लै परचाइ बडेरा। अपरिन ढिग निहं जाति है रिह कोछर मोरी। सुख सीं राखित खेलते, जाति न कित ओरी ॥ २४ ॥ प्न प्रिथीआ कहिबे लग्यो 'कारज इक मेरा। सिद्ध होति सो तोहि ते लिह धन बहतेरा। एक बारि करि लेहिं जे सुख हुइ वय सारी। करन सुखारो तोहि को, अपरिन कहु भारी'।। २४।। बिप्प्र कह्यो 'अस काज क्या मो ते बनि जावै। जिस ते दरब समूह दिहु तुमरे चित भावै। क्यों न करहुं गो मैं तिसै जिस ते सुख पाऊं। अपने हित सगरे चहति क्या रंक जुराऊ'।। २६॥ कहि प्रिथीआ 'प्रथमे सपथ कर लेहि जनेऊ। मैं भी उचरौ सपथ को तुझ को धन देऊं। मोर तो चहुं श्रोन ते सुनि है नींह पंचो। दोनो को विसबास हुइ संसै नहिं रंचो ।। २७ ।। सपथ करिन ते होति द्रिड़, संदेहि न होवै। धीरज उपजे दुहिन के सिध कारज जोवै। लेहु जनेऊ हाथ गहि नहिं कहूं बखानो। तन मन ते बल बुद्धि ते तुमरो हित ठानों।। २८॥

^{1.} ऊपर उठाए रखता हूँ।

सुनित बिप्प ने बच कहे गिह हाथ जने कि ।

'गोप बात जिम तुम कहो, निह कहूं कहे के ।

जे मुझ ते हुइ आइ है तो मैं किर देहो ।

नांहित इसकी सपथ मुझ निह आन सुन हों ॥ २९ ॥

सुनि प्रिथीए धीरज भई निज कपट सुनावा ।

'हे दिज! अबि उपकार किर धन लिहु मन भावा ।

हिरागोबिंद को देहु बिख इह कारज मेरा ।

सल्ट्य रिद करता करक दुख दिख घनेरा ॥ ३० ॥

श्री अरजन सुत बिन रहै, गुरता हम पार्वीह ।

नांहित, इन के बंस ते क्यों हुं न कर आविह ।

लेहु रजतपण पंच सै हम ते ततकाला ।

सरब आरबल लिग रहहु सुख देहि बिसाला ॥ ३१ ॥

सुनि दिज ने तूषिन करी पुन प्रिथीआ भाष ॥

भीहि जने क की सपथ धन कह्यों न राख ।

अपर रीति खातरजमा जिम होवहि तेरी ।

'मोहि जनेऊ की सपथ धन कह्यों न राखै।
अपर रीति खातरजमा³ जिम होवहि तेरी।
हम निंह कूर वखानते, क्यों चिंत घनेरी।। ३२।।
इहु करनो तुझ को सुगम नित रखिंह उछगा।
किसहूं विधि मुख दीजीए निंह देखिह गंगा।
अपर न को रखवार है तुझ पर विसवासा।
दे बिख मितक करीजीए किह-सूल प्रकाशा⁴।। ३३।।
कोइ न जानै बिख दई सिभ सूल पछानीहं।
तो कह नींह किह भांति डर हम पख को ठानीहं।
जे कोई तब नाम ले डांटहु बहु तांही।
नतु आवहु हमरे सदन किस देविंह नांही⁵।। ३४।।
दरब लोभ ते फिर गयो दिज मूढ़ बडेरा।
कह्यो 'गंग सुिध नित रखै लिख निज संझ सवेरा।
नहीं अपर की चौकसी लागे निज काजा।
घर अंतरि मैं राखतो जिंह सकल समाजा'।। ३५।।

^{1.} पीड़ा पहुँचाता है। 2. सारी आयु। 3. विश्वास। 4. कहना कि पीड़ा उठी टकैंd. र्विताबिक्सीम्बर्सिस्ट्रामीब (उन्हों), द्वामा पार्टी बार्टी by Siddhanta eGangotri Gyaan Kosha

किह प्रिथीआ 'बल वृद्धि किर छल ठानहु ऐसे। पर मिंह बिख दिहु लखै निंह गंगा किम जैसे। पुन तुझ को किछु डर नहीं आवहु मुझ पासू। इस प्रकार दिज द्रिढ़ कियो सिभ दे भरवासू॥ ३६॥ अपर बहुत मसलत करी किह लिग लिखि सोऊ। कपट करिन कहु पाप मे पापी बड दोऊ। बहुत बात परपक्य किर दिज गुर घर आवा। दिथीए ने जो बिख दई सो सिर धरि ल्यावा॥ ३७॥

दोहरा

पाहन सों पीसनि करी अति सूखम तिस राति।
पुरी बांधि सिर महिं घरी उठिकरि देहौं प्रात ॥ ३८।।
रैन सैन करि परि रहे ऐन² गुरु के विष्प्र।
प्रात होति जागति भए कर्यो पाप चहि छिप्र॥ ३६॥

इति श्री गुर प्रताप सूरज ग्रंथे वितिय रासे 'बित्र विख दैन', प्रसंग वरननं नाम पंचदशमो अंशु ।। १५ ॥

^{1,} पुड़िया बाँध कर । 2. अयन, घर । CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

अंशु १६ बिख दैन प्रसंग

दोहरा

भई प्रात उठि बिप्प्र ने हरि गोबिंद ले गोद। इत उत लग्यो खिलावने गंगा दिखति प्रमोद।। १।। निसानी छंद

दासी दिध ल्यावित भई बहु मधर मलाई। अलप कटोरा रजत को जिस महि नित खाई। तबि दिज निज कर मों लियो सिभ आंख बचाए। घर ऊपर घर¹ गयो तहिं नहिं अपर दिखाए।। २।। धर्यो कटोरा ताक महिं सो पुरी निकारी। दिध महि दीनसि झारि करि बिच अंगुरी मारी। नीको दियो मिलाइ के नहिं लखी अहि न्यारे। धरकति छाती वास करि, इत उतिह निहारे॥ ३॥ बिप्प्र छिप्प्र को करति भा गहि हाथ कटोरा। लग्यो पिलावनि ऊपरे करि मुख की ओरा। श्री गर हरिगोबिंद जी सिभ अंतर जामी। नाक एंठ फेर्यो बदन लखि कै दिज खामी²।। ४।। दिज ने बल ते मोर मुख किय समुख कटोरा। बाक कर ते झिरकतो 'हाऊ इत ओरा4। आवहि गहि लै जाइगो नातुर दिध पीजै। अधिक मधुर है स्वाद मैं नहिं देरि करीजैं।। ५।। हरिगोबिंद श्री गुर तबै जान्यो मुख लावै। छल ते बल को करित है बिख द्रजन पिलावै। निज कर सो बिख दधी मिलि दीनो स् हटाई⁵। निकट न मुख को करित मै इत उत फिरि जाई ॥ ६ ॥

^{1.} ऊपर की छत पर । 2. ब्राह्मण की कुटिलता । 3. द्विज ने बल-पूर्वक मुख को मोड़ कर । 4. इस ओर होआ है । 5. अपने हाथ से विष मिली दही हटा दी ।

विष्प्र कोध को करि तबहि ताड़ित झिड़कंता। गहे हाथ दै हाथ इक वल सकल करंता। द्तिय हाथ सों दिध गह्यो मुख बल करि लायो। नेत्र दिखावति लाल करि वड त्नास उपायो ॥ ७॥ हरि गोबिंद मुख बल धरे चिंबार पुकारी । शोर कर्यो ऊचे महां रोदित रव भारी। दधी लगाई अधर सों दिज अधम सुजोरे²। तऊ शबद अति सिस कर्यो इत उत मुख मोरे ॥ ८॥ कर पकरे करि जोर सों दिध-दिशि मुख फेरैं। 'क्या होवति है तोहि को' ऊचे इम टेरै। 'जे नहि पीवति अवि भला आवति है हाऊ। गहि लेवहि, छोरहि नहीं, मैं तो चिल जाऊं।। ९।। घेर बहु करति है कविहूं परचावै। हाथ ग्रीव द्रिड गहि रह्यो दिध समुख लिजावै। एक बारि किम पीय ले चाहति चित मांही। बहुर करिह रोदन अधिक मुझको डर नांही ॥ १०॥ कंपति कर वासित रिदा धीरज सिम नाशा। रुदित पसारित बदन जिव दिध करि मुख पासा। पावौं, किमहं लंघाइ ले उदरंतरि जावै³। पुन चोरी छपि जाइगी कारज बनि आवै।। ११।। रुदति पुकारे ऊच तबि दे दूरि सुनाई। श्रोन परी धुनि गंग के बैठी जिस थाई। आतुर शवद दुखार तो जो सून्यो न जाई। दौरति श्री अरजन निकट तुरन चिल आई ॥ १२ ॥ 'हरिगुविंद कितरुदति है बह ब्याकुल वानी। सुनियति ऊच प्कारतो अति संकट सानी'। श्री गुर भाखित 'प्रात ते4 दिज गोदी लीनो। ऊपर ले घर महिं गयो कछ जाइ न चीनों।। १३।।

^{1.} चीख मारी। 2. अधम द्विज ने बल-पूर्वक होठों से दही लगा दी। 3. पेट में पहुँच जाये। 4. प्रात: से।

हौल पिख्यो उर गंग के गुर दास पठायो। 'छिप्प्र बिलोकह जाइ करि कैसे रुदनायो'। दौरति दास पहूचिओ जिंह एकल ठांढे। हाथ विखै दिघ लै रह्यों छोरे कर गाढे।।। १४।। 'रुदनायो किम विप्प्र ! तुम गुर सुनि करि पूछा'। कहति स् 'मै दिध प्यावतो' बोलित छिब छूछा2। 'निहं पीवित इम जानि कै झिरक्यो डरपायो। तुं भी पिखि अबि खरो रहुं पुन मुख ढिग ल्यायो ।। १५ ।। हाथ साथ ते हटिक कै पिखि नाक चढ़ायो। देखि दास निज नैन ते गुर तीर बतायो। बहुर पठ्यो 'अबि जाइ कै आनहुं हमपासे। क्यों नहिं, पीवति दधी को बड रुदन प्रकाशे।। १६॥ दिध समेत आनहुं दुहिन कया कारन होवा। अपनि हदूर खवाइ है, देखहु किम रोवा'। दास गयो तिन पास पुनि आने गुर तीरा। बिनां लखे दिज मूढको बिनस्यो सिभ धीरा।। १७।। श्री गुर अरु गंगा खरी नंदन को हेरा। झलकति नेव विसाल जुग जल भर्यो घनेरा। मुख ब्याकुल कुछ अधर सो दिध लागि रह्यो है। सुबकति रोदित अधिक ही बहु कषट लह्यो है ।। १८ ।। पित की दिशा बिलोकते अजमत³ ते जानो। दुषट विष्प्र विख देति है समझावति मानो। पकर विखे मन गंग को⁴ कछ् कारण भारी। इस प्रकार खोटो रुदन नहिं कीनि अगारी ।। १६ ।। श्री अरजन सिभ जानि कै वूझ्यो दिज तांई। 'क्यों नहिं पीवति दधी को बालक रुदनाई' ?। विप्र भन्यो 'नित पियत जिम तिम आज पिलावों । करति हटावनि हाथ ते जिब मुख ढिग ल्यावौं ॥ २०॥

^{1.} बलशाली हाथ ढीले कर दिए । 2. (यह कहते हुए) मुंहर्का रंग उड़ गया।
3. प्रताप । 4. गंगा (माता) के मन में विचार उठा ।

म्ख फेरति नहिं समुख ह्वं मैं कहि डर पायो। रुदन पुकार अचानकै किम नहीं लखायो¹। भन्यो गुरु ने सुनि सकल 'अबि निकट हमारी। दधी पिलावहु सहिज सों हुइ सिसु अनुसारी'।। २१॥ इम श्री गुर के बाक सुनि दिज उर हरखायो। देवौं विख इन देखते अवसर शुभ पायो। कपट न मेरो अब लखिंह गुभ कारज होवा। जानहिंगे स्त्रितु सूल ते दिध सिभ ने जोवा।। २२।। तिव धीरज धरि दधी को मुख के ढिग ढोवा। पीवहिंगो अबि, स्रित् होइ डर उर ते खोवा। भिक्टी कुटल चढाइ करि द्रिग कुर दिखाए। हटक्यो बासन हाथ ते 2 रिस कुछ उपजाए।। २३।। हरिगबिंद जिंव इम करी श्री अरजन जानी। कपट दधी महिं कुछ कर्यो दिज दुरमति ठानी। लेकरि अपनी गोद महिं प्रिय नंद विठायो। द्रिग पौछिति दे प्यार को मुख मधुर अलायो ॥ २४ ॥ दिज करि ते दिध कर लई प्यावन पन लागे। हरखित दिज भी कहति है 'करीअहि मुख आगे'। जवहि कटोरा ढिगबदन श्री गुर ने कीनो। नीच बिलोचन करि रहे हटक्यो, नहिं पीनों ।। २५ ।। दिखि दिज बिसमै हइ रह्यो अजमत इन मांही। दधी सदोष पछानि कै लावति मुख नाही। कुछ हुइ जाइ न अस³ अबै मन कपट उधारै। त्रसति भयो पुन मन बिखै वहु गटी⁴ बिचारै।। २६।। अलप जाति ककर हतो पिसता कहिं जांही। जिस प्रयंक पर गर थिरहिं तिस तरै रहाही। वहिर चलति कित संग हइ पग पंकज तीरा। रहित हदूर सदीव ही जिह भाग गहीरा ।। २७।।

^{1.} क्यों अचानक रो पड़े, यह नहीं दीख पड़ता। 2. बरतन हाथ से हटा दिया।
3. ऐसी कुछ न हो कि (मेरा कपट खुल जाय)। 4. युक्ति। 5. छोटे कद की जाति
वाला कुत्ता।

कर्यो हकारन स्वान को परयंक तरे है। निकस्यो पूंछ हिलावतो द्रिग समुख करे है। तिसके बासन गुरू ने दिध कर ते पाई। सूंघति ही तिसते हट्यो मुख तनक न लाई।। २८।। अजमत गुर के स्वान महि जूठो नित खैहै। बिख जानी अचवी नहीं गुर को समझ है। सिर हिलाइ खरकाइ कै अपने जुग काना। बिख समेत इहु दधी है मैं करौं न खाना।। २९।। अपगति मेरी होइगीं, खोटी स्नित् पावौं। दुषट दिजाधम की कित कैसे इस खावौं। क्रिया करति को परख के गुरवाक अलाए। 'तूं हमरे नित संग हैं इत उत सिभ थाएं।। ३०।। निहं बिछरिंह शुभ होइ गित संदेह न कीजै। बिदतिह कपट जि दुषट ह्वै दिध अवि सिभ पीजैं। इस प्रकार गुर ते सुनित तिज स्रितु को वासा। बिन विलंव सिभ ही दधी पी करि त्रिपतासा ।। ३१।। बैठि गई गंगा निकटि दिज द्षट विठावा। अपर दास सिख पास गन बैठे तिस थावा। हेरति विसमति चित समसत कारण क्या होई। बिप्प्र बदन तिब पीत भा सिभ धीरज खोई।। ३२।। धरा प्रवेश्यो जाइ निंह, नभ उड्डयो न जाई। कपट खुटाइ किती मम सिभहं लिख पाई। धरि मुख मौन विलोकते बोलति नींह कोई। अंतरजामी धंनि गुर उर सिभ सुधि होई ॥ ३३ ॥ घटी एक महि स्वान सो गिर परयो जुठांढा। तरफित मारित पगिन कहु संकट बड बाढा। लांगुल ऐठित 2 बैठि किब पैठित घर जाई 3 । शबद करति कवि आइ कै आगै लिट जाई।। ३४।। लाल विलोचन हुइ गए व्याकुलता पाए। इस प्रकार संकट लह्यो सिभ के अगुवाए।

^{1.} एक घड़ी समय में ही। 2. दुम अकड़ाता। 3. घर में घुस जाता है।

केतिक चिरमहिं मरि रह्या मुख दीनि पसारे। दंत निकासे वहिर को गिर गुरू अगारे॥ ३५॥ पग पंकज तिव आपतो कूकर के छवावा। गयो विकुंठ विवान चिं उत्तम पद पावा। सिभ देखित विसमाइगे करि हाहाकारा। हरि गोविंद उबरे भले जन सुखद उदारा॥ ३६॥

इति श्री गुर प्रताप सूरज ग्रंथे त्रितीआ रासे 'विव दैन प्रसंग वरननं नाम खोड़समो अंशु ॥ १६ ॥

^{1.} देव-विमान ।

अंशु १७

विप्र स्नितक जीवालबो प्रसंग

दोहरा

जानि खोट दिज दुसट को श्री गुर सिंह न सकाइ। कोध कर्यो देखित भए जबिह स्वान स्रितु पाइ।। १।।

कबित्त

'जैसो दुख पायो स्वान द्रुजन महान दिज ! भयो प्रान हान अवि हेरित अगारी तोहि। तैसे पाइ संकट विसाल तातकाल फल, मूरख अजान ! जानि तेरो तन नाश होहि'। ऐसे गुर बैन भने सुने श्रोन मूढ बिप्प, उठयो सूल तेही छिन गिर्यो धर भयो मोहि । लिटति करति हाइ हाइ, न सहाइ अबि पर्यो अरिराइ² दुख पाइ जो धरित द्रोहि ॥ २ ॥ एक घटी सूल भयो, संकट बिसाल दयो, फेर मरि गयो हाथ पाइनि पसारि करि। मरे दोऊ हेरि करि, बिसमे बडेर सिभ कहैं बाक 'प्रभू ने बचायो हित धारि करि। पापी इन कीन कहां ठानि कै कपट महां बिख को पिलाइ रहा, पीओ न, पुकार करि । अंस जगदीश की शरीर धर्यो आइ करि, नंदन तुमारो करामात को उदार करि।। ३।। आप अवतार तुम सम जायो आतमज, अपर जि होति मारि देति न बचिति है। लेगयो इकाकी, बिख पाइ के दधी को मूढ ओज ते पिलाइ रह्यो, क्यों हूँ न अचित हैं³। श्री हरिगोविंद कीनि जतन बिलंद आप, मार्यो महां पापी, पाप पावक तचित है⁴ । आज भी जनम नयो बडे भाग जुत उधरिओ कपट कैसे मूट ते पचित है⁵।। ४।। कीनि क्यों कुकरम अधरमी भरम करि कौने सिखलायो विख दै कै सिसु मारनो। महां दुरबुद्धी नहीं पाप की पछान करी, दिज को जनम, पै चंडार ऋित कारनो⁶। जैसे काज कर्यो तैसो पायो है बिलंब बिन, मूरख महान कीनि काहूं ने सिखारनो । पर्यो है कुरूप हेरि श्री गुरू जी तिसी बेर शवद बनायो फेर कीनसि उचारनो ॥ ५ ॥

^{1.} पीड़ा उठी और मूछित होकर धरती पर गिर पड़ा। 2. चीत्कार करता हुआ। 3 किसी भी प्रकार नहीं पिया। 4. पापी पाप की अग्नि में तप्त होता है। 5. मूढ़ से क्यों कर (कटप) छिप सकता है। 6. जन्म से द्वित किन्तु कृत्य से चण्डाल था।

(श्री मुखवाक भैरउ महला ५)

लेपु न लागो तिलका मूलि।
दुसट ब्राहमणु मूआ होइकै सूल॥१॥
हिर जन राखे पारब्रहमि आपि।
पापी मूआ गुर परतापि॥१॥ रहाउ॥
अपणा खसमु जिन आपि धिआइआ।
इआणा पापी ओहु आपि पचाइआ॥ २॥
प्रभ मात पिता अपणे दास का रखवाला।
निदक का माथा ईहां ऊहा काला॥ ३॥
जन नानक की परमेसिर सुण अरदासि।
मलेछु पापी पचिआ भइआ निरासु॥ ४॥ ६॥

किवत

पापी दिज मर्यो, सूल कर्यो ईश महांराज पर्यो फल भर्यो दुख, जीववेकी हानकीनि। जैस मात पित निजपूत को बचाइ लेति तैसे निज दासको भयो है रखवार चीनि। निंदक हमारे जे शरीकिन कलंक महां, कारो मुख कारस पखारे ते न होइहीन²। दिनोदिन ह्वै सवाई प्रभु ने लगाई अस कुल ते न जाइ अपजस यों कमाइ लीनि ।। ६ ।। दास सिक्ख ब्रिंद देखि निदित अगेखे तस-कल्ख विशेख कीनि, कौने सखलाइ करि ?। कांके विन प्रेरे वयों करति दिज लोभ बिन ? सिभिन को मन इम आवै बिसमाई करि। श्री हरिगोविंद चंदआरजा विलंद इन, कौन प्रान भंग सके प्रभू जे सहाइ करि। दासन के गोप³ तास नंद को उवारो क्यों न, भए अवतार गुरु नानक जी आ करि ।। ७ ।। कूकर बिलोक करि किपा को करित गुर, गुन को उचर करि दासिन सुनायो है। रह्यो हम संग, जिब बैठित प्रयंक पर, तरे रहे पर, निह अपर सिधायो है। पनहीं को पावति निहारित उठित चल, खरे हेरि खरो रहै लांगुल हिलायो है ऐसो मतवान स्वान दुलभ न आवै पान आग्या दीनि खफ्फन सो छित में दबायो है 4।। ४।। पर्यो दिज हेरि, फेर गंगा कर जोर कहै 'मर्यो इह पापी, पै प्रगट पाप भयो नाहि। कौन हेत बिख देय मार्यो चहै नद मेरो, यांको कौन काज होति ठानै पाप जिसी चाहि ?। कैधो सिखलायो किन, बने जोऊ दुशमन, आगै उपतात कीनि, बसति वडाली माहि?। निरनै भयो न एहि, सिभ को संदेह रह्यो, गयो त्याग देहि को बताइदेहि बात याहि।। ९।।

^{1.} मर गया। 2. काले मुँह की कालिख धोने से नहीं हटती। 3. 'रक्षक' से अभिप्राय है। 4. कफ़न डालकर धरती में दबा दो।

आपके बचन ते उठ्यो है सूल, मर्यो एहि प्रभू जी, जिवाबो, निहं मारन करीजीये।
एक दिज देहि दूजे खोइ है संदेह सिभ, छल को बताइ देहि, बूझ इस लीजीए।
सिभ को प्रतीति आइ, देय गो सुनाइ, निहं गोप को रखाइ, इस मुक्ख ते सुनीजीए।
आपके शरीक बिन पाप अस कर कौन, तऊ ब्रिंद लोकन मैं दिज ते कहीजीए।। १०।।
और सुनो बात, लोक निंदा को बखान कर बिप्प्र मार्यो धाम बिख, भेद न सके गे जानि।
धेनु दिज रच्छक है बिरद तुमारो भारो, छमो अपराध आप पापी पै किपा को ठानि।
सहज सुभाव है किपालता बिशाल धरो, बिन मेरी मानीए, सदीव तुम राखो मान।
कर्यो जिम भर्यो तिम, मर्यो धरि पर्यो अबि डर्यो न शरीक टर्यो जर्यो न हर्यो
न मानि ।। ११।।

गंगा के बचन सुनि बोले गुरु अरजन, 'पापी दंड देनि जोग दोष न पछान कोइ। बालक हतिन पुन निमक् हमारो खाइ, फेर गुरु धाम को अदाइब न कीनि जोइ। ऐसो बडो कलमलधारी न गिलान मन², कौन जानै कैसे कीनि मूरख निलाज होइ। क्यों तूं इम बात कहैं बिप्प्र को जिवायो चहें ? काषट मैं पाइ दहें 3, लेहिफल म्नितु सोइं॥ १२॥ गुरु बाक सुनिके बखानी गंग बानी पुन, 'सुनि मैं कहानी कान बडे पुरखान की। तुम सों भनित न बनित महांमित आप, तऊ सुप्रसंग पाइ कहौं हठ ठानि की। दिज दोषवान होइ देहि को न दंडदेहि अपर अनेक बिधि ठाने जिम जानि की। खोटिन को खोट प्रगटावेंगो सुदिज जीवि यांते मेरी बेनती सुमानो तिय बान की ।। १३॥

श्री गुरु सु जानी, बिनै ठानी मन मानी, पुन मंत्र सितनाम को पठ्यो है जल हाथ लीनि।

छिरक्यो बदन पर सगरे शरीर फेर, जीव उठ्यो मूढ मित कपट जु गूढ कीनि।

जैसे गाढि निद्रा मैं सुपित चिरकाल हूं को जागि पर्यो तातकाल सारी सुधि तैसे चीनि।

हेरे चहूं ओर बैठे नर परवार किर, सिमरी खुटाई, निज लोचन निवाइ दीनि॥ १४॥

धारी उर शरम, अधरमी सो गुरू भनें 'कैंसे तूं भरम कै कुकरम कमायो है?।

लीनि धन धान, कीनि खानपान नीकी रीति, ऐसी बिपरीति बिखै किम तूं लुभायो है?।

कौन काज तोहि होति, पाप को उदोति जिब, कैधों कुछ दीनि किनि पाप सिखलायो है?।

साच ही बताउ, निहं कीजीए वलाउ, मूढ छोर्यो तोहि मारवे को याने विखशायो है'॥ १५॥

सुनि कै दिजाधम समुख न करित डीठ, नीठ नीठ ऊपर को लोचन उठाइ है।

कपित सरीर, उर धीरिज न, ल्रास महां भयो भयभीत कौन पीर उपजाइ है।

^{1. (}शारीक) आपका मान-हरण नहीं कर सका। 2. जिसके मन में अपने कुकर्म के लिए भी नफरत नहीं। 3. लकड़ियों में डाल जला दें। 4. दोषी ब्राह्मण को भी दैहिक दण्ड न दें। 5 इसने (भाव गंगा माता ने)।

मितक ह्वं पर्यो तिव मितका लगी है गात, मुख में झगूर, सीस पाग ते नंगाइ है।
मानहु नरक ते निकासि के विठायो अधी, पीत मुख लोटिवे ते भयो विकलाइ है।। १६।।
सूल ने संकट दीयो सूल ज्यों चुभे हैं तन, भयो अस सूल न विलोक्यो जाइ पातकी।
बोल्यो हाथ जोरि करि चोर सम घोर अधी, 'छोरते वतावों वात भई जिम घात की।
प्रिथीए बुलायो मोहि, बोलि के लुभायो ध्रोहि ठानै बहुद्रोह कोह महांउतपात की।
मेरे सनमान करि, मधुर बखान करि, सीछ्या यों महान करि वारता सुराति की।। १७।।
पंच से रजतपन देवौं एकबार गिन, फेर सुधि लेऊं तेरी सदा गुजरान की।
भावी तिब प्रेर्थो मोहि, मान लीनि भनी तिन, संखीआ मंगाइ करि दीन निज पान की²।
ल्यायो मैं रगर. पुरी बांधि करि धरी सिर, भोर होति दिध मैं मिलाई हेत खान की³।
मत मेरी होन की, द्रिड़ाई पाप ठान की, भ्रमाई यौं अजान की न कीनि बात स्थान की।। १८।।
श्री हरि गोबिंद, करामात मैं बिलंद, जानि पान ते हटाइ, नहीं पान करी त्याग दीनि।
देनि विख कारन उचारन कर्यो है सिभ, आपहो किपाल छिमा छित के समान चीनि।
लोभु की लहिर ने कहिर उपजायो उर, पितत उधारन को राविर बिरद कीनि।
बखशो खता को⁴, कह्यो साच मैं पता को अवि, करो न भरोस वांको पाप मैं प्रवीन पीन'।। १९।।

सवैया

श्री गुर ने सुनि साच भन्यो जिंब होए िक्रपाल बखानित बैना।
'कीनि खता जिनकी तुझने तिन आगे बिनै किर ह्व मन दैनां।
सो बखाँ शरनी परीए, अपराध असाधन, ते जिन भैना।
मात की गोद में बैठे बिराजित तांही के नाम ते ह्व सुखचैनां।। २०।
श्री हिरगोबिंद की दिश ह्व दिज बेनती वाक कहे समुदाई।
'सेवक मैं सिभ सेव करौं तुम, देवन देव सभै जगराई ।
मैं मितहीन कर्यो अपराध छमो प्रभु आप पर्यो शरनाई ।
यौं किहके पग पंकज ऊपर सीस धर्यो पितक अगुवाई।। २१।।
संमत श्री पित को चित जािन द्यानिधि बान तये हुइ आई।
कीनि महांअपराध जिने बखायो बिनती सुनि के सहसाई ।
नाथ ने हाथ पसार तब तिह माथ धर्यो दुति साथ सुहाई।
एक गरीव निवाज गुरु बिन आन के बीच कहां बिडआई।। २२।।

^{1.} यह आज रात की बात है। 2. अपने हाथों उसने संखिआ मेंगवाकर दिया। 3. खाने के लिए। 4. मेरी भूल को क्षमा कर दीजिए। 5. दीन-मन होकर। 6. जग-स्वामी। 7. पिता की सम्मित जानकर। 8. दया के स्वभाव से। 9. शीघ्र ही।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

ऐसो बडो अपराध कर्यो जिन प्रानके हान लौ कीनि उपाई।
पातक बालक घातक को पुनि अन ते लौन गुरू घर खाई।
सो ततकाल बिनै सुनिकै करि दीनो निहाल पिखें समुदाई।
एक गरीव निवाज गुरु बिन आनके बीच कहां बडिआई।। २३॥
दोहरा

इस प्रकार बखश्यो सु दिज गुरू गरीब निवाज ।

मातिपता देखित अनंद अरु सिखदास समाज ।। २४ ।।

महिमा महां प्रमान ते महांपुरख सुखकंद ।

गुर घर मिंह अवतार लिय श्री हिरगोविंद चंद ।। २५ ।।

भयो नरन समुदाइ तिंह बैठि रहे परवार ।

बिसमिंह अधि दीरघ पिख्यो बखश्यो बहुर उदार ।। २६ ॥

'दाता होवें अधिक ही जबैं तनूं बल ज्वान ।

करिंह निहाल अनेक ही जो इन के बिदमान ।। २७ ॥

इत्यादिक कीरित करित भरित हरख उर बीच ।

कोर जतन कोई करहु किम हुइ इनकी मीच ।। २५ ॥

धाइ हती, पनग हन्यो, दिज को कीन बिनाश ।

उलट परित है तिनहुं पर, बुरा जु चिंह किर आस ॥ २९ ॥

इति श्री गुर प्रताप सूरज ग्रिथे वितिय रासे 'विष्प्र म्रितक जीवालवी प्रसंग बरननं नाम सपतदशमों अंशु ।। १७ ।।

अंशु १८ प्रिथीआ गुर झगरन प्रसंग

दोहरा

सगरे सुनति प्रसंग को दिज मूरख चहूं ओर। बोले श्री अरजन गुरु 'कीन जु तैं अद्य घोर॥ १॥

स्वैया

सो प्रथीए मुख पै किह हैं तिह देहु मनाइ मनी जिम बानी।
पंच से देनि कहे तुझको, विख की जिम ताही ने सीखि सिखानी।
पाप मती जिसके नित है चित, ईरखा आगि में दाहि महानी।
संकट घोर घनो हुई देखित कीरित को सुनि कै सुख हानी'॥२॥
विष्प्र कह्यो 'सुनि श्री गुर पूरन ज्यों तिसने मुझको समुझाई।
त्यों तिस आनन पै उचरौं, ममनाश कीओ अस सीख सिखाई।
मैं गुजरान करौं तुमरे घर, भूर कलक दीओ दुखदाई।
भावी ने प्रेरन कीनि बुरे मिह, दोनहुं लोक मैं लीनि गवाई'॥३॥

दोहरा

श्री अरजन दिज सों कहा। 'महां मूढ क्या कीनि। साहिबजादे मोल को पंच सहस करि दीनि॥ ४॥ बहुर कहा। 'संग दासि के धाम प्रित्थीए जाइ। आनहुं साथ हकारि के लेकरि हमरो नाइ॥ ५॥

कबित्त

करो सनमान बोलि मधुर महान साथि आनो हम धाम को प्रसंनता उपाइ मन'।
गयो सुनि दास बैठो प्रिथीआ अवास जिस, सीस को निवाइ अभिबंदन सु कीनि तिन।
आपको हकारन करयो है गुरु अरजन, अबि ही उठीजै, चिल मिलीए बिलंब बिन।
सुनि के हरख करि, गमन्यो गुरु के घरि, मोहि साथ कौन ? बुझ्यो दास साथ भिन।। ६॥
मोहि को न सुधि कोइ ? पठ्यो चिल आयो इत ऐसे बात बोलित सो आयो गुरु धाम को।
कोठे मैं विठायो दिज 'बोलीए न बाक तुम हमरे बुलाए बिन, बैठ इकजाम को'।

बिष्प्र ने अलायो, जिम आपने बतायो तिम करों, वैठि रहों जिव लेहुमम नाम को । तिब मैं छपी न राखों, जथारथ सोई भाखों, मुकर न देय हों विगार्यो जिमु काम को ।। ७ ।।

इतने मैं प्रिथीआ पहुं च्यो गुरु पास आनि, हेत सनमान के उठे हैं कीनि बंदना।
मधुर महान को बखानिक बिठायो तीर, आप ते अधिक किर जानि दुख कंदना।
नंम्रि होइ बोले भ्रात हमरे बिसाल तुम, आदर सथान सदा कहैं हम मंद ना।
दैष को न लेश लिख, आपते विशेष हम जानित अशेष तुम बनित बिलंद ना²।। ८।।
बडो भ्रात पिता के समान जग जानियति, हित को करित, इही बारता प्रमान की।
बैर मन ठाने तो हमारे संग होहि तेरो³, बालक अदोष, नहीं मित्र शत्रु जानकी।
खोटोकामु कीनि बिख दधी सों दिवाइ दीन, बिप्प्र को लुभ्भाइ लीनि प्रेयों दुर बान की।
लाज न जहान की, न कीनि कुल कान की, न रीति दयावान की, न पाप की

जम को न जान्यों न कलंक को प्रमान्यों, ह्वं अजान हित हान्यों 4, काज ठान्यों मित मंदकों। राखे गुरु नानक सहाइ भए आन करि, तेरे मुख कालख लगाइ जिम चंदु को। मिटें न पखारी, दिनो दिन होइ कारी बहु, अपजस भारी दुख कारी लें विलंद को । हंसन के कीच, जिम कालमा कमल बीच, तिम बुधि नीच तेरी, करें छंद बंद को ।। १०। लाग्यों एक अंक ही मुख तेरे अबि, रहै चिरकाल, दहै चित कुल सुनि सुनि। खोटो तुझ जानें, मौन ठानें, न बखानें कछु, संगतां मझार पछुतावें सीस धुनि धुनि। सुनें गुर सिख, दीनी बालक को बिख इन, चाहैंगे न मुख पिख, दोष महां गुनि गनि। निंद को उचारें, तेरी कित को धिकारें सिभ, फैले जग सारे, भनें आप समें पुनि पुनि॥ ११।

कोधकरि छोभ सों हंकार धरि बोल्यो तिब 'झूठे उपालंभ देति आप ते बनाइ करि। हमरो बिगार्यो कहां जां ते बिख देनि चहा मेरो नाम कौन लेति है प उपजाइ करि ?। कोऊ निहं प्रेर्यो किब, कूर क्यों कहित तूम, देखि न सकहु तुहमत⁸ द्यो उठाइ करि। हाथन को मल करि बातन बनाइ लेति, कौन कर्यो काम नाम दीजिइ सुनाइ करिं।। १२। बोले गुरु अरजन 'सेवक उठहु अबि, सांकुर को छोरिकै किवारों को उघार देहु'। तातकाल उठि कै निकार्यो दिज, बैठो आइ प्रिथीए के सनमुख, चपे दोऊ चोर जेह।

^{1.} दु:ख दूर करने वाले (गुरु जी)। 2. आप वड़े नहीं वनते। 3. मन मैं वैर हो भी तो वह हमारे साथ होगा। 4. प्यार समाप्त कर दिया। 5. तुम्हारा बड़ा दु:खदायी अपयश होगा। 6. छल-बल करते हो। 7. एक वारगी। 8. लांछन। 9. दोनों (चोर की भांति) लिज्जित हुए।

लोचन को जोरै निहं, बोल्यो मुख लोरे निहं, छपुन को टोरै दाव, पावित न मिसकेह । उघर्यो कपट, जाित निघर्यो प्रिथी के बीच , मुख पै खुटाइ की शरम बरखाइ में हु ॥ १३ ॥ बोल्यो दिज 'मूढ़ ! क्यों करायो थो कपट गूढ, कैसे गुरबंस मै जनम तुम लीिनओं ?। आप पाप कूप मैं डूबित मोको संग गिह, करामात साहिब सों बैर वड कीिनओं । किम निवहोंगे दुऊ लोक सुख खोंगे, सिभ निंदा जुत होंगे, दुख भोगोंगे मलीिनओं । मुकरित कैसे ? मो सों कह्यो राित जैसे अबि सिभिन मैं तैसे कहु, पाप मै प्रबीनिओं ॥ १४॥

सुनि के कुटल बड़ो कपट न माने, पुनि लोचन न नीच करें, बोलित कठोर बैन। 'कहां भयो दिज को सिखाइ के कहायो कुर, उपालंभ देति, तपतावै मन मोहि भै न। निंदा को बिथारै जग. लोकन मैं बने ठग, आपको पुजावै, अग्न पास ते दरब लैन³। करै उतपाति, मैं न डरौं इन बातिन ते, घातिन बनावै सगरेन को सुनाइ दैनि ।। १५॥ जान वडो ढीठु, अविलोककै निठुर डीठ पाप यांको मीठ है — बिचार्यो गुरु अरजन। औगुन करत नहीं लाज को धरित, पुनि वकित कठोर, वनै बातन मैं सुरजन। आनन पै भनै दिज, मानित न, करै जिव, उलटो सु कोध होति दुरमित दुरजन। जांकै हित पाप घरै, औगुन अनेक करै सो तो नहीं पावै दई गुरता जुगुर जन ॥ १६ ॥ फेर बोल्यो पापमित 'अवि लौ न कीन कछ उहम करै हों अस अधिक विचारिकै। पुत्र के समेत तोहि जम के निकेत पठौं कोऊ दिन बीत, लेह ठीक उर धारि कै। मैं तो बड़ो पूत त्याग दीनिस पिता ने आप, वैस में अलप लीनि गुरता हंकार कै। कोई तो करैगो न्याइ, कैसे कै अंन्याइ होइ ना तुर अंधेर परै जग अविचार कै ॥ १७ ॥ श्री गुर बखानी कुछ नई नहिं रीति ठानी, आदि हुं ते चली आइ बिदत जगत है। भए गुरु नानक सपुत्र दोइ महां मत सेवा निहं लगे, लीति सेवा जो लगित है। दूजे गुरु अंगद उदार चित ग्यान रूप दोनों सूत दीनि नहीं, लीनि जो भगति है⁵। तीजे गुरु अमर बिराजे. तिन दोइ मंद छूछे रहे, आन थान जोति सु जगित है ॥ १८ ॥ चौथे गुरु रामदास परम प्रकाशवान, सेवा करी जानिकै विठाइ गादी हमको। जथा जोग जानै, को अजोग को वखानै इसु, जहां कहां मानै निहं पावै⁶ अवि तुमको । ईरखा करे ते इक रिदे को संताप लेहि, देखि देखि पाइ दुखि, पाइ नही समको। जतन अनेक ते बिवेक हीन गुरु ह्वं न, कैसे भार धारि है, विचार, त्याग गम को'।। १९॥

^{1.} बहाना नहीं मिलता । 2. पृथ्वी में समाता जाता है । 3. अज्ञ लोगों से धन लेते हो । 4. सबको सुनाने के लिए बातें बनाते हो । 5. जिन्होंने भिक्त की, उन्होंने पाया । 6. नहीं प्राप्त होगी ।

सुनि के सुपायो दुखि, बोल्यो किर लाल मुखि 'बैठिन न देऊं सुखि बाति जो बनाई अबि। लघुन के पास ते खसोटतो जो बली होइ जैसे कैसे मार लेति, जानित हैं लोक सिब। पिता की करी को फेर देति हैं सुबल पाइ, तिसी अनुसार बन जाित है कहैं जुसिब। निबल पै छोरै कौन, मैं तो रह्यो मौनि घिर, देखि हैं तमाशो अबि जोरिकिर लेऊं जिंव'॥ २०॥

'बली जे अनीति करें, मित बिप्पीत धरें, तांको प्रभु हरें, हार जाति है हंकार ते। भयो हरणाखस प्रहलाद सों विरोधी बड़ो, इंद्र को निकास दीनि आयुध प्रहार ते। सिंह न सकिंह जगतेश नरिसंह भयो लागी न बिलंब कुछ नखन सों मारते। बहुर सुग्रीव संग बाली बल कीनि महां, रामचंद आगे नहीं अटिक ओ बिदारते॥ २१॥ कपट प्रबीत ! ए पुरातन कहानी सुनि, और भयो रावन विसाल बलवान है। जहां कहां ओज ते अनीति महां ठानी जग, इंद्र आदि देव, नर देवन को हान है। तापसी सु वेसधिर राघव बिशेष बल कुटंब असेस जुत कीन अवसान है। गंजन गरब, रिपु भंजन बिलंद ओज नें, रंजन भगत मधुसूदन की बान है॥ २२॥ पापमती ! और सुनिगुनि मधुसूदन के, भयो है द्रुजोधन नरेश कीरवान को। पांडव निकारिक हंकार को उदार किर, सारो राज लीनि जानें मोहिन समान को। बल ते अनीति किर, बुधि बिप्पीति किर, मानुज को मीत किर महां मन मान को। जंग बीव हार्यो, मार डार्यो, न संभार्यो बल, कीन न बिदार्यो जो हंकार्यो अध

बड़े वड़े गिने लघु भए तिन कौन भनै, दुज्जन गुमानी हनै, बान भगवान की । तूं तो एक जंत कहां बल को गरब धरै, बांको रोम होइ है न जनत महान की । सगरे तुरक मिलि आवें न गुराई पावें बाद सिभ जावें, पछुतावें हित हान की । ऐसे मन जानिकै, बिचार ओर ठानिकै, समझ लेहु स्यानि के, समान मितवान की ॥ २४ ॥

दोहरा

रकत नैंन दुरबैन किहं, भै न हमै, छल ऐन।। पाइ हैं न कुछ लाभको, रैन सैन किर चैन ।। २५॥

कवित्त

सुनि जरगयो, दुख थियो तपतयो उर प्रिथीआ कहति भयो आंखै करि लालको। 'प्रिथीआ कहावों तब, पुत्र के समेत जिव तुमरो विनाश करों, सालतिविसाल को।

^{1.} बलवान शत्रु का नाश करने वाले । 2. महान यत्न करने पर भी बाल बाँका नहीं हो पाएगा ।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

जाइ दिल्ली पुरि मैं पुकारो जहांगीर आगै, सगरी अनीत को सुनावौं तोहि हाल को। मैं तो ठानि टाल को, न आन्यो इत ख्यालको, करौं सु अबि घालिको तुरक पठौं जालको। ॥ २६॥

मारजा तनूज के समेत तिसी थान बैठि पकर मंगाऊं खेद साथ ततकाल को। दुखित पुकारें जिब, छूटबो न होइ किम, तिब फल पैहैं मेरी आंख भई लालको। गुरता न छोरौं फेर लैंहों किर जोर महां, सुख सों सुपत सिङ छेर्यो तें कराल को। जैसे हाथ नाल को पकर ले विसाल को न जानै बिखी ब्याल को, सु ऐसे जान हाल को²'।। २७।।

श्री गुरु बखानी 'जगदीश जिम ठानी विधि, सोई हम मानी सुख खानी मन जानि कै। श्री हिर गोबिंद इन पौत हैं विलंद बली, पंथ को प्रकाश गो विसाल तेज सानक । सिक्खन को सिख तेरो बंसबन जै है मिलि, पाइ अस हीनता जु भाखें तूं महान कै। अचल कलंक तेरे अमिट मयंक के ज्यों, सुनि सुनि दुखै तेरो दोष बुरो मानिक ।। २८।।

दोहरा

करित पाप सुकचित नहीं दुरमित मतसर धारि। विन विन सु वेनती भाखहु तुरक अगार'॥ २९॥ अधिक सपरधा विध चली किह सुनि वाक कठोर। गारि देति प्रिथीआ उठ्यो गमन्यो निज घर ओर॥ ३०॥ नरक परन की करित मिति, चिंता नदी विसाल। बह्यो जाति डूबित सकल किलमल किलत कराल॥ ३१॥

इति श्री गुर पताप सूरज ग्रंथे वितिय रासे 'प्रयीआ गुर झगरन' प्रसंग बरननं नाम अष्टदशमो अंशु ।। १८ ।।

^{1.} तुम्हें पकड़वाने को तुर्क भिजवाने का प्रयास करूँगा। 2. तुम अपना हाल ऐसा जानो, जैसे कोई भूल से बड़े विषैले साँप को हाथ से पकड़ ले। 3. गुरु गोविंद सिंह। 4. स्पर्छी।

अंशु १६

प्रिथीआ समुझावन को प्रसंग

दोहरा

प्रिथीआ गमनित धाम को हिट फिर ठांढो होइ। कहिन लग्यो करि कोध को 'धन दे तुझ सिभ कोइ।। १।।

सबैया छंद

सुख की नींद न सोविन देवौं करि प्कार मैं पकरि मंगाई। सुत वनिता जुति खेदित करिकं तुरकिन ते तुझको मरवाइ'। मूछन पर निज करको फेरति, 'तौ मैं प्रथीओं नाम कहाइ। मिलिनि होइ तिब हूं तुमरै संग, राखहु याद विसर जिन जाइ 2 '।। २। इम सुनि सतिगुर कर्यो धिकारनि 'करम करनि को धिक धिक तोहि। पन तेरे बाकनि को धिक धिक, करनि पैज को धिक धिक होहि। मुख को धिक धिक, मूछिन धिक धिक, कुल की रीत तजी धिक जोहि। पर्राह नरक महिं तारिह नींह को, गन किलमल करिता उर क्रोहि 3 ।। ३॥ गमन्यो प्रिथीआ गारि निकासति सदन प्रवेश्यो रिदा तपंति । गिनती गिनति अनेक भांति की — नहिं पुरि बसौ चित्त चितवंति। आइ संगतां मुख पर मेरे निंदा भाखिंहंगे अत्यंति। सही न जाइ, बिगार होहि गो, परिह रार तिस काल तुरंत ॥ ४॥ तिसके सिख संगति बहु आविह अनगन धन आनिह मन चाइ! अलप होहि मुझ ढिग तब हारौं घर परवेशिंह लूटिन लैंजाइं 4 । जहां प्रबल रिपु नितप्रति ढिग रहि तिहं ते कुशल चहिह किस भाइ। सरप शेर को जथा समीपी इक दिन महिं कबिहूं विनसाइ।। ५।। पुत्त भारजा संग लिचलिहौं⁵ दिल्ली पुरी पहुंचि इक बार। सुलही सों मिलि मसलत करिकै जहांगीर ढिंग करौं पुकार।

^{1.} कष्ट पहुँचा कर। 2. भूल मत जाना। 3. हृदय से ऋोधी। 4. मेरे पास कम धन होगा, मैं हार जाऊँगा और वे घर में घुसकर मुझे लूट ले जायेंगे। 5. ले चलूँगा।

जिंह मैं जाउं सिक्ख तिहं मेरे आनेंगे सिभही उपहार। तिन ते करिगुजरान निवाहौ रहे इक्कव सरव परवार ॥ ६ ॥ मिलि दारा सों मसलत कीनिस नगरी त्याग चलहु किस थान। वढी सपरधा हमरी अतिशै इहां वसन मैं कुशल न जानि। बडो बिगार भए ते पूरव गमन करहु इह महां सियान²। त्यारी करह विलंब न ठानहु, नांहि त होइ आन की आन³।। ७।। इस प्रकार जिंव मतो मतायह⁴ भागिन की त्यारी करि लीनि। सरव पुरी महिं रौरा⁵ पर ग्यो भाज चल्यो प्रिथीआ <mark>डर की</mark>नि । श्री हरगोविंद को बिख दीनिस, उघर्यो कपट, लाज भयभीन⁶। साहिब जादे अजमत वल ते अपनो आप वचायहु चीनि ॥ ८ ॥ मिलि मिलि नर दुरि दुरि करि बातें मारिन हित छुछ बल बड धारि। गुर सुत महांदेव घर वैठो सुन्यो श्रोन महि सिभ दुरचार। कर मीजित सिर धुनि धुनि ढोरित⁷ कहां करम कीनिस बुरिआर⁸। धन कारन दारुन कित ठाननहि निंदा विदतिह जगत मझार॥ ९॥ बैठ्यो पछ्तावति घर अपने इतने महि इक मानव आइ। 'प्रथीआ सण परवार त्यार भा दिली विखै पुकारू जाइ'। कीनि सुनावनि, हौल उठ्यो, तबि तूरन पग पनही को पाइ। गयो उताइल करिकै बरजिन सरल रिदा जिह सहिज सुभाइ ॥ १०॥ दसक दास जिह साथ गए चिल देख्यो घर प्रिथीए को जाइ। असवारी गन त्यारी होवति सिभ वसत् के भार बंधाइ। सकल सकट¹⁰ महिं लादित सांभित हेरित लोक खरे समुदाइ। वहिर सदन ते को थिति अंतर केतिक पौर सथिर दरसाइ।। ११।। मंद मंद कहिं आपस महिं नर प्रिथीआ महां उपद्रव मूल। तपति विशेष द्वैष को ठानति अघ अशेष ते डरहिं न भूल¹¹। गादी पर बैठे गर अरजन तिव को होति भयो प्रतिकूल। हाथ नहीं कुछ प्रापित होवति जिस पर निहं भे पित अनकूल ।। १२।। अबि उतपात करनि कहु गमनित विख की वात विदित गई होइ। दब्यो लाज ते रिह न सकै पुरि, निंदिह नर नारी सभ कोइ।

^{1.} ले आएँगे। 2. यही बुद्धिमानी है। 3. नहीं तो कुछ का कुछ हो जायेगा।
4. विचार-विमर्श द्वारा निर्णय लिया। 5. शोर। 6. शर्म और भय से भरा।
7. डुल गया। 8. बुरा व्यक्ति। 9. शीघ्रता-पूर्वक। 10. रथ। 11. पाप करने से भूल कर भी नहीं डरता।

सुंदर श्री हरिगोविंद बालिक अनुज नंद मंदर गुन जोइ। तिस हितवे को चाहित नित प्रति मित हिति भई दुखित पिखि सोइ॥ १३॥ प्रिथम धाइ, प्न पंनग छोरा, अबि क्रुकरम इह कीनि महान । गुर सुत के सहाइ परमेणुर दिपति जोति मुख मंडल जानि। इत्यादिक सभि करित बारता अधिक भीर होई तिहं आिन। महांदेव घर मांहि प्रवेश्यो महां उपद्रव चाहति हानि¹।। १४।। भ्रात बिसाल पिख्यो करि बंदन भर्यो क्रोध सो रिदा तपंति। रक्त नेव कुछ आंसू झलकति जिस को मन सम विहंग उडंति। अनिक खोट संकलप उठावित चहै सिभिनि के प्रानिन हंति। कहि दासनि त्यारी करिवावति विपता परी उजर गमनंति²।। १५ी। महांदेव मन महां क्रोध पिखि हाथ जोरि कहि बिनै समान। 'कित कह त्यारी आप करावित ? सण परवार जाह किस थान ?। घर की वसत् समसत बँधावहु मनहु पुरी कवि पिखहु न आनि³। कारन कौन भौन को त्यागहु ? भौ न किसी को इह ठां मानि'।। १६।। किह प्रिथीआ 'दिल्ली पुरि गमनीं जहांगीर के पहुंचहुं पासि। करि पुकार मैं अखिल सुनावौं पठौं तुरक गन इनहु अवास। सूत बनिता जुित अरजन को तिब पकर लेहिंगे दे दुखरास। तहां मंगावों, कैंद करावों, मनवावी तिब जो मम आस ।। १७।। सनि तबि महादेव कर जोरे 'हम दोनहु तुव अनुज लगंति। बैस बिखै लघु, सुमित बिखै लघु, सुत समान हम लखहु सुचित। तमहो बडे सियाने बय महिं वृधि विसाल सिभ रीति महंत। रच्छा हमरी जिम किम करीअहि अहै जोगता इम लखियंति।। १८।। पित सम तुम प्रतिपालक होवह लायक इसी बात के जानि। उचित नहीं उतपात करनि के बतह पुकारु पिखहि जहान। धरह न रिदै ईरखा तप करि ह्वं करि पिता प्रसंन महान। गुरता दई जगत गुर कीनिस लख्यो जोग बैठाइ सु थान।। १९।। हम तम को चिहयति अबि इस विधि अखिल मसंद संगतां संग। सभि को ले तिन पग सिरं धारह पित आयस् कह मानि अभंग।

^{1.} महा-उपद्रव को मिटाना चाहते हुए। 2. उजड़ कर जाता है। 3. मानो दोबारा नगर का मुंह नहीं देखना।

हुद सपूत कैसे निहं मानिह, समझ विचारह रिदै निसंग।। २०॥ उठि अवि चलहु साथ मैं तुमरे तिन के पग पर नमिह करेहु। नांहि त जग सिम हासी किर है अपजस सिख संगति ते लेहु। जिस हित अघ ठानित निहं तासित सोधन किस के संग न केहु। सुत बिनता हित किर उतपातिन अंत समै निहं साथी एहु॥ २१॥ इन सनेह को मिथ्या जानहु, मेरो कह्या बचन लिहु मानि। मिलहु प्रेम किर तजहु विरोधा आगै थिति हुइ जोरहु पान। करे कपट अघ सों बख्णावहु जिस ते होइ न तास निदान। तिन मिहं परम जोति परकाणित गुर नानक ते आदि जु जानि'॥ २२॥ सुनि प्रिथीआ बोल्यो विरमावित 'महांदेव मेरे बचमानि। चलहु संग मम दिल्ली पुरि मिहं तुझको गुरु बनाइ महान। सिम कोई पूजित तुव चरनिन अनगन धन अरपिह गन आनि। हम दोनहु भ्राता सुख पाविंह विह एकाकी होविह हान²'॥ २३॥

दोहरा

महांदेव भाख्यो बहुर 'मुझ किम गुरता होइ। पिता प्रसंन न मैं बड़ों ले बैठ्यों है सोइ'॥ २४॥

सबैया छंट

प्रिथीआ भनिह 'सुनहु हित बाकिन विल मेरे ह्वं किर अनुसारि। जहांगीर सों मिलिक भाखों की नीको न्याउं हमार। वसतु पिता की गोदी के जुित बड़ो पुत्र को है अधिकार। सो मुझ को अबि आप दिवावहु इक ने दाब लीनि बिलकार।। २५।। जे किर-वसतु के अधिकारी सगले नंदन-कहै बनाइ। तऊ सु दीरघ गादी छेवं इस मैं कछू न संसे आइ। सो में त्यागी महांदेवहित इसको टीका दे हरखाइ। पातिशाह ते किह गुर किर हैं सिभ संगित तुझ पूजे पाइ।। २६।। मैं सिभ ते बड, अरजन है लघु दोनहुं को बिबाद बड़ जानि। निहं दोनहुं को गादी पाविह यांते मध्यम करहु महान।

^{1.} भ्रमाने के लिए। 2. वह अकेले विनष्ट हो जायेगा। 3. हित के वचनों को सुन। 4. तब भी बड़ा गद्दी का अधिकारी होगा।

महादेव है महांदेव सम, मोरा मन, नहिं छल, नहिं मान। याते हम इस पर सिभ खुश हैं जग गुरता के उचित प्रमान ॥ २७॥ हम कहि कै तुझ करि गुर ल्याविह की जिह त्यारी हमरे संग। दोनहं मिलै, भली बिधि बनि है, मिलहि तोहि पद अधिक उतंग। अगिन समान मोहि कहु जानहु तुझ समीर ते मचिह अभंग। अस को कारज फेर न सिधि ह्वं हम तुम होए इक रंग । २८॥ महांदेव सुनि कै बिकसानों 'भलो मनावन आयो तोहि। सिभ सुख पावित निजघर वैठे इक भी चिता निह मन मोहि। लगयो बिगारिन को उपदेशनि जिसते संकट अतिशै होहि। मैं निहं मानौं द्वेष न ठानो अरजन गुरु न राग, न द्रोहि॥ २९॥ सूनह भ्रात इक बात नीतिकी अति उतपात चहति चित ठानि। घर फुटे बड संकट होवित लघुता पावित ह्वै जु महान। जिंह किंह हासी करिह जगत मिंह पुन अपजस को पाइ अजान। प्रथम बिसाल बली जग उपजे भेद भए ते प्रापित हान।। ३०।। मिलिनि विखै गुन अनिक भांति के फूटनि बिखै सु अवगुन विद । करह खुश मद² तुरकिन केरी देहु दरब रिशवती बिलंद। भ्रात परसपर जिंह जिंह बिगरे तिह तिहं अपदा परि दुखवंद। बिदित बात तुम जानहु क्यों निहं छिमां करिन ही सिभ सुखकंद ।। ३१।। बिगरे बाली भ्रात सुग्रीव जु तिन महुं भयो बडे को नाश। रावण नाश बिभीखन कीनसि भेद राखशनि करति प्रकाश। कौरव पांडव हठि करि निष्ठुर संघर करि बिनसे बल रासि। इस बडियनि की दशा भई जिब अलपनि की गिनती कहु क्या सु।। ३२।। घर की बात वहिर परकाशनि कर्राह परसपर निंद बखान। होरे अरु खोटे सभि भार्खाहं 3 , बिनसहि गौर, बडाई, मान 4 । खरचिंह धन, चित चिंता चितविंह अपट जाम लौद्ख गलतान। बिनै करनि अरु दीन होनि बहु इसफल विन पाइं न कुछ पान⁵।। ३३।। श्री नानक ते आदि गृष सिभ जग मिह मिहिमा इनह महान। अदब करींह सभि सीस निवावें पातिशाह आदिक नरजानि।

^{1.} ऐसा कौन सा कार्य है जो हमारे तुम्हारे एक रंग होने पर भी सिद्ध नहीं होगा।
2. खुशामद, चापलूसी। 3. खरे-खोटे सभी कहते हैं। 4. गौरव, बड़ाई और अभिमान सब नष्ट हो जायेंगे। 5. इनके बिना और कुछ हाथ नहीं लगेगा।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

जिब तुम गए पुकार करिन कहु झगरो दुइ दिश रिस अतिठानि।
फेर न पूर्जीह बंदन ठानिह, जानिहिंगे धन के हितवान ॥ ३४॥
इत्यादिक औगुन हैं लाखहुं, तजहु बिरोध सरल उर होइ।
करहु परसपर बंदन भ्राता अति अनंद घर मिंह लिहु दोइ।
कभी पदारथ की कुछ नांहिन श्री गुर करी कमाई जोइ।
गुन हैं अधिक मेल जे ठानहु सुजसु जगत मिंह किंह सिम कोइ॥ ३५॥

दोहरा

महांदेव इस महांमित महां कुटिल समुझाइ। चिक्कवन वासन बूंद जिम¹ छुई न मन कुछ ल्याइ॥ ३६॥

इति श्री गुर प्रताप सूरज ग्रंथे वितिय रासे 'प्रियीआ समुझावन' को प्रसंग नाम एक ऊर्निविसती अंशु ।। १६ ॥

^{1.} चिकने बरतन पर जल-बूँद की तरह।

अंशु २० 'महांदेव प्रिथीआ संबादि'

दोहरा

सुनिकै प्रिथीआ लखिह मन इह भोरो मित नाहि। आलस की लालस जिसे रहै बैठि घर माहि॥१॥

स्वया छन्द

'महांदेव तुम सुनो भ्रात जीजे अवि उदम करिहौं नांहि। शतु सहोदर ने सिभ लीनिस हमरो बंस कहां ते खाहि। जे अबि मुझते लई गई निहं पुन गुरता किम को ले पाहि। मैं समरथ हों लैवे को इह, विलम जानि की दिल्ली मांहिं[।]।। २।। मेरो क्या विगरे गो कहु तूं महिमा इस की जगत बिसाल। दरब पदांरथ अधिक अनूठे चहुंदिशि ते आवें ततकाल। झगरित कैंद होइ तिब हौरा हेरिहिंगे देशिन पुनिह उपाइन अरपिहंगे निहं कितिक दिवस मिहं हुइ अस हाल।। ३।। हम दोनहुं लघु ऐखरज मांही, गादी वैठि भयो घनवान। चहं दिशि ते गन संगति सिक्खन अनगनदरव वसतु दें आनि। तूं किम जरिह जरिह निहं उर मैं हम तीनहुं इक पितके जानि। इक मालक द्वै रहैं सु छूछे इम अनीति तूं मनमहिमानि।। ४।। पातिशाह पहि करौ पुकारिन गुरता लेवौं तूरन छीनि। सुख सों नहीं बासिबे देवौं, संकट परिह होहि बहुदीन। महांदेव तुम भोरे अतिशै हान लाभ की समझ बिहीन। मोहि कहे को इसी समें की झुरहिंगों मैं क्यों निह कीनि।। ५।। श्री अरजन निज छलबल करता तुम सूघे छल सकहुन जानि। तुझ प्रसंन करिदेति नम्र हुइ त्रास धरित इह झगर न ठानि।

^{1.} दिल्ली जाने-भर की देर है। 2. तुम कैसे सहन करते हो, मन में ईर्ष्या नहीं होती ?

तीनहं हम जिसके अधिकारी ले बैठयो एकल सुख भानि। सिभ मसंद किह किह अपनाए चहुं दिशि ते धन आइ महान ॥ ६॥ अवि उपावहइ सके, संग चिल, क्यों च्कति चितचौक सुचीनि । तेरो अधिक प्रताप वधहिगो हम भी तुझ ते होवहि हीन। तुभ पर में सुप्रसंन अधिक नित गुरू वनहिं वैठिहं दुति लीनि। चहुं दिश की संगति मिलि पूजिह अनिक उपाइन अरपन कीनि।। ७।। छलकारी उर कपट करिह नित मोहि न नीको लागिह सोइ। पिखि सरूप कंटक चख चुभते वित महिं चहति न चितवनि होइ। सुजस बाक तिस के अति तीखन बान समान कान लगि दोइ। रिद को वेधति करकति निस दिन तिह सूनि बचन इस समी जोइ।। ८।। महांदेव तेरो वड कारज हमरे वाद परे³ विन आइ। ज्यों क्यों करि दें तुहि वडिआई शाह निकट गुन वडे सुनाइ। खरचें दरव आपनो मैं सिभ जहां देनि कारज बनिजाइ। झगरों में जिंह होइ अदालित तुम बैठे रह सिहज सुभाइ'।। ९।। सूनि करि महांदेव कर जोरे वडी भ्रात विनती मम मान। तजह विरोध मिलह घर मांह अपर नहीं इस बात समान। पूरव पिता करी तिह सिमरह, जियति आप ही कीनि महान। हम तुम करति बिलोकिनि⁴ तिब हूं बैठायो गादी शुभ थान ।। १०॥ छल वल को करि आप न लीनी सेवा करत रह्यो पित पास। तिन रजाइ महि राजी रहिनो इत्यादिक जिस महि गुनरास। रहि अनुसारि न आप जनायह बिनै करति सम दासनि दास। अजर जरिन अर करिन भजन बहु सेवित करे प्रसंन पिता सु ॥ ११ ॥ बोलन बनहि तुमारो तिब हूं. अबि इसको निहं वनिह उपाउ। क्यों अवि बाद वाद वड बदते⁵ शुभगन अज्ञितिज मन महि ल्याउ । अपर सुजसु अर अपर प्रतापू सुनि करि सदा रिदे हरखाउ। पर सुख संपद करहु बिलोकिन निज सुख सम तिस करि चित चाउ ।। २२ ।। परदुख देखि दया कहु ठानहुं मानहूं सिम को अपन समान। इम गुरमुख संतन को मारग सो परलोक लहैं सनमान। वेमुख साकत के मन अवगुण सो त्यागहु नहिं कविहूं ठानि । सुनहि अपर जस तपहि अधिक तिस, निस बासुर चिंता गलतान ।। १३॥

सावधानी से मन में विचार कर।
 देखकर आँखों में काँटे चुभते हैं।
 झगड़ा पड़ने पर।
 हमारे-तुम्हारे देखते देखते।
 विरोध के वचन कहते हो।

अपरिन के संपद सुख देखिह नाहक दुख तिनके उपजाइ। जे उजरिह बिगरिह किस कारज निज हित ते चौगुन हरखाइ। शत्रु मित्र सम को हुइ आछो पिखित सुनित ही ज्वर चिंढ जाइ। शत्रु मित्र सम को हुइ आछो पिखित सुनित ही ज्वर चिंढ जाइ। जतन करिह अर बाकन वोलिह जिसते किसको बिगर सु जाइ॥ १४॥ श्री अरजन को सुजस इश्वरज आदि आतमज सिम सुख हेरि। जरहु न ज्वर सौं, जरहु रिदै अबि, अजर जरन गुन बड तिस केर। करामात साहिब सिम रीतिन नहीं जनावित विघन बडेरे। पुन हमरो शुभ भ्रात सहोदर तिस गुन ते गुन सिमिन घनेरे ॥ १५॥

दोहरा

इम बिचार मेरो कह्यो मिलहु विरोध बिसार। तिसते गुरता लेहि किम को बल करहु उचार'।। १६॥

सवैया छंद

सुनति श्रोन महिं प्रिथीआ उचरति 'बल बिसाल सुनि जस मुझ मांही । इत ते चिल दिल्ली पुरि पहंचौं, सुलही संग मिलौं करि चाहि। मित्र बिसाल बली सभि लायक मोहि कहे कहु उलंघति नांहि³। करहि मनोरथ पूरन ततिकृत जहांगीर के निकटि सु जाहि।। १७॥ मोहि काज अपनो ही जानहि, आयह प्रिथमे जिब इस थान। इक मेरे ही कारन करि कै सरव ब्रितांत लीनि तुम जानि। पुरि ते निकस्यो बस्यो बडाली, तिब मैं कह्यो गयो निज थान। नहिं कुछ भाख्यो मैं तबि राख्यो, अब काख्यो बैरी मुझ ठानि⁴ ॥ १८ ॥ जहांगीर सों कहि इक वारी पकर मंगावहिगो ततकाल। अपनी करौं कामना पूरन बहुर बसौं मैं सदन संभािि । यांही ते तुझ को अबि भाखौं चलहु संग लिहु सु पद विसालि । करौं सपथ जे नहिं विसास हुइ करि त्यारी मारग पद डालि ।। १९ ।। तुझ घर लक्षमी बिनां जतन ते आवित है नींह देहु किवार। ्लाभ राज हुइ चक्क्रवरत को ग्रहन करित क्यों नहीं संभार। चहुंदिशि की संगति चिल आविह पूजिंह पाइन दें उपहार। अपने मन महिं समुझति क्यों नहिं. चलनि संग मुझ होवहु त्यार'।। २०।।

^{1.} बड़े बिघ्नों के होते हुए भी । 2. इसी गुण के कारण वे बड़े हैं । 3. मेरे वचन नहीं मोड़ता । 4. अब मुझे शत्रु समझकर दृत्कारता है । 5. और उच्च पद भी СС-О. स्वित्वां करो (अर्थात गुरु बनो) । Jammu. Digitized By Siddhanta eGangotri Gyaan Kosha

महांदेव कहि 'गुरता जग की मैं लैवीं, कै तुम लिहु पाइ। सिख्यानि के मन की गति बूझनि कौन करहिंगो ? देह बताइ। अजमत अजमाइण विन¹ संगति निवहिं नहीं किम करहू उपाइ। फिर बैठिह 2 , निहं पूजन आविहं, गादी भ्रिषट होइ तिव जाइ ॥ $\ref{1}$ ॥ श्री नानक श्री अंगद पूरन श्री गुरु अमरदास जे जानि। श्री मंति रामदास पित हमरे तिन महुं जोति एक ही मानि। परमजोति सोइ अबि चीनह श्री अरजन मैं दिवति³ महान। तिनहु छोर किम संगति आवहि जहिं अजमत बिन लेहिं पछान ॥ २२॥ आप अछत ही थाप्यो गुर करि, सकल जोति पूरन तिस मांहि। अजर जर्यो नहिं करित जनावन प्रान हान लौ नहीं दिखाहिं। गुरु होनि की इहै बडाइ अनिक विघन ते चाल<mark>हि नांहि⁴।</mark> जे मतिवान पछान लेति से, नित सेवति पद पकज तांहि॥ २३॥ इत्यादिक असमंजस लिख कै तजह बिरोध लोग मद काम। सरल सुभाइ होइ करि मिलीऐ बैठहु कुगल सहत निज धाम । वैर करे विगरै तुझ कारज अपजस जग महि कहि नर वाम । मत निदान विन मत निदान करि⁵, रिदा सुद्ध करि सिमरहु राम'।। २४।। प्रिथीआ मनिह 'होहि निम ते किम इसके संग न करिहौं मेलि। विगर परे पुन निमहि नहीं किम6, मुझ सों बैर नहीं कुछ खेल। फल पैहै लिख लैहै सो तिव, अवितो गरव करै सिभ पेलि⁷। चलह साथि निंह बैठ रहो घर, हम निंह करें तोहि की गेल8ं॥ २५॥ महांदेव किं भें निहं चाहौं निहं हमरे पिखि होइ संताप। गरता की समरथता नांहिन, करो करित नहीं उर दाप9। देखि देखि करि दिहन होति चित, रहो तुमारे ही इह पाप। परको बुरा न हम को भावहि करहु तथा जिम जानहु आप'।। २६।। स्नि प्रिथीए करि कृटिल भिकृटि को निष्ठ्र बोल्यो द्षट बिसाल। होश भई फरमोश तोहि¹⁰ सिभ कहां लखिंह इन बातिन ख्याल।

1. प्रताप और मर्यादा का परीक्षण किए बिना। 2. संगत मुँह मोड़ लेगी।
3. ज्योतिर्मान। 4. विचलित नहीं होते (विघ्नों से भी)। 5. नादान बनकर अपना नाश न कर। 6. झगड़ा ही हो गया, तो अब मैं झुकूँगा नहीं। 7. सबको दबाकर। 8. पीछा, पीछे का ध्यान। 9. अहंकार, दर्प। 10. तुम्हारी होश मारी गई है। 11. इस समय।

तिस के गुन गन, अवगुन हमरे बरनित रह्यो सरव ही काले।। २७॥

जानि लई मन की गति तो सभि अरजन को हिमायती हाल¹¹।

महांदेव बोल्यो 'हस पक्खी श्री अरजन के नित अन्सारि। बैस अलप है गुन महिं दीरघ अर पित आग्या कीनि उचार। श्री गुर रामदास जो दीनिस कौन मिटाइ सकै विलिभारि। भनित पूत मन¹ सो सपूत हुइ पिता बचन जो ले सिरधारि ।। २८ ॥ इह सभि काम कपूत क्र के पिता वाक को चहि उलटाइ। क्रोधी, कुटिल, कितवनी, काइर, कुचिल, कठोर, कुमति, कुटलाइ। इसते परे दोष को गनीअहि जो तुम कर्यो चहति चित चाइ। इक दिशि पुंज पाप को धरीअहि, तब क्करम को निह समुताइ ॥ २९॥ श्री नानक को रूप जगत गुरु संत सुमति सम ब्रिती सुजान। जगतेशुर अवतार बिदित बहु, कर्यो हजारिन की कल्यान। गुन गन घरति, पितापुन हमरो तितहुं बिठायो अपन सवान। तिनके बाक चहति उलटाए नहि आग्या मानहि, करि मान²॥ ३०॥ पित सथान बैठ्यो तिस निर्दाह, बिदाह बडिआई कुछ नांहि। जया हंस को बक डर पावै. मशक³ गरुड को दाबनि चाहि। स्याल भार को करहि डरावनि, पटबीजनि जहि रिव सनताहि। तथा मनोरथ मन महिं ठानति श्री अरजन पर करि उतसाहि ॥ ३१ ॥ करामाति साहिब सो पूरन, धीरज अजर जरन, छिमवान। अजमित छूछां रिदै अगीरज छिमा न रंचक तो महि जानि। सो गौरा⁶ तूं हौरा⁷ अतिशै, सो ऊजल तूं मलिन महान। सरल म्रिदुल हरि रूप प्रगट सो, कुटिल कटोर जीव निज मान' ॥ ३२ ॥

दोहरा

सुनि प्रिथीआ जर वर गयो, जर न सक्यो वच साच । रक्त नेत्र फरकति अधर, भ्रिकृटि कुटिल जिस नाचि ।। ३३ ।।

इति श्री गुर प्रताप सूरज प्रथे वितिय रासे 'महांदेव प्रियीआ संवादि' वरननं नाम विसती अंशु ॥ २०॥

^{1.} पवित्रात्मा लोग कहते हैं। 2. अभिमान के कारण। 3. मच्छर। 4. गीदड़।

CC-O. Narbiji प्रकारमहोत्ताLlbrधिरु,गोरिज़ ग्रात्मार्थ. 7big रिप्ति By Siddhanta eGangotri Gyaan Kosha

अंशु २१

'प्रिथीआ सुलही सों मिलिनि' प्रसंग

दोहरा

प्रियीआ सुनित कठोर¹ किह 'कह्यो न वृझै बैन²। भोरा मूरख को कहैं यांते तुझ मित है न ।। १॥ सबैया छन्ड

इन बातिन को तुं क्या जानिह वरिह सदन दूरि वैठि रहंति। स्मितवंत मिंह बोल न आविह ती इह कारज कहां लखंति । जाहर जिनह जवाहर दिखय न सो किम होवहि परखनिवंति । जिन अजान की संगति वरती सो किम भेद लखिह वधिवंति ॥ २॥ तुझ सम ने करसत्ति फुलायह गरव धरित याते मिन चाहि। तौ समेत ही पकर मंगावौं तिव तुमरी अजमित लिख जाहि। लघु दीरघ तबि जानि परैगौ जिब होवहु तुरकिन बिस माहि। मानहिं कौन कह्यों किय तेरो जिस मिंह रंचक भी मित नाहि।। ३॥ उठि अवि जाह निकट नहि वैठह सठ की बात सूनों नहि कान। जस द्रोही अरजन है मेरो, तस तूं हैं ऋवि लीनि पछान। मैं हित करों, अजान न जानहि, जिमपस् कै पट भूखन ठानि। उलटो स्निगनि चहति चुभावनि, मैं तुझ जान्यो तिसै समान ।। ४।। महांदेव ने भन्यो वाक तभि 'श्री अरजन पक्खी इम जानि। श्री गूर ने गूरता जिंव दीनिस सिभ संग आग्या कीनि बखान। चरन परहु अनुसारि रहहु इन-हम ने तिब ही लीनिस मानि। पित गुर हरि अवतार संत मन हम न हटावींह तोहि समान।। ५।। आसमान को बान प्रहारिह उलटि लगै तिस हूं के आइ। सैलिन साथ माथ जो मारिह भगिन होहि सिरि, कछु न बसाइ। शेर सरप के दसन गहै जो, पावक ज्वलत हाथ दे पाइ। पाहन बांधे संग ग्रीव के तरवो चहै भुजन बल लाइ।। ६।।

1. कठोर वचन । 2. कही बात नहीं समझता । 3. क्या जानता है । 4.

परखने वाला।

तिम तेरो बिरतांत सु जनियति यांते करि विचार वच मानि। श्री गुर पित को बाक अटल रहि जित किन ते तुँ पावहिं हानि। अपनो हित लिख सूत बनिता जुित बसह सु नित चित आनंद ठानि। मेल करह नहि अपजस पावह, हरखह हेरि लखह पित थानि ॥ ७॥ प्रिथीआ भनहि 'भयो मसताना जिम बालक पय तिम अनजान। जो मुझ दहै कहैं बच तैसो, चहैं रहौं तिस दास समान। मैं नहिं मूरख करौं जतन अबि गुरता लैहौ छीनि महान। रहों इकाकी तुम हुइ दोनहु करहू उपाउ होहुगे हान'।। ८॥ महादेव किह 'निज हित कहू लिह, परहू पाइ मिलि बसहु सुखैन। काम, ऋोध, मद, मान, लोभ ते अबि जे नहिं मानहिं मम बैन। दुख ते तर दुख 1 लहिंह अनिक बिधि, अपजासु ते अपजसु बिन चैन । दुहूं लोक बिगरींह पछुताविंह हाथ न आइ समो जुित ऐन'।। ९।। प्रिथीआ जर्यो जर्यो नहि बच को 'किउं झखवाउ² करति उठि जाहु'। इम किह मौन धरी रिसि उर भरि सनमुख निहं देखति दुख मांहु। होनहार को रिदे बिचार्यो महाँदेव दिखि तिसके दाहु। 'चिता सर को मीन बनहु नित' स्नाप दियो ऋद्धति ह्वै तांहु ।। १० ॥ तिज तिस को उठि सदन सिधार्यो बध्यो बखेरा मन अकुलाइ। नाम पिता गुरु रामदास को तुरकन सों मिलि क्या कहि जाइ। दिल्लीपति अकबर ते आदिक श्री गुरु अमर चरन सिर लाइ। अबै निलायक तिन्के आगे चले पुकारू बाहु उठाइ।।११।। मैं समुझाइ रह्यो बहुतेरा एक न मानी मिन मितिमंद। होनहार को जानहिं क्या हुइ, करि बिख दैबो पाप बिलंद। चितवति सदा अनरथिन बीतिह³ उर हंकार, न मोहि मिनद। इस प्रकार बीचारति चित मींह गयो सदन मींह सदा अनंद ।। १२ ।। निज घर ते पुनि महाँदेव चिल श्री अरजन के पहुंच्यो तीर। देखि बिसाल भ्रात को ततिष्ठन खरे भए सनमान गहीर। बंदन करि के आपस मांही बैठे दोनहं महद सधीर। सरल म्रिदुल रिद अदब जुकति बुधि मिले प्रमोदित पिखि द्वैबीर ॥ १३ ॥ गोदि प्रमोदित श्री हरिगोविंद रक्ख्या शबद बनावित हेरि। श्री सितगुर अरु श्री परमेशुर इनको जस जिनि बिखै बडेर।

^{1.} दुख से बढ़कर दुःख। 2. झखते हो, बकते हो। 3. मन में पाप विचारते ही बीतती है।

'भए दास रखवारे आइ सू हाथ देइ राखे वह बेर।' मात पिता जिमसूत को राखिंह अपट जाम चितवित फिर फेर'।। १४।। इत्यादिक तिन विखै अरथ रिख कीनिस अपनी विनै वखान। इस प्रकार के शवद बनाए जिन मिंह प्रेम प्रवाह महान। श्री ग्रिथ साहित्र के विच लिखि, राखे सिक्खन हित कल्यान। जाहर अरथ जिनह कह भासहि लोक प्रलोक विखे सुखदानि ।। १५ ॥ निज सिक्खन सो महिमा प्रभू की करति सुनावनि प्रेम विसाल। 'पाठ पठिह रच्छ्या जिह चाहिह, होइं सहाइ द्याल ततकाल'। महांदेव इतने मींह आए सुधि को लेनि क्रूगल हित नालि। श्री हरिगोबिद को करि दरशन मन मान्यो हम भए निहाल ॥ १६ ॥ श्री गुरु रामदास कुल प्राची उद्यति चंद मनिंद अनंद। उज्जल दिपित जामनी सिक्खी ग्यानवानु सिख जुति उड ब्रिट । संगति देश विदेशनि की गन कीननि कैरव को विगसंद¹। दुषट प्रफुल्लित हुइ जितकति जो मुरझावहि मुखमद अरविद²।। १७।। जिम कश्शप घर सुरज जनम्यो श्री अरजन के हरिगोविंद। निसा अबिद्या नाशनि कीनसि अंध उलुक जि निंदक निंद । संत अनंत कमल बिकसंतिह चपे चोर द्रोहीदुख बिद । तुरक तेज तमपति को ताड़ित विसिक्ति तारिन बीरिन दुंद³।। १८।। इम अनुमानित महांदेव मन प्रेम करे बहु लीनि उछंग। 'मोहि सुनावह द्रोहि दुषट को ध्रोह कीनि जिम मिलि दिज संग। रक्ख्यक पारब्रह्मगुरु नानक किम सहाइ कीनसि स्रिदु अंग। प्रिथक कर्यो किम जननी दासनि, त्याग सरव ही भए निसंग ।। १९।। श्री अरजन किह 'दिज इह बैठ्यो इसको वूझ लेहु सिभ बात। एकाकी सिभिहिन ते कीनिस ऊपर ले गमन्यो दिध ख्वात। सिंहज सुभाइक रहे सकल नर लख्यो न किनहूं इह विरतांत। रोदित ऊच पुकारित जिवह अनवायो हमने तिस भाँति ॥ २०॥ दशी खुलाइ रहे नींह खाई, कूकर खाई मर्यो तुरंत। महांदेव सों दिजने भाखी डूबित प्रिथीआ पाप करंति। मुझको भी गहि लग्यो डुबाविन अपने संग अधिक अघवित । करामात साहिब गुर नंदन अंतरजामी सरव लखित ।। २१ ।।

^{1.} कवियों के उद्यानों का विकास करते हैं। 2. कमलवत् मुरझा जायेंगे। 3. वीर सितारों का तिरस्कार करते हैं। 4. बुलाया।

पाप जानिक अच्यो न मुख महिं, मैं बच रह्यो सु नरक परंति । अर्धम उधारन बिरद संभारयो. बखश्यो, किपाकरी भगवंत। कौन कौन गुन इनके उचरी, जाने पर अब अघहंति। महांपुरख अवतार जुपूरन काज करन हित नर तनवंति ।। २२।। बिसमै महांदेव पनि भाखी मैं समुझाइ रह्यो अवि जाइ। अघ दीरघ नै तिसै दवायह सूनि शभ बात नहीं मन त्याइ। दिल्ली गमनिह तूरक अगारी दीन होहिगो बिनं अलाइ। हमरे बडियन के पग परते अस वडिआई लखिह न काइ।। २३।। बड़ो बैसमहिं अलप बृधि जिस, पाप बाद बिन बोलित नांहि। कपट लपट घट, दपट ध्रोह नित्र, मतसर पावक महि जर जाहि। कृटिल बडो नींह समझिह कैसे इतने औग्न हुई जिस माहि। मानुख की गिनती कह क्या है, ब्रह्मा सकै न तिह समुझाहि'।। २४।। श्री अरजन किह सुनह भात जी नाहक हम सों ठानिह हैप। तदिप करिह तौ हमसों करि है, बालक सों क्या कपट विशेष। कारस² मख ते लिजिति हइ करि रहि न सकहि, कहि अजस अशेष। अपनी खुशी जाति परि तिज कै हर्नाह बुरा कह्यो तिस लेगु'।। २५ '। इत्यादिक कुछ अपर बारता करिकै महांदेव ग्रिह आइ। हरिगोविंद निज नंद अनंद गोद बिठाइ गंग बिल जाइ। दीननि दान दीनि सूत कूशली³ जानित नयो जनम इन पाइ। रंकन ते आशिख गन लीनिस अधिक सूधा ते माधुरताइ।। २६।। सरव गुरिन हित कीन तिहावल श्री ग्ररजन जी धरिकरि पास। भए सहाइक आन दास के करिवावति भै तिब अरदासि। संगति सगरी करी हकारिन बरतायह तिन महि सुखरास। जै जै कार उचारिन करते महिमा महां सू प्रेम प्रकाश।। २७॥

दोहरा

इस प्रकार उतसाह को सिख संगति गुर धाम । शबद कीरतन होति है सिमरित सिभ सितनामु ।। २८ ॥ 'धंन धंने गुर को कहैं 'जिहि किह करिह सहाइ । अंग संग निज दास के बिघन छुहनि निहं पाइ' ॥ २९ ॥

इति श्री गुर प्रताप सूरज ग्रंथे वितिय रासे 'महांदेव गुर को संवाद' वरननं नाम एक विसती अंशु ।। २१।।

^{1.} नित्य ही द्रोह करके आँखें दिखाता है । 2. कालिमा । 3. पुत्र की कुशलता के लिए ।

अंशु २२

'प्रियोआ सुलही सो मिलिनि प्रसंग

दोहरा

इस प्रकार श्री गुर सदन अति उतसाह कीनि । अधिक तिहाबल बरतही भई भीर सुख पीन ।। १।। सबैया

लघु दुंदिभ की घुनि वाजित है वहु नाद निर्पात के संगि भारी।
घरि पौर कुलाहल होइ रह्यो सिंध आणिख देति मिले नर नारी।
प्रिथीए कहु गार निकारित हैं 'नित पाप विखै रित जो दुरचारी।
हरिगोविंद को विख दीनि अवै, परमेशुर हाथ दे लीनि उवारी॥ २॥
मुख कारख लागि गई तिस के. मिरवे लगि जाइ न कैसे पखारी।
शरम्यो घरि वीच दुर्यो मित मूरख बाद ही वैर करे हित टारी।
गुर नानक की इह जोति विराजित, है गुन पूरन जे शुभ कारी।
छल ब्रिंद करे न छले किस रीति, सदा सरबग्य, कित्तग्य उदारी'॥ ३॥
ऐ बतीआं सुनि कैं सिंभ ही तिसके पख के सिंभ जाइ सुनावें।
'लोक हजारों ही गार निकारित कीनि महां अच बाक अलावें।
यौं उतसाह करें बहु भांतिनि बादित भांति अनेक बजावें।
भीर रही भिर, पूरिन मा घरि, भूर तिहावल को बरतावें'॥ ४॥

कवित

प्रिथीआ सुनित मन गिनती गिनत बहु काज निह सिद्ध भयो सल्ल रह्यो छत्तीआं²। निफल उपाइ गए, ठानित अनेक भए उलटो कलंक लए, जान्यो जित कित्तीआ। बिप्प मितहीन बिख दाव ते न दीनि जिनि जामनी मैं जानतो न तम भए अत्तीआ³। होति ऋत ऋत जिब बैरी मित देखि लेति, बच्यो निज भागिन ते भली भाल रत्तीआ⁴।। १।।

^{1.} मृत्यु-पर्यंत भी यह (कालिमा) नहीं जायेगी, उसे कितना भी धो लिया जाये।
2. सीने में यह पीड़ा ही रह गई। 3. अत्यधिकता। 4. माथे की रत्ती अच्छी थी;
भाव, भाग्यवान् था।

कविस

निंदक बने हैं नर, घर घर कहैं पुरि, सुनिओं न जाइगो बिसाल बैर चीनिओं। ऐसे चिता ठानि कै अधिक दुख मानिकै, कहित निज लोकन सों 'त्यारी सिम कीनिओ। लाद लेहु आज, नहीं रहे शेष काज कुछ, सगरे समाज की संभार किर लीनिओ। बड़ी भुनसार ते सिधार परें पंथ बीच, देखि हैं न बोल हैं सु रौल होइ हीनिओं²'।। ६॥

सवैया

तिस बासुर मैं सिम त्यारी कराइ कह्यो तम मैं पुरि ते निकसै हौं। नर हेरि के छेरि न कोइ करैं सुनि बाक कठोर को हौं न सहें हौं। बिगरे नर नारि जि गारि निकारित, पक्ख्य को धारित जे दिल पै हौं। सुनि लोक हमारे दुखें तिन ते रिस धारि कैंबार न र्ह्व, चिल जै हौं।। ७॥

सबैया

पैठ्यो निकेत मैं बैठि रह्यो सुप्रतीखित सांझ परो सिहसाइ 3। चित महां, निंह भोजन कीनि, अबोल इकांत भयी इक थाई। दुंदिम आदिक बादित को सुनि सेल लगे जनु सूल उठाई। सो करके उर मो सरके, गरके दुख मैं डर के थरकाई।। ८॥

सबैया

भानु अथयो. तम छाइ गयो, करमो कर मो गहि⁴ भोजन त्याई। धीरज दीनि प्रबोधन कीनि, 'प्रबीन महां तुम क्यों दुचिताइ?। जानित है सिभ लोक बिलोकित जे पितशाह समीप सदाई। जाइ के फेर निकासि दिहो पुरि, आप बसो हिट तुरन आई॥ ९॥

सर्वेया

चित निवारि करो पुरशारथ, होइ सकारथ जानि तुमारो। उद्दम ते बिन प्रापित ह्वै निह, सो अबि सल्ल्य समूल उखारो! ले पितशाहि कि सैन बड़ी, पकराइ दिजै, नतु दूर उजारो। पीवित जे दिध, जीवित ना इमि, थीवित ना पुरि रौर उदारो'।। १०।।

सबैया

या विधि बाक अनेक कहे, सुनि हानी कछु दिल ते दलगीरी । कीन अहार को, ब्रिट बिचारित—मेल करौं जुसभा जहागीरी। होहिं सहाइक मेरे सभै, कहि कै जु सुनार्वाह गे मम पीरी। देधन को अपने किर हौं इह बैठो रहै न पठै लिखि चीरी ॥११॥

^{1.} पौ फटने पर। 2. शोर समाप्त हो जायगा। 3. संध्याकाल जल्दी आ जाती है। 4. हाथ में पकड़ कर। 5. मन की ग्लानि कुछ दूर हुई। 6. चिट्ठी, पत्र।

सवैया

रैन को नैन मैं नींद नहीं विच ऐन के सैन रह्यो पर कै। पाप विखे अनुरागित जागित लागित ना पलक थिरिकै। शोकिति प्रात उडीकित ही निस चार घटी ते चल्यो चिर कै। सेवक दासी लीए बिनता संगि और समाज सभै भिरकै॥ १२॥ पंथ परे इक दें दिन मैं जिब होति भयो सुध काहु कई। है सुलही इत और अबै, पितशाह के पास न सो सुनई । होति भयो सों प्रसंन रिदं मिह कारज मोहि बनै दुनई। हेहरी ग्राम विखे उतर्यो दिन केतिक को, कुछ कार लई॥ १३॥ यौं सुनि के सुलही को तब मन अग्नंद धारिक पंथ प्यानो। भांति अनेक गिनै गिनती निज कारज सिद्ध भयो पिहचानो। जाति भयो उतलावित ही उतपात सो हेत रिदं जिन ठानो। आपने लोकिन सौ इम बोलित मोर मनोरथ पूरन जानो॥ १४॥

कविस

सुलही निकट, मेरो मीत है अमिट महां, मिलिक बिकट रिपु छिप्प्र गहिवाइ हो। प्त के समेत जाइ पकरे निकेत विखे, मोचन को हेत् कोऊ होइ न, सिखाइ हो। काराग्रिह रहै, लेऊं सगरे मैं ग्रिहछीनि, जैसे लघु ग्रह पर ग्रह बली, जाइ हौं। जतन बिहीन होइ, सिभिन ते दीन होइ. मेरे ही अधीन होइ, तबि सुख पाइ हौं ॥ १५॥ ऐसे बात कहि किह 'होवौं गुरु लहि लहि^{'3} लोभ धन चहिचहि ठानति हंकार को । देति है दिलासो निज लोक भरवासो हेतु करित निशा सो उर निशचै उदार को । हेहरी पहूच्यो जाइ डेरा कीनि थाइं किस, निस विसराम कीनि उठ्यो भुनसार को। मज्जन के नीर चीर पहिरे सरीर शुभ, सुलही के तीर पठ्यो नर सुधि सार को 1 ।। १६।। गयो पुन आप कह्यो अधिक प्रताप हेहु, शत्रुनि संताप परे वैठ्यो तिस तीर होइ। सुलही ने बुज्यों 'कौण कारज उरझ रह्यों कैसे चिल आए हो सुनावों वीर वात सोइ। सेवक न पठ्यो तहां बैठे रहे हुते आप, कारज तुमारो करि देति सो कहित जोइ। सदा अनुसार है, सो सखता विचार है, विलम नहीं धारिहैं. सुधारिहैं कही जै कोइ।। १७॥ प्रिथीआ कहित गुरु राखे तेरी पित नित, मेरै बिसवास चित थिति यो हमेश को। मेरो काज अपनो समान नीको जानि करि, छिप्प्र ही सुधारि देति प्रेम कै बिशेष को। कपट बिहीन प्रेम निबहै तुमारों भारों, हिरदे हमारे तैसो भेद है न लेश को। आगे तुम गए जिंब छड्ड गयो पुरी तिब, जाइ बस्यो ग्राम में समाज लै अशेष को ॥ १८ ॥ 1. शोक करते हुए। 2. सुनता नहीं। 3. अत्यन्त विकसित। 4 कृशल-क्षेम

जानने को।

आप संगि मिल्यो आइ तिब मैं रह्यो सु पुरि, संमत विताइ तीन ग्राम तिज आयो है। हम सों सनेह ठानि पुरी बस्यो आनि करि, बीते हैं बरख दोइ महां सुख पायो है। बड़ो भ्रात मैं हों गुरु पद अधिकार मेरो पिता ने अजोग करि गादी सो विठायो है। देति न दरव, आप राखित सरव, उर धारित गरव को, समाज अधिकायो है।। १९॥ शाह को न जानै, नहीं हाकम को माने कवि, त्रास को न ठाने, मन मन बधाइ करि। आइ चार ओर ते उपाइन अनेक भांति देति सभि जाति वह सीस को निवाइ करि। मो सों करैं बाद उर धारि के प्रमाद बड़ो. लोक पुरी आदि के सभिनि सिख राइ करि। निंदा को कराइ मेरी, सिक्ख्यन विगार देति, पूजा हान दूजा ह्वै न आपि को वंडाइ करि ॥२०॥ जोरि पाइ मेरे पै अवास ते निकासि दीनि, आपनो प्रकाश कीनि त्रास हीन होइ कै। निकस्यो निरास्त्र¹ में आसरो निहार्यो एक, सखा हो बडेरे तुम आयो इम जोइके। तेरे बिन कोऊ न सहाइक हमारो जग, तोही को असीस देति नीत अविलोइ के²। गादी है पिता की पद ऊचगुरता की शुभ, मोही को दिवाइ देह दोइन ते खोइकैं।। २१।। सुलही पठान क्रोध धारि कै महान भनै, 'अबि लगि तेरे संगि बादि सो उठावही ?। समझयो न जोर, निवलो क्यो हम ओर तिन, मालक मुलक को न जानि वास पावही ?। तेरे हेतू गयो तिव, सखा हैं लगित नीके, गयो पुरि छोर सो प्रसंग विसरावही ?। देउं मैं सजाइ, इस वात की, सम्रत्थ मोहि तऊ पातशाहि पास जाइ कै सुनावही ।। २२ ।। फेर गहि लै हैं, न संदेह उपजे है. सभि गुरता को दै हैं तुझ, कोई न मिटावई। अवि मोहि काज सौंप भेज्यो माझे देश पर. दरव सरव को मगावौं एक थांवई। करौं उगराही ब्रिंद पैसे पातिशाही लेवों. रहौं चिरकाल मैं बिसाल धन पावई। फेर दिल्ली जावई, प्रसंग को सुनावई. शिताब³ बुलवावई सो न्याउ को चुकावई ।। २३ ।। झगरे मिटाइ सिख सगरे शरिन पाइ, नगरी विठाइ गुरु तोहि को बनावई। करौं उपकार निज सखा पै जगत जानै, सकल उपाइन को लेह हरखावई। होइकै अशत्र्4 फल लीजै मित्र होन हुं को, ऐश्वरज विचत्र पाइ मोद उपजावई। केतिक दिवस वास कीजीए समीप मोहि, काज फेर होहि तेरो दिल्ली जिव जावई ।। २४ ।। हेहर जो ग्राम इह पातशाहि दीनो मोहि, देवौ सोई तोहि, बास सुख सों करीजीए। करो गजरान सिक्ख संगतां महान होहि, दूजा न समान पूजा निज करवीजीए'। प्रिथीआ सुनति मन आनंद उपायो बहु सुलही सों भाख्यो 'मेरे बाक को सुनीजीए। सुखी नित थीजीए, प्रताप मैं बधीजीए, मनरथ पूरीजीए⁵, समेत जस जीजीए⁶ ।। २५ ।। गरु अंग संग होइ संकट निवारै सोइ, बडो उपकार जोइ मेरे पर ठानिओ। दीनो शुभ ग्राम करौं बासवे को धाम इहां, आठोजाम तेरी श्रेय मुख ते बखानिओ । एक काम और सुनि ताल बनवायो तिन, आई सिख संगतां महान ही शनानिओ। तैसे मेरे मन है तड़ाग की बनाइ देऊं, भली इह बात है मनोरथ उठानिओ।। २६॥

^{1.} निराश्रित। 2. देख करके। 3. शीघ्र ही। 4. शत्रु-विहीन। 5. मनोरथ पूर्ण हों। 6. यशवंत जीवन विताइए।

होहु जे प्रसंन आप, आप¹ निरमल जां मैं ऐसो ताल सुंदर विसाल विन जाइ है'।
सुलही ने भन्यों 'इहु नीकी वाति ठानी चित, सिम को सुखद है अनेक नर न्हाइ है।
खगिम्रिंग नीर पान पुन ह्व महान यांको, रचीए तड़ाग चारों भागते सुहाइ है।
जैसे बडी संगतां स प्रेम ते शनानें तहां, तैसे तेरों होइ है सुजस पसराइ है'।। २७।।
ऐसे किह सुलही ने दीनिस दरव तिव, 'मेरों पुन होइगों तड़ाग विन जाइ हैं।
प्रिथीए ने भाखि कै पटा सु लिखवायों ग्राम, रचे निज धाम कीनि वास सुख पाइए।
आवे² लगवाए नित ठानतों उपाइ वडो सामता कों चाहै सुधासर ज्यों सुहाइ है³।
आवेंगी उपाइन अनेक ही प्रकार किर, मेल होइ तीरथ को मिलें समुदाइ है।। २८।।

दोहरा

लग्यो कराविन ताल को धरि उतसाह विसाल। खरचिह दरव सु सरव को गुर की मतसर नाल।। २९।। श्री अरजन के सम वनौं करित पखंड अनेक। अजमत पार्व कहां ते ग्यान विहीन विवेक 4।। ३०॥

इति श्री गुर प्रताप सूरज प्रथे त्रितिय रासे 'प्रिथीआ सुलही सो मिलिनि' प्रसंग बरननं नाम दुइ विंसती अंशु ।। २२ ।।

ति । २. इँटो के भट्टे । 3. ग्रमृतसर की समानता करना चाहता है ।
 4. ज्ञान-विवेक के विना वह महानता कहाँ से पाएगा ?

अंशु २३

प्रिथीए ताल लगावन प्रसंग

दोहरा

श्री गुर सों मतसर धरित¹ रचित दंभ बहुं भांति । छागि तड़ाग बनावने कहि कहि महिमा बाति ॥ १॥

निसानी छंद

खरचित दरव विसाल को आवै लगवाए। ब्रिंद मिहनती लगि परे बहकार कराए। खन्यो² तुरत बड ताल को म्रितका³ निकसाई। चहं दिशि ते इकसार करि चिनती⁴ लगवाई ।। २ ।। दिन सगरे बैठयो रहै कहिकहि करिवावै। देति मजरी संझ को भुनसार लगावै। कारीगर चिनति हैं सुंदरता संगा। देखि देखि हरखिह रिदै धरि वडी उमंगा।। ३।। करित सुधासर रीस को⁵ तिसही विधि कीनो। मदर तीरतडाग के शुभ रचना चीनो। हरि मंदर सम दर करे किह आप बतावै। कहि कि छिप्प्र6 करावतो, धन दे हलसावै।। ४।। मान सरोवर विमल जल घर हसनि केरा। तिम अम्रित सर कीरतिन गत संत वसेरा। कमल प्रफुल्लित बहु बरन दिपतावित शोभा। सतिनाम् हरि रामप्रभु अलि जन गन लोभा ।। ५।।

^{1.} अभिमान धारण किए हुए। 2. खोद डाला। 3. मिट्टी। 4. निर्माण-कार्य।
5. अमृतसर की नकल करता है। 6. शीद्राता। 7. दास रूपी भंवरे मोहित होते हैं।
हेहर गाँव पुराने जिला लाहौर में है। यहाँ पृथीए का बनाया मन्दिर, तालाब
और उसकी वीरान समाधि अब भी है।

विच संदर मकरंद है आनंद संदोहा। लघु दीरघ दल ब्रिंद हैं सद गुन गन सोहा। जिंह पराग श्रद्धा सुभग चहुं दिशि पसरंती। सठ म्रिणाल² गुर चरन की प्रीती उपजंती !। ६ ।। मुकता मुकति अनेक ही लै संत मराला। मिलहिं बिनोद प्रमोद ते चहं कोद बिसाला। वक सम प्रियीआ देखिक चित चाउ उठावा। पिखि छपडी ढिग ग्राम की चीकर3 वियरावा॥ ७॥ समता मानस की रचिंह मानस हरिखावै 1 मानस मुरख ब्रिंद के धन हित बिरमावै। भेक अनेक जि अवगना⁵ तिन सों वह छावा। मतसर, तिशना, द्वेष, रिस समुदाइ रहावा ॥ ५ ॥ इस प्रकार प्रिथीआ करिह हित ठिगत्रे मुढा। वद्धिवान किम भरम हैं ,जिन को रिद मुढा। मंदरि चारु बनाइकै अंदरि तिह बैसे। लखिह कि संगति आइ है अंभ्रितसर जैसे।। ९।। स्लही अरु प्रियीआ मिलिंह देखिंह हरखावें। अधिक सराहैं तालको निज नरनि सुनावैं। 'मज्ज्रहि लाखहं नर इहां तीरथ हुइ भारी। महिमां पसरहिगी अधिक हेरीहं नह नारी।। १०॥ श्री अंम्रितसर ते बड़ो इह होइ प्रभाऊ। भले देश मींह बन्यो बर मानव समुदाऊ'। मरख भावी निंह लखिह सिभ होइ खुआरू । सुकहि जल ढिह जाइगो मंदर सम वारू⁷।। ११।। बिन अजमत जानहि कुतो⁸ क्या होइ अगारी⁹। ग्यान बिलोचन उर नहीं अंधे दुख भारी। कोइ कोइ सिख तिसी को चिल करि तिहं आवै। करि सनमान बखानतो 'जो नर सर न्हावै ॥ १२ ॥

^{1.} राशि-राशि । 2 सुन्दर कमल-नाल । 3. कीचड़ । 4. मानसरोवर की समता में रचना कर मद में प्रसन्त होने हैं । 5. अवगुण रूपी मेंढक । 6. दु:खी होगा । 7. रेत के महल की भांति ढह जायगा । 8. क्योंकर । 9. आगे क्या होने वाला है ।

मन बांछति फल पाइ है सिभ पाप उतारैं। इत्तयादिक महिमा महां नर मिलहिं उचारै। जतन करित बहु भांति के हार्यो दुख पाए। मेला लग्यो न ताल को नहिं भे समुदाए 1 ॥ १३॥ सूधासरोवर संगतां नितप्रति वह आवें। कर्राह शनान सभावनी मन बांछित पावै। श्भ दिन मेला नरिन को मिलि जाइं हजारो। चारहं दिश ते आदते बहु दे उपहारो।। १४।। जरिह रिदे मैं जरिह निहं सुनि चिंत रखंता। पच हार्यो 2 महिमा कहति ओड़क 3 पछुतंता। प्रिथीए के सिख रंक जे कबि कबि चिल जावें। आई बिना उतसाह ते बांछित निंह पावें।। १५ ॥ श्री अरजन की संगतां अम्रितसर जै हैं। मिलहिं मेख शंकांत को धरि शरधा न्है हैं। मन बांछति को पावते नित अति उतसाह। दंदभि अलप नकीर गन बाजित धुनि तांहु।। १६॥ बर्जीह रबाबिसदंग गन शंखिन के शोरा। गावहिं रागनि महिं शबद फिरि करि चहं ओरा। जाम त्रिजामा रहे⁴ ते मंगल नित होवै। बरतहि बहुत कराह⁵ सिभ गुर दरशन जीवें ।। १७ ।। जाम दिवस के चढे लौ मेला रहि भारी। अरपहि अनिक उपाइना होवति बलिहारी। गाइं रवाबी शवद को रागिन चत्राई। खरे करींह अरदास को बांछति सिभ पाई ॥ १८॥ होति कुलाहल मिलहिं नर सिमरन प्रभु केरा। जै जैकार उचारते करि चहुंदिशि फेरा। नई नई नित संगतां आविह चिल दूरी। प्रेम परम पुलकावली हुइ मिलति हुदूरी ॥ १९॥ केतिक उतसव देखि कै प्रिथीए ढिग जावें। मंगल सगल सुनावते वहु बिधि गुन गावै।

^{1.} अधिक भी दर्शनार्थ नहीं आए। 2. प्रयत्न करके हार गया। 3. अन्ततः।
4. एक पहर रात रहने पर। 5. हलुवा वितरित होता।

'अधिक दरव आविह चल्यो गिनती कुछ नांही। देनि लेनि अति होति है श्री अरजन तांही॥ २०॥ तुम ढिग भाग ह्जारवों आइ न धन कोई। संगति देश विदेश ते भरि भीरिह सोई । को को मंगल तिनहु के 2 तुम निकट सुनावें। दिन प्रति लखमी बरखती सिम अनंद उपावें॥ २१॥

इक आवित, इक जाति है, इक कीनसि डेरा । इक दरशन कह दरसते दे दरव घनेरा । एक सुमति रागन शवदि, इक आपे गावैं। एक प्रकरमां देति हैं, इक सीस निवावें ॥ २२ ॥ इक करते इशनान को करि अदव उदारा । इक कीरति मुख ते करति गृह अरजन भारा। एक टहिल³ को करित हैं, इक वरको छेवें। इक सूत बित को पावते पग पंकज सेवैं।। २३।। गुरता भासिह विदत तिहं जैकार उचारें। कीरत अति बिसतरित है बुधि ग्यान विचारे। इत्तयादिक नर आइ कै विरतांत स्नावें। सुनि सुनि प्रिथीआ वहु खिजहि मन महि पष्ठतावै।। २४।। अपनो श्रम जेतो कर्यो सभि बाद पछानै। लाखहं धन को खरच मा वेअरथ सुमानै। लघुता मो कह इह नई दुखदायक होई। सभि जानहिंगे ग्र नहीं, सर बस्यो न कोइ।। २५।। मेला लाग्यो न पूरब⁵ को नर ब्रिंद न आवैं। महिमा नहीं बिसिविति मई नहिं शरधा ल्यावें। बड उदारता मैं करी खरचयो धन भारी। अलप दिननि महि ब्रिंद नर लगि कीनसि त्यारी ॥ २६॥ सुंदर बन्यो तड़ाग बड नहिं कीमति जानी। यति संगति आइ नहिं, नहिं शरधा ठानी। दरब लगायह जितिक मैं लाखहुं लगि⁶ या मै। पूजा महिं नहिं तितिक हइ बीसक बरसा मैं⁷ ।। २७ ।**।**

^{1.} वहाँ भीड़ एकत्रित रहती है। 2. उनके (गुरु अर्जुन के)। 3. सेवा। 4. विस्तृत। 5. पर्व, त्यौहार। 6. लाखों तक। 7. बीस वर्षों के चढ़ावे में भी इतना धन नहीं होगा।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

इम प्रिथीआ नितप्रति चिति चिता चित मांही। कीरति सुनिह शरीक की निस दिन सुख नांही। सूलही सों किब किब िनले दुख कहित सूनावै। 'जब दिल्ली पुरि चलहूगे कारज बन जावै।। २८।। जावित¹ गादी गुरु की श्री अरजन पाही। तावति² मम कीरति कहां, पूजा हुइ नांही। ग्रजमित होइ न मोहि मिह, निहं शरघा धारैं। आइ न बंदन करित हैं, निंह दें उपहारें।। २९ ।। तोहि करे ते मोहि कहु वड़ बधहि प्रतापा। सिख संगति सिभ आइ हैं करि हैं मम जापा। जिब ली दिल्ली जाइके गिह लेति न ताहीं। तिब लौ मेरो सुख कहां, चिता दुख मांही ॥ ३०॥ तुझ प्रताप ते बन गयो इह सुन्दर ताला। सभि जग महिं पसर्यो महाँ तुव सुजसु विसाला। दूर दूर की संगता आविह दरसंती। कीरित तोहि उचारती आसीस दिवंती ॥ ३१ ॥ बध्यो पुन तेरो महाँ गुर के घर मांही। हलति पलति³ सुधरे दुऊ जम को दुख नाही। तुव समान तुरकिन विखै दिखियित नहिं कोई। धंन मात पित जन्यो जिन उधरे से दोइ^{:3}।। ३२।। निज तरीफ सुलही सुनी फूलति चित मांही। कहनि लग्यो 'मैं कर्ौं गो दिल्ली जिंव जाहीं। केतिक दिन महिं चलहिंगे मिलि करि ढिग शाहू । खोर्लीह सगरी बारता बिदतिह सिभ काहू।। ३३।। गुरता तुझको देय हैं वहु करि बड़िआई। श्री अरजन को लेहिं गहि, नहिं सकहि छुराई। अलप रह्यो इस देश को धन संच्यो सारो⁴। कई लाख अरपन करिंह ढिग शाह उदारो।। ३४।।

^{1.} जब तक. तब तक । 2. इहलोक-परलोक । 3. जन्म देने वाले माता-पिता भी ध्रन्य हैं, उन दोनों का भी उद्धार होगा । 4. इन प्रदेश का लगभग सब धन संचित हो गया है, थोड़ा ही शेष है। CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

चिंता मुझ तुझ काज की दिन रैन लगी है। जब लो करों न जाइ कै वृधि मोर दगी है। इस प्रकार बहु बार ही मिलि कारे कींह दोऊं। श्रो अरजन कीरित सुनींह दुख प्रापित सोऊ॥ ३५॥

इति श्री गुर प्रताप सूरज ग्रंथे त्रितिय रासे 'प्रिथीए ताल लगावन' प्रसंग वरननं नाम त्रेबिंसती अंगु ॥ २३ ॥

^{1.} जलती है।

अंशु २४ भाई गुरदास प्रिथीआ संबाद

दोहरा इस प्रकार सों दुषटता दोनहुं चित चितवंति । श्री अरजन अपने रिदै सरल सुभाव व्रतंत ।। १ ।। सिमानी छंट

हमरे पित को पुत्र है पुन बैस बिसाला। निकस्यो पुरि ते उजर कै तजि गयो, दुखाला[।] । अपजसु विख के दैन को सुनि सिह न सक्यों है। अपर उपाव न कुछ वन्यो उठि जानि तक्यो है ॥ २ ॥ हमरो राखा एक नित श्री प्रम् करतारा। बुरो कौण करि साक है हुइ बंक न बारा²। अबि हकार करि किसी कहु पुरि बिखै बसावैं। देहिं बडाई तःहि बहु कहि जस हरखावें ।। ३ ।। उजर्यो वहिर ज् फिरित है हमरी भी निंदा³। नहीं भ्रात को पिखि सकें काढ्यो करि चिंदा⁴। गरता दीनी पिता ने नगरी इन छीनी। देख सर्काह नींह निकट भी कढि बाधा कीनी⁵ ।। ४ ।। त्रिसकार्यो दड भ्रात को कीनि न सनमाना। धन के लोभी गर भए इस बिधि ते जाना। इत्तयादिक नर भनित हैं --श्री गुरू विचारी। भल्ले बेदी तिहण क्ल इम करित उनारी।। ५।। हम पर अवगुन धरित हैं निह मेव लखंते। यांते ल्यावनि उचित है ग्रपजसींह मिटंते। दयासिंधु पुन दया मिंह इस रीति बिचारें। विहर फिरित दुख पाइ है युत सिभ परवारें।। ६।।

^{1.} दु:खी है। 2. बाल भी बाँका नहीं हुआ। 3. बाहर उजड़ा फिरता है, इसमें हमारी भी निंदा है। 4. चिन्तित। 5. दु:खी किया।

बहुर विचारति गुरू जी तुरकिन ढिग जाना। करिह पुकार सु न्याउं हित भा कपट महाना। हम लिंग आविहिंगे दुषट इह वात न नीकी। विद्रतिह बडो विरोध तिब हुइ कीरित फीकी ।। ७ ।। इतने कारन रिदे मिंह श्री गुरु विचारे। निशचै कीनसि इह मतो अबि तिसै हकारें । निकट बुलावनि कीनि तवि भाई गुरदासू। समुझाई सिभ बारता बैठाइ सु पास् ॥ ८॥ 'भ्राता प्रिथीआ हेहरी. तींह तम चिल जावो। बचन कहह सनमान सों नगरी निज ल्यावो। आइं उपाइन अनिक विधि धन वसतू महाना। सो सिभ तुझ कउ अरप हैं बरतह हम साना2।। ९।। तजह बिरोध सू कोध को वड कलहा भूलं। हम नहिं राखें भेद को नित तव अनकुलं। हइ निष-कपट चलीजीए मातक सभि केरे। चहह भला सभि हंनि को हरखहु सुख हेरे।। १०।। बड सथान, अबि हुजीए उर सरल सुभाऊ। अवगुन अलपनिं³ के तजहुं रच्छहू संभि काऊ। तुव आइसु महिं सभि चलिंह हम आदिक जेते। कलहि कुटब की भली नहिं कीजहि चित चेते⁴ ॥ ११ ॥ हारे ते सुख होति है जीते दुखं होई। अपजसु पसरिह सकल मींह धिक जीवन सोई। सितगुर गादी बडी है इस लाइक हुने। सिख सेवक स्यानो सुमित जिह पिखि सिभ पूजे ॥ १२ ॥ पुनि परलोक विसाल सुख शुभ गुन ते होवै। दोनहु थल मुख ऊजला दुख कबहुं न होवै। इत्यादिक समुझाइ करि, भाई गुरदासू। बडे भ्रात को आनीए गमनहु अबि पासू'।। १३।। सुनि करि जुग कर जोर करि तिब बिनै बखानी। 'श्री गुर जी मैं जाइ हीं आइसु को मानी।

^{1.} बुला लें । 2. हमारी तरह बर्ताव करो । 3. छोटों के । 4. मन में विचारिए ।

लखहुं परंतु न आइ है गन अवग्न धारी। भला भने । समुझहि बुरा सभि सुमित विसारी ।। १४।। इम किह किर पग कमल परिनज सीस लगायो। प्रेम सहत बंदित भयो चिल बाहर आयो। कितिक दास निज साथ ले मग कीनि पिआना। कितिक देर महि गयो चिल हेहरि जिस थाना ॥ १५ ॥ डेरा कीनसि ग्राम महिं तिस निस बिसरामा। अगले दिन इशनान करि गर पहिर्यो जामा। गमन्यो प्रिथीए निकट तिब कर बंदन वैसा। कह्यो त्रितंत स बेनती गुर को मित जैसा।। १६।। 'रामदास श्री सित गुरू शुभ गुन सिभ धामू। जगत आन जिन मानही समता श्री राम्। जेठे तिन के पुत्र तुम उज्जल कुल केरे। गादी श्री नानक गुरू सम दुती न हेरे।। १७ ।। महां पुरख सतिगुर अमर अजमत के पूरे। आन न समसर जिनहुं के ग्यानी गुन रूरे। सो तुम जननी के पिता गुरता जिन दीनि²। नानक दादक दुऊ कुल उज्जल जग चीनी ।। १८।। उचित तिनहु के करम शुभ चहियति तुम ही को । जिन को जगत सराहि ही अस करीअहि नीको। सोढि बंस महिं जनम है छत्री बडबाहु। तुरकिन आगै बेनती हित हुइ उतसाहु।। १९।। यांते श्री अरजन गरू बहु करि सनमाना। करयो हकारिन आप को बसीयहि निज थाना'। गुर की कहवत सकल ही गुरास सुनाई। 'बीती गई सु जानि द्रिहु सुधिता अगुवाई³ ।। २० ।। मिलह सकल निज सदन महि करि लीजहि मेला। आन परिह बिपता बहुत फिर फुटहि ¹इकेला। लेह दरब सिम वसत् को मालिक तुम होए। अपने कर सों दीजीए हक नंम्र खरोए'।। २१।।

^{1.} भला कहने पर भी। 2. वे तुम्हारी ही जननी के (पुत्र) हैं, जिन्हें पिता ने गुरु-पद दिया है। 3. आगे के लिए बात शुद्ध समझो।

जिव सिम किह गुरदास जी गाथा समुझाई।
सुनित कुप्यो प्रिथीआ अधिक जुग भींह चढ़ाई।
लाल आंख दिखरावती ओठिन फरकावै।
बोलिन आवित कोध मिह बहु स्वास चढावै॥ २२॥
लग्यो निकासिन गारि बहु किह बाक कठोरा।
'पूरव कपट विसाल किर अपमान सुमोरा।
तुहमती झूठ लगाइ के निंदा विदताई।
सिभ लोकन के पास ते बहु गारि दिवाई॥ २३॥
अबिह मनाविन को पठ्यो छल और उठावा।
प्रिथम निकास्यो पुरी ते उतसाह बधावा।
अवि लौ तुम को निंह लगी बायू कुछ ताती।
गरवित वैठ्यो सदन मिह किर सीतल छाती॥ २४॥
प्रिथी अनादर प्रिथीआ सुलही मिलि बीजं।
लग्यो जुताल प्रताप भा इह सीचन कीजं।

लग्यो ज्ताल प्रताप भा इह सीचन कीजं।
दिल्ली को जिंव गमन हैं तरवर उगवें है।
जहांगीर सों मेल मम ऊचो विध जैहें । २५॥
जिंव मैं करों पुकार तिस कुसमन जुत फूले।
रिसिंह शाहि बड गंध हुइ मम पक्ख्य सु झूले।
अरजन को मंगवाइ गहि फल लागिह भारू।
मैं गुरता तिव हों इह पाकिह चारू।। २६॥
चनं दिशा की संगति महां अरपिंह धन बाई।

चहुं दिश की संगति महां अरपिह धन आई। पसरिह जसु सिभ जगत मिहं हुई बड बिडआई। इह फल लैंबे हेतु मैं किर रह्यो उपाऊ। तिब जानहुगे तुम रिदं जिब मैं कर पाऊं॥ २७॥

^{1.} लांछन । 2. यह पद सांग रूपक है—पृथीए का अनादर घरती है। पृथीए-सुलहीं का मिलन बीज है, नया तालाब सिंचन के समान है, दिल्ली को जाना पेड़ जमने के समान होगा और जहांगीर मिलन पेड़ की परिपक्वता बनेगा। मेरी पुकार (न्याय की माँग) से पेड़ में फूल लगेंगे, शाह की नाराजगी फूलों की गंघ होगी, अर्जुन को पकड़ मंगवाना पेड़ के फलित होने के समान होगा और मेरे द्वारा गुरु-गद्दी पा जाना फल की परिपक्वता होगी।

अबि तेही लाग्यो डरिन, संग मिल्यो न शाह । मिटहि बात मैं गुर रहौं यां ते पठि पाहू।। एव नहीं कुछ लेव हौं, छल तुम ने ठाना। सकट भोगहंगे बडो तिब मैं सुख माना॥ २८॥ बिनां दीए तुम कषट को पैहौं जग राजू। होहि न मोहि प्रसंनता सो नहिं किछ् काज्। कोटि जतन जे करहुगे, नींह मिटहि उपाधा। गुरता लिऊं, परंतु सुनि, दे अरजन बाधा ॥ २९ ॥ सुनि कै पुनि गुरदास ने कर जोरि बखाना। 'रामदास गुर एक के नंदन मतिवाना। तीनहु भ्राता मिलहु अबि सुख सभि ही लैहो । नहीं पदारथ की कमी रिल मिलि के खै हो।। ३०।। तीनह मींह किह कषट हइ सिम होह दुखारे। भ्रात पने को मोह तबि विदताइ तुमारे। जानि देह रिस पाछली जिम किस बिधि होई। को जानै किन वुरा किय परहरीए सोई।। ३१।। चलहु आप हुइ सरल उर निज पुरी बसी जै। मिलि दिह दरशन संगतां मेटा गन लीजै। श्री अरजन नितं नंम्र हैं, छल झठ विहीना। दया छिमा जति, ग्यान निधि, सभि गुननि प्रवीना' ॥३२॥ सुनि जसु कौ प्रिथीआ जर्यो बच ऊचे भाखा।

सुनि जसु कौ प्रिथीआ जर्यो बच ऊचे भाखा। चल्यो जाहु, बोलहु नहीं, मैं आदर राखा। नतु ऐसी करिवाइ हो, जरते कहू जारें। भर्यो खुटाई सों सदा शुभ शील उचारें।। ३३॥

शत्रू महां मेरो बन्यो सुित जु कौ भारों।
गुरता लैके बहुर में प्रसंनता धारों।
तोहि कहे क्या होति है जस है तस जानों।
रात दिवस चिता विखै हित कै सुख ठानों । ३४॥

 ⁽गृष्ठ ग्रर्जुन चाहते हैं) मैं गुष्ठ बना रहूँ, इसीलिए तुम्हें (मेरे) पास भेजा है।
 मार कर (गुष्ठ अर्जुन को) ही सुख पाऊँगा।

तिब भाई गुरदास ने करि क्रोध बखान्यो। 'श्री अरजन रवि जग दिखति खल पिचक¹ न जान्यो । संत तामरस² विकसते सिभ नर सुख पावें। तसकर निदक दुखित किंह निह सो घटि जावें 3।। ३४।। नाम प्रिथीआ चंद तूं फीको परि जै हैं। तुझ पक्खी उडगन छिपहिं, सो द्रिपटि न ऐहैं। अबि बच मोहि न मानि हैं पछुताइं घनेरा। बस न चलहि गो तोहि कछु बललाइ बडेरा ।। ३६॥ अजर जर्यो अजमत महां निंह कहूं दिखावे। नात्र वंक विलोकवे सभि जग विनसावें। धंन रिदा तिनको महां बल इतनो पाए। अपर नरिन की सम रहित शकती गुपताए।। ३७।। कहित हुतो तुव हित महा, मानिह सुख पाई। त्रक अग्र बिनती करिह होइ न लघुताई 4। घरि बैठे होवहिं गुरू मानीहं बहु देसा। करींह बिनोद अनेक ही बन सिभिनि विशेषा ॥ ३८॥ नांहित तरुवरु तोहि कहि तिह कटनि कुठारा । एक बाक मुख ते कहैं सिभ हइ जिर छारा। महिमा नहीं पछानतो भ्राता करि जाने। क्यों लोक रु परलोक गति हठि ठान्यो हानैं ।। ३९॥

दोहरा

इस प्रकार गुरदास ने कह्यो बाक सिभ रीति। महां कषट को धारिही आविह नहीं प्रतीति॥ ४०॥

इति श्री ग्र प्रताप सूरज ग्रंथे वितिअ रासे 'भाई गुरदास प्रिथीआ संवाद' वरननं नाम चत्र बिसती अंशु ।। २४ ।।

^{1.} उल्लूक । 2. लाल कमल । 3. दुष्टों की इच्छानुसार सब घटित नहीं हो जाता । 4. कहीं तेरा छोटापन न प्रकट हो । 5. अन्यथा (जिस) वृक्ष की तू बात करता है, उसी को काटने के लिए (गुरु वचन) तेज कुल्हाड़ी समान हैं।

अंशु २५

भाई गुरदास को आवन प्रसंग

निसानी छंद

बाक सुने गुरदास के प्रिथीआ तपतायो। ह्वं करि तूं उपदेषटा समुझाविन आयो। इन बातिन को क्या लखिहं बुधि कहां बिचारी। त्रास पाइ त्रिसकार को गहिबे डर भारी¹।। ५।। हेतु मनाविन दीन भे, पिखि तूरक बली है। ह्वै न पुकारु शाहि ढिग पति रहित भली है। करामात तिसकी कहैं जो डरित विसाला। मैं न लखी तूं बहु लखें संग जो लघुकाला।। २।। में नहिं मानौं, नहिं चलौ नहिं मिलौं कदापी। प्रगट कर्यो सिभ जगत मिहं मो कहु बडपापी। काषट शुषक समान मैं नित इही सुभाऊ। टूट जाइ नहिं नम्र ह्वं इह ठीक सुनाऊं।। ३।। क्यों बहु बात बनावतो, नहिं करिहौं मेला। सो भ्राता दोनों मिले मैं अहीं इकेला। अजमत मेरी देखीए शुभ नालखनावा। लाखहुं धन खरचिन कर्यो थल नवों बनावा ।। ४ ।। नित प्रति महिमा अधिक है मैला लगि भारे। सूलही आदिक नंम्र भेक्या अपर विचारे। जहांगीर सों जिब मिलीं बल अजमत धारौं। नंम्र करों निज अग्र मैं, पावन पर डारों।। १।।

^{1.} पकडे जाने का भारी डर है।

जुकछ्कहौं करवाइ हौं सिभ काज बनावें। सुलहा सम उमराव सभि निज सीस झुकावें। अपन प्रताप दिखाइकै पग पर जिंव पावीं। अजमत इसको नाम है सिभ करि दिखरावीं ।। ६ ॥ अरजन की सम नांहि मैं, पित केर सथानं। तिह बनाइ पुजवाइ पग क्या अचरज जानं। अजमित तिन किस थान महिं कहु कवहि लगाई। हुइ प्रसंन पित सतिगुरू दीनिस वडिआई।। ७।। सुनि भाखी गुरदास ने क्यों कहि बिन जाने 1। श्री नानक की जोति ले अगद बहुसाने। करि सेवा गर अमर जी बैठे तिसू गादी। जोति प्रकाशी तबि वही तिम कीनि अबादी ॥ ८॥ रामदास जी जिंब दिके सो जीति प्रकाशी। दास उद्यारे बिदत बह तुम पिखि रहि पासी। जोत जगिह सोई अविह श्री अरजन मांही। बिघन अनिक जे करि परिहं बिदतावित नांही² ॥ ९ ॥ सिर लगि हानी होइ भी नहिं शकति दिखावें। भावी ईशुर की लखिहं सिभ विधि हरखावें। इम लिख कोध र लोभ तिज हुजै मम संगा। आगै आवें लैनि को करि मान उतंगा॥ १०॥ बय लघु तऊ लखी जीये गादी पर सोई। नमो उचित सभि के अहैं वड ते वड होई। मैं आयहु हित कहिन को, सो कह्यो घनेरे। कीजै किल बिचार कैं ज्यों मन हुइ तेरे।। ११॥ हुइ न सकहि कुछ तोहि ते हलको पर जैहैं। अबिके बिछुरे भ्रात ते नहिं वंस मिलैहैं। नीकी नहीं उपाधि है ढिग तुरक पुकारा। लगि नहिं जाइ कलंक कुछ, नहिं सकहु उतारा ॥ १२ ॥ सुनि प्रिथीआ चमक्यो पुनिह, क्यों बात बनावें। एका एकी कीए बिन³ हम मिलहिं न जावें।

^{1.} अज्ञान-वार्ता क्यों कहता है। 2. (शक्ति को) प्रकट नहीं करते। 3. पूरी

तरह विनाश किए बगैर । CC-O. Nahaji Deshmukh Library, BJP, Jammu. Digitized By Siddhanta eGangotri Gyaan Kosha

मुझ सों मिलिबे आस को मन तांहन राखों। गहिवावौं मरवाइ हौं उद्दम अस कांखो[।] ॥ १३ ॥ सहत पुत्र के कैंद मों जिब परि हैं जाई। तिब में हरखौं सुखकरौं उर चिंत मिटाई। जान्यो तिब गुरदास ने इह अधिक कठोरा। तुभ्मा निम न मधुर हुइ² जो उपजति कौरा ॥ १४ ॥ गुर घर जनम्यो तौ कहां संगति नित ठानी। पाथर क्यों हु न भिज्जई चिर रहि विच पानी। अपनी अगनि न त्याग ही, निषठुर मिदु नांही। कोट जतन कोऊ करहु परिक्रित्ति न जाही ॥ १५ ॥ भयो निरास बिचार इम उठि करि भा ठांढा³। प्रथम कलंक जुलग्यो वडि अवि कीनसि गाढा। दुख पावहु हुइ हान को नीकी नहिं मानी। अपजस विथर्यो जगत महिं इह नरक निशायी ।। १६ ॥ गुरू कहायो चहित हैं बिन गुन अग्यानी। स्याने पुरख न मानि हैं लिहु निशचै जानी। उठित कह्यो, सुनि कै जर्यो, बहु काढित गारी। आसन पर ते उछलतो उर सुमति विसारी ॥ १७ ॥ कहित अनुच्चत बहुत ही, बोल्यो पुन भाई। रामदास श्रो सतिगुरू सरवग्ग सराई। तझ को शकती नहिं दई शुभ रिदै विचारी। अजर जरन जान्यो नहीं हौंरा ध्रित हारी⁴ ॥ १८ ॥ इह कछ ते कुछ करिहगो अजमत को पाए। याँते छुछा राखिओ निजथल न टिकाए। अब तेरी प्रिकृति लिख मन महि द्रिढ जानी। उचित करी श्री सतिगुरु सिभ मिंह विदतानी ॥ १९ ॥ गारि निकारति को तज्यो इम किह चिल आयो। बडी दूषटता इस रिदे हित नींह चित ल्यायो। होइ त्यार मारग पर्यो रिस को बिसराये। श्री अरजन के ब्रिंद गुन सिमरित हरखाए।। २०।।

^{1.} ऐसा उद्यम चाहता हूँ। 2. तुम्बा और नीम कभी मीठे नहीं होते। 3. खड़ा हुआ। 4. धैर्य त्यागने वाला।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

धंन रिदा गंभीर तिन रतनाकर जैसे। सीतल तपत न बधित किम¹ इकरस ब्रिति तैसे। कास कोध, मद, लोभ, दुख इत्त्यादि विकारा। इन ते छुमति 2 न होति कव, रस अनद मझारा ॥ २१ ॥ पंथ चलति चित चितवतो वधि प्रेम विसाला। नीर बिलोचन ते श्रव्यो गदगद तिस काला। श्री गुर पग पंकज म्रिद्ल उर विखै वसाए। सुंदर दरशन देखिवे मन नहिं अकुलाए। २२।। पंथ चलनि भा शीव्र ही दिशि अंम्रित ताला3। पहुंच्यो त्रन जाइकै श्री गुर की शाला। बंदन पद अरविंद करि लोचन भरि हेरे। परम प्रेम पलकावली आनंद उमगेरे ॥ २३ ॥ श्री अरजन जी देखि के सूधि वझनि कीनी। कहकहु भ्रात की वारता कैसी गति चीनी। किस प्रकार को मित अहै आविन इस थाना। दुषट सुभाव तिआगिओ मान्यो कि न माना।। २४॥ हाथ बंदि भाई कह्नो तुम परवल माया। जोगी मृति जन आदि ते को को न भ्रमाया। जथा भविक्खयत कित्त को करिवे को चाही। तिस प्रकार ही बन सकहि हुइ अनतै¹ नाही ।। २५ ।। जिम पर करुना निज करहु, दे हाथ बचावो । निंदक दुरजन सिंध भव तिस विखे डुवावो। किम उधार तिन हुइ सकै गोते नित खावैं। पोत⁵ न प्रापति होति है किम नट पर आवें ॥ २६॥ जथा क्रिआ बोलिन गती पाखंड करंता। जिस दुरजनता करति है, जिम लोभ घरंता। जिम प्रलोक महिं गती हुइ जिम मन को पापी। पर जस पर-ऐश्वरज् पिखि जिम ह्वै संतापी ।। २७ ।। वार करी परिथाइ तिस, है जथा विकारी⁶। तिम वनाइ करि मग विखै आनी लिखि सारी।

¹ उनकी (प्रकृति में) शीतलता या ताप बढ़ते घटते नहीं। 2. क्षोभ-युक्त।
3. अमृतसर की दिशा में। 4. अन्य प्रकार से। 5. जहाज (संसार-सागर तिरने को)।
6. जैसा विकृत प्रकृति वाला (पृथीआ है)।

सो सुनीअहि सभि जानीअहि मैं करों उचारी। शुभ गुण जिस महि लेग निह, हंकार अफारी ॥ २८॥

दोहरा

है छतीसवीं वार जो गिरा करी² गुरदास। लग्यो सुनाविन खोट तिह श्री सितगुर के पास।। २९।।

निसानी छंद

काले मुख मीणा भयो बड दंभ कमावै। बेख बाक शुभ मोर के जीवनि चुनि खावै³। ग्यान हीन गुर बनित है को नमो न ठाने। खोटी संगति मीणिआ⁴ गुर निंद बखानें।। ३०।। दुरमित जीवित करित है जिब गिह जम मारे। कूडु कुपता होहिंगो दुख सहिंह करारै। इत्यादिक जिस मींह कह्यो सिभ वार सुनाई। निह मानिहं श्री गुरु जी सो दुषट बडाई।। ३१।। सिकता महिं ते जतन करि तेल जु निकसावै। कमठ पीठ पर भांति किस बहु बार जमावै⁵। सिर पर राशम 6 ससे के उगवाइ विखाना 7 । तौ दूषटिन के रिदे मिह गुन करिह महाना।। ३२।। जे सरपनि मन म्रिदुलता क्यों हूं हुइ जाई। तउ दुषटिन के सरलता उर मिंह उपजाई। आविह ब्रहमा आप भी कुटिलं समुझावै। तऊ न तिज हैं मूढता निहं गन मन ल्यावें।। ३३।। मैं बह बारी बिनै करि बंदे जुग पाना। करह मेल तजि बैर को इक कह्यो न माना। उलटो गारि निकारतो पह कहिस कठोरा। अति अजोग बोलित भयो, तपत्यो नींह थोरा ॥ ३४ ॥

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

^{1.} अहंकार से फूल रहा है। 2. जिसको भाई गुरदास ने वाणी दी। 3. जैसे मोर के वेश और स्वर सुन्दर होते हैं, किन्तु जीवों को चुन-चुन कर खाना है (वैसे ही पृथीआ है)। 4. 'मोणा' राजस्थान की एक नीची जाति है, नीच-प्रवृति वाले के लिए रूढ़ शब्द। 5. कछए की पीठ पर बाल जमाने के समान है। 6. गद्या। 7. सींग।

शाम दाम की रीति सभि कहि वहत सुनाई। एक न मानी भली करि, ठानी कटलाई। इक सम बस्धा शुभ करिय झिद्ता बहुभांती। बक्क चलहि पंनग तहा इम कुटलिन वाती ।। ३५ ॥ सुनहु गुरू जी वार इह लिखि तहां पठाई। निज औगुन निह परख है, मूहि बुरा अलाई। पठिकै जानहि गो भले जे दोष उचारे। इही भेट तिह जोग थी मैं पठी विचारे 11 ३६॥ सुनि श्री गुर अरजन कह्यो कृटिल ज मति नीचा। अग्ग्र तिनह के निमनि जो हइ दोषनि सीचा3। दुखद बुरो तिह जानीए अबि लिह पति आई। भली बात नहिं होति है, देवति वरिआई।। ३७॥ निज पित को सूत जानिक करि हेत हकारा। डरपति मुझते दोष दिय हंकार अफारा। अबि नहिं कछ कहीजीए सो करह पुकारा। श्री गुरु नानक जो कर्राह सोई हुइ कारा।। ३८॥ त्रकिन आग दीन विन विनती नित ठानै। बडियनि की वडता जुथी नहिं रिदै पछानै। मित मुरख हौरा भयो निज धरम बिगारा। हाथ कछू नहिं आवही मल छानहि छारा 11 ३९॥

दोहरा

इम किह श्री गुर मौन धरि कह्यो बाक निह फेर। भाणा श्री करतार को जानिह नीको हेरि॥ ४०॥

इति श्री गुर प्रताप सूरज ग्रथे त्रितिय रासे 'भाई गुरदास को आवन' प्रसंग बरननं नाम पंचिंबसती अंगु ॥ २५ ॥

^{1.} चाहे धरती को सम करके कोमल भी बना दिया जाए, तो भी सर्व तो वक ही चलता है, ऐसी ही (पृथीए की) कुटिलता है। 2. विचार कर। 3. उनके सामने नत होना दोषों को सींचने के समान है। 4. हाथ कुछ नहीं आएगा, बल्कि हाथ मलेगा और खाक छानेगा।

अंशु २६

जहांगीर सों त्रिथीआ मिलिनि प्रसंग

दोहरा

प्रिथीआ पाछे दुखी हुई चितवति चित अति चित । नहीं सुहावति अपर कुछ गिनती गिनति अनंत ॥ १ ॥ चौपई

नींद न आवृति सोचित सोचिन । निस महि मिलति न पलक बिलोचन । महद कषट अपनो महि कलपत । बिनां अरथ¹ मति मृरख जलपति ॥ २ ॥ दिवस विखे नहिं भोजन भावति । गटी उतारति एक चढावति । दरबल भयो क्रांति ते खाली। उर मूलगति लकरी जिम आली ।। ३ ।। श्री अरजन प्रभृता बहु भांती। चुभित सेलु सम रडकित छाती। श्री हरि गोबिंद की सुंद्रताई। नित चितवति फिरगी जरदाई ॥ ४ ॥ मतसर पावक पुंज प्रजुलती। पूजा ग्रधिक होति नहिं भलती। बध्यो गरु कहि अधिक प्रतापु। नित जिम तेइआ ताप संताप् ॥ ५ ॥ गुरदास् । करिके ढिग तास्। वार पठी पाछे भाई तिन पर मनहं लवन घसि डाला ॥ ६ ॥ घाइ लगे³ अंग अंग बिसाला। जन पाके ज़िण4 गाढी पीरा। मरच चूरन दे चीरा। पाइ राति दिवस चिंता गलताने। बैठ्यो निकट नहीं नर जाने।। ७।। उड्यो रहे मन गहै न थिरता। वह्यो जात नित चिंता सरिता। रुचि सों भोजन क्यों निंह खावें।। ८।। बहत भांति करमो समझावै। आनित उपाइन नाना। हमरी भी होवति गुजराना। सिक्ख रहो महद उदयोगा। जिम शरीक हइ हाणित जोगा।। ६।। मिलह सलाह करह सुलही सों। दिल्ली पहुंचिन हुइ जलदी सौं। कब कब करमो धीरज देति। बातैं करित असन करि लेति।। १०।।

^{1,} व्यर्थ। 2, कच्ची या गीली। 3. (जैसे) घाव लगे हों। 4. फोड़ा।

सुलही साथ सु कवहि इकैठहि¹। संकट करति निवेदनि बैठहि। निस दिन दरव उपाइन नाना। अरपिंह अरजन के ढिग आना।। ११।। धनी समाज प्रताप निधाना। वधित वधित विध गयो महाना। चलन शाहु ढिग ठटहु उपाऊ। करि लीजिह कारज रहि काऊ।। १२।। मोर मनोरथ तहिं ते पूरे। शाहु संगि हुइ मिलिनि हुदूरे। तूं सम सखा रहित चित आसा । करिह काज मुझ मन भरवासा ।। १३।। तोहि अलंब बिलंब बिहीना। आइ कदंव मोहि गुर कीना। दीने सरव भांति सुख जैसे। लैं देवहुं गुरता चिल तैसे।। १४।। सुलही कह्यो राखि विसवासा। दिल्ली चले पुरव² त्म आसा। करि लीनसि कारज मैं सारे । अवहि प्रतीखित शाहु हकारे³ ॥ १५ ॥ आविह खत कुछ थोरिन दिन मैं। तूरन चलिहं अनंद करि मन मैं। इस प्रकार दे धीरज राखे। देति दरव अर माधुर भाखे।। १६।। केतिक दिन पुन जबहि बिताए। प्रिथीआ महित रहित अकूलाए। सुलहि ने जो दूत पठायो। इतने महि चिल सो तिह आयो।। १७।। जहांगीर भेजा परवाना। जो पैसा उगराह महाना। सो ले करि आयह मुझ ओरा। खत देखति नहि रहु थिति थोरा ।। १८॥ सुनि सुलही करि हरख बिसाला। भौज सकेलि⁵ ललित ततकाला। अपनी सिभ त्यारी करिवाइस। दरव अधिक ही संग लदाइस।। १९।। बली त्रंग मतंगिन लीनिस। वसत्र विभूखन सुदर कीनिस। नजर देनि वसतू बहु मोला। संचन करी देश ढंढोला।। २०।। सुनि प्रिथीआ निज अंग न भावति⁶। भर्यो हरख हंकार बधावति। सरव प्रकार कीनि निज त्यारी। सेवक सिक्ख ब्रिंद संगारी ।। २१।। वह भोले वसत्रनि वनवाइस। मिलनि शाहु हित वेस सजाइस। चढि सुलही सों प्रिथीआ मिल्यो। दिल्ली समुख पंथ को चल्यो।। २२।। सभि परवार हेहरी रहंयो। गुरता लेहिं चाऊ चित चह्यो। बहु उतसाह करित सुख पाई। जनु गुरता लीनिस बिडिआई।। २३।। सुलही प्रिथीआ मारग परे। लोक हजार हुं संगी करे। मजल करति मारग उलंघाए। दिल्ली नगर जाड् निकटाए।। २४।।

^{1.} कभी कभी इकट्ठे होते हैं। 2. पूरी होगी। 3. बादशाह के बुलाने की प्रतीक्षा है। 4. थोड़ा भी न ठहरना। 5. सब कुछ इकट्ठा करके। 6. फूला नहीं समाता। 7. साथ लेकर।

डेरा कर्यो आपने थाना। प्रिथीया उतर्यो ढिग हित ठाना। दिवस आगले हजरत पास। मिल्यो जाइ लेकरि धन रास॥ २५॥ दीनसि नजर तुरंग मतँगे। सुन्दर अपर वसतु दइ संगे। कीनहु शाहु प्रसंन बिसाला। भेट दिखावति भा जिस काला।। २६॥ दिवस दूसरे मिल्यो जुफरी। करी सिपारस¹ प्रिथीए केरी। सतिगुर रामदास को नंदन। बडो जु लोक करहि बहु बंदन।। २७।। सुनति ब्लायो। सो मिलिवे कह चलि करि आयो। जहांगीर ने श्री नानक को घर बड ऊचा। जिसकी समसर को न पहुंचा॥ २८॥ अगए अधीन ज बडे हमारे। करि निज मिहर काज गन सारे। $oldsymbol{\eta}$ यो पदर 2 मम गोइंदवाल । श्री गुर अमर हुते तिस काल ।। २९ ।। मिलिक तिनहु बंदगी कीन । केतिक भूमि उपाइन दीनि। अलप आरबल³ हुती हमारी । मुलाकात सो याद निहारी ।। ३० ।। इत्यादिक जस सतिगुर केरा। जहांगीर ने कहसि बडेरा। 'इतने महिं प्रिथीया चलि गइऊ। मिल्यो शाह सो आशिख⁴ दइऊ।। ३१॥ सुलही ने पुन कीनि बडाई। पातशाहु ते भेट दिवाई। बैठ्यो निकट होछता हेरी⁵ । कहाँ गरुवता गुरता केरी⁶ ॥ ३२ ।**।** हजरत जिब मलाहजे⁷ भइऊ। अपनि हवाल तबहि कहि दइऊ। मैं बड नंदन हों फरिआदी। उचित मोहि कउ बैठिबि गादी।। ३३।। सरब समाज अलप ने लीनसि । पुरि ते मुझ निकार करि दीनसि । गुरु बन्यो निज चरन पुजाइसि । अन गन घन सिक्खय्नि ते पाइसि ।। ३४ ।। मोहि न देति आप ही राखै। अपर कवन है गरवित भाखै। मैं धरि त्नास आपको भारी। ठानी तिसके साथ न रारी।। ३५।। सो निरभै नहिं जानहि काहं। बैठ्यो सदन गरव मन मांह्र। चित ते तुमरो व्रास बिसार्यो । कह्यो न मानिह, मैं कहि हार्यो । ३६ ।। मैं रावरि की दिसि चिल आयो। तऊ न संकति कुछ डर पायो। कीजिह हमरो न्याइं निवेरा। तुम को कीनि खुदाइ बडेरा।। ३७॥ न्याउं करन ते तखत बिराजा। इही धरम तुम को उपराजा⁸। सुनि हजरत अचरज उर धारा। इह अजोग क्या इनह उचगरा।। ३८।।

^{1.} सिफ़ारिश। 2. पिता। 3. छोटी आयु। 4. आशीर्वाद। 5. निकट बैठने पर (बादशाह ने पृथीए का) ओछापन देखा। 6. गुरुता का गौरव कहाँ था? 7. मिलते ही। 8. यही तुम्हारा धर्म बनता है।

शांति मती सितगुर की गादी। तित महुं रार कुतो फरिआदी। जेकिर कलिह आप मिह डारे। कहां अपर नर अहैं विचारे॥ ३९॥ देखहु क्या अचरज इह माया। लघु दीरघ नर जांहि भ्रमाया। रिदै विचारित हजरत ऐसे। कितिक देर रिह तूपिनि² बैसे॥ ४०॥

दोहरा

गादी पावति एक ही अपर फिरादी होति। किम शादी हुइ सिभिनि के मतसर हिन्दे उदोति॥ ४१॥

इति श्री गुर प्रताप सूरज ग्रंथे वितिय रासे 'जहांगीर सो प्रिथीआ मिलिनि प्रसंग वरननं नाम खपट विसती अंशु ॥ २६॥

^{1.} उनमें झगडा-फरियाद कहाँ ? 2. मौन।

अंशु २७

प्रिथीआ कोठा पावन प्रसंग

दोहरा

बहु बिचारि हजरत कर्यो सिमरी पूरव बात। सुन्यो हुतो किस पास ते श्री गुर केर ब्रितांत।।१॥ सबैया छंद

रामदास श्री सितगुर पुरन गादी पर लघु सूत बैठाइ। आप समाइ गए सचखंड स्बड स्त पर न प्रसंन रहाइ। सेवा करी न, यांते छूछो, गुरुता दई न सिभ सखदाइ। सो सिमरन करि जहांगीर उर बोल्यो सिभ सों दीनि सुनाइ ॥ २ ॥ श्री नानक घर के हम सेवक किस स्वामी को करिहैं न्याइ। श्री सतिगर ही करिंह निबेरिन इही भावना रिदै वसाइ। घटि घटि महिं सभि अंतरजामी, सुनहि पुकार, न विरथी जाइ। श्री गूर रामदास ने आपिह लिख लायक लघु सूत बैठाइ।। ३।। तिनकी करी न मेटहिं हम किम जिम जीवति ही गए निवेर1। गुरुता उचित तोहि को देखित देति भले, न हतो कुछ वैर ! करि संतोख नंम्रि चित होवह उचित तमह तिह2 लागह पैर। गुन महिं बड़ो, बड़ो सो जान, लघु गुण महि तिह लघु ही हेरि।। ४। गजदीरघ लघ शेर हेरियति, म्रिगपति नाम अधिक गून जानि । फटक बडो निंह ग्रहन करिह को, हीरा उज्जल ले हित ठानि। संख असंख न पहिरहि कोऊ मुकता दिपति बिभुखनि थानि । पीतर परहरि होहि घनेरो कंचन थोर धर्राह निज पानि ।। ५ ३ गुन ते बडो इसी ते जानह पिता तुमारे परखनि कीनि। अपर न तिनहु समान जौहरी, अलप विसाल लेति श्भ चीनि। करी तिनह की हम किम मेटोंह महां पुरख गुन गन मींह पीनि³। जिन को नमसकार नित करनी किम समता चाहै जुप्रवीनि ॥ ६ ॥

^{1.} क्योंकि वे स्वयं जीते जी निपटा गए हैं। 2. उसके (गुरु अर्जुन के)।
3. प्रवीण।

प्रिथीआ सूनि हजरत के बाकिन तपत्यो चित महिं अति दुख पाइ। कहिन लग्यों मैं लरके निकस्यों अबि कैसे करि तिस थल जाइ। को मुख ले करि तिस दिखरावो नहीं मिलौं मैं किसी उपाइ। करो धकेलिन देति न्याउं निहं तौ मेरो कुछू बस न बसाइ॥ ७।। जहांगीर प्रिथीए की सुनि करि पुन बोल्यो क्यों तूं तपताइ। पित प्रसंन करि तिसने लीनिस क्यों तेरो उर दाह लगाइ। सेवा करी न अपनि बडनि को अबि क्या हइ, ठाने जिउ पाइ। लगह पाइ तिस, करह गुजारा, मैं निज हुकम न तहां अलाइ।। ८।। इम करि कोध शाह ने भाखी अपर ख्याल पुनि द्रिपटि लगाइ। तिसकी दिशि नहिं मुख को कीनसि बैठयो तब ही ग्रीव निवाइ। किसकी दिशि देखति नहिं, रिस उर, ब्रीड़ा वडी बहुर उपजाइ। चित महिं चितवति चिता अतिषै पशचाताप अधिक ही पाइ।। ९।। अवनी खनित नखिन सों, झरित, दुख पावित कुछ बोल सकै न। कितिक काल बैठ्यो मुरझावति पुनि गमने सभि निज निज ऐन² ॥ डेरे महि प्रिथीआ चिल आयह पर्यो आइ निह बोलित वैन। बदन छादि³ करि ले बड स्वासिन भरिभरि जल आवित जग नैन ॥१०॥ खान पान नहिं भावति कैसे चिंतामहिं दिन रैन बिहाइ। इक है मास भए इस रीति सुनहीं शाह ने याद कराइ। कबहं नहीं बलाइ पठायो नहिं सनमान्यो पुनि किस भाइ। यांते अधिक चिंत मन ठानति चितवति चित महि अनिक उपाइ ॥ ११ ॥ इक दिन स्लही के संगि मिलकै अपनो कषट कह्यो तिब रोइ। पातशाह ने कछू न कीनसि जिसकी आस सदा थित होइ। अबि क्या कर्राह उपाव बतावह जिसते रहिआवै पत जोइ। किस मिस करि दिल्ली ते निकसींह. रह्यो लाभ, आगल ही खोइ 4।। १२।। सुलही कह्यो न बस कुछ मेरे, पातिशाह समझहि पखवान⁵। मिलह दोइ उमराव हेरिकरि इक को नाम भू अबदुल खान। दितय महंमद खान जानी अहि कुछ रिशवत दीजिह तिन पान । कर्राहं सिपारश दोनों इह जिब, सिद्ध काज अपनी तिब जानि ।। १३ ॥

^{1.} लाज। 2. घर। 3. विषाद। 4. लाभ मिला नहीं, गाँठ की पूँजी भी खो बैठे। 5. पक्षपाती।

सूनि प्रिथीए ने जतन सु ठान्यो मुलाकात तिन सों ठिहराइ। महर तीन शत रिशवति दीनसि, दीन बदन हइ विनती गाइ। दोइ मास को अरसा गजरयो शाहि नहीं सिमर्यो न बलाइ। आयो न्याउं लेनि गरिआई, सो तो रही, प्रथम पति जोइ¹ ॥ १४ ॥ अबि तुम किह सनमान करावह बडी बात गरता खसवाइ2। आप शाह कहि मोहि बिठावहि. इम तो कारज सिध हुइ जाइ। नांहि त ग्राम देहि करि आदर तहां बसौ जिंह शाहि बसाइ। इम भी रहि आवित है मेरी, इह उपकार करह चित लाइ।। १५।। फेरि सदा मैं तुम को देवौं ग्रघर को जसहुइ सिरुपाइ। करह खदाइ राह 3 इह कारज, बड़ो सवाव 4 होइ सुखदाइ। चात्रता जुत हजरत फोरह लखि न जिसते, लेह मनाइ। सुभति वंति इह पक्खी परखिह सूलही को परख्यो जिस भाइ।। १६।। उमराविन सुनि खातर कीनिस हम हजरत को लखींह सुभाइ। इस बिधि कहिं न जानिह मन मैं अरु तेरो कारज बन जाइ। न्याउं विचारति बहुत बेर लगि देश विखे होइ न कृति आइ। रंक धनी नर नारि नीच उच सभि की आप सुनहि चित लाइ।। १७।। ग्राम देनि तो भानि लेहिगो गादी देनि बिखै संदेहि। निरने नीके न्याउं निवेरिह तिसते तुझे न पहंचिह केह । पिता प्रबीन प्रसंन होइ करि लघुसूत को दीनिस करि नेह। न्याउ करित निंह सुनिंह सिपारण, जथा जोग मिह प्रीति करेहि ॥ १८ ॥ न्याउं करिन की बात सुनाविह, गुर नंदन ! सुनि देकर कािन । घंटा सिर पर लरकित निसदिन रहि बजार मींह रजू महान। इकदिन जल पखार⁷ कउ लादे खभ⁸ अगारी करति पयान। जल दानी तिह पीछे हांकति चलति चलति आए तिसथानि ॥ १९॥ ब्रिखभ चरन सों रज्जू लागी ऐंची गई स घंटा हालि। बाजित नाद भयो तिसकेरा हजरत बैठ्यो तरे किपाल⁹। सुनित शबद को कह्यो लेहु सुधि दौरे मानव गन ततकाल। खोजिन लगे बिलोक्यो निहंसो, इत उत बूझित भे नर जाल ॥ २०॥

^{1.} पहली इज्जत भी नहीं रही। 2. गुरुता छिनवा लो, यही बड़ी बात है।
3. ईश्वर की राह पर। 4. पुण्य। 5. यदि निर्णय करके न्याय किया तो तुझे कुछ नहीं मिलेगा। 6. अनुकूल (यथायोग्य) को ही चाहता है। 7. जल की मश्कें। 8. बैल।
9. कुपालु बादशाह नीचे बैठा।

इक ने कह्यो ब्रिखभ पग लाग्यो रज्जू चिल घंटा ठणकार। सुनि हजरत को सुधि करि दीनसि नहिं किस नर ने कीनि पुकार। जल दानी के बैल चरन लगि हाल गयो उठि नादि उदार। जया जोग तुम प्रजा वसिंह सूखिन बल सबल सिंग हइ इकसार ॥ २१ ॥ जहांगीर नै पुनिह पठाए आनह ब्रिखभ लद्यो तिसु भांति। जिम गमनति पग रज् ऐंचली दुखति पुकार करी जिम जाति²। बिन दुख मम घंटा न हिलावति करहं न्याउ तिह पिखि विरतांत । मित विसमिति नर गए दौर करि जहां बैल अर थो जलदात³ ।। २२ ॥ तिसी रीति सो ब्रिखभ लदायो हांकहि पाछे गमन्यो सोइ। आन्यो पातशाह जींह बैठ्यो, सभा लगी देखति सभि कोई। हजरत कह्यो बैल को हक है लई उठाइ पखालै दोइ⁴। बहर तीसरी लादिन कीनिस इह अन्याइ इसी संगि होइ॥ २३॥ यांते मम घंटा ठणकार्यो, होइ दुखी इम कीनि पुकार। अबि ते आगे सभि ब्रिखभनि को लादह दोइ पखाले भार। बहुर तीसरी धरहि जु ऊपरि होहि गुनाही कैद मझार। सभिहिनि कह इम सूधि करि दीजै शाह कीनि तिब हुकम उचार ॥ २४ ॥ बड धरमग्य न्याऊं जिंह पशयिन मानुख की तौ क्या है बात। इम सुनि प्रिथीआ दुखति भयो उर गूरता आस त्याग पछ्ताति । इस ढिग जतन होइ निंह सिकयित मित सखम निरन अवदाति। तऊ ग्राम दै आदर ठानहिं इस महिं भी मम पति रहि जाति ॥ २५ ॥ ले रिशवत हजरत ढिग गमने सूलही अपने संगि मिलाइ। कहि करि प्रिथीआ निकट हकार्यो लगे तरीफ करनि समुदाइ। प्रथम भए श्री नानक इनके हिंदू तुरक मुरीद बनाइ। रामदास गुर तिन गादी पर बैठे सुजसु जगत परछाइ।। २६।। गुर घर सागर समसर डरहरि⁵ प्रिथीचंद मा चंद मिनद। देश बिदेशनि के नर मानें सीस निवाइ चरन अरबिंद। अजमत करि तिन होति सहाइक सुजस विलंद कर्रीह नर ब्रिट। श्री नानक की जोति इनह महं जानी परिह गुनहि बर्खांशद⁶।। २७।।

^{1.} खींच ली। 2. जाते हुए। 3. जहाँ बैल और माश्की थे। 4. दो मश्कें। 5. (यम के) डर को दूर करने के लिए गुरु-घर सागर के समान है। 6. पाप-विनाशिनी।

सनमानति पतिशाह रहे सिभ, इह चिल करि आयह तम द्वार। न्याउं निबेरनि कीजिह नीके करो बिदा देकरि उपहार। नांहि त महिमा इस घटि जावहि, सिक्ख तर्जीहं नहिं करींह जुहार। इह भी पंन आपके घर को करिह खुदाइ बंदगी चाह।। २८।। जथा जोग बैठावनि करियाहि मानव लाखहं मानहि याहि। परंपरा इह गर के घर की निशचल राखह मिटहि जु नांहि। रावरि की कीरति जग बिथरिह अधिक भला होवै दरगाहि। जहांगीर ने सनि पहिचानी रिशवत लई इनह इस पाहि।। २९।। प्रथम न प्रिथीए की कुछ भाखी आज तरीफ करति छल संगि। दे करि दरव विगारित लोकिन भरयो खुटाई संग कढंग। गरता को अधिकार न इस को ग्यान आदि गून नहिं शुभ अंग। तऊ गुरू को नंदन होयह इम बिचार चिह मान उतंगी।। ३०।। बोल्यो जहांगीर लिह ग्रामिह मैं अपनी दिशि ते इह दीनि। करह धाम तिंह बैठि कृटंब जतश्री अरजन ढिग जाह न, चीन। लवपूरि को हम जिब चिल आविह जग भातिन ते सुनहिं जु कीनि। अबि ते द्वैष न ठानहं तिन संग, निज गुजरान हमह ते लीनि ।। ३१।। इम किह पटा लखाइ विदा किय मिलह हमें जिब लवपुरि² आइ। कुछक हरख करि प्रिथीमा आयह दिल्ली नगरी ते निकसाइ। गमनित देश मालवे प्रापित, तहां ग्राम लीनिस हरिखाइ। सीस निवावति आदिक प्रियीआ सुंदर कोठा लीनि बनाइ।। ३२।। तिसकी संग्या तेसो कहीअहि सोढ़ी कोठे के बिदताइ³। इसत्री पुत्र बसाइ हरख जुित अपनी पूजा बैठि कराइ। थोरी संगति आवति चलि करि देति उपाइन कुछक चढाइ। करि गुजरानि बिताइ समो निज पट-बीजन सम चमक दिखाइ।। ३३।।

दोहरा

जतन ठानि बिधि अनिक के हार पच्यो दुख पाइ। समुता चहि जगनाथ सों क्यों करि पहुंच्यो जाइ।। ३४।।

इति श्री गुर प्रताप सूरज ग्रंथे वितिय रासे 'प्रिथीआ कोठा पावन' प्रसंग वरननं नाम सपत विसती अंशु ।। २७ ॥

^{1.} मान ऊँचा रखना चाहता है। 2. लाहौर। 3. कोठे वाले सोढी के नाम से जाने गए। 4. जुगनू।

अंशु २८ बिप्त्र प्रसंग

दोहरा

इम प्रसंग रिस ढंग को प्रिथीए कियो निसंग। रंग रंग की कथा अबि गुर की सुनि हित संग॥ १॥

हाकल छंद

श्री सतिगूर अरजन पाछे। बहु करे उछाह सु आछे। सूत जनम नवो जन् होवा। द्ख विघन विंद को खोवा।। २।। बह दान दीनि करि प्रेमा। अभिलाखि पत्र की छेमा2। मुखमंडल सुंदर चंदू। पिखि हरखित आनंद केंदू।। ३।। द्रिगदल विलंद अर्विंदू³। दुति कलिका रदन मनिंदू⁴। हरखंति दास पिखि ब्रिंदू। करि प्रेम तुरक अरु हिंदू॥ ४॥ दिन रैन नैन के आगे। रखि जननी आन न त्यागे। करि भली भांति तकराई। निज हाथ अहार खुवाई।। ५॥ बिसवास न करती कैसे। रखि पलक बिलोचन जैसे⁵। रिह राप्ति विखै रखवारी। नर जागति खरो निहारी।। ६।। उर त्रास धारि करि गंगा। सुत पालति दीरघ अंगा। हरिगोविंद छैल छवीला। करि वालपने की लीला।। ७।। पद पंकज अंगण दौरे। गहिबालक ले भरि कौरे⁶। बहु करे मेर तर ढाहै। जुग वाहैं ओज निवाहै⁷।। ८।। बहु खेलि खेल रस राते। कर चरन कमल जन् राते। इम खेलति पित ढिग आवैं। सिभ सभा मोद उपजावैं।। ९।।

^{1.} क्रोध के ढंग का ऐसा प्रसंग। 2. कुगल, क्षेम। 3. नेत्र कमल-पत्न सरीखे चौड़े (बड़े) हैं। 4. समान, मानिद। 5. जैसे पलकें आँखों की रक्षा करती हैं। 6. बालकों को क्रोड़ में लेकर पकड़ता है। 7. दो भुजाओं के बल से झुका देता है।

पिखिलच्छन अंग विसाला । गर भारो होहि ऋिपाला । को कहै सर बड होवै। गन दषटिन की जर खोवै।। १०॥ को कहै डील बलवाना। किस नर को अस नहिं जाना। भज होइं प्रलंबति भारी। उर आयन यत विसतारी।। १९॥ सिभ देखि देखि सुख पावैं। इम श्री गर दयोस बितावें। नित बरघति डील बिसाला । बड आयत संदर माला ॥ १२ ॥ श्री अरजन सभि दिन मांही। तजि आलस जाम निसा ही। भुच क्रिया प्रात हितकारी । पून बैठिह आसन मारी ॥ १३ ॥ थिति अपन सरूप मझारा । मन रार्खीह रोकि उदारा । इक द्योस प्रापत जिब होई। उठि किआ करति मे सोई।। १४।। जल कूप प्रथम इशनाने। श्री अंम्रितसर पून प्याने2। सिख ग्यानी केतिक संगे। को सत्यनाम रित रंगे।।।१५।। निसद्योस लगी लिवजीहा 3 । प्रभु दरशन की उर इहा 4 । सिभ सुधा सरोवर मज्जे 5। बह जनमिन के अघ भज्जे 6।। १६।। पुनि श्री गुर कीनि शनाना। गर सूखम बसत्र महाना। पग पंकज गमने सुंदर। हित दरशन श्री हरि मंदर।। १७॥ निज पित को कलपि सथाना। हुई नंम्न प्रनाम सू ठाना। श्री रामदास धरि ध्याना । पुलकाविन देहि महाना ।। १८ ॥ जल भर्यो बिलोचन बीचा। बहि आँसू आनन सीचा। रुकि कंठि न बोल्यो जाई⁷। बडप्रेम देहि विसराई⁸।। १९। चिर कितिक बिखै धरि धीरा। परकरमा फिरे गहीरा। करि चतुर बार हरि मंदरि। बर वैठ विराजे अंदर।। २०॥ थिति⁹ कितिक काल दरसाए। पुनि उठि करि बाहरि आए। कर नमो सेत पुर 10 चाले। दरशनी जुपौर विसाले। २१॥ तींह फिर करि ठांठे ह्वैके। हरि मंदरि दिशा चिते कै। करि बंदन प्रेम समेता। पुन सर परकरमा हेता॥ २२॥ गमनें मंदिंह मंदे11। दे दरशन दास र्जीह झूलति दीह निशाना । करि नमो चले अगवाना ॥ २३ ॥

^{1.} छाती चौड़ी । 2. गए । 3. जिह्ना, जिनकी जिह्ना रात-दिन प्रभु-कीर्ति करती है) । 4. इच्छा 5. स्नान किया । 6. भाग कर । 7. गला भर आया । 8. ग्रगाध प्रेम में शरीर की भी सुधि न रही । 9. स्थिरतापूर्वक । 10. पुल पर । 11. धीरे-धीरे ।

मुख उत्तर दिश करि जाए। सिर वाइव कौन¹ निवाए। पुनि पूरव मूख करि चाले । सिख ब्रिंदगमन करि नाले ॥ २४ ॥ तिंह इकदिज देख्यो ऐसा। सर सुधा तीर पर वैसा। आर्गे सालगराम् । बहुभांति करति परणाम् ।। २५ ।। घरि घिस चंदन को चरचाना। इक घंटा धर्यो महाना। पाटंबर पीता। दिज बैठ्यो थिति नहिं चीता।। २६।। ऊपर घर कारज चितवि अनेका। उर विशना धन की एका। वड रच्यो पखंड मझारी²। बकध्यान लगावित तारी ॥ २७॥ तिह पिखि गुर गए अगारी। दिज उर महिं तिव रिस धारी। निंह ठाकुर दिणि करवंदे। निंह मुहि निमि कीनि अनंदे³।। २८।। हुइ निकटि गए पुनि आगे। तिम सिक्ख सकल संग लागे। सनमान न राख्यो मोरा। नहिं देख्यो ठाकुर ओरा।। २९॥ इम चितवति विष्प्र विसाला । तपयो रिस मतसर ज्वाला । परकरमा करि गुर स्वामी । दिज उर लखि⁴ अंतरजामी ॥ ३०॥ फिर सरुवर के चहुं ओरा। पुन आइ दरशनी पौरा। करि बंदन बहुरो आए। जिह दिज ने दंभ रचाए॥ ३१॥ सभि सिक्ख दास समुदाया। अविलोक्यो विष्प्र समाया⁵। गिनि तिलकसु द्वादश लाए⁶। बिच गोमुखि हाथ उठाए ॥ ३२ ॥ विड आसन तरे इसायो। जुित संख समाज⁷ टिकायो। गुर बोले पिखि तिस ओरी। कहु बिप्प्र कहां मित तोरी।। ३३।। क्या कलपति मिन मिहं आई। किम रिश की दशा बसाई?। सुनि विप्प्र मन्यो अभिमानी। हम ठाकुर सेवा ठानी।। ३४।। पून दिज वर जनम हमारा। तिम छत्री बंस तुमारा। चिल गए समीप अगारे। निंह हमको बंदन धारे॥ ३५॥ सालगराम सुमाना । परणाम न निव करि ठाना । गुर गादी पर तुम बैसे। अभिमान भयो मिन तैसे।। ३६।। सूनि बोले प्रवीन । शुभ करमन ते तुम हीनु ।। गरू दंभ दिखावा सारो। निहं समझैं सार असारो।। ३७॥

^{1.} उत्तर-पश्चिम की कोण। 2. बड़े पाखण्ड में रचा। 3. न मेरी ओर बदन कर मुझे प्रसन्न किया। 4. ब्राह्मण के अन्तर में झांककर। 5. माया रहित। 6. बारह अंगों पर गिनकर तिलक किया था। 7. ठाकुर-पूजन की सामग्री।

घर कारज कूर पसारा। मन तहाँ फसाइ जंजारा।
इह ठाकुर सेवा साची। तजि दई. न मित मिहिं राची।। ३८।।
मन होति जि ठाकुर माही। हम करित नमो लिख तांही।
सिभ जानि पखंड बिसाला। हम चले गए तिसकाला।। ३९।।
सुनि दिज ने मन में जानी। गुर पूरन अजमत वानी।
सिभ अंतरि की लिख लीनी। अभिबंदन ती निहं कीनि।। ४०॥
इह करिह मोहि कल्याना। सिख बनौं गुरू अगवाना।
लिखभले तऊ चित चाही। इन तंग करौं चरचा ही।। ४१॥
पुन पीछै बन हाँ दासा। इम लिखकै बाक प्रकासा।
मुझ बिखै त अवगुन जाना। किम ठाकुर को निहं माना १॥ ४२॥
इम मिह क्या दोष पछाना १। सुनि सितगुर शबद बखाना।
जिह विखै दंभ को नाशा। बड ठाकुर रूप प्रकाशा।। ४३॥
श्री मुखवाक।।

रामकली महला ॥ १॥

मख ते पडता टीका सहित। हिरदै राम नहीं पूरन रहत। उपदेस करे करि लोक द्रिडावै। अपना कहिआ आपि न कमावै।। १।। पंडित बेद बीचारि पंडित। मन का क्रोध निवारि पंडित ॥ १ ॥ रहाउ ॥ आगै राखिओ सालगिराम्। मन् कीनो दहदिस विस्नाम्। तिलक् चरावै पाई पाइ। लोक् पचारा अंध् कमाइ॥२॥ खट् करमा अरु आसण धोती। भागिठ ग्रिहि पडै नित पोथी। माला फेरै मंग विभ्त। इह विधि कोइ न तरिओ मीत।। ३।। सो पंडित् गुर सबद कमाइ। तै गुण की ओसु उतरी माइ। चत्र बेद पूरन हरि नाइ। नानक तिसकी सरणी पाइ।। ४।। ६।। १७।।

हाकल छंद

पठि कथा सुनाइ सु टीका। उर राम न प्रेम नजीका। जग दंभ दिखाइ ठगंता। इम दुशतर¹ नहीं तरंता।। ४४॥ तुम सिला रूप प्रभु चीना। जो घट घट व्याप प्रवीना। ब्रह्मंड कोट आधारा। सभि नंगति की दातारा॥ ४५॥ वडशेप सारदा नीता²। ब्रह्मादिक सभि जो कीता। सभि घ्यावति गुननि विसाला । निह अंत लखिह त्रई काला ।। ४६ ।। सत मृहिद सहिद महीआना³। जिहं पारावार न जाना । जो सभि सै रिजक⁴ पुचावै। गज कीटी आदिक खावै। ४७॥ जिह लाखहुं सुरपति देवं। सिस सूरज शंकर <mark>सेवं।</mark> छित पावक पौन रु पानी । ब्रह्मादिक लाखहुं ग्यानी ।। ४८ ।**।** थल तीन लोक महिं पूरा। को नहीं तिसी विन ऊरा⁵। सो ऐसे वडि महाराजा। जिह निमख विखे जग साजा।। ४९॥ तिह कलप्यो पाहन मांही। जढ़ अलप शकति कुछ नांही। कुछ लेय न देय न खाही। अस प्रभु को अस विडिआही॥ ५०॥ दिज जातिमहां अभिमाना। लखि दभी तोहि न माना। उर कितिक कोध तुझ होवा। जो बड ते लघु करि जोवा।। ५१ ।। प्रभु सिभ ते वडो वडेरो। सो पाहन इह मित तेरो। सिमहूं ते लघु करि दीना। किम होवहि प्रभु प्रसीना ।। ५२।। पातशाह बड जोई। तिह मीआं कहि कै कोई। मन लखें करौं बडिआई। किम रीझिह ? देहु बुझाई। ५३। असि मेरो ठाकुर जोई। सभिहिनि ते ऊपरि सोई। तिहरूप सुनहु दिज काना । तिब श्री गुर शबद वखाना ।। ५४ ।।

आसा महला ॥ ५ ॥

आठ पहर उदक इसनानी। सद ही भोगु लागइ सु गिआनी। बिरथा काहू छोडं नाही। बहुरि बहुरि तिसु लगाह पाई।।१॥

^{1.} कठिन प्रपंच । 2. शेष नाग तथा सरस्वती नित्य ही । 3. सत्य महान से भी महान है । 4. भोजन । 5. खाली । 6. तो प्रभु क्योंकर प्रसन्न हो सकता है ?

सालगिराम् हमारै सेवा। बंदन देवा ।। १ ।। रहाउ ।। पुजा अरचा जाका सूनीऐ चहंकंट। घटा जाका सदा बैकंठ। आसन् जाका चवर सभि ऊपरि झलै। परफलै ॥ २ ॥ धप सदा घटि घटि संपटु है रे जांका। अभग सभा संगि है साधा । आरती कीरतन् सदा अनंद। सदा वेअंत ॥ ३ ॥ महिमा संदर जिसहि परापति तिसही लहना। संत चरन ओह आइओ सरना। हाथ चड़िओ हरि सालगिराम्। कह नानक गुरि कीनो दानु ॥ ४ ॥ ३९ ॥ ९० ॥ हाकल हंद

इह ठाकर हमरो भारा। जो सिभ को सदा संभारा। प्रिम ऊचिह ऊचिह ऊचा। जिह समसर को न पहूचा।। १५॥ हम रिद मिहं सदा बसायो। निस दयोस न कबिह भुलायो। गन दीन बंधु जगनाथा। निज सेवक के नित साथा।। १६॥ किर प्रगट अपनपौ रूपा²। हुइ भगतिन के अनुरूपा। जिब मीर परिह किह आई। दे आपिन हाथ बचाई॥ १७॥ है भगति वछल तिस नामू। गन दीन बंधु अभिरामू। सो सदा गरीब निवाजा। वहु अधम उधारन काजा।। १८॥

कवित

प्रभु मधुसूदन गोबिद, दया निधि, हरि, माधव, मुकद, दुख दंद के कटैया है। स्त्रीपित अखिल पित महद, जगतपित, सीता पित, रमापित, सेवक सहैया है। ईशर, ग्रनंद रूप, अच्चत, अनूप गुर, भूपन को भूपत हंकार कहो रेया है। पार ब्रह्म पूरन अनेक रिपु चूरन, अनंत करतार, सिभ जीवन दिवैया है।। ५९।। दोहरा

इस प्रकार ठाकुर प्रभु सालिगराम बिसाल। श्री गुर अरजन बरनिओ सुनति बिप्प्र तिस काल ॥ ६०॥

इति श्री गुर प्रताप सूरज ग्रंथे वितिय रासे 'बिप्प्र प्रसंग' वरननं नाम अपटिवसती अंशु ।। २८ ।।

^{1.} जो सबकी सदैव सम्भाल करता है। 2. जो ग्रपना रूप स्वयं प्रकट करता है।

अंगु २६ 'बिप्प-बनिक प्रसंग बरननं'

दोहरा

सुनि करि बोल्यो बिष्प्र तिब भाखा बानी एहि। संसिक्रित हम कहु रुचिह पटिह सुनिह धरि नेहि॥ १॥

हाकल छंद

परमाण¹ करहिं तिस केरा। कल्याण सुदेति उचेरा। वानी जानहं सोई। पठि विद्या ले सिभ कोई।। २।। क्या भाखा ते हुइ जावै। जिह लोक नहीं मन ल्यावैं। जिस करि है भूभि गति एही ? जिस विखें जुगति निंह केही ।। ३।। सुनि बोले गुरू प्रवीना। विन भाखा संसक्रित हीना²। जग्यासू नहिन उधारै । किम भगत ग्यान सिख³ धारै ॥ ४ ॥ जिंव पठहु शलोक उचारी। नहिं समझै को नर नारी। विच भाखा अरथ वखाने। तिव सिभ अजान भी जाने।। १।। बिन भाखा सर्यो न कामू। उपदेश न भा अभिरामू। कल्ल्यान न सिख को कीना। जिस विना भई फल हीना॥ ।। ।। लिख मूल सु भाखा यांते। जिह पठे सकल बरुसाते। बिन संसिकत्त जो भाखा। बिचु भगति ग्यानु जिस राखा।। ७।। सभि समझ लेहि नह नारी। गति कारज लेहि सधारी। इह इकली दे कल्याना। जो स्निह कमाइ सु जाना।। ८॥ पठि करहि बिचार सुखैना। शुभ पठिन कठिन कुछ है ना4। दिन थोरिन लहि कल्याना । सुनि पठिह कमाविह नाना ॥ ९ ॥

दोहरा

चाहित नही सहाइता संसिकित की एहु। कटक मोह को बिकट जो कार्टीह लेहा देहु॥ १०॥

1. उसी को प्रमाण मानते हैं। 2. भाखा के बिना संस्कृत अबूरी है। 3. शिक्षा।
4. भाखा का पढ़ना शुभ है और कुछ कठिन नहीं।

जथा सुभट अतिरथी हुइ लरित न चहति सहाइ¹। अनिगन शत्रु सैन को नासिह जुद्ध मचाइ।। ११।। ससिकत्ति तुमरी जो है रथी महारिथ देइ2। चिह सहाइ रन मिह लरिह इक मिह शकित न होइ।। १२।। भाखा को ले संग निज सिक्खय्न को समुझाइ। मोह कटक तिब जीत है गित दे जोन कमाइ।। १३॥ जे करि सुरवानी कहैं इसको फल अधिकाइ। तां परि पंडति कान सुनि, देहिं संदेहि मिटाइ।। १४।। सतिगर प्रभ प्रिय भगत जे तिन के बाक समान। सुरबानी नींह होति है, इह तो बिदत जहान ॥ १५॥ करम कांड मैं सूर चहें नर को दे उपदेश। सुरगन नरक फिर फिर जनम सुख दुख लहै बिशेष ॥ १६ ॥ सितगुर ग्यान द्रिड़ाइ करि वंधन काटहि जीव। यांते जानहु मिसर जू को घटि, को बिध थीव।। १७॥ शुभ उपदेश जु श्रेय दे संसित्रित भाखा कोइ। कहे कुरीति जु दुहिन मिहिं माने अधुगति होइ।। १८।। पात्र मझार अहार मुभ खैबे त्रिपती जांहि। किम संसिकित्ति को अधिकता कहैं, लहै निंह रीति। पठिबे ते हंकार ह्वै नहीं नंम्रता चीत । २०॥ · बिना गरीबी 4 भगति नहिं जिसते किल महि श्रेय । टिब्बहि ऊच न जामई⁵ किषी बीज जो देय।। २१।। संसिकत्त की वारता अपर सुनह मन लाइ। मुनसव⁶ होइ बिचारीए करिवे पक्ख्य बिहाइ⁷ ॥ २२ ॥ किह किह को अधिकार ह्वै सिभिनि सुनावहु नांहि। बिच अधिकारनि बुधि बड तौ समझहि कछु तांहि ।। २३ ।।

^{1.} जैसे शूर-वीर लड़ते हुए सहायता नहीं चाहता। 2. यदि संस्कृत रथी है तो दूसरी (भाखा) महारथी है। 3. पात्र में शुभ अहार डालकर खाने से तृष्ति होती है, यदि उसी में विष डाल कर खाया जाये तो मर कर नरक में ही जाना होगा। (इसमें पात्र का क्या दोष ?) 4. नम्रता। 5. ऊँचे टीले पर नहीं जमती। 6. न्याय कर्ता। 7. पक्षपात छोड़ कर।

सुमतिवंत अभ्यासही तौ पठि जानै सोइ। करि अभ्यास कमाइ को तिसको फल तिब होइ।। २४।। लाखहं महिं नर पाइ को जे सिभ विधि विन जाइ1। अपनि श्रेय से करि सकहि अपरिन को क्या पाइ² ॥ २५ ॥ जथा कप को नीर ले इक नर बोबै खेत। सिंचति श्रमकरि निताप्रति तौ क्छ निज कर छेत ।। २६ ।। अवि भाखा की बात सुनि सरब जाति अधिकार। लघु दीरघ वृधि सभि सुनै समझैं सार असार ॥ २७॥ वहुत नहीं अभ्यास चिंह थोरिन दिन मिंह जानि। ऊच नीच पिठ किथौं सुनि भगति कर्राह हित ठानि ॥ २८ ॥ सिंग पावहि कल्यान को जानि सनाति अनेक। सिमरन करि सतिनाम को सार ग्रसार विवेक ।। २६ ॥ जैसे जलधर उमिंड कै बरखा करि इक सार। सुद्धि मिलन उचनीच थल जल प्रापित पर धार 1। ३०।। पसु पंछी सभि थल बिखै सुख पायो सभि जीव। वन त्रिण हरीआवलि भए, तपत मिटी हित थीव ।। ३१।। पुरि ग्रामनि खेतनि विखे सभि प्रमुदति इकसार। त्रिपति भए इक बारही जिंह कहिं कैंकार ।। ३२ ।। श्री गुर की वाणी तथा सभि जातिनि इक सार। ऊच नीच पठि किधौं सूनि भए श्रेय अधिकार⁶ ॥ ३३ ॥ मलिन किधौं सूच होइ करि सिमरहि श्री सितनाम। प्रापित होवहि मुकति तिनि विधि मुखेन अभिराम ॥ ३४ ॥ जलधर बरखा अधिक ह्वै किधौं कृप जल होइ ?। पंडित कहह विचार कै, पख्य न की जै कोइ।। ३५।। इत्यादिक सूनि वाक को बोल न दिज ते आइ। मुनसब हुइ पख त्याग करि करि बिचारि सुख पाइ।। ३६।। वादि छोरि गुर ओर पिख, जुग कर जोरि वखान। तम दाता सभि जगत के हमरो बाद गुमान ।। ३७।।

^{1.} यदि सब विधि पूर्ण हो भी जायें तो लाखों में से कोई नर परमात्मा को पा सकता है। 2. वह अग्ना श्रेय किठनाई से करता है, औरों को उससे क्या प्राप्त होगा। 3. चारों वर्ण। उन चारों से भी नीच। 4. धारा पड़कर। 5. सुख होता है। 6. अधिक श्रेयस्कर ठहरती है।

सिक्ख्य करह. दूरमित हरह, मोकह लखिकरि दास। किपा सिंध मैं बंद सम कया करिहौं समतास् 111 ३८ 11 बड़े भाग जागे अवहि मेल भयो तम साथ। दे आपिन उपदेश को कीजिह मोहि सनाथ।। ३९॥ -इम कहि पग पंकज गहे त्याग जाति हंकार। संकटि बसि निज जीव लखि गुर पूरन अवतार।। ४०॥ करहि उधारिन कषट ते बंधन काटिह मोर। महां किपाल सुशील हैं हरहिं आपदा घोर।। ४१।। दीन भयो बिनती भनति भाउ भगति चित मीन। भाग भर जिस भाल के जागे कलमल हीन।। ४२।। श्री सतिगर अरजन भन्यो तुम उत्तम दिज जाति । सिमरह श्री सितनाम को लिव लगाइ दिन रात ।। ४३।। बिप्त्र कह्यो विसकार मैं तुमरो कीनि महान। बखशह मेरी भूल को दाता सकल जहान।। ४४।। सुंदर पद अरबिंद म्रिद् जल सों इनह पखारि। दीजै मैं मख पान करि बनौं सिक्ख हित धारि ॥ ४५ ॥ श्री गर अरजन देव ने जान्यो शरधा मांहि। चरणांम्रित दे दास किय समि बिकार हरि तांहि ।। ४६।। लिव लागी सतिनाम सों रसना ने रस पाइ। अधिकारी भा ग्यान को श्री गुर करुना पाइ।। ४७।। चार पदारथ पाइ कै दिजबर भयो निहाल। सुजसु करति गुर को सदा महिमा लखी विसाल।। ४८।। बिप्प्र संग परसंग इम होयो गृरू किपाल। अबि आगल इतिहास को श्रोता सुनो रसाल।। ४९।। कितिक समां बीत्यो तहां रहे गुरू इस रीति। सिबस्य होइं बह आन करि पग पंकज करि प्रीति ।। ५० ॥ श्री अम्रितसर को नगर बहत बसाविन कीनि। सेवहिं श्री गुर देव को अहंमेव ते हीन।। ५१।। सुधा सरोवर एक दिसि दूजी दिश निज धाम। रच्यो बजार दुकान करि होति बनज को काम ।। ५२।। धनी बनक बहु बसे तिहं गुर के बाकिन मानि। सौदा ले सिभ भांति को पूरत करहिं दुकान ॥ ५३॥

^{1.} मैं आपकी क्या बराबरी कर सकता हूँ ?

इक दिन इकठे वनक हुइ सभि आए गरपासि। प्रथम नमो करि कहति मै हाथ जोरि अरदास । ► ५४॥ श्री गूर तुमरे मानि बच बैठे रच्यो बजार। नही वनज कुछ होति है खावहिं कुतो अहार ।। ५५॥ निहं गाहक आविंह कबहं विकहि वसत् निहं काहि। विन लेवा देवी करे दरव कहां ते पांहि।। ५६।। स्नि श्री अरजन नाथ जी वनकिन संग बखान। नित प्रति श्री दरबार महिं मसतक टेकह आनि ॥ ५७॥ इक बिराटिका दोइ तर चह पंचम ले हाथ। यथा शकति धन मेट दिह भाउ भगति के साथ ॥ ५८॥ वहर करह बिवहार को सगरे वासर मांहि। संध्या पूनि बंदन करह देह प्रदच्छन² जाइ ॥ ५९ ॥ होहि बनज निज अधिक ही धनी बनह सुखु पाइ। पत्र पौत्र ज्त फलहगे संसे देह मिटाइ।। ६०।। सुनि के सभि कर जोरि कै मानि तिसी विधि कीनि। चल्यो बनज धन गन भयो प्रापित भे सुख पनि ।। ६१ ॥

इति श्री गुर प्रताप सूरज ग्रंथे त्रितिय रासे 'विष्प्र-विनक' वरननं नाम एक ऊन त्रिसती अंशु ।। २९ ।।

^{1.} कौडी । 2. प्रदक्षिणां।

अंशु ३० श्री हरिगोविंद ताप प्रसंग

दोहरा

श्री गुरु हरि गोबिंद जी खेलित लरकिन संग। अजर बिहारित दौरते¹ देखित जननी गंग ।१।।

तोटक छंद

अदूखन के। पिखि नाशक ब्रिंद कल्खनि के। तन भखन चार सूख देति महां सिख दासनि को। रहिं संग अग्यान विन।शन को।। २।। परसंति पगं। हरखंति रिदैहरि पंथ लगं। दरसंति भले फल देखिन को बड पावत हैं। तिज ब्रिट विकार सुहावित हैं।। ३।। इम केतिक द्योस बितीत गए। वड डील शरीर सु होति भए। तन धारिन को जिन स्वांग लयो । निरवाहति तैसिय रीति कयो ।। ४ ॥ इक द्योस चढ्यो तन ताप महां। बहु कंपति अंग संताप लहा । बहु बारिह बारि सु पानि करें 2 । मुख सुकति जाति न होति थिरे 3 ॥ ५॥ पिखि गंग सु व्याकूल नंदन को। सुधि भेज दई जगबंदन को। ढिग बैठि रही दुख पावति है। प्रिय पुत्र पिखै तपतावत है।। ६।। निज हाथ लगाइ रही तन को। सुधि बझति, पीर बड़ी मनको। देख समीप भए।। ७।। इतने मैं श्री गुर आप अए। निज नंदन मन व्याक्ल गंग बिशाल लखी 4 । द्रिग ढोरित 5 हेरित नंद दुखी। तिज खान र पान बिसूरित है। चित चित मनो इह मूरित है।। पा निह आन विखे मन कारज को। इम संकट देखि सु आरज⁶ को। ढिंग बैठि गए करना करि कै। मृति देह सु ताप रह्यो चिह कै॥ ९॥ गन दास पि बे दुख पावित हैं। मुरझाइ कछू न सुहावित है। सिभहृति मनो जर जीवन की 7 । मन आनंद दीरघ थीवन की 8 ।। १०।।

^{1.} आँगन में विहार करते हैं। 2. वार-बार जल माँगते। 3. चैन न पड़ती।
4. गंगा (माता) का मन अत्यंत व्याकुल देखा। 5. अश्रु झरते। 6. पत्नी। 7. मानो
(वे) सबके जीवन की जड़ हैं। 8. होने की।

इम श्री गूर देखि विशेख दूखी। परवार अधार सभी विलखी। तिज आन उपाव बडे जग के। परमेशुर प्रीत रही लगके।। ११।। सतिनाम सु मंत्र महाँ जिपकै। वड दारुन कारन जे तिपकै। कर श्री गुर फेरनि कीनि जबै। मुख पै, तन पै, हित ताप तवै ।। १२।। न रह्यो तब यों ततकाल हयो। उठि श्री हरि गोविंद वैठि गयो। जिम पुरव खेलित मोद धरे। तिस रीति महां हरखंति फिरे।। १३॥ परबार निहारि अनंद भयो। समुदाइ मिले उतसाह कयो। सिभ श्री गुर को कर जोर कहैं। दुख ब्रिंद तुमारि अधीन रहैं॥ १४॥ जिम रावर की लखते मरजी। तिम होति समै, मनते अरजी। र्नीह आप कछू करि साकति हैं। पदधूल जमादिक ताकित हैं²।। १५॥ सुनि श्री गुर नाम बिशेषित हैं। सिख संगति को उपदेशित हैं। इह मंत्र महां सितनाम अहै। निज जीह जर्नै जु अरोग चहै।। १६।। तन ताप कहां इसते जु रहै। जग तीनहु तापनि खापद है³। मुखिधंन, जपै सतिनाम सदा। किह संकट होनि न देति कदा।। १७॥ बड भाग भरे लिव स्नावित हैं। दुख लोक प्रलोक नसावित हैं। कहि सिक्खन साथ बिकार तजो। सतिनाम भजो, सतिनाम भजो।। १८॥

दोहरा

इम किह श्री अरजन गुरू शबद बनाविन की । सितगुर अरु सितनाम की महिमा जिन मिह पीन ॥ १९॥

श्री मुखवाक

सोरिं महला 1. 5 ॥

मेरा सितगुरु रखवाला होआ । धारि किपा प्रभ हाथ दे राखिआ हिर गोविंदु नवानिरोआ । रहाउ ॥ तापु गइआ प्रभि आपि मिटाइआ जन की लाज रखाइ । साध संगति ते सभ फल पाए सितगुरु कै बिलजाई ॥ १ ॥ हलतु पलत प्रभ दोवै सवारे हमरा गुणु अवगुणु न बीचारिआ । अटल बचनु नानक गुर तेरा सफल करु मसतिक धारिआ ॥ २ ॥ २१ ॥ ४९ ॥

^{1.} तभी ज्वर का नाश हो गया। 2. यमादि भी चरण-धूलि के अभिलाषी हैं।
3. संसार के तीनों तापों का विनाश है। 4. पूर्णत: नीरोग।

सोरिं महला ॥ 5 ॥

तापु गवाइआ गुरि पूरे॥
बाजे अनहद तूरे।
सरव किलआण प्रिभ कीने।
करि किरपा आपि दीने॥१॥
बेदन सितगुरि आपि गवाई।
सिख संतसिभ सरसे होए हरि हरि नामु धिआइ॥१॥ रहाउ॥
जो मंगिह सो लेविह।
प्रभ अपणिआ संता देविह।
हरि गोविंदु प्रभि राखिआ।
जन नानक साच सुभाखिआ।॥२॥६॥

सोरठ म० ॥ ५ ॥

ठंढि पार्ड करतारे। ताप छोडि गइआ परवारे। गुरि पूरे है राखी। सरिण सचै की ताकी।। १।। परमेसरु आपि होआ रखवाला। सांति सहज सुख खिन महि उपजे मन् होआ सदा सुखाला । रहाउ । हरि हरि नाम दीओ दारू। तिनि सगला रोग बिदारू। अपणी किरपा धारी। तिन सगली बात सवारी।। २।। प्रभि अपना बिरद् समारिआ। हमरा गुण अवगुण न बीचारिआ। गुर का सबदु भइओ साखी। तिनि समली लाज राखी।। ३।।। बोलाइआ बोली तेरा। तूं साहिब गुणी गहेरा। जपि नानक नामु सचु साखी। अपूने दास की पैज राखी।। ४।। ६।। ५६॥।

दोहरा

इत्त्यादिक बहु शबद शुभ करे अपर गितदाइ।
राग बिलावल आदि जे दिये ग्रंथ मिह पाइ॥ २०॥
जो जिस संकट पर कह्यो पढिह जि सिख मन लाइ।
शरधा ते दुख खै करिह इही मनोरथ गाड॥ २१॥
सरब इहां हम निह लिखे अरथ प्रगट तिन केर।
श्री ग्रिंथ साहिव पठे जाने जाहिं घनेर॥ २२॥

तोटक छंद

पुन श्री गुरु जग्ग2 अरंभ कर्यो । मिषटान मंगाइ . महान धर्यो । सिख जाइ चहुं दिश ब्रित लयो। पुनि गोध्म सूखम चून³ कियो॥ २३॥ पकवान पकाविन पुंज लगे। सिभ द्योस पक्यो पुनि रैन जगे। गन मोदक मोदक ओघ करैं । वह पूप⁵ पके करि रास धरे ।। २४।।. दिध संगि पकौरिन मेलि भले। मरचादि मिसाल विसाल रले। कर रास तिहावल त्यार धर्यो । बहु भांतिन मेव अमेज कर्यो ॥ २५ ॥ निवता किह दीन चहं बरना। सिभहंनि अहार इहां करना। दरवेश अशेष बुलाइ लए। ग्रिहसती उच नीच हजूर अए।। २६।।। बड मेल भयो गिनती न रही। सुधि जाति भई जिस ग्राम लही⁶। सुनि साध फकीर सु ब्रिंद चले। घर श्री गुर के सिभ आइ मिले।। २७॥. गन जाति ग्रिही सुनि आइ गए। चहुं कोद प्रमोदित टोल भए। करि पंकत रीति अनेकिन की। विच थाउं सु भोजन टेकन की⁷।। २८।। इक जाति करी इक थान सबै। करि पांति जुदी सु जुदी सु तबै। सिभ पंथनि संत तथा करि कै। थिति न्यारिय न्यारियता धरि कै। २९॥ बह भांतिनि के पकवान दए। शुभ स्वाद हुते रुचि साथ खए। मुख धंनहि धंन भनें गुर को । बड भोजन दीनि, न भो थुर को ।। ३० ।। जिस नाम भने दुख जाति घने । तिन को अभिवंदन देखि बने । सभि आशिख देति अनंद लवो । हरिगोविंद वैस विसाल हुवो ॥ ३१ ॥ गुरबंस चलो तबि लो अवनी। जिंबली उडमाल⁸ फिरे रवनी। सिस सूरज जावत जोति धरैं। सिलता जल सागर बीच भरै॥ ३२॥

^{1.} क्षय, अन्त । 2. यज्ञ । 3. गेहूँ का बारीक आटा बनाया । 4. अधिक आनन्द-दायी लड्डू बनाए । 5. पुए । 6. जिस गाँव ने यह समाचार सुना । 7. भोजन रखने की । 8. सितारे ।

जगकी मिरजाद जबै लगि है। कमलासन की रचना जग है। तिब लौ गुरबंस रहो थिर कै। जग मैं जसू दीरघ बीथिरकै।।। ३३।। गुर नंदन होहि अरोग सदा। बिधना नहिं व्याप सकाहि कदा। मन बांछित भोजन खांहि घने। उर मोदित ब्रिंद असीस भने॥ ३४॥ पून दीनिन दान दयो धन को। गन होति भए न करी गन को2। सिभहंनि दयो हरखंति भए। जैकार उचारति नाद थए। ३५।। बहरो गुर होइ तयार चले। हरिमंदिर है जिस थान भले। उचवाइ प्रसादि संबह लयो। हरिगोविद नंदन संग थयो।। ३६॥ पित केर सथान महान महां। हित पूजिन के चिल जाति तहां। पहुंचे गर अंचर डारि खरे। पित ध्यान करे उर प्रेम भरे॥ ३७॥ करि बंदन दोष निकंदन को। पुन श्री हरिगोविंद नंदन को। शरधा धरि माथ टिकाइ दयो। वय दीरघ को वर जाच लयो।। ३८।। कर जोरि खरे अरदास भई। धरि भाउ प्रदच्छन फेर दई। बहु नंम्र भए गुर पूजि फिरे। जुत मंगल के उतसाह करे।। ३९।। निज धाम बिखै पुन आइ गए। बहु गावति गीत अनंद भए। बहु भांति सु बादित बाजित हैं। बहु भांति सु मंगल साजित हैं।। ४०।। बहु भांति प्रमोदित होवित हैं। नर नारि खुशी उर जोवित हैं। लघु दुंदभि की धुनि बाज रही । नहिं कान परै कुछ बात कही ।। ४१ ।। शहनाइ नफीरनि होति धुनी। गन भाट कलावत गाइ गुनी। किब छंद बनाइ सुनावित हैं। गुर्िते मन बांछिति पाविति हैं।।४२।। बड पौर कुलाहल होवति है। गुर हेरि कलूखनि³ खोवति हैं। बडभीर भरी नर नारिनि की। वहु मंगल रीति उचारिन की।। ४३।। निज नंदन गंग निहारति है। धन ले सिर पै बहु वारति है। गन मंगत को पिखि देवति है। गन आशिख माधुर लेवति है।। ४४।। हरिगोविंद चंद मनिंद महां। उछल्यो जल ब्रिंद अनंद तहां 4 । नर नारि भए जलजंतु सभै। इम होति कुलाहल भूर तबै।। ४५।।

इति श्री गुर प्रताप सूरज ग्रंथे तितिय रासे 'श्री हरिगोविंद ताप प्रसंग' बरननं नाम तिसती अंशु ॥ ३० ॥

यश फैला कर।
 कोई गिनती नहीं कर सकता था।
 वहाँ आनन्द रूपी जल का प्रभूत स्रोत उछल पड़ा।

अंशु ३१

श्री हरिगोविंद पढ़िन प्रसंग

दोहरा

इस प्रकार श्री सितगुरु कीनिस द्योस वितीत । नंदन हिर गोविंद जी तन विलंद मुद चीत ॥ १॥

हाकत छंद

प्रिय पुत्र बिलोकि विचारैं। श्री अरजन इम उरधारैं। पावैं।। २।। चटसाल¹ विसाल विठावें। तींह वैठित विद्या किस थान पठें सु बिचारी। पुनमन मैं बैसे धारी। जो हमरो भ्रात वडेरो। उर सरल सुशील घनेरो।।३॥ शुभ महादेव जिस नाम्। चिल गए तिसी के धाम्। करि बंदन सादर वैसे। बलदेव अग्रहरि जैसे²।।४।। म्रिदु विने सप्रेम वखाने। तुम भ्राता अहो महाने। सम पिता सदीव हमारे। गुन अउगन को न चितारे।। ५ ॥ हरि गोविंद दास तुमारा। गन विघन विदार उवारा। अबि लायक पठिवे सोऊ। जो विद्या लेविह कोऊ।। ६।। आप देहु फुरमाई। हित विद्या जहां पठाई। सुनि महांदेव मित दीहा³। कहि करहु न अनते ईहा⁴।। ७।। जिन दीनिस पुत्र तुमारा। जट वृड्ढा बुद्धि उदारा। समरत्थ महां जिस मांही। कहि बाक अंनथा⁵ नांही।। ८।। बड करामात मिहं पूरा। गन हतिन विकारिन सूरा। तिस विना न कहूं विठावहु । जिम चाहहु तथा पढावहु ॥ ६ ॥ सुनि महांदेव की बानी। श्री अरजन सादर मानी। सिख पंच समीप हकारे। तिन संग सुवाक उचारे।। १० ।

^{1.} पाठशाला । 2. जैसे बलराम के सम्मुख श्री कृष्ण । 3. मितवान् । 4. और की इच्छा । 5. व्यर्थ ।

जिंह बुड्ढा शुभ मित बासा । चिल जाहु तिनहु के पासा । कर जोरि निहोर g^1 तांही । करि नमो कमल पग पाही ॥ ११ ॥ पून लीजै नाम हमारा। तुम कौ निज पास हकारा। सनमान सहत ले आवो । अबि तूरन तिहं चिल जावो ।। १२ ।। स्नि सिक्खन सीस निवावा । चिल गए हतो जिस थावा । मिलि तिसे बंदना कीनी । गुर आइसु पुनि कहि दीनी ।। १३ ।। स्नि बुड्ढा बिकस्यो अगा। उठि भयो तिनह के संगा। श्री अरजन जहां विराजे। जिन गिरा सुने अव भाजे²।। १४।। तिह बुड्ढा चिल करि आयो। पद पंकज सीस निवायो। ग्र देखि तबै हइ ठांढै। सनभानति वाढे।। १५॥ आनंद तन कुशल अनंद तुमारे। चित प्रभु सों रच्यो उदारे। उपकार हेतु तुम देहा। उर आतम ग्यान अछेहा।। १६।। स्िन ब्ड्ढे बाक बखाना। तन मानुख तुम ने ठाना। जग जाति नरक दुख पाए। तिन हेत् उधारन आए।। १७।। छपि रहे अलप मित हीते3। व्धिवंत लखै सभि चीते। गुर तबहि प्रसाद मंगायो। मन पंच तोल करि ल्यायो ॥ १८ ॥ रखि बड्ढे प्रात4 अगेरे। शुभ बाक भने तिस बेरे। इह सकल प्रसादि ब्रताओ। हरि गोविंद आपि पढाओ। १९॥ गुरमुखी सु बिद्या दीजै। सिस ऊपर करुना कीजै। पट्टी लिख पैंती सारी । सिखराृवहु मुखहुं उचारी ।। २० ।। पुनि साहिब बुड्ढे भाखा। मैं जाट, घास को राखा⁵। मुझ पढनो कछू न आवै। क्या जानी, कहां पढावें।। २१।। जो आप पढ़िह सु पढ़ाई 6। अनपढ क्या देहि सिखाई। श्री अरजन सुनि करि भाखें। तुम सकल शकति को राखे।। २२॥ अस वसतु कौन जग मांही । जो तुम कहु आवित नाही । निह आइ जुरिदै तुमारे। सो भई न जगत मकारे॥ २३॥ भई प्रपंचिह मद्धे। सो तुमहि विदित सिम सुद्धे। निह कीजहि अपर वलाऊ⁷। सरबग्गय् ततग्य⁸ सदाऊ ।। २४ ।।

^{1.} प्रार्थना करो। 2. जिनकी वाणी सुनने से पाप नाश हो जाते हैं। 3. थोड़ी बुद्धि वालों से ही छिपे हो। 4. बड़ा और खुला बरतन, जिसमें आटा आदि गूँधते हैं। 5. घिसयारा। 6. जिसने स्वयं पढ़ा हो, वह तो पढ़ाए। 7. टालमटोल। 8. सर्वज एवं तत्त्वज्ञ।

शुभ द्योस महूरत आजू। जो करिय सु पुरवै काजू। कहि श्री गुर नानक नामू। दिहु विद्या अवि अभिराम् ॥ २५ ॥ जसु सितगुर जबिह वखान्यो । तिब वुड्ढे साहिब मान्यो । उर हुइ प्रसादि 1 ततकाला । वरताइ प्रसादि विसाला ॥ २६॥ गुर अग्ग्र निवायो माथा। गहि पटीआ अपनै हाथा। सिभ पैंती लिखि करि दीनी। हरि गोविंद जी करि लीनी।। २७॥ कहि प्रिथमै, ओ अंकारा। सतिगुरू प्रसादि उचारा। सिम अक्ख्यर आदि उकारा²। पठि लीने अंत ड़कारा³॥ २८॥ दिन प्रथम पठित भए ऐता। पुन द्योस दुती करि चेता। पठि लीनि मुहारनि⁴ सारी। लग लागे जथा उचारी⁵॥ २९॥ दिन त्रितीए पावति नांवे। जिम वुड्ढा वाक अलावै। पटीआ लिखि नाविन पूरी। मुख वानी उचरित रूरी।। ३०॥ सिभ विद्या कारन जोई⁶। लिग पढिन गुरम्खी सोई। तनु मानुख धार्यो जैसे। निरवाह स्वांग कहु तैसे। ३१॥ पुन पोथी पढिन सू लागे। सिभ देखित अचरज पागे। निंह महिमा जिनहं पछानी। तिन भई बुद्धि बिसमानी॥ ३२॥ कुछ देर न लागी ऐसे। जनुपढे प्रथम, पढि तैसे⁷। श्री अरजन सुनति अनंदे। सुत वाचक भयो बिलंदे।। ३३।। जो लेकरि हाथ पढावें। ततकाल सु बाच सुनावं। पुन बहुत प्रशाद मंगायो। सभि बुड्ढे अग्प्र रखायो।। ३४।। हरिगोविंद पद पर डारा। गुर कीनसि बुद्धि उदारा। सभ विद्या रिदै वसाई। भे नंम्र तिसे अगुवाई॥ ३५॥ सभि संगति महि बरतावा। पकवान महां मन भावा। श्री अरजन पुनि धन लीना। गन दीनिन दान सुदीना।। ३६।। उतसाह कीनि तिसकाला। लघु दुंदभि बजे बिसाला। शहनाइ सु झांझ नफीरं। वड बज्जी धौंसि गहीरं।। ३७।। हरगोबिंद जी प्रिय लागे। अवलोकित नर बडभागे। तिब बुड्ढा जी अनुरागे। उर विसर्यो सिभ वैरागे।। ३८।।

^{1.} प्रसन्त । 2. 'उ' आदि सब अक्षर । 3. अंत में 'ड़' तक पढ़ लिया।
4. वर्णमाला । 5. जैसे मात्राएँ आदि लगाकर उच्चरित होती है। 6. जो सम्पूर्ण विद्या
का कारण है (भाव, गुरु हरिगार्विद जी)। 7. ऐसे पढ़ ली जैसे पहले ही पढ़ रखी थी।

भरि अंक बदन अविलोके। मन प्रेम रुकति नहिं ोके। उर हित करि सूंघति माथा। बर देति भयो हित साथा॥ ३९॥ बड बीर, कसहु कटि माथा। गर खडग, धनुख द्रिढ़ हाथा। रिपु मारहु करि घमसाना। नहिं प्रति भट होवहि आना ॥ ४०॥ करि संघर शत्रुनि मारो ॥ अज्ञ अतुलत बाहु बिसाला। हुइ दीरघ डील किपाला॥ ४१॥ किवन

जैसे रामचंद परकौसक³ मुनिंद्र बर होइ कै प्रसंन मन बिद्या सिखराइ कै। दीने बर और सिभ मंत्र सिरमौर जेते अखिल पढाए तातकाल वित चाइ कै। तैसे हिर गोबिंद विलंद विद्या दई सिभ और बर कहे उर प्रेम उमगाइ कै। बुड्ढे ह्वै प्रसंन सुभि आशिख बखानी धन, भयो उतसाह चहूं दिशि रह्यो छाइकै।। ४२।।। दोहरा

> बिद्या दई सिखाइ शुभ बानी पढ़िवे केर। बाचक होए सकल के पढित न लावित देर।। ४३।। शसत्नन की बिद्या महां तिसको बर दे दीनि। बान प्रहारिन अनिक बिधि ऐचिन धनुख प्रवीन।। ४४।। खड़ग प्रहारिन सिपर गिह तन बचाइ करि दावा। इत उत होविन समुख पुनि गन शत्रुनि करि घाव।। ४५।।

सबैया

होति महां असवार तुरंगम दीरघ छाल कुदाइ भजावें। फरन, मंडलकार भ्रमावित, लैं बरछा अरि ओर चलावें । हाथ तुफंग गहें करि त्यार, पलावित जाति छूटे रिपु घावें । और जिते इत्त्यादिक जो बर, देति भयोसु करे बिन आवें ।। ४६॥ द्योस प्रती हरिगोबिंद चंद, बिलंद सरीर अनंद बिधावें। नंदन को पिखि गंग उमंगति, आप सुनै निज पास पढावें। गोद बिठाइ प्रमोदित है अति प्रेम बध्यो सुनि के बिल जावें। चाहित है कुशली सुत की, गुर नानक नाम लैं सीस झुकावे॥ ४७॥

दोहरा

इम िन प्रति उतसाह जुत बधित सरीर बिलंद । माता पिता चकोर सम श्री हिरगोबिंद चंद ।। ४८ ।। कि एक प्रकार सम्बन्ध विविध रामे 'श्री दिखोबिंद पदिने' प्र

इति श्री गुर प्रताप सूरज ग्रंथे त्रितिय रासे 'श्री हरिगोविंद पढ़िन' प्रसंग बरननं नाम इक विसती अंशु ॥ ३१॥

^{1.} तुम सरीखा कोई अन्य वीर नहीं होगा। 2. युद्ध करके शत्रुओं को मारो। 3. विश्वामित्र। 4. बर्छा गोलाकार घुमा कर भ्रमाते हुए शत्रु। 5. बंदूक। 6. दौड़ते हुए बदूक चलाकर शत्रु का नाश करना। 7. वर दिया कि (ये विद्याएँ) विना अभ्यास के ही आ जायेगी।

अंशु ३२

पंडत अर पेंडे को प्राण संगली लिआवन प्रसंग

दोहरा

पैड़ा मोखा सिख हुतो श्री सितगुर के पास। सेवे निसदिन गुरिन को सिक्खी रिदै प्रकाश।। १।।

चीपई

पंडित कांशी ते इक आवा। श्री अरजन सो पास टिकावा। करहि कामना विप्प्र विसाला । करौं सुनाविन कथा रसाला ॥ २ ॥ लेवौं मोख। दै हैं ग्यान रु सित संतोख। दिज मन की सगरी गुर जानी। राख्यो निकट रह्यो सुख मानी ॥ ३ ॥ केतिक मास बिते जिंब पासा। तिसी मनोरथ की धरि आसा। पुन श्री गुर किंह कथा अनावहु। वेदिन की उपनिषध सुनावहु॥ ४॥ दिज सुनि हरख्यो लाग्यो करने। ब्रहम रूप को जिस महिं निरने। कथा होति नित नेम धराई। इक दिन आयो सालो भाई ॥ ५॥ अनंन होइ गुर पर लपटाना। अति आदर तिह श्री गुर ठाना। 'सालो है मझ परम पिआरा। अनंन भगत' गुर मुखों उचारा।। ६।। सुनि 'अनंन' बच गुरते पंडित । हमहिं अनंनता क्यों निंह मंडत2। वेद सिधांत कथा जु सुनावैं। हम को निंह अनंन मुख गावैं।। ७।। पंडित मन महिं ऐस बिचारी। किम परतावा लिहं मन धारी। पंडित मन की श्री गुर जानैं। सुननि कथा नित उद्दम ठानैं।। पा हुती समीप सु अखिल स्नाइ। गुर बुझ्यो आगे समुदाई। सो भी कीजै हमह सुनाविन । विष्प्र मन्यो पुसतक इस थाव न ।। ९ ।। सदन हमारे सभि लिखवाई³। दिहु आइस तौ लेहुं मंगाई। सितगुर कह्यो अनावह सारी। उपनिषधनि पुन करह उचारी।। १०।।

^{1.} नियम पूर्वक । 2. हमें क्यों अनन्यता से सुशोभित नहीं करते । 3. लिखी हुई रखी है ।

सनि दिज निज सत लग्यो पठावनि । भलो महरत पिखि मन भावन । पुजा करि गणेश की पाछे। सभि बिधि शुभ करि गमन्यो आछे ॥११॥ लेकरिगरते खरच सु पंथ। चल्यो बिप्प्र सुत लैवे ग्रंथ। खर¹ सनमखि हइ दाएं बाएं। शबद कर्यो अपशगन दिखाए।। १२।। हृटि आयो तिब श्री गर सन्यो। विष्प्र बलाइ वाक वर भन्यो। भगत अनंन कहावति पडित। खरते जात्रा कीनसि खंडति॥ १३॥ गणपति आदि पंचांग मनाए। तिनपर निहचा नहीं टिकाए। सिक्ख अनंन भगत हैं मेरे। जे न प्रतीत. लेह अविहरे॥ १४॥ पैडे को बलाइ करि भनिओ। देश संगलादीप जि सनिओ। प्रांन संगली पोथी तहां। ले आवह गमनह मग महां।। १५॥ श्री नानक सितगुर तिहं गए। गरमित महां द्रिड़ावित भए। न्त्रिपति सहत नर देश तिसी के। सिक्खी धारन कीनसि नीके।। १६।। श्री नानक की किपा बिसाला। सत्तिनाम दे करे निहाला। जिम तिंह गए करी जिम लीला। जिम उपदेश्यो न्निपति सुशीला।। १७।। तहां प्रसंग सरल इह जानो। प्रान संगली रचनि महानो। हमरो सिख आवै तिस दीजै। तिब लिग इहां राखिबो कीजै।। १८।। सिमरि बात इह अरजन नाथा। पैडे को कहि दई सूगाया। लिख्यो हुकमनामा जिम भायो। गुर प्रसंन ह्वै कर पकरायो॥ १९॥ श्री नानक पोथी तिस थाई। राह हकीकत सकल सुनाई3। पोथी देहि सु खोलहु नांही। हटहु, लेहु आवहु हम पाही 4।। २०।। इक सिख राखे पैसे पांच। सो खरची दीनी गुरसाच। सगर बात समुझाइ पठायो। सुनि आइसु ततकालु सिधायो। पंडित को दिखाइ तिब कह्यो। गमन्यो सिक्ख भले तें लह्यो। बार महूरत तिथि निहं पूछा। बिना खरच ते मन निहं छूछा।। २२।। निशचा एक करनि अरदास। नित जानहि जहिं कहिं गुर पास। भगत अनंन कहावति ऐसे। गुर विन अपर न मानहि कैसे।। २३।। गन देवनि पर निशचा तेरा। तज्यो सोपि सुनि रव खर केरा। प्रभु गुरदास भई प्रति गाइ। यहि प्रसंग के कबित बनाइ।। २४।। सुनि भाई जुग कबित बनाए। अनंन भगत परथाइ सुहाए। सो अबि इस थां लिखें बनाई। पिठ करि जानो गुर सिख भाई।। २५।।

^{1.} गर्दभ । 2. वहां का । 3. मार्ग की सब वास्तिवकता समझा दी । 4. लेकर हमारे पास आओ ।

भाई गुरदास जी वाच।।

कवित्त

वैसनो अनंन ब्रहमन सालग्राम सेवा गीता भागवत स्रोता एकाकी कहावई।
तीरथ धरम देव जात्रा कउ, पंडित पूछ करत गवन सो महूरत सुधावई।
बाहर निकस गरधव स्वान सगिन कै संका उपराजिक बहुर घरि आवई।
पितब्रत गिह रिह सकल न एका टेक, दुविधा अछत, न परम पद पावई॥४४७॥
गुर सिक्ख संगित मिलाप को प्रताप ऐसो, पितब्रत एक टेक, दुविधा निवारी है।
पूछत न जोतक अउ वेद थितवार कछ ग्रिह अउ निछत्र की न संका उर धारी है।
जानत न सगन, लगन, आन देव सेव, सबद सुरित लिव नेह निरंकारी है।
सिख संत वालक स्री गुर प्रतिपालक हुई जीवन मुकति गित ब्रहम बीचारी है।।

चौपई

निरनै करि दिज ने तिब जाने। बाक जथारथ आप बखाने। शांति भई सुनि गुरि रव दिज को। वहर न संसा प्रापित रिदको ॥ २६ ॥ मसतक टेक सिमरि गुर गयो³। सिभ मग उलंघ पहुचित भयो। पुरि शिवनाम प्रवेशनि कीना। निपति प्रसंग विझ सभि लीना। २७॥ मया मेदनी तिसको नाम। चलति पंथ शुभ गुन गन धाम। वान राजा धरमग्य। गुर को सिक्ख बिसालत तग्य।। २८।। श्री नानक सिख निप शिवनाम । तिसको इह पोता जसु लाभ । सुनि सिभ पौर दार ढिंग जाइ। गुरू निकटि ते मैं चिल आइ।। २९।। लिख्यो हुकम नामा मैं ल्यायो। सुधि भूपति को देह सुनायो। जिब निप सो सभिकही हकीकत। पिता पितामे ते जु उडीकिति ।। ३०॥ तति जिन उठ्यो अगाऊ आयो। करि आदर अंतरि प्रविशायो। शभ आसन पर निकट बिठाइ। निप जुत सिभिहिनि बंदे पाइ।। ३१॥ जबै हुकमनामा इन दीना। भयो हरख सिर पर धरि लीना। कहि निप निज दासनि कै संगि। करो सकल मंगल छवि रंगि⁶। ३२।। नगर बिखै सभि को किह दीजै। बहुत भांति के उतसव कीजै। लघ दंदभि आदिक बिज बाजे। बंदन वार फूल दरवाजे।। ३३।। सभि पुरि के नर लए अकोर⁷। आए निर्प ढिग तबिकर जोरि। करयो तिहावल ब्रिंद अनायो। बहु सुगंधि फुलनि बरसायो॥ ३४॥

^{1.} ज्योतिषी। 2. सिक्ख बालकवत् हैं और गुरु प्रतिपालक है। 3. गया (पैड़ा)।
4. सिंहल द्वीप का राजा। 5. प्रतीक्षा में हैं। 6. रंग-रंग की शोभा। 7. एकत्रित
किए।

नरन हजारन मींह निप लैके। पठ्यो हकमनामा सुख पै कै। धखावति संख बजाए। बह सूर्गाध चंदन चरचाए।। ३५।। पैंडे सिख को देखनि कीजै। प्रान संगली इसको दीजै। पठि सूनि के सिभ ही हरखाए। भांति भांति की भेट चढ़ाए।। ३६।। किंह लग कहीं उछाह स् कर्यो । दरशन जन् सितगुरू निहर्यो । सिक्खी रीति देखि करि तहां। अचरज सहत सू पैड़ा रहा।। ३७।। घंत गरु नानक निरधार्यो। अवनी मंडल सगल उधारयो। केतिक दिन रहि सभि सूखपाए । पुन चिलबे हित वाक अलाए $^{
m I}$ ।। ३८ ॥ बहमोली वथ्² निप नै दीनि। प्रान संगली सौपनि कीनि। अपनी बिनै लिखी अरदास। मम मसतक तुम चरनि पासि।। ३९॥ मंजी पर बैठे न्निप जोई। गुरु जानि पुजे सिभ कोइ। ले पोथी हुइ बिदा पधारा। सतिगुर महिमा महां-विचारा।। ४०॥ बड प्रताप पूरन सभि भूपर। जिंह किंह छाइ रह्यो सिभ ऊपर। मग महि आवित संगति हेरे। इसकी पूजा होति बडेरे॥ ४१॥ क्रमकरि³ लंघ्यो पंथ बिसाला। गंगा तीर आइ जिह काला। एक साध तांको तिब देखा। सिर पोथी लिख अचरज पेखा।। ४२।। निराधार पोथी सिरि आवं⁴। देखी साध न किसि द्रिषटावै। दिखि अजमत भा आवित साथ। करि डेरा पृछी सिभ गाथ।। ४३।। कौन अहो तम कहिंते आए। कैसी पोथी देह दिखाए। करो किपा मुहि साघ जानि। मैं आयो दरशन इछ ठानि॥ ४४॥ स्णि करि पैड़े बिनती ठानी। सिंगल दीप ते पोथी आनी। अंम्रितसर गुर अरजन धीर। चिल देखहु तुम तिन के तीर⁵।। ४५।। गुर आग्या मुझ खोलहु नांही। यांते तुम पहि बिनती प्राही। सुनि बच साध रिदे अस टानी । चिल देखौं गुर के निकटानी ।। ४६ ।। निस बितीत करि प्राति शनाने । गंग मातपद बद सिधाने। पैडा साथ जगम चिल आवें। मग मैं चरचा करि बिगसावें।। ४७।। पैंडे उपज्यो कछ हंकारा। गुर किरपा बड कारज सारा⁶। आनि सुधासर डेरा ठाना। पैड़ा अपने धाम सिधाना।। ४८।।

^{1.} चलने के सम्बन्ध में चर्चा की । 2. वस्तुएँ, उपहार । 3. क्रमानुसार, धीरे धीरे । 4. पोथी सिर पर बिना सहारे आती है । 5. उनके समीप चल कर देख लें । 6. पूर्ण किया ।

पोथी खोलि पठी तिन सारी। कला जोग की सकल उचारी। दुलभ वात अदभुत गति देखि। साधे जिस अजमत जुविशेखि ।। ४९॥ प्रभु माइआ तिह चित भरमाइसि। कछु प्रसंग निज सदन दुराइसि । गुर पद आन बंदना कीति। पोथी भेटा पाती दीनि।। ५०।। गुरु प्रवीन । तिनहि करी³ जो सभि लखि लीनि । खोलि विलोकी पिठ करि सोइ। अधिक विधिनि सिधि दाइक जोइ।। ५१।। म्रादि अंत लौ पठि करि सारी । जिसते अजमत लिंह कर भारी । श्री अरजन तिब रिदै विचारी। जीव मंद मित हुई किल भारी।। ५२।। पोथी पढ़िंह बुद्धि फिर जाइ। ग्यान हीन जग सिद्ध कहाइं। यांते उचित न पोथी राखन। रिस करि पैड़े को किय भाखिन।। ५३ 🗽 जो प्रसंग इसते निकसायो। सोभी चहीए इहां मिलायो। सो मंगाइ जल कर्यो प्रवाहि। अचरज देखि भए सिभ तांहि॥ ५४॥ देखि साध विसमत हुइ भारी । गुर पद निकट सु विने उचारी । महांराज ! मुझ सुनि अरदास । दूरहुं ते आवा धरि आस ।। ५५ ॥ पढ़ों लिखो पोथी गुर जोई । लाभ अधिक यांते मुहि होइ। देखि साध धीरज मन खोए। सीस चरन धरि नम्नी होए॥ ५६॥ साध दशा दिखि गुरु क्रिपाल। जड इच्छा कढि लिहु ततकाल। शीव्र प्रविश जल कढि कर लीनी। हुइ प्रसंन गुर तांको दीनी।। ५७। केतिक समै सेव पुन करी। उर शरधा अति गुर महिं धरी। पैड़ा खरो अग्ग्र कर जोरि। खिमा करी सतिगुरु वहोरि।। ५८।। भूल चूक अपनी बखशाई। राह हकीकत सकल सनाई। सो बंनो सिख लिखी गिरंथ। जानति तांको सगलो पंथ।। ५९।।

दोहरा

श्री गुर हरगोविंद के निकट रहिओ चिरकाल। आग्याकारी होइ करि पैड़ा भयो निहाल॥६०॥

इति श्री गुर प्रताप सूरज ग्रंथे त्रितिय रासे 'पंडत अर पैड़े को प्राण संगली लिआवन प्रसंग बरनन नाम बत्तीसमों अंशु ॥ ३२ ॥

^{1.} जिसकी साधना से करामात प्राप्त होती है। 2. छिपा लिए। 3. जो उन्होंने की थी। 4. गुरु की लिखी पोथी को पढूँगा।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

अंशु ३३ बुड्ढे को पोथीआ लैण भेजण अरु गोइंदवाल आगवन प्रसंग

दोहरा

आगे सितगुर की कथा कहाँ जथा मित होइ। तथा सुनहु श्रोता निपुन मथा सार है जोइ।। १।। श्री ग्रिंथ साहिब शबद करिंह बीड़ को एक¹। गिरा पंच पितशाहि की पूरन आदि बिबेक²।। २।।

निसानी छंद

इम श्री अरजन सति गुरु तहिं समा बितायो। ग्यान शिरोमणि धीर बड वच मधुर सुहायो। उपमा रतनाकर दिपहि गंभीर बिसाला। सिख सेवक जल जंतू गन ग्राक्लता उजाला³।। ३।। सति, संतोख, स्शीलता, सच संदरताई। दया, छिमा, मुदता, महां कोमल, सरलाई। अनसय धीरज, धरम, गन आदिक ग्याना। रतन बिसाल प्रकाशते जाती इह सार असार बिचारिबो गंभीर स नीरा। प्रेम छोभ ते भगति निति बीची सुख सीरा। संत हंस बिलसित सदा जम ताप बिहाए। छेम अनेकिन को करें इम सिंघु सुहाए।। ५।। शबद करति चित चितवते इक थान लिखीजै। पठिंह सुनिंह सिख सुख लहिंह सिक्खी थिर थीजै। इक दिन बैठे गुरु जी बह सभा लगाए। उपदेशति सतिनाम को चख करुना छाए⁵।। ६।।

^{1.} वचन किया कि वे गुरु ग्रंथ साहिब की एक बीड़ (ग्रंथ) तैयार करेंगे।
2. (जिसमें) पाँचों गुरुओं की वाणी का ज्ञान एकवित होगा। 3. (उनकी) व्याकुलता उजाला है। 4. ईर्ष्या-रहित। 5. नेवों में करणा छाई थी।

इक सिख बोल्यों जोरि कर गुर जी सुनि लीजै। प्रिथीआ आदिक अपर वहु तिन करम लखीजै। आप बनावति शबद को निज बुधि अनुसारी। श्री नानक को नाम शुभ धरि देति मझारी॥ ७॥

कोई सकै पछान करि को सकहि न जानी। अलप मती आशै गुरु किम सर्काह बखानी । रल जैहैं इम सकल ही ,गुरमित विगरै है। को किस विधि को किस् विधिवाणी उचरै है।। ८।। करहु जतन अस मिलै नहिं सुंदर गुरवानी। स्णि इक सिख बोल्यो बहुर दिहु संसै हानी2। बाणी कच्ची गुरु बिना गुर अमर बखानी। किम समझिंह सिख तिसी को सुनि पठिंह सुजानी ।। ६ ।। सिख गुरदास जि आदि हैं जिन गिरा बनाई। सतिगुर को जसु जिस बिखै गुरमती द्रिड़ाई। परमेशर संबंधनी अरु जे अवतारा। करी इनहु की 3 जिन कथा संग्राम अखारा 4 ।। १०।। पढ़िंहं सुनिहं सिख कै नहीं दीजिह उपदेशा। बोले किपा निधान गुर पिखि कटति कलेशा। ग्रवाणी सरबोतमा नितप्रति अभ्यासै। अरथ विचारै द्रिढ़ै मन अग्यानिह ग्रास⁵ ॥ ११ ॥ अंम्रित वेला⁶ उठि पठिह करि कंठ घनेरे। महां महातम प्रापती मन प्रेम बडेरे। बाणी अपर कवीन की मध्यम सो जानो। अवतारिन प्रभु को कथन गुण आदिक ग्यानो ।। १२ ।। गुरबाणी सों मत मिलहि कै जसु गुरकेरा। पठिह सुनिह सो भी सुखद सिमरिह सिभ बेरा। वाणी अपर अनेक हैं वह भांति कहाणी। सतिगुर मत ते वाहरी गण अवगुण साणी ॥ १३॥

^{1.} अल्प बुद्धि के लोग गुरु के आशय को कैसे समझ सकते हैं ? 2. संशय का अन्त करें। 3. इन (अवतारों) की। 4. युद्धों और अखाड़ों की कथा। 5. अज्ञान को ग्रस लेती है। 6. पौ फटने पर।

सनहुन पठहुन प्रेम करि अवगती पुचावै। परचा करहु सु छेम को जो दुख बिनसावै। जो बाणी गुरदास की गुरमहिमा भारी। सिक्खी प्रापित पठे ते इम लेहु बिचारी।। १४।।

इम किह लगे बिचारने जग की कल्याना। पिखी भिवक्खत बारता हम हुई दस थाना। पाछे सिक्खी किम रहै किह टेकैं माथा। शबद निराले किम रहैं मिलिंह न किह साथा।। १५।।

इम बिचार बोले गुरू तट नदी विपासा²। नगरी गोइंदवाल हैं श्री सितगुर वासा! तिस मिह मोहन अबि वसिह बड मसत सुभाऊ। बाणी चहु पितशाह की कीनसि इक थाऊ।। १६।

बडो पुत्र गुर अमर को किस कान न ठाने। सकल शबद तिस पासि ते को किस विधि आनै। को उपाइ करि पाइंहम सगरी गुरवाणी। वीड़ कर्रीह पुन एक थल हित जग कल्याणी।। १७।।

सभाबीच बैठ्यो हुत भाई गुरदासू। सुनति कह्यो कर जोड़ किर हौं पहुंचौं पासू। पोथी सगरी आनिहौं आइसु निज दीजै। मोहन मिलि औ मोहरी मोकहु समझीजै॥ १८॥

श्री अरजन सुनि बाक को उर गरबित जाना। बिना नाम इसके लिए मैं ल्याउं बखाना। 'जाहु' कह्यो तिस काल मिह गुर रिदै बिचारी। बाणी हाथ न आइ है हुइ निरहंकारी॥ १६॥

तिब भाई हुइ त्यार को मारग सां लीना। दोइ द्योस गमन्यो गयो दक्खण मुख कीना। पहुंच्यो गोइंदवाल तिब तिहं पिखी सुवापी। मज्जन करि के सिमरि गुर पिखी निरमल आपी³।। २०।।

^{1.} भविष्य को साक्षात् कर देखा कि हम तो दस स्थान (पातशाहियाँ) होंगे।
2. ब्यास नदी। 3. निर्मल जल वाली।

पुनह चुवारे चल गयो जिंह भिरे किवारा। लगि समाधि आसन करे नहिं देहि संभारा। जाम दिवस के रहे ते पहुंच्यो तिह भाई। बह प्रकार की बेनती करि ऊच सुनाई ॥ २१ ॥ सुधा सरोवर नगर ते मैं चिल करि आयो। श्री अरजन किस काज को तुम निकट पठायो। दरशन मोकह दीजीए उघराइ किवारी1। भूखिन कुल श्री अमर के 2 गुन ग्यान उदारो ॥ २२ ॥ गुर नदन बंदन उचित कंदन दुख दोषा। दरशन ते अघ कटति हैं सभि दास भरोसा। लिख हसतामल³ आतमा द्रिड ग्यान सदीवा। रहै जोग आरूढ़ ब्रिति इक रस नित थीवा।। २३।। दरशन दिह अरजिनि सुनह श्री अरजन काम्। अरजन जसु विसित्रत्त जो गुन गन को धाम । इस प्रकार सभि जामनी विनती वह ठानी। नंदन श्री गुर अमर को नींह बोल्यो बानी।। २४।। भई भोर लखि और ने भाई समझायो। इह मन मसत सदीव हैं नहिं बुलति बुलायो। मरजी अपनी करति हैं नहिं गरजी काह। अरजी सुनिह न कहे ते हरि जी मन मांहु ॥ २५॥ दर खुलावने हेतु को बहु करे उपाऊ। पचि हार्यो गुरदास तबि बस चल्यो न काऊ। उर उदास बहु होइ कै ब्रीडा⁶ उपजाई। कछु न काज भा मैं अयो अवि क्या मुख जाई⁷।। २६।। स्धा सरोवर मग पर्यो पहंचयो पून आई। श्री अरजन राजिंह जहां निज ग्रीव निवाई। कही जोर करि बारता मैं करे उपाऊ। दर किवार खोले नहीं, वस चल्यो न काऊ ।। २७ ।।

^{1.} द्वार खोल कर। 2. श्री अमर दास-कुल के आभूषण। 3. हाथ में रखे आंवले के समान अर्थात् साक्षात् उपलब्ध। 4. स्वार्थी। 5. कहने पर सुनते नहीं हैं, मन में प्रभु को बसाए रहते हैं। 6. लज्जा। 7. क्या मुँह लेकर जाऊँ।

रह्यो पकारति सभि निसा कुछ बाक न बोला। लियो आपको नाम भी दर तऊ न खोला। अमर अंस जे अपर थे तिन मझ समझायो। मसत रहें इह तां सदा किह मोहि हटायो।। २८।। तिब साहिब वडढे सुन्यो कारज निहं होवा को अबि गमनहि पास तिस नहि दूसर जोवा। आप जाइं श्री गर किधौं तबि काज बनै है। इम बिचार उर, सभा महिं निज अरज भने हैं ॥ २९ ॥ मैं गमनौ भनीए हकम श्री गुर मसकाए। भली बात, तम जाह जे कारज बनि जाए। सनि श्री सतिगर बाक को वडढा गमनायो। सने सने 2 मारग चल्यो तिस पूरि महिं आयो ॥ ३० ॥ करि शनान जल बावली हरखयो मन मांही। गयो चुबारे को बहर मोहन के पाही। भिरे³ कपाट बिलोक कै पुन ऊच उचारा। गुरू अमर के सुत बड़े ! दिह दरस उदारा ॥ ३१ ॥ श्री अरजन भेज्यो मझे बडढा मम नाम। किया करह सुनि लीजीए कीजे पून काम । रह्यो पुकार न सन्यो किछ न किवार उघार्यो। नींह बोल्यो किस भांति करि भाई पिच हार्यो ।। ३२ ॥ कर सों दुहं कपाट को खरकाविन कीनो। जोर लाइ जोहन⁴ करे बह द्रिढ करि दीनो। जतन रह्यो करि खुले निहं, अंतर निहं बोला। बड़ढा रिदे बिचारतो किम ले दर खोला॥ ३३॥ बल ते चूथी 5 खैंच के बहु बार हलाई। इत उत करि कै जोर ते बाहर निकसाई। इंटां कछुक उखेरके लिए खोलि किवारा। अंतर जाइ प्रवेसिओ बिन शंक उदारा।। ३४।।

अन्य (अमरदास जी के परिवार के अन्य लोग)।
 शनै: शनै: ।
 बल लगाकर देखे ।
 द्वार का वह भाग जो दीवार में गड़ा होता है ।

श्री मोहन वैठे जहां पदमासन धारी। लगी समाधि अखंड रस् नहिं देहि संभारी। काषट केर समान द्रिढ़ रिज् है करि वैसा। अचल अंग सगरे करे थिति कापट जैसा।। ३५।। लघु सिर पर शुभ केश हैं चहं दिशनि बखेरे। सदा रहै जो नगन ही मन मसत बडेरे। वुड्ढा विसमय हुइ रह्यो अविलोकिन कीना। रह्यो हिलाइ सरीर को आसन आसीन।²।। ३६॥ लगी समाधि अगाधि ही नहिं पौन उतारा3। इतउत रह्यो हिलाइ बह नहिं भई संभारा। शबद सून्यो जिब अपर ने दर खोलिन केरा। सुधि दीनिस तिन मोहरी, आयो तिस वेरा ।। ३७ ।। नमो करति बुड्ढा पिख्यो पद गहति हिलावै। दौरति आए मोहरी कहि बाक सुनावें। क्यों छेरति हो इनह को नित मसत सभाऊ। बडलघु नहीं बिचारतो नींह देखींह काऊ।। ३८।। स्राप आदि निषठुर भनहि हेरति रिस धारै 1 कर न सपरसह अंग इन⁵, नहिं नयन उधारै। निज सुभाउ महिं मसत रहि किह संग न बोलै। वैठ्यो अंतरि इम रहै कबि कबि दर खोलै।। ३९।। जुग हाथिन भोजन करै जिव तजिह समाधा। नांहि त बैठे इसी बिधि अनगाध अगाधा । सुनि बुड्ढे तिस दिशा को बंदन पुन कीनी। नमो मोहरी को करी महिमा बड चीनी।। ४०।। गुरबाणी हाथ न लगिह उर विखे विचारा। चल्यो सधासर को बहुर गुर के दरबारा। श्री अरजन सों मिल्यो तिव पद वंदन ठानी। कहीं बारता सकल ही पाइ न गुरबानी।। ४१।। नहिं समाधि तिसकी खुलहि जाचिह किस पासी। को देवहि सभि पोथीआं किस करहि हुलासी। तोरि किवार प्रवेशिओ बहु भांति हिलायो। ध्यान खुल्यो निंह तिसी कहु मैं हिट करि आयो।। ४२।।

इति श्री गुर प्रताप सूरज ग्रंथे त्रितिय रासे 'बुड्ढे को पोथीआं लैंण भेजण अरु गोइंदवाल आगवन प्रसंग बरननं नाम तेतीसमो अंशु ॥ ३३॥

^{1.} सीधा । 2. आसन पर बैठे हुए को । 3. श्वास नीचे नहीं लाते । 4. देखते ही कोघ करते हैं, भीषण शाप देते हैं। 5. इनके अंगों को हाथ से न छुओ । 6. अगाध परमेश्वर में लीन ।

अंशु ३४

मोहन पोथीआं देनि

दोहरा

सुनि बुड्ढे के बचन को मिलहि न खुलहि धिआन । तिस पर बस कैंसे चलहि कह्यो सुनहिं नहिं कान ।। १।। अडिल

किवार समाधि लगावतो । के भेरि नित ही मसत सभाव न कोइ बलावतो । रहैं दूर लिह त्रास समीप न जाति को । है कोधति उचरै स्नाप, स चहति इकांत को ।।२।। हमरे पित के साथ रिसावति ही रह्यो। प्रापित नांहि दूष याते चह्यो। गरता श्री गर तिन के पिता विरध तन वय महां। हो कह्यो न मान्यो बाक प्रेम ते बह कहा ॥३॥ इन कारण ते दुलभ शबद सभि ग्रनिके। श्री अरजन चितवंत काज निज पूरन के 1। आप जाइ चिल पास सू कीरित को कहैं। हो सुने जि होइ प्रसंन पोथीआं सिम लहैं।।४।। बिन हमरे तिहं गए हाथ निहं आवई। अपर न किसहूं पास जि तहां लिखावई। उचरहिं सुजसु विसाल प्रसंन जि होवई। हो सादर देहिं बुलाइ क्रोध उर खोवई।।५॥ बडिअनि इहै सुभाव सरलता जानि कै। सुजसु सुनित रिस हानि², कह्यो लें मानि कै। धरें सु उर विसवास काज हुइ जावई। हो यांते चिलबो वनिह न संसै आवई। ६॥

^{1.} अपने कार्य को पूरा करने के लिए। 2. क्रोध त्याग कर।

श्री गुर अरजन नाथ बिसाल बिचार कै। करिबो बनहिं जरूर आलसो टालि कै। सभि जग पर उपकार बीड श्री ग्रिंथ की। हो बिदतहि कलि महिं अधिक रीति शूभ पंथ की ।।७॥ जियत जीवका वनिह स लाखहं नरन की2। सुनि करि पठींह कमाहि प्रीत प्रभु चरन की। अंत मुकति को लेहिं न संसे होइ है। हो राव रंक उच नीच जपावहि कोइ है।। पा इम विचार करि गुरू सु वाक बखानिओ। त्यारी हमरी करह प्रात प्रसथानिओ । जानि लई सभिहंनि सु निसा बिताइक । हो प्रात कीनि इशनान स्थासर जाइ कै।।१।। सभि गरु आदि मनाइ अरूढे पालकी 3 । जिन की किपा सु द्रिषटि पीर नींह काल की। सिक्ख संग समुदाइ दास शोभित चले। हो मनह चंद्रमा साथ तारका गन भले ॥१०॥ सने सने चिल आइ सु गोइंदवाल को। जहां विपासा नदी प्रवाह बिसाल को। बापी मज्जन कीनि ध्यान सतिगुर धरे। हो तिस छिन श्री ग्र अमर आनि आगै खरे ॥११॥ श्री अरजन अविलोकि चरन अरविंद को। बंदन ठानि सप्रेम अनंद विलंद को। गद गद गिरा हमंच विलोचन जल भरे4। हो बिनती बहुर बलान नंम्र जुति हुइ खरे ॥१२॥ सिर पर धरि करि हाथ हरख उर धारि कै। श्री अरजन सो भन्यो काज लिह सारिकै। कीरति मोहन करह पोथीआं लीजीए। हो स्रोपट उद्दम अहै बीड़ सभि कीजिए ॥१३॥

^{1.} आलस्य छोड़ कर इसे करना जरूरी है। 2. (गुरुवाणी) लाखों जनों के जीवन का आधार बनेगी। 3. पालकी में चढ़े। 4. रोमाँच हो आया, वाणी गद् गद् हुई और नेत्रों में जल भर आया।

रहो नंम्रता संग जि मोहन कुछ कहै। सिंह करि बाक कठोर लेहु जो चित चहै। कहि निषठ्र पछ्ताइ नंम्र हइ जाइहै 1 । हो मानहि तमरो कह्यो, न बहुर हटाइ है ॥१४॥ इम कहि श्री गुर अमर सू अन्तर-ध्यानिये। श्री अरजन सूनि कान अनन्द महानिये। डेरा दीनि उतार सकल इक थान मैं। हो गमने पूरि में आप तंबूरा पान मैं²।।१४।। गुरस्त मोहन जहां चुवारे मैं रहै। तिस नीचे जो गरी 3 जांइ तिह ठां लहै 4 । भतल बैठे आपि सिक्ख तिब देखि कै। हो दौरे आसन लेनि सू विसम विसेख कै ॥१६॥ सफें गलीचे आदि जुल्याइ विद्यावने। म्रदुल बाक कहि सभिनि करे सुहटावने⁵। तंबूरा स्र ठानि लगे पुनि गावने। हो गौड़ी राग अलाप मध्र सुर भावने 11१७11

दोहा

शबद बनावित जाित हैं गावित गौड़ी राग । किब ऊची धुनि होित है किब धुनि सिहजे लािग ॥१८॥

।।श्री मुख वाक । गउड़ी महला १।।

मोहन तेरे ऊचे मन्दर महल अपारा ।।
मोहन तेरे मोहिन दुआर जीउ संत धरमसाला ।।
धरमसाल अपार दैआर⁷ ठाकुर सदा कीरतनु गावहे ।।
जह साध संत इकत्र होविह तहा तुझिह धिआवहे ।।
किर दइआ मइआ दइआल सुआमी होहू दीन किपारा ।।
बिनवंति नानक दरस पिआसे मिलि दरसन सुखु सारा ॥१॥

अड़िल

मोहन धुनि सुनि कान जानि बिरतांत को । चौबारे के बिखे जु ताकी बातको⁸।

कठोर बचन कसकर वह (मोहन) पछताएगा और फिर नम्र हो जायेगा।
 हाथ में। 3. गली। 4. स्थान देखकर। 5. कोमल वचनों से सबको हटा दिया।
 मीठी सुर में। 7. दयालु। 8. हवा के लिए रखी खिड़की।

सो खोली ततकाल गरी दिसि मुख कर्यो। हो श्री अरजन दिशि देखि वाक को उचर्यो ॥१६॥ प्रथम हमारी वसत् लई पित पास ते ॥ की हती गुरूता कुल भल्ल्यन जास ते 1। सोढी सेव न हम ढिग सो रही। लीनसि हो हुते तीन तुम भ्रात न समता मन लही ॥२०॥ पिता गए वैकुंठ विरोध पाटक 2 घरि महिं पाइ जु कपट कमाइओ। भाता हतो बिसाल निकास्यो धाम ते। हो बैठ्यो गुर विन आप न लीनिस शामते³ ॥२१॥ धारिह आप अवै चिल आइओ। सभि गरूअनि के शवद लैनि हित धाइओ। अपर जतन करि रह्यो न बस कुछ चालिओ । हो भूतल बैठि गलीनि पाखंड विसालिओ ॥२२॥ न्निग्न बिहीनो लाज निशंक समाइआ⁴। जिंह किंह ढीठ करंम करे न श्रमाइआ⁵। जानहिं तोहि ठगति है जगत को। हो सदा दिखाइ अधीन अपनपौ भगति कौ ॥२३॥ उसतति व्याज⁶ बचन मोहन कहै। गुर अरजन ही जानि अपर नहिं किस लहै। सुनति तंत्रा हाथ बहुर गावनि कर्यो। हो जिस मैं कीरति दीह श्रवनि मैं रव परयो ॥२४॥ ।।श्री मुखवाक।।

मोहन तेरे वचन अनूप चाल निराली।।
मोहन तूं मानिह एकु जी अवर सभ राली।।
मानिह त एकु अलेखु ठाकुर जिनिह सभ कल धारीआ।।
तुधु बचिन गुर के विस कीआ आदि पुरखु बनवारीआ।।
तूं आपि चिलिआ अपि रहिआ आपि सभ कल धारीआ।।
बिनवंति नानक पैज राखह सभ सेवक सरन तुमारीआ।।२।।

^{1.} जिससे भल्ला कुल का गौरव था। 2. फूट 3. शान्ति से। 4. माया सहित। 5. शर्म नहीं करते। 6. व्याज स्तुति अर्थात् ऐसे वचन जो प्रत्यक्ष में निन्दा के हों और लाक्षणिक रूप से स्तुति का आशय रखते हों।

चौपई

इम सुनि करि जसु आपन केरा। प्रसनं क्रिपाल घनेरा। भयो लागि विचारन मोहन। महिं मन गुरू मूर्रात इह सोहन ।।२४॥ चत्र बिकारा। आद ईरखा कोध नहिं परै निहारा। महिं को इन शत्रुता सो पछुतावहि। करे से इहि प्रीति सकल सुख पावहि ।।२६।। बाक सुनि कै अबि मेरे कटक हेरे अछोभ1 सिंधु सम रहे साथ रिदा समता म्झ शांति 112911 श्री अरजन नाथ गाइ शबद गर अमर पिता के वैन श्री बिगार जि माने मैं न2 कीनि नहिं उवित बिगारिन बाती अबि सुधारिन हुइ सुख शांति 117511 करों लई महिं निंदा पूरब जग सुधरं गुरबाणी दई अबि बिचार करले करि पोथी इम मति तजि दीनि प्रेम ते थोथी3 1381 चौबारे आयो वाहर निज श्री अरजन को तबि दरसायो गुरू की जोति क्रिपाला चतर बिसाला इन मझार सो बसहि 113011 सरूप सु होइ प्रसंन कह्यो कि श्री अरजन तुन धंन सतिगुर देख्यो मोहन आयो तीजो पद शबद अलायो 113811 पुन

अक्षोभ ।
 मैंने गुरु पिता के वचन न मानकर बिगाड़ किया था ।
 प्रेम-हीन बुद्धि का त्याग कर दिया ।

।।श्री मुख वाक।।

मोहन तुध सत-संगति धिआवै दरस धिआना ।
मोहन जमु नेड़ि न आवे तुधु जपिह निदाना ॥
जम कालु तिन कउ लगै नाही जो इक मिन धिआवहे।
मिन वचिन करिम जि तुधु अर धिह से सभै फल पावहे।।
नूल भूत मुड जि मुगध होते सि देखि दरसु सु गिआना।
विनवति नानक रजु निहचलु पूरन पुरख भगवाना ॥३१॥

दोहरा

सुनति गाइबो समेता प्रेम तालनि अरु माधुरय निकेता गावति रुक्यो कंठ जल नैना भए प्रेम ते गदगद वैना 113711 मोहन देखि दशा इस भांती भगनी सुत्र ते लहि सुख छाती अति प्रसंन मोहन मन भइऊ ब्रिंद आगे धरि दइऊ शवद 113311 पद अरविंदन पर सिर धरयो नहीं उठावनी को पुन कर्यो अपन करता चहि बखशावन वाक कीनि अभावनि ।।३४।। आगै अरजन अविलोक्ति कीना निरहंकार सु नंम्रि अधीना कह्यो बाक अनुचित नहिं करीअहि। बड संथान हो आप विचरीअहि³ हमरी जननी के वड भाता लागति हो मातुल सुखदाता तुमारो गंभीर । पिता गुरू सेवक की काटति पीर ।।३६।। निज नंदन तुम बडभागे तिन के विराम ग्यान अनुरागे जोग

^{1.} बहिन के पुत्र अर्थात् गुरु अर्जुन। 2. सामने अथवा पीठ-पीछे किया अनादर ॥

^{3.} विचार कीजिए।

हम जाने उचित यांते नमो ते हाने 113911 वाशना मन विषय मातुल सनबंध बिचारें जे उचित हमारे ठानहि बंदन अनुचित नहीं करीजहि यांते पर हमरी बंदन लीजिह 113511 गुर नंदन मोहन काना सनि वाक बखाना नंम्रता धरे मेरे अरजन भगनी स्त श्री चरन कमल अबि तेरे 113811 परसौं बहु पहिले भूल परी मुझ ते बखशहु अवि कीजिह नित सहिले 1 समां उडीकति2 सो अबि आवा िकपा करहू दुख बन तुम दावा³ 118011 दोहरा

इस प्रकार मोहन जबहि कही गिरा मन नीव । सभिनि सुनन हित बूझिओ श्री अरजन सुख सीव⁴ ॥४१॥

इति श्री गुर प्रताप सूरज ग्रंथे तितिय रासे 'मोहन पोथीआं देनि' प्रसंग बरननं नाम चतरत्रिंसती अंशु ॥३४॥

^{1.} सुखी। 2. जिस समय की प्रतीक्षा थी। 3. दुःख रूपी वन के लिए तुम दावाग्नि समान हो। 4. सुख की सीमा।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

अंशु ३५ पोथिआं लैनि प्रसंग

दोहरा

श्री मातुल तुम आप हो वखशन जोग विसाल । को औगुन तुम विखै रहि पूरन गुन सिम काल ॥१॥ ॥ चौपई॥

श्री अरजन ते सूनि इम कह्यो प्रसंग सरव तुम लह्यो सभि तुमै सुनावौं सुनह तऊ पुनहि ढीठता¹ निज बखशावौं 11711 महां पुरखु पूरन गुन ग्यानी हमरे पिता भए सुखदानी श्री गुर रामदास वडभागे प्रेम ते सेवा 11311 परम लागे कीनसि नहीं जनावनि आपा गरीबी लीनसि निरहंकार सिभ गुन पूरन श्री गुर जाने औगुन अपने महिं माने 11811 को कहिं आधी रात दिन तिउं मानहिं भाखी सति बात दिन सेवा महुं अनुरागे निस सरब भांति जग कारज त्यागे 11111 अपनो पित हम जानित रहे भेव नहिं लहे ईशुर आप,

^{1.} ढिठाई, अनादर।

कुछ जानति भे बडिआई 11511 लिख हम सुखदाई पिता तऊ सेव न कीनसि, कह्यो न मान्यो हमरो पिता गरब इम ठान्यो परयांते श्री ग्र रामदास रिदै हरखाते 11911 प्रसंन भए देवनि तिन लागे जबि गरता अधिक जानि अनुरागे सभि ते हकारनि कीनसि मोही कहि इन पग लगि, सभि सुख होही 11516 गरता उचित जानि हम दीनिस अजर जरन इन उर लखि लीनसि अधिक सभिनि ते इन बडिआई लगहि जु पाई1 पूरिह 11311 कामना ने एक न मानी गरवति हम पित के सत यों करि जानी समीप न लाग्यो पाई गयो लिख बडिआई घर गुरता 110911 हम रहति अलंब हमारे सोढी तांहि बिचारे अपने ते लघ् मोहरी लघु सुत जोऊ पुनहि ने कर्यो हकारिन सोऊ पित 118811 के कह्योसु रामदास चरनी बंदन करह परह इन शरनीं सुनि के पित आइसु नींह फोरी2 घर्यो चरन पर सिर तिस बेरी 118311 पिख्यो पुत लघु पाइन लागा हुइ प्रसंन कहि भा वडभागा रिद्धि सिद्धि नव निद्धि अनंद विलंद3 पुत्र मोहरी पाइं 1:231

^{1.} यदि चरणों में लगोगे, कामना पूर्ण होगी । 2. आज्ञा नहीं टाली । 3. पुत्र मोहरी, (तू) रिद्धि, सिद्धि तथा नव-निधियों को पाएगा ।

राखि लई भल्लयन कुल केरी । संतति तेरी फलहि घनेरी सभि सुख पावहि जावद जीवहिं हमारे निकटी थीवहिं 118811 इम वर दे करि कर्यो निहाल पाइ सकल सुख पित बच नाल दास को दे करि टीका कर्यो पथान आपनो नीका 118 411 श्री गुर राम दास तिन पाछे वैठि सुहावति गादी आछे रीति सरव गुरता विदताई रीझ खोझ होहि न निफलाई¹ 11381 चहुं दिशि ते आवन लगि पूजा बढ्यो प्रताप न समसर दुजा करे हजारहुं दास निहाल् दुषटनि दीनसि करालू कषट 118011 देखि तिनह चित ब्यापी चिंता छुछे इहि भे भगवंता2 हम दीन मैं गमन्यो तहिंवा भयो पित वैठक चवबारो जहिंवा 118511 भाखी हाथ जोरि तव अरजी हो पित! मैं न चल्यो तुम मरजी रहौं मैं दिन अरुराती जिम मलीह³ नित सुलगति छाती लखे न सरब कला समरत्थ। करह निहाल धरह सिर हत्था। राई मेरु मेरु को राई। ततछिन तुम करि देहु गुसाई ।।२०।।

^{1.} उनकी रीझ-खीझ (वर और अभिशाप) कभी निष्फल न थी। 2. हम खाली और ये भाग्यशाली हो गए। 3. सूखे उपलों का चूर्ण।

भ जर छन्द

गुरु रूप सारे जगं बीच निजं सिक्ख्य दासानि के ताप खापे। ईश, ग्यानं, गुनंकेर धामं। निरीहं 1 , त्रिबाणं 2 , सदा हीन कामं 3 ।।२१॥ नाम दानं महां मूढ तारे। दयो लोक पूजा प्रलोकं उबारे। इसी सदा दुन्द हीना ग्रिही ह्वं उदासी। करो जोग भोगं, अलेपं, अनाशी ॥२२॥ दीनवंधू सदा सिक्ख्य प्यारे। जनं मुकंदं! नमो पाद कंजं तुमारे। दया सिंधु ! दासानि होवै सहाई। रिदै की लखैं. कामना दें पूजाई ॥२३॥ अनंदं कि कंदं, निकंदं विकारा। महां मोह कुंभी 4 बली शेर भारा 5 । अहंकार नागं बिहंगे सुतांहीं। महां लोभ वंन्ही⁶ भए नीर वाही ॥२४॥ प्रसंनं करे हैं। गुरु सेव ठानै निजं जोति थापावतारं⁷ धरे है। मौर बेदीनि⁸ दंभं बिनाशी। भए वही जोति जागी इहां तेज रासी । २४।। प्रसीदो प्रभो ! नाम की लाज राखो। छिमो दोष मेरे निजं दास लाखो⁹। नमो शांति चीतं, नमो ग्यान नीतं। नमो दास मीतं, नमो सुब्भ्र गीतं ॥२६॥ बिनती सनीजै किया आप कीजै। भई भूल मो ते रिदे न धरीजै। बिगारै सदा, काज पुत्रानि केरा। सुधाः पिता, पै दुलार घनेरा ॥२७॥

^{1.} इच्छा रहित । 2. मुक्त । 3. कामना विहीन । 4. मोह रूपी हस्ति । 5. भारी शेर के समान हो । 6. अग्नि । 7. अवतार स्थापित कर । 8. बेदी जाति में शिरमीर हो । 9. जानों ।

लखै आपन, नीक पंथै चलावै। सदा जै, सदा जै सदा तोहि गावै। नमो लेहु मेरी, गुरू रूप सोहे। समानं न आनं अनंदं संदोहे ।।२८।।

दोहरा

इम अषटक जिव मैं कह्यो भए प्रसन विसाल। वीच चुवारे ते शवद निकसित भा तिस काल ॥२६॥

चौपई

सुनो प्त्र में भयो प्रसंने। कहौं बाक लीजै मनमंने। सभि सतिग्रनि शबद जे रासी। संभारि राखि निज पासी ॥३०॥ रामदास को नंदन ग्यानी ॥ चहै बीड़ करिवों एक वानी॥ गरवानी को खोजिह सोई।। तुझ बिन अपर थान नहिं होई ॥३१॥ अपर लेनि आविंह नींह दीजिह वहुर सु मिलहिं प्रेम को की जिह रामदास को नमो न धारी वनि तिन सुत के नंम्र अगारी 117711 परहु हैं निरहंकारा तिब रक्ख्यक वनिह तुमारा अपर न गिनती गिनीअहि कोई सतिग्र रूप जानीअहि सोई ॥३३॥ रह्यो अतीखनि करति विसाला प्रापित भयो आनि सो काला कह्यी कठोर हेत् पतीआवनि2 लिख लीन तुम सो मन भावन3 113811 चरन कमल की शरन परन दिह पोथी सांभति रह्यो इसहि लिहु ।

^{1.} आनन्द सिंहत । 2. परीक्षार्थ कठोर वचन कहे । 3. अब देख लिया कि तुम्हीं वे 'मन-भावन' हो ।

```
भल बखशावनि करिहौं
तपत रिदे चिर की अबि हरिहों1
                             112411
श्री अरजन सनि करि सभि कारन
मातुल साथिह कीनि उचारन
हम गरजी कहिनोचित अरजी
अग्र करो जिम हुँ तुम मरजी
                            113 है।।
हम हैं अलप सरब ही रीती
त्म बिसाल चित धारित प्रीती
रावरि बाक
                     हटायो
            न जाइ
हम बालिक, करि जिम मन भायो
                            113911
     मोहन परमूदति
                   विसाला
गुर के चरन पर्यो तिस काला
     जोरि नंम्री अति भइऊ
बखशहु गुनहि<sup>2</sup> भूल जो गइऊ
                            113511
नंम्र
      भयो मातुल को हेरा
श्री
    अरजन बर दे तिस बेरा
चतरथ पद
           को पूरन करिओ
मोहन खेद
            सरब परहरिओ
                            113 811
             ।। श्री मखवाक ।।
मोहन तूं
            सुफल् फलिआ
                            सण् परवारे
मोहन पुत्र
            मीत
                   भाई
                          क्टंब सभितारे
तारिआ जहानु लहिआ अभिमानु जिनी दरसनु पाइआ
जिनी तुध नो धंनु कहिआ तिन जमु नेड़ि न आइआ
बेअंत गुण तेरे कथे न जाही सतिगुर पुरख मरारे
<mark>बिनवं</mark>त नानक टेक राखी जित् लगि तरिआ संसारे ।।४।।२।।
               ॥ चौपई ॥
आइ
      प्रथम भाई
                    ग्रदास
साहिव
        बुड्ढा
                तुमरे पासू
तिन को मान हर्यो नहिं दीनि
सो पोथी सिभ हम ने लीनि
                            118011
```

^{1.} हृदय की देर की तप्त स्थिति की अब शान्त करो। 2. (मेरा) अपराध क्षमा हो।

जिस लिंग जगत सिमरि सतिनामू होइ उधार पाइ सुखधामू श्री मोहन तुम धंन महाना ग्रबाणी कीनसि इक थाना 118811 लोक हजारिन पर उपकारी पठिहं सुनिहं उतरिहं भव पारी महां पुरख को जग महि होवन पर उपकार हेतु दुख खोवनि¹ 118511 सनि मोहन हइ सरल उचारि अबि मैं आइस् चहीं तुमारी होइ दास अबि संग चलै हों अपरिन सम तिहं सेव कमें हों ॥४३॥ रहीं समीप चरन अरबिंदा इम कहि बाढ्यो प्रेम बिलंदा सागर सम उछर्यो उर मांही पूरन चंद गुरू पिख तांही2 118811 गदगद गिरा नेत्र जल छावा देहि रोम हरखण हुइ आवा³ लख्यो प्रेम ते बिहबल भारी श्री अरजन तिब गिरा उचारी 118811 मोहन मातुल जी तुम स्याने पूरन गुननि महान सू ग्याने बीच चुबारे धरह समाधि साधहु दिन प्रति अगम अगाधि 118811 नानक को मंत्र जपीजहि उधरह वंस उधरीजहि आप हम दिशि दया करति नित रहीयहि इसही थल हमरी सुधि लहीयहि 118011 आग्या मानी मोहनि सोई गुर उचरी जोई अरजन

^{1.} परोपकार द्वारा दुःख के हेतु का नाश कर देने वाले । 2. गुरु रूपी पूर्णिमा के चन्द्र को देखकर । 3. रोमाँच हो आया ।

परकरमा चहुं दिशि फिरि दीनी । प्रेम ते बंदन कीनी ॥४८॥ परम चुबारे पहंच्यो जाई अपन समान समाधि लगाई प्रथम पठंता मघमा¹ साथ बाणी श्री नानक को मंत्र कमंता² ॥४६॥ दोहरा श्री सतिगरू सबद पोथीआं लीनि । इस हरखित श्री गुरू अमर को नमो ध्यान करि कीनि ॥५०॥

इति श्री गुर प्रताप सूरज ग्रंथे त्रितिय रासे 'पोगीआं लैनि' प्रसंग बरननं नामं पंचित्रसती अंशु ॥३४॥

^{1.} अन्त:करण से । 2. मंत्र जाप करता।

अंगु ३६ श्री अरजन पोथीआं लैनि प्रसंग

दोहरा

करि कारज अरजन गुरू परम प्रसंनता पाइ । कर्यो चहति बड बीड़ को सिभ वानी इक थाइं ।।१॥

॥ चौपई ॥

चलिन सुधासर की करि त्यारी स्नी मोहरी ने सुधि सारी अति प्रसंन मोहन हुई गइऊ पर्यो चरन पुसतक सभि दइऊ महां मसत जो किसहि न मानहि सभि सों अनरस वाक वखानहि2 इन के होयह अनुसारी नमो पुन चरन अगारी जो ग्र रामदास के आगे नहीं पित बाकनि त्यागे यांते गुर अरजन बडिआई आदि निम्रता क्छ लखिपाई3 11811 चारहं सतिगुर मैं जोति ग्र अरजन विखै उदोत बीचार मोहरी आयो इम देखि दूर ही ते हरखायो 11111 प्रदछना दीनसि गुर की वंदति भयो प्रीति करि उर की अरजन गुर ग्यान उदारे किपा करह घर चलह हमारे 11811

^{1.} सारी वाणी एक स्थान पर एकत्रित करके एक बड़ा ग्रंथ बनाना चाहते हैं। 2. सबके साथ कठोर वचन कहता था। 3. या तो इसने गुरु अर्जुन की नम्नता और गौरवता को परख लिया है।

बिदर के गए निकेत जथा प्रीति दर्ड बडाई समेत प्रेम देखनि रिदे को करो यांते दीन धरो धाम पग 11911 करि इस प्रकार बह वडिआई परयो अगारी पद लपटाई भयो प्रेम ते विहवल भारी श्री अरजन निहारी अस दशा 11511 कीनि उठावन बाक बखाना हमरे मातुल अहो महाना श्री गूर अमरदास के नंदन देखति हइ पाप निकंदन 11311 हमरी कुल सभि तिन के दास जिनहं क्रिपा ते भए प्रकाश निस दिन तिन को नाम जपीजहि गुर महिद महान लखीजिह 110 911 यांते नमो उचित त्म मम पद गहन अनुचता लहो सेवौं रज पग कमल तुमारी िकपा करहू लिख कै अनुसारीं 118811 सुनति मोहरी जुग कर जोरे मोहि उचित तुम चरन निहोरे पाछल जनम हुतो अकूर तबि भी रावरि के रहदूर 118311 किशन चंद तुम अंतरजामी रच्छक सेवक के सद स्वामी मणि¹ कारण मुझ ते भई भूल कितिक वरत्यो प्रतिकृल काल 118311

^{1.} पौराणिक कथा है कि अकूर ने एक मिण रखने में श्रीकृष्ण के साथ कुछ छल करना चाहा और उनसे दूर हटता गया। यहाँ किव ने वाबा मोहरी को अकूर तथा श्री अर्जुन जी को श्रीकृष्ण की उपमा दी है।

सो अवि छिमा धारि वखशीजै चलह सदन मम इच्छ पूरीजै अबि के बिछ्रे होइ न मेला करह किपा मुझ लेहु सकेला¹ 118811 अंत समै परलोक मझारी समीप राखो हित धारी अरजन सुनि के तिह समी कह्यो अंत को मिलि हैं हमैं 118811 श्री गर अमरदास अनुसारी मान्यो वाक रह्यो हित धारी तिव हुं बखशे सरव प्रकारा समीपी रहैं सदा हमारा 118811 इम कहि भे प्रसंन जगनाथ गमने मोहरी सदन साथ मात्ल की पतनी संग मिले 1 त्रन उठी हरख करि भले 118911 नमो करति को आशिख दीनि पुनहि निछावर ते कीन कर विभूखन दरव विसाला वसत्र वार वार करि दे तिस काला 113511 बुझी कुशल मधुर संगा बच सुख के सहत अहै शुभ गंगा त्मारो हरिगोबिंद पुत्र . बाल अवसथा, अहै अनंद 113811 क्शली परवारा सकल अपर सभि सुख साथ शरीर तुमारा अरजन सुनि कै सभि श्रौन कह्यो किपा तुमरी सुख भौन² ॥२०॥ आशिखा देहू।। तुम हो बडे यां ते सभि सुख हमरे ग्रेहू।

^{1.} मिला लीजिए। 2. घर में सब सकुशल है (तुम्हारी कृपा से)

सनि मातल पतनी फेर । डम कहि करुना जति बाक बडेर ॥२१॥ रामदास बीबी भानी। अर गमने वैक्ंठ सथानी। ज्ग तबि ते तुम ने हमें भलायो। न कछ संदेश पठायो ॥२२॥ कबहं मिले न प्रम धारि कवि आई¹। कीनह किस थाई। मनह त्याग बोलित रोदनि इम को ठाना ॥ सिमरि सिमरि पाछल सुख नाना ॥२३॥ सभि परवार मिल्यो तिब रह्यो। अवहि बिछोहा कितनक लह्यो। भल्ल्यन क्ल² के भूखन पास । सिभ इकठे रहिं एक अवास ॥२४॥ अबि अस समां मिलनि कबि होवा। बह दिन महि तुम दरशन जोवा। मातुल पतनी रोदति हेरी। श्री गुर नेत्र अश्रु तबि गेरी।।२४॥ फसे मोह नर रोदति जैसे। छायो नीर बिलोचन तैसे । दीरघ लेति बहु स्वास बारी। मुख पर पुलत अश्रु को बारी 3।।२६।। निज पतनी अर गुर को हेरा। बाक मोहरी कहि तिस बेरा। रोदन ऐसे क्यों तुम ठाना । मेलि नदि तरी समाना⁴ ॥२७॥ जगत मिलनि अंत महिं होति वियोगा। परारवध के बसि सभि लोगा ॥ प्रभु सरूप जो पिता हमारे। तिम श्री अरजन पिता उदारे ॥२८॥

^{1.} कभी प्रेम-पूर्वक आकर मिले भी नहीं। 2. भल्ला कुल। 3. अश्रु-जल से मुख भीग गया। 4. नदी-नाव के समान।

अपने सदन बिक्ंठ सिधारे। सोचिन जोग न सो सुख भारे। मनमति उरझे ¹ भगति बिहीने। कबहुं न प्रभु को सिमरिन कीने ॥२६॥ सो सोचिन के जोग महाना । धरम त्याग जिन किय अघ नाना। नहिं सतिगुर की सेव कमाई। सतिगुर गिरा² न रिदं वसाई ॥३०॥ निस दिन पची क्टंब मझारे। बोलि संचिहं धन भारे! कुड तीरथ जिन कीनि न कोऊ। तप सोचनि जोग³ जानीयहि सोऊ ।।३१।। सुपनिह कवि सतिसंग न सेवा। बिहीन अफरे अहंमेवा। गुन रिदे दया नहिं दीनहु दाना। सोचित के जोग महाना ॥३२॥ मिले क्संग कमाइ विकारा। रिदे सदा सतिनामु विसारा। तजे स् पंथ कुमारग चाला। सोचिन के जोग बिसाला ॥३३। सो इत्तयादिक कहि कोमल बानी। समुझाई निज पतिन महानी। जल प्रवाह मिलि तिण बिछुरै है। तथा थूल तन की गति ऐहै । ३४॥ परारबध को बेग सु पाइ। मिलि बिछ्रित देही इस भाइ। सुब्रिते⁴ इम उर जानि स्नह रोदिन शोक करहु सिभ हानि ॥३५॥

^{1.} मन: प्रेरणाओं में उलझे हुए। 2. गुरु-वाणी। 3. चिन्ता करने योग्य।
4. श्रेष्ठ वृत्ति वाली।

मोहरी के सम भान्। बचन तिमर को कीनसि हान् 1। शोक धीरज सिम ਕੈਨੇ धरि पास । किय बाक बिलास ।।३६॥ बिधि को बह को मोहरी जु अनंद्र। नंद बंदन कर बंदि। करी आड सतिकारा। श्रीगर अरजन बह विठाओ आनन्द धारा ॥३७॥ पास हरखति चित सभि परवारू। अति करिवावति भे त्यार अहारू। चारु डसाई। चौंकी सादर सतिगुर दीनि विठाई ॥३८॥ तिस पर रस के भोजन पाए। नाना धर्यो अगुवाए। थाल विसाल मोहरी वानी मध्र कहै। अचावति दरशन लहै² ॥३६॥ असन कट्मब अच्यो मिलि फेरी। सकल बिखे सुठ³ सेज बड़ेरी।। रावि श्री गुर को दई। सुपति हेत प्राती⁴ पुन भई ॥४०॥ सुख सों इम कीनि बावली शनाना । जाइ पठि जपूजी श्री नानक ध्याना। मोहरी अपने साथ। लीनि अरजन नाथ ॥४१॥ श्री गुर गमने लोक गन संग सिधाए। अपर पिखि विपासा हरखाए। पास परवाह जिस केरे। सुन्दर नादति5 चकवादि घनेरे ॥४२॥ खग

मोहरी के सूर्य समान (प्रकाशवान्) वचनों से शोकान्धकार का नाश हो गया ।
 भोजन करवाते हुए दर्शन लाभ कर रहा था । 3. सुन्दर । 4. अगली प्रात: ।
 चहकते हैं ।

दुऊ देहरे देखनि करे। कमल कली सम सुंदर खरे। पिखे दूर ते उज्जल ऐसे। भादौं मास खूंव जुग जैसे 11४३11 जननी पित अर पित निज जोऊ। नेत्र भर्यो जल सिमरे दोऊ भरे प्रेम पुलकावलि होई। गए समीप संग सिम कोई ॥४४॥ पूरव श्री गुर अमर सथानी। वंदन कीनि जोर जुग पानी। बहुर प्रकरमा दीनसि फिरि कै। मसतक धूल लगावनि करि कै।।४४॥ वैठे पुनहि कराहु मंगायो । करि ग्ररदास तहां वरतायो। निकटि देखि सुन्दर को कह्यो। हे शुभ मति तुम सभि किछ लह्यो ।।४६।। गुरु अमरदास जिस भांती। गुरता तिलक दीनि सुख शांती। भए जिम पिता हमारे। गुरू बनाइ अबि करहु उचारे।।४७॥ सो सुनि सुन्दर ने सह्2 बनावा। श्री अरजन को सकल सुनावा। हुए प्रसन सो लीनि लिखाई। कह्यो ग्रिथ मैं घरहि बनाई।।४८॥ समै इस पाठ ज् करिही। अंतक पीर³ तिनहं की टरिही। कहि तहिं ते गमने आगे। पिख्यो देहुरा पित दुति जागे ॥४६॥

^{1.} जैसे भाद्र मास में उगे दो श्वेत कुकुरमुत्ते। 2. बुलावा । बाबा सुन्दर ने इस नाम से बाणी लिखी है जोिक आदि ग्रंथ में संगृहीत है। 3. यम की पीड़ा।

नमिह करित परकरमां दीनिस ।
तहां प्रशादि ब्रतावन कीनिस ।
पित को धर्यो ध्यान सुख पाए ।
आनंद ते लोचन जल छाए ॥५०॥
सरव रीति शुभ करकै फिरे ।
मदमंद आवित भे घरे ।
वैठि कर्यो संग अहारा ।
श्री गुर धरजन परम उदारा ॥५१॥

इति श्री गुर प्रताप सूरज ग्रंथे त्रितिय रासे 'श्री अरजन पोथीआं लैनि' प्रसंग वरननं खषटत्रिसती अंशु ॥३६॥

^{1.} प्रसाद-वितरण।

अंशु ३७ दात् मिलनि प्रसंग

दोहरा निकट मोहरी आदि नर बैठे सिभ सुख पाइ । श्री अरजन तिस छिन बिखै बोले मुख मुसकाइ ॥१॥ सबैया छंद

भातुल जी आग्या अबि दीजिह सुधा सरोवर कर्राह पयान। कारज भयो हमारी पूरन क्रिया तुमारी तेहित ठानि। चुतुर गुरिन की बानी प्रापित सिभ को किर हैं एक सथान। जिस को पठि सुनि अरथ बिचारिन रिदै बसाइ पाइं कल्यान । २॥ पुनि मातुल जेषटको दरशन प्रेम संग मिलिबो करि लीनि। बहुर किपा करि मेलि आप को महां लाभ होवा मत चीिन। सकल कुटुम्ब अलंब हमारो 1 हरख परसपर दरशन कीनि । \bar{g} सितगुर के पूजि देहुरे 2 मज्जन बापी आनंद सुनित मोहरी जुग कर जोरे गुरता गादी पर यांते तुम सिभ ते हो दीरघ वंदनीय बड़ दिपिह प्रताप। इह ठां बास करो सुख पावहु हम दरसिंह गन दोखन खाप³। संगति आइ उपाइन अरपै सभ देशनि की मिलहि कलाप ।।४।। श्री अरजन किंह मातुल जी ! सुनि हम तुमरी आइसु अनुसारि। इक परंतु कारन लखि लीजिह ब्रिद्ध गुरु जो पिता तुमार। हमरे पित को आग्या दीनिस सर की जाइ करावहु कार अंदर हरि मंदरि रचि सुन्दर सेव संभारहु सरव प्रकार ॥५॥ ब्रिद्ध गुरु के हम सिभ सेवक करिन सकिह तिन आग्या भंग। पित पाछे हम टहिल संभारी करति सुधासर की हित संग। यांते बास उचित है तिह ठां मानि पुरू के बाक निसंग। इहठां उहठां भेद न कोऊ दोनहु गुरसथान इक रंग ॥६॥

^{1.} हमारे सारे परिवार का सहारा है। 2. समाधियाँ। 3. दोषों और दु:खों का अन्त होगा। 4. समूह।

आगे जिम आग्या हइ तमरी तिम हम करिहैं हरख उपाइ। सनित मोहरी लखीस नीके जथा जोग तुम कहा बनाइ। तदृषि जामनि तीन बसीजिह¹। दरसिंह, दिहु दरशन समुदाइ। पून प्रसथानह, मनसुख मानहं, ठानहं सेव, शनानह जाइ।।७। मानि मोहरी मातल के बच श्री अरजन पुनि कीनि निवास। सेवा के बिस है करि वासे मिलि सिभ बैठिह धरिह हलास। भगति विराग ग्यान की चरचा करहिं मधुर शुभ बाक प्रकाश। जया जोग उत्तर दे सभि की अनिक भांति के मुदित बिलास ॥ ५। १ तीन दिवस श्री अरजन बिस करि जथा जोग सिभ को हरखाइ। जाची बिदा नंम्रता अतिकरि मातूल जी! अविदेह रजाइ²। पहंच्यो चाहति कहे आपके रहि इह थाई। सधा सरोवर कहित मोहरी ज्यों निज इच्छा, बहुर मिलहु किब देहु बताइ।।१।। श्री गुर कह्यो करो जिब सिमरिन तिब तमरी आइस अनुसार। होहि मेल दरशन हम करि हैं सदा निहाल सु बुद्धि उदार!। मातल पतनी दीनि संदेसा मो दिश ते अस करह उचार। रामसत्ति गंगा को कहिनी, हरिगोबिन्द को दीजै प्यार ॥१०॥ सिभ की कुशल बूझनी नीके हम को सिमरो³ अपने जानि। निज सुत को जबि ब्याहु रचावहु हमहि हकारहु, चाहि महान⁴। आछी बात कही, करि बंदन बिदा होइ किय वहिर पयान। श्री गुर अमर चुबारे गमने तपे जहाँ⁵, तिस दरशन ठानि ॥११। कह्यो मोहरी सीं इक खासा⁶ हित पोथिनि के देह मंगाइ मानि बाक ततकाल अनायह⁷ तिस पर पुसतक धरे बनाइ । सिक्खयिन हरख सिकंध उठायहु धुनि संखिन की अधिक उठाइ तुरही लघु दुंदिभि बजवाए जै जै शबद भयो चहुं धाइ 118311 पद अरबिंद नगन ही गमने श्री अरजन खासे पिछवाइ आदि मोहरी अपर सकल ही कहैं चढहु सिवका⁸ सुख पाइ भन्यो गुरू इन रूप चतुर गुर इन को आदर जितो कराइ लोक प्रलोक अनंद तितिक लहि, बिघन बिनाशन हुई समुदाइ 118311

^{1.} तो भी तीन रात और रहिए। 2. आज्ञा। 3. (अपने समझकर) हमें भी याद कर लिया करो। 4. बड़ी चाह है (कि हमें अपने पुत्र के विवाह पर बुलाना)। 5. जहां तप किया था। 6. पालकी। 7. मंगवाई। 8. पालकी।

एक कोस लगि सकल गए संगि पुन श्री अरजन थिति तिस थानु चरन मोहरी के सिर धरि कै भांति भांति की विन बखानि कहि वहु वारि हटाए पुरिको पुन सिभ को करिक सनभानु मोरिन करे 1 , आप पग गमने संखिन अरु जै शबद बखानि मंद चिल उतसव करते ग्राम खडूर पहूचे जाइ श्री अंगद जी जहां देहुरा प्रेम सहत तिहं सीस निवाइ चार प्रदच्छन दे प्रसाद बहु करि अरदास सभिनि बरताइ ध्यान धारि करि विने भाखि करि महां सुजसके कथ्यो बनाइ 112811 पुन करीर को दरशन कीनिस वंदति चतुर प्रदछना दीनि श्री अंगद को नंदन दातू सुनि सुधि श्री गुर अरजन चीन होइ अनंद विलंद रिदे मिंह आइ मिल्यो मन प्रेम नवीन हित सनमान अग्य ते उठि करि तिले² परसपर नमता कीनि 113 \$11 जिब दातू ने धर्यो चरन सिर निज कर पर श्री गुर ने लीनि आप नमो करि पास विठाए कह्यो वाक क्यों अनुचित कीनि गुर के गुर गुर नंदन हो तुम³ हम हैं आप दास मन चीन सेविन उचित चरन रज राविर सदा तुमारे अहैं अधीन 110911 सुनि दातू कर जोरि कहति भा 'आपि सुनहु मेरो विरतंत हित हंकार भयो मैं जैसो अर तुमरो आगम चितवंत श्री गुर अमर लीनि जबि गुरता भई ईरखा मुझ अतयंति तिनकी महिमा पावक समसर शुषक त्रिणन ज्यों रिदा जरंति⁴ 112511 देश बिदेशनि की वड संगति नर नारी आविह समुदाइ अनिक उपाइन पाइन अरपिंह मन बांछित सिभ ही फल पाइ मो कहु दुखति देखी करि गमने, गोइंदवाल बसे पुन जाइ तिंह भी अधिक भीर हुइ नित प्रति महिमा पूरन भी चहुंधाइ⁵ 113811 इक खत्री मम मित्र हुतो बहु इक दिन आइ कह्यो इम वैन तुमतो पुत्र कहावति गुर के कुछ रचना तुमरे ढिग है न संगति आइ न अरपिह धन को, नमो न करित आइ को ऐन रहे रंक सम बैठि दारिदी विन उद्दम आलस दिन रैन

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

^{1.} पीछे लौटा दिए। 2. आगे बढ़कर। 3. आप मेरे गुरु के दादा-गुरु के सुपुत्र हो। 4. (मुझे ऐसी ईर्ष्या हुई) कि मैं मेरा शुष्क तृण समान हृदय उनकी महिमा रूपी अग्नि में जलने लगा। 5. चतुर्दिक।

किसी थान को खती कोऊ गुरू बन्यो निज पद पुजवाइ हतो टहिलीआ¹ तमरे घर को अबि समाज अधिक विरधाइ² भए मितक जीवति ही जग तुम जिनको नाम नहीं विदताइ अहो निलायक ! लेति न तिस ते जो अबि बैठयो वह धन पाइ 113811 सरप समान हतो मन पूरव तिस के बाकनि छेरन कीनि³ पुरू अमर को डसनि हेतु मैं कषट देनि को उद्दम लीनि बाक बान से गड़े रिदे मम दुख को धारति धीरज छीनि विण मन जरित कोध बंड अगनी मनह झित तिन ऊपर दीनि ॥२२॥ होति सशील संग लहि खोटे बिगर जाति शुभ मति विसराइ रिसते⁴ गोइंदवाल पहच्यो सभा विखे देखे तवि जाइ मनो ग्यान को भानु प्रकाश चहुं दिशि सद गुन जन समुदाइ अवगुन उडगन निसा अविद्या नहिं पय्यति सभि गए पलाइ ॥२३॥ इक कर जोरि बंदना करिहीं, एक उपाइन अरपिंह आनि। इक बर जाचित बांछित चित को, इक वृझित अपनी कल्यान। को पठै विचारें गाइं रबाबी रागनि तान। इक अरदास करति हैं ठांढे मंगल होति अनेक विधान ।।२४।। अधिक प्रताप बिलोकि जर्यो नहिं5, जर्यो कोध की अगनि मझार। तरन करति उलंघ्यो सभिको जाइ गुरू के लात प्रहारि। कही कठोर गिरा बहु बिधि की दई अनेक प्रकारिन गारि। निबल शरीर अवस्था ब्रिध बड सह्यो न गयो घात⁶ तिस वार ॥२५॥ वक्ख्यसथल महिं7 घात लात को लगति गिरे प्रिथवी परं जाइ। हाहाकार सभा महिं होवा सिक्ख्यिन गिह भुज दए विठाइ। उठित भई सुधि मम पग पकरे सने सने भिल मिह लताइ8। कहिन लगे-मम अंग निठुर वड करति कार को बैस बिताइ।।२६॥ तुम नित बैठे म्रिदु पद पंकज पीड़ित हुए लागि मम अंग। करी अवग्या तुम को देखे उठ्यो न मैं आदर के संग। जया जोग ताड़न किय मुझ को गुर के नंदन बुद्धि उतंग। आप करो फुरमावनि को अबि, सेवा ठानहुं रिदै उमंग।।२७।।

^{1.} सेवक । 2. संगति बढ़ा रहा है। 3. उसके वचनों ने मेरे सर्प समान मन को छेड़ दिया। 4. कोध से। 5. सहन नहीं कर सका। 6. चोट सही नहीं गई। 7. छाती में। 8. कोमलतापूर्वक।

मैं गुर-दास गुरू सुत हो तुम गुर सम लखीं आपको नीत। कोध निवारि छिमहु अपराधू उर साध् सेवक मम चीत। दासनि दास पछानहु मोकौ कीनि किपाल विसाल सु नीत। अपिन जानि के ताड़ित भे मुझ देखि विकारिन मित विपिरीत ॥२५॥ मैं सुनि क्रोधित बाक कह्यो तिब भलौ आपनो इस मिह जानि । नरिन अचंभ दिखाय दंभ किय मोकहु नहीं सुहाइ महान। इह सिभ त्याग अपर थल गमनह टिकहुन, मेरो भन्यो पछान। छल सो मम पित की करि सेवा गुरता लीनि गरीबी ठानि ।। २६॥ मोहि पिता को मोर सुभाऊ छल चातुरता लखी न तोहि। अजमत आदिक ठग करि ल्यायहु रच्यो पखंड अधिक धन होहि। वसतु हमारी तैं किम धारी, यांते आवित मन रोहिं²। भलो चहै तौ रहो नहीं अबि, लहैं कषट बचन मनैं न मोहिं ॥३०॥ सुनि कठोर बानी अस मेरी सरल रिदै बोले हित ठानि। अबिते आगे करौं तथा मैं जथा रजाई आपकी जानि। दास तुमारो कोध निवारो मुझ पर होहु प्रसंन महान। हम किह नमो करी कर जोरे किव संतोख सिंह करित वखानि ॥३१॥

॥ दोहरा॥

निसा परी आसन अपन गुरू विराजे जाइ। विसमति गमने अपर नर श्री गुरु धंन सुहाइ।।३२॥

इति श्री गुर प्रताप सूरज ग्रंथे त्रितिय रासे 'दातू मिलनि' प्रसंग वरननं नाम सपत त्रिसती अंशु ॥३७॥

^{1.} विनम्रता पूर्वक । 2. क्रोध।

अंशु ३⊏ खडूर प्रसंग

निसानी छंद

अरध निसा महिं श्री गरु घर त्याग चले हैं। ग्रहन करी नहिं वसत कुछ नहिं किस मिले हैं। पनही बिन पग कमल ते मारग प्रसथाने। रिदं बिचारति कित चलिंह, बैठिहं किस थाने ।।१।। मानव मिलहिं न आनिजहिं नहिं छुटै ध्याना । नहिं बोलहिं, नहिं कलहि करि, कछ बिधन न ठाना । एकाकी बैठिहिं कहं प्रभ को सिमरे हैं। वहिर उपाधि अनेक ह्वै इक रसु बिसरै हैं।।२॥ एक बिचारति चलति मग, बासर के ग्राम। आइ पहुचे छिनक मिंह देख्यो इक धाम्। कोठा हतो गुपाल 1 को तहिं केतिक दूरी। तिसको दर मुदिन कर्यो लिखि के विधि रूरी । ३।। जो दर खोलिह आनि के तिस दोष लगै है। नहीं सिक्ख, तिस के न गूर, नींह श्रोय पगै है²। बिगरै लोक प्रलोक तिस हम ह्वै न सहाए। हम लिखिके दर ऊपरे अंतर प्रविशाए ॥४॥ तिस कोठे महिं छपि गए पदमासन कीना। लगी समाधि अगाधि ही एक हि रस भीना। गोइंदवाल प्रभाति भी तहिं गुरू न पायो। खोजित सिक्ख्य अनेक ही कितहुं न दरसायो ॥ १॥ श्री अरजन गुर ! श्रोन सुनि मैं भयो अनंदे। सभि वसतुधन आदि जे, करि अपनि बिलंदे।

^{1.} ग्वाले का । 2. भला नहीं होगा अर्थात् वह मुक्ति नहीं पाएगा ।

वसत्र विभूखन पहिर के करि उर हंकारा। गादी पर बैठित भयो धन लोभ सु धारा ॥६॥ करित रह्यो परतीखना¹ को आइ न पासा। नहीं उपाइन किन दई, निंह पूजी आसा। भूल्यो औचक आइ जो अवलोक रुख मिलिवे को नहिं करैं नहिं गुरू निहारें।।७।। गुण बिहीन पूजा कहां, बिद्या विन माना। जीत कहां बिन सूरता, मन थित बिन ध्याना। बिन संतोख उर सुख कहां, तप बिनां न राज्। ग्यान कहां बिन सतिगुरू, शोभा बिन लाजू ॥ ॥ ॥ बिन जहाज तरिबो कहां सागर असगाहू भगति कहां बिन प्रेम के पग पंकज माह । कविता बिन कीरति कहां, जसु बिना न दाना मुकती कहां बिन प्रभु के, सुर विना न गाना सद गुण बिनान श्रेय है, शरधा बिन सेवा मंत्र सिद्धि बिन जपु कहां, बर बिना न देवा विन सिक्खी तरिबो कहां जग सागर भारा द्योस कहां सूरज बिना, मैं एव बिचारा 118 011 नमो न कीनी सिक्ख किह³, कित रह्यो स दैवो सुनति खिझहिं सभि मन बिखें क्या तिन ते लैवो ग्रता गादी जिसहि ढिग तिस ही की पूजा बिन अज़मत कैसे पूजिह वैठे जे दुजा 118811 गुरु अमर के सदन ते मैं सिभ कुछ लीना दरब सरब ले, गरब हति⁵, चलिबो मग कीना⁶ लोभ धारि मैं ले चल्यो वेसर वह लादी? दुइ त्रै सेवकसंग थे अति भा अहिलादी 118311 दोइ घटी जिब दिन रह्यो मारग प्रसथाने अपने सदन खडूर को चित चाहति जाने बहु घन लै गमन्यो जबै दिनमणि असतायो8 अंधकार भा जगत मैं दसहं दिशि छायो ।।१३।।

^{1.} प्रतीक्षा । 2. भूल-चूक से जो आता भी, (वह मुझे) देखकर लौट जाता । 3. किसी भी शिष्य ने । 4. गौरव के विना सम्मान कहाँ ? 5. (मेरा) अहंकार नष्ट हो गया । 6. मैंने चलने की ठानी । 7. खच्चरों पर लाद कर । 8. सूर्यास्त हुआ ।

पहंच्यो नहीं खड़र मैं रहि दूर कितेका तसकर¹ भे दायक मिले तिह समै अनेका देखति शसत्र उठाइ कै मारनि को आए त्रास पाड तिन पास ते मम दास पलाए² 118811 मैं डर धरि बोल्यो तबै क्यों मारो मोही धन कारन मारन करह लिह जेतिक होही छीन लीनि वसत सकल नहिं बोलनि दीनो पन सरीर के चीर सिभ किय तिन ते हीनो 118 811 अतिशै संकट पाइ कै निज आइ निकेता चिंता सलिता चिंत बह्यो मन शोक समेता करनि अवग्या वडनि की कैसे सख पावै कटिह तरोवर को जब पूनि फल किम खावै 118 811 तोरहि तरी ज तोइ महिं किम तरिह सखारो सदन ढाहि वन बसन चहि मतिमंद गवारो इम चितवति चिंता महां सिभ पुसतु गवाए बहुत बिसूरित बैठि करि नहीं किस बताए 118911 तिव ते मेरी लात मिंह हइ पीड़ घनेरी असथी को चीरहि मनहं 6 दख देति वडेरी कितिक काल बीतिति भयो गुर खोज्यो सारे बुड्ढे आदिक सिक्ख सिभ ल्याए तिस बारे 118511 तिसी रीति वैठै बहर बर गुरता गादी मिलि सभिहिनि वह भांति की कीनी शुभ शादी जदिप लात महिं पीर बह अतिशै दुख पाऊं लाज भार ते दब रह्यो नींह निकट सिधाऊं 113811 करिन खुटाइ दुख लहै⁷ जग विखे लजावहि महां पुरख के तीर पुन किम नहीं सिधावहि चिरंकाल पीरा सही, पर गयो न पासू चलिन लगे श्री अमर जिब बैकुंठ अवासू

^{1.} लुटेरे । 2. मेरे दास भाग गए। है3. जितना है । 4. शरीर के वस्त्र । 5. जो जलघारा में ही नौका को तोड़ दे । 6. मानो हड्डी को चीरती हो । 7. खोटे कमी से ही दु:ख लिया ।

हुइ निलाज दख बडे ते मैं निकट सिधारा। खरो अगारी होइ करि कर जोरि उचारा। अपराधी मैं आपको अबि चलि करि आवा। छमो अवग्या करी जो बह संकट पावा ॥२१॥ महां पूरख उर वैर इम जिउं नीर लकीरा¹। पाहन रेखा प्रीत द्रिढ² अस भाखिंह धीरा। मंदमती मैं शरण हों तुम दीन दयाला। इम बिनति सनि श्री गरू बोले तिस काला ॥२२॥ होवहि श्री गुर रामदास सोढी कुल टीका। श्री अरजन सत तिनह को गन गन ते नीका। सो खडूर प्रविशहि जबहि होवहि तम मेला। चरन दुहेला³ देखि कै सो करहि सहेला⁴ ॥२३॥ सुनि कै तिन ते आइ घर नित करति उडीका। कवि दरशन निज देहिंगे करिहैं पद नीका। आनि कितारथ अबि किओ, काटह मम पीरा। श्री नानक अंगद अमर तुम ही प्रभु धीरा ॥२४॥ चरन शरन परने दिहो पूरह उर आसा। नहिन हटावनि कीजीए जैसे निज दासा। श्री अरजन सूनि पुन भन्यो जिम चाह तुमारी। करह तथा थल वडे हो हम सिक्ख अगारी 117 111 सकैं हटाइ न तुम किती कर वंदति आगे। गुर गुर गुर के पूत्र सुभ वड वृद्धि सुभागे। तबि दातू कर जोर कै चरनी लपटायो। श्री अरजन कर फेरिकै दुख लात हटायो । २६॥ चिरंकाल की पीर वड छिन विखे निवारी। मन प्रसंन दातू भयो महिमा उर घारी। कहिते सुनति प्रसंग को सूरज असतायो! नाना बिजनू 6 त्यारि करिश्री गुरु अचवायो 7 ।।२७।।

^{1.} महापुरुषों का वैर भी जल की लकीर के समान होता है। 2. और प्रेम पत्थर की लकीर समान दृढ़ होता है। 3. दुःखी, पीड़ित। 4. सुखी। 5. वैसा ही करो, किन्तु आप बड़ी जगह हैं और हम (आपके घर के) सिक्ख हैं। 6. खाद्य-पदार्थ। 7. खिलाए।

भगति बिबेक बिग्यान की चरचा बह कीनी। नाशवंत द्रिशमान सभि, सत्ता सति चीनी¹। सार असार बिचार करि निशर्च ठहिरायो। पारब्रहम परपंच सहायो ॥२५॥ परमात्मा सठप्रयंक पून सपित भे श्री अरजन नाथा। जाम जामनी ते जगे सचि करि जल साया। पुनि दास के दरस को गमने तिस डेरे। लगी समाधि अगाधि ही बिनबाध² बडेरे ।।२६॥ ब्रिति अखंड निशचल टिकी कोठे शुभ मांही। कीनि उथान हिलाइ कै करि जतन् सु तांही। बिकसे कमल बिलोचने हाली मुख जीहा। श्री अरजन चरनी परे बिनती करि दीहा ॥३०॥ दास ने देखे जबै कर बंदि बंदे पद अरबिंद म्रिदु मुख गिरा उचारी। बिच समाधि के ध्यान जिह मैं नित प्रति ठाना। सो सरूप तुम ही अहो महिदे महोआना ॥३१॥ श्री नानक अवतार हो इक जोति विराजे। किल मिहं नरिन उधार हित निज तन उपराजे। श्री गुर कहिं तुम बहु बड़े हम बाल तिहारे। क्रिपा द्रिषटि देखति रहहु दुख काटनि हारे ॥३२॥ इक रस ब्रिती अखंड शुभ चिरकाल टिकाई। सरब भांति समरथ बडे सभि शकती पाइ। चहहु सु करहू न देर लिंग बिच चउदिह लोका। निह आग्या को फेरही चींह दरस बिलोका ।।३३।। तिब दासू ने त्रच कह्यो पूरहु मम आसा। चिरंकाल को तन तजौं³ इस चहौं न बासा। श्री नानक के पास मैं चाहति अबि जायो। अपनो वाक भनीजीए हुइ मुझ मन भायो⁴।।३४।।

^{1.} सत्ता ही वास्तव में सत्य है। 2. विघ्न-रहित। 3. पुराना शरीर छोड़ दूँ।
-4. मेरा मनोवांछित हो जाए।

श्री गुर बोले होहि इम केतिक दिन मांही तन तिज गमनह वेग सौं श्री नानक पाही। अजर जरन धीरज धरन श्री अंगद रूपा। तुम तिन के बड़ पुत्र हो चित शांति अनुपा ।।३५॥ दास जानि किरपा करो अपने नित जानो । सीख सिखावो शुभ मती जिम पंथ महानो। इम कहि ठानी नमो पद परकरमा दीनी। अपर भनी बहु बेनती महिमा बड चीनी !।३६॥ आइस् ले निकसे सदन भे चलिवे त्यारु। तिब दातू कर जोरि कै इम बाक उचारू। श्री अंग्रितसर सम लखहु बसियहि इस थानु। मिले रहें हरखें दरस गृन ग्यान निधान ॥३७॥ सुनि घीरज सतिगुर दई हुई त्यार चले हैं। खासे पर पुसतक शुभित शुभ चमर1 ढुले है। रागी करते कीरतन बहु साज बजाए। तिब संखिन की धुनि भई सुमन स वरसाए।।३८।। लघु दुंदभि म्रिद् बाजते तुरही सुनफीरी जै जै कार उचारते चहुंदिशि महिं भीरी । करित मंगलाचार को वह धूप धखावें । मंद मंद श्री सतिगुरू पाछे तिस जावैं ॥३६॥ एक कोस चिल कै टिके दात् संग भाखी हटहु आप करना करहु, पूरी अभिलाखी2 सिमरह अपने जानि के हम दास तिहारे करी परसपर बंदना उर प्रेम उदारे 118011 श्री दात् घर को हट्यो मन आनंद होवा चत्र गुरू को रूप अबि श्री अरजन जोवा महिमा महां बिचारतो बड अजमत वाना बहर गरीबी के सहत नित किया निधाना 118811 श्री सतिगुर पग नगन ते पाछे प्रसथाने आगे खासा पोथीअनि सिख कंध पयाने³

^{1.} चँवर । 2. अब आपकी अभिलाषा पूर्ण हो गई है । 3. सिक्खों के कंधों पर पोिषयों की पालकी चली ।

चमर चारु दुह दिशि ढुरित बहु संख बजावें ।

इम मंगल को करित ही उत्तर दिशि जावें ।।४२॥

सने सने सिभ ही चलित मन नंम्र करंते ।
श्री अरजन उर भाउ पिखि बिलहार हुवते ।
सुधा सरोवर कोस दुइ जिंब रह्यो अगारे ।
सौचि करिन हित सभ टिके खासा सु उतारे ॥४३॥

जाम दिवस बाकी रह्यो थित भे जिस काला ।
करी सौचि सिभह तहां उर हरख बिसाला ।

प्रविशे चाहित निज पुरी किर कारज आए ।
संखन बादित शबद को धुनि ऊच उठाए ॥४४॥

इति श्री गुर प्रताप सूरज ग्रंथे त्रितिय रासे 'खडूर प्रसंग' बरननं नाम अषट विसति अंगु ॥३८॥

^{1.} शुद्धि ।

अंशु ३९

. . . .

पोथीनि लेनि, सुधासर प्रवेश प्रसंग

दोहरा

दोइ कोस पर टिक गुरू थके पंथ प्रसथान । कीनि भले बिसराम को ह्वं सुचि थित तिस थान ॥१॥

चौपई

द्रिग मुहति 1 करि ठान्यो ध्यान् बैठे निशचल ग्यान निघान् सुधा सरोवर पुरि सुधि होई गुर आगमनि सुन्यो सिभ कोई श्री हरिगोबिंद चंद अनंदे वदन सदन छवि खिर्यो विलंदे पाइ किरन सुधि प्रात मनिदा2 भए प्रफुल्लित द्रिग अरबिंदा 11311 सुनि साहिब बुड्ढा हरखाए सिख ग्रदास आदि समुदाए जिस कारज गमने करि आए सुनि गंगा मन आनंद पाए 118:1 पुसतक सभि खासे पर ल्यावति गुरू पनही बिन आवति इम सुनि बड उतसाह वधावा सुमनस चंदन धूप धुखावा3 ॥४॥

^{1.} नेत्र बंद करके। 2. शुभ समाचार रूपी किरण को प्राप्त कर होने वाली प्राप्त के समान। 3. धूप जलाना।

संग श्री गुर हरि गोबिंद । अगाऊ जुत सिख ब्रिंद । चले मधुर प्रशादि अधिक संग लीना । श्री गुर समुख पयानो कीना ॥६॥ परम प्रेम के जाल फसाए। मनहु मीन गन ऐंचित आए। परि के नर गन सुनि समुदाए । दरस गुरू कहू धाए।।।।। देखनि जो नितप्रति हित करि दरसै हैं।1 वह दिन मैं दरशन पै हैं। गए धाइ करि चौंप² उमंगे। रुचिर उपाइन ले करि संगे॥ऽ॥ सिभ नर श्री हरिगोबिंद साथ। दरसे सतिगुर अरजन नाथ । पाइन जाइ उताइल³ परे। निज निज सिभिनि अकौरै⁴ धरे।।६॥ सभिनि बिलोचन कमल सरीसे। भए प्रफुल्लयति रवि गुर दीखे। हरिगोबिंद अंक विठाए। श्री पिखति अनंद बिलंद बघाए ॥१०॥ साहिब बुड्ढा अरु गुरदास। बूझी कुशल तिनहुं के जोरि तबि सकल बखानैं। हाथ आपकी ते सुख ठानें।।११।। क्रिपा घर रावर के अरु सिभ थाई। क्शल अनंद रहैं सभुदाई। पुषप प्रसादि सिक्ख गन ल्याए। कहि पुसतक पर सो चढ़िवाए।।१२॥ धूप धुखावति किंदि स्वास्ति संगल संख बजाए। शबद उठाए।

^{1.} जो नित्य श्रद्धापूर्वक दर्शन करते थे। 2. चाव । 3. शीझतापूर्वक 4. भेंट।

सिम ही जिब मिले अगाऊ। हरखे दुहि दिशि हेरित भाऊ ॥१३॥ किरतन करित सिक्ख अगुवाई। समुख स्धासर गमने जाई। चौर ढुरति उतसाह वधावति । संगति संग गुरू छवि पावति ।।१४।। चतुर घटी दिन रह्यो चले हैं। सिक्ख्य आइ समुदाइ मिले हैं। दिश संख नफीरी वाजित। लघु दुंदिभि मधुरी घन लाजित ॥१४॥ श्री अरजन श्री हरिगोबिंद। पोथीनि जुत सिख ब्रिंद। ब्रह्मा बिशन अमर¹ इंद्रादि। मनहु बेद की करिन म्रिजादि॥१६॥ इकठे हुइ उतसाहित चाले। नगर सुधासर वैकुंठ आले।² खासा फूल भाल जुति आगे। श्री गुर जुति सिख पाछिहि लागे । १९७।। जै जै शबद करति चिल जाहीं। पहुंचित भए जाइ करि पाही। सरोवर पूरव पासे। स्धा थड़ा नाम अबि लगहु प्रकाशे³।।१८।। तहां सथापति करि पोथीन टिके निकट गुर आनंद मीन मंगति जन⁴ सुनि करि चलि आए। मन बांछति सिभिहिनि तबि पाए ॥१६॥ अधिक भीर सतिगुर ढिग होई दरशन करि गमनित सिभ कोई। बहुत प्रसादि ल्याइ बरतावा। सभिहिति के मन आनंद छावा ॥२०॥

^{1.} देवतागण। 2. आलय, बैकुं ठ-धर। 3. अब उसे 'थड़ा' (चबूतरा) कहते हैं। 4. भिखारी।

करि¹ सतिगर मिस थानु। संध्या तिब निद साथ वाक बखान । पसतक के पास । रहह आप साथि गन दास लेकरि 113811 अपद सतिनाम सिमर करह जाग्रन चारहं जाम। होइ स् किरतन हरिगोबिंद कउ ले श्री साथ कीनि श्री अरजन नाथ ॥२२॥ नमो दिशि उठित कह आए। प्रदछणा निवाए सीस दरशनी 2 पौर ax^3 हरि मंदर गए अंदर प्रदछना फिर तहिं दए ॥२३॥ चत्र होइ करि श्री खरे दरबार करि विनै जोरि उचार हाथ करिकै नमसकार बहु भाऊ वहर जिन प्रेम सुभाऊ हटे 115811 हरिगोबिंद श्री संग सुहाए। मंद मंद अपने आए। घर दासी दास आनि लागे। पग बूझी गुरू रस पागे ॥२४॥ क्शल प्रविशे उठि श्री गंगा। अंतर आनि लगी पाइन के संगा। वैसे। सुत को ले प्रयंक पर रामचंद को जैसे ।।२६।। दसरथ मातुल पतनी के संदेश। अपर4 बारता बिती अशेष। श्रीन⁵। सने सने गंगा के कीनि सुनावनि गुर सुख भोन ॥२७॥ तिब गंगा मन आनंद पाए। निकटि बैठि भोजन अचवाए।

^{1.} साझ हो जाने के कारण। 2. दर्शनी ड्योढ़ी। 3. अन्दर प्रवेश कर । 4. अन्य सब। 5. कानों में (कहीं)।

निज कर ते ठाठति बहु सेवा। महिमा जानहि श्री गुर देवा।। २८।। सुपति हेतु परयंक आहे¹। इक पर हरि गोबिंद गुन गाहे। सुख सों सैन करी निस माही। रही जाम जागे गुन ग्राही।। २९॥ समिचेतन आनंद सरूपा। तिस महिं निशबल ब्रिती अनूपा। प्रथम सौच करि कै मन पाविन । पुनहू कीनि जल ले रद धावन² ।। ३० ।। कूप नीर ते मज्जन ठानि। पुन दुख मंजनि कीनि शनान। थड़े जाइ बैठे सुख भौन³। अजपा जाप जप्यो करि मौन।। ३१।। पुन प्राची दिशि भी⁴ अरुनाई। तिमर नस्यो चटिका चुहकाई⁵। कमल बिलोचन बिकसे दोई। उठे प्रभु प्रभाति लिख होई।। ३२।। बडी प्रकरमां फिर करि आए। पौर दरशनी सीस पुनह जाइ दरबार सु बंदे। चतुर प्रदछना कीनि अनंदे।। ३३ ।। इम दरज्ञन करि फिर पुन आए। बैठि थड़े पर गुरु सुहाए। मनहु शंभु थित गिर कैलाशा । सुर जिम सिख वैसे चहुं पासा ॥ ३४ ॥ संगति आइ लग्यो दीवान। बीच बिराजींह किपा निधान। श्री मुख ते बोले बच ऐसे। निकसे कमल खिरे अलि जैसे 6 ।। ३५ ॥ चित दै सुनि भाई गुरदास। पर उपकार बडो सुखरासि। देखि देखि करि सिभ पोथीन। करहु ग्रिथ साहिब रस भीन। ३६॥ सुमति बिलोचन जिनके नांहि न। सम दम सबल सु बाहिन जांहि न?। तप, मख पग ते⁸ जे नर हीने। तिन हितु सेतु रचहु हित दीने⁹॥ ३७॥ सागर अगिन संसार अगाह। जिस पुल आश्र इह तरजाह। सो चितलाइ बनाविन कीजिहि। नर असंख को हित किर दीजिहि।। ३८॥ महां पुरख को जग तन धारिन। अन गन नरन श्रेय के कारन¹⁰। यांते अबि को थान निहारो। होइ इकाकी सुंदर सारो।। ३९॥ जिह हेरति हुइ हरख बिसाला। हरिआवलि अवनी तरु जाला। जल समीप हुइ सुंदर छाया। सघन हरित दल हुइ समुदाया।। ४०॥ सुनि भाई गुरदास अलावहि। जो थल किपा सिंधु को भावहि। सो आछो हुइ बैठिन जोग। जहां न पहुँच सकहिं सिभ लोग।। ४१।।

^{1.} निद्रार्थ पलंग पर चढ़े (लेटे)। 2. दाँतों की सफ़ाई। 3. सुखों के घर। 4. भई, हुई। 5. चिड़ियाँ चहकने लगीं। 6. गुरु जी ने इस प्रकार वचन कहे, जैसे कमल खिलने से भंवर मुक्त होते हैं। 7. जिनके पास साम, दाम आदि बलवान भुजाएँ नहीं। 8. तपस्या और यज्ञ रूपी पैरों से (जो विहीन हैं)। 9. उनके लिए प्यारपूर्वक पुलकी रचना करो (गुरु ग्रंथ से आशय है)। 10. असंख्य मनुष्यों के कल्याणार्थ।

सुनि श्री अरजन आपिह चले। खोजिन थान बैठिबे भले।
संग चले बुड्ढा गुरदास। कितिक सिक्ख जे ग्यान निवास।। ४२॥
चले सुधासर ते दिशि प्राची। मित उपकार बिखै जिन राची।
इत उत फिर किर सथल निहारे। जिह तरु संघने तहां पधारे।। ४३॥
कितिक काल बिचरित तित ओरा। निहं पाई बैठिब की ठौरा।
चलदल खरे हरे दिखि दूरे। गमनित पहुंचे श्री गुर पूरे॥ ४४॥

कबित्त

बदरी⁴ अनेक खरी हरी हरी शोभ खरी, घाम की तपत हरी, हेरी एक ढाल की । जंड हैं अखंड गन, ठांढी है करीर भीर चलदल चलादल दल कल जाल की । सुदर सुखद छाए मुदत करित मन, चारों ओर दिखै हरिआई थोरे काल की⁵ । धरा जल नाल की⁶, बिटप जुत डाल की, पिसंद मैं किपाल की, प्रभुदत बिसाल की । ४५॥

स्बैया

श्री गुर देखि कह्यो गुरदास को, पंचवटी सम थान निहारा। बीच धरा इक सार जहां, तिंह बैठिन चाहित चित्त हमारा। तंबू कनात इहां लगवावहु भाखि मंगावहु दास हकारा। हे सुखवंत इकंत महां, चहुं ओर खरे तरु चारु हजारा।। ४६।। यौं सुनि कै गुरदास भन्यो सोई थान भलो जिंह आपको भावै। मो मन भी हरखावित है, जल है, थल नीवे सु भूम सुहावै। पंच वटी सम आप कहो अति होइ महातम जो दरसावै। यौं किह तंबू कनात मंगाइ लगावित भेद को आप बतावें।। ४७।। श्री गुर फेर कह्यो हम जाित, संवािर सथान सु त्यार करो। जावद फेर सु आवें इहां तिव लो किर तंबू कनात खरो। देय निदेश अशेष तिसे तिव आप हटे चिल आइ घरो। देति सदा निज सिक्ख्यन को सुख देव गुरू नित ध्यान धरो।। ४८।।

इति श्री गुर प्रताप सूरज ग्रिथे वितिय रासे 'पोथीनि लेन, सुधासर प्रवेश'' प्रसंग बरननं नाम एकऊन चत्वारिसती अंगु ॥ ३६ ॥

^{1.} पूर्व दिशा। 2. सघन तरु-राशि। 3. पीपल के पेड़। 4. बेर के पेड़। 5. ताजी उत्पादित। 6. धरती के साथ जल भी है।

अंशु ४० रामसर होन प्रसंग

दोहरा

तिव भाई गुरदास ने दास बुलाए पास। श्री गुर की आइसु कही सुनित हुलास प्रकाश। १॥

चौपई

मिलि ब्रिंदन सम कीनसि अवनी । चहुं दिशि हरिआवल थिति रवनी² । डोरिन तान 3 खरो किय तंबू। नंम्र सथान निकट कछु अंबू 4 ॥ २॥ करि कनात ठाढी तहि गाढी। चहुं कोद सुंदर दुति वाढी। जल को बहु छिरकाव करावा । पुन गुलाव बूंदन वरसावा ।। ३ ।। चहुं दिशि चंदन चरच्यो चारू। बहु खुशबोइ उठित महिकारू⁵। आनि बाग ते सुंदर बूटे। करेलगाविन सुमन सु जूटे⁶।। ४।। बरन बरन के फूल प्रफुल्लयति । बायु बहति शाखा जिन झुल्ल्यति । सकल सथल ते रेण⁷ दबाई। कंटक, शुपक सू विणनि हटाई ॥ ५ ॥ थल कनात अंतर बर जेता⁸। छायो रुचिर फरश ते तेता। के अंतर चंदोवा। झालरदार झलकतो होवा ॥ ६ ॥ रेशम डोर वंधि करि ताना। जरी चित्र चित्रति जिह नाना। और। तंबू अंबर ले के अन्तर चहं और॥७॥ गोल सरल सुंदर शुभ रंग। खरी खरी द्वै चोब उतंग । ऊपर कलस सुनिहरी शोभा। जनु जुग कमल कली छिव लोभा।। ८॥ ऐसो थान कीनि रमनीको। जिह देखति हइ आनंद जी को। दास बिठाए। गुर ढिग तबि गुरदास सिधाए।। ९।। केतिक उत श्री अरजेन ढिग पोथीन। वसिंह प्रेम करि भाउ प्रवीन। वैठि दीवान लगावै। सभि संगति को दरस दिखावें।। १०॥ थडे

^{1.} आज्ञा। 2. आकर्षक। 3. रिस्तियां बाँधकर। 4. वहाँ नीची धरती पर जल भी था। 5. सुगंधि की लपटें। 6. फूलों से लदे। 7. धूलि। 8. कनात के अन्तर का क्षेत्र। 9. दो ऊँची चोबें खडी कीं।

जाइ कीनि अरदास अगारी। श्री गुर भयो सथान तयारी। चहुं दिशि ते रमणीक बनावा। ब्रिंट तरोवरु जिंह द्रिषटावा।। ११।। सुनि श्री अरजन सभि पोथीन। ले गमने उतसाहु सु कीनि। खासे को उचवाइ चलै हैं। दुहिं दिशि सुंदर चमर व ढूले हैं।। १२।। मुकता गन पर मनहं मराल। उडित भ्रमित निकटन डर नाल। सिख संगति लै फूलनि माला। लरकाई चहुं दिशनि बिसाला॥ १३।। धृति मिलि जै जै कार उचारी। धप धखावति जाति अगारी। करहिं कीरतन मिलि मिलि जोरा ।। १४ ।। होति भयो संखन को शोरा। लघु दुंदभि मिलि संगनफीरा। करति बजावनि भी बड भीरा। इम उतसाह करति गर चाले। गमने सिक्ख्य सु प्रेम विसाले।। १५।। सने सने तिस थान पहुचे। चलदल सदल झुलित जीहं ऊचे। सुंदर चहुं दिशि बन्यो निहारा। लपटें छटति अधिक महिकारा।। १६।। खासा दीनि उतारे। अधिक प्रसंन भए पिखि सारे। अंतर बैठे सतिगर धरे हलास ।। १७ ।। खशी करी ऊपर गुरदास। ग्र के चहुं दिशि लग्यो दिवान। सिख संगति बैठे तिस थानि। समुख सथान नंम्र कुछ नीरा। तिस पिखि बोले सतिगुर धीरा।। १८।। निज दासनि के हित कल्लयान। अलप रचहु सर सुंदर थान। जितिक निकासिंह कार इहां की । तितिक मिलनता नासिंह तांकी 1 ।। १९।। सेवा करहि तीरथिन केरी। दुहि लोकिन लिह श्रेय घनेरी। श्री अरजन को सुनि फुरमाविन । संगति उठी कार निकसाविन ।। २०।। एक जाम लौ करी निकासनि । रच्यो अलप सर मिलि बहु दासनि । पिखि संध्या सभि गुरु हटाए। संगति तिथि हुइ बाक अलाए।। २१।। श्री गुर जी तीरथ इस केरा। धरह नाम हइ बिदत बडेरा। सुनि बुड्ढे को बूझन ठाना। कीन नाम इस कर्राह बखाना ?॥ २२॥ हुइ सारथ² फलदायक भारी। मज्जित अघ की मैल उतारी। श्री गुर तुम सरवग्य विसाला। लखह ब्रितांत जुहुइ त्रै काला।। २३।। रावरि अछित न समस्थ काहू। धरहु नाम जिम हुई मांहं। श्री अरजन सिभ सुनति उचारा। पंचवटी थित राम उदारा।। २४।। इहां राम की नांम सु बासा। रचिंह ग्रिथ साहिब सुख रासा। नाम सू नामी भेद न कोई। एक रूप जानित सिभ लोई³।। २५।।

^{1.} जितनी कोई इस (सरोवर) की सेवा करेगा, उतनी उसकी पाप रूपी मैल दूर हो जायेगी 2 सार्थक। 3. लोक में।

रामनाम की महिमा महां। रचिह ग्रिय साहिव जी इहां। यांते नाम रामसर होवा। पातक घातक मज्जित जोवा।। २६॥ सुनि संगति सगरी हरखाई। हाथ जोरि करि ग्रीव निवाई। तिस परथाइ सबद गुर कीना। नाम महातम को धरि दीना॥ २७॥

।। स्री मुखवाक गउड़ी ।। महला ५ ।।

नित प्रति नावणु रामसरि कीजै। झोलि महा रसु हरि अंग्रितु पीजै।। १।। निरमल उदकु गोविंद का नाम। भजन करत पूरन सभि काम। संत संगि गोसटि होइ। तह के किलविख खोई।। २॥ जनम सिमरहि साध करहि आनंद् । तनि रविआ परम नंदु ।। ३ ॥ जिसहि परापति हरि चरन निधान। नानक दास तिसहि क्रवान ॥ ४ ॥

चौपई

मज्जित जल इह गब्द पठंता। तिस तीरथ को फल सु लहंता।
सुनिकै संगित बाक बिलासे। मसतक टेकित मरम हुलासे।। २८।।
सितगुर आग्या सिभ को दई। दिनमणि अथ्यो निसा अवि भई।
श्री हिर गोविंद के संग जावहु। गमनहु नगर बिखै सुख पावहु।। २९।।
बिदा करे सिभ सों इम कह्यो। ढिग गुरदास रु बुड्ढा रह्यो।
श्री हिरगोबिंदु चंद निकेत। सदन प्रवेशे सिभिन समेत।। ३०।।
किर बंदन सिभ अपने धाम। गए सिक्ख्य कीनिस बिसराम।
श्री अरजन डेरे मिह रहे। जिन दरशन दुख दारिद दहे।। ३१।।
सेवक कितिक रहे हित सेवा। अहैं समीपी जे गुरदेवा।
सूपकार किर त्यार अहारे। कीनि सुनाविन खरो अगारे॥ ३२।।
आइसु ले किर थार मझारा। कीनि परोसिन रुचिर अहारा।
श्री गुर को तिव जाइ अचायो। पाछे सिभ सिक्ख्यिन मुख पायो॥ ३३।।
बीती जामिन घटिका चारी। निकिट होइ गुरदास उचारी।
सुनहु किपाल सघन बन महां। सिसकर भी निहं प्रविश्रहि इहां॥ ३४॥

^{1.} श्नान और दर्शन द्वारा पापों का नाश करता है।

रामचंद जिम कानन सेवा। भई जामनी तुम गति एवा। बांछित जथा इकांकी होवनी। तथा सथल इह कीनिस जोविन ॥ ३५॥ कमलासन¹ तुमरो हित जानि । प्रथम रच्यो इह रुचिर सथान । कहित गृरु सुन हे गुरदास। मिहमा इस थल महां प्रकाश²।। ३६।। प्रगटै गर प्रताप, रिप् खोवै। रचना अनिक भाँति की होवै। भए अरूढिन रुचिर प्रयंक ।। ३७।। इस प्रकार किं बच अकलंक। सेज बंद सुंदर दुतिवाले। आसतरन³ बर विसद बिसाले। तथा लीनि ऊपर सुभ अंवर ॥ ३८॥ चमकति तथा चाँदनी अंबर। पौढि जथा सुख सुपित क्रिपाला । जाम जामनी रिह जिस काला । सौच शनान कीनि पुन ध्याना । श्री नानक को सुमरिन ठाना ॥ ३९॥ अरनोदय होयह लखि तास्। ढिग हकारि वुड्ढा गुरदासू। कह्यो मनोरथ आपनि जी का। जिस ते होई सिभिनि को नीका।। ४०।। होन इकाकी हम अबि चाहति । हित दरशन सभि सिक्ख्य उमाहति । यांते साहिब बुड्ढा जावउ । सभि संगति को तहां टिकावउ ।। ४१ ।। सुधा सरोवर बर हरि मंदिर। पठहु सुनहु सुंदर तिस अंदर। नहिं संसे इस मैं कुछ ठानहु ॥ ४२ ॥ हमरे दरशन समसर जानह। आप रहहु तुम तिह ठां जाइ। सिभ संगित राखु अटकाइ। हमरे समसर सकल कीरजिह ।। ४३ ।। मन बांछति सिक्खनि को दीजित । कार समसत तोरबो 4 करनी। सिभ संगति को धीरज धरनी। आइस मानि जोर करि हाथ। सीस चरन धरि प्रेम कि साथ।। ४४।। बुड्ढा तिब चिल करि पुरि आयो। सिख संगति को हुकम सुनायो। जिम श्री अरजन आग्या दई। तिसी रीति निस दिन ऋित कई।। ४५।। सिभ संगति अंम्रितसर नावै। दरसन श्री हरिमंदर जावै। मेलि⁵ कीरतन होति बिसाला। बैठहि बुडढा विच सभि काला।। ४६।।

इति श्री गुर प्रताप सूरज ग्रिंथ वितिय रासे 'रामसर होन' प्रसंग बरननं नाम चत्वारिसती अंशु ॥ ४० ॥

^{1.} ब्रह्मा। 2. इस स्थान की महत् महिमा प्रकट होगी। 3. बिछौना। 4. तुम्हें ही। 5. मिलकर।

अंशु ४१ भगतन आगवन प्रसंग

दोहरा

निकट रह्यो गुरदास इक लिखनि सुनिन के हेतु । केतिक सेवक अपर जे बैठिहिं होहि सुचेत ॥ १ ॥

चौपई

निकट न पहुंचिंह बिना बुलाए । चहुंदिशि बैठे करि चुकसाए । जो मानव आविंह अनजाने। बरजिंह तिनिंह न ढिग दें जाने।। २।। इम एकाकी ह्वै गुर पूरे। तिव गुरदास हकारि हदूरे। निकट बिठाइ मनोरथ भाखा। सुनिभाई हमरी अभिलाखा।। ३।। रचहु ग्रिंथकी बीड़ उदारी। लिखि अक्खर गुरमुखी मझारी। श्री नानक पट्टी जु बनाई। पैंती अक्खर करे सुहाई।। ४।। तिन महिं लिखहु सरब गुरबानी। पठिवे विक्षे सुखैन महानी। जिनकी बुद्धि महिद अधिकाई। बहु अभ्यासिंह विद्या पाई॥ ५॥ बहुत वरखलगि पठिंह विचारिंह । सो तव जार्नाहं सार असारिह । तिस तत को पुरमुखी मझारी। लिखहि सुगम शरधा उरघारी।। ६।। सहसिकत अर तुरकिन भाषा। इस महि लिखि लै हैं बुधिरासा। सिभ ऊपर पसरिह इह धाई²। जिम जल पर सु चिकनता पाई ॥ ७॥ किरत करति ग्रिहसती मित थोरी । सुगम पठिंह विद्या जिन लोरी³ । प्रगटहि गाडी राहु बिसाला । चलहि जु, निहं भूलहि किस काला ।। ८ ।। लिखहु गुरमुखी अक्खर यांते। सगल जगत महिं हइ वक्खयाते। शरधावंते पठिंह सुर्खेन । जानिंह हरि सिमरन गति दैन⁴ ।। ९ ।। इन की महिमा महांभिराम्। विदतहि जग गुरमुखी सुनाम्। देखिंस पठींह लिखींह सनमानींह । निज पातक घातक हित ठानिह ॥ १० ॥

^{1.} वर्जित करते थे। 1. दौड़ कर फैल जायगी। 2. जिसे विद्या की अपेक्षा है। 3. मुक्तिदाता।

चतर गरू के शब्द मुकंदे। पिखि पोथी तुम लिखह अनंदे। सिभ वेदिन को सार निकारा। मथ सागर जिम स्तन उदारा।। ११।। श्री नानक श्री अंगद नाम । श्री गर अमर अपर श्री राम । प्रियक प्रिथक लिखि इनकी बानी। पठि करि आप लेह पहिचानी॥ १२॥ स्ति भाई गुरदास उचारी। कहां वृद्धि प्रभु इती हमारी। मैं अलपगय जीव किम जानौं। गुर की गिरा अगम गति मानौं।। १३।।। रिदा अगाध अबाध गंभीरा। गिरा रूप सोई गर धीरा। ब्रह्मादिक लिख सकें न कोऊ। मो मीहं कहां इती मित होऊ।। १४॥ जेकरि होवह आप सहाई। लखहं तितिक जो देह लखाई। सूनि प्रसंत हइ बर को दीना। श्री गुर परम किपाल प्रबीना।। १५।। जया पुत्र होवै घर बाहर। अंतर माता पिता अजाहरि। अपर कुटंब जु वोलिह बाती। जान लेहि बालक बक्ख्याती।। १६।। को नर बुझिह अंतर मौन । कौन कौन बोलिह कहि तौन । तिब बालक सुनि जौन अलावै। प्रिथक प्रिथक करि तांहि बतावै।। १७।।। इह मम पिता बाक, इह माता। इह भगनी बच, इह कहि भ्राता। इम समझिहं गो हइ सवधाना। लिखि गुरबानी सफल महाना॥ १८॥ इम सुनि कै भाई गुरदासू। धर्यो सीस पग पंकज पासु। किया द्रिषटि गुर की तबि पाई। तीन काल ग्याता हुइ आई।। १६।। कागद के सुधार करि पतरे¹। रचर प्रमान कीनि तबि कतरे²। पाइ नीर स्याही करि त्यारी। गुरु सिमर लेखण³ कर धारी।। २०।। श्री अरजन पोयी तिब खोली। हेत लिखाविन गिरा अमोली। प्रथम सिमर श्री नानक नाम्। नमो कीनि धरि ध्यान भिराम्॥ २१। पूरब श्री जपुजी लिखवाई। रुचिर मंगलाचरन स्हाई। **पौड़ी** साढे चार उचारी। पार ब्रह्म बरनन सुखकारी।। **२**२।। डेढ बिखै गुर महिमा कही। कीनि मंगला चरनै सही। जे जुग चारे लिखी सु फेरे। इस महिं भन्यो विराग बडेरे।। ५३।। श्रवन महातम चार मझारी। पुनिह मनन भाख्यो बिच चारी। निद्धयासन पंचे परवान। इस महि नीके कीनि बखान।। २४॥ तूं सदा सलामति निरंकार। साखयात पर इह तुक चार। इह क्रम प्रिथमै बरनन कर्यो। जप अरु बेद अरथ इक धर्यो॥ २५॥

पन्ने । 2. काटकर समान परिमाण के बनाए । 3. कलम ।

ब्रह्म जानिवे के इह नामू। दोनहुं पद समसर अभिरामू। यांते प्रथम नाम 'जपु' राख्यो। सिभ गुरबाणी को इह भाख्यो।। २६॥ किहं लग कहों महातम बानी। जो सिम की सिरमौर बखानी। अपर न उत्तम जिसते कोई। अरु सुखेन ही प्रापित होई॥ २७॥ प्रथम राग श्री राग लिखावा। घर अनेक महिं जाइ जुगावा। कितिक लिखे जिब बूझित भए¹। कहु गुरदास जानि भी लए ?।। २८।। हाथ जोरि कै बाक बखान्यो। रावर की करना ते जान्यो। पति को बच बहु नरन मझारी। लेति पछान दूरी जिम नारी²।। २९।।। तिम पोथी परते गुर वैन। लिखे पछान चतुर गुर जैन³। अपरन के जो शबद बनाए। परिख परिख करि सरव हटाए।। ३०॥ कहि इम गयो, इकाकी भए। भगत जु, आनि दिखाई दए। जिन देखिन ते होति उधारा। सितगुर दीनन करि प्रतिपारा॥ ३१॥ अर्जिद बंदना कीनसि। दरस विलोकि प्रेम चित भीनसि। सिभ ठांढे हुइ सतुति उचारी। पारब्रह्म तुम नर तन धारी॥ ३२॥ घोर जानि कलिजुग का काला। आप अवतरे प्रभु किपाला। भगत वछल बसि प्रेम गुसाई। श्री अरजन पंचम तन पाई।। ३३।॥

भुजंग छंद

महाराज राजानि राजा विराजो।
सभै लोक जाचें सु दाता समाजो ।
कली काल मैं नाम को दान दै हो।
अनेकानि दासानि को तार लैहो।। ३४।।
महांसिंधु बंन्ही वहां मूढ़ मानी।
तुही एक राखा किया जांहि ठानी।
सुपंथं सुखेनं दिखावो संदोहा।
विकारं विदारो जपे नाश मोहा।। ३५।।
तुही ब्रह्म ग्यानी, ब्रह्मं रूप तेरो।
तुही एक ईंगं सभै लोक चेरो।
तुही एक रूपं, तुही रूप नाना।
तुही जीवका दें, करैं जीव खाना।। ३६।।

^{1.} जब (गुरु जी ने) पूछा कि कितने लिखे जा चुके ? 2. जैसे बहुत से नरों में पित के वचन को छिपा होने पर भी नारी पहचान लेती है। 3. जो थे। 4. सब के दाता। 5. अग्नि।

करी सेव हेरो करामात दानी। गुनग्गयं सरब्बयं, कितग्गयं प्रमानी। अमानं समानं समानं ब्रिती है1। उदारं अपारं न कैसे मिती है।। ३७।। तही दीन वंध, दयावान, दाता। भए बंस बेदीनि बीचै बख्याता। प्नं 'अंगदं' रूप होए गसाई । पिता मोहरी के विती देह गाई ।। ३८।। गुरू रामदासं प्रकाशे बहोरी। मए पंचमे आप रूपं बहोरी। सदा शांति चितं, छिमावंति, धीरं। रसं एक ब्रित्ती, अबैरं, अभीरं 2 ।। ३९।। जनं सत्ति-नामं किपा ठानि दीनं। दुऊ लोक को व्रास कीनं सू हीनं। लखें नांहि तोको भ्रमंधारि मृढा। महां स्खमं रूप गृढान गृढा।। ४०।। सदा जै, सदा जै, सदा जै, अनंदो। नमसतं, नमसतं, नमसतं, बिलंदो। सुधा बाक बकत्रं स् चंदे मनिंदो। रिदं नाम बासे वरं दे³ गुविंदो ॥ ४१ ॥

दोहरा

इम अषटक भगतिन भन्यो पढिह जुनित करि प्रेम। सुत बितादि मन बांछते पाविह जन जुित खेम।। ४२।।

चौपई

सुनि श्री अरजन ठांढे ह्वं के। मधुर बाक ते आदर के कै।
सकल बिठाए निकट अनंदे। वूझनि करे भगत तुम ब्रिंदे।। ४३।।
सगरे अपनो नाम सुनावो। पुनि आगम को हेतु बतावो।
किस प्रकार तुम कहना करी। महां सुफल मिलिबे तुम घरी।। ४४॥
कह्यो कबीर जोरि जुग हाथ। सुनहु सकल श्री अरजन नाथ।
बेणी, नामु देव, रिवदास। पीपा, सधना, सँण प्रकाश।। ४५॥

जिसकी वृत्ति आदर-निरादर में समान है। 2. निर्भय। 3. वर-दाता।

भीखन, धंना अरुजे देव। बिप्प्र तिलोचन, श्री गुरदेव। परमानंद, रामानंद जानो। मैं जु कबीर, फरीद प्रमानो।। ४६॥ सूरदास, जुत पंद्रहि कहीऐ। चार अपर इन नाम सु लहीऐ। भूसन, मसकन, संमन एहो। चौथो दास जमाल लखै हो।। ४७॥ अबि आगमन काज सुनि लीजहि । उरविचार पुन पूरन कीजहि । नाराइन स्वास। कमलासन शुभ कीनि प्रकाश ॥ ४८॥ बहुर ब्यास विसतार वनावा। नरन उधारन हेतु उपावा। तिन महिं बाम देव ते आदि। साखी लिखी मुनीन विवाद।। ४९॥ तिन वेदिन को दूसर रूप। रचन लगे मतु ग्रिय अनूप। लिखहुं इहां साखी भगतिन की। भई वारता जिम प्रभु जन की।। ५०।। कलिज्ग घोर मंद मति जाने। तिन हित रचहु सुखेन महाने। इस महि शब्द लिखाइ हमारे। उपदेशन हित दिहु विसतारे।। ५१।। श्री अरजन सुनि भगतिन विनती। हेतु लिखाविन कीनिस गिनती। सिभिहिनि सों श्री गुर फुरमायो । प्रथम जु तुमने कछु बनायो ॥ ५२॥ सो न चढाविह ग्रिथ मझारी। रचहु अविह इसके अनुसारी। जथा ऋम्म बानी सु बनाओ। प्रथक प्रथक बिच राग लिखाओ।। ५३।। सुनि हरखे सिभ भगत विसाला। 'धंन धंन' उचरहिं तिस काला। बनावनि गिरा नवीन। बैठि समीपी गुरु प्रबीन।। ५४।।

इति श्री गुर प्रताप सूरज ग्रिथे त्रितिय रासे 'भगतन आगवन' प्रसंग बरननं नाम एक चतवारिसती अंशु ।। ४१ ॥

अंशु ४२

भगतन को आगमन प्रसंग

दोहरा

श्री अरजन अरजिन सुनिहं, अरजुन जसु उपजाइ। समै दुपहिरी लिंग गुरु बैठि ग्रिंथ लिखवाई॥१॥

चौपई

सुधा सरोवर पुन चिल आर्वाहं। करींह प्रदच्छन सीस निवार्वाहं। बैठिहि जबहि संगतां ब्रिट। दरसिंह सितगुर चंद मिनद॥ २॥ मींह हइ दरबारे। थिति मसंद अरदास उचारें। आई जपाइन पाइन अरपिंह। सुर समुदाइ जाई जिम हरि पिह¹॥ ३॥ दया धारि दरशन को देति। सिख देखति मन बांछति लेति। एक जाम तिंह बैठि बिताविंह । पुन तंबू दिशि को चिल आविंह ।। ४।। राति दिवस बीतहि बिच डेरे। शबद बनाइ लिखाई घनेरे। भगति विराग ग्यान गन सानी । नाना बिधिनि बनाविह बानी ।। ५ ॥ इस प्रकार नित प्रति विवहारे। कितिक दिवस सतिगुरु गुजारे। शबद भगतिनके जबै। कहि गूरदास बिसम उर³ तवै।। ६।। पंचों पातिशाहि की गिरा। अंत नाम श्री नानक अबहि आप भगतिन के नामू। अंत शबद के धरह भिराम्॥ ७॥ दीखित इहां भगत नींह कोई। श्री गुर जी संसे दिहु खोई। श्री अरजन तबि बाक बखाने। जे चित चाहति इस कह जाने।। ८।। जो तव समें आगमन केरो⁴। प्रात द घटिका⁵ आउ अगेरो। तिब संसे तुव होहि बिनाशी। सुनि गुरदास लह्यो सुखरासी।। ९।। वहिर कनात कितिक थल त्यागा। तिहं भाई को तंब लागा। लिखनि समै हजुर चिल आविह । नातुर तिस मिह दिवस बिताविह ।। १० ॥

^{1.} यथा सब देवता विष्णु के पास जाएँ। 2. वैराग्य-ज्ञान से सिंचित भिक्त । 3. मन में विस्मित होकर। 4. जो तुम्हारे आने का समय है। 5. काल-वाचक—घड़ी।

सुनि सतिगुर के वाक अछेरे। तिव भाई गमन्यो निज डेरे। सुपति जथा सुख निसा विताई। रही जाम किय सौच वनाई।। ११।। गुर ढिग पहुंचिन समै लखायो । द्वै घटिका आगै चिल आयो । तिस छिन सितगुर के चहु दिश मैं। चरचा करित भगत प्रभु रस मैं।। १२।। सहिम रह्यो ठांढो तिस थाई। जिंह दर हुतो आइवे जाई। उठे भगत निज सदन सिधैवे। तिव गुरदास सरव दरसैवे²॥ १३॥ भगत कबीर आदि जे सगरे। देखति जाने अवि इह डगरे³। धाइ पर्यो चरनि सिमिही के। जोरि हाथ वंदन करि नीके।। १४।। तिव सिभ भगतिन इस को बंद्यो। कुशल प्रशन ते अधिक अनद्यो। निज निज नाम सुनावनि कर्यो । मिले सकल उर संसे हर्यो ।। १५ ॥ बहुर आपने धाम सिधारे। डर धरि करि गुरदास विचारे। हम ढिग पहुंचहु, गुर फुरमायो। मैं नहिं गयो न दरशन पायो।। १६॥ तिब तूरत ही तिकट पयाना। वंदन कीनि वंदि जुग पाना। महिमा लखी महिद महीयाना⁴। खरो होइ <mark>गुर सुजसु वखाना।। १७।।</mark> निरंकार के तुम आकारा। सरगुन रूप बिशनु तन धारा⁵। सतिजुग महिं बावन वपु पाविन । मापे तीन लोक त्रै पाविनि⁶ ॥ १८ ॥ त्रेतै रघुवर रूप सुहावन। घाइ अगिन राखण युत रावन⁷। द्वापुर होए किशन मुरारी। शत्रुन सैन असंख संघारी।। १६।। अबि कलिजुग को काल निहारा। गुरु रूप आपनि को धारा। हम नर मंदमती नहिं जाने। तुमरी महिमा महिद महानै।। २०।। बखशहु भूल दया सिंधु मेरी। दास जानि रिख लाज बडेरी। श्री अरजन सुनि के तिस काला। बोले होइ प्रसंन विसाला।। २१।। तुझ पर खुशी सुनहु वडभागे। मन वांछित लीजिह अबि मांगे। तुझ ते नहीं अदेय हमारे। सेवक प्रेमी हमहुं पिआरे॥ २२॥ तिब कर जोरि कह्यो गुरु दास । भगत जुआवित है तुम पास । श्री गुर आप जथा तिन दरसहु। चरचा करहु सरीर सपरशहु।। २३।। तथा दरस मैं तिन को पाऊं। ग्यान वाक को कहीं कहाऊं। सुनित तथासतु श्री गुर कह्यो । सुनि गुर वाक अनद उर लह्यो ।। २४ ॥

^{1.} जहाँ आने-जाने का मार्ग था। 2. सबका दर्शन किया। 3. उस मार्ग पर जाते। 4. उच्च से उच्चतर अर्थात् गृह अर्जुन देव। 5. सशरीर परमात्मा। 6 तीनों लोकों को तीन कदमों से माप लिया था (सितयुग में बावनावतार ने)। 7. रावण सिहत अनिगत राक्षसों का हनन् किया था।

बहुर लिखावनि लगे मुकंद। भरे प्रेम सों शबः सु ब्रिंद। जबहि राग को भोग सु आवै। तबहि भगत निज शबद लिखावें।। २५॥ दास सिक्ख को अपर न जाइ। गुर, गुर दास, भगत समुदाइ। जिस भवजल महिं जीव दुहेले। कर्रीह तिनहु हित तरन सुहेले।। २६।। श्री मुख ते जिम उचर सुनावहिं। भाई लिखति बायु सम जावहि। थोरे काल काज बह करै।। २७।। त्रन लिखहि अटक नहिं परै। नांहित गुर को बूझन ठानहि। आशै शबदिन को जिब जानिह। तबहि लिखहि ततकाल लिखारी । श्री मुख ते शुभ जथा उचारी ॥ २८॥ इक दिन भानु आइ मध्याना। श्री गुर गए सुधासर थाना। दे दरशन बहुरो मुरि आए। जाम दिवस दैठे हरखाए।। २९।। बावन अखरी करी बनाविन । उचरित मुख ते हेत लिखाविन । आदि अंत मरि एक शलोक। महिमा सतिगुर की सुख ओक²।। ३०।। लिखि पाठिकै प्रसंन भा भाई। कहिनि लग्यो बहू रुचिर बनाई। सुंदर पाठ अरथ जिंह राखा। सुनि श्री अरजन पुन बच भाखा।। ३१।। श्री परमेसुर कीरति ठानी। रुचिर बिभूखन तिमु गुरवानी। जो इहु बावन बरनी 3 बनी। शुभित जराऊ हीरिनमिन 4 ।। ३२।। जेब जवाहर जर्यो जराऊ। तिह जेवर के सम छवि पाऊ। पाठक भुगति मुकति की दाता । हलति पलित⁵ सुख जिन रस जाता ।। ३३ ।। कहित सुनित बच इसी प्रकारे। भई जामनी तम घन सारे। भाई गयो आपने डेरे। गुरु बिचारिन कीनि बडेरे।। ३४।। जिसको पठिह सिक्ख करि नेम । कठ करें नितप्रति जुति प्रेम । जिम गीता सभि शासविन सार। वेद सार तिम लेहि निकार।। ३५।। नरक उधारन हित अस बानी। चहियहि रची महिद सुख दानी। जाम जामनी जागहिं जावत । इही बचार करित रहिं तावत ।। ३६ ।। बहर जथा सुख श्री गुर सोए। जिन वह दासनि के दुख खोए। जाम निसा ते जागित स्वामी। करी सौच सिम अंतर जामी।। ३७।। दंत धावनी⁶ कीनि बनाइ। पुन गमने गुर सहिज सुभाइ। तंबू भाई के तबि आए। चले ताहि को साथ रलाए।। ३८।। राम सरोवर तीरथ तीर। कीनि शनान गुरु गंभीर। पुन तिह ठां गुरदास शनाना । बसत्र पहिर करि थिति तिस थाना ।। ३९ ।।

लिपिक, भाई गुरदास । 2. सुख का घर । 3. बावन अक्खरी (अक्षरी) ।
 जड़ाऊ हीरे-मणियों जैसी सुशोभित होती है । 5. इहलोक-परलोक । 6. दातून ।

राम ताल की कोन इसान 1 । इक बदरी 2 सुभ खरी सथान। किपा सिंधु अविलोकिन कीने। तिस तरु के तर तिब आसीने॥ ४०॥ सनमुख बैठि गयो गुरदास। श्री गुर कीनसि बाक प्रकाश। समां घोर कलिजुग को आयो। कटक बिकारिन को जग छायो³।। ४१।। तिन को पाइ पाप नर करिई। अंत काल बिच नरक सुपरिई। भोग महां दुख संमत घने। तहां सहाइक कोइ न बने।। ४२।। जिन हित पापनि करित अनेक। तिन मिहं तहाँ न पहुंच्यो एक⁴। बहु दूतिन ते लहैं सजाई। भोग पाप फल पुन निकसाई॥ ४३॥ शशिकर⁵ सों भिलि विणिन मझारी । आइ परित दुख पावित भारी । अंन त्रिणानि महि मिलि सो जाई। पुन देही तिसको मुख खाइ॥ ४४॥ दंतन तरे कपट को पावहि। पुनह उदर महिं जाइ समावहि। तिहं जठरागिन ते तपताइ। प्रथक होइ रस तिहं मिलि जाइ।। ४५।। जाइ नसा⁶ महि रिधर वनै है। इमही सपत घात महि जै है। पुनह रेत⁷ सों मिलि निकसावहि । छिद्र जोनि के तबि प्रविशावहि ॥ ४६॥ गरम बिखै दुख गिने न जांही। विषटा मूत्र मिल्यो वस तांही । जिब निकसित पुनि जोनी द्वारा। छिद्र छोटि दुख लहित अपारा।। ४७॥ इम जनमै तन पाइ बहोरी। मरिह फेरि करि करि अघ घोरी। तनक मात्र संकट इह कहे। गिने न जाइं जितक इह लहे।। ४८।। यांते रचिंह एक अस वानी। नित जिस पठित होहिं अघ हानी। वसाई कमावै जोई। बहुर न जनम मरन तिस होई॥ ४९॥ इत्त्यादिक बहु बाक बिलासे। उपकारी गुर कीनि प्रकाशे। इतने महि प्रभाति हुई आई। भयो प्रकाश चिरी चुहकाई॥ ५०॥

इति स्री गुर प्रताप सूरज ग्रिथे वितिय रासे 'भगतन को आगमन' प्रसंग वरन नाम द्वै चत्वारिसती अंशु ॥ ४२॥

^{1.} पूर्वोत्तर कोण । 2. बेर का पेड़ । 3. विकारों की सेना संसार में छा गई है । 4. जिनके लिए इतने पाप करते हैं, उनमें से एक भी वहां नहीं पहुँचता (अर्थात् हमारा साथ नहीं देता) । 5. चन्द्र की रिश्मयां । 6. नसें, नाड़ियें । 7. वीर्य । 8. (जहाँ), मल-मूत्र मिला है, वहाँ बसता है ।

अंशु ४३ सत्ते बलवंड प्रसंग

दोहरा

रामताल ईसान दिश बैठे गुरू क्रिपाल। रचनि लगे तब सुखमनी दे सुख करति निहाल।। १।।

चौपई

प्रथम ज्ञलोक गुरू पग बंदे। कीनि मंगलाचरन बिलंदे। रची बडेर ॥ २ ॥ प्रभु सिमरन की महिमा फेर । अष्टपदी महिं महातम महिद महाना। वह विधि सों सितगुरू बखाना। ब्रह्म ग्यानी उर भगत विरागी। साध संगति जिन की लिव लागी।। ३।। कह्यो महातम अति तिन केरा। संतिन रिष् को कष्ट बडेरा। निरगुन आप सरगुन भी ओही। कलाधार जिन सगली मोही ।। ४।। तत्त्वंमसी बाक इह भाखा। इम श्रुति सार आनि सभि राखा। करि सुखमनी अंत महिं आपू। कह्यो महातम अधिक प्रतापू॥ ५॥ सभि ते ऊच पाइ असथान। नित पाठक मिटि आविन जानि 2 । मैं महिमा क्या करव बखानी। गुर सरबग्ग कही सु महानी।।६।। प्रात समें इक मन करि पाठ। मिटिह पाप कित जाम जुआठ। पठि प्रभु चरनि रहे समाइ।। ७।। जनम मरन तिनको कटि जाइ। जहां बैठि सुखमनी उचारी। तिसके दरशन हुइ फल भारी। सभि लिखवाइ उठे गुर पूरे। परउपकार चरित जिन रूरे॥ ८॥ इसी प्रकार निता प्रति बानी। लिखवार्वीह रिच रिच गुनखानी। बहुर कथा और इक होई। बरनी बनै इहां अवि सोई । ९॥ रामकली शुभ राग मझार। डोम¹ बनाई लिखी सु वार। लद्धा सिक्ख तिनहुं ले आवा। श्री गुर को दरशन करिवावा।। १०।।

^{1.} संपूर्ण भौतिक सृष्टि भ्रमित कर रखी है। 2. नित्य पाठ करने वाले का आवागमन मिट जाता है। 1. 'डोम' एक नीची जाति है। गुरु के भाटों ढाढियों में सत्ता और बलवंड दो डोम भाई भी थे।

सुनि सिक्खिन वूझी सिभ गाथा। सरव व्रितांत कहहु हम साथा।
सुनि श्रोतिन ते सकल प्रसंग। कीनि उचारन हित के संग।। ११।।
हुतो डूम वलवंड महाना। सत्ता तिसको अनुज सुजाना।
दारिद ते दुहुंअनि दुख पायो। करे यतन धन हाथ न आयो।। १२।।
तिब वलवंड देश कित गयो। फिर्यो बहुत कुछ दरव न पयो।
सत्ता सितगुर पास रह्यो है। करिह कीरतन अनंद लह्यो है।। १३।।
सुख सों कीनिस निज गुजरान। पाइ दरव किर पहिरन खान।
कितिक सिक्ख्य अरदास कराविहं। सितगुर घर ते सिभकुछ पाविहं।। १४।।
फिरि वलवंड बिदेश मझारे। निरधन ही आयो गुरहारे।
दुखी होइ किर बहु अकुलायो। श्री अरजन जस किवत बनायो।। १५।।

आयो निज द्वारे, दया कलपतर थारे मारे बिरद बिलंद, दीन दरद बिदारों हो। द्रोपती उधारी, गज ग्राह ते छुटारी, भीर राखशनि मारी वैरी देवनि निहारे हो। प्रह्लाद मोचन, बिलोचन सु पुंडरीक², पोच बलमीक जस सोच कीयो चारो हो।। गनका गिनी है कौन तीरथ परस आई, जैसे ए उधारे तैसे मोहि को उधारो हो।। १६।। चौपई

किया सिंधु के निकट उचारा। अबि अलंब मैं लीनि तुमारा।
सुनि श्री गुर ने घीरज दीनसि। पूरन हुइ जु मनोरथ कीनसि॥ १७॥
रहु हम निकट कीरतन करो। अनुज सहत रागिन सुर भरो।
चलिह इहां गुजरान तुमारी। लहहु पदारथ हुइ अनुसारी॥ १८॥
इम किह गुर घन दीनि बिसाल। ले आइसु घर गा तिस काल।
पुनह समीप गुरू के आवा। मिल्यो अनुज युत किरतन गावा॥ १६॥
सुनि सितगुरू प्रसंन उदारा। नाम राइ बलवंड उचारा।
हरखित हुइ हुइ रुचि सों गावें। दोनहुं भ्रात सुरस अधिकावें॥ २०॥
राग रागिनी किर अनुरागे। गाविह सुंदर सिभ शुभ लागे।
सिक्ख सराहन करिह सुनंते। त्यों त्यों अहंकार करते॥ २१॥
इस बिधि केतिक काल बितायो। दिनप्रति उर हंकार बधायो।
किपा सिधु ने तिन गित जानी। होछे डूम जाित, भए मानी॥ २२॥
आदि अंत की दशा बिसारी। हम बिछ्या बड, भे हंकारी³।
गुरू गरीब निवाज न जाना। गाइ नीक हम भए महाना॥ २३॥

राक्षस-समूह को देवताओं का वैरी देखकर मार दिया। 2. जिनके नेत्र कमल समान हैं। 3. हमारे पासी ऊँची विद्या है, (यह सोचकर) उन्हें अहं कार हुआ।

हंकारति कुछ समैं बितावा। भगनी को सुव्याह तबि आवा। युग भ्राता सतिगुर ढिग गए। मुख ते करति सुजसु को भए।। २४॥ दास जानि हम कारज कीजिह। दरव विसाल आप अवि दीजिहि। जिसते कर्राहं ब्याह हम भारा। पिखहिं सुनहिं हुइ सुजसु तुमारा।। २५ ।। गुरू कह्यो चिंता दिहु टारा । श्री नानक को अतुट भंडारा । प्रातकाल जेतिक धन आवहि। सिख संगति हम आनि चढावहि 1 ।। २६।। सतिगर कारज सरव सुधारी। सो सिभ ही तम लेह संभारी। दुहं सुनति मन आनंद पाए। गुर जस उचरित सदन सिधाए।। २७ ।। जामिन बिती प्राति जब होई। दरशन करिन आइ सिभ कोई। सिख संगति दे मिलहिं अकोर । बंदैं चरन कमल कर जोरि ।। २८ ।। सिभ दिन की पूजा गिनि जबै। भयो रजतपन इक सौ तबै। दुहुं भ्रात को सगरे दीनि। गरवे मूढ़ नहीं तबि लीनि।। २९।। दिए बगाइ 2 गुरू के आगे। हम सों करनि मशकरी 3 लागे। क्या हम लैके ब्याह रचावहिं। धन बहु घर ते क्यों न दिवावहिं।। ३०।। सुनति सितगुरू धीरज दीनि । पूर्राहं श्री नानक इछ कीनि । लिहु धन इतो, निबाहहु कार। करित कीरतन लहहु उदार॥३१॥ सितगुर घर ते नित तुम लेना। एक बार निहं कीनसि देना। सदा तुमारी सांझ हमारे। नहिं फेरह लीजह इह प्यारे॥ ३२॥ बहुत नंम्रता करि गर कह्यो। तिब सिभ दरब हाथ निज गह्यो। गमने मतिमंद निकेत। बोलित भे गर निंद समेत।। ३३।। नहीं आज ते निकट पधार्राहं। नहीं कीरतन कबहुं उचारिहं। हमरो कारज सर्यो न कोई। गुर समीप रहि क्या पुनि होई।। ३४।। हम किह किर द्वै रहें अवास। निहं गमने श्री सितगुर पास। दिवस आगले जिब ही जाने। सिक्ख्यनि सों तिव वाक बखाने।। ३५ ॥ नहीं रबाबी चिल करि आए। जाहु सदन ते ल्याउ बुलाए। गुर आग्या सुनि सिक्ख सिधारे। जाइ घरो तिन साथ उचारे॥ ३६॥ उठह चलह वडभाग तुमारा। सतिगुर सिमरित तुमह हकारा। परम प्रसंन विराजित जिह्वा। तुरन लिहु दरशन अबि तिह्वा।। ३७ ।। सुनि सत्ते बलवंडिह कह्यो। गुर ढिग जाइ कहां हम लह्यो। जबि हम किरतन करहि बनाइ। आई दीवान सरव लग जाइ।। ३८।।

^{1.} सिक्ख संगत जो हमें चढ़ावा देगी। 2. फोंक दिए 1 3. उपहास।

श्री अरजन विच वैठिह आई। गुरु गुरु किहं सिभ लिग पाई। अनिक उपाइन आनि चढाविं। हेरि हेरि करि सुजसु अलाविं।। ३९॥ गुरता गादी के हम मूल। नहिं जिव जाइं होइ प्रतिकूल। तिनको गुरून कहि है कोई। धन की पूजा कित ते होई।। ४०॥ हम बिन बैठ्यो रहे इकांकी। महिमा सकल जाइ है तांकी। सुनित सिक्ख ने पुन समझाए। सुमित विसारि कहां गरवाए।। ४१॥ क्या अनवन बोलेहु मुख वानी। कहि वावर, कै जिम मदपानी । तुम सितगुर ते शोभहु भले। करहु कीरतन तिन को मिले।। ४२।। जगत विखै तुमरी विडिआई। वहुरो दरव लेहु समुदाई। उठहु चलहू मानहु बच मेरा। तुम पर गुरू प्रसंन घनेरा॥ ४३॥ इस प्रकार सिख किह वहु हार्यो । नहीं चलिन को मूढ उचार्यो । जाइ गुरू के निकट उचारे। नहिं आवित विनमिति³ हंकारे।। ४४॥ सुनि सितगुर सिख और पठावा। लेनि हेत तिन सदन सिधावा। चलहु रवावी गुरू हकारति । ढिग चिल निज दुख क्यों न उचारति ।। ४५ ॥ नौ निध रिधि सिधि रमा⁴ वडेरी। श्री गुर को रुख नितप्रति हेरी। जिस दिशि शारित आप उसारित । तिस ढिग जाति बिलम नहिं धारित ॥ ४६॥ अस प्रभु को तुम त्यागति कैसे। समझ सु मिलहु प्रतीखित वैसे 6। दोनहु भ्रात गरव धरि कह्यो। तिन ढिग हमहु कछु नहिं लह्यो॥ ४७॥ नहीं जाइं अबि कैंसे पास। तिन को तिज हम रहैं अवास। केते जतन बनावहु कोई। गुर संगहमरो मेल न होई॥ ४८॥ सुनि कठोर बानी तिन केरी। कह्यो जाइ गुर को तिस बेरी। प्रभु जी निहं मानैं किम मूढे। रह्यो गरव मदे रिदे अरूढे।। ४९॥ सुनि श्री अरजन छिमा निधाना। झूठे तिन को करनि महाना। आप चलिन को ब्योंत बिचारा। तिनके बिछ्या को अहंकारा।। ५०।। सादर आन हैं तिनको जाइ। बहुरो दरब देहि समुदाइ। कर्राह कीरतन गुर जस गार्वाह । सिख संगति के रिदै वसार्वाह ।। ५१ ।। चहीअहि रुचिर रवाबी हमै। करहि कीरतन दोनहु समै। इम विचार करि भे गुर त्यारी। जिन सुभाव पर कवि बलिहारी॥ ५२॥

इति श्री गुर प्रताप सूरज ग्रिथे वितिय रासे 'सत्ते नलवंड' प्रसंग वरनतं नाम तीन चत्वारिसति अंशु ॥ ४३ ॥

¹. उसकी (गुरु की) समूची महिमा नष्ट हो जायेगी । 2. ऐसे कहते हो, जैसे पगले या मद-पान करने वाले (बोलते हैं) । 3. मित-विहीन, मूर्ख । 4. लक्ष्मी । 5. जिस ओर (वे) स्वयं इशारा करते हैं । 6. (तुम्हारी) प्रतीक्षा में बैठे हैं ।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

अंशु ४४

लद्धे आवन प्रसंग

दोहरा

धरपसाल सालो जहां तिसके निकट निकेत । आप जाइ आनहिं तिनहिं गमने गुर इस हेतु ॥ १ ॥

निसानी छंद

गमने श्री अरजन तबहि तिन सदन मझारे। करिन हेत आदर शब्द, सो गावन हारे। श्री नानक ते आदि गुर सभिहिनि इह 1 राखे। गाइ गुरू के सबद को सिख सुनहिं भिलाखे²।। २।। बहतिन को कल्लयान है सुनिबे अरु गाए। बहरो आदर शबद को बीचारति जाए। पौर प्रवेशे सदन महिं श्री अरजन ठांढे। देखि न आदर उठि कर्यो उर गरब ज्वाढे।। ३।। बैठि रहे दोनहु मुगध मुख धरि करि मौना। महिमा लखिंह न गुरू की चिल आए भौना। सत्ते अरु बलवंड को श्री अरजन भाखी। को कारन ऐसो भयो जिसते रिस राखी।। ४।। आवन जानो दरब है नहिं थिरता पै है। इसते रिस तुम क्यों करी पुन बहुतो दें हैं। श्री नानक को कोष है कमती कछ नांही। शरधा धरि किरतन करहु आवहि तुम पाही³।। ५।। सुनि बोल्यो बलवंड तबि हम पिख्यो न कोई। कहां खजानो हैं धर्यो तुम भाखति जोई।

इनको (रबाबियों को)।
 चाव सिंहत।
 (धन) तुम्हारे पास आ जायेगा।

इक सहंस में ब्याहु हुइ, मो हम ने पाए। नहिं गमनहिं तुम निकट अवि क्या लेहिं कमाए।। ६।। . अपरथान¹ राहे करि कहूँ निज राग सुनावैं। लेहिं दरव उर भावतो, कहि तान रिझावैं। जिते बरख तुम ढिग रहे विद्या निज खोई। सुनि रीझति जानति गुननि पै मौज न कोई²।। ७।। श्री नानक पूरब भए जग किनहुं न जान्यो। मरदाना जिब राखिओ सिभ मिह प्रगटान्यो। श्री अंगद गुरू अमर जी तुमरो पित जोई। प्रगट रबाबी करति भे इम लखें न कोई।। ८॥ तुम ढिग हम किरतन करें गुर महिमा गावें। सुनि सुनि सिख बहु देश के वसतू गन ल्यावैं। गुरू गुरू उचरहिं तुमै पूजिह धन आने। सुनि करि हमरे राग को संगति सम मानै ॥ ९ ॥ इतनो गुन हमरो महां कुछ जान्यो नांही। नांहि त बाधी भेट को दिहु हम घर मांही। अबि जानी परि है भले किम गुरू कहावो। वसतु हजारहुं दरब बहु कैसे तुम पावो।। १०।। हम अबि रहि के अपर ढिग लें गुरू बनाई। पूजा होवहि तिसि की मानहिं समुदाई। हम अधीन करिबो गुरू नहिं तुमने जाना³। अबि पीछे पछुताइ हो मनता हुइ हाना ११।। जहां राग हम कर्राहिंगे गुरू तिसै बनाविहि । तुमरे निकट न जाहिंगे एकल रहि जाविह। श्री अरजन चित शांति अति बहु छिमानिधाना। निज निंदा ते छुभति⁵ नहिं सुनि कछु न बखाना ॥ १२ ॥ श्री नानक ते आदि की जिंव निंद सुनाई। करि धिकार निकसे सदन रिस उर मैं छाई।

^{1.} अन्य स्थान पर । 2. किन्तु (तुमने) (उदारता की) मौज नहीं दिखाई । 3. गुरु बनाना हमारे अधीन है, तुमने यह नहीं जाना । 4. मान्यता की हानि होगी अथित् जब कोई तुमहें गुरु नहीं मानेगा । 5. क्षोभित ।

बेदी कल के तिलक की निंदा तम कीनी। फिट जावहिंगी देहि तम रुज ते हइ हीनी ।। १३।। इम कहि सतिगरू आइ करि थल थड़े सुहाए। सभि संगति इकठी भई दीवान लगाए। सिक्खिन को आइसू दई तुम राग स्नावह । गावह शबद स् तान जुित विद्या इह पावह ।। १४ ।। गह्यो द्तारा सिक्ख किह, किन गही रवावं। हइ निशंक गावनि लगे सभ भए अजावं²। बचन मानिवे गुरू को विदया सभि पाई। जानति हते न राग को गावति विसमाई।। १५॥ सनि सिक्खनि के राग को गुर भए प्रसंना। बर दीनो तम प्रेम जित हमरो बच मंना। अबि ते बिददया राग की सिक्खनि महिं आई। गावहि सुनहिं सुप्रीत धरि लें शुभ गति पाई।। १६।। डोम जाति पछ्ताइ हैं विशना डिहकाए। लीए सबद घर घर फिरहिं नहिं हुई लिपताए। पाइं अनादर जित किती बिन कहे सू जावें। तऊ न सिख मुख लाइ हैं दुख लहि अकुलावें।। १७।। गर सिक्खनि को बर दियो बिद्दया शुभ पाई। ड्म मूढिन लह्यो भावी करिवाई। नितप्रति किरतन सिख करींह त्यों त्यों शुभ गावें। संगति को बड प्रेम हुई मन शबद टिकावें।। १८।। पटने की संगति महां दरशन हित आई। करि वंदन सतिगुरू को बहु भेट चढ़ाई। सत्ते अरु बलवंड को तिन वुझनि ठाना। कहां गए प्रभु जी अबै नहिं करते गाना।। १९।। गर बोले सो फिटि गए नहिं पच्यो हंकारा। गरबंति मुरख निंद कहिं, लहिं कषट उदारा। तिन के मसतक जो लगहि सो सिख दुख पावहि! निकट हमारे तिनह की नहिं अरज करावै।। २०॥

^{1.} निकृष्ट । 2. आश्चर्यचिकत ।

करिह सिपारण जबिह को हम देहि सजाई। तिसको मुख काला करिंह सिर को मुंडवाई। बहुर चढाविह गधै पर पुरि फेरिह सारे। ढोल बजिह तिह संग तिब नर नारि निहारे।। २१॥ सुनि श्री अरजन के बचन संगति विसमाई। सीस धुनहि होइ बुरी पुन पुन पछुताई। गुर आइसु इस भांत की सिभ महिं विदतानी। तिनके मुख को लगहि नहिं बोलहि नहिं बानी ॥ २२ ॥ उपज्यो रोग शरीर महि थोरन दिन मांही। दुख दारिद ते ग्रसित मे मुख कितहूं नांही। जिंह किंह जाचिन जाति जिब, इर दिशि निहं देखें। क्रोध होइ गारी कर्ढाह दैवो किस लेखै ॥ २३॥ करहिं अनादर स्वान सम घर ते निकसावै। वहिर जाइ, तिंह भी तथा, निंह आदर पावें। परमेशुर अरु सतिगुरू इन ते हंकारे। दुहि लोकन दुख पाइं सो, को नहीं उबारे॥ २४॥ इन हूँ की शरनीं परे बिनती भनि दीना²। मन भावहि बखशहिं तिसहि नतु दुख महिं लीना। सगरे जग त्यागे जबहि नहिं बैठिन पावै। भीख सरीखी नहिं परहि त्रिसकित जित जाने ।। २५॥ पछ्ताए दुख पाइकै, गुर महिमा जानी। सिकख्यिन पहि बिनित भनित किनहुँ निहं भानी। कारो मुख करिवाइ जो सो करिह बखाने। तुम स्नापे श्री सतिगुरू हंकार जि ठाने।। २६।। बैठ बिसूरित घर बिखै हमने क्या कीना। अए आप श्री सतिगुरू नहि आदर कहि कठोर निंदा करि क्या थे हम कीरे⁴। झूठे धारि गुमान को नींह लख्यो गहीरे॥ २७॥

^{1.} देना तो दर-किनार लोग क्रोध से गाली निकालते। 2. दीनता-पूर्वक प्रायंना करे। 3. भिक्षा भी नहीं पड़ती, जहां जाते हैं, तिरस्कार होता है। 4. तुच्छ, कीड़े।

पातिशाहि पंचे गुरू सम भानु प्रकाशे। जग महि अरयो न अग्र को रिपु स्नाप बिनासे। म्रित इही खुदाइ की जिस को अपमाना। हम को सुख किस होइ है गुर स्नाप बखाना ॥ २८ ॥ भावी ने प्रोरनि कर्यो उर भयो हंकारा। हम हैं सिभ ही ते बड़े, इम भा मदभारा। गुरू सभा सनमान ह्वं हम जर्यो न सोई। घोर आपदा मैं परे नींह रक्ख्यक कोई ॥ २९ ॥ इक दिन बैठ झुरते मन महिं इम आई। लद्धा सिक्ख लहीर मैं तिह बड बडिआई। कई बार गुरदास ने शभ स्तृति उचारी। तिसके सम दूसर नहीं अस परउपकारी।। ३०।। सो बखशावहिगो हमैं निशचै अस ठानी। लवपूरि को गमने जगल सभि करि मदहानी।। एक निसा बसि पंथ महिं पहुंचे तिस थाई। फिरित मिलींह सिख गरी मींह इत उत टरि जांई ॥३१॥ को सिख बदन दराइ निज अंचर को डारै²। नहिं दिखाइ मुख आपनो, नहिं तिनहं निहारै। महां अघी सम जानिक बोल नहिं कोई। इह गुर ते स्नापित महां कित मिलै न ढोई।।३२॥ पहंचे लद्धे के सदन किन जाइ सुनावा। सत्ते ज्त बलवंड जो तेरे ग्रिह आवा। दौरि पौर पट भेरिक अंतर हुइ बैसा³। फिटके⁴ श्रीअरजन गुरु दुख बाढ्यो तैसा ॥३३॥ पौर खरे हुइ कौर लगि⁵ बह बिनै बखानी। त्राहि त्राहि शरनीं परे सूनि सिफत महानी⁶। गुर सिक्ख्यिन महिं नाम तुव किं पर उपकारीं। करि सहाइता दीन लखि कटि ब्रिथा⁷ हमारी ॥३४॥

ग. सारा अहंकार छोड़कर।
 2. कोई आँचल डालकर मुख छिपा लेता।
 दोड़कर ड्योढ़ी का द्वार बंद कर अन्दर बैठ गया।
 4. तिरस्कृत।
 5. कोने में लगकर।
 6. तुम्हरी महान गुणवत्ता सुनकर।
 7. व्यथा।

लाज नाम की राखीए अरदास सुनीजै। एक वेर श्री गुर निकटि हमरी सुधि दीजै। आन यान तुझ विना नहिं जिसके ढिग जावै। दर तेरे हम पर रहे¹ करि ज्यों उर भावै।।३४॥

मारहु किधों जिवाइ दिहु हम तोहि अधीना। घर निकसे तक² शरन तुव की जिह दुख होना। इस प्रकार बहु वेनती करि केतिक काला। वैठि रहे दर पर तबहि, हुई लजित विसाला॥३६॥

लद्धा चितवति चित बिखै मैं किय उपकारा। सिभ तिज मेरे दर परे इन कारज भारा। कहिन बनिह निहं निकट गुर मुख किर हैं कारो। किम कारज इन को बनिह निहं को उपचारो ॥३७॥ बहुर बिचार्यो आपही करिहौं मुख कारा। चिं गरधव पर जाइ हों गुर के दरबारा। तो कहिबो नीको अहै बनि है इन का गू। देखिंह प्रथम सजाइ को गुर देहि निवाजू³।।३८।। करि निश्च दर खोलि के अंतर प्रविशाए। धीर दीनि करि हौं जतन गुर इच्छ पुराए। तिस दिन राखे पास निज पुन उठ्यो सकारा। पुरब मुंड मुंडाइकै मुख कीनसि कारा॥ ३९॥ गरधब करि भारा लियो4 हइ तिस असवारो। संग ढोल बजवाइओ नर पिखहिं हजारो। मग निस वसि गुर को पुरी आगल दिन आयो। प्रथम प्रकरमां नगर की करि के प्रविशायो ॥ ४० ॥ कौतक हेत् बिलोकिवे नर भे समुदाया। गरी गरी फिर नगर महिं निज बेख दिखाया। नर नारी बालक तरुन ब्रिध सकल निहारा। जस् पस्रयो सिभ 'धंन' किंह किय बड उपकारा।। ४१।।

^{1.} हम तुम्हुारे द्वार आन पड़े हैं। 2. जानकर, देखकर। 3. पहले दण्ड भुगतान देखकर गुरु निवाजेंगे अर्थात् क्षमा कर देंगे। 4. गधा भाड़े पर लिया। 5. वेष।

कौन सक करि इस बिधि पर हेतु बिसाला। धंन गुरु के सिक्ख हैं जो परम किपाला। हान लाभ पित आपनी निहं नैक बिचारा। पूरन श्री गुर बाक को इन बेख सुधारा॥ ४२॥ ढोल बजै सुनि शबद को हेरिहं नर नारी। गरी फिरि सिभ पुरी सिख पर उपकारी। थड़े सुहावित गुरु जी इम सुनि कै काना। तित को गरधब प्रेरि कै आयो समुहाना । ४३॥

इति श्री गुर प्रताप सूरज ग्रिथे त्रितिय रासे 'लद्धे आवन' प्रसंग वरननं नाम चतर चत्वारिसती अंशु ॥ ४४ ॥

^{1.} सामने।

अंशु ४५ सत्ते बलवंड प्रसंग

दोहरा

लद्धा परउपकार हित शंक नहीं मन कीनि। इनको बखशहिं श्री गुरु क्या मेरो हुइ हीन॥१॥

स्वैया छंद

सीस मुंडाइ बाल पुन बिरधिंह, मुख कारो लिउं नीर पखार। पर कारज कांयां जे आवहि² सफल जनम होवहि तिस बार। रिदै बिखै चितवहि उपकारहि सतिगर चरन प्रेम को धारि। अधिक भीर संग ढोल वजित बड शोर होति बोलित नर नारि।। २।। आयो निकट सूनी धनि श्री गुर वुझनि लगे लोक जे तीर। को आवति बड शोर मचावति ढोल बजावति लिखयति भीर। क़ौन देश की संगति है इह सिभ लिख पूछित गुनी गहीर। हाथ जोरि सिख कही बारता' सिक्खी धन सिदक प्रमुधीर ।। ३ ।। गुरमुख पर उपकारी बाक गुरु ते वेख बनाइ। गधे अरूढयो, करि मुख कारो, सीस मुंडाइ ढोल बजवाइ। फिर्यो नगर तिस के हित हेरनि आवित लोक ब्रिंद बिसमाई। इतने महिं सनमुख भा गुर के, दरशन देखति प्रेम बधाइ।। ४।। हाथ बंदि करि बंदन कीनसि पद अर्राबंदिह द्रिषटि लगाइ। गरधव चढ्यो सत्ति को उचरित किया निधान नाम तुम गाइ। पतितनि पावन, अधम उधारन, गुरू गरीब निवाज अलाइ। दास ब्रिंद बर्खाशद बिलंदे चंद मनिंद अनंद उपाइ।। ५।। रिस प्रसंनता² सफल तुमारी, छिमहु भूल निज दास पछानि। आग्या मानि प्रथम की इम किय, अपर सजाइ उचित कुछ जानि।

^{1.} पराए कार्य के लिए जो शरीर (काम) आए। 2.क्रोध और कृपा।

सो दीजहि नहिं देरि करीजहि, पुन मैं अरज गुजारिन ठानि । दीन बंधु प्रभु दयासिंघु गुर बुधि अंधे कहु दे द्रिग ग्यान ॥ ६॥ श्री अरजन अवलोकिन कीनिस लोचन जल पूरन हुइ आइ। गुर मारे कउ सिक्ख्य बचार्वाह, सिख मारहि तिस नहि कित थाई। तपत हतहि तरु जल मिलि जीवै, जल ते हति होइ² तबि सुसकाइ³। षाव स्गम लागे हुइ जीवन⁴, छल ते बचहि न प्रान नसाइ⁵ ॥ ७ ॥ सिख संगति को इम सुनाइ करि भए प्रेम बसि कह्यो न जाइ। पठे दास खर ते उतरायह पुन शनान नीके करिवाइ। पट पहिराइ निकट तिब आयो गुर पिंग पंकज रहि लपटाइ। बूझ्यो कहु लद्धा किस कारन इह अनबन तन बेख बनाइ ॥ ५ ॥ तम अंतरयामी सभि जानों छपीं बारता जग नहिं कोइ। आग्या मानि तऊ मैं भार्खीं हुते आपके बच किय सोइ⁶। करहि अरज तिस गधे चढ़ावहिं, मुख कारो ठानहिं, पिखि लोइ⁷ । मुंड मुंडाइ सजाइ देहि अस, यांते इन संगी नहिं होइ॥ ९॥ मैं रावर के बचन कमाए पूरब करि कुबेख⁸ फिरि आइ । अरज करौं पशचात किपा निधि सुनहु गुरू बखिंशद सुभाइ। सत्ता अरु बलवंड दुखित अति चित को गरव गयो विनसाइ। भए रंक रोगी बहु आतुर होति दीन जिस किस पहि जाइ।। १०।। मूल छिमापन करहु गुरू जी ! निज पग पंकज लेहु मिलाइ। श्री अरजन सिभ सभा सहत तिब उपकारी बड लख्यो सुभाइ। इतो सेद क्यों प्रापित होवा, जे हम को तूं कहित बखश देति तुव बाकिन ते हम विन हंकार भए लखि पाइ ॥ ११ ।। बिद्दया मद ते म्रख अंधे उचित सजाइ दुहिन को चीन। करे निकासनि गरब हरनि को अबि तैं तिन की रच्छ्या कीनि । लेहु बुलाइ उबारो दुख ते जे हंकार भयो उर हीन। लोह पाइ करि तपत अगनि की म्रिदुता गहहि⁹, सु लखहु प्रवीन ।। १२ ।।

^{1.} विवेक-शून्य को । 2. जल का मारा । 3 सूख जाता है । 4. स्वाभाविक चोट खाकर व्यक्ति बच जाता है । 5. किन्तु छल से मारा मृत्यु को प्राप्त होता हैं । 6. आपके ही वचनानुसार किया है । 7. लोग देखेंगे । 8. बुरा वेष । 9. लोहा भी अग्नि-ताप से नरम हो जाता है ।

तिब लद्धे हरखित नर भेज्यो श्री सितगुर ढिग लए वुलाइ। गुर अंचर कर जोरि दीन कहि शरन शरन राखहु सुखदाइ। परे अगारी गहि पग पंकज द्रिग ते निकरति जल घिघिआइ। र्छिमहु छिमहु प्रमुहमहु आप अबि करी उचित इह दई सजाइ ॥ १३ ॥ श्री अरजन तिव कह्यो तिनहु कहु सिख लद्धे को भा उपकार। इसके कहे बखण तुम दीने, बहुर विकार न करहु हंकार। अधिक हुते अपराधी दोनों श्री नानक गुर निंद उचारि। तऊ छिमा इसने करिवाई नतु दुह लोकिन कपट हजार ।। १४ ।। पुन लद्धे बहु विनती कीनसि तन अरोग इनके करि देहु। गाविन उचित सभा महिं तिब हुइं पूरव समसर जविह बनेहु। श्री अरजन भाख्यो इन दोइन गुर निंदा किय भा दुख देहु। सो अपराध निवारिन हुइ जिव, मिटिह रोग तिव निरसंदेहु ॥ १४ ॥ जिस मुख ते निंदा इन भाखी तिसते गुर जसु करिंह वखान। इह उपकार रोग तन विनर्स, होहि शरीर सु प्रथम समान। तव लद्धे दोनहु संग भाख्यो अवि दुख भंजनि[।] करहु शनान। ब्रह्म रूप श्री नानक बरनहु गुर बिन तार्यो जिनहु जहान ॥ १६॥ भिन भिन पुन पंचहुं गुर की निज बानी ते कीरति गाउ। हुइ निषकपट गरब को परहरि सति संगति महि बहुत समाउ। सुनि हरखे जनु अम्रित बरखे, दुख दारिद उर सरब बिलाउ। श्री दुखभंजन मज्जन कीनहु सिमरि नाम श्री गुर करि भाउ ॥ १७ ॥ श्री अरजन कैपुन हुइ सनमुख ठांढे भए सु दरप निकंद²। रुचिर रागनी रामकली विच करी वार उर धारि अनंद। पौड़ी चार मझार कह्यो शुभ श्री नानक को सुजस बिलंद। हुती जथा मित तथा कथ्यो तिव होनि कितारथ स्वारथवंद³ ॥ १८ ॥ इक इक पौड़ी चतुर गुरू की सुंदर कीरित कही बनाइ। श्री अरजन परतक्ख अग्र थित हाथ जोरि सभि दई सुनाइ। भए प्रसंन वार को सूनि कै तिब श्री ग्रिय विखे लिखवाइ। रोग छीन भा तन नवीन, शुभ, लोक बिलोकि रहे बिसमाइ ॥ १९ ॥

^{1. &#}x27;दु:ख-भंजनी' एक स्थान है, जहाँ पर स्नान करने वाले के रोग-मुक्त होने का वरदान प्राप्त है। 2. अहंकार दूर करके। 3. कृतार्थ होने का स्वार्थ रखने वाले।

पठहि सुनहि जो वार, प्रेमकरि तन के रुज¹ तिसके हुई हान। नितप्रति नेम करहि मुख उचरिह गुर की शरधा वधिह महान। मन बांछित को देति गुरू जसु धरिह प्रेम करि रूप ज ध्यान। अस को वसत् जो हाथ न आवै पाठ करै श्री ग्रिंथ महान ॥ २०॥ सभा लगी श्री अरजन जी तिव लद्धे की उपमा बड कीनि। धंन सिक्ख्य पुन परउपकारी पर हित जिनह लाज तजि दीन। कर न सकिह को कर्यो सु ऐसे, जाने भए रवावी दीन। \mathbf{g}^{2} पुरि बिखें कुबेख दिखायो अरज गुजार की० दुख हीन 2 ॥ २१॥ सार महा सिमरिन सितनाम् कार महां करिवे उपकार। इन दोनह बिन मानख तन धिक समो बितावहि लखहि न सार। पछ सींग बिन पस जनम तिन, आए बाद बीच संसार। अंत समें जमदूत गहै दिढ़, झ्रति गमनींह है कर झारि।। २२।। पन दान, तप, मख³ को करिबो, हेति न परउपकार समान। कलमल करिन अनेकिन गंती कित्रघण के सम कोइ न जानि। रहिन अहिंस, धरम सिभ कीने, हिंसा करे पाप पहिचान। यांते नित चितवहि उपकारू धन ते तन ते मन ते ठानि ।। २३ ।। नर शुभ सभा सभै सुनि श्रौनिनि⁴ ग्र बाकिन पर निगचा कीनि। सत्तिनाम को सिमरन ठानैं उप उपकार करिन हित चीन। पुन लढ़ा दिन केतिक रहि करि जाची बिदा होइ करि दीन। दासनि दास दयानिधि जानह औगुन के समेता गुन हीन।। २४।। सिक्ख्य तुमारो कहै जगत मझ लाज बिरद की राखनहार। सुनि प्रसंन श्री अरजन होए कीनसि विदा सु म्रिदुल उचार। पद अरविंद बंदना ठानी कीनि प्रदच्छन फिरि चहुं बार । पुन हरिमंदिर अंदर गमन्यो तिहं वंदन कीनिस हित धारि।। २५।। लवपुरि को गमन्यो उर हरखित गुर जसु दीरव करित बखान। सगरे नगर उचारति जित कित निज सिक्खनि पर करुना ठानि। इत श्री अरजन रचित ग्रिंथ नित लिखति जाति गुरदास सुजान। राग बसंत बनाइ शबद सभि लगे वार करिवे सुखदान ॥ २६ ॥

^{1.} रोग। 2. दु:ख दूर किए। 3. यज्ञ। 4. शुभ सभा में सब मनुष्यों ने कानों सुनकर। 5. चार बार परिक्रमा की।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

पौड़ी तीन उचारिन कीनी सूपकार तिब हुं चिलआइ।
प्रभु जी भोजन अबि तयार है राबर की जिम होइ रजाइ।
हित अहार के आदर किरवे श्री गुर हटे, न बहुर बनाइ।
अच्यो अनाइ विपत तिब हैं किर निज संगति मिंह इहु बिदताइ॥ २७॥
तितनी रही न बहुर बनाई अपर ख्याल मिंह गे बिरमाइ।
सत्ते अर बलबंड कथा को केतिक सिक्ख कहै इस भाइ।
श्री गुर अमर हदूर भए हैं तिनहु निकासे पुनंहु मिलाइ।
सो मित्थ्या इम लखी जाति है नीके निरनै कीनि बनाइ॥ २८॥
रची बार गुर कीरित की तिन लिखे बीच पंचे पितशाहु।
प्रथम हुते जे कहित कुतो इम³, यांते श्री अरजन के पाहि।
नहीं संदेह कीजीए कोई सिक्ख बिचारहु निज मन मांहि।
किव संतोख सिंह सिमरहु सितगुर कथा सुनो चित उचटहु नांहि॥ २९॥

दोहरा

नितप्रति श्री अरजन गुरू वानी रचिंह नवीन।
परमेशुर को सुजसु बहु के सुभ संत प्रवीन।। ३०।।
सिमरन किर सितनाम को नर तन बाद न खोइ।
करो सफल लिंग कै अचल तुम को सिभ सुख होइ।। ३१।।
बहुत भांति के सुजस जुित लिखवाविंह उपदेश।
अपने मन पर कितिक किंह सिक्ख्यिन हरिन कलेश।। ३२।।
लाखहुं नर पिठ सुनिन किर गुरमित को उर धारि।
छोिड सकल जंजाल को होए भवजल पार।। ३३।।

चौपई

श्री अरजन सम पर उपकारी। हुयो न है, होहि न हितधारी। दोनो बडे जहाज बनाए। भरिभरि पूर सु पार लंघाए॥ ३४॥ श्री अंग्रतसर विच हरिमंदिर। रचना बहु बनाइ करि सुंदर। श्री ग्रिंथे साहिब रिच दूजा। निज थल थित करि ठानी पूजा॥ ३५॥ इन दोनहु को आश्रित ह्वं कैं। करित जीवका बहु सुख पै कैं। इम इस लोक भला बहु केरा। कर्यो गुरू अरजन हित हेरा॥ ३६॥

^{1.} पुन: रचना नहीं की (आगे 'वार' नहीं लिखी)। 2. रम गए। 3. जो हम पहले हुए होते, तो कैसे कहते (इस भाव से)। 4. जीवन-निर्वाह करते हैं (सिक्ख इनके आश्रय)।

शारधा धरहिं सुधासर मज्जिहिं। पाप कमाते सिभ ही भजिहिं।
हिर मंदिर मिह हिर जसु गाए। कैधौं बैठि सुनिहं मन लाए।। ३७।।
अघ को तिज किर शुभ गित लीना। इम परलोक भला गुर कीना।
यांते इन समसर उपकारी। अपर न सुन्यों न कबहुं निहारी।। ३८।।
धिन गुरू अरजन गुन खानी। परउपकार रैन दिन ठानी।
बार बार तिन के पग नमो। करहु सहाइ अंत के समो।। ३९।।

इति श्री गुर प्रताप सूरज ग्रिंथे त्रितीग्रा रासे 'सत्ते बलवंड प्रसंग' बरनंन नाम पंच चत्वारिंसती अंशु ।। ४५ ॥

अंशु ४६ कान्हा आदिक भगति आवन प्रसंग

दोहरा
विदा होइ लढ़ा गयो पुरि लहीर की ओर।
सदन प्रवेश्यो जाइ करि मिले सिक्ख कर जोरि॥ १॥
सवैयाछंड

करहिं परसपर नमो भाउ, धरि वूझहिं कुशल बहुर गुर गाथ। किम परचित सिक्ख्यिन दे दरशन, किस थल वैठित हैं जग नाथ। तुम चिल गए प्रसंग भयो किम, कह्यो कहां तिब श्री मुख साथ। कौन बेस ते मिले प्रथम गुर हाथ जोरि जिब टेक्यो माथ ॥ २॥ लद्धे कह्यो कहां लगि कहि हौं श्री अरजन के गुन विसथारि । एक जीह क्या बपुरी समरथ उचरे जाइं न, धरौं हजार¹। नीरध से गंभीर धीर धरि सदा सुशील छबीले चारू। करित उधारिन नरिन हजारिन इह तो सदाबरत बिवहार² ॥ ३ ॥ गुन अनगिन, क्या गिनती भनि हों, इक गुन पिखि मैं हुइ बलिहार। धन ते तन ते मन ते दिन प्रति करना कलित करित उपकार। प्रथम सुधासर सिरज्यो सुंदर शोभित चहुं दिशि ते इकसार। कलमल टारिंह मज्जन धारिंह नाम उचारिंह संझ सकार³ ॥ ४ ॥ अबि श्री नानक आदि जि बानी अनिक जतन ते करि इक थाइं। तिसिह मिलाइ शब्द सम्दाइ जि रचित रिचर नितप्रति सुखदाइ। ठट्यो चहति हैं बीड़ बडेरी बनहि ग्रिंथ साहिब छिब पाइ। आप अछत4 अरु पाछे कलि महिं जिसको पठि सूनि मोह नसाइ।। ५।। गाडीमग⁵ सिक्खी बिसतारी मनो निशान तुंग छवि धार। पठित सुनित मन द्रवित सुचित हुइ शुभ कलयान बताइ सुखारि।

^{1.} बेचारी एक जीभ से क्या उचारू, हज़ार (जिह्वाएँ) भी हों, (तो भी) कहे नहीं जा सकते । 2. सदैव (उनका) यही व्यवहार है । 3. साँझ-सवेरे । 4. अपने रहते । 5. प्रशस्त-पथ ।

सिक्ख सिमरि सितनाम सुखारे सकल सुखिन लिह श्रेय उदार। करामात जाहर जिस मींह नित करित गुरू अबि इह उपकार ॥ ६ ॥ भगत ब्रिंद आवित नितप्रति ढिग, सो बानी निज नई बनाई। प्रथम शबद बिच राग गुरनि के पीछे भगत अपनि लिखवाई । लिख्यो गयो बहु, तनक रह्यो अबि इसी ख्याल महिं गुरबिरमाइ। पुरि महिं लद्धे सकल सुनाई सुनि सुनि जिंह किहं भी बिदताइ।। ७॥ लवपुरि तिसी समें महिं होतो चतुरभगत शुभ पंथ मझार। इक कान्हा छज्जु कहि दूजो, शाहि हुसैन, सु पीलो चार। बिथर्यो² गुर बिरतांत नगर महिं, इनहिं सुन्यो तबि सरव प्रकार। भगतिन वानी लिखीं ग्रिंथ मिंह इम सुनि इन के छोभ उदार ।। ८।। श्री नानक गादी पर वैठे श्री अरजन परताप महान। सुमतिवंत, सरबग्य, सधीरज, सद गुन किंह लगि करें वखान। अपर भगत जे सरब हकारे, हमिंह हकारिन क्यों नींह ठानि। इह क्या कीनि विचारित चित मैं भए संदेह कुछक रिसवान ।। ९ ।। इक दिन चारों मिले परसपर इस ब्रितांत हित करित उचार। बन्यो ग्रिथ साहिब परमारथ गिने गए जे भगत उदार। सगल जगत मिंह इह बिसतीरिह जिम सिक्खी जिंह किहं विसतार। हमरो नाम लिख्यो नहिं जे तिहं बिदतिह नहिं पाछे संसार ॥ १० ॥ इसको जतन करह जिम होवहि, अपने शबद लिखावो तांहि। कान्हे भन्यो कौन सुधि ल्यायो प्रथमै निरनै करि लिह तांहि। कहि पीलो लढ़ा सिख इक है, गा उपकार हेत् गुर पाहि। तिसने देखति सुन्यो प्रसंग इह निशचे कीनसि, मिथ्या नाँहि ॥ ११ ॥ शाह हसैन भन्यो तिह सिक्ख को वृझह अपनि हदूर वुलाइ। बहुर उपाव करींह जिम होविह सरव प्रसंग सु देय सुनाइ। तिव छज्जु ने दास पठायों लद्धा कर्यो अवाहनि³ जाइ। गमन्यो भगतिन के ढिग हरखित, मिल्यो चरन पर सीस निवाइ।। १२।। कह लद्धा सतिगुरू बारता किस परचे महि दिवस विहाइं। क्या देख्यो तैं तहां जाइ करि सो हम को सिभ देह सुनाइ। हाथ जोरि करि कही सरब तिन अबि बानी को रहे बनाइ। रैन दिवस हुइ इसके ततपर नाना भांतिनि शबद लिखाइं।। १३।।

^{1.} थोड़ी रह गई है। 2. फैल गया। 3. आह्वान।

पंच गुरिन की प्रथम लिखनि हैं तिन पीछे सिभ भगत लिखाई। आदि कवीर प्रतच्छ होइ करिनवें शवद निज देति वनाइ। गन रागिन महि लिखित जाति बहु है भाई गुरदास जिनाइ। बन्यो प्रिथ वड जनु जहाज है भउजल ते पार जु उतराइ॥ १४॥ बहुत बन्यो, कुछ रह्यो तनक अवि, केतिक दिवस विखै हुइ त्यार। सुनि कान्हा पूछिनि पुन लाग्यो भगत आगवन किसू प्रकार ?। गरू अवाहन ते सो आए, किधौं अवाहन बिन तिथवार। को दरसित है तिन सरूप को, कित बैठे इह सकल उचार।। १५।। लद्धे भन्यो इकति भए गुर वन महि वहिर सु डेरा लाइ। प्रथम राग श्री राग बखान्यो तबहि भगत आए समुदाइ। श्री अरजन सों करि संवाद शुभ पुन गुरदास सरूप दिखाइ। तिस ढिग कहति लिखति सो जावहि इस प्रकार अवि ली लिखवाइ ।। १६ ।। इम कहि लद्धा गयो सदन को पुनिह परसपर करित विचार। विना हकारिन ते सो पहुंचे, तुम भी चलहु सु इसी प्रकार। निजवानी श्री प्रिय चढावो रहै नाम थिर जगत मझार। मन आगै को सिभ ही जानींह लिखवावहु किह सबद मझार ॥ १७ ॥ इम सलाह करि निसा विताई भई प्रात कान्हा असवार। तीनहुं अपर गमन को ठान्यो, जिन के उर कुछ कुछ हंकार। पंथ जामनी एक बिताई अगले दि गुर पुरी मझार। आइ प्रयेशे, मान विशेषे¹, पहुंचे श्री गुर के दरवार ॥ १८॥ हरिमंदिर सुंदर के अंदर श्री गुर शोभति बहु तिसकाल। लखे मान जुत भगत आगवन आगै ठांढे भए किपाल। वंदन ठानि परसपर हरखति, कहि वैठारे सभि हित नाल। श्री अरजन सादर किह माधुर सिभिहिनि कहना कीनि विसाल ॥ १९ ॥ दरशन दीनि ऋतारथ कीनिस, परमारथ मन भीनिस नीति। बिचरहु नरिन उधारिन कारन, करे निहारिन हुइ सुख चीत । मिलहु सधारन मोहु विदारन 2 , दारुन दुख टारिन की रीति। तारन तारनि शरन प्रतिपारन, जीत विकारनि ते विष्प्रीत ॥ २० ॥ कारन कवन आप आगवनू गुर भवनू मिलि करि समुदाइ?। सिभ मिं अधिक हंकारी कान्हा कानि सुनित जसुमन उमगाइ।

^{1.} विशेष अभिमान सहित । 2. साधारण मिलन द्वारा भी मोह नाश करते हैं।

आविन हेतु निकेत विखे तुम हमरो भयो लखह इस भाइ। सुन्यो तहां बड रच्यो ग्रिथ जी बानी पंच गुरूनि बनाइ।। २१।। गन भगतिन के शबद लिखाए सिभ रागन के बिखै बनाइ। तिन सिभ के नहिं देह ग्रेह अबि, जग मिहं बिदत नहीं बहु थाई। बाद रहैं ठानित बहु हिंदू तुरक न चीनि सकहिं समदाइ। कहां भए नर लखिंह न तिनको हुते कौन, किम भए सुभाइ॥ २२॥ हम जीवति आनंद रस पीवति विदत सु थीवति जगत मझार। जानहिं राउ रंक महिं सगरे मानहिं बचन चरन सिर धारि। आग्या लखें बेद सम हमरी, करि नहिं सकहै की हटकार1। इम बिसतरित सुजसु सिभ दिशि मिहि, तुम क्या निह जानित इह सार ।। २३ ।। बानी लिखी म्रितक जे हुइगे, हम जीवति की सुधि नहिं लीनि। जे हमरे तुम शबद लिखहु नहि, किम प्रमान हुइ ग्रंथ नवीन²। सुनहिं न, पढिंह न, कह्यों न मानहिं, लिखिंह न जे नर अधिक प्रबीन। यांते नीकी बाति न कीनसि तुमहो जग गुर, लीजहु चीनि ॥ २४॥ बोले श्री अरजन हम बानी जित कित हुती करी इक थाई। ब्रिंद भगत सो लखि करि आए तिन सो कह्यो सु हम समुझाइ। गुरबानी अनुसार बनाई देखि मिलति को दई लिखाइ। तुम अबि आए करहु शबद निज सुनैं उचित तिब लेहि चढ़ाइ।। २५॥ ब्रह्मग्यान को मन अभिमाना सुनि कान्हा उर हरखित होइ। जान्यो गुरु अनुसारि हमारे, मैं क्या लघु हों लखहिं न जोइ। बानी करौं बनावन अपनी ब्रह्मग्यान के बिखै परोइ। बिदतिह जित कित चित इम चितवित बोल्यो सबद अहंब्रह्म सोइ।। २६॥

कान्हउ वाच ओही रे मैं ओही रे

जांकउ बेद पुरान सिभ गावें खोजित खोज न कोई रे। जाको नारद सारद सेवें, सेवें देवी देवा रे। ब्रह्मा बिसनु महेस अराधिंह सिभ करदे जाकी सेवा रे। कहे कान्हा अस मम सरूप है अपरंपर अलख अभेवा रे।

टालना, हटाना । 2. यह नवीन ग्रंथ क्योंकर प्रमाणित माना जाएगा (हमारी वाणी के विना)।

मवंया छन्द

इम आशै जिव अपन जनायहु श्री अरजन सुनि दीनि हटाई। हमरे इहु परमाण न हुइ है, पठै सिक्ख हंकार बढाइं। है तो सही, तऊं नर कलिके बिगरिंह लगिंह विकारन धाई। गति कित रही नरक हुई प्रापत, यांते हम नहिं इसै चढाइं।। २७।। इस पर सुनि द्रिपटांत हमारे, ब्रह्म ग्यान अरु द्रित समान। कफी¹ हंकारी खाइ ग्रहन करि छाती वोझ वधहि, वड भान । पित्ती सहत बिकारी 2 जे नर लिखै लगै अतिसार महान । पुषट होन गति प्रापति होइ न रोगी कषट नरक पहिचान ॥ २८ ॥ सुखतो रह्यो महांदुख पावहि यांते हमरे नहीं सो ब्रह्म ग्यान द्यित को ले करि मिशरी भगति मिलावन ठानि। सुखदायक सिभ नर को जानह इस प्रकार करि ले कल्यान। अहंब्रह्म तउ उर महि बासे मुख ते कहै दास दासानि^२ ।। ५९ ।। इह मत हमरो मिलै न तुम सों ग्रिथ बिखै किम देहिं लिखाइ। शबद विरोधी मिलहिं न इक थल, राखह आप लिखह कित थाइं। गुर घर नंम्र थान महिं जागहु नंम्र होहि सो मिलि करि जाइ। ऊचो सदा त्रास को पावहि, वायु आदि ते संकट पाइ।। ३०।। बचन विलास सुने जिब गुर के उत्तर फुर्यो न, रह्यो विचार। सभा विखै खिझ करि रिसधारी लाल बिलोचन करि तिस वार। सभि महिं कर्यो निरादर मेरो, आयो लखि न कर्यो सतिकार। जुकति उकति करि⁴ सबद हटायह सिभ बेदिन को जिस मिह सार ॥ ३१ ॥ कहित भयो अबि सहह स्नाप मम विसकारिन को लिह फल पाइ। तुमरो होइ निरादर अतिशै तुरकनि घर तो मिलहि सजाइ। जिह सजाइ ते प्रान विनाशहिं परहु रिपुन विस जे दुखदाइ। बनिता सों मिलनि न होवहि अंत समो ऐसो बनि जाइ।। ३२।। स्नि श्री अरजन रिदै बिचारी इसने दीनहं स्नाप उदार। प्रथम मान घरि आविन कीनो भगत आपते अलप बिचारि।

^{1.} कफ़-युक्त (रोग)। 2. पित्ती बढ़ने के साथ-साथ विकारोत्पत्ति (रोग)।
3. (हमारा लक्ष्य तो यह है कि सिक्ख) अहम् ब्रह्म को मन में रखे और मुंह से दासानुदास कहलाए। 4. टालमटोल करके।

शबद मन्यो अहंकार महां जुित पढिह सुनिह सु करिह हंकार ।
अमिल जान किर दयो हटाइ सु इस ने कर्यो क्रीध दुखकार ॥ ३३ ॥
हम जे स्नाप देहिं निह इसको अफर जाइगो दीरिय मान ।
गन भगतिन को अलप जानिबे जे न मिल फल इसे महान ।
इम बिचारि उर, बोले श्री गुर. हम लहौर तुझ देहिं न जािन ।
राखिहं बहिर स्नितु को पाविहं अवगित मरिह होइ हैरान ॥ ३४ ॥
सुनिक पुन कान्हा भिन बैनिन बरख पंच सै उमर बिसाल ।
बिघन अनेक समीप न आविह जोग अभ्यास करों सिभकाल ।
काल जाल जिंह पोहि न साकि अस मठ मिह बासों निसचािल ।
मैं न भरीं, तुम स्नाप विफल ह्वं, दसमद्वार की करों संभाल ॥ ३५ ॥
श्री अरजन कि जीन मठीली बस किर धारित बड अभिमान ।
सो फूटहिंगी, बसिंह कहां फुन, करहु अबिह परलोक पयान ।
जियबो आस न धिर, निरास बिन, हाड पिजरे प्रेम न ठािन ।
जीवित रह्यो समै बहतेरो जिस ते उर हंकार महांन ॥ ३६ ॥

दोहरा

कितिक काल तूषिन भए सभा बखै सिभ कोइ। बिसमे सुनि कै स्नाप बिंड होनी होइसु होइ।। ३७।। रिदा गिरा हित मेलिबे मिले हुते इक थान। भावी ने ऐसी करी बध्यो बियोग महान।। ३८।।

इति श्री प्रताप सूरज ग्रिथे 'कान्हा आदिक भगति आवन' प्रसंग बरन<mark>नं नाम</mark> खषट चतुर्वारिसती अंशु ॥ ४६ ॥

^{1.} अहं कार से अधिक ऐंठ जायेगा। 2. पहुंच।

अंशु ४७

कान्हा आदि भगत प्रसंग

दोहरा

कितिक काल तूषन रहे सभा न बोल्यो कोइ। स्री अरजन पीलो दिशा कीनि बिलोचन जोइ।। १।।

सर्वया छंद

पीलो भगत आपनो मत कहु हमिह सुनावो शब्द बनाइ। जिसते गुरमित हुइ उपदेशिन सिमर्राह परमेशुर लिवलाई। होइ श्रेय मग लहिंह सुगम ही भाउ भगित के संग मिलाइ। सुनित सभा मिह शबद बखान्यो पीलो अपनो मतो सुनाइ॥ २॥

पीलो वाचु

पीलो असां नालों से भले जंमदिआं जुमुए। स्रोनां चिक्कड़ पाव न बोड़िआ न आलूद¹ भए॥

सवैया छंद

इह भी निह प्रमान हम किर हैं जिस मिह नहीं भगित उपदेश। श्री करतार केर इह भाणा जंमण मरणा सीस असेस²। पाइ जनम नर लाभ लेय शुभ, भजिह सदा सितनामु विशेष। मानिह हुकम खसम को नीको त्यागिह हुउमैं सहत कलेश।। ३।।

दोहरा

छज्जू कहु मत आपनो जस निशचा मन कीनि। गुर आइसु को मानि करि बोल्यो शब्द नवीन।। ४।।

^{1.} उन्होंने कीचड़ में पाँव नहीं डुबाया और नहीं वे मिलन हुए। 2. सब के साथ सम्बद्ध है।

छज्जु वाच

कागद संदी पूतली तऊ न त्रिया निहार। यौं ही मार लिजावही जथा बलोचनि धार¹।। १॥

सबैया छंद

छण्जू भगत सुनो मित हमरो पंथ रच्यो करिबे सितसंग! सिमरिह मिलि किर श्री परमेसुर ग्रिहसत बिखै लिव साइं अभंग! कार धरम की किर गुजरानिहं, सेविहं संतिन सहत उमंग। भाउ भगित किर जगत सुतिर हैं, सित्ताम को चिढ़बो रंग।। १।। ग्रिहसत बिनां निहं अपर जतन अबि बन मैं छुधित रह्यो निहं जाइ। नगर निकट जिब रहिन लगै इहु नर नारी मिलि हैं समुदाइ। मिले बीच मन निहं बिकार हुइ अस बिरलो जग मिह को आइ। किम निहं त्रिय को पिखिहं त्याग किर, यांते ग्रिहसत बिखै प्रभु पाइं।। ६।! निज तन ते श्रम करें खाट घन बहुर बांट किर भोजन खांइ। बिन हंकार करिह सितसंगित पंगित वैठि भगित किर भाइ। श्री प्रभु की इक शरिन बिनां अबि अपर जतन को समो न काइ। यांते ग्रिहसत बिखै उपदेशन करित किरत हिर निहं बिसराइ।। ७॥

दोहरा

आयसु गुर की पाइ करि बोल्यो शाहु हुसैन। सभा बिखै सभि ही सुनहिं तिसकी दिश करि नैन।। ८।।

शाहु हुसैनो वाच

चुप्प वे अड़िआ² चुप्प वे अड़िआ। बोलण दी नहीं जाइ³ वे अड़िआ। सज्जणा बोलण दी जाइ नाहीं। अंदर बाहर हिक्का⁴ साईं। किसनूं आख सुणाईं। इको दिलबर सिभ घट रिवआ दूजी नहीं कदाईं। कहे हुसैन फकीर निमाणा सितगुर थों बिल-बिल जांही।। १।।

सवैया छंद

श्री अरजन मुसकावत बोले कहना भरे रसीले नैन।

1. बलोचों का धावा। 2. अरे ! 3. जगह। 4. एक ही।

भला कह्यो चुप करह रिदै रिख, रहह अबोले शाह हुसैन। इह तीनहु श्री गुर के सनमुख प्रति उत्तर को कह्यो न वैन। भए प्रथम ही स्नाप घोर बहु यांते शांति कीनि मन चैन ॥ ९॥ अनरस भयो संग श्री गुर के उठि करि गमने लवपुरि ओर। श्री अंम्रितसर नहीं बास किय, वस न चल्यो कुछ लेखि गुर जोर। निज आविन को कहि पछ्ताविन लह्यो अनादर स्नाप जुघोर। रहति सदन अपने चित हरखित किम आवित इम हइ इस ठौर 1 ।। १०॥ तिब स्यंदन मिंह कान्हा चिंढ करि बैठयो पदमासन कउ भारि। महां योग ग्रम्भयासी बल ते पौन चढ़ाइ दसमें द्वार। श्री अरजन के स्नाप कहे ते चितवति चित महि वह डर धारि। निंह सरीर सूधि टिके स्बास जिब गमने मारग भगत सु चार ।। ११ ।। चलित कूसीन² मानि करि तीनह जानी मन हुइ विघन महान। सगरे वासुर गमने मारग केतिक घटी रह्यो दिन आन। लवपूरि लगे विलोकिन तिब हं त्रास छोर किर भी सुख मान। सूत जाति स्यंदन को प्रेरित अदि तूरनता चलिवे ठानि ॥ १२ ॥ तिस छिन महां प्रभंजन गमनी 3 , भंजन ब्रिच्छ ग्रनेकिन केर 4 । कंकर सहत धूल वह उडकरि पसरी जित कित गगन बडेर। लोकिन पसुनि विलोचन मूंदे, आगे पाछे जाइ न हेर। व्याकुल करे जीव बहु जिसने बडी अंधेरी कीनि अंधेर ।। १३ ॥ त्रास करे वाहन तिह बिदके इत उत फिरे भ्रमत तिज राहु। जोर जतन करि हाथ डोर धरि 5 बहुत सारथी रोकहि तांहु। विखम थान तिव उलट्यो रथ, गिर कान्हा, पर्यो भूम के मांहु। नहिं सुधि लई गई किसहूं ते करहिं उचाविन जे तिस पांहु ॥ १४ ॥ वाहन दौरति रथ को ऐंचित कान्हे के सिर पर सो जाइ। फुट्यो निकसी मिज्झ सीस ते ततछिन गए प्रान बिनसाइ। आप नहीं तन की सुधि मांहू जिसते उठि इत उतिह बचाई । सुनो स्यंदन हेरि सारथी टिक सो रह्यो नहीं सुधि पाइ।। १५।। बायु बिसाल बहुर ततकालिह हटी धूल जुति, बिमल अकाश। खोलि बिलोचन लगे बिलोकन मारतंड को भयो प्रकाश।

^{1.} यदि जानते कि यहाँ ऐसी होगी, तो क्यों आते । 2. अपशकुन । 3. तेज आधी चली । 4. अनेक वृक्षों को तोड़ने वाली । 5. लगाम पकड़ कर, रस्सी पकड़ कर ।

देख्यो पर्यो सीस जिस फूट्यो श्री गुर बच ते प्रान बिनाश । हाहाकार सु करति उठायो ले पुरि गमने तन बिन स्वास ।। १६।। ससकार्यों मिलि नरिन उचार्यो कहां भयो इस वैस महान²। सकल प्रसंग सुनायह लवपुरि तीनह भगत सु बाक बखानि। सुनि सिभ सितगुर लख्यो प्रतापी कहिबो रामचंद के वान। निश फल होहिं न सुख दुख दाइक, अचरज भयो वडो सभि जानि ॥ १७ ॥ कौन अरै सतिग्र के आगै, अमर मरै अचल जू चिल जाइ। बड अथाहि को थाहि देति करि, महांवली ततछिन निवलाइ। मेरू बडाई राई ठानति, पातिशाह को रंक बनाइ। महां सूरमा काइर होवहि गुर रिस तनक जि द्रिपटि चलाइ ।। १८ ।। इम ब्रितांत भा चारुन भगतिन इते श्री गुरू ग्रिंथ लिखाइ। राग प्रभाती लगि ज् सबद शुभ गाविन रीती दए बनाइ। बहुर शलोक ज् सहंसिकत्त के सो गुरूदास लिखे हरखाइ। जिम इहु बने प्रसंग सु उचरों श्रोतिन के संदेह मिटाइ।। १९।। कांशी ते इकदिन द्वै पंडित चिल आए श्री अरजन पास । किशन लाल हरिलाल नाम तिनि भगत गुरू के गुननि निवास । सितगुर को बहु भाउ धरित उर दरशन करिवे की जिन प्यास। चित चाहति परलोक सुखिन को जग के त्यागे विखे बिलास ॥ २०॥ आनि मिले पग बंदन करिकै वैठि निकट दरशन दरसंति। श्री अरजन जी बहु सनमाने बुझिन कीनिस तिनहु तुरंत। दिजबर कहां सदन हैं तुमरे किह सथान गमने हितवंत। कौन काज अर नाम कौन है, वेस वेस दीखित मितवंत³।। २१।। हाथ जोरि करि दुऊ सहोदर बोले वाक सु विननी संग। आप अहो तुम अंतजामी बिना भने सिभ लखहू प्रसंग। तदिप कहैं तुम बूझिन कीनिस, कांशी बर्सीह तीर पुरि गंग। सुजसु सुन्यो रावर को दीरघ दरशन हित आए दुख भंग।। २२।। एक समैं श्री नानक पहुंचे कांशी विखे विराजे जाइ। बहू दिजबर तिब चरचा कीनी सुनि कै सकल रहे हरखाइ।

 ⁽दाह) संस्कार किया ।
 लम्बी आयु (के दावा का) क्या हुआ ?
 सुन्दर
 स्वरूप और मितवान दीख पड़ते हैं ।

हतो पितामा हमरो तिस छिन भाउ भगति वह कीनि वनाइ। तिब उपदेश गुरु जी दीनिस सित्तिनाम लिव दई लगाई।। २३:। अपने करे शलोक चार तबि करि कागदि पर दिए लिखाइ। लिखे पितामे के सो घर महिं हेर हमों सो कंठ कराइ। जिन महिंदंभ निकंदन कीनसि, उर को साच सू लेखो पाइ। 'पढ़ पुसतक अर संध्या बादं' इत्यादिक पठि दए सुनाइ ।। २४ ।। तुमने करे सुहमें लिखावह नांहि त दीजै अवहि वनाइ। जिस ते गूर मित को हम धरि के सित्तनाम भिज प्रभु गून गाइ। सार करहू उपदेशनि श्री गुर उर उज्जल जिसते हुइ जाइ। निज मुख संग शलोक रचहु बर सहंसिकती की रीती पाइ।। २५।। सुनि दिजवर ते प्रीति हेरि करि श्री अरजन जी तबहि बनाइ। सभि शलोक किय सहंसिकती महिं बहुरो गाथा रुचिर सुहाइ। सुनि द्वै भ्रात अनंदति ह्वै करि गुर के चरन रहे लपटाइ। प्रभु प्रेम को रस जिन आयह सत्तिनाम सिमरन मन भाइ।। २६।। जबहि बंदना कीनसि गूर पग मन महि बध्यो अनंद विलंद। उसतित करित भए श्री अरजन रामचंद तुम रूप मुकंद। कंस विनाशक किशन ग्राप हो श्री नानक की जीति स्छंद। तुही त्रिअंवक¹ काशी पुरि मिंह, तारक मंत्र देति सुखकंद ॥ २७ ॥ दूरे रहह नहिं जानि सकहिं सभि जिस पर आप होति अनुकृत । सो रावरि को रूप पछानहिं एक तुही सभि जग को मूल। अज, अबिनाशी, लख्मी दासी, करहु विनाशी जे प्रतिकृत। विध हुइ रचो, विशन हुइ पोखहु, रुद्र होइ जग हरहु अभूल 2 ।। २८।। सूनि प्रसंन उर सतिगूर है करि कह्यो जाचीये निज अभिलाख। आसा धरे दूर ते आए पूरन करो न गुपती राख। दौन सहोदर तिव कर जोरे परम प्रेम कर बिनती भाखि। दरशन ते कारज भे पूरन, नहीं रही क्यों हूं उर कांख 3।। २९।। अपनो सिदक सदा उर देवह जगत कुवंधनि सरब मिटाइ। चरन आपके मन महिं बासहिं, निसदिन सिमरिंह हरि गुन गाइ।

^{1.} शिव। 2. ब्रह्मा के रूप में रचियता, विष्णु रूप में पोषक तथा शिव रूप में संहारक (तुम्हीं तो) हो। 3. मनोवांछा।

सुनति सति गुरू कह्यो तथासत् बर को पाइ रहे हरिखाइ। केतिक दिन बसिकरि अंग्रितसर हइ पुन बिदा गए निजथाई ॥ ३०॥ सो सलोक लिखवावनि कीने श्री अरजन रागनि के अंत। बहुर पिख्यो गुर दास लिखारी बोले श्री गुर वदन सुमंति । निज बानी तें कीनि बनाविन आन दिखावो गूर जसवंत। तिस छिन भगत समीप हते सिभ चरचा करति अलेख विअंत ॥ ३१ ॥ मानि बचन गुरदास गयो तबि निज डेरे ते ल्यावन कीनि। बैठि पाठ करि तबहि सुनाइ जिस महिं महिमा गुरू प्रवीन। भगत ब्रिंद जित सतिग्र सनिकै भए प्रसंन सलाहित चीनि । श्री मख ते तबिहं फूरमायह लिखह ग्रंथ महिं रची जुबीन¹।। ३३।। सुनि गूरदास हाथ को जोरित मैं रावरि दासन को दास। सेवक अवनी तल मींह बैसहि, साहिब उचित तखत बिलास। तिम अंतर बानी महिं होवत, कित पटबीजन कित सपतास्²। किम समता हुइ तुच्छ कीट मैं, ग्राप महिद ते महिद प्रकाश ॥ ३३ ॥ तीन वेर फूरमायह सतिगूर बिनै सहत भाई कर वंदि। अलप आप को लखि करि उर महि नहि समता चाहति जग बंद। अति प्रसंन हुइ बर गुर दीनह तुव बानी फल होइ बिलंद। पढित सुनित गूर सिक्खी प्रापित शरधा सितगूर बधिह मुकंद ॥ ३४ ॥

दोहरा

हाथ जोरि चरनी पर्यो तिब भाई गुरदास।
बरबानीको गुर दयो अनद बिलंद प्रकाश।। ३५।।
इति श्री गुर प्रताप सूरज ग्रिंथे त्रितिय रासे 'कान्हा आदि भगत' प्रसंग बरननं
नामु सपत चतवारिंसती अंश।। ४७।।

^{1.} चुनी हुई। 2. सप्ताश्य, सूर्य।

अंशु ४८

वेद भटिन को प्रसंग

दोहरा

भगत विराजित निकट गुर दरशन ते सुख पाइ। मनहुं शांति चित शिव थियों बीच मुनिनि समुदाई।। १।।

सवैया छंद

मनहु ग्यान निज तन धरि बैठ्यो सद गुन निकट भगत इस भाइ । श्री अरजन दरशन जनु अंग्नित पुटिन विलोचन पीवित जाइ। निहं त्रिपतिहं हित करि ढिंग बैठिहं सुनिहं बचन त्यों त्यों हरखाइ। महां सुशील प्रेम परि पूरण प्रभु सिमरन उपदेश बताइ॥२॥ लख्यो समां तिव विदा भगत हुइ अपने अपने थान प्यान। पुन आए सिभ वेद देहधरि स्री अरजन को बंदन ठानि। चाहिति भे गुर कयों सु चित मैं अनिक भांति की उसतित ठानि। जिस कारन अवतरे जगत मिंह तिसकी उर अभिलाख महांन॥३॥

दोहरा

सुनि श्रोतिन सुख पाइ करि बूझी कथा बिचार। वेद धर्यों नर देह को इह कही यहि बिसतार।। ४।।

सबैया छंद

सुनहु सिक्ख सितगुर की मिहमा जिस ते मन बांछित फल पाइ।
सिभ वेदिन अवतार धर्यो जिम सो प्रसंग सिभ देउं सुनाइ।
कांशी बास श्रुति सिभ ठानित सिभ बिद्या को जिंह समुदाइ।
निरने होति ब्रह्म को नितप्रित पढिँह बिचारिंह बुधि बिरधाइ।। ५।।
बास करित इक समै बेद तिँह अतिशै रिदे कीनि हंकार।
निरनो हम ते होति ब्रह्म को करिँह बिचारन सार असार।

^{1.} इस प्रकार। 2. चित्त में गुरु धारण करना चाहा।

नात्र अंधकार बिसतरि है, हम ते जगत प्रकाश उादर¹। अग्गयानी मन लहिह ग्यान को, पाइ मुकति को, बंधन टारि।। ६।। पारब्रह्म ने लखि बेदनि गति जिन के भयो हंकार विकार। इही जनम दे जग महिं फिरि फिरि सकल विकारिन मल उदार। इन उर ते अबि करो उखारिन किपा सिंध इस विधि उरधारि। भई गगन बानि तबि इन को नर सरीर को लिह अवतार ॥ ७ ॥ तमरे उर हंकार विकार जु, निषफल करह2, जानि इम लेह। गुर बिन रिदै प्रकाश न होवति यांते मल सतिगरू देह³। तमरो खेद बिनस करि जाविह करह गुरू जित कित द्रिशटेह⁴। सतिग्र बिना न शांति पय्यति यांते बनह सिक्ख हित देह ।। = ।। इक इक वेद चतुर बपु धारह ब्रह्मा तुम संग नर तन पाइ। रच्छक सदा होति जित कित इह तुमरो विधन सकल बिनसाइ। गगन गिरा इम कह्यो, मौन पूनि, सूनि सभि बेद रहे बिसमाइ। कमलज सहत विचारिन करि कै छित अवतरे⁶ सरूप बनाइ॥ ९॥ इक इक बेद चतुर बपू धारे प्रकट नाम तिन कही असंस। पुरन श्याम बेद के इह भे: मथरा, जालप, बल्ल, हरवंस। पून रिगबेद: कल्य, जल्ल, नल्ल त्रै, कलसंहार चौथो गिनी अस। भए जुजर के: टल्लय, सल्लय, पुन, जल्लय, भल्लय उपचे दिज वंस ॥ १०॥ बहर अथरबण: दास रू कीरति, गिनि गइंद, सदरंग सूचार। कमलासन को भिक्खा नाम सू इन सिभ ते भा अधिक उदार। बिप्प्र सरीर भाट भई संग्या, बड़े वैस महि भे इकसार। होइ इकत्र लगे गुर खोजिन देश बिदेशिन महि हित धारि॥ ११॥ पंथ जिते जग बिर्ज प्रबिरते सिंभ के निकट करति प्रसयान। गिरी पुरी आदिक संन्यासी तिन ते सुनहिं वैन हित ठानि। जोग अभ्यासी अरु कंनपाटे दोनों ढिग किय संग महान। ब्रह्मचारी, तपसी, वैरागी अपर कितिक को करै वखानि ॥ १२ ॥

हमारे द्वारा संसार में श्रेष्ठ प्रकाश होता है। 2 तुम वेकार ही मन में अहंकार का विकार पोषित कर रहे हो।
 (प्रकाश का) मूल सितगुरु की देह है।
 देख कर।
 हित पूर्वक सिक्ख बनो।
 धरती पर अवतरित हुए।

संमत एक फिरे जगखोजित जे साधिक परलोक उदार 1 । कहि निज ववन, शांति दे चित को ऐसो कतहूं नहीं निहार। देश बिदेशनि सगरे फिर करि भए उदास गए जिव हार। उतर्यो गरव, अहैं हम जग महि तऊ न देख्यो विना बिकार ॥ १३ ॥ यांते सतिगुर सभि ते दीरघ जिनके मिलति शांति चित पाइ। विनांगरव ते सरव भए जिब सुधा सरोवर की दिशि आइ। महिमा सुनति अनेक लोक ते श्रो अरजन सतिगुर सुखदाइ। भिक्खे सहत सकल ही मिलि कै दरशन हित चित चौंप बढाइ ॥ १४ ॥ गुन को सुनित शांति हुइ आई, श्री अरजन को सिमरित नाम। सभि पहुंचे हरि मंदिर मैं जबि दरशन पिख्यो अजब अभिराम। श्याम सरूप अनूप चतुरभुज सुंदर बदन सुछवि को धाम। महां जोति जागति चहुं दिशि महिं करति अनेक सु नंम्रि प्रणाम ॥ १४ ॥ कमला कर-कमलि पद-कमल जि म्रिदुल पलोसित प्रीत बिसाल²। शुभित सेख साई³ वड शोभा, द्रिग विसत्तरित कोर जुग लाल। पीतंबर सभि अंग विभूखन वडे विभूखति गर बनमाल। सीस किरीट, केस म्रिदु मेचक युंघरिआरे शोभित भाल॥१६॥ दोहरा

वेद सरूप जि विष्प्र बर हिर सरूप तिन दीखि। अपर नहीं काहूं लख्यो देनि हुती तिन सीख्र ।। १७।।

सबैया छंद

अस सरूप देखित विसमाए हिर मंदिर मिह सुंदर शोभ।
महां विश्वनु को रूप मनोहर जिसिह ध्यान धरि जोगी लोभ।
उसतित करिन लगे हइ ठांढे जिनि कै भयो प्रेम को छोभ।
नमसकार पुनि पुनि पग पंकच रिदा परम गंभीर अछोभ॥ १६॥

भुजंग छंद

दया सिंधु दीनानि बंधू किपाला। नमो पाद कंजं अभंज⁵ उजाला⁶।

परलोक के लिए श्रेष्ठ साधना करने वाले ।
 लक्ष्मी स्वयं अपने कर-कमलों से मृदुल चरण-कमलों की प्रीति-पूर्वक सेवा करती है ।
 शेषनाग-शायी, विष्णु ।
 उनको शिक्षा देनी थी ।
 नाश-रहित ।
 प्रकाशवान् ।

अजै हो, अनाशी, अनादी, अनूपं। महांराज राजान के राज रूपं।। १९।। सभै बीच बासो. अलेपं सदा हो। ग्रजोनी अछै एक रूपं अजा हो¹। कथे मो न आवै, कथै कौन तोही। निरालं, बचित्रं निरालंब होही ।। २०।। सभी तोहि में, तू सभे मैं बिराजै। ग्रकाशं जथा एक सारे सू छाजैं²। ब्रह्मं इं अखंडं तुमी देहिधारी। दुऊ नैन भानू ससी जोति भारी।। २१।। दिशा श्रीन तेरे नभं सीस गावें। महां पूनं अग्ग्रं प्रिष्टी पाप थावैं³। महां सिंध क्रखी, तरु रोम ब्रिदं। अहै पाइ पाताल, तोही मुकंदं।। २२।। गरू नानकं बंस वेदीनि मांही। नरं देहि धारी जपैं जाप जांही। कली मैं दया धारि नामं जपायो। कर्यो पंथ सिक्खी तरे जांहि पायो ॥ २३ ॥ गुरू अंगदं रूप होए किपाला। करामात काहं न दीनी विसाला। जर्यों जोर दीहं 4 रिदे मैं गहीरं। उधारे महां सिक्ख दे नाम धीरं।। २४।। पिता मोहरी के धरी देहि फेरी। महां पंथ सिक्खी विथारी घनेरी। चहुं चक्क मैं कीरती चारू होई। दई ब्रिंद मंजी गुरू कीनि सोई।। २५।। गुरू रामदासं प्रकाशे विसाला। कली घोर अंधेर कीनो उजाला।

^{1.} अजन्मा । 2. शोभायमान है । 3. (आपका) अग्र भाग पुण्य और पृष्ठ भाग पाप है । 4. भारी बल ।

तिनो के भए नंद रूपं तुप्तारा। नमसतं नमसतं नमसतं उदारा॥ ३६॥

दोहरा

इम अषटक उसतित करी पिठ मन बांछित पाई। दीन होइ पुन सकल ही रहे चरन लपटाइ॥ २७॥

सवैया छंद

श्री अरजन तिब निज सरूप को सिभ ही दिजिन दिखाविन कीनि। वूझित भए, कौन तुम कारज उर बांछित लिहु जाचि प्रबीन। कहां बसित, गमने अबि कित को, हम ढिग आए क्या चित चीनि। मुक्छ्य हुतो सिभिहिनि मिहं भिक्खा बोल्यो बाक होइ करि दीन।। २८॥

भिक्खो वाच

रहिओ संत हउ टोलि साध बहुतेरे डिठे।। संनिआसी तपसीअह मुखहु ए पंडित मिठे। बरसु एकु हउ फिरिओ किनै नह परचउ लायउ।। कहित अहु कहती सुणी रहत को खुसी न आयउ।। हरि नामु छोडि दुजैं लगे तिन के गुण² हउ किया कहउ।। गुर दिय मिलायउ भिखिआ जिव तू रखिह तिव रहउ।। २।। २०

सबैया छंद

आप गुरू विन दीख्या दीजिह सिक्ख्य करहु उचरहु उपदेश। खोजित फिरै जगत मिह जित कित लेनि शांति हित पंथ विशेष। श्रमत भए निहं प्रापित होवा, बासी हम काशी पुरि देश। अपर बाशना चित मिहं कोई न क्या जाचिह मिथिआ जु अशेष।। २९।। श्री अरजन सुनि मन्यो वेद तुम नर तन धारि आइ हम पास। तुम सिभ करहु ब्रह्म को निरनै पारब्रह्म को सुजसु प्रकाश। अवि सरीर मानव को पायहु कुछ हंकार भयो फल तास। ब्रह्म रूप श्री नानक कल मिहं नर सरूप हुइ तारे दास॥ ३०॥ नर तन तुमरो, नर तन सोई, नर भाखा को रचहु सुधारि। जिस मिहं जसु गुर नानक केरा करहु अवै निज वदन उचारि। बहुर सिक्ख्य हम तुम को किर हैं पावहु चित शांती सुख सार। रहिह सिथर जग विखै नाम तुम लिखिहं ग्रिथ मिहं बन्यो उदार।। ३१॥

^{1.} कहने वालों की बातें सुनी। 2. अवगुण, व्यंग्य से 'गुण' कहा गया है।

सुनि करि उर हरखित सिभ ह्वं किर हाथ जोरि के बूझिन कीनि। किपा सिंधु किसू चाल रचिंह सो प्रथम बतावह हम लें चीनि। तिसी रीति सभि करें बनाविन श्री गुर कीरति ६चिर नवीन। महां लाभ हम को इह हुइ है रावर किपा धारि कै दीन 1 ॥ ३२॥ श्री अरजन सुनि आप बनाए प्रथम सवय्ये सो लिखवाइ। बहर समसत भाट गुर सिमरे करति भए मन को उमगाइ। श्री नानक को सुजसु आदि महिं बहु प्रकार तिन विखै बनाइ। ब्रह्म रूप करि बरनन कीने शिव ब्रह्ममादिक जिसको गाई।। ३६।। बहुत चाल के करे सवय्ये देशनि की भाखा विच सोइ। महां महातम कीनि उचारन पठे सुने फल दीरघ जिस को नेति नेति नित श्रुति कहि तिसको बरन सकहि कह कोइ। शेख 2 शारदा अंत न पार्वीहं सदा सू खोर्जीहं जोगी जोइ ॥ ३४ । 8 श्री अंगद को जस् बरन्यो बहु प्रकार के गुन बिदताइ। कीरति श्री गुरू अमरदास की निज वानी महिं रुचिर बनाइ। कुसम बसंत तरंग गंग के गुण विअंत इत्यादि जनाइ। जिनके समसर अपर नहीं को तिन की उपमा तिन विन आइ।। ३५।। श्री गुरू रामदास गुन रासी तिन की कीरति रची विसाल। धंन धंन सतिगूर जग स्वामी जिन देख्यो अघ ओघ स् टालि। पुन श्री अरजन सूजसू बनायो एको जोति पंच गुर नाल। धरम धजा धरनी सम धीरज पर उपकारी परम किपाल।। ३६।। सौ बाई रचे सबैये पंचहं ग्र को सूजस बनाइ। श्री अरजन को कीनि सुनावनि परम प्रम मन महिं उपजाइ। पद अरबिंद करी पून बंदन दीन भए भाट ज सम्दाइ। चित मिह चाहित सिख विनवे कउ जाचित गांति सु चित मिह आइ।। ३७।। भए प्रसंन बहुत श्री अरजन तिन की कित्त ग्रिंथ लिखवाइ। मन बांछति बर दीनि सिभनि को सिक्ख्य करे शांती उपजाइ। भ्रम परहर्यो, भए सभि निरमल, श्री गुर जसुते इहु फल पाइ। केतिक दिन मैं निज तन तिजकै वेद रूप होए तिस भाइ।।३८।। लिखे समसत सर्वये सोऊ श्री ग्रिंथ साहिव के माहि। अंत सरव के लिखि मुंदावणी मुंद्रति 3 मुहर लगी जनु वाहि 4 ।

दीन जानकर कृपा करें।
 शेषनाग।
 अन्त करने के लिए।
 जैसे उस पर मोहर लगी हां।

भोग सकल बाणी को पायहु महिमा जिस की कही न जाइ। भवजल भैरव को जहाज वड प्रमू किना ते पार पराइ।। ३९॥ राग माल श्री गुर की कित नहिं है मुंदावणी लगि गुर बैन। इस महिं नहि संसे कुछ करीग्रहि जे संसे अविलोकह नैन। माधव नल आलम कवि कीनिस तिस मिह चितकारी किह तैन।। राग रागनी नाम गिने तिहं यांते श्री अरजन कित हैन ॥ ४०॥ इह सुधि नहीं लिखी इह गुर ने किधौ सिक्ख काहू लिखि दीनि। राग नाम सभि जानहिं रागी इह कारन लिख दई श्री गुर गिरा नाम हरिके बिन संतन महिमा बिन नहिं कीनि। भर्यो महद फल पठिवे सुनिवे लिखिये गुनिवे, चहैं सु लीन ॥ ४१ ॥ घंन जनम जिन लिख्यो भाउ धरि सफल हाथ अपने करि तांहि। पठिह प्रेम ते हरखिं उर मिंह पुलकिं झलकिंह जल द्रिग मांहि। हरखिंह जनु, अम्रित को बरखिंह, तरकिंह विषय 1 गुनित अविगाहि 2 । से नर परे पार, नींह जनमींह सुनींह एक मन थिरता पाहिं।। ४२।। इति स्री गुर प्रताप सूरज ग्रिंथे त्रितिय रासे 'भटनि को प्रसंग' वरननं नाम अठतालीसमो अंश ।। ४८ ॥

^{1.} विषय-विकारों को त्यागत हैं। 2. गुणों को विचारते हैं।

अंशु ४६

श्री ग्रिंथ साहिब बीड़

दोहरा भयो ग्रिंथ साहिब रुचिर भोग पाइबे हेत । अनिक भांति उतसाह की त्यारी करी सुचेत ।। १ ।।

तोटक छंद

कीनि तिहावल मेलि भयो। सिभ संगति श्रीन सुनाइ दयो। ग्रंथ सपूरन होइ गयो। दर सें सिभ आनि उछाह कयो।। २।। नर नारि अनंद विलंद करे। सर राम जहां तहिं आन थिरे। लघु दुंदिभ बाजि नफीरन बड होति कुलाहल भीरनि सों।। ३।। उतसाहति संगति आवति है। बह भाँति प्रसादनि ल्यावति है। फल फुलिन को निज हाथ धरे। शभि चीर शरीर सभे पहिरे॥ ४॥ लिख श्री गुर एकल वैठि रहे। तबि आइ कली इम वाक कहे। करि कीरति को कर जोरि रह्यो। ग्रजी अवतार उदार लह्यो।। ५।। अवि मोहि समों जग मों बरत्यो। गन औगुन मानव के करत्यो2।

^{1.} कलियुग ने । 2. मनुष्यों द्वारा अधिक पाप करते हुए ।

सठ कूर कल्खन प्रीत महा1। शुभ मारग त्याग जहां रू कहां।। ६।। तुम ग्रिंथ रच्यो गुन पूरन है। उर ब्रिंद बिकारिन चूरन है। जग मैं मग श्रेय दिखावनि को। सत्तिनाम मुकंद जपावनि को।। ७।। सति संगति को बिसतार महां। पसरैं गूर सिक्ल्य जहां रू कहां। श्रवि मोहि सथान वताइ दिजै। जिंह बास करों, तुम मेलि लिजै।। ५।। विन आइसु रावर की करिवे। वल ना मुझ पाइ कहुं धरिवे। इस कारन ते तुम पास अयो। हित बासिव के बिनती सु कियो।। ९।। जिंह ग्रंथ सु पाठ करें धुनि को। बलहीन बनौ तिव ही स्नि को। तुम संगति बीच बसौ जिब हूं। असकाल बताइ दिजै अबि हूं॥ १०॥ शरनी तुम आनि पर्यो लखियो। मम दीन अनाथ दिशा पिखियो। इम बाक कली जिंब दीन लहे। तिव श्री गुर होइ प्रसंन कहे।। ११।। सतिनाम उचारिन होति जहां। किव पाइ न धारो जाइ तहां। जिंव आइ कराहु सभा धरिये। अरदास खरे हुइ कै करिये।। १२।। बरताविन लागि सु आपस मैं। जुति रौर प्रवेशह तांहि समै। बरतावति जावत संगति पंगति मैं ॥ १३ ॥ तावत वासह

^{3.} मूर्खीं और निर्दय लोगों की प्रीति पापों में ही है।

इम आइसू पाइ कली हरख्यो। अबि लो तिह काल बिखैं¹ परख्यो। जबि होइ तिहावल² आवति है। बड रौर करे बरतावति हैं।। १४।। पुन श्री गुर बैठि दिवान, लग्यो। गन सिक्ख्य पिखै मन प्रेम पग्यो। सभि बीच सुहावति ग्रिंथ धर्यो। करि सेवक सुंदर चौर फिर्यो।। १५।। लगि ढेर प्रशादि गयो सु तहां। बह ल्यावति सिक्ख अनंद महां। शुभ फुलनि माल विसाल करे। बह रंगिन के बिच गुंफ धरे।। १६।। गर श्री गर के सिख पावति हैं। भांतिन फुल चढावित हैं। शुभ माल सु फुल बिसाल लए। गूर ग्रिंथ समीप चढाइ दए।। १७।। बहु धूप सु आगि ध्खावति हैं। घसि चंदन केसर पावति हैं। चरचें अरचें सिख प्रीत धरें। गन संख बजावति फूक भरें।। १८।। अरदास प्रसादनि ब्रिंद करें। जयकार सभै वार ररें। इक करधारि रबाब सतार बजै। सबदानि सु गाइ सुराग सजै।। १९।। बहु भार भई दिशि चारहं मैं। हुइ मंगलता उतसाह समै। बरत्यो सु प्रसादि कली प्रविश्यो। वड रौर पर्यो सिम बीच धस्यो ॥ २०॥

^{1.} उस समय में (अर्थात् हलवे का प्रसाद बाँटते समय)। 2. हलवे का प्रसाद, जिसमें तीनों (घी, चीनी और मैदा) समान हों।

तिब श्री गुर जानि गए कलि को। निज हेरि समां किय है बल को। बड होति कुलाहल मंगल को। तिह काल कियो कलिदंगल को 1 ।। २१।। सभि संगति ने दरशंन पग पंकज पै निज सीस धर्यो। पून जाति भए निज धामनि को। हरखंति लगे निज कामनि को ॥ २२ ॥ गन मंगत² को गुर देखि तबै। धन देति भए कर लीनि सभै। नहि छूछ³ गयो गुर के दर ते। पट दीनि किस् इछ जो धरते।। २३।। नर ब्रिंद जु बादि बजावित हैं। गन रागनि को मख गावति हैं। सभि कौ धन दीनि प्रसंन करे। स्त जीवह आशिखता⁴ उचरे।। २४।। इम ग्रिंथ समापति आप कर्यो । बहु भांति महातम को उचयों। सर राम शनानहिं आनि नरं। दरसैं इस थान जुभाउ धरं॥ २५॥ गन पापनि खापति हो। छिन मैं। ग्र की शरधा बरधै मन मैं। उठि श्री गुर आवति भे पुरि को। गुरदास समेत सुधी उर को ॥ २६॥ लिय संग स् ग्रिंथहि आपनि कै। हरि मंदरि मैं बर थापनि कै। हुइ पूज सदा इस थान बिखें। बहुरो समुदाइ पठें सु लिखें।। २७।।

कलियुग ने दंगा-सफाद (करवाया है)।
 भिखारियों को।
 अाशीर्वचन।
 पाप नाश होंगे।

इस भांति कर्यो घर फोर गए। बंदति गंग अनंद किए। पद निस बासू करें घर फेर सदा। हरि मंदरि आविह प्रात जदा¹ ॥ २८ ॥ तींह बैठिहं द्योस बितावित हैं। गुरदास ति² पाठ करावति हैं। तिब आप सुनै सिख होइं घने। धरि प्रेम महां सतिनाम भनें।। २९।) रीति इसी सूबितीत करें। दरसै गन संगति भेद मरै। बह देश बिदेशनि ते चिल कै। आनि गुरू मिलिकै ॥ ३० ॥ अरपें धन इह बात जहां रू कहां। गुर ग्रिंथ रच्यो फल जांह महां। करि चाउ धरैं उर भाउ नरं। सिभ आइं विलोकिन पास गुरं॥ ३१।। करि प्रीति सूनें सतिनाम जपें। तिन पाप कलापनि ताप खपें³। निज धामनि जाइ सुनाइं तवै। दरसें हम भी उमंगति सभै ॥ ३२ ॥

दोहरा

मांगट वासी सिक्ख्य जो बंनो जिसको नाम। बहु संगति लै संग निज दरसै गुर अभिराम।। ३३।।

चौपई

सुनो बंनो सगरी गुर कथा। कर्यो ग्रिंथ सिभ बेदिन मथा। गन संगत ले किर तिब आयो। धरी उपाइन पग लपटायो॥ ३४॥ सिभ संगति ने दरशन कीनिस। मुनिह ग्रिंथ साहिब हित 4 दीनिस। केतिक दिन बासे गुर तीर 5 । लिय संग संगित की भीर॥ ३४॥

^{1.} जब प्रातःकाल होता है। 2. से। 3. समूह दुःख नाश होते हैं। 4. अनन्य प्रेम। 5. गुरु के निकट।

भयो त्यार गर अंचर डारी। बिनती श्री गुर अग्ग्र उचारी। नाम गरीब निवाज तुमारा। निस वासुर ठानित उपकारा।। ३६।। किल के नरिन उद्यारिन कारन। सम जहाज किय ग्रिंथ सुधारिन। सिभ दासिन कहु राखित मानू। मन बांछिति दिहु किपा निधानू।। ३७॥ दीजिह ग्रिंथ साहिब हम मांगा¹। सभि सिक्खिन को मन अनुरागा। देश विखै संगति समुदाई। दरशन कर्यो चहति हित लाई।। ३८।। अविली लिख्यो गयो नहीं दूजा। जिस ले जाहिं करहिं तिह पूजा। सिभ संगति की है इह विनती। घर ते चलति कीनि इम गिनती।। ३९।। सुनि श्री अरजन रिदे विचारी । इस जाचन इन कीनसि भारी । किम हम देय सकिहं इक होवा। निहं दैं सिक्ख्य मान को खोवा।। ४०।। दूजो लिख्यो जाइ इस जैसे। तौ सुखैन दैवो इह लैसे²। अवि तौ त्यार एक ही अहै। किस प्रकार इह सिख सों कहैं॥ ४१॥ तो संगति को मुहरेली। आइ संग बहु होइ सकेली। दुजै प्रेमी अहै महानां। नहीं देहिं तौ हित हुइ माना।। ४२।। कितिक काल तूषनि³ भगवंते । देहिं कि नहीं रिदे चितवंते । पुन बोले श्री गुरू गुसाईं। विखम वात इह बंनो भाई।।४३।। विनती करति रह्यो हुइ ठांढो । लैवे ग्रिंथ प्रेम उर बाढो । अहै एक किम दियो न जाई। तिब तेरो मान सु घट जाई।। ४४॥ अनवन बनी कहैं क्या तोही। अबि सूनि लेह नीक जिम होही। अपनी पुरी राखि इक राती। लेकरि हटहु होइ जिब प्राती।। ४५।। दुतिय राति राखहु नहिं कैसे। अबि ले जाहु ल्याइ पुन तैसे। अदव साथ राखहु चुकसाई 4 । संगति अलिवालहि 5 समुदाई।। ४६॥ इम किं दयो ग्रिंथ ले चाला। संगति जिस के संग विसाला। निकसि गुरू पुरि रिदै विचारा । किम इह लिख्यो जाइ अवि सारा ॥ ४७ ।। एक निसा गुर आइसु भनी। लिख्यो जाइ किम है ग्रनबनी⁶। तिब विचार उर महिं हुइ आवा । डेरा कर्राहं कोस इक ठावा ॥ ४८ ॥ तबहि लिखारी दीए लगाइ। लिखहु शिताबी⁷ अरु समुदाइ। अपन पुरी लगि इक इक कोस । डेरा करति लिख्यो आधोस्⁸ ॥ ४९ ॥

^{1.} मंगनी पर । 2. तब देना और इनका लेना (अधिक) सुखप्रद होता । 3. मौन । 4. चौकसी पूर्वक । 5. चारों ओर से । 6. असम्भाव्य । 7. शीघ्र । 8. आधा ग्रंथ ।

इक निस बिस किर निज घर मांहूं। हुटे कोस इक डेरा राहू¹।
तिसी प्रकार सुधासर आए। आवित जाते सरब लिखाए।। ५०।।
केतिक शबद लिखे अधिकाई। आए पुन श्री गुर अगवाई।
जुगल प्रिंथ साहिब धरि दीने। अधिक जु हुते सुनाविन कीने।। ५१।।
पिखि अरु सुनि श्री मुखि फुरमायो। लिखि किर अधिक जितो तुम पायो।
तिसी बीड़ मिंह रखहु लिखावो। निंह इसग्रिंथ बिखै सो पावो।। ५२।।
यांते भई बीड़ दै ग्रिंथ। लिखित पढ़ित श्री सितगुर पंथ।
सुनित पठित जिन रिदें बसाई। तिन पर किव पुन पुन बिल जाई।। ५३।।

इति श्री गुर प्रताप सूरज ग्रिंथे त्रितिय रासे 'श्री ग्रिंथ साहिब बीड़े प्रसंग बरननं उनपंचासती अंशु ॥ ४९ ॥

^{1.} मार्ग में पड़ाव किया।

अंशु ५०

सतिगुरू महातम प्रकाश श्री ग्रिंथ साहिब

दोहरा

कितिक कहित हैं ग्रिंथ को जिलत बंधाविन काज। भेज्यो लवपुरि नगर को गुरू गरीव निवाज।। १।। तिह आवित जाते लिख्यो बंनो ग्रिंथ दुतीय। महिमा श्री सितगुरू को सिम विधि उत्तम थीय।। २।।

सर्वया

संमत सोलिह सै इक साठिह भादव की सूदि एकम जानो। ग्रिंथ समापति श्री गुर कीनि महां उतसाह गुरू घर ठानो । संगति देश विदेशनि की सुनि कै मन ग्रानंद दीरघ मानो। देखिन आवित भाउ वधावितको लिखवाविन को हितवानो ॥ ३ ॥ वंनो आदिक है सिख संगति श्री गुर वैठि दिवान लगायो। श्री हरि गोविंद पास बिराजित चंद मनो परवारि सहायो। सीख लगे सिभ को तिब देवनि श्रेय भर्यो बच यौ फरमायो। ग्रिंथ जहाज सु भीजल को तर जाति सुबेन जिनी चित लायो।। ४।। श्री गुर केर सरीर जुऊ सिभ थान समै सिम ना दरसै हैं। ग्रिंथ रिदा गुर को इह जानह उत्तम है सिभ काल रहै हैं। मेरे सरूप ते यांते है दीरघ साहिब जानि अदाइब कै है। पूजहु चंदन केसर को घिस धूप घुखाइ कै फूल चढ़ै है।। १।। जो लिखि लेहि भले तबि सोधाहं अखर सों लग की चुकसाई। पाठ समसत करै बुधि सों पिखि पूर बके सम लेहि बनाई। आप ते घाट न बाध करैं, जि करै, हुइ मूरख सो पछुताई। और बनाइ नवों न लिखे विच काव्य, रचै, सू रचौ प्रिथकाई ॥ ६ ॥

चौदहि लोक ते होइ बली, बल को जर¹ जाइ रिदे महिं जोई। सी उपकार के कारन को सिर दे हइ संमुख धीर धरोई। आपनी बांनी चढाविह सो इक, होइ इसो2 निहं दूसर कोई। पूजिह जो इछ धारि³ सू पूजिहि⁴ श्रेय लहै जम पीर न होई।। ७।। वेद पूरान महान महातम जांहि वखान करैं समुदाए। अंत न पावति शेष न शारद नेति ही नेति अशेष बताए। जो सरबोतम जो सरबाश्रय तांही के नाम इसी महिं गाए। नाम सू नामी को भेद नहीं इह मुरति श्री करतार सुहाए।। ८।। जेतिक ग्रिंथ अदाइब⁵ राखिह तेतिक ही फल पाविहगो। धुप धुखाइ घसाइक चंदन केसर को अरचावहिगो। भावनी धारि कै चाहि उमाहति⁶ द्योस प्रती दरसावहिगो। पाठ करै कि सूनै मन इक है ही⁷ उपदेश वसावहिगो ।। ९ ।। देखति ही कर जोरि दुऊ मन नंम्रि हुँ सीस निवावहिगो। औरनि को उपदेश करैं लिखि आप इसे को लिखावहिंगो। प्रेम करै घर मैं असथापहि पाठ सूने हरखावहिगो। सो जग बंधन छेदन कै नर अंत गति शुभ पावहिंगो।। १०।। कारज होइ संपूरन बांछित पाठ करै कि करवाहिगो। भोग परे करिवाइ तिहावल आप खरो हइ जावहिगो। हाथ को जोरि करै अरदास मनोरथ को मन ल्यावहिगो। क्यों न कहो तिह पूरत ह्वं चित चाहति सो नर पावहिगो।। ११॥ सिक्ख सरीर तजै तिस पीछिह ग्रिंथ को पाठ करावहिगो। पोशश⁸ को अरप तिब पाठक भोजन चारू खलवाहिगो। और जथा शकती तिह सेवहि ल्याइ कराहु ब्रतावैगो। सो सिख होइ सुखेन महां. परलोक विखै हरखावहिगो।। १२।। और कहां लगि जे जग कारज पाठ करे सिध होवहिंगे। संत महंग चहै निंह यों पिठ प्रेम करे प्रभ जोविहंगे⁹। द्योस निसा सिमरें सतिनाम कि ग्रिंथ पठें अघ खोवहिंगे। अंत समै जम को न पिखें मिलि आइ मैं सू अलोवींहरो।। १३।।

सहना। 2. ऐसा। 3. इच्छा धारण कर। 4. पूर्ण होगी। 5. आदर।
 प्रसन्नतापूर्वक। 7. हृदय में। 8. पोशाक। 9. प्रेमपूर्वक प्रभु-दर्शन करेंगे।

दोहरा वैठेश्री गुर राम सर वंनो आन्यो ग्रिंथ। तहां महातम इह कह्यो देनि सीख निज पंथ।। १४।।

त्यार भयो जिब जिलत बंधाई। बुड्ढे सों गुर गिरा अलाई। कहो ग्रिंथ साहिव किस थाना। नित शोभिह जिंह महिद महाना।। १४।। हाथ जोरि तिन तबहि बखानो। श्री गुर तुम ते कौन सिआनो। तऊ सुनहु सर सुधा मझारा। हरि मंदरि सुंदर दरबारा।। सदा सथापनि ग्रिंथ सुलाइक। शोभिहिंगे इम तहां सुभाइक। सिहजा शेष समुंद्र मझारे। जथा शेख सांई छवि धारे।। १७॥ मनहु बीच बैकुंठ सु मंदिर। विशनु बिराजिह छिब सो अंदर। सुनति प्रसंन गुरू बहु भए। जथा जोग इन बरनन कए।। १८।। बन्यो सुधासर बिच हरि मंदिर । इह सम नहीं त्रिलोकि अंदरि । तथा ग्रिंथ साहिब शुभ रच्यो। सरबोत्तम हरि नामिन खच्यो 1 ।। १९॥ उचित मेल दोनहु को वनै। निस वासुर हरि किरतन भने। सुनि गुरदास!सु बाक हमारे। श्री गुर रामदास दरबारे॥ २०॥ दिन प्रति वधिंह समाज वडेरे। दुख दारिद को श्राइ न नेरे। हरि मंदिर हरि रूप बिलंदा। सेविह सेवक ब्रिंद मुकंदा।। २१।। लछमी निस बासुर इस सेवहि। शरधा धर्रीह दास फल लेवींह। आज बास इस थल ही कीजिह। होति प्रात को तिहं गमनीजिह।। २२।। सिभिनि अहार कर्यो शुभ खाना। भूम सैन कीनसि तिस थाना। ग्रिंथ साहिव आदर के हेतु। भूतल सैने² गुरू समेत ।। २३ ।। रिदै बिचारिन श्री गुर करें। टहिल³ ग्रिंथ की कौन सुधरै। बेदी तेहण भल्ले बंस। सोढी जे कुल के अवतंशा। २४।। निज कुल को इनको हंकारा। करि न सकहिंगे सेव उदारा। इह सेवक की वसतु सदीवा। निरहंकार जिनहु मन नीवा।। २४।। सेवा बिखै निपुन जो होइ। करिअहि इहां सथापनि सोइ। श्री नानक को दरशन कीनि। अस बुड्डा बिच सेव प्रबीन।। २६।। इम विचार करि निंद्रा पाई। जागे जामनि जाम रहाई। बुड्डा पुन गुरदास सु जागे। श्री गुर चरन महिं पागे।। २७।। 1. हरिनाम द्वारा खिनत, जुड़ाउ। 2. पृथ्वी पर सोए। 3. सेवा।

सौच रामसर कीनि शनाना। बद्री तर वैठे करि ध्याना। दे घटिका लिख अंग्रत काला। श्री अरजन वच कह्या रसाला।। २५।। बुड्डा निज सिर पर धरि ग्रिंथ। आगे चलहु सुधासर पंथ। मानि बाक ले भयो अगारे। चमर गुरू अरजन कर धारे।। २९॥ संख अनिक लघु दुंदिभ बाजे। जै जै किर ऊच सुर गाजे। संदर श्री हिर गोविंद चंद। संग चलित हुइ शोभ विलंद।। ३०॥ हिर पंदिर मिहं जाइ पहुंचे। रागी राग करित सुर ऊचे। मंजी सहत ग्रिंथ तिह थापि। वैठे निकट गुरू तिब आपि॥ ३१॥ बार भोग को सुनि मन लाई। श्री अरजन पुन गिरा अलाई । बुड्डा साहिब खोलहु ग्रिंथ। लेहु अवाज सुनिह सिम पंथ॥ ३२॥ सुनि गुर बचन रुचिर मन लायक। सत्त वाक मुख जलज अलाइक । अदब संग तिब ग्रिंथ सु खोला। ले अवाज वुड्डा मुख बोला॥ ३३॥

॥ सूही महला ५॥

संता को कारिज आपि खलोइआ हिर कंमु करावणि आइआ राम । धरित सुहावी तालु सुहावा विचि अस्त्रित जलु छाइआ राम ॥ अस्त्रित जलु छाइआ पूरन साजु कराइआ सगल मनोरथ पूरे। जै जै कारु भइआ जग अंतिर लाथे सगल विसूरे॥ पूरन पुरख ग्रचत⁴ अविनासी जसु वेद पुराणी गाइआ। अपना विरदु रिखआ परमेसरि नानक नामु धिआइआ।। १॥

चौपई

सुनि सिमहुं तिब सीस निवायो। दीन विधु प्रभु तिन लिख पायो।
श्री गुर करते चमर फिरंता। वृड्डा जपुजी पाठ करंता।। ३४॥
संगति धन धन सुनि कहै। अधिक अनंद प्रेम ते लहै।
जपुजी भोग पाइ जंकारा। सीस निवावति सिभिनि जचारा।। ३४॥
अति ग्रनंद श्री अरजन नाथ। भए कितारथ मानि सनाथ।
अधिक प्रेम ते गद गद होए। गुन गन श्रो परमेशुर जोए।। ३६॥
हिर मंदिर ते निकसि अगारी। हिर् कीरति बहुभांति उचारी।
सिहजा शेष बिकुंठ महाना। ब्रह्म लोक शिवलोक सथाना।। ३७॥

^{1.} शौचोपराँत। 2. वाणी उच्चारी। 3. मुख-कमल से कहा। 4. अच्युत।

स्वेत दीप तजि लोका लोक। पुरी अजुध्या आदि अशोक। पुन दुआरिका आदिक थान। सभि को तिज करि श्री भगवान।। ३८।। गुर रामदास दरवारा। आनि बसे इस थान उदारा। कली काल महिं इसी समान। नांहि न आन सथान महान।। ३९॥ तीन लोक पति जहां बिराजे। भोगवती¹ सुर पुरि पिखि लाजे। सिभ सथान की श्री चिल आई। आनि वसी स्त्री गुर शरनाई॥ ४०॥ धंन धंन श्री गुर दरवारा। पईयित² जहां पदारथचारा। इम उत्तमाहित दिवस वितायो । संध्या भई तरिन असतायो ॥ ४१ ।। बुड्डे वूझिन कीनिस तवै। ग्रंथ रहै कित निस महिं अवै। जहां आपकी आइसु होइ। करहिं सिक्ख मिरजादा सोइ।। ४२॥ श्री गुर कह्यो प्रभू दरवारा। ग्रिंथ प्रमेशुर को अवतारा। डेढ जाम जामनि जिब जाइ। पठिहं सोहिला किरतन गाइ।। ४३।। बहुरो ले जावहु असवारा। जिसी कोठरी रहनि हमारा। तहां निवास करहु जुत मान। जाम डेढ जामिन रहि आन।।४४।। श्री हरि मंदिर तबहि शनानहु। फरश अनेक भांति के ठानहु। दीपक सदा ब्रित को बारो। जाम निसा जबि रही निहारो।। ४५ ।। रागी आसा बार सु गावहिं। अनिक राग के शब्द सुनावहिं। द्वै घटिका जामिन रहि जबै। आनहु श्री ग्रिंथ साहिब तबै।। ४६।। वार भोग ते खोलि पढीजै। इसी प्रकार कार नित कीजिहि। इम कहि श्री गुर बैंिि रहाए। चौंकी सुनी कानड़ा गाए॥ ४७॥ बहुर सोहिला पठि करि पासि । उठि तिव सिभ कीर्नसि अरदास । बुड्डे प्रिंथ लीन सिर धारी। चवर करहिं गुर वारंवारीं॥ ४८॥ संखिन की धुनि कीनी बिसाला। बादित अपर वजे तिसकाला। कोठरी महिं गुर सदा। गमनिहं सदन आपने कदा।। ४९।। तिह सथान ले करि जबि गए। सुठ प्रयक तिव डासित भए³। सेज बंद गुंफे बड जरी। सुंदर फूलिन माला धरी।। ५०।। तहां निवास प्रिंथ को कीनो। श्री गुर भूतल निकट असीनो। किव किव सदन आपने जाहिं। नांहि ते रहैं ग्रिंथ के पाहि 4 ।। ५१।। श्री ग्रिंथ साहिब की कथा। भई जथा उचरी मैं तथा। सुनित पठित चित बांछिति दाता । गुर पग रित ते आतम ग्याता ॥ ५२॥

इति स्ती गुर प्रताप सूरज ग्रंथे वितिय रासे सितगुरू महातम प्रकाश श्री ग्रिय साहिब बरनन नाम पचासमा अंशु ।। ५०।।

^{1.} नागलोक की राजधानी । 2. प्राप्य हैं । 3. तब सुंदर पलंग बिछाया गया । 4. निकट ।

अंशु ५१ सिक्खनि प्रसंग

दोहरा

श्री सितगुर इक दिन थिरे संगति दरसित आइ। सिक्ख तिलोका नाम जिस चरनकमल सिर लाइ॥१॥

चौपई

हाथ जोरि तिन अरज गुजारी। मैं आयो प्रभु शरन तुमारी। जिस ते मेरो हुइ कल्याना। जुग लोकन महिं अनंद महाना॥२॥ अस मुझ कउ दीजिह उपदेण। सुनित कमावित नसिहं कलेण। सूनि सतिगुर करि दया सुनाई। सत्तिनाम सों रहु लिवलाई।। ३।। कठित बैठित आवित जाते। निहं सिमरन त्यागह दिन राते। परमेशुर भाणे को मानि। हरखहु भली करहि इम जानि।। ४।। दोष अरोपह कोइ न प्रभु मैं। जो व्यापक नम की सम सिभ मैं। तन हंता को तजि अभ्यास। सनै सनै लखि रूप प्रकाश।। ५।। रह अहिंस करि सभि पर दया। किसको नहीं दुखावह हिया। जथा लाभ कीजिह संतोषा। तजहु बिकार आदि जे रोसा।। ६।। इम सित गूर ते ले उपदेश। गमन्यो गजनी अपनो देश। मुगल चाकरी तहां करंता। वहिर अरूढै संग रहंता ॥ ७ ॥ लेति रजतपण नित पंचास। आयुध धरे रहति तिस पासि। चढयो मुगल इक द्योस शिकार। संग तिलोका असू¹ असवार।। ८।। मगल अगारी म्रिगनि पलाई 2 । पीछे, लागे तरंग धवाई 3 । जबहि तिलोके कीनिस नेर। घोरा मिल्यो निकटि तबि हेरि। ९।।

^{1.} अश्व। 2. मुगल के आगे-आगे हिरणी दौड़ी। 3. तेज दौड़ा कर।

खैंच खड़ग को तां पर झारा। म्रिगनी गरभ दुधा करि डारा¹। जुग अरभक² विच ते गिर परे। कितिक काल महिं तरफित मरे॥ १०॥ तिलोके करुना ठानी। धिक धिक अपने करम बखानी। ऐसो पाप अचानक लए। इक के हते तीन मरि गए।। ११।। गुर उपदेश कर्यो तिव सिमरन। दया करहु निहं हनो जीव गन। सो मुझते निह गयो कमायो। यांते दोष अधिक मैं पायो॥ १२॥ शसत्त्र पास ते श्रघ हुइ आवै। त्यागिन करौं न पुन को घावै। चित विचार तरवार हटाई। तेग काठ की करि गर पाई।। १३।। कितिक दिवस गर राखी सोई। हुतो तिलोके को रिपु कोई। तिसने सकल भेद को पाइ। चारी³ करी मुगल ढिग जाइ॥ १४॥ कहै तिलोका वडो सिपाही। तेग काठ की राखित पाही। लोह मूठ ऊपर दिखराई। लहै दरव को करि चतुराई॥ १४॥ सुनति मुगल नहिं मानी बानी। सूर तिलोका महां गुमानी। मैं सादर राखों दे धन को। जानों काज करहि बड रन को।। १६।। पुनिह मुगल संग चुगल उचारै। आप सभा लावहु इक बारै। तबहि अचानक लिहु निकसाई। देखी परै होइ जसु पाई4 ॥ १७ ॥ जे करि तेग काठ की होइ। देहु न दरव बिनौकर सोइ 5 । होइ जि लोहा खडग प्रकाश। तौ लिहु दंड जि हुइ मम पास।। १८।। सुनित मुगल कै संसा भयो। सकल दिवान लाइ निज लयो। खड़ग सिपर घरि ब्रिंद सिपाही । बैठे सहत तिलोके पाही ।। १९।। नहीं निरादर इसको होइ। रिदै बिचार मुगल किय सोइ। प्रथम खड़ग निज खैंचि दिखाओ । पून दूसर को कहि निकसायो ।। २०॥ पुनह कही सभि सुभट ! किपान । करहु दिखावनि अलप महान⁶ । सुनति मुगल ते डरति तिलोके। कहै कहां मम खड़ग बिलोके⁷।। २१।।

मृगी का गर्भ (काट कर) दो टुकड़े कर दिया।
 चुगली।
 जैसे पहनी होगी, दीख पड़ेगी।
 उसे पद-च्युत करदें।
 छोटे-बड़े।
 मेरी तलवार देखकर क्या कहेगा।

तिब सितगुर उर सिमरिन करे। मैं उपदेश आपको धरे। रहों अहिंस तजी तरवार। उधरिह परदा सभा मझार।। २२।। अबि मेरी तुम करहु सहाई। जथा द्रोपती लाज बचाई। परदा सभा बिखै तिस राखा। पुरी न दुषटिन की अभिलाखा।। २३।। तिम मेरी अबि लाज रखीजै। सभा बिखै करि खड़ग दिखीजै। नांहि त हेरहि काठ किपान। करहि मुगल मेरी तबि हानि।। २४॥ मन ही मनहि मनावित गुर को । दहल रह्यो निहं धीरज उर को । तिब सितिगुर निज दास विचारा। भए सहायक लाइ न वारा।। २५।। जिब सिभ के इम खड़ग बिलोके । कह्यों कि तूं भि दिखाउ तिलोके । किस प्रकार को राखित पास । को तकमा करि हैं नर जास¹ ।। २६ ।। कह्यो बिलोक्ने तकमा² गुर को। मोर खड़ग पर नहीं अपर को। जस सतिगुर ने दीनसि मोही । वहिर निकासि दिखावों तोही ।। २७ ।। वाहिगुरू कहि खैंच निकारा। निकसे भयो प्रकाश उदारा। अस तीखन धारा असि केरी। नहीं अपर को इस विधि हेरी।। २८॥ हेरित हरस्यो मुगल विसाला। दुगना रोज कर्यो तिसकाला। दंड दयो तिस चुगल उदारा। मुख कारा करि वहिर निकारा।। २९ ।। अति शरधा धरि सतिग्र मांही । केतिक दिन महिं आयो पाही । धंन धंन कहि चरनी पर्यो । पूनह प्रसंग सनाविन कर्यो ।। ३० ।। सुनित सभा महिं सितगुर कह्यो । दया करिन प्रण तैं निरबह्यो । क्यों न होहि तबि गुरू सहाई । गुरवानी मनमानि³ कमाई ।। ३१ ।। सगरे सिक्खनि सन्यो प्रसंग। धंन गुरू कहि शरधा संग। केतिक दिन रहि गयो तिलोका। सिक्ख कटारू दरम बिलोका।। ३२ ॥ चरन अरबिंद। ठांढे हुइ जसु कर्यो बिलंद। वंदन करी बनो सहाइक तुम जगनायक। सिक्खिन के गन विघन नसाइक।। ३३।। वृझति भयो, देह उपदेश। जिस करि सगरे मिटै कलेश। सूवा कावल विखै रहाई। हेत जीवका मैं घड़वाई 4 ।। ३४।।

^{1.} ताकि उसकी छाप (मुहर) का निर्णय कर सकें। 2. मुहर। 3. मन में श्रद्धापूर्वक मानकर। 4. तौलने वाला।

सितगुर कह्यो घाट निहं दीजै । सित्तनाम को सिमरन कीजै । देहु दसौंध गुरू हित सदा। दारिद सदन होहि नहिं कदा॥ ३४॥ सुनि करि अपने घाम सिधारा । करिंह सदा अपनी तिंह कारा । गुर गुर जपहि न तोलहि घाट। एक बनक ने दीनसि बाट॥ ३६॥ पैसे पंच घाट सो अहा। नहीं कटारू उर मैं लहा। नित तोलित तिस के संग देई। जाइ घाट जो म्राइ सु लेई²।। ३७।। इकने तोल्यो होइसि घाट। लख्यो कटारू को घट बाट। चारी जाइ उचारी तांहि। तोलित घाट सभिनि के पाहि।। ३८॥ सुनि सूत्रे रिस करि बुलवायो। पुन कहि बाट धरा अनवायो³। अपर संग इस तोलिन कीजै। मोहि रूवरो इस पिखि लीजै।। ३९॥ तबहि कटारू उर डरपायो। सतिगुर ध्यान धर्यो जसु गायो। नहिं सहाइ इस थल किस केरी। ग्रवि रावर की आस वडेरी॥ ४०॥ अब श्रनजान पने महिं कीनि। सो न विचारहु मैं जन दीन। एक भरोसा मोकहु भारी। आस न दूजी शरन तिहारी।। ४१।। इत सितगुर बड सभा मझारी। बैठे द॰सित हैं नर नारी। इक सिख पैसे पंज चढाए। धरि कर पर तोलित ले दाएं 4 ।। ४२।। पुनहु बाम कर पर धरि तोले। देखि दास ढिग तिबहूं बोले। श्री सतिगुर पाया नित आवति । हेम रजत कर कवि न छुहावति⁵ ॥ ४३ ॥ पैसे पंच आज कर लीए। दाहिन वाम धरहु हित कीए। इह कारन क्या उचरहुस्वामी। इत उत धरित न हम कुछ जामी ।। ४४।। श्री गुरकह्यो सिक्ख को बाट। पूरा करींह इतो सो घाट। पलरो दौन तराज् केर । तोलति है इत उत नर फेरि ॥ ४५ ।। यांते हम दोनहु कर धरें। सिख को बाट सु पुरा करें। नाम कटारू कावल मांहि। बाट घट अनजाने तांहि॥४३॥

^{1.} कम नहीं देना (तोलना)। 2 आकर लेने वाले को कम जाता है (बाट कम होने से कम तुलता है)। 3. पुन: कह कर उसका बाट भी मंगवाया। 4. हाथ में लेकर कभी दायें (कभी बाएँ) तोलते हैं। 5. सोना-चाँदी भी कभी हाथ से नहीं छूरे। 6. कुछ नहीं जान पाते।

इम सितगुर सिक्खिन मिहं कह्यों। पूरा बाट जु सूबे लह्यों।
भयों कटारू पर सु प्रसंन। दुषट चुगल झूठा, तूं धंन।। ४७।।
कर्यों कोष पित सौंप्यों कोष। लख्यों मातबर इह बिन दोष।
कितिक मास बीते तिब आयों। गुर दरशन किर सीस निवायों।। ४८।।
बिखम थान मिहं भए सहाई। जहां न पहुंचिह बाप न माई।
बूझयों सिक्खन कह्यों प्रसंग। जान्यों सिभिन गुरू नित संग।। ४९।।
जिम पैसे कर बाएं दाए। सितगुर धारे सिभिन बताए।
सुजसु बिसद गुर पसर्यों सारे । सिक्ख होति हैं आनि हजारे।। ५०।।

इति श्री गुर प्रताप सूरज ग्रंथ त्रितिय रासे 'सिक्खन प्रसंगे वरननं नाम इकपंचासमो अंशु ॥ ५१ ॥

^{1.} दायित्व-पूर्ण । 2. गुरु का विषद् यश चतुर्दिक प्रसारित हुआ ।

अंशु ४२ सिक्खनि प्रसंग

दोहरा

पुरी आ चूहड़ चौधरी हुतो ग्राम के दोइ। श्री अरजन को सुजसु सुनि कांखी गित के होई।। १।।

चौपई

शरधा धरि आए गुरद्वारे। कर जोरे शुभ दरसु निहारे। अरविंद करी। जथा शकति भेट सु ढिग धरी।। २।। पद वंदना पाइ अगारी। हित बूझन अरदास उचारी। सुनहु गरीव निवाज किपाला। वित्यो प्रतीखित हम चिरकाला।।३।। आविन को चाहित चित रहे। कारज अनिक प्रकारिन अहे। हम पर अवि करुना तुम होई। शरन परे शरधा धरि दोई॥ ४॥ ग्राम चौधरता कार जु पावैं। तिन महं हम बहु झूठ कमावैं। श्री गुर जी किम होइ उधारा। सुन्यो चहति उपदेश तुमारा।। ५।। श्री अरजन सुनिकै सिख अरजिनि²। क्रिपा करी जिन को जसु अरजुन³। श्री मुखते शुभ वाक उचारा। त्यागहु झूठ, क्रोध, अहंकारा।। ६।। समान पाप नहिं कोई। नहीं झूठ ते शुभ गति होई। झुठ कलि को कूर कहैं अगवानी 4 । कूर बिकारनि की रजधानी 5 ।। ७।। जो करि नेम कूर नहिं कहैं। तिन को मुकति सूगम ही अहै। भूल न कूर भने गुर सिक्ख। कषट सहत नींह भविह भविक्ख।। ८।। गुर ते सुनि पुरीआ पुन भनै। कूर बिना नहिं चौधर बनै। झूठ बिना न होइ गुजरान। झगरे पर्राह अनिक ही आनि।। ९।।

^{1.} कांक्षी, चाहने वाली गति । 2. प्रार्थना । 3. उज्ज्वल । 4. यह झूठ कलियुग का अगुआ है । 5. झूठ विकारों की राजधानी है ।

श्री अरजन सुनि तबहि ऋिपाला । कह्यो करहु निज पुरि ध्रमसाला 1 । कथा कीरतन रीति चलाओ। गुर को गबद सुनहु अरु गाओ।। १०।। दोनहु समैं जाह तिस थाना। चतुर चतुर घटिका हित ठानि²। इक चित हइ करि प्रेम रखीजै।। ११।। सनीजै। गुरवानी की कथा धरमसाल महिं आनि लिखाओ। सगरे दिन जो झठ कमाओ। एक मास लगि कागद सारो। करह इकतर भले निरधारो ॥ १२ ॥ जबह अमस्स्या को तम आवो। सो कागद अपने संग ल्यावो। हमहि सुनावह मिलि करि तेते ।। १३ ।। झठ महीने बोलह जेते। करह पंन सो भी लिखि करि कै। आनि स्नावह सकल उचरिकै। सुनि उपदेश नमो करि गूर को। कितिक दिवस महिं गमने पूरि को।। १४।। जिम गुर कह्यो रची ध्रमसाल । कथा[.] कीरतन हइ जुगकाल³ । कह्यो झठ सो करिह लिखाविन । सित संगति मिहं हई शरमाविन ।। १५।। पन जिब कर बोलिये लगें। रिदै विचारिह क्या किह अगै।। किब हट जाइ कबिह किह कर। पून चिल आविह गुरू हजूर॥ १६॥ लगहिं सुनावनि लिज्जित होइ। तऊ हकम विस गुर के दोइ। सिभ कागद को देहि सुनाइ। पीछे रहैं अधिक पछुताइ।। १७।। खषट महीने बीतै जबै। त्याग्यो गयो झुठ तबि सभै। इक तो नरिन बिखै बिडआई। सभा मझार गुरु अगुवाई।। १८।। लिजत होइ बिस्रिनि फेर। यांते त्याग दीनि इक वेर। भले करम करिवे रुचि जागी। गुर उपदेश नाम लिवलागी।। १९।। नीके पंथ परे वृधि आई⁵। प्रभु डर ते त्यागी वृरिआई। सित संगति मिलि जनम सुधारे। थिर्राह बहुत सितिगुर के द्वारे।। २०।। सेवा बिखै लगे करि प्रेम। प्रापित भई अंत को छेम । इक पैड़ा पुन दुरगा आयो। श्री ग्ररजन को सीस निवायो।। २१।। बैठे सनमुख अरज गुजारी। करहु प्रभू कल्लयान हमारी। सिक्ख हजारों सेव कमाई। हमने सुनी परमगतिपाई।। २२।। जिस विधि हमरे मिटहिं कलेश। श्री मुख तै की जिह उपदेश। उर शरधा तिन के द्रिढ जानी। सितगुर गित-दा गिरा वखानी ।। २३॥

^{1.} अपने नगर में गुरुद्वारा बनाओं। 2. हित पूर्वक (वहाँ) चार-चार घड़ी के लिए जाया करों। 3. दोनों समय। 4. पश्चाताप। 5. सुमार्ग अपनाया, अनुकूल बुद्धि मिली! 6. मुक्ति। 7. सितगुरु मुक्ति-दाता है, ऐसी वाणी कही।

पुरब जनम दान जिन कीने। तन धरि तिनहं पदारथ लीने। अरोग, सुशीला नारी। पुत्र उपंनहि आइ सुकारी॥ २४॥ महिखी धेनू समुदाए। दरव अंन सभि सुख जुत पाए। फल पुरवले पुनिन केरा। जनम धारि भोगहिं इस वेरा॥ २४॥ जो नर गुरमुख पाइ पदारथ। जनम सहत निज करहि सकारथ। जिह सित संगति को हुइ मेलि । कथा कीरतन को रसु झेल ।। २६ ॥ तिन कह भोजन चार प्रकारा। स्वाद, सिनगध, मधुर, रसवारा। पंकति महि कर सो बरताइ। मृदत होइ सादर अचवाइ¹॥ २७॥ म्रिदुल गिरा कहि वारंवारा। त्रिपतावहु दे भले अहारा। कर अरु चरन पखारि बिठावै। घाम स्वेद 2 ते वायु झ्लावै।।२८।। जबि लौं धन चिल आइ वयेरे। नित त्रिपतावै संत घनेरे। पाछल बच्यो अहार सु खावै। महां पुनीत पुनीत बनावै।। १९।। गन पातक को घातक होइ। पुन विसाल वधावै सोइ। इस विधि जे नित नींह बनि आवै। तौ दिन पुरव³ मास मींह पावै।। ३०।। पूरण मासि, दरस4, संक्रांति। इत्त्यादिक जे नाना भांति। गर सिक्खनि को करिह अहारै। पठिह चुरो⁵ जिब पान पखारै।। ३१।। तिब सितगुर को धारिह ध्यान। विनै बखानिह विन विन मान। कर जोरै उर महिं इम कहै। इह प्रसादि प्रभु तेरो अहै।।३२।। सभि सिक्खन को बंदन करै। अच्यो गुरिन इम शरधा धरै। परब सरत्र जे मास मझार। नहिं बनि आवहि देनि अहार॥ ३३॥ दरस किधौं संक्रांति सु दिन मैं। त्रिपतावहि गुर सिक्ख सदन मैं। बहर वसत्र आछे वनिवावै। संत कि सिक्ख कपट को पावै॥ ३४॥ सीतकाल मींह करि पहिराइ। लेफ निहाली तल डलाइ। कं कंबर⁷ दे हेरि नगन को। छादनि करहि गरीबनि तनको। ३५॥ करिन दान इस विधि के दोइ⁸। सरव करें इह अति हित होइ। जथा शकति इह सभि के जोग। प्रिहसत धरम धार्यो जिस लोग।। ३६।। बचन कह्यो श्री नानक धीर। पुन दान का करै सरीर।

खिलाते हैं। 2. ध्प और पसीना। 3. पर्व। 4. अमावस। 5. कुल्ला करना।
 दूलाई, गद्दा। 7. कंबल। 8. दोनों — अन्न और वस्त्र।

सो गिरही गंगा का नीर। धरम ग्रिहसत कौ दान गहीर 1 ।। ३७।। ज्यों क्यों करि दिन रैन मझारा। वसत्र नगन को, छुधति अहारा²। पंन अपर बह बिधि के अहैं। तऊ न समता इसकी लहैं।। ३८।। दान शांत की इह सुखदाई। भगति उपावहि, कषट मिटाई। इम सतिगुर उचर्यो उपदेश। पैड़े दुरगे सुन्यो अशेष।। ३९।। बंदन कीनि सदन को गए। गूर को कह्यो कमावति भए। बहु सिख आवें, देहि अहारा। सादर कहैं भाउ वड धारा।। ४०।। केतिक द्योस बिते इम करते। परब दिवस गूर जाइ निहरते। खरच बडे घर आमद थोरी। यांते कढयो करज धन औरी³।। ४१।। इक दिन बहु संगति चिल आई। निह कुछ घर मिहंदे जुखुवाई। दयो न करज बनक ने जबै। कछक बिभुखन त्रिय के तबै।। ४२।। बेच तांहि को असन बनावा। सभि संगति को घर ग्रचवावा। अगले दिवस हेत नींह रह्यो। नींह उर डोले, धीरज लह्यो।। ४३।। वहिर भूमिका⁴ जिबही गयो। कर सो थान खन्यो लिख लयो। इक बासन दीनारिन भर्यो । तिह निकास घरि ल्याविन कर्यो ।। ४४ ।। करज उतारि बिभूखन सारे। घरिनाए शुभ, करित अहारे। दयो दरब प्रभु ने इम जाना। बसत्र अहार दीनि गनदाना।। ४५।। गुरबाणी पठि भगति करंते। श्री अरजन को आइ दिखंते। सुनि सतिगुर ने धन विरतांत। बचन कर्यो जो वंडति खात⁵॥ ४६॥ होति निकेत। वाहिगुरू तिस थडनि न देति । सरव पदारथ सित्तनाम सिमरित गित पाई। अंत समै गूर भए सहाई।। ४७।।

इति श्री गुर प्रताप सूरज ग्रंथे त्रितिय रासे 'सिक्खिन प्रसंग' वरननं नाम दुइ पंचासम अंशु ।। ५२ ॥

¹ गृहस्थी का बड़ा धर्म दान देना ही है। 2. नंगे को वस्त्र, भूखे को भोजन।
3. और धन कर्ज लेकर। 4. शौचादि के लिए। 5. बाँट कर खाता है। 6. कमी नहीं
पड़ने देता।

अंशु ५३ सिक्खन प्रसंग

दोहरा

र्झिग्रण हुते सु जात के वाला किशना नाम । संसिकत्त विद्या विखे पंडित बड अभिराम ।। १ ॥

चौपई

सो जिव कथा करति नर मांही। सुनहिं बिंद उर हरखु उपाहीं। आछी रीति सुनावनि करिहीं। रीझिंह सगरे सूजसू उचिरहीं॥ २।॥ तिनहं पिखे सिखजाति घनेरे। बांछति पाईं गुरू मुख हेरे। स्नि उपदेश त्याग लव रोस। धरहिं रिदै महिं सित संतोष ।। ३ ।। इत्यादिक गून रिदै बिचारे। गूर दरशन के हेतू सिधारे। श्री अरजन के ढिग चिल आए। नमो ठानि बैठे सम्हाए॥ ४ ॥ बोले बहर आप सतिगूर हो। उपदेशो गून सिक्खन उर हो¹। खपट शासत्रनि मतको जानहिं²। कथा पूरान महान बखानहिं ॥ ५ ॥ श्रोता को हम देति रिझाइं। सरब प्रसंनहिं सुजसु अलाइं। तऊ हमारे मन महि शांति। नहि उपजति, हइ मत अवदाति³।। ६।। सिक्ख आपके शांती पाइं। अजमत जुति लहिं गुन समुदाइ। किपा करह इह भेद बतावो। रिदै हमारे णांति उपावो॥ ७॥ सूनि श्री मुख ते बाक बखाना। मन कारन गुन अवगुन जाना⁴। विद्या पठिन लगे तुम जबते। मन त्रिशना उपजाइसि तिव ते।। प।। बह बिद्या हम पठिंह बनाइ। दरब समूह लेहि उपजाइ। दिढ संकलप तथा ही रह्यो। करिकरिकथा दरब ही लह्यो॥ ९॥

^{1.} सिक्खों के हृदय में गुणों (को धारण करने का) उपदेश देते हैं। 2. তঃ दर्शनों के स्वरूप को (हम) जानते हैं। 3. उज्ज्वल बुद्धि द्वारा शाँति पैदा नहीं होती և 4. गुण-अवगुण का कारण मन को जानो।

निज मन के समझाविन कारन । पठी न बिद्या किय न बिचारिन । कथा करति धन महिं मन रहे । किम शांति गुनगन को लहै ।। १० ।। अबि ते करह अगारी ऐसे। समझाविन हिंत लोकिन जैसे। अनिक भांति की करि चत्राई। करह रिझाविन ठानि उपाई।। ११।। तैसे मन समझाविन कारन। पिठ वेदांत सु करहु विचारिन। इस उद्दम महि बहु जिब लागो। सिमरहु सित्तनाम अनुरागो।। १२।। मास मास महिं दरसह गुर को। आइ वितंत बतावह उर को। सुख दुख जो पईयै परलोक। तिसको लखहू लेहु मन रोक।। १३।। बसहि रिदे मन की सभि जानहि। सो परमेशुर लखि सभि थानहि। श्री मुख से सुनि पंडित दोऊ। माने बाक विचारित सोऊ।। १४।। मन को समुझाविन पुनि लागे। सनै सनै त्रिशनादिक त्यागे। सितगुर संग करित भे नीत। सित्तनाम संग लागी प्रीति।। १५।। होति भयो तिन को कल्लयाने। गुर के सिक्ख होइ मन माने। नाम समुंदा इक चिल आयो। श्री अरजन को सीस निवायो।। १६॥ वैठि निकट मुख वाक बखाने। गुरू गरीव निवाज सुजाने। सनमुख वेमुख कहीअहि कौन। आप वखानहु लच्छन दौन 1 ।। १७।। जिसते मैं जानों मन मांही। सनमुख बनौं, बिमुख हुई नांही। सुनि गुर कह्यो होति वड शाहू । कारज करनि पठावहि काहू ।। १८ ।। बुधि ते बल ते प्रेम लगाइ। जो कारज को लेति बनाइ। सो सनमुख आवित चिल शाहू। नहीं करिह वेमुख लिख तांहू।। १९।। वाहिगुरू तिम पठ्यो तरित को। नाम दान इशनान करिन को। पाप्टल राति नींद को त्यागे। करहि सौच मज्जन अनुरागे।। २०॥ अम्रित वेले नित सत्तिनामु । सिमरहि प्रीति धरहि निशकामु । गुरबानी पठि रिदे विचारहि । तरिन उदे² निज काज संभारिह ।। २१ ।। मुख महि किधौं रिदे सत्तिनाम् । सदा संभारहि करते कामू । जिनहुं न मन ते प्रभु बिसायों। सितसंगित मिलिवे हित धार्यो।। २२।। जथा शकति नित देते दान। नगिन छुधित को देखि सुजान। जिन जग महिं इम काज बनायो । लिंग विषियिन निंह जनम गवायो ।। २३ ।। वाहिगुरू के सनमुख सोइ। हरखिंह तन तिज दरशन होइ। काज सुधार जाइ प्रभु मिलें। लिह आनंद मुकित से भले।। २४।।

^{1.} दोनों के लक्षण (सन्मुख और विमुख के) । 2. सूर्योदय।

जिनह न जग महिं काज सुधारा। सो वेमुख नित रहै दुखारा। सुनित समुंदे जुग कर जोरे। करह दया श्री गुरू निहोरे 1 ।। २५॥ मुझ को सनमुख आप बनावहु। दिहु तीनहु गुन को बखशावहु²। गुर किह सनमुखि सिख हुई जबै। हुइ आविह गुर करुणा तबै।। २६।। तबहि समुदे गुर वच माना। तिमही करनि लग्यो शुभ जाना। केतिक दिन मींह प्रापित ग्याना । सूनिह सदा जिम गुरू बखाना ।। २७ ।। कुल्ला मुल्ला झंझु³ दोइ। सोइनी⁴ हतो भगीरथ जोइ। तीनहु प्रापित भे गुर शरनी। बंदन कीनि अरज निज बरनी।। २८॥ गुरू गरीव निवाज सुनीजै। हम को दुखी विसाल जनीजै। बहु जुनिन मिह जनमित आए। होति स्नितक बहु संकट पाए।। २९।। जिंव प्रानी के निकसींह प्रान। वड दुख पाइ, न अपर समान। अवि आए हम शरन तुमारी। महां कषट ते लेहु उवारी।। ३०।। किया करह हम हर अबि ऐसे। जनम मरन पुन पाइं न कैसे। श्री मुख ते उचर्यो बिन गूरमुखि । त्यागह करम जु करते मनमुख !। ३१ ।। पुन पूछ्यो सभि भेद बतावो : गुरमुख मनमुख कहि समझावो । जबि हम लच्छन लेहि पछानि। तिब हम धरिह गुरू बिच मानि ॥ ३२ ॥ गूरम्ख मनम्ख द्वै विघि तीन⁵। श्री मुख ते फूरमावनि कीनि। इक गुरमुख, गुरमुख तर दूजो। गूरमुख तम, नीको लिख तीजो ॥ ३३ ॥ पीठ क्करमनि को जिन दीनि। गृरू बचन सनम्ख मख कीनि। को तिन सों जि करहि चंग्याई। सद जानहिं तिसकी भलिआई।। ३४।। सभि को भली करें इक सारा। चित न विसारहि, चहि उपकारा। इह गुरमख के लखीयहि लच्छन। स्नि ग्रम्ख तर जथा, विचच्छन !।। ३५ ॥ त्याग क्करमिन को उर धारा। ब्रिंद स्करमनि अंगीकारा। जो कारज किस को हइ साकहि। करिंह भलो खोटो निंह ताकिह।। ३६।। जो नर अपनि करहि अपकारा। तिस पर इह ठानहि उपकारा। रिदै विसारिह सकल खुटाई। सिहज सुभाइक होहि भलाई।। ३७।। अबि गुरमुख तम के सुनि लच्छन। ग्यान सपंन विसाल विचच्छन। आतम रूप जथावत जाना। जिस प्रकार सतिगुरू बखाना ।। ३८।।

^{1.} विनती करी । 2. नाम, दान, स्नान (तीनों) देकर कृपा करों। 3. विभिन्न जातियों के नाम । 4....... 5. गुरमुख और मनमुख दोनों तीन-तीन प्रकार के हैं। 6. विचक्षुण, चतुर।

जग बचित्रता निशचै नांही। एक रूप लखीयति सभि मांही। अबि सुनि मनमुख की बिधि तीन । किन जे तिन संग नीकी कीनि ॥ ३९॥ सो बिसारि ठानहि बुरिआई। किह संग भलो न करहि कदाई । जिस ने मन ही को मुख कीनि। मन को कह्यो करहि मति हीन।। ४०॥ कपट क्र करि लपट त्रिया है। धरम न राखिह निदिह-क्या है²। अस मनमुख के लच्छन जानि। अबि मनमुख तर को सुनि कान।। ४१।। पर को भला होति दुख पावहि । किम बिगरहि अस जतन बनावहि । देखति सुनित तपत अति छाती। चितवहि को होवहि इस घाती।। ४२।। सखा भले को सुनि तपताइ। अपर भला को कहां सुहाइ। निह उर जरिह 3 सु जर जर जाव 4 ॥ ४३ ॥ मुख ते मीठी कहै सुनावै। सभि को वुरो होइ सुख धारहि। हित अनहित सम एक बिचारहि। वहुतिन संग द्वैश ही ठानै।। ४४।। सभि जग को वैरी सम जानै। सभि को बुरा अपन हित जानि⁵। अबि मनमुख तम को सुनि कान। कथा पुरान कान नहिं धरै।। ४५।। सतिगूर शब्द श्रवन नहिं करै। दान पुंन इशनान बिहीन। कूरो कहै जीवकाधीन। इम भाखिह जिंह नर समुदाई। हर्मीहं न फलित करी भिलआई।। ४६।। करित बुराई ही सुख पावें। अस मनमुखितम नरक सिधावें। घोर शजाइनि⁷ सहै सरीर। जनम मरन की पुन पुन पीर।। ४७।। सुनि तीनहु गुर को उपदेश। गुरमुख लच्छन धरे अशेष। श्री सितगुर को सेवित रहे। निज सरूप मिह थिरता लहे।।४८।।

इति श्री गुर प्रताप सूरज ग्रंथे त्रितिय रासे 'सिक्खन प्रसंग' बरननं नाभु तीनः पंचासत अंशु ॥ ५३ ॥

^{1.} कभी भी। 2. क्या (वस्तु) है, कह कर धर्म की निंदा करता है।
3. सहन नहीं करता। 4. ईर्ष्या में जलता है। 5. सबकी बुराई में ही अपना हित मानता है। 6. मिथ्या कहता है। 7. दण्ड को।

अंशु ५४ सिखनि प्रसंग

दोहरा

लालू बालू विज्ज है तीसर प्रिय हरि दास। मिलि आए दरशन करनि श्री अरजन के पास ॥ १॥

चौपई

खंदि हाथ बंदन किर वैसे। अरज बखानी तीनहु ऐसे।
हम को निज उपदेश सुनवाहु। निज सिक्खिन के साथ मिलावहु॥ २॥
जिस विधि होइ उधार हमारा। करहु आप उपदेश उचारा।
सुनि श्री मुख ते बाक बखाने। मान मोह मतसर किर हाने॥ ३॥
पर का बुरा न राखहु चीत। तुम को दुख न होइ किस रीति।
मिलहु विकस गुर सिक्खिन साथ। बंदहु भाउ संग जुग हाथ॥ ४॥
मिट्ठा बोलिन अर निव चलना। वंड खावणा हित धिर मिलना।
धरम किरत ते करिन अहारा। पंचहु करम देति सुख सारा॥ ४॥
इह सिम करहु बिसारहु नुांही। हुइ कल्लयान ग्रिहसत के मांही।
सुनि किर सितगुर को उपदेश; कर्यो कमावनि कटे कलेश॥ ६॥

दोहरा

धीर निहालू तुलसीआ वूला चंडीआ आइ। श्री गुर अरजन शरन को जानी मन सुख दाइ।। ७।।

चौपई

बैठि निकट सितगुर के सोइ। किरतन होति श्रवन हुइ जोइ। श्री नानक की उपमा महां। सुनित बिचारित वैठे तहां।। ८।। सिभ के उर संसै हुइ आवा। नर गन प्रथम झगर जिम पावा¹। हाथ जोरि सो बूझनि लागे। सिक्ख बनिन मिहिं मन अनुरागे।। ९।।

^{1.} जैसे पहले अनेक लोगों ने झगड़ा खड़ा किया।

सुनहु गुरू जी लोक अनेक। मिलि करि झगरति हीन बिबेक। उ तिन महुं बैठिति भयो संदेहू। तुम सरबग्य सु उत्तर देहू॥१०॥ केतिक गुर नानक अवतार। जनकादिक के करहि उचार। केतिक कहैं विशनु को रूप। धरि करि कीने चलित 1 अनूप।। ११।। इत्त्यादिक बहु कहैं बनाइ। निरनै वात नहीं हम पाइं। किपा करहु अवि आप बतावहु। किह अवतार भेद समझावहु।। १२॥ सुनि करि उपजिहि सिदक हमारे। पर्राहं पंथ सुख प्रापित सारे। चिरंकाल को इह संदेहू। बहुत नरिन कै मेटहु एहू॥ १३॥ श्री अरजन सुनि गिरा बखानी । श्री सतिगुर नानक गुनखानी । नेति नेति जिसको कहि वेद। समि थिक रहे न पायह भेद॥ ९४॥ ब्रह्मां शिव सन्कादिक सारे। बुधि करि बल करि खोजति हारे। नाम सहस्र शेष नित कहै। जिसको गुन के अंत न लहै।। १५।। पापित भार अधीरज धरनी²। बहु िनती बिनती करि करनी। जोग जग्ग तप शकति न रही। शुभ करमिन बिन नर गति लही ।। १६॥ मुहि अलंब अबि दीजै कोई। जिसते थिरौं धीर उर होई। पारब्रह्म अचरज जिस चरिता। सभि जग करता भरता हरता॥ १७॥ धर्यो आनि श्री नानक रूप। गुर सिक्खी उपजाइ अनून। शकति बिहीन हेरि नर सारे। जोग न जग्ग न तप कुछ धारे।। १८।। यांते गुर सिक्खी की रीति। जग विसतरी वधति थड नीत⁴। सत्तिनाम को जाप बतायो। दान शनान भाउ चित लायो।। १९।। चारहुं बेदिन को तत लीनि। देणिन भाखा महिं कहि दीनि। संसिकत मिंह दुरलभ जोइ। लाखहुं मिह प्रापत हुइ कोइ।। २०॥ सो तत गुर सिक्खनि महिं ऐसे। धर्यों वदर किन कर पर जैसे। सिमरित नाम भगत को करते। सनै सनै ब्रह्म रूप विचरिते।। २१।। उर महिं विदत सु तत⁶ हुइ आवति । जिसके लखे न पुन दुख पावति । बेद सार की भाखा कीनि⁷। गुरू कियाल किया रस भीन।। २२।। तुम भी करहु विचारिन वानी। रिदा टिकावहु दुविधा हानी। सिदक धरहु सिक्खी निरवाहो । निहं दृख ते जम के संग जाहो ।। २३ ।।

^{1.} चरित । 2. पाप-बोझ से अधीर हुई धरती । 3. देखी । 4. नित्य बढ़ती जाती है । 5 बेर, (जैसे किसी ने हाथ पर बेर रख दिया है) । 6. तत्त्व, ब्रह्म । 7. वेदों के सिद्धान्तों को सरल भाषा में कहा ।

श्री अरजन ते सूनि हलसाए। भए सिक्ख संदेहि मिटाए। गुरवानी को लगे विचारिन। भगति ग्यान की जो वड कारन।। २४।। इस विधि भयो तिनहं कल्लयान । गूर को सेवति रहे महान । तोता अर मद् हित धारे। गोख़ टोडा महिता¹ चारे।। २५।। मिलि करि श्री अरजन ढिग आए। पद अर्रविदिन सीस लगाए। बैठे हाथ जोरि करि पास। पिखि अवसर कीनिस अरदास।। २६।। गुरू गरीव नि । ज ! हमारा । जनम मरन ते करह उधारा । रावर की शोमा सृति आए। उचित उधारिन के लिख पाए।। २७॥ सुनि बोने श्रो अरजन ग्यानी। पाठह सूनह तुम मिलि गुरबानी। आपस महि पुन करह विचारा। क्या आशै गूरू देव उचारा॥ २०॥ त्यागिन कह्यो स् त्याग करीजै । ग्रहण जोग सो ग्रहण धरीजै । पून वृझित भे कीनि उचारिन । वानी पढिन सू और विचारिन ।। २९ ।। केतिक पून दहिन को होइ : अधिक देति फल कही अहि मोइ। सूनहिं महातम रावरि मुख ते। सो हम कर्राह मिलहि जिस सुख ते।। ३०॥ कह्यो गुरू इन को फल जानो। सुनि कीजिह, शरधा उर ठानो। जो गुरवानी पाठ करंता। महां पाप को होवित हंता²।। ३१।। अंतहिकरन विमल नित करै। प्रीति सहन नितप्रति जो ररै। करहि कंठ पठि अंग्रित वेले³। इक चित र्ह्व करि मन को मेले ॥ ३२ ॥ अधिक पुंन उपजिहि सुख पावै। पठिह सुर्नाह नर ब्रिंद सुनावै। घरहि जु कामन पूरन सोइ। जे निषकाम रिदा सुध होइ॥ ३३॥ जे गुरवानी रहैं बिचारति। वांछा जस आदिक नहिं घारति। चहैं रिदै कल्लयान । तिन पुरखनि हुइ प्रापित ग्यान ॥ ३४ त जिम काषट महिं पात्रक रहे। विना जतन ते नर नहिं लहै। करि उपाउ जे लेति निकास। कारज करिह संपूरन रास।। ३४॥ अगनि रूप काषट हुइ जाइ। तेज प्रकाश सकेल ही पाइ। तथा बिचारति जे गुर बानी। तन अभिमान होहि तबि हानी॥ ३६॥ निज सरूप को खोजनि लागे। सने सने प्रापित बड भागे। आतम ग्यान पाइ ब्रह्म होए। रिदै बिनाशी दुविधा दोए 4 ॥ ३७॥

^{1.} चौधरी। 2. नाण करने वाला। 3. प्रात:काल। 4. द्वैत-भाव की दुविधा ▶

तन हंता विनसी जिस काल। अहं ब्रह्म हैं भए निहाल। यांते तुम सितसंगित करि कै। गुर बानी पिंढ रिदै विचरि कै।। ३८।। करह आपनी शुभ कल्लयान। जग बंधन ह्वं हैं सभि हान । लगे बिचारिन सतिसंग मिले।। ३९।। गुर बच सुनि करि चारों भले। झांझ मुकंदा अपर किदारा। हित कल्लयान आइ गुरद्वारा। तीनों नमो कीनि थिति पास। कर जोरित कीनी अरदास।। ४०।। क्यों करि होइ उद्यार हमारो। आप मुकंद उपाइ उचारो। सुनि श्री अरजन तबहि बखाना। तुम जानित हो राग महाना।। ४१।। गुरबानी रागनि महिं गाओ। नीके प्रभु को सुजसु बसाओ। ज्यों ज्यों अनंद राग ते पाओ। त्यों त्यों प्रेम अधिक उपजाओ।। ४२।। कलिजुग मींह किरतन मानिद। नहीं अपर को इही बिलंद। कठन महां तप जेको करै। किरतन समता क्यों हू न घरै।। ४३।। अपर सुकरम करिन जे सारे। होइ जिधन तन वल घरि भारे। किरतन के समान नींह कोई। सिभ ते अधिक इही इक होई॥ ४४॥ यांते तुम किरतन नित करो। अपर सुनाइ तारि गन तरो। सुनि तीनो गुर बूझे फेरी। महिमा किरतन कही बडेरी।। ४५।। पाठ करनि अरु कथा करंन। फल वरनहु इनके भिनं भिन। श्री मुख ते पुन लगे सुनावनि । बाणी पाठ करहि जे पावन ।। ४६ ।। जथा क्प की खेती होइ। सींचित नीर हरी करि सोइ। शीघ्र पकाइ सदन महिं आनहि । सभि बिधि के सुख भोगन ठानहि ॥ ४७ ॥ खेत समीप अपर जे होइ। तिह भी पहुंचि सकहि जल सोइ। दूर खेत को पहुंचित नांहि। तिम फल सुनहि श्रवन के मांहि।। ४८॥ किरतन करिन मेघ की वरखा। बरखे जल हुइ जीवन हरखा। खेती जिंह कींह हरीअल होवै। सावत दानो तिन मिंह जोवै।। ४९।। मुनहु बिसाल कथा को फल है। झरी लागि जिम वरखत जल है। थिमक थिमक बुंदैं जे परिहीं। सभि अपने महिं घरनी घरिही।। ५०।। बाद 2 न जाति परहि जल जोइ । खेती को सुखदायक सोइ । तैसे समझावन सिख जेई। कथा कीरतन करते सेई।। ५१।।

^{1.} संसार के सभी वंधनों का अंत होगा। 2. व्यर्थ।

स्निह ममोछी¹ हिरदै धारिह। गुनिन बघाइ विकार निकारिह। रिदे विचारिह निरनो करै। आतम ग्यान भले उरघरै॥ ५२॥ कीरतन दोनह मिले। शोभा पावति अति ही भले। कथा बधावै महा महातम। किरतन सुनते सुधि हुइ आतम।। ५३।। जबिह कीरतन करिह भलेरा। हरख बधाविह बहु मन केरा। जथा मात प्रतिन ते छाजै । तथा कथा किरतन ते राजै।। ५४।। जिम प्त्रिन को पालिह माता। तथा कथा किरतन हरखाता। सुनि बोले सिख हमै बताबह । सुत जननी द्रिषटांत जनावहु ॥ ५५ ॥ किरतन पिता कथापित कौन। सो भी करनो होयह जौन। कह्यो गुरु सो प्रेम पछानह। कथा कीरतन प्रेम जि ठानहु॥ ५६॥ शोभित हैं दोइ। जिसते महां महातम होइ। सुनि सतिगूर को द्वै उपदेश। किरतन लागे करनि हमेश।। ५७।। महां प्रेम ते शबद सु गावैं। नहीं कामना कोइ उठावैं। परालबध करि जो किछ पाइं। किया देहि की सो निवहाइं3।। ५ ।। करिह भाउ सिख संगति देति। करि गुजरान आपनी लेति। किरतन करति रहैं निषकाम। गुर सेवा लहि पद अभिराम॥ ५९॥

इति श्री गुर प्रताप सूरज ग्रंथे त्रितिय रासे 'सिखनि प्रसंग' बरननं नाम चतर पंचासती अंगु ॥ ५४॥

^{1.} मुमुक्षु, मोक्ष की इच्छा करते वाला। 2. सुशोमित होती है। 3. निर्वाह की गई।

अंशु ५५ सिक्खनि प्रसंग

दोहरा

गंगु नाऊ सहिगला रामा धरमा और । पंचम उद्दा जानीए मिलि कै हुइ इक ठौर ॥ १॥

चौपई

स्री अरजन की पर करि शरनी। बंदन करि के बिनती बरनी। हुइ करि सिक्ख रहे गुर पास । इक दिन करित भए अरदास ।। २ ।३ मुनी अवतार। पंडित ग्यानी भए हजार। बेद कतेव पायह अंत ॥ ३ ॥ सभिहिनि भाख्यो ब्रह्म अनंत । खोजि रहे नहि ब्रह्म जु कहै सच्चिदानंद। श्री नानक सो रूप मुकंद। ब्रह्म अवतार करें वक्ख्यात¹। जाने परे सभिनि साख्यात ॥ ४ ॥ सो तौ अंत जानते होइं 2 । अपनो अंत लखै सिभ कोइ। श्री अरजन सुनि संसै ऐसे। उत्तर दियो तिनो कह तैसे।। ५।। आदि अंत ब्रह्म की जे होइ। श्री नानक जी उचरित सोइ। जिसकै कबहूं आदि न अंत। कहिन्नो तिसको बनहि बिअंत।। ६।। बेद नराइन स्वास। बरनन कर्यो व्रह्म कुछ तास³। जैसे मधुसूदन सो ब्रह्म सरूप। भयो निगुन ते सगुन अनूप।। ७।। तिनहुं बेद मींह कह्यो बिअंत । हुति जि कहिते आदि रू अंत । कहिन बिअंतु अंत इह जानहू। अपर न संसै कैसे आनहु।। ५।। तुम अब ब्रह्म लखहु सिभ मांहि। नभ सम सारे खंडित नांहि। सिक्खिन सो अवि भाउ करीजै। वाहिगुरू मुख जाप जपीजै।। ९।। किह सों द्रोह नहीं मन ठानहु। एक ब्रह्म को रूप पछानहु। इसते हुइ तुमरो कल्लयान। जनम मरन दा वंधन हानि।। १०॥

^{1.} प्रकट। 2. सो अर्थात् गुरु नानक तो अंत (उस ब्रह्म का) जानते होंगे । 3. उन्होंने अर्थात् वेदों ने।

श्री गुर ते सुनि कै उपदेश। लागे सिमरनि नाम हमेश। सेवित रहे गुरू भगवंत। प्रापित भयो परमपद अंत।। ११।। फिरणा सूदर भोलू जट्टू। वेता¹ अपर मिल्यो संग भट्टू। पंडित हुतो तिवाड़ी सारे। मिलि आए श्री अरजन द्वारे।। १२।। पिखि करि नमो करी तक शरनी। पुन अरदास आपनी बरनी। गुरू गरीब निवाज महान । हम गमने गंगा इशनान ॥ १३ ॥ तहां समाज पंडितनि मिल्यो। एवि प्रसंग सिभिनि महिं चल्यो। कहिन लगे भे गन अवतार। सुर सिधि, सादिक भए हजार॥ १४॥ भए असंख सु कहैं पुरान। सभिहिनि करे गुरू सुखदानि। श्री नानक जग भए विसाला। कर्यो आपनो पंथ निराला।। १५।। तिन को गुरू भयो है कौन। जिह उपदेश लीयो कहु तीन। जग मैं प्रगट भए अवतार। तिनके मित मिह लोक अपार।। १६।। सिभ पडित ते सुनि करिकान। हम सिक्खनि तिव कीनि वखान। इह सुध निंह किसको हम मांही। सितगुर कर्यो गुरू कै नांही।। १७॥ अबि गुर अरजन हैं तिस गादी। जिंह किहं सिक्खी कीनि अबादी। तिन ते सुनि करि नीके निरनै। पुन समीप तुमरे हम वरनै।। १८॥ श्री मुख ते शुभ बाक उचारा। श्री नानक गुर एकंकारा²। सुर नर की गमता निंह जहां। सितगुर को गुर समझिह कहां॥ १९॥ तन धारिन को धरम जि कही अहि । श्री नानक गूर अंगद लही अहि । जिस आगे निज सीस निवायहु। पैसे पंच नलेर चढायहु।। २०।। सुनि करि तिन पुनि संसै कीना। गुर हुइ सो उपदेशि जि दीना। नाम कहैं गो को तम नाश। रू को अरथ जु करिह प्रकाश³।। २१।। जिस उ₁देशे ते हइ जाइ। गुरू कहैं तिह नर समुदाइ। श्री नानक भे सुते प्रकाश। जनमित ते अजमत जिनि पास ॥ २२ ॥ लघु बय महिं उपदेशनि लागे। मानि कनायहु नर बड भागे। इम जे बूझिंह क्या हम कहैं। इह भी तुम ते उत्तर लहैं॥२३॥ सुनिकै श्री अरजन वच भाखा। इस पर सुनहु तीन की साखा⁴। माया सवल⁵ ज् एकंकारा। सिरजन हित कहि-ओ अंकारा॥ २४॥

^{1.} वेत्ता, जानने का इच्छुक। 2. गुरु नानक के गुरु स्वय परब्रह्म थे। 3. 'गो' का अर्थ अंधकार-नाशक एवं 'रू' का अर्थ प्रकाश-दाता। 4. साखी, दृष्टांत। 5. माया-सहित।

प्रकट भए तबि देव जुतीन। ब्रह्मा बिशनु महेश प्रवीन। तिन तीनहु को, को गुरभयो। सुनी तिवाड़ी उत्तर दयो॥ २५॥ ब्रह्मा शिव दोनह मिलि जाइ। कर्यो बिशनु को गुर हरखाइ। बहर बिशनु उर बिखै बिचारा। महांदेव को गुर निज धारा।। २६।। शिवजी घरिह बिशन् को ध्याना । बिशनु करें शिव को सुख मानि । यांते सित गुन तप गुन रंग। भए बिपरजै दोनहुं अंग।। २७।। सति गुन उज्जल शिव ने धर्यों। तम गुन स्याम विशनु जी कर्यो। सुनि बोले श्री गुरू प्रबीन। जबहि विशनु शिव को गुर कीनि ।। २८।। तिब ही होयो ग्यान सरूप। कै आगे ही हुतो अनूप?। कह्यो तिवाड़ी प्रभू भगवान। हुतो प्रथम ही ग्यान निघान॥ २९॥ जग की करिन स्रिजादा कारन । बिशनु कर्यो क्षिव को गुर धारिन । श्री अरजन किह तिम तुम जानो । श्री नानक जग गुरू महानो ॥ ३०॥ सुयं प्रकाश¹ प्रथम ही थिए। तन मिरजादा धारति भए। श्री अंगद को गुरू सथापि। जोति जगाई अपनी आप।।३१।। यांते निशचा गुर महिं धरो। सिक्खी धरम निर्वाहिन करो। हुलत पलत महिं लहो अनंद। जीतहु सकल विकार बिलंद।।३२।। सुनि गुर बाक हरख को धारा। उर संसै गन को निरवारा। सेवा करित रहै सितगुर की। हरी अविद्या दुखदा उर की।। ३३।। डल्ला अपर भगीरथ जापू। चौथे निवला मिलि करि आपू। श्री अरजन की शरनी आए। कर जोरित पद सीस निवाए।। ३४।। बहुरो करी अग्ग्र अरदासि। हम उर संसे देह बिनाश। श्री नानक पूरन अवतार। भगत सरूप धर्यों करतार!। ३५।। उपासना मुख्य बताइ ? निरगुन कै² सरगुन की गाई। किम निशचा अपनो प्रगटायो। बहु सिक्खनि को पंथ बतायो॥ ३६॥ श्री अरजन सुनि सुमति बताई। निषफल अस संदेहि उठाई। निरगूण सरगुण तौ दुइ कहीअहि । जौ इन विखे भेद कुछ लहीअहि ।। ३७ ।। श्री मुख वाक । सलोकु ।।

सरगुन निरगुन निरंकार सुंन समाधी आपि ॥ आपन कीआ नानका आपे ही फिरि जापि ॥ १॥ (गउड़ी सुखमनी) ।

^{1.} स्वयं-प्रकाश । 2. ग्रथवा ।

चौपई

पारब्रह्म निज इच्छा करिकै। सगुन सह्य आपनो धरिकै। जग की सकल म्प्रिजाद कराविह। सिभ की पालिन करि जीवाविह।। ३८।। धरि अवतारिन दुष्ट विनासिह। सुख संतिन के रिदै प्रकाशिह। पुन सोई निरइच्छतहोइ। निरगुण वनिह अकार सु खोइ।। ३९।। जथा होइ महिपालक एक। जिव इच्छा को धरिह विवेक। वसत्र शसत्र को पिहरिह तन मैं। वैठिह सभा विखे मुदि मन मैं।। ४०।। निज इच्छा जिब तिजवे धरै। शसत्र वसत्र तन ते पर हरै। होइ इकाकी सिहजा सोवै। तिब तिस को न विलोचन जोवै।। ४१।। जो राजा ढिग करिह पुकारिन। लेहि नाम बहू सुजसु उचारिन। जे निप्रय सभा मांहि के अंतर²। सुनिह पुकारिन सुजसु निरंतर।। ४२।। दोनहु थल ते करिह सहाइ। सगरे संकट को विनसाइ। तिम श्री नानक पंथ बतायो। सिमरिन नाम दुहिन दिशि भायो।। ४३।। अपनो नाम सगुन जे सुनिह। होहि सहाइक संकट हनिह। सित्तनाम जापक नर जानि। निरगुन को प्रापित हुइ ग्यान।। ४४।।

दोहरा

निरगुण सगुण उपासना द्वै ते जानि महान। निसि दिन करनि उपासना सित्तनाम की मानि।। ४५।।

चौपई

जैसे रामचंद समरत्थ। उतरिन चिह सागर के पत्थ।
जेकिर चहै सुकाविह जल को । उलंघिह पार लग किप दल को । ४६।।
तऊ विचारिन ऐसे करें। हम को मिलि थोरे निसतरें।
नाम जपे बहु को कल्लयान। नाम महातम कीन महान।। ४७।।
सरवर पर गिरवर धिर भारे। तह्वर के पातिन सम तारें ।
लिख्यो नाम तिन पर सु जनायो। सरगुन ते बड नाम सुहायो।। ४८॥
निरगुण सरव शरीरिन मांही। सित चेतिन आनंद बिन नांही।
अंतर बहिर निरंतर व्याप्यो। जाहि नरक जे नाम न जांप्यो।। ४९॥

आँख से भी देखा नहीं जा सकता।
 यदि राजा सभा में या अकेले
 में अन्दर।
 चाहे तो जल को सुखा दे।
 पेड़ के पत्तों के समान उद्घार किया।

जिन सत्तिनाम जप्यो करि प्रेम । अंतिहकरण विमल तिन छेम । जनम मरन को बंधन हान।। ५०।। सिमरति प्रापति आतम ग्यान। ह्वं विशेख, भजि आठो जाम। यांते निरग्ण ते सत्तिनाम। सागर फांध गयो हनुमाना ॥ ५१॥ सनि सिक्खिन गर संग बखाना। पूल पर कपि दल उलंघनि कीनि। नाम अलंब अपर ने लीनि। सुधि दे राम प्रसंन कयो है।। ५२।। सो निज बल ते कूद गयो है। सिमरति राम नाम हनमाना। श्री अरजन पुनि सुनित बखाना। तिस पर राम नाम सिभ जाना ॥ ५३॥ मुद्रका लई पयाना। बहर कुछ विखाद तन होति न भयो। नाम प्रताप पार परि गयो। यांते नाम महातम भारो। सिमरि तरै जग सिधु सुखारो।। ५४।। जग सागर उलंघिह बल ठानी। तिम जानह जो है ब्रह्म ग्यानी। हनुमान कपि दल महिं जैसे ।। ५५ ।। बिरले नर होवति हैं ऐसे। रुजी, लंगरे, सभि बिधि भली। पर निरवल बली। नाम सेत बिना जतन, आनंद उर धारे॥ ५६॥ सने सने¹ परि पार स्खारे। निरस बिषै सभि ते मन होइ। ब्रह्म ग्यान अभयासी कोइ। यांते लखहु भगति प्रभु शरनी। सिमर्राहं नाम सुगम सुख करनी।। ५७।। पापी पुंनी मूढ सुजान। पार परिंह करि भगित महान। यांते तुम सिमरहु सत्तिनाम। रहीअहि सति संगत की शाम²।। ५८।। सुनि सिक्खनि उपदेश कमायो । गुर की शरनि रहे सुख पायो । कथा कीरतन इक चित सुनै। हुइं इकंत तिब हरि हरि भनै।। ५९।। श्री अरजन को सेवति रहैं। अंत काल महि शुभ पद लहैं। सतिगुर सेवा सभि सुखदानी। वडे भाग जिन तिनहु कमानी।। ६०।।

इति श्री गुर प्रताप सूरज ग्रंथे त्रितिय रासे 'सिक्खनि प्रसंग' बरननं नाम पंच पचासमो अंशु ।। ५५ ।।

^{1.} शनै: शनै: । 2. शरण।

अंशु ४६ सिक्खनि प्रसंग

दोहरा

मूला 1 , सूजा 1 घावणे 2 , चंदू 1 चौझड़ 2 आस । रामदास 1 भंडारीआ 2 , वाला 1 , सांईदास 1 ॥ १॥

चौपई

खषट मिले श्री अरजन पास। पग वंदन कीनी अरदास। गुरू गरीव निवाज जि प्रानी । करम करति द्वै विधि³ सिभ जानी ।। २ ।। धरम राइ के ढिग सिभ कोइ। पाप पुंन को लेखा होइ। फल दुनहनि के न्यारे न्यारे। किधौं शेख रहिंदे फल व्यारे⁴॥३॥ श्री अरजन सुनि वाक बखाने। चार प्रकारनि के सिख जाने। इक सहिकाम करम के करता। बिय निषकाम करम को धरता॥ ४॥ करि उपासना त्रिती पछानो। चतुरथ ब्रह्म ग्यानी सिख जानो। तुम चारनि मैं वूझहु कौन। करहि सुनावनि जसगति तौन।। ५।। सुनि सिक्खनि भाख्यो जे चारहु। जिम ब्रितांत हुइ तथा उचारहु। गुरू कहिन लागे तिस काल। जिम इक होति महां महिपाल।। ६।। चार प्रकार प्रजा तिस केरी। इकतो खेती करहि घनेरी। न्निप को नर तिन ऊपर रहै। करहि भावली⁵ अंन जि लहै।। ७।। सदा मुहस्सिल 6 बंटिह दाना। जे ख्यानत 7 को करै अजाना। दंड देहि राखिह चुकसाई। हुयो अंन सिभ लेहि बंटाई।।८॥ दुतीए पटा लिखाइ चुकावे। खषट मास महिं न्रिप नर जावे। कर्यों जुहोति देति तिस तांई। अपर चिंत चिंत धरिह न काई।। ९॥

^{1.} व्यक्तियों के नाम हैं। 2. जातियों के नाम हैं। 3. दो प्रकार की: निष्काम, सकाम। 4. भुगतान के उपराँत शेष बचे (कर्मों के) फल। 5. बँटाई। 6. समाहर्ता। 7. अमानत में छल-कपट।

त्रितीए नर सौगाती¹ जानि। ग्निप की हद पर वासा थान²। बाजी बाज आदि सौगात। भेजहि न्निप ढिग नित हरखाति।। १०॥ बहु ग्रामिन के राज करंते। दरब लेहिं सभि सुिख भोगंते। केतिक होइ। अपनो राज करति हैं सोइ।। ११।। माफी न्प्रिप के संग चढिह जिहि जाइ। सिभ पर अपनो हुकम चलाइं। खाणा अरु दाणा हुइ जोइ। लेते महिपालक ते सोइ।। १२।। लखहु प्रजा प्रभु की इम चार। इक तो सहिकामी ब्रिति धारि³। काम रु कोध कूर कहु लागे। नहिं कबहुं हरि के रस पागे।। १३॥ तीरथ दान ब्रत्त जे करिहीं। फल हुइ अमुक कामना धरहीं। तिन पर धरमराइ को डंड। नरक सजाई लहैं प्रचंड।। १४।। पुंन पाप फल भोगहिं न्यारे। किव सुख किव दुख लहैं विचारे। इक निषकाम करम सुभकरैं। धरम करित प्रसंनता धरैं।। १५ ।। पाप अचानक जे हइ जाइ। तिन को लेखा करि इक थाइं। अघु विआड़ करि पुंन जु शेख⁴। तिनको भोगति अनंद विशेष ॥ १६॥ जे अघ अधिक होइं तिस केरे। पुंन व्याड़ अघ ते दुख हेरे। तिन के पुंन होहिं बलवान। पाप निवल ह्वै अस नर जानि ॥ १७॥ त्रितीए अहें उपासक जोइ। भगति परायन मन हइ सोइ। पाप नहीं ठानै सी जानि। ह्वै जि कदाचित्त अघ ग्रनजानि।। १८॥ रुचि करि धरम करिहं हरखाइ। अघ को व्याड़ सदा सुख पाइं। रहैं निकटवरती प्रभु केरे। जनम मरन के परहरि फेरे। १९॥ परालबधि बसि ्ते जे जनमें। भगति करति ग्यानी हुइ मन मैं। जनम मरन के बंधन हानें। पद निरबाण मिलहि तत जानें ।। २० ।। इक सिहकामी भगत जि होइं। तन तजि सुरग भोग करि सोइ। बहुर धनी के ग्रिह तन धारैं। सितसंगति मिलि जनम सुधारैं॥ २१॥ मुकति लहैं बंधन को त्यागैं। इक निषकाम भगत अनुरागैं। परालवध बसि जनम जि धरते । संतिन के घरि महि अवतरिते ।। २२ ॥ करित भगित लिहं आतम ग्यान । प्रापित होति पुनहु निरवान ।

भेंट देने वाला।
 राजा की सीमा पर निवास करता है।
 कामना-पूर्ण वृत्ति वाले।
 पापोपराँत जो पुण्य शेष रहते हैं।
 सिद्धान्त को जाना।

जिम सौगात बाज के बाजी। इक पिठ देति रहित पुन राजी 1 ।। २३॥ तथा भजन करि सुखी रहंते। जे ग्यानी जग कर लखते। तन अरु करम झूठ सभि जानें। हंता ममता कबहं न ठानें।। २४।। ज्यों सूरज ढिंग तम निंह जाइ। तथा करम तिन को न लिपाइ। जीवन मुकति विसाल अनंद। नहिं ब्यापै कवि मन तन दुंद²।। २५।। सिख वृझै तिन करम महाने। किम भोगे विन होवति हाने। गुरू कह्यो सेवक ले पंन³। निंदक ग्रध लें जे दूख जंन⁴। २६॥ ब्रह्म ग्यानी निर लेप सदीव। नहिं फल करम तिनह को थीव। ऐसे सुनि करि गुर के बैन। सिक्खनि पाई हिरदे चैन।। २७।। विशन् हतो दीवड़ा⁵ जोइ। सुंदर माछी मिलि करि दोइ। श्री अरजन की शरनी आए। होइ दीन चरनी लपटाए।। २८।। कह्यों कि हमरो करह उधारा। जिंह किंह तुमरो सुजस उदारा। श्री मुख ते फुरमावनि कीनि। सेवा करह होइ मन दीन।। २९।। सुंदर वन ते काषट आनै। जल ल्याविह भिर देग सथानै। विशन पिछली निस मिंह जागै। उठि सिक्खनि की सेवा लागै।। ३०॥ करिवावै जल तपत शनान। पग की मैल करिह सिभ हान। गुर उपदेश सुन्यो मन लाइ। लागे सेव करिन समुदाइ॥ ३१॥ प्रापित अंत समै कल्लयान। जनम मरन के बंधन हानि। जट्टू भानू त्रितिय निहाल्। चत्रथ आइ तीरथा नाल्।।३२।। चड्ढे 5 हते जाति के चारों। चिल आए गुर के दरवारों। नमों करी गुर अरजन पास। हाथ जोरि बोले अरदास।। ३३॥ श्री सतिगुर शुभ बचन तुहारे। बहु विधि के हम अरथ विचारे। करे करावे आपे आपि। मानुख के किल् नांही हाथ ।। ३४ ।।

पुना: -

जैसा बीजै सो लुणै करम इहु खेतु।। अकिरतघणा हरि विसरिआ जोनी भरमेतु ॥ ४॥ (जैत: वार मः ५)

^{1. (}एक ऐसे हैं) जो बाज या घोड़े का उपहार एक बार भेज कर राजा को सदा प्रसन्न रखते हैं। 2. दु:ख। 3. सेवक पुण्य कमाते हैं। 4. दु:खोत्पादक लोगः पाप लेते हैं। 5. एक जाति विशेष।

चौपई

जो प्रभु आपे करिह करावै। तौ हम करिह जथा मन भावै। क्यों तिब दोष लगिह इस प्रानी। जे करमिन फल भुगतिह जाती।। ३५।। तौ विचार करि करम करीजै। ग्रुभ को धरिह अशुभ तिज दीजै। करी आपकी सगरी बानी। िकस को धरिह श्रेय लिह प्रानी।। ३५॥ श्री अरजन तिब उत्तर दयो। श्री ग्रिथ साहिब गुर कियो। कारन करिन केर कल्लयान । पठिह कमाविह सुनिह सुजान।। ३७॥ अधिकारिन पर शबद बनाई। जस अधिकारी तथा कमाई। सिभ अधिकारिन के गुर सिख हैं । ग्रहण करें जिम निज मित पिखि हैं।। ३५॥ सित संगति मिहं जो निहं राते। ग्रिहसत फर्सीहं कै राज कमाते। पाप रू पुन करिहं बहु वेर। सो अधिकारी इस तुक केर।। ३९॥ जेहा बीजै सो लुणै करमा संदड़ा खेतु।। (म० झ० मः ५)

चौपई

इक उपासना पर ललचाए। सित्तनाम सिमरिहं मनलाए।
सिभ प्रानी मिह प्रभु सु बिचारें। इन सम तुक के सो अधिकारे।। ४०॥
करें करावें आपे आप। मानुख के किछु नांही हाथ।
इम निश्चा जन हिरदे धरे। सिभ मिह बरत प्रमेशुर करें ॥ ४१॥
त्रितीए सत्तासित विचारिह। सदा ब्रह्म को निरने धारिह।
इन सम तुक के सो अधिकारी। सुनि मानिह समझिंह उरधारी॥ ४२॥
ब्रह्म दीसें ब्रह्म सुणीऐ एक एक वखाणीऐ। (बिल वल म: ५)

दोहरा

इत्यादिक बहुते अधिकार।
मुख्य तीन हम करे उचार।
जैसे बेद महां बुधिवान।
रोगी आइ बिनै बहु ठानि॥ ४३॥
नाड़ी, मूल हेरि रुज जानै।
तिस पर बहुर औणधी ठानै।
तैसे गुर ढिग सिख चिल आवै।
बचन किया ते तिह लिख पावै॥ ४४॥

^{1.} कल्याणार्थ । 2. सब प्रकार के अधिकारों वाले गुरु-सिक्ख हैं । 3. पद, चरण । कविता की पंक्ति । 4. सबमें परमेश्वर व्याप्त है ।

जथा पिखिह अधिकार विशेष ।
तथा कर्राह सितगुर उपदेश ।
जे हकीम लघु विद्या मित में ।
परख्यो गयो न रूज कुछु चित में ॥ ४५ ॥
रोग आन औखिध दे आन ।
रुज निह जाइ प्रान ह्वै हान ।
तैसे गुर काचो अनजाना ।
सिख अधिकार न करिह पछाना ॥ ४६ ॥
तिस उपदेश अयोग वताव ।
रही श्रेय मिर नरक सिधाव ।
यांते तुम उर लेहु विचारी ।
भगति करिन के इह अधिकारी ॥ ४७ ॥

सत्तिनाम सिमरहु दिन राती।
सित संगति सेवहु भिलभांती।
गुर सिक्खिन की टहिल करीजै।
उर हंकार विदारि सु दीजै। ४८॥
सुनिकै सितगुर ते उपदेश।
लागे सेवा करिन हमेश।
सिमरित नाम परमगित पाई।
सितगुर सेवे भए सहाई॥ ४९॥

इति श्री गुर प्रताप सूरज ग्रंथे त्रितिय रासे 'सिक्खिन प्रसंग' वरननं नाम खषट पंचासमो अंशु ॥ ४६ ॥

अधिकारी पात्र को जानकर ही सितगुरु उपदेश देते हैं — अर्थात् 'अधिकारी भेद सिद्धान्त' को स्वीकार करते हैं।
 रोग और तथा औषि और देते हैं।
 मोक्ष तो रहा (वे) मर कर नरक जाते हैं।

अंश ४७ सिक्खनि प्रसंग

दोहरा

नऊ भोलू जाति के सेखड़ साध सुजान। जट्टू भीवा जाति का मूला पुरख महान।। १।।

चौपई

चारहु मिलि श्री अरजन द्वारे। आइ नमो कीनी हित धारे। गुरू गरीव निवाज कि पास। कर जोरति भाखी अरदास ॥ २ ॥ बानी तुमरी अनिक प्रकार। उचरहु जुदो जुदो अधिकार। जस अधिकार आपनो जाने। कह्यो शबद को आश माने। ३।। हम तो अपनो जिम म्रधिकार। नहीं पछान सकहिं निरधारि। करम करिन के हैं अधिकारी। कै उपासना करिह बिचारी।। ४॥ ग्यान काण्ड के कै अधिकारि। सितगुर! हम सों करहु उचार। श्री अरजन सुनि वाक वखाने। स्रपिन परखना इस विधि ठाने।। ५।। गुर बच मुनि जिब उर मिंह घरे। करम शुभा शुभ निरनै करे। चाहिन लग्यो करम शुभ करिन । तऊ जि बुरे करम को व्यशन¹।। ६।। मिटित नहीं मन ते नित चाहे । तौं अधिकार करम को ताहै 2 । अन्रागे ॥ ७ ॥ सुनिबे गुर सिक्खनि की सेवा लागे। गुरवाणी सने सने मन खोट निवारे। अभिलाखित प्रभु दिशि चित धारे। जे गुर बाक सुनहि निज कान । करम अशुभ की हुइ तबि हानि ।। घ ।। कोइ कदाचित जे बनि आवै। तऊ न आछो मन महिं भावै। लखहि उपासन को अधिकारी। गुरवाणी अभ्यास विचारी।। ९।।

^{1.} कर्म का स्वभाव। 2. उसका है।

पठिन सुनिन अरू अरथ विचारिन । होइ अशुभ सो करिह निवारिन । जे गुर शबद सुननि ते सारे। खोटे करम रिदे निरवारे।। १०।। विषयिन के रस ते मन फियों। करम अशुभ महिं हित निहं धर्यो। जग दुख रूप जानि करि नीको । सभि विवहार लगहि उर फीको ।। ११ ।। तिब निज लखिह ग्यान अधिकारी । करिन लगिह सित असित विचारी । हम अधिकार अपन जस जानै। तस विधि आप करिन को ठानै।। १२।। सभि अधिकारनि पर गुरवानी । सिख भी सभि अधिकारनि जानी । निज ग्रिधिकार सुमति ते लखै। करम उपासन ग्यान कि विखै।। १३।। निज अधिकार जानि करि लागै। गुरू शवद सों नित अनुरागै। सुनि गुर बाक समझ तिन आई। निज अधिकार लगे गति पाई।। १४॥ चतुरदास अरू मूला दोइ। हुते कपूर जाति के सोइ। हाड़ू गाड़ू विज्झ सुंचार। चिंल आए संतिगुर के द्वार ।। १५ ॥ करि वंदन सो बूझनि लागे। ह्वै उपदेश सिक्ख बहु जागे। णुभ करमिन के उद्दम करें। सित्तनाम सिमरिन मन धरैं।। १६।। सरव संत भी ऐसे कहै। रावरि को मत तौ इह अहै। इक सलोक श्री वार मझारे¹। इस बिधि श्री मुख कीनि उचारे ॥ १७॥

सलोक मः १।। दाती साहिव संदीआ किया चलै तिसु नालि। इक जागंदे ना लहंन इकना सुतिआ देइ उठालि।। १॥

चौपई

इसते विधि ऐसे लिख लई। सुपत्यो दाति प्रभु ने दई।
जाग्रति जे छूछे सो लहीअहिं। यांते सुपत्यो ही नित चहीअहिं।। १८।।
तिव वौले सोढी सिरमौर। इसको आशै है विधि और।
इक तौ पिंढ किर पंडित होए। मन हंकार बिसाल परोए।। १९।।
निहं संतिन की सेवा किरहीं। हम वृधि अधिक मान हम धिरही।
करिंह वाद उर निश्च नांहि न। शुभ उपदेश जु मानिंह काहि न।। २०।।
इक ग्रनपढ निंह मन हंकारी। गुर संतिन की सेव सुधारी।
पठ्यो सु जागति, छूछा रह्यो। अनपढ सुपित सेव सुख लह्यो।। २१।।
अथवा और अरथ सुनि कान। इक गमन्यो सितसंग सथान।
तहां नींद बिस ह्व पर रह्यो। बरतावे तिव तिसको लहयो।। २१।।

^{1.} राग सिरी की वार में आया एक श्लोक।

दयो जगाइ तांहि वरतारा। छूछो जाग्यो सदन मझारा। इस पर सुनि उचरहिं द्रिषटांत। जुग सौदागर सुनि करि बात॥ २३॥ प्रात होति चिल परिह जहाज् 1 । सुनि 2 बड मजल करी हित काज्। संध्या समैं पहूचे जाई। इक तौ चिं जहाज सुपताई।। २४॥ दूसर चढ्यो न ऐसे जानि। चलनि समैं हम चिंहहैं आनि। जागित रह्यो सरब निस मांही। निकट जहाज सु पहुंच्यो नाहीं।। २५॥ ढोल बजायो चढिवे कालि। जाग्रति पर्यो अपर किस ख्याल। सुन्यो न गयो अरुढ्यो नांही। दूर जहाज गयो छिन मांही॥ २६॥ जो जहाज महिं सुपत्यो नरहै। तांहि जगायो गहि करि करहै। बनकिन बनज कर्यो तिह साथ। लियो लाभ तिन अपने हाथ।। २७॥ जाग्रति रह्यो चढ्यो निंह जोइ। रह्यो इकाकी बन मिंह सोइ। निज सौदा सभि गयो लुटाइ।। २८।। चोर धारवी³ पहुंचे आइ। सित संगति मींह जानहु तैसे। उद्दम धरि करि आइ जु बैसे। सुपत्यो होइ जि तांहि जगावैं। संत ऋिषा करि शवद सुनावैं।। २९।। जे प्रसादि कुछ वरतणि लागे। सुपति जगावहिं⁴ प्रथम जुजागे। जागति रह्यो जिघर के मांही। सुनिह न शबद, प्रसादि न खाही।। ३०।। अनपढ स्पत करहि सतिसंग। मन नीवां करि शरधा संग। तिसकी नींद अबिद्या जोइ। ग्यान सुनाइ सकल दे खोइ॥ ३१॥ निज सरूप को लाभ सुपावहि। जथा बनक लाहा बड ल्यावहि। पढे सु जागति आप कहावैं⁵। भूल कबहि सतिसंग न जावैं।।३२।। निरभै हुइ करि बुरो कमावहि । सो बिन ग्यान छूछ रहि जावहि । सुनि गुर ते करि के मन नीवा। सितसंगित को सेव सदीवा।। ३३।। चारहु सिक्खिन शुभ गित पाई। श्री अरजन जी भए सहाई। फिरणा बहिल नाम इक चंगा। त्रितीग्रो जेठा मिलि करि संगा।। ३४।। श्री गुर पग को बंदन धारी। जोरि हाथ निज अरज गुजारी। गुरू गरीव निवाज बतावो। हमरे उर संदेह मिटावो।।३५॥ केतिक सिमर्राह राम सुनाम। केतिक किशन हरे घनश्याम। केचित सोहं। सिमरैं नाम परमगति होहं।।३६।। केचित ओअं

प्रात: होते ही जहाज ने चल देना है। 2. सुन कर (यह)। 3. लुटेरे।
 सोते को जगाते हैं। 5. पढ़े-लिखे अपने को जागृत कहलवाते हैं।

हम को उचित कौन मुख जापनि । उपदेसहु सतिगुर अघ खापन¹। सुनि श्री मुख ते हुकम बखाना। सिमरहु वाहिगुरू दुख हाना।। ३७॥ तरी नीर के तीर उतारै। इस विधि की शकती सिभ धारैं। तऊ बिचारो जिस जो चर्यो। तिसी अलंब नदी को तर्यो।। ३८॥ तिम परमेशुर के सभि नाम। करहिं पार सिमरे उरधाम। जो सतिगुर उपदेशनि कर्यो। तिसको सिमरि सिक्ख भव तर्यो।। ३९।। एक बार जुग खट अरु तीस³। धुंधूकार न परजा ईशा। एकंकार रच्यो निंह कोई। सुंनि समाधि रहै सिभ कोई॥ ४०॥ नहीं अकार कछु प्रगटायो। रह्यो गुवार ईश इम भायो। नौ नौ जुगमहिं इक इक बरनं। श्री नानक चहुं को इक करनं। ४१॥ वाहिगुरू इक नाम बनायो। सुनि सभि संतिन के मन भायो। निज सिक्खन को करि उपदेश। सिमरति काटे वंध कलेश।। ४२।। अबि जो इक मन सिमरिह नाम्। वाहिगुरू पूरिह उर काम्। अंत समै गति लहै सुखारे। जनम मरन के बंध निवारे।। ४३।। यांते वाहिगुरू तुम सिमरो। निस दिन रिदै बदन ते ररो⁴। सितगुर तुमरे होइं सहाइ। दुविधा सगरी देति मिटाइ॥ ४४॥ अंत समैं सिभ वध निकंदि। होवहु लीनि सिच्चिदानंद। सुनि सिक्खन भ्रम को निरवारि। वाहिगुरू सिमर्थो करतार ॥ ४५॥ श्री अरजन को सेवति रहे। अंत समैं नीके सुख लहे। तिन को मिले सु गुरमित पाई। जिह किह तिक्खी जग विदताई।। ४६।।

इति श्री गुर प्रताप सूरज ग्रंथे त्रितिय रासे 'सिक्खन प्रसंग' वरननं नाम सपत पंचासमो अंशु ॥ ५७॥

पाप-नाशक । 2. (नदी पार करने की) शक्ति सब में (नावों) है।
 छत्तीस युग । 4. रात-दिन हृदय में (स्मरण करो) मुख से पाठ करो ।

अंशु ४८ सिक्खनि प्रसंग

दोहरा

विस्सा गोप तुलसीआ भारदुआजी विप्प्र । गोइंद घेई भाईअड़ा आए मिलि करि छिप्प्र ।। १ ।।

चौपई

बंदन करि वैठे सिभ पारा। हाथ जोरि कीनी अरदास।
गुरू गरीब निवाज सुनाइए। द्वै शवदिन मिह संसै पाईए।। २।।
नामदेव जन सबद सुनाए। द्वै थल रागिन बिखै टिकाए।
दोनहु मैं बिरोध दिखि पाए। एक भगत के दुऊ सुहाए।। ३।।
पांडे तुमरा रामचंदु सो. भी आवतु देखिआ था।
रावण सेती सरबर होई घर की जोइ। गवाई थी।। १।।

पुना: -- जसरथ राइ नंदू राजा मेरा रामचंदु, प्रणवै नामा ततु रसु अंम्रित् पीजै ॥ ४ ॥ ४ ॥

चौपई

प्रथम शबद महिं जानी परै। तरक ईश अवतारिन करै। दुतीए महिं महिमा अवतार। नामदेव ने कीनि उचारि॥४॥ अरथ बिवसथा कैसे होइ। हम किम समझिंह ? उचरहु सोइ। सुनि श्री अरजन वाक उचारा। निरगुण सरगुन द्वै पख धारा॥५॥ दोनहु की उपासना न्यारी। किनहु धरी निज रिदै मझारी। जैसे सागर जाइ निहारे। जिसते उठिह तरंग हजारे॥६॥ नदी जाइ करि जबहि निहारी। सोई सागर ताहि बिचारी। जल सरूप सिंभ एक निहारा। तिम श्री प्रभु के गन अवतारा॥७॥ सत चित आनंद रूप जि लह्यो। सिंभ को सत्ता दे सो रह्यो। जो पंडित पठि बिद्या घनी। ग्यान बिहूने मुख ते भनी॥८॥

^{1.} जोरू, पत्नी।

सरगुन पूजा धर्राह विशेख। संतिन संग कमावित द्वैख। कहा शवद तिनके परथाइ। सगुण निगुण जे पक्ख बंधाइ॥ ९॥ धरम शरीर धरिन को एही²। दुख सुख प्रापित होनि अछेही। ग्यानी तन को झूठ लखंते। तिह सम दुख सुख कूर जनंते॥ १०॥ इक उपासकी लक्ख के होइ³। वाच उपासक लिखयित कोइ⁴। जिनहु लक्ख की कीनि उपासन। इक सम सत्ता सिंभ मिह भासिन।। ११॥ रम्यो अकालपुरख सिंभ माही। सो किह संग वैर धिर नाही। वाच उपासक जे नर अहैं। सिमर्राह किशन राम घट कहैं⁵॥ १२॥ राम उपासन करनै हारे। किशन विखै सो दोष उचारे। इत्यादिक बहु तरक उठावें। लक्ख रूप को भेद न पावें॥ १३॥ यांते लक्ख उपासक बनहु। हुइ निरवैर विकारिन हनहु। सुनि सितगुर ते संसै खोइ। ठख्यो सरूप आपनो जोइ॥ १४॥

दोहरा

कालू चाऊ बंमीआ गोइंद घेई⁶ आन । मुला हेम कपाहीआ धारो सुर महान ॥ १५॥

चौपई

छज् निहालू दोनो भले। हुतो कोहली रामू मिले।
तुलसा वहुरा साई दिता। आकुल अरु दामोदर मिता॥ १६॥
विगहिमल्ल अरु आवल भाना। बुद्धू छींवा आइ सुजाना।
भिक्खा टोडा जुग भट अहे। तिन संग मिले जु खोड़स कहे⁷॥ १७॥
सिभ सुलतान पुरे के वासी। चिल आए श्री अरजन पासी।
बंदन कीनि कमल सम पाइनि। यथा शकित धरि अग्ग्र उपाइन⁸॥ १८॥
हाथ जोरि अरदास उचारी। हम सिख सिभ गुर अमर अगारी।
उपदेश्यो हमको बिधि एवा। घरम किरत करि सिक्खन सेवा॥ १९॥
मिट्ठा बोलन अरु मन नीवा। पाछल निस इशनान सदीवा।
भोर होति लिग पिठ गुरबानी। वहुर किरत कीजै हित ठानी॥ २०॥

^{1.} वैर । 2. शारीर धारण करने का यही धर्म है । 3. एक तो (भगवान् के) दर्शनीय रूपों की उपासना करते हैं । 4. कोई वाच्य रूप के उपासक दीख पड़ते हैं । 5. राम को कम समझते हैं । 6. क्षत्रियों का एक गोत्र । 7. उनसे आ मिले जो पीछे सोलह कहे । 8. भेंट ।

तिसी प्रकार करित हम रहे। तऊ शांति निहं मन को लहे। क्रिपा करहु अबि दिहु उपदेश। जिसते मन हुइ शांति विशेष।। २१।। श्री अरजन सुनि बाक बखाना। रज तम गुण जि त्याग नहिं ठाना। रिदै शांति की गुन निह धारो। ती लिंग शांति न भले विचारो।। २२।। सुनि सिक्खनि गुर बूझन करे। गुणनि प्रीख्या हम किन धरें ?। श्री मुख ते किंह सुनि दे मन है। हिंसा क्रोध तामसी गुन है।। २३।। करनो लोभ रिदै अभिमान। इही राजसी गुणनि पछानि। मिट्ठा बोलिन अर निव चाले। इही शांति की हैं सुख वाले। २४॥ जिस अहार ते उतपति होइ। श्रवण करहु मन दे करि सोइ। निस बासी चरपरा जु खावै । बहु सुपतिह परि निदा अलावै ॥ २५ ॥ राखिह अपनो बेस मलीन। बोलिह कूर संग बुधि हीन। इसते तामिस गुण उपजंते। मधुर सलवण अहार करंते।। २६॥ इसती रमण, सुजस को चहै। गुण सु राजिस इसते लहै। उज्जल बसत्र करिन इशनान। चावर दाल अलप करि खान।। २७।। होइ शांत की गुण 2 इन करे। इनहु परीख्या को इम धरे। सनमुख शबद बदन द्रिग करीअहि । अरथ वासतव³ समझ सु धरीअहि ॥ २८ ॥ मन टिक रहे न डोलिह जाइ। तौ गुण शांतिक को लिख पाइ। किव मन टिक डोल किव धाव । इही राजसी गुन अधिकाव ।। २९।। जे नहिं ठहिरै समझ न आवै। इही तामसी गुण बरतावे। सतिगुण ते ब्रिति होइ इकागर। प्रापति आतम ग्यान उजागर⁴।। ३०॥ धारह स्र! सुनह करि प्रीति । वहिर बैरीअनि ले इक जीत⁵ । तिन को जस ढाढी बह गावैं। केतिक दिन लो जग प्रगटा है।। ३१।। इक मन रिप को जीतनि करैं। तिन जसू वेद संत नित ररैं7। सनि सांईदिता ! से साध। मन जुति लेहि रिखीकिन8 साधि॥ ३२॥ तुलसा ! सुनह : भगत से दास । राम नाम बिन बादन स्वास⁹। रिदै शांत की गुण विरधावो। शांति ग्यान-दा तिव तुम पावो।। ३३॥ पाछिल राति मोह को जालि 10 । सिख जागित हैं नाम संभाल। छिधित नगन को देखिह नांहि। करींह कामना पूरन तांहि।। ३४।।

^{1. (}जो) रात का वासी और मिर्च-मसालेदार (भोजन) खाता है। 2. सतगुण । 3. शुद्ध भाव। 4. उज्जवल। 5. बाहर के शत्रुओं को जीत लेता है। 6. प्रशस्ति—गायक। 7. गावें। 8. इन्द्रियों को। 9. श्वास व्यर्थ है। 10. जला कर।

इक ते जे न कामना पुरै। सिंभ मिलि किर तिस देंबो करें।
सिंत संगति मध्या सम होइ। नीवे हुइ किर बरखित सोइ॥ ३५॥
दोइ समै ध्रमसाला जावहु। परब दिवस गुर देखिन आवहु।
दीपमाल वैसाखी जानि। आनि सुधासर करहु शनान॥ ३६॥
पुरि सुलतान मेलि सिख भारा। कर्यो गुरू ने भगति भंडारा।
दीपा हुतो कासरा रूरा। श्री अरजन के रहित हजूर॥ ३७॥
सेवा करिह सरव परकार। जो सिख आइ गुरू दरबार।
उत्तम भोजन किर अचवाव । तिन की जूठि आप ले खावें ॥ ३८॥
सिक्खिन के पग धोविन करें। थकित होइ तिस चांनी भरें ।
नगन देखि किर बसत्र उढाव । चरचा गुरू शबद नित भाव ॥ ३९॥
श्री अरजन प्रसंन ह्वं कह्यो। दीप प्रकाश दीप ते लह्यो ।
अंधकार को होति बिनाश। तिम दीपे को ग्यान प्रकाश।। ४०॥
हमने इह दीपक सम कर्यो। जो इस मिलै सुनिसच तर्यो।
इस प्रकार जिन सेव कमाई। सो निसतरे गुरू शरनाई॥ ४१॥

इति श्री गुर प्रताप सूरज ग्रंथे तितिय रासे 'सिक्खिन प्रसंग' वरननं नाम अषट पंचासती अंगु ॥ ५८ ॥

^{1.} मेघ। 2. कसेरा जाति। 3. यहाँ सिक्खों को भोजन करवा कर फिर स्वयं भोजन करने का ही आशय है। 4. सेवा करना, मुट्ठियाँ भरना। 5. दीप से दीप जलता है।

अंशु ४६ सिक्खन प्रसंग

दोहरा

इस प्रकार श्री सतिगुरू करति सुधासर बास । संगति आवे दरस को श्री गुर अरजन पास ।। १ ॥

चौपई

एक कपूर¹ देउ सिख भारी। सुत बनिता जुत सिक्खी धारी। सेवा करि प्रसंन सिख करै। बडो प्रेम मिलिबो जबि घरै।। २।। इक दिन श्री अरजन को पूछा। सिख प्यारो तुमरो उर सूछा। तिनको दरशन मोहि करावहु। इस थल अहै कि अपर बतावहु।। ३।। श्री मुख ते फुरमाविन किय तिह। संमन है शहिवाज पुरे मिह। सुनित कपूर देव तिहं गयो। संमण संग मेल तिन कियो।।४।। आप करनि लाग्यो अस कारा। सेवा करि निज सदन उतारा। <mark>इँधन अधिक मोल को आना। स</mark>फ़ शतरंजी² त्यार सु ठाना।। ५॥ अपर समिग्ग्री बसतर आदि। ल्यावित भयो सु मन अहिलाद। करि करि त्यार सदन महिं धरै। वाहिगुरू मुख नाम उचरै।। ६।। कपूर देउ सिभ पेखित रह्यो। जिह परकार करित वह लह्यो। जबि करि कार अयो ढिग सोइ । कपूर देव पिखि बिसमैं होइ ।। ७ ।। बैठि निकट तिन³ पूछी फेर। धंन भाग तुम दरशन हेरि। दया करी दरशन दिये आनो। कौन काज मुख करो बखानो।। ८।। कह्यो कपूर देउ क्या करें ?। मृहि गुर पठ्यो, न ढिग कुछ थिरे⁴। कहति भयो इह काज जरूर। रहीं निसा सिभ तौर हदूर।। ६।। सिभ दिन महि घंघा करि लीनि । निस महि सुत पित किरतन कीन । कर्यो प्रसंन रहे तिस पास। भई प्रात जबि उद्यो प्रकाश।। १०।।

^{1.} कपूर देव । 2. चटाई, दरी । 3. उसने (संमण ने) । 4. मेरे पास कुछ नहीं बैठते ।

तहां धारवी लीनसि माल। पीछे परी गुहार¹ विसाल। विच संमण को सुत चिल गयो । गोरी लगी म्रितक को भयो ।। ११ ।। करि राख्यो बहु काष्ट त्यारी। सो ले करि सुत चिखा² सुवारी। तिह उचवाइ जबहि ले चाले। संमण किरतन करित विसाले॥ १२॥ सुति म्रितु के आगे चलि गयो। काष्ट संग दाह करि दयो। नर बतराविन को जिब आए। सफ सतरंजी दीनि इसाए³।। १३।। पिखति कपूर देउ विसमायो। कह्यो जितें पूरव लिख पायो। गुर ते जाचि लेति सुत वैस । जीवित रहति सु वर ते जैस⁴ ।। १४ ।। कह्यो सरीर अनित्त । इन विनसनि अचरज नींह, मित्त । तन बिनसे जो शोक करंते। तिन सम मूरख अपर न जंते।। १५।। गुर ते मंगीअहि नाम सहाइ। जो प्रलोक महिं संग सिधाइ। पित सुत चार दिवसं की खेल । तन तत पंच विरोधी मेल ॥ १६ ॥ निज फल भोगे ते हुइं भिंन । कोई मरहि नहीं को जंन⁵ । अपन सरूप हिसारि लहे दुख । गुर के वाक विचारिन ते सुख ।। १७ ।। निह किछु जनमै निह किछु मरै। आपनि चलित आप ही करै। इहु गुरबाक विचारह तास। घट मट ते न बिकार आकाश⁶ ॥ १८ ॥ तिम तन जनमे मरन मझारो। आतम रहे दुहिन ते न्यारो। सुनति कपूर देउ करि बंदन। धंन गुरू सिख मोह निकंदन।। १९।। गोइंद, गोला, मोहन तीन। कुक्क जात के तिनको चीन। श्री अरजन के ढिग चिंल आए। करि बंदन को अरज अलाए।। २०।। जिस बिधि होइ उधार हमारो । सो रावरि उपदेश उचारो । श्री मुख ते फुरमावनि कीनि। राम नाम नित जपहु प्रवीन।। २१॥ राखहु मरण याद निस दिन में। पाप न होइ लखहु गुनि मन मैं। अघ करिवे ते जबि हटि गए। पिछले राम नाम ते छए⁷।। २२।। होइ पुनीत महां सुख पात्रो । निरमल अंतहिकरण बनात्रो । बहुर ग्यान की उतपति होइ। जनम मरन को दुख सिभ खोइ।। २३॥ श्री मुख ते सुनि शुभ उपदेश। लागे सिमरिन करिन हमेश। निकट गुरू के सेवति रहे। अंत परमपद तीनहुं लहे।। १४।।

इति श्री गुर प्रताप सूरज ग्रंथे त्रितिय रासे 'सिक्खन प्रसंग' वरननं नामु एक ऊनसगरी अंगु ॥ ५६ ॥

^{1.} पुकार । मार-पीट । 2. चिता । 3. बिछा दीं । 4. जैसे वरदान प्राप्त कर जीवित रहता । 5. न कोई जन्मता है । 6. घट और माट न्याय से आकाश विकारी नहीं हो जाता । 7. पिछले (अतीत) के (पाप) राम-नाम से नाश हो जाएँगे ।

अंशु ६० सिक्खन प्रसंग

दोहरा

गंज¹ वसै लवपुरी के मोहण आलम चंद। जोधा जल्लहु² तुलसपुरि चारहुं बडे मसंद।। १।।

चौपई

श्री अरजन की सेवा करिहीं। आनहि धन सिक्खन महि फिरिहीं। गुरु विराटका³ खाहि न आपि। जानहि इह विसाल है पाप।। २।। मिलहि अहार विखे जिम माखी । वमन करावहि रहहि न राखी⁴ । पदारथ करें नसाविन ।। ३।। त्यों गुर के धन करे दराविन । सरव प्रवीन । अरु सरीर को दे करि छीन। यांते नहीं छपाइ सो चारहं इक दिन रथ चढे। आइ दरस हित आनंद बढे।। ४॥ केतिक पंथ जबहि चलि आए। निकस्यो एक सरप अगवाए। फण बिलंद को करि कै ऊचा। सनमुख रथ के आइ पहूचा।। ५।। करी अपर दिशि रथ तिस हेरि । तित को समुख भयो अहि फेर । मोहण देखि उतर तिब पर्यो। इक घट ले अहि आगे धर्यो।। ६।। कह्यो, दरस गुर को जे चाहे। तौ प्रवेश करि इस घट मांहे। पंनग बर्यो वीच ततकाल। मुख आछाद कटोरे नालि⁵।। ७।। रथ महि धरि करि आइ सुधासर। प्रथमै डेरा कीनि उतर करि। पुनि श्री अरजन के ढिग आए। हाथ बंदि करि माथ निवाए ।। ८ ।। कह्यो गुरू तुम केतिक अहो⁶। दरशन हित आए सो कहो। सुनि के कह्यो गरीब निवाज। हम चारहुं प्रापित भे⁷ आज।। ९।। बोले सिख पंचो एहु। पंचीन को प्रसादि इन देहु। घट महिं मेलि सरप जो आना। पूरब जनम मसंद महाना।। १०॥

^{1.} लाहौर के एक वाजार का नाम । 2. भाई जल्लो । 3. कौड़ी । 4. वमन (उल्टी) हो जाती है, अन्दर नहीं रखी जाती । 5. कटोरे के साथ मुँह ढक दिया । 6. तुम कितने (सिक्ख) हो । 7. पहुँचे हैं ।

रिदा हंकार बिखै रहि पागे। नहीं निम्यो इह सिक्खनि आगे। यांते फण ऊचो गंति¹ पाई। अर इन गुर की कार छपाई॥ ११॥ यांते बन्यो सरप बिखभूर। अबि ल्यावहु हमरे सु हजूर। सुनि गुर बाक उठाइ सु ल्याए। धरि दिवानि महि मुख उघराए।। १२।। फण उठाइ करि निकस्यो बाहर । खरो सिभिनि मिह हेर्यो जाहर । गुरु कह्यो सर अंम्रित आनो 2 । सभि तन पर छिरकाविन ठानो ॥ १३ ॥ तति अहि तन त्याग दयो है। रूप प्रकाश आकश गयो है। श्री अंम्रितसर दरशन करे। अनिक अघिन को सो नर हरे॥ १४॥ जे शरधा संग करींह शनान। तिन को क्यों न होहि कल्लयान। ढेसी जोध विष्प्र संग जाती³। गर की शरन जानि सुखदाती ॥ १५॥ आए चिल श्री अरजन पास। नमो कीनि ठानी अरदासि। विष्प्र जि पंडित दीरघ आहि। हमको लेति न पंगति मांहि॥ १६॥ वैठि सभिनि में हमहु सुनायो। जगत गुरु तुम दिज तन पायो। खत्री के सिख होए जाइ। गंगा अपर जि कांशी थाई।। १७॥ विशनु सु महांदेव पुरि 4 इही। सो त्यागे तुम सेवहु नहीं। तीरथ क्रितम⁵ अंम्रितसर है। सेवहु तांहि लख्यो बहु बर है।। १८॥ बेदनि ब्रह्म बाष्टी को त्यागे। गुरबाणी भाखा संग लागे। जनम अपटमा अरु शिवराति । व्रत इकादसी तिज तुम खाति ।। १६ ॥ गाइत्नी, त्रै संध्या, तरपन। पिड पतल किरिआ करि बरजन⁶। मिरतक पाछै करि अरदास। करहु कराहु लेहु मृख ग्रास॥ २०॥ यांते तुम भ्रिषटि अबि होए। पंगति उचत नहीं किम जोए। श्री गुर तुम शरनी हम परे। जगत गरत ते काढिन करे।। २१।। जाति मान श्रिंखल ते निकसे⁷। सीत प्रसादि खाइ मन विगसे। प्रापित भयो हमिह सित्तिनाम्। जम सो रह्यो न कैसे काम्॥ २२॥ तऊ जि पंडित करि अपमाने। किम हम तिन के संगि बखाने। श्री अरजन सुनि बाक बखाना । तीरथ अंग्रित ताल महाना ।। २३ ॥ नगर भयो इह एकांकारा⁸। विधि हरि शिव पुरि⁹ जितिकि उदारा। छित मंडल के तीरथ सारे। बर्साह आइ पावनता धारे॥ २४॥

^{1.} ऊँचे फण वाली दशा। 2. सरोवर से अमृत लाओ। 3. ब्रह्म तेज से पूर्ण ढेसी। 4 काशी, शिवपुरी। 5. बना लिया है। 6. हटाना। 7. जातिवाद की अहंकार-पूर्ण श्रृंखला से निकले। 8. परमेश्वर का नगर है। 9. ब्रह्मा, विष्णु और शिव की पुरियाँ।

इक तौ जल को तीरथ महां। दुतिय नाम को तीरथ इहां। ब्रह्म गिआनी आदिक वड संत। इस के तट पर ब्रिंद बसंति।। २५।।

श्री मुख वाक

गंगा जमना गोदावरी सरसुती ते करिह उदमु धूरि साधू की ताई। किलविख मैल भरे परे हमरै विचि हमरी मैलु साधू की धूरि गवाई।। २।।

चौपई

गन अघ करि प्रानी जे मज्जति । तीरथ महां विखें सभि तज्जति¹ । पापनि ते आकुल हुइ आवति । इहां धूर संतन की पावति ।। २६ ।। कथा कीरतन सूनि करि तबि ही । तीरथ गन पावन हुई सभि ही । सिखनि वूझ्यो जग महिं जोवें 2। जल सों मिल करि मल को खोवें।। २७।। चरन धूर ते मल किम जावै। सुनि सतिगुर दिषटांत बतावै। सज्जी साबण मल ही होवें। तिन ते मल बसत्रनि की धोवें।। २८॥ तिम संतिन पद रज अति पावन । है समरथ गन पाप नसाविन । तिम गुर शबद श्रवन धुनि परे। प्रेमा भगति उपावनि करे।। २९।। सिभ थल जल को तीरथ अहा। अधिक नाम को तीरथ इहां। बिच जहाज सम श्रीं हरि मंदिर। जिसमो नाम मुहाणा³ सुंदर।। ३०।। शिव सिर ते गिरि गंग प्रवाह । मिले पुचावति⁴ सागर मांह । तिम गुर मुख ते निकसी बानी । पठहि बिचारि कमाइ जुप्रानी ।। ३१ ।। सो प्रभुके पग संग मिलावति । बहुर बह्म महि मिलिबो पावति । दोनहु तीरथ इहां बिसाले। जन को कर्राहं निहाल सुखाले।। ३२।। विशनुरूप बनि पुरख अकाल। करे स्वास ते वेद विसाल। दवादश महा वाक को पाइ। कमलासन विसतार उपाइ।। ३३।। बहुर व्यास ने बहु बिसतारे। जो परिविरित भए जग सारे। तिसी अकाल पुरख तन थिए। संत रूप श्री नानक भए।। ३४।। कलि के जीव उधारिन कारिन । करे बेद ते शबद उचारिन । समझिंह नर मितमंद सुखारे। करि उपदेश करोरहं तारे॥ ३५॥ संजम सों अहार नित करिवे। इह इकादशो सिख वृति धरिवे। पंद्रहि दिवसनि महिं सो आवै। सो सिक्खनि को नितप्रति भावै।। ३६।।

सब विषय-विकारों का त्याग होता है।
 दिखाई पड़ता है।
 भन्नाह ।
 अपने में मिलने वाले को (सागर तक) पहुँचाती है।

श्री नामदेव वाक

राम संगि नाम देव जन कउ प्रतिगिआ आई। एकादिस व्रतु रहै काहे कउ तीरिथ जांईं॥ १॥ चौपर्ड

विष्प्र जाति तन के अभिमानी। गरसिक्ख होवति आतम ग्यानी। धर्राहं अहं तन से चंडाल। प्रीति चरम चरबी के नाल।। ३७।। सो ब्रह्मन जिन ब्रह्म पछान्यो। सिभ घट महिं इक पूरन जान्यो। ''कह कबीर जो ब्रह्म बीचारै। सो ब्राह्मण कहीअत् है हमारैं''।। ३८।। हाड चरम मिज श्रोनत मास²। धरहि प्रीति, चंडाल अवास। तम ब्रह्मण हो ब्रह्म पछाता। निज सरूप के नित रंग राता॥ ३९॥ तरपन पिंड पतल गाइत्री। पितर लोक प्रापित पावित्री। तुम सत्तिनाम जपह सुख रास । पहुंचहु वाहिगुरू पग पास ।। ४० ।। पितरलोक सिख बांछित नांही। अविनाशी निज रूप समाही³। जिम सभि छित को निपति प्रयंना। एक ग्राम ते ह्वं न प्रसंना ।। ४१।। जे गरीव ले बहु हरखावै। तिम नरकी पितरन पुरि पावै। गुर के सिक्ख स्वरग निंह बांछे। ब्रह्म रूप प्रापित जे आछे॥ ४२॥ श्री अरजन ते निरने सुनि करि । भए प्रसंन ग्रिसंसे दिजबर । गुर निशचे ते लहि ब्रह्म ग्यान । जाति पाति की त्यागी आन ॥ ४३ ॥ जाति कान गाढी पग वेरी। वंधे दुख प्रापित बहुवेरी। बिन गुर करुना छूटति नांही। पचे परींह परवारिन मांही। ४४।।

इति श्री गुर प्रताप सूरज ग्रंथे वितिय रासे 'सिक्खन प्रसंग वरननं नाम सपटीः अंगु ॥ ६० ॥

^{1.} ब्राह्मणों की जाति ही अभिमानी होती है। 2. हड्डी, चर्म, मज्जा, रक्त और माँस। 3. सिक्ख स्वर्ग की कामना नहीं करता, वह तो अपने अविनाशी रूप में समा जाता है। 4. (उसकी दशा ऐसी होती है) जैसे सम्पूर्ण धरती के राज्य को प्राप्तः करने वाला राजा, एक गाँव से प्रसन्न नहीं होता।

अंशु ६१ सिक्खन प्रसंग

दोहरा

घुट्टे जोधा जाम द्वें श्री अरजन ढिग आइ। करि बंदन बैठे तबै वूझे सहिज सुभाइ।।१।। चौपई

श्री गुर ! इम है हुकम तुमारो । मन इकाग्र करि भजन सुधारो । करि हारे हम अनिक उपाइ। नहीं इकागरता मन पाइ॥२॥ सुनि सतिगुर किंह उत्तर तिन को । प्रथम न लखहु सुभाव जि मन को । लगे पछानिन अबि गति अंतरि। इसी जतन महिं रहो निरंतर । ३।। निकसहि मन पुर जोरहु¹ आनि । पुन पुन रोकहु बनि सवधान । सहिज सुभाइक थिरता होइ। पावहु श्रेय कषट गनखोइ।। ४।। सुनि उपदेश जतन तिम ठाना। सो प्रापति होए कल्लयाना। मंत्र के संग पिराणा स्रायो । सितगुर आगे सीस निवायो ॥ ५ ॥ दिह उपदेश होहि कल्याने। श्री मुख ते शुभ वाक बखाने। सरवर के मुरीद तुम दोऊ। सिक्खी कठन कमाइ न सोऊ²।। ६।। कहिन लगे दरशन भयो। तिब ते हमरो मन फिरि गयो। हिंदु जनम हम तुरक मनावें। गयो धरम परलोक गवावें।। ७।। सुनि गुर कह्यो जाह निज धाम । प्रथम ढाहु सुलतान मुकाम। पुन आवहु हम सिक्ख बनावें। शुभ अपनो उपदेश बतावें।। ५।। सुनित जाइ तिस थान बिदारा³। गुर ढिग आइ प्रसंग उचारा। श्री मुख ते सेवा फुरमाई। मंत्र विहर ते ईंधन ल्याई॥ ९॥ तूं चूल्हे झोकिन पर रहो। इह सिक्खिन की सेवा लहो। अंतहिकरन शुद्ध हुइ जबै। हम उपदेश बतावहिं तवै।। १०।।

^{1.} जोड़ो (नाम के साथ)। 2. सिक्खी कठिन है, निभेगी नहीं। 3. स्थान तोड़ दिया।

नित गुर शबद सुनहु मन लाइ। कथा कीरतन हुइ जिस थाइं। सिक्खनि जूठे बासन जोइ। करहु पखारिन माजनि सोइ¹।। ११।। सुनि करि सेव लगे हरखाइ। चिरंकाल गुर संगति पाइ। भयो पिराणा सिद्ध विसाला। ब्रह्म ग्यान लहि सदा सुखाला।।१२।। अंत प्रयंत रह्यो गुर तीर। सेवे श्री हरिगोविंद धीर। कथा मंत्र की अपर सथान। बरनिन करी सुनह सिख कान ।। १३।। हमजा² जज्जा² मिलि जग भ्रात । बाला² मरवाहा वक्ख्यात । अपर ओहरी³ नानो³ आयो। सूरी³ हतो चौधरी³ गायो॥ १४॥ श्री अरजन के पहुंचे पास। बंदन करि भाखी अरदास। गुरू गरीब निवाज महाना। वीच पुरान सुन्यो हम काना।। १५।। काशी केर महातम भारे। मरे तहां मुकती हे सारे। शिव के निकट वास को पावै। जनम मरन को कषट मिटावै।। १६।। आप सुधासर महिमा भाखी। स्री ग्रिथ साहिव महि राखी। कहो महातम, है इस जैसे। निरने करह लहैं सिख तैसे।। १७।। श्री ग्ररजन जी सुनित वखाना। तीरथ रचिन सुधासर ठाना। इसके गिरदे द्वादश कोस। तीरथ तीन लोक के जो सु⁴।। १८॥ क लियुग ते घरि करि उर व्रास । सगरे आविह करिह निवास । सभि को फल इस थल ते होइ। बास करिंह इह ठां नर जोइ।। १९।। बीच बन्यो सुंदर हरिमंदिर। निस दिन सत्तिनाम जिस अंदर। श्री गुर की बाणी गुभ ररें। जिस महिं नाम महातम धरें।। २०।। नाम रु नामी भेद न कोई। यांते बास प्रमेशुर होई। जिम गंगा महिं मुख हरिद्वार। तिम हरि पौर⁵ इहां निरधार।। २१॥ निरगुण रूप नाम ब्रह्म ग्यान⁶। सगुण सरूप आप भगवान। दोनहुं वास करींह जिब इसमै । मिज्जित दरसित अघ रिह किस मैं ॥ २२॥ दिनप्रति वसिंह वधिंह अधिकाइ। लक्ष्मी शरन वसिंह इस आइ। जिंह श्री करता पुरख अकाल। विधि शिव वसिंह प्रभू के नाल।। २३।। पुन सूर ऐसो कोइ न अहै। आनि इहां नहिं बासो लहै। हरि के निकट अधिक फल सारे। अपर न को समता इस धारे॥ २४॥

^{1.} सिक्खों के जूठे बरतनों को मांजो-धोओ। 2. नाम हैं। 3. गोत्र हैं। 4. जो हैं। 5. हरि की पौड़ी। 6. ब्रह्म-ज्ञान (की प्राप्ति का माध्यम) निर्गुण रूप नाम।

हरि मंदिर महिं नित सितनाम् । सिनरहिं सुनिहं सु मन बिसराम¹ । करित प्रेम को छेम लहेंगे। ब्रह्म ग्यान ते कषट दहैंगे।। २५।। तीनहं ताप निवारनि करैं। अंतहकरन महां मल हरें। ब्रह्म ग्यान को लिहं निषकाम। प्रहिं कामना जो सिहकाम।। २६।। अंग्रितसर परकरमां मांहि। पग पग महिं सौ तीरथ आंहि। सूखम रूप धारि तट रहैं। निज निज पावनता को चहैं।। २७॥ काला सिक्ख मेहरा और। सणे निहाल रहि गिर ठौर 2 । सो बंदन करि बैठे पास। सुनि प्रसंग को बाक प्रकाश।। २८।। कहो प्रभ करि संसे हानी। बसहिं तामसी इहां जि प्रानी। कर्राह पाप, निंह अदब रखंते। सो किस बिधि की गति लहंते।। २९।। श्री मुख ते फरमाविन कीनि। वसिंह जि महिमा निंह मन चीनि। ठानहिं पाप, न जानहिं मृढ। सूनहिं न सत्तिनाम बहुरूढ़।। ३०॥ तिगध जोनि³ मरि इहठां पावैं। क्कर, काक, भूंड, बनि जावैं। मूखक, सरप बनहिं अघ भोगहिं । पुन नर इस थल बनहिं अरोगहि 4 ।। ३१ ॥ पुन भगती को प्रापत सोइ। छुटहि चुरासी, गौन न होइ। सुनि सिभ सिक्खनि सीस निवायो । धंन गुरू तीरथ प्रगटायो ॥ ३२ ॥

दोहरा

कालौ सी बड सूरमां कक्का जिसकी जाति। श्री अरजन को नमौ करि वूझति भयो ब्रितांत ॥ ३३॥

चौपई

मरिह जुद्ध मिंह जोधा जोइ। को पद तिसको प्रापित होइ। कहां जाइ सुख केतिक पावै। सुनि श्री मुख ते तांहि बतावै।। ३४।। धरम बीरता जिसने धारा। निप्रमै रिहन संग्राम मझारा। जीत्यो शत्रु चहित चित मर्यो। मरित जि सित्तनाम उर धर्यो।। ३५।। प्रापित होति परमगित सोइ। जनम जनम के पापिन खोइ। बिन सिमरन रिसु रिपु पर धारि। मारि मारि मुख करित उचारि।। ३६।। बिनां त्रास ते तन तिज देति। हित हित शसत्र परिह रणखेत। जोगी सम भेदे रिव मंडल। पुन पहुंचिह जिहं बसिह अखंडल । ३७।।

^{1.} एकाग्रता आती है। 2. पहाड़ में रहते थे। 3. विषम योनियाँ। 4. अरोग मनुष्य बनेंगे। 5. इन्द्र।

गन विरंगना सेवित आइ। विवध विधिनि के विवध जिथाइं। चामीकर के मंद बीच। राग सुनाविह बहु सुख सीच।। ३८॥ इत्यादिक सुख अनिक प्रकार। सुरतन ह्वै रिहं स्वरंग मझार। धरम बड़ो इह आयुध धारी । निहं शत्रुन दिखाइ पिछारी।। ३९॥ दोनहु लोक सूर भुजतरें। जीतिह, प्रिथवी राज सु करें। मरें, स्वरंग के सुख को पाविह। चामीकर के सदन वसाविह॥ ४०॥ रुचिर प्रयंकिन सेज सुखाले। भोगें भोग अनंद विसाले। इम जानहु जोधा गित भलें। समुख रहे ते शुभ पद मिलें॥ ४१॥

इति श्री गुर प्रताप सूरज ग्रंथ व्रितिय रासे 'सिक्खन प्रसंग' वरननं नाम एक सषटी अंशु ।। ६१ ॥

^{1.} अप्सराएँ । 2. देवता-गण । 3. स्वर्ण । 4. शस्त्रधारी होना बड़ा धर्म है।

अंशु ६२

सिक्खन प्रसंग

दोहरा

सेठा उगवंदा दुऊ अपर सभागा तीन। चूहणीए पुरि महि बसहि जाति अरोड़े तीन ॥ १॥

चौपई

सिक्खिन की सेवा नित करें। निस मिह जाग गुरू उर धरें।
छुधिति सिक्ख को देति अहारा। हेरि नगन को वसन्न उदारा।। २।।
श्री अरजन के बंदन ठानी। हाथ जोरि अरदास बखानी।
भोजन इहां देति घर मांही। पितरन को पहुंचित के नांही?।। ३।।
श्री मुख ते तिन साथ बखाना। पहुचित पितरन हित जो दाना।
श्री नानक को कह्यो प्रमान। सो शलोक समझहु तिम जानि।। ४।।

श्री मुखवाक

'नानक अगै सो मिलै जि खटे घाले देइ।'

चौपई

सुनि सिक्खिन पुन कीनि संदेह। प्रानी इहां अहार सु देहि।
पितर सुरग कै नरक मझारी। किधौं जून कैसे को धारी ।। प्रानि तिह पहुंचिह किम संसै इही। पुन सितगुर उत्तर दिय सही।
जिब पितरन को दिन चिल आवै। तिन हित किर भोजन जो ख्वावै।। ६।।
पितर बरन चारन समुदाइ। विष्प्रिनि विखै प्रवेशिह आइ।
सिक्खिन के गन पितर जु अहैं। सो सिक्खिन मिह बासो लहें।। ७।।
जथा चंग वंधी संग डोर। डोलत जिह किह नभ की ओर।
डोरबंधि दीपक पहुंचावै। तिम भितरिन की विधि बिन आवै।। ८।।
मोह डोर निज संतित संग। बंधे रहित दूर सम चंग।
पितर देवता जे सिभ केरे। लेले सो अहार तिस वेरे।। ९।।

^{1.} किस योनि में दैं, कैसे पता चले । 2. पतंग ।

सुरग कि नरक जून के मांही। सुर जे पितर पुचाविंह तांही। सुनि तीनहु निशचैं मन कीना। जिम श्री सितगुर ते सुनि लीना।। १०॥

दोहरा

पैड़ा जाति चंडालीआ, जेठा सेठी आन। श्री अरजन की शरन तक वंदन कीनसि जान।। ११।।

चौपई

इम अपनी अरदास बखानी। रावरि की बानी हम मानी। घरम किरत ते करहिं कमाई। सिक्खिन साथ बांटि हम खाई।। १२।। मिलि दिज हम सों तरक करते । किंह हिंसा नित पंच करते । उखली, कूटण, पीसण चाकी। बढ़नी फेरनि लेपनता की।। १३।। चूल्हे महिं पावक जो जारिन । अरु जलुते होवहि अघकारन । अगनि अहति पंच हम देति। दोष निवारिन सो करि लेति।। १४।। पीछ पावन भोजन करें। तुम नहिं करह करह पंच अघ धरें। श्री अरजन सुनि तिन समुझायो । जो अहार तुम सिक्खनि ख्वायो ॥ १५ ॥ वाहिगुरू को नाम भनंते। पीछे आप वैठि अचवंते। इसते पावन होति अहारा। अगिन देवता वदन मझारा2॥१६॥ नारायण चेतन सभि मांही। सूरज सभि के द्रिग महि आही। बीच नाशका अस्वनिकमार। दिशपालक हैं श्रवण मझार॥ १७॥ रसना विखे बरन को वास। रोम बनासपित लिख रास। हाथिन महिं सुरपित थिति अहै। गुदा देवता जम को कहै।। १८॥ परजापती लिंग को जानह। चरनित महि प्रभु विशनु पछानह। पौन तुचा महिं इस सूर सारे। बास करंति शरीर मझारै³।। १९॥ वाहिगुरु कहि जबि मुख पावै। सरव सुरिन को तबि निपतावै। सिक्खिन को गुर हित करि देय। पुन्य महां फल सो नर लेय।। २०॥ करि अरदास प्रसादि ब्रतावै। तिनते अघु अरु विघन नसावै। प्रभु सभि सुर को मूल महाना। तिस विषते सभि सुर विषताना।। २१।। जथा मूल तरु 4 सिंचन करे। पत्न पुषप शाखा हुइं हरे। सुनि सिक्खिन निशचै उर पायो। सितगुर आगे सीस झुकायो।। २२।। गुरदित्ता सिख, लटकण घूरा। हुतो सराफ कटारा रूरा। मिलि भगवाना चारहु आए। श्री अरजन पगसीस झुकाए॥ २३॥

^{1.} झाड़ू लगाना । 2. मुख में । 3. उपर्यु क्त सभी छद सूक्ष्म स्नैष्टिक सिद्धान्त (Microcosmic theory) का संकेत करते हैं । 4. पेड़ की जड़ को ।

जिस ते प्रापित हुइ सुख भौन। बूझ्यो नाम जपहिं हम कौन। भउजल पार उतारन हारे॥ २४॥ श्री मुख कह्यो नाम प्रभु सारे। वाहिगुरु सिरज्यो नित चेत्र। श्री नानक निज सिक्खनि हेतु। तिम इह चारहुं बरन अनूप ॥ २५ ॥ चतुर व्यूह जिम प्रभू के रूप2। इम इह बरन शत्रु अघ भंग। जथा चम्³ के चारहुं अंग। सुंदर बरन रचै गुर चार ॥ २६ ॥ चारहं बेदिन को मिथ सार। कलि महिं सिक्ख उबारिन काज। चहुं दिशि ते दिढ मनहुं जहाज। तिनको करतब रह्यो न आन ॥ २७॥ जपहिं निरंतर महिमा जानि। पदारथ करतल पायो। वाहिगुरू जिन रिदं बसायो। चार सिमरित प्रापित ग्यान सु आतम ।। २८ ॥ कहै कहा लगि एह महातम। सतिगुर मिले भाग जिन जागे। सुनि महिमा सिख सिमरनि लागे। के पास ॥ २९॥ आयो धौण मुरारी रहि रवितास⁴। श्रीअरजन हाथ जोरि बूझ्यो कहि ऐसा। करि तिह समो नमो ढिग बैसा। पठैं सुनैं हम करिंह विचारिन ।। ३०।। आप जु बानी कीनि उचारिन। तऊ न दूरमित मन तें हानी। इह क्या कारन ? सकिहं न जानी। श्री मुख ते बोले भल भांति। उज्जल बसन्न रंग चढि जाति॥ ३१॥ निहं मलीन को रंग चढ़ित है। जे पखार करि मैल कढित है। पुन तिस को रंग चढिह सुनीको । सुनि सिख पुन वूझित गुर जी को ।। ३२ ।। मन सूखम को धोवहिं कैसे। हम अनजान, बतावह तैसे। श्री मुख ते कहि प्रथम बतायो । श्री नानक जप पाठ बनायो ॥ ३३॥

श्री मुखवाक

देह । पैरु तन् भरीऐ हथ् खेह । धोतै उतर सु पाणी होइ। पलीती कपडु मूत साब्ण लईऐ ओहु धोइ। संगि। मति पापा के भरीऐ रंगि। नावै के ओह धोपै ।

नित्य स्मरण के लिए। 2 विष्णु (प्रभु) के चार रूपों के समान: शरीर पुरुष, छंद पुरुष, देव पुरुष एवं परम पुरुष। 3. सेना। 4. नगर का नाम— रोहतास।

चौपई

तन अरु वसत्र सथूल जुहोइ। जल सावुन लईऐ घोइ। मित अर अघ सखम इह जानि । मन को कर्राहं मलीन महान ॥ ३४ ॥ सत्तिनाम भी सखम अहै। सिमरिन ते सगरी मन लहै। प्रभु महिं प्रेम रंग चढि जाइ। एक रूप हुई बहुर मिलाइ।। ३५।। शरधा अरु धीरज उर धरो। गरबानी पठि सूनि, गृनि धरो।। सिमरह नाम पाप मल जाइ। सनै सनै गरमति लिह पाइ।। ३६।। जनम अनेकिन के अघ ब्रिंद। करह भजन, सभ होई निकंद²। सुनि सिक्खनि शरधा धरि धीर। लागे सिमरनि करन गहीर।। ३७॥ आडित सुइनी³ सिख चिल आयो। सितगर आगे सीस निवायो। हाथ जोरि अरदास उचारी। ब्रित्ति हमारी शसवन धारी।। ३८॥ जिम उधार हमरो हुई जाई। किया करह उपदेश वताइ। श्री अरजन तिब सुमित बताई। धरम जुद्ध कीजिह घ्रित पाई।। ३९।। रण करते प्रभु सों रखि ध्यान । लरे बिशनु जिम सारंगपानि । असुरिन गन को कीनि संघार। गदा पाणि⁴ को तिब उर धारि॥ ४०॥ संकट देहि गरीबनि जोइ। तिंह सो लरह धरम बहु होइ। जिसको लुण खाइ तिस हेता। पीठ न दीजिह जिब रण खेता। ४१॥ स्वामी कारज हित दे प्रान। दोनहु लोकनि सुजसु महान। परमेशुर को सिमरन धरे। बिजै लहै मुख उज्जल करे।। ४२।। सुनि सिख्या तैसे उरधारी। लाग्यो गुर की सेव मझारी। चूहड़, साई। संग निहालू गुरमित पाई।। ४३।। लाला सेठी, लिव लगाइ करि शबद सु गावें । इक मन हुइ करि अरथ सुनावें । करिह बिचार म्रिदुल मन होइ। प्रभु को राखिह रिदे परोइ।। ४४।। तिन के बचन सुनहि जो आया। सभि पर पर तिनहु की छाया। मन खोटे भी हुई तबि खरे। भले करम करिबे हित धरे।। ४५।। श्री मुख ते बोले बच पूत⁵। जो नर करहि भली करतूत। जिम अपरिन उपदेश उचारे। तिम निशर्च अपने उर धारे॥ ४६॥ तिन की छाया सभि पर जाइ। सुनहिं बाक जे रिदै बसाइ। बहुतिनि को उधार सो करे। तिस पर तुक श्री मुखहुं उचरे।। ४७।।

^{1.} सोच-समझ कर धारण करो । 2. नाश । 3. आडत नाम का सोनी (गोतका)।
-4. जिसके हाथ मैं गदा हो—विष्णु । 5. पवित्र वचन ।

''पहिलो दे जड़ अंदरि जंमै तां उपरि होवै छांउ ॥ चौपई

जो पढ़ि करि उपदेश बतावै। आप नहीं गुभ करम कमावै। तिस की छाया परिह न किस पै। श्रवन करे, कुछ होइ न तिस पै।। ४८।। इम सित गुर सो सिक्ख सराहे। जिन के प्रेंम गुरु पग माहे। सुनि अपरिन गुभ उरधारे। चहुं दिशि महिंगुर को जैकारे।। ४९।।

इति श्री गुर प्रताप सूरजा ग्रथे व्रितिय रासे 'सिक्खन प्रसंग' बरननं नामु दुइ सषटी अंशु ॥ ६२ ॥

^{1.} नहीं होता (प्रभाव)।

अंशु ३ सिक्खन प्रसंग

दोहरा

इक रामा झंझी हुतो हेमू सुइनी दोइ। जट्टू भंडारी¹ विती शहदरे रहि सोइ।। १।। चौपर्ड

श्री अरजन की शरनी आए। पद अरविंदिन सीस निवाए। प्रशन कर्यो हम सुनति हमेश। किरतन कथा रुचिर उपदेश।। २।। उर महिं नहिं टिहरिह ठिहराए। किम कल्लयान अंत को पाएं। श्री मुख ते शुभ वाक बखाना। पूरव स्निह प्रेम करि काना²।। ३।। करिह मनन, निद्धयासन फोर। तीनो जिब इकत इन हेति। तब ठिहरिह सिख के उर मांहि। रहै बिचारित विसरिह नांहि॥ ४॥ श्रविन करिन है दोइ प्रकार। सुनिह सथित सितसंग मझार। मन दिहदिशि मिंह दोरित फिरे। कहां कहिंह कुछ रिदै न घरै॥ ५॥ तनक पुन इस श्रवन बखानि। जानह भूतन अगनि समान³। पाप दगध नहिं इस ते होइ। इक मन होइ सुनिह सिख जोइ।। ६।। सो चुल्ल्हे की अगनि बिचार। सभि कारज को देति सवार। जेकरि तिस पर जल दें पाइ। वृझिंह तुरत निहं तपत रहाइ।। ७।। तिम घर के कारज पर जाइं⁴। सत्तिनाम को दें बिसराइ। श्रवन पिछारी मनन जि होइ। पावक तिहता की सम सोइ॥ ५॥ जल असंख मिंह वासो तांहि। तेज हान करि वूझिह सुनाहि⁵। करिक श्रवण जुधरिह विचारे। काज करित सो नहीं विसारे।। ९।। राखिह सिमरिन सो सिम काल। जे निद्धयासन करिह संभाल। सुर्नाह विचारहि लग्यो कमावनि । तन मन ते होवहि वहु पावन ।। १० ।।

^{1.} जाति-गोत्रों के नाम । 2. श्रवण करे । 3. भूताग्निके समान जानो । 4. (जब) पडते हैं । 5. न तेज नाश होता है, न बुझित है ।

बडवानल भई प्रकाश। रहै सिंघु जल करहि बिनाश। जल ब्रिदिन ते बूझिह सु नांहि। जल पापिन नित करती दाहि॥ ११॥ तथा सथिर होवहि नित ग्यान । श्री सतिगुर ते सुनि करि कान । उर साख्यातकार जिन कीना। नभ सम सिभ मिह ब्रह्म सु चीना।। १२।। यांते प्रथम श्रवण त्म करो। मनन बहुर निद्धयासन धरो। उर सकख्यातकार हुइ जाइ। जनम मरन दुख अखिल विलाइ।। १३।। जीवन मुकति होइ विचरै हो। प्रलै काल की अगनि जिमै हो। सरब भसम करि आपे रहै। ब्रह्म रूप महिं इकता² लहै।। १४।। श्री गुर को ताया संहारी। जिसके गमने सदन मझारी। ब्याह भतीजे जंअ³ चढ़ाए।। १५।। रामदास सतिगुरू पठाए। चहति श्रेय जग दुख लखि पावा। सो बहु ब्रिद्ध होइ करि आवा। करिन सेव सितगुर की चाही।। १६॥ मिलि करि रह्यो सुधासर मांही। सिक्खनि सेवा करहि बनाइ। बडो जानि करि देति हटाइ। वासन मांजहि जूठे भौन⁴।। १७॥ चरन पखारहि, हांकहि पौन। जथा किशन महिं निश्च ठाना। भगति रिदै अकूर समाना। तिम श्री अरजन को मन जानै। प्रथम जनम की ग्यात पछानै।। १८॥ इस बिधि देखि दया को ठानी। निकटि हकार्यो गुरू वखानी। तुम हो बडें लगति हो ताए। हम को चिहयति सेव कमाए।। १९॥ सुनि कर जोरे अरज गुजारी। मच्छ कच्छ बावन तन धारी। श्री नरसिंघ राम अवतारा। क्रिशन रूप तुमने धारा।। २०।। इक दिन अरजन विनै सुनाई। मम तुम नाम एक हुइ जाई। है प्रभु कबि इम भी बनि आवै । मोर नाम करि तुमै बुलावैं ।। २१ ।। मन भी मिल्यो, मिले तन रहे। नाम भिन ही सभि जग कहे। इक मेरे चित चाउ महाने। तुमरो अरजन नाम बखानें।। २२।। सुनि रावर ते होइ प्रसंन। कह्यो-मोहि ते नहिं तूं भिन। तव संकलप होइ है साचा मोहि भावनी महिं नित राचा ॥ २३ ॥ कलीकाल महि जबि तन धरें। अरजन नाम हमारो परै। सो तूं पुरख महिद महीआन⁵। नाना चलित⁶ करहिं हित ठानि।। २४॥

^{1.} जैसे हो । 2. एकत्व । 3. बारात । 4. घर । सहारी मल्ल गुरु-पिता का बड़ा भाई (ताया) था । 5. बड़ों से भी बड़ा । 6. चरित् ।

निज माया करि वंचहु नांही। अपनी शरधा दिहु मन मांही।
गुर सिक्खी को दीजिह दान। जिसकी मिहमा सम निंह आन। २५॥
सुनि प्रसंन तिब साहिव होए। नीवों मन ताये कहु जोए।
दीनिस वर सिक्खी तुम पावो। ब्रह्म ग्यान ते कषट मिटावो॥ २६॥
भयो निहाल तबिह संहारी। गित पाई ब्रह्म ग्यान सुखारी।
साइं दित्ता झंझी जोइ। सैदो जाट लवपुरी सोइ॥ २७॥
अपर सिक्ख लिवपुरि के सारे। श्री गुर अमर सेव को धारे।
करे प्रसंन सरव ही रीति। श्री मुख ते बोले पिखि प्रीत॥ २८॥
हम प्रसंन तुम जाचहु वर को। करहु मनोरथ पूरन उर को।
सिभ सिक्खिन मिलि भले बिचारा। हाथ जोरि गुर निकट उचारा॥ २९॥
प्रथम गुरू नानक पुरि आए। पिख्यो कसाव पुरा सु रिसाए।
लख्यो पाप हुइ घोर महाना। स्नापित कीनिस एव बखाना॥ ३०॥
'लाहौर सहरू जहरू कहरू सवा पहरें।।

चौपई

तिब के पुरि मिहं नर दुख पावें। सवा पिहर लिंग बादि उठावें।
लरिहं परसपर झगरिंह मानी। केतिक होइ प्रान लिंग हानी।। ३१।।
महां संताप पाइ नर रहें। जिहर समान आप मिहं कहैं।
अबि सो स्नाप मिटाविन करीअहि। सित संगति इस समैं निहरीअहि ।। ३२॥
श्री गुर अमर सुनित बच भाखा। बर दुहसाध्य करी अभिलाखा।
तऊ देनि को प्रथम बखाना। बोले बहुर किपाल सुजाना।। ३३॥
'लाहौर सहह अम्रितसह सिफती दा घह'।

इह सलोक किंह स्नाप मिटायो। तिब ते सिभ लोकिन सुख पायो।
तिब सैदो अरु सांई दित्ता। श्री अरजन सों मिले पिवता।। ३४।;
इह प्रसंग किंह सकल सुनायो। ठवपुरि के नर गन बर पायो।
हम आए तुमरी शरणाई। देहु श्रेय उपदेश बनाई।। ३५।।
सुनि श्री अरजन तिनहु उचारा। नित कीजिहि गुर शबद बिचारा।
वाहिगुरू किर ग्यान पछानो। निरगुण सरगुण इक किर जानो।। ३६।।
तुमरी रसना ते जो सुनै। तिस को भी मन द्रविह सु गुनै।
जनम मरन मिंह बहु न आवो। भगित करहु ब्रह्म ग्यान सु पावो।। ६७॥

^{1.} वर्तमान सतिसंगत की (प्रार्थना) देखते हुए।

सुनि दोनहुं पद वंदन करी। जनम सफल जान्यो तिस घरी। नानू राज सु कालू आनि । हुतो कोहली हाड़ी जानि ।। ३८ ।। श्री अरजन पद करि कै नमो। बोले हाथ जोरि तिह समो। इक पठि सुनि कै शबद त्मारा। भले करम करि जनम सुघारा।। ३९।। इक ऐसे पठि के हुई मानी। भोगें विषयनि नारि विरानी।। अपर बुरे करमन को करें। पठि करि लोकिन ते धन हिरै।। ४०॥ सुनि बोले गुर करुणा भौन²। तिन की दशा होति है कौन। गुभ करमी कि करें गुजरान³।। ४१।। पठिहं सुनिहं जे हित कल्ल्यान। सत्तिनाम सिमरनि अनुरागे। अरथ लखें दूरमित को त्यागें। गुर समीपता सो नर पाइं।। ४२।। तिनको जनम मरन मिटि जाइ। करहिं कुकरमनि प्रापति सोभा⁴। पठिहं लेनि धन को घरि लोभा। बीन बीन किरमनि⁵ को खाइ।। ४३।। जिम अहि मणि प्रकाश को पाइ। पिठ सुनाइ लें दरव महानो। तिम तिन नर की ऋत पछानो। सिमरहिं नहिं सत्तिनाम सुबर को ॥ ४४ ॥ करिंह कुकरम भोग तिय पर को ! नरक सिधारहिं, गुर न सहाइ। विन सहाइता वहु दुख पाइं। लगे सुकरमिन गन तिस काला।। ४५॥ सुनि सिक्खनि गुर बाक बिसाला।

इति श्री गुर प्रताप सूरज ग्रंथे वितिय रासे 'शिक्खन प्रसंग' वरननं नाम त्रै सषटी अंगु।। ६३।।

पराई स्त्री । 2. करुणाकर । 4. शुभ-किमयों की भांति गुजारा करते हैं ।
 शोभा-प्राप्तिहित कुकर्म करते हैं । 5. कीड़ों को ।

अंशु ६४ सिवखन प्रसंग

दोहरा

सूद¹ सूर कल्ल्यान इक आयो सितगुत तीर। पग पंकज पर नमो करि कही अरज उर धीर।। १।।

चौपई

सुनहु गुरू जी मैं रण खेत। त्रिभै रहों रिपु हितवे हेत।
दोनहुं दल मुकाबले घरे। जिब हू शसत चलिन लिंग परे।। २।।
तिब रिपु सैना महिं बर जावों। किर प्रहार वल ते रिपु घावों।
पुन निज दल मिंह आनि प्रवेशों। करों पलाविन शत्रु विशेषो॥ ३।।
सुनि श्री मुख ते बाक उचारे। सुगम अहै दल रिपुदल मारे।
इसको सदा सित अग्यान। काम क्रोध आदिक भट जािन॥ ४।।
ले गुर शबद शसत्र बलधरि कै। इनहुं प्रहारिह रिद बिचरिक ।
महां सूरमां कहीऐ सोइ। सुख अनाश इन नाशे होइ²॥ ५॥
अस बिरले जोधा बलवैत। मन रिपु को किर जतन गहित।
इस पर एक शलोक बनायो। श्री मुख ते तिब भािख सुनायो॥ ६॥

श्री मुखवाक

सैना साध समुह सूर अजितं संनाहं³ तीन निम्नताह। आवघह⁴ गुणगोबिद रमणं ओट गुर सबद कर चरमणह⁵। आरूड़ ते अस्व रथ नागह⁶ वुझंते प्रभ मारगह। बिचरते निरभ्हं सत्रु सैना घायंते गोपाल कीरतनह। जित ते बिस्व संसारह नानक वसं करेति पंच तसकरह⁷॥ २९॥

चौपई

मन जीते सो सूर कहावै। प्रभु दरगाहि मान बहु पावै। नर सुर तिसको सुजसु बखाने। सुख अविनाशी मिलहि महाने।। ७।।

^{1.} गोत्र । 2. इतके विनाश से स्थायी (अनाश) सुख होता है ! 3. कवच । 4. शस्त्र । 5. ढाल । 6. हाथी । 7. पाँच डाकुओं को वश में करते हैं ।

हाथ जोरि तिब किह कल्याना । क्रिपा आपकी जिस पर जाना । सो अस जोधा मन को गहै। चरन कमल सों लपट्यो रहै॥ ८॥ कह्यो गुरु सिमरह सतिनाम्। सुभट बनहिं तैसो अभिराम। सुनि करि गुर सेवा कहु लाग्यो । सितसंगत मिलिवे अनुराग्यो ।। ९ ॥ भानू भगत गुरू सिख भारा। करहि शबद को सदा बिचारा। जो बिच अरथ, सु आप कमावै। पन अपरिन उपदेश सुनावै।। १०।। तिसकी रचना ते जो स्नै। भाउ भगति उपजिह मन गुनै। श्री अरजन ढिग किनहु बखाना । पुर मुहिजंग² वसहि अनजाना³ ॥ ११ ॥ महां दुष्ट गुर निंदा करे। सिक्खिन गन को तरकिन धरै। श्री मुख ते भानूं संग भाखा । मुहजंगी गमनहु धरि कांखा⁴ ॥ १**२** ॥ नर गन को गुरमति सिखरावहु। नरक परिन ते जाइ बचावहु। सुनि आग्या गुरकी तबि गयो। शबद विचार सुनावित भयो॥ १३॥ किशना सेठी हुतो संगीणा। सुनि ग्रमित को भयो प्रवीणा। सुत बनिता जुति भाउ घरंते । भानूं की सभि सेव करंते ॥ १४ ॥ पुन संध्या को करिहीं तथा। होति प्रभाति सबद की कया। बहुर कीरतन मिलि सभि करैं। सतिगुर महि पुन शरधा धरें।। १५।। इक भानू के गमने तहां। सितमंगित होई शुभ महां। बांटि अथित्तनि⁵ करहि अहारा । सत्तिनाम को सिमरैनि धारा ।। १६ ।। लवपुरि महिं लद्धा उपकारी। भाउ भगति जिन बहु उर धारी। बुद्ध केर पचावा काचो। दर पर लक्ख् स्नाप उबाचो ।। १७।। स्री गुर प्रेर्यो लढ़ा गयो। लक्खू को प्रसंन करि लयो। कह्यो तिसै निज बाक हटावो। बुद्धू रिणी, आप लिख पानो।। १८।। पकहि पचावा⁷ बरको दीजै। ऋिपाकरहु गुर सिख जानीजै। सुनि लद्धे के बच उपकारी। सिख लक्खू लिख रिण दुख भारी।। १९॥ कह्यो वाक सो पलटहि नांही। पिल्ली ईंट तांहि बिक जाहीं। जिम पाकी ते धन को पावें। तथा विकिह, रिण सिभ उतरावें।। २०।। लबपुरि महिं लद्धा इस भांति । परउपकार करहि बक्ख्यात । लक्खू रहै पटोली तांहि। गुरू ध्यान निस दिन मन मांहि॥ २१॥

^{1.} मन में बिचारने पर । 2 मजंग (लाहौर के निकट एक गाँव, जो बाद में लाहौर नगर का ही भाग बन गया था) । 3. अज्ञानी । 4. इच्छा । कांक्षा । 5. गरीब-मुहताजों को बाँट कर । 6. लक्खू ने जो अभिशाप दिया था । 7. इँटों का भट्टा ।

इक तीरथ अरु मूला वेरी। सिक्ख मुकंदा मिलि तिस वेरी। चौथ निहाल जो स्निआरा। मिलि आए गुर के दरवारा।। २२।। करि वंदन को वैठे पास। हाथ जोरि कीनी अरदास। सिक्ख आपके अनिक प्रकारे। शबद कीरतन कथा उचारें।। २३।। इकते सुनति सूमन द्रव जावै। इक को कह्यो समीप न जावै। श्री मुख ते शुभ जगति बखानी। हीरा फटक द एक समानी॥ २४॥ हीरा निज प्रकाश दिखरावै। सरव रंग के ऊपर छावै। फटक प्रकाश परिह निहं काहू। अंतर इतो दहिन के मांहू॥ २५॥ तिम गरमख की करो पछान । जिस संगति महि करिह बखान । तिनको तेज सभिनी पर छावै। क्यों कि सदा सो सचु कमावै॥ २६॥। जो नर हौरे अरु करिआरे²। सो कसंग महि बनिह उदारे। शुभ नर पर तिह छाइ न तेज। सित संगति को जिनह मजेज³।। २७॥ जिसके रिदै शबद ग्र केरा। भयो प्रवेश महां सुख हेरा। सो रसना ते जब बखानै। श्रोता सुनित शांति को ठानै।। २८।। त्रिशना तपति तजैं, सुख पावैं। सतिसंगति सिमरनि मन भावैं। लखिह जु मम ते वृद्धि उतंग। चिहयिह कर्यो तांहि शुभ संग।। २९।। गुर बाकान को रिदै बसाबै। जे अस नर कुसंग कवि पावै। नहि बिगरै निशचा द्रिड रहे। जथा अचल इक थल थिर अहे।। ३०।। जिम चंदन बावन तरु सीतल। चहं दिशि महिं अहि लपटैं ही तल। तउं न सीत तिज विख को लेति । सरपन को सीतल कृरि देति⁴ ॥ ३१ ॥ तिम गुरमुख जे धर्साहं क्संग। तींह भी देति आपनो रंग। तिनको अवगुन आप न करैं। शुभ गुन कहि कहि उर महुं घरैं॥ ३२॥ सुनि सिक्खिन सिभ सीस निवायो। जथा जोग श्री गुरू बतायो। इस प्रकार नित होति उचार। श्री अरजन सिख करित उधार॥ ३३॥ फैल्यो सुजस् विदेश अशेष। चहुं दिशि के नर आइ हमेश। इक दिन बैठे सभा विसाल। वडे बडे सिख भगत रसाल 5 ॥ ३४॥ चल्यो जिकर सिख बहु किस देश। किंह सितसगित भाउ विशेष। जिस जिस जो जो देखिन कीना । कर्यो स्नाविन जस जस चीना ॥ ३५॥ कितिक सिक्खी श्री गुर सों कहै। देश गिरनि⁶ कशमीर जु अहै। तरकति पंडित तहां महानी। पढिन देति निहं सितगुर बानी।। ३६।।

^{1.} द्रवित होता है। 2. हलके और झूठे। 3. मिजाज, अहंकार। 4. सर्पों को भी। शीतल बनाता है। 5. रसिए। 6. पहाड़ी प्रदेश।

संसिकित ृसुर बानी जानहु। मनुख गिरा भाखा इह यानहु। क्यों तुम पठहु, कहां फल लागे । नित्त निमत के करमिन त्यागे ।। ३७ ।। इत्त्यादिक सभिह्नं सुनावैं। गुरमित सिक्खी ते सु हटावैं। श्री अरजन सुनि सभा मझारा। माधो सोढी निकट हकारा।। ३८॥ श्री मुख ते फुरमावनि कीनि। गुरमित महिं तूं अहै प्रवीन। अबि हम तोहि बचन के मांही। परबत विखै देश कशमीर। गुरमति को कीजिह विसतार। सुनि माधो पुन बाक बखाने। करम-कांड में सो लपटाए। कह्यो गुरू सो भगती जानैं2। पहुंचहिं जिब, तुम दरशन पैहैं। संसिकत जिम बिप्प्रिन प्यारी। तिम सिक्खिन को सितगुर बानी। ले गुर आइसु ह्वं करि त्यारी। गर शबदिन की पोथी लीनि। प्रिमहिं करयो जाइ कित डेरा। मिलि पंडित माधो ढिग आए। सूर बानी तजि किम इह धारें। सो जि प्रतीखहि कंचन बासन⁵। करहि जतन ते पूजहि आसन⁶। दूसर छुधिति अहार निहारा। जिस किस बासन सुच महिं धारा । महा जतन ते लहि सुरबानी⁸। पुन हंकार होति उर आनी। गुरमति पाइ सु होइ निहाल। ब्रह्म ग्यानु अरु घ्रित सम चाल 10।

पाई शकति मिटहि किब नांही ॥ ३९॥ सिक्खी जाइ द्रिङावह घीर। सिमर्राहं सत्तिनाम सुखसार ॥ ४०॥ तहां भगति को बिप्प्रन जानें। नहिं उपासना मन महिं ल्याएं ।। ४१ ॥ नहीं कमावति जिम अनजानै। रिदै उपासन को उपजैहैं।।.४२।। पठैं सुनैं सानहिं उर घारी। सुनित श्रोन जिहं मित हरखानी ॥ ४३ ॥ गमन्यो गुरमति देनि पहारी³। अरथ करिन महिं सुमित प्रबीन ॥ ४४ ॥ उपदेशनि लाग्यो जिस बेरा। भाखा की न कथा हम भाए।। ४५।। नहिं आवित इम रिदै हमारै। सुनि माधो तबि जुगति बखानी । जिस नर लागी खुधा⁴ महांनी ॥ ४६ ॥ 'पान हानि तिब लो हुइ जाति। बिन तिस मिले न भोजन खाति॥ ४७॥ अचहि अनंद होइ करि जीवति । सरब भांति को समरथ थीवति ॥ ४८ ॥ सोई भगति ग्यान बिच भाखा⁹। जिसको मुकति होनि अभिलाखा ।। ४९ ॥ जिस किस बासन रहै पुनीत । अंगीकार्राहं सिभ धरि प्रीति ॥ ५०॥

^{1.} क्यों पढ़ते हो, क्या फल होगा ? 2. वे भिक्त को जान लेंगे। 3. पहाड़ियों को। 4. क्षुघा, भूख। 5. स्मर्ण-पात्र। 6. आशा पूरी नहीं होती। 7. किसी भी साफ़ बरतन में रखा हुआ। 8. संस्कृत। 9. वही भक्ति और ज्ञान भाषा में है। 10. ब्रह्म-ज्ञान और घी की रीति एक-समान है।

तिम किस जाति बरन किस होइ । ब्रह्म ग्यान लहि बुधि सभि कोइ । सुर वानी तुम प्रथम विचारो । पुन भाखा महि अरथ उचारो ॥ ५१ ॥ भाखा बिन जो काम तुहारा। पूरन भयो न, लेहु विचारा । फलदायक चार 2 । गुरमुख सिमरिह होइ उधार ॥ ५२॥ जाति मान धरि जनम न खोवहु। करहु भगति प्रभु सभि महि जोवहु। कहि पंडत हम भाखा कहैं। मूढिन समुझाविन को चहैं॥ ५३॥ सुनि माधो ने फेर बखाना। पारब्रह्म करतार महाना। जिसके स्वास वेद सभि जोवा। जो सरूप श्री नानक होवा॥ ५४॥ कलि महिं मित विहीन नर जाने । भाखा विखे कह्यो कल्ल्याने । गुरू शबद ते हइ मन नीवा। संसिकत ते मान जिन मानी श्री सतिगुर वानी । सरव शकति जुति भे ब्रह्म ग्यानी । समुदाए ॥ ५६ ॥ देश विदेशनि महि बिदताए। छपे नहीं उबरे इत्त्यादिक कहि बहु समुझाए। वचन प्रताप भए सिख आए। कथा कीरतन दोनहुं काल। सुनहिं करहिं धरि प्रेम बिसाल ।। ५७ ॥ पुरि विखै वनाइ। सेर्वाह सितसंगति समुदाई। सिक्खिन सेव होनि तिव लागी । भए गुरु पग के अनुरागी ॥ ५८ ॥ ले गुर कार दरस को आवें। होति निहाल परम सुख पावें। इम सिक्ली बिथरी कशमीर। सिमरहिं सित्तनाम धरि धीर॥ ५९॥

इति श्री गुर प्रताप सूरज ग्रंथे वितिय रासे 'सिक्खन प्रसंग' बरननं नाम चतुर सपटी अंशु ।। ६४ ।।

^{1.} विचार कीजिए कि भाषा बिना तुम्हारा काम पूरा नहीं हो सकता। 2. चार फल: धर्म, अर्थ, काम, मोक्ष।

अंशु ६५ सिक्खन प्रसंग

दोहरा

रूपचंद भीवा जुगल वसहिं सिर्हंद मझार। किरत करहिं सिक्खनि मिलहिं बांठति अचहिं अहार।। १।।

चौपर्ड

पुरब दिवस महिं असन¹ बनावहिं । सि≉खनि को धरि भाउ अचार्वाह । एक मुगल तिनके ढिग आइ। सौंपी दीनार जु समुदाइ²।। २।। घरि दिल्ली को गमन्यो सोइ। लिख्यो वही पर नहिं इन दोइ³। बिसर गए नींह रिदै संभारी। धरी रही जींह घरि इक बारी।। ३॥ पंच मास महिं हटि सो आयो । दोनहं को निज बदन दिखायो । हित जाचिन घन बाक सुनावा। मैं तुमरे ढिग धरि गमनावा। ४॥ वही खोलि देखति निज लिख्यो । नहीं नाव मुगलिह को पिख्यो । हमरे पास धरी नींह तोही। वहीं नाम को पिख्यों न मोही।। ५॥ झगरित झगरित करे शिताव। हित न्याउं ढिग गएं नवाव। तहां तेल को धर्यो कराहा। तपत कर्यो पावहु कर माह। 1 ॥ ६॥ पंच मृहर को करनि प्रसादि। सिक्खनि गुर सुख सुक्खी आदि⁵। मुगल शीरनी पीरनि मानी। बांटनि करों दरूद बलानी।। ७ ।। दोनहुं के कर पर्यो कराहे। सिख कर बच्यो, मुगल को दाहे। करि कूरा सो वहिर निकारा। भीवा अपने सदन सिधारा॥८॥ रूपचंद भ्राता सों कह्यो। क्यों धन म्गल मांगवो चह्यो⁶। तिव दोनों ने सकल दुकान। खोजिन करी सकल असथान॥ ९॥ किस बासन महिं ते सो पाई। मुहर वांसणी महिं समुदाई। बहुत बिसूरित शीघ्र गए तिहं। मुगल सिंचत महादुख सो जिहं।। १०।।

^{1.} भोजन । 2. बहुत-से दीनार अमानत के रूप में रखने को कहा । 3. दोनों ने बही-खाते मैं नहीं चढ़ाया । 4. बीच में हाथ डालने को । 5. पहले सिक्खों ने मान्यता की (कि पाँच मुहर का प्रसाद करेंगे) । 6 मुगल ने हमसे धन क्यों माँगना चाहा ? ।

विसर गए हम खोजी आछे। भरी वांसणी प्रापित पाछे। लिहु अपनी दुखदूर करीजै। छिमहु भूलहमरी, सुख लीजै।। ११।। विसमित मुगल कही मुख वानी । किसकी तुम मंनत तिव मानी ?। भीवे कह्यो मुहर हम पांचे। सुक्खी सुक्ख[ा] सतिगुरू साचे।। १२।। कामल गुरू मुगलमन जानि। कह्यो चलहुलेमुझ गुर थानि। दोनहु भ्रात संग ले तांही। आए शीघ्र गुरू के पाही।। १३।। मसतक टेकि बैठि करि बूझे। इह विष्प्रीति भई उर सूझे। साचो झूठ झूठ भा साचो। सुनि श्री सतिगुर वचन उवाचो॥ १४॥ इसको निह सुधि दरव तुहारे। पर्यो सिक्ख पुन शरन हमारे। लियो उवार आपनो जाने। तुव वहु पीर न रच्छ्या ठाने 2 ।। १५।। सुनि करि मुगल पर्यो शरनाई। भयो सिक्ख गुरमति चित पाई। धंन धंन कहि जिंह किहं सारे। सितगुर को वड सुजसु उचारे॥ १६॥ इक परतापू सिख चिल आयो । सितगुर आगे सीस निवायो । हाथ जोड़ि अरजी इम कही। हमरी ब्रिति शसत्र की अही।। १७।। जिस विधि ह्वै प्रापित कल्ल्याना । आप करो उपदेश महाना । श्री मुख ते तबि तिसको भाखा। आइ काल जबि कोइ न राखा⁴॥ १८॥ जेकरि काल नहीं इस आवा। तौ राखो नित काल रहावा। यांते घरै धरम निज जोधा। नहीं जुद्ध महिं त्यागिह कोधा॥ १९॥ संत, अतिथ, दिज, धेनु, रंक। जो इनको दुख देहि अतंक। तहां धरम को जंग मचावै। घने कि थोरे निहं मन ल्यावै।। २०।। जथा शकति करतो रहि दान। खान पान वसव्रनि धन जानि। करिवे दान शसत्र के मांही। बरकत होति निफल हुइ नांही।। २१।। सुजसु जगत कहि सुधा समान। विख सम अपजसु करहि सु हान। सुनि प्रसंन भा रिदै प्रताप्⁵। नमो करी गुर लख्यो प्रताप्⁶॥ २२॥ नंदा विट्ठड़ स्वामी दास। बसिंह थनेसर करै अवास। कर्रीहं धरम के जुत विवहारा। कहैं जु मोल सु एको वारा॥ २३॥ इक सुखनी⁷ तिन को भा नाम। चिल आए सतिगुर की शाम। करि बंदन बैठे हुइ पास। इक सुखनी भा जिकर प्रकाश।। २४।।

^{1.} मानता । 2. तुम्हारे अनेक पीरों ने तुम्हारी रक्षा नहीं की । 3 जब मृत्यु आती है तो कोई रक्षा नहीं कर सकता । 4. युद्ध में भी क्रोधातुर होकर न त्यागे (अपने धर्म को) 5. नाम है । 6. प्रताप को देख कर । 7 एक ही वचन पर दृढ़ ।

श्री अरजन गुरदेव बखाना। इसते ही हुइ तुम कल्याना। झूठ बराबर पाप न दूजा। साच समान पुन नहिं पूजा¹।। २५॥ सिक्खिन की सेवा नित करो। गुरमित सदा रिदै उर धरो। सीत काल महिं दीजहिं चीर । भलें करम महिं कीजहिं धीर² ॥ २६ ॥ गुर को बचन मानि घरि आए। सिक्खिन की सेवा मन लाए। सुत बनिता सभि के उर भाउ। मिलहिं सिक्ख संग मधुर सुभाउ॥ २७॥ गुरबानी संग प्यार करंते। पठें सुनैं तिस पंथ चलंते। चरन पखार्रीहं सिक्खिन केरे। भोजन बसत्रिन दान घनेरे॥ २८॥ इम करते ही भयो उधार। पाइ परमपद गुर दरवार। गोपी महिता नत्था अरेर। भाऊ मोकल मिलि इक ठौर॥ २९॥ हिल्ली मंडल गुर हिंग आए। बंदन करि शुभ दरशन पाए। हाथ जोरि परसंग बखाना। बाणी रची आप बिधि नाना।। ३०॥ पढित सुनित मन को सुख देति। प्रेम बधावै दुख हरि लेति³। बिषयिन ते शांती उपजावै। सित्तनाम को सिमरिन भावै।। ३१॥ केतिक अपरित कीनिस वानी। बहुविधि ते चातुरता सानो । तिन ते मन निंह द्रवै सुनेते। प्रेम न उपजिह रिर्द भने ते।। ३२॥ श्री मुख ते फुरमावनि कीना। गुरबानी महि शकति प्रवीना। जिन प्रानी चाह्यो कल्याना। सो जे पठिह सुनिह शुभ काना।। ३३।। फल बिसाल तिस प्रापित होइ। बहु अभ्यास करहि नर जोइ। सो हुइ जाति मुकंद परायन⁵। सिमरन करहि कुसंगहि पाइ न।। ३४।। जग महि पाइ कामना सुखी। नींह प्रलोक महि कैसे दुखी। तिन सिक्खिन सुनिक सुख पायो । गुर बानी संग प्रेम बधायो ॥ ३५॥ महिता सकतू सिंवख निहालू। वसिंह आगरे सुमित बिसालू। दरशन श्री अरजन के आए। वंदन करि कै वैठि अलाए।।३६।। विप्प्र करमकांडी इम कहैं। विन शुभ करम न शुभ गति लहैं। नित्त करम तरपण गाइत्री। संध्या, पूजा, देह पवित्री ।। ३७॥ करम निमत्त श्राध⁷ अरुख्याहु⁸। पिंड पतल दसगात्न 9 जि आहु । जो ग्यानी सो अपर बखानें। करम सहत तन मिथ्या माने।। ३८।।

^{1.} पहुँचता। 2. भले कर्मों में स्थित होओ। 3. दु:खहरण करता है। 4. चातुर्य भरी। 5. ईश्वराश्रित। 6 'स्नान का आशय है। 7. पितरों के निमत्त अन्नादि का दान। 8. वार्षिक पर्व। 9. मृत-कर्म जो दस दिन तक चलता है।

ग्यान बिना गति पाइन कोई। वेद नेम करि-उचरै सोई। हम किस ग्रहन करें हित धारि। श्री मुख ते तिब कीनि उचार।। ३९।।। जिम दुभाषीआ बीच जहाज। देति कराइ बनज को काज। तिम सतिनाम महां अभिराम। दोनहु को गति देसुख धाम॥ ४०॥ ग्यानी के नित होइ सहाइ। द्रिङ राखित है ग्यान बनाइ। अहंब्रह्म इह व्रित्ति सदीवा। विसरि नंदेति प्रपक्कै थीवा ॥४१॥ कम कांडी को करि निषकाम। अंतहिकरण विमल अभिराम। बंहुर ग्यान की प्रापित करें। शकित बिसाल नाम प्रभु घरें।। ४२।।। तांते तुमहु वाहिगुरू नाम। सिमरनि करहु लहहु सुखधाम। सुनि तिन गुर ते नाम संभारा। अंत परमपद लह्यो सुखारा॥ ४३॥ इक गड़ीअल अरु मथरा दास। आइ दरस कीनो गुर पास। ढोवहिं पोट² किरति इहु घरैं। गुरसिक्खी को घारनि करैं॥ ४४ ॥ सुत बनिता जुत सिक्खनि सेवें। जथा शकति भोजन, पट देवें। निज कुटंब सों कह्यों बनाई। हम पीछे जेको सिख आई।। ४५।। जिम हम सेवें तिम तुम सेवौं। भोजन वसन देखि करि देवी। तिव सिक्खिनिगन गुर के पास ! दोनहुं को किय सुजसु प्रकाश ।। ४६ ॥ सेवा के रंग महिं इह राते। तुम सम लखैं जु सिख घर जाते। सुनि बहु खुशी कीनि तिसकाल। जनम मरन तिज भए निहाल।। ४७।। सकल शकति जुत ततछिन भए। अंत परमपद सों मिलि गए। गंगा सहगल जोधा महां। आयो श्री अरजन जी जहां।। ४८।। बंदन करि बैठ्यो जिब पास। श्री मुख ते तिब कीन प्रकाश। तुम मलेछ के चाकर अहो। इहकुछ भलीबात नहिं लहो।। ४९।। जे तुम कहो जीवका नांही। रहीयहि श्री हरिगोविंद पाही। हुइ सगरे परवार गुजारा। अरु सिमरहु सितनाम संभारा॥ ५०॥ दुनीआं के कारज हुइ पूरे। दीन विखे उज्जल मुख रूरे। सुनि गंगासहगल हरखायो। दृहूलोक महि गुर अपनायो।। ५१।। इसते अपर न आछी वात। रहित भयो सूरा वख्यात। जिव रण रिच श्री हरिगोबिंद। हते तुरक बहुबली बिलंद॥ ५२॥ नहीं पीठ रिपु को दिखराई। इस करते ने शुभ गति पाई। अपर अनेक सूरमा आए। पिखि गगे कहु मोद बढाए।। ५३।। इति श्री गुर प्रताप सूरज ग्रंथ वितिय रासे 'सिक्खन प्रसंग' बरननं नाम पंचः

शषटी अंशु ॥ ६५ ॥

^{1.} पक्की होती है। 2. बोझ ढोने का (धंधा करते थे)।

अंशु ६६ सिक्खन प्रसंग

दोहरा

हुतो तपा हरिवंस इक सेव करहि घ्रमसाल। थकति जुसिख तिसके चरन धोइ तपत जल नाल¹।। १।।

चौपई

ंदेखि छृधिति भोजन अचवार्व²। निसा सुपति के पाइ दबावै। सीतकाल भूरे³ तिव देति। घरमसाल लेपन करि लेति॥२॥ जागहि प्रथम जु पाछिलि राती। जल करि तप नुल्हाइ प्रभाती । पढित रहै पुन सतिगुर वानी। इम सेवा को ठानि महानी।। ३॥ कवि गुरदास कीनि जो बानी। इक दिन पढित हुतो रुचि ठानी। कितिक सिक्ख बोले तिस पाही। गुरबानी क्यों पढिहैं नांही।। ४।। ते रहें । अपर कविनिकी सिख निहं पढ़ै। सितगुर सवद प्रीत झगर परसपर गुर ढिग आए। बाद प्रसंग जु सकल सुनाए।।५।। इह सिभ बरजित तरकित अही। पढ़िन गिरा, गुरदास जुकही। सुनि श्री अरजन बाक उचारा। जिसमहि श्री गुर सुजसु उचारा।। ६॥ सत्तिनाम की महिमा कही। तिस कहु पढ़हु सुतरकहु नहीं। सितगुर समता चहिह जि मूढ़। किम लिख सकै जि आशै गूढ़।। ७।। सो नहिं पढहु करहु तिस तरक⁶। जो सिख पढ़िह परिह मित फरक⁷। अपर जि गुरबानी अनुसार। कै बरनन जिह प्रमु अवतार॥ ८॥ सतिगुर हरि सबंधनी वानी। पढ़हु सुनहु निशचै उर ठानी। मतसर करि गुर सों जिन करी। कै बिषियनि कै नर कथ धरी⁸॥९॥ तिनकौ पढिन वादि है ऐसे। विन बरखा घन गरजित जैसे। जिस महिं गुर अरु हरि तरकंते । नरक परिहं जे पढिहं सुनंते ॥ १०॥

^{1.} गर्म पानी के साथ । 2. भूखे को देखकर भोजन खिलाते । 3. कम्बल । 4. पानी गर्म करके नहलाते थे । 5. पढ़ें । 6. त्याग दो । 7. दुद्धि में भेद उपजेगा । 8. मनुष्यों की बनाई विषयविकारों की कथा । 9. तर्क-युत चर्चा की है ।

अरु कीनिस गुरदास जु वानी । गुरवानी के आशै -सानी। ऐसी पठवे गुरमति पावै। सितगुर शरधा रिदै वधावै।। ११।। सिक्खी को प्रापित नर होइ। हरि गुर जसु तरकहु नींह कोइ। रुचि सो पढ़हु सुनहु सुख पावहु। गुर की प्रभु की कथा सुनावहु ॥ १२॥ श्री अरजन ते सुनि सिभ मानी। पठनि लगे गुर कित महानी। अणद¹ मुरारी सुमित महानी। महांपुरख सिख आतमग्यानी॥ १३॥ नानो लटकण जाति सुजाना। विदुराउ सिख मिलि कल्लयाना। आलमचंदु हांडा जु उचारा। तालवा्ड्र 1 बहुरो सैसारा 2 ।। १४।। सभि मिलि करि जिनि मिन जग्यासी। आए श्री अरजन के पासी। करि वंदन को अरज गुजारी। गुरु गरीव निवाज मुरारी॥ १५॥ दिहु उपदेश हरहु दुख भारा। शरन परे सभि करहु उधारा। श्री सितगुर जी वाक प्रकाशा । करहु शबद को नित अभ्यासा ॥ १६ ॥ सिख संतिन की सेवा धरीअहि। सत्तिनाम को सिमरिन करीअहि। सुनित गुरु ते सिभिनि बखाना। हम जिब सबद सुनिह दे काना।। १७ 1 तिब मन निम्न सिमरि सितनाम। पुन बिवहार करिंह जिब धाम। विसर जाति नहिं चित महिं रहै। सुनि सितगुर तिन सों तिब कहैं।। १८।। अजहुं तुमारे उर अभ्यास। नहिं द्रिढ भयो करहु निरजास। अनिक जनम दुरमित बिवहारा। सो अभ्यास बली उरधारा।। १९।। गुरू शबद महिं अबि अभ्यासा। भयो अलप ही नहीं प्रकाशा। बहु दिन को द्रिढ़ तन अभिमान। सनै सनै कीजहि इस हानि।। २०॥ पठिन श्रविन नित करहु बिसाला । द्रिढ़ अभ्यास शबद जिस काला । होइ बिसिमरन तन अभिमान। तबि तुमरी होवै कल्लयान।। २१।। नीर प्रवाह होति है जैसे। सनै सनै उलटहि विघि कैसे^{उं}। करे जतन बहु अन थल बहै 4 । नांहि त प्रथम थान ही रहै।। २२।। पूरव करीअहि मन नीवाणं। पावहु बंध ब्रित्ति ब्रह्म ग्यान। सित संतोख आदि गुन धरे। इन जतनहु ते सो मुर परै।। २३।। जबि प्रवाहि इति दिशि को भयो । बहुर उपाइ न कुछ रहि गयो । होइ सुखेन अनंद। नहीं सु व्यापिंह दुखदा दुंद॥ २४॥ श्री गुर ते सुनि भगति सुठानी । भयो मुरारी आतम ग्यानी । भानू सुघड़ सु जगना नंद। आइ गुरु अरजन पद बंदि॥,२४॥

^{1.} गोव्र (आनंद) । 2. नाम है। 3. किसी प्रकार से। 4. दूसरे स्थान पर बहता है।

अंशु ६६ सिक्खन प्रसंग

दोहरा

हुतो तपा हरिवंस इक सेव करहि घ्रमसाल। थकति ज् सिख तिसके चरन धोइ तपत जल नाल ।। १।।

चौपर्ड

देखि छुधिति भोजन अचवावं²। निसा सुपति के पाइ दवावै। भूरे तिव देति। घरमसाल लेपन करि लेति।। २।। जागहि प्रथम जु पाछिलि राती। जल करि तप नुल्हाइ प्रभाती⁴। पढित रहै पुन सितगुर बानी। इम सेवा को ठानि महानी।। ३।। कवि गुरदास कीनि जो बानी। इक दिन पढित हुतो रुचि ठानी। कितिक सिक्ख बोले तिस पाही । गुरबानी क्यों पढिहैं नांही ॥ ४ ॥ अपर कविनिकी सिख निह पढ़ें। सितगुर सवद प्रीत ते रहें । झगर परसपर गुर ढिग आए। बाद प्रसंग जु सकल सुनाए।।५।। इह सिभ बरजित तरकित अही । पढ़िन गिरा, गुरदास जुकही। स्नि श्री अरजन बाक उचारा। जिसमहि श्री गुर सुजसु उचारा।। ६॥ सत्तिनाम की महिमा कही। तिस कहु पढ़हु सुतरकहु नहीं। सितगुर समता चहिह जि मूढ़। किम लिख सकै जि आशै गूढ़।। ७।। सो नहि पढहु करहु तिस तरक⁶। जो सिख पढ़िह परिह मित फरक⁷। अपर जि गुरबानी अनुसार। कै बरनन जिह प्रमु अवतार।। ८।। सितगुर हरि सबंधनी बानी। पढ़हु सुनहु निशचै उर ठानी। मतसर करि गुर सों जिन करी। कै बिषियनि कै नर कथ धरी⁸॥९॥ तिनकी पढिन बादि है ऐसे। बिन बरखा घन गरजित जैसे। जिस महिं गुर अरु हरि तरकंते । नरक परिहं जे पढिहं सुनंते ॥ १०॥

^{1.} गर्म पानी के साथ । 2. भूखे को देखकर भोजन खिलाते । 3. कम्बल । 4. पानी गर्म करके नहलाते थे । 5. पढ़ें । 6. त्याग दो । 7. दुद्धि में भेद उपजेगा । मनुष्यों की बनाई विषयविकारों की कथा। 9. तर्क-युत चर्चा की है।

अरु कीनसि गुरदास जुबानी । गुरवानी के आशै ऐसी पठवे गुरमति पावै। सतिगुर शरधा रिदै वधावै।। ११।। सिक्खी को प्रापित नर होइ। हरि गुर जसु तरकहु निहं कोइ। रुचि सों पढ़हु सुनहु सुख पावहु। गुर की प्रभु की कथा सुनावहु।। १२।। श्री अरजन ते सुनि सिभ मानी। पठनि लगे गुर कित महानी। अणद मुरारी सुमित महानी। महांपुरख सिख आतमग्यानी॥ १३॥ नानो लटकण जाति सुजाना। विदुराउ सिख मिलि कल्लयाना। आलमचंदु हांडा जु उचारा। तालवाड़ 1 बहुरो सैसारा 2 ।। १४।। सभि मिलि करि जिनि मनि जग्यासी। आए श्री अरजन के पासी। करि वंदन को अरज गुजारी। गुरु गरीव निवाज मुरारी॥ १५॥ दिहु उपदेश हरहु दुख भारा। शरन परे सिभ करहु उधारा। श्री सितगुर जी वाक प्रकाशा । करहु शबद को नित अभ्यासा ॥ १६ ॥ सिख संतनि की सेवा धरीअहि । सत्तिनाम को सिमरिन करीअहि । सुनित गुरु ते सिभिनि बखाना। हम जिब सबद सुनिहि दे काना।। १७।। तिब मन निम्न सिमरि सितनाम। पुन बिवहार करिहं जिव धाम। बिसर जाति नींह चित मींहं रहै। सुनि सितगुर तिन सों तिब कहैं।। १८।। अजहुं तुमारे उर अभ्यास। नहिं द्रिढ भयो करहु निरजास। अनिक जनम दुरमित बिवहारा। सो अभ्यास बली उरधारा।। १९।। गुरू शबद महिं अबि अभ्यासा। भयो अलप ही नहीं प्रकाशा। बहु दिन को द्विढ़ तन अभिमान। सनै सनै कीजहि इस हानि।। २०॥ पठिन श्रविन नित करहु बिसाला । द्रिढ् अभ्यास शबद जिस काला । होइ बिसिमरन तन अभिमान। तबि तुमरी होवै कल्लयान॥ २१॥ नीर प्रवाह होति है जैसे। सनै सनै उलटहि विघि कैसे³। करे जतन बहु अन थल बहै 4 । नांहि त प्रथम थान ही रहै।। २२।। पूरव करीअहि मन नीवाण। पावहु बंध ब्रित्ति ब्रह्म ग्यान। सित संतोख आदि गुन धरे। इन जतनहु ते सो मुर परै।। २३।। जिंब प्रवाहि इति दिशि को भयो। बहुर उपाइ न कुछ रहि गयो। होइ सुखेन अनंद। नहीं सु व्यापिंह दुखदा दुंद॥ २४॥ श्री गुर ते सुनि भगति सु ठानी । भयो मुरारी आतम ग्यानी । भानू सुघड़ सु जगना नंद। आइ गुरु अरजन पद बंदि॥,२४॥

^{1.} गोत्र (आनंद)। 2. नाम है। 3. किसी प्रकार से। 4. दूसरे स्थान पर बहुता है।

बैठित अपनि ब्रितंत बखाना। हम रोकिह इंद्री अरु प्राना। सिमरण करहि समेत उपाइ। चहित रिदै प्रभु लिव लिग जाइ।। २६।। जबहि पदारथ कुछ द्रिषटावै। तबि हमरो मन तहि चलि जावै। वाशन छै, अरु मन को नाश। तत्त्व ग्यान, तीनहु निरजास²।। २७।। वार वार अभ्यासहु इन को । करहु जतन नित गहीअहि मन को। सुनि बिनती सितगुर सों ठानी। दिहु उपदेश कहहु मुख बानी।। २८।। जिसते मन को हव ठहिरावै। आतम ग्यान मुकति-दा पावें। श्री अरजन तिब जतन बखाना। मन को है तुरंग इह प्राना³।। २९।। इनते चपल होति नहिं थिरै। प्रान प्रथम तौ अंतर बरै। बहुर उथित ऊपर को आवै। उठित समें मन को चपलावै 1। ३०।। तांते त्रिकुटी प्राण टिकावो। मन को नाश रीति इस पावो। सकल जगत को मिथ्या मानो। म्रिग विशना मानिद पछानो।। ३१ ।। अखल पदारथ झूठे जाने । तबिहूं होति वाशना हाने । नितप्रति निरनै ब्रह्म करीजै। तन इंद्रै ते परे लखीजै।। ३२॥ बुधि करि उचित जानिवे अहै। इंद्रै थूल न तिस कौ⁵ लहैं। सितगुर सबद सार वेदांत। करहु विचारिन हुइ सक्ख्यात ॥ ३३ ॥ छै हुइ वाशन मर्नाह विनाश। तीरथ आतमग्यान प्रकाश। इहै सहाइक आपस मांही। जीवन मुकति जुधारै पाही।। ३४।। जथा शाहु के सूबे तीन। तीनहु थल को पठविन कीिन। तव तिन को सिक्छ्या सिखराई। तीनहु मिलहु परसपर जाई॥ ३५॥ दुशमन बली अहैं समुदाई। प्रथम सिरंद करहु तकराई। पूनि तीनहु लवपुरि को साधि। तसकर दुषट लेहु सिम बांधि॥३६॥ पुन तीनहु कशमीर सिधावो । तिसको साधो अपनि बनावो । पुन तीनहु गमनहु हुइ जुदे। त्रै पुरि करींह राज शुभ तदे⁶।। ३७।। जुदे जुदे जो प्रथम सिधारो। होहि न विजै काज उर धारो। तीनह मिले⁷ करहु सभि कार। लखि इहु तीनहु तिसी प्रकार।। ३८।।

वासना को क्षय करो। 2. तीनों निष्कर्ष की बातें हैं। 3. प्राण मन का घोड़ा हैं। 4. चपल बनाता है। 5. आशय 'ब्रह्म' से है। 6. तीनों नगरों का राज्य भली भाँति सम्भालोगे। 7. भाव है—वासना-क्षय, मन नाश और ब्रह्म ज्ञान।

न्निप अग्यान जु चम् विकार¹। सभि थल लीनो गुननि विदार²। खै वाशन अर मन को नाश। तत्त्व ग्यान इन करि अभ्यास।। ३९।। सास सास सिमरहु सितनाम। सबद विचारि लहो विसराम। सुनि सगरे मन आनंद पाए। तिम कीनिस जिम गुरू बताए।। ४०।। जैत सिंगार जुग सिख भारी। जोधा बड़े निर्भ उपकारी। श्री अरजन तिन संग उचारा। हम सरून जो खषटम धारा॥ ४१॥ धरें शसत्न दे दुषटन दंड। करें तुरक गन को खंड खंड। आयुध विदया करि अभ्यास। मीरिन की मीरी ले पास।। ४२।। शवद प्रीति करि चित इम देई। पीरिन की पीरी हरि लेई। न्निप को लवण खाति है जोइ। निज सरीर को अरपहि सोइ।। ४३।। हलत पलत महि हम सुख दै हैं। इहां भुगति उत मुकती पहै। महां घोर कलिजुग को काल। निज सिक्खनि हम लेहि संभालि॥ ४४॥ तुम अबि हरिगोबिंद ढिग रहीए। आग्या मानि सरव सुख लहीए। तिनके संग युद्ध को करि कं। तुरकिन हतो शसत कर धरि कै।। ४५।। हाथ जोरि सो मानति भए। श्री हरिगोबिंद ढिग चिल गए। रहे समीप शसन्न धरि सूरे। विद्या अभ्यासिंह गुर पूरे।। ४६॥ कितिक काल बीस्यो ढिग रहे। ले प्रवानगी³ गुर के कहे। अपने सदन रहे दुइ मास । इक जोगी मिलि करि तिन पास ।। ४७ ।। भयो प्रसंन रसाइन दीनि। इक विल भर्यो हरख करि लीनि। सो विचारि करि ढिग लै आए। गुर खपटम को सो अरपाए॥ ४८॥ लगे सुनाविन गुन इह भारे। दयो सिक्ख ने पारद मारे 4 । बावन तौले रत्ती पाउ⁵। सुंदर कंचन करति सुहाउ ॥ ४९॥ इक चावर भर 6 नर जे खावै। छुधा सवा मणकी हुइ जावै। गज सम बल को धारिन करे। रोग सरव तन के परहरे।। ५०॥ श्री हरिगोविंद उचर्यो तिन को। जिन मार्यो पारद सम मन को⁷। पारे साथ न सो हित धरित। जो तांवे ते कंचन करित।। ५१॥ मारे गुन पाइ अनूप। जीव वनहि परमेशुर कामना पुरहिं तुमारी। इक चावर भर वहिर निकारी।। ५२॥ तऊ

^{1.} अज्ञान रूपी राजा की विकारों की सेना। 2. गुणों का नाश करके (उसने सारे प्रदेश पर कब्जा कर लिया है)। 3. अनुज्ञा। 4. पारे की भस्म। 5. वावन तोले (तांबे में) एक रत्ती डालो। 6. चावल बरावर। 7. जिन्होंने मन को पारे के समान मारा है।

तरे पान द्वै दैकै। कर्यो खान सतिगुर कर लैकै। बिल अंम्रितसर महिंगेरा। करि मुरातबा तिनहि उचेरा॥ ५३॥ ऊपर पन अति समीप अपने करि लीनि। बखशी शकति महां बल कीनि। जहां तुरकिन संग्राम्। तिहं तिहं करे बडे तिन काम् ॥ ५४॥ परे

इति श्री गुर प्रताप सूरज ग्रंथे तितिय रासे 'सिक्खन प्रसंग' वरननं नाम खषट-ष्टी अशु ॥ ६६ ॥

अंशु ६७

तरन तारन प्रसंग

दोहरा

जैता नंदा सिक्ख द्वं संग पिरागा होइ। श्री अरजन के चरन डिग आइ निवें त्रै सोइ॥१॥

चौपई

हाथ जोरि करि अरज गुजारी। कीजहि अस उपदेश उचारी। जिस ते अपर न करतब रहै। धर्राह रिदै आछो पद लहै 2 ।। २॥ श्री मुख ते उपदेश वखाना। इंद्र[®] रोकह वनि सवधाना³। स्वास स्वास सिमरहु अठ जाम । सिभ ते ऊच वाहिगुरू नाम ॥ ३ ॥ जबहि टिकहि नहि ब्रिति निहारों । आवहि वहर त शबद उचारो। राखो परचा सितगुर बानी। तिसही ते होवह ब्रह्म ग्यानी।। ४॥ श्री सतिगुरु ते सूनि उपदेश। लगे करनि तिस रीति हमेश। विप्प्रनि देखि कह्यो क्या कीना । करम कांड सगरो तिज दीना ॥ ५ ॥ नित्त निमत्त करम सभि त्यागे। म्रिषट भए तुम किस मग लागे। गन पंडित महिं तिनहुं बखाना। मिल्यो हमिंह सतिगुरू महाना॥ ६॥ तिब ते म्रितक पिता अग्यान⁵ । जनम्यो घर सपूत ब्रह्म ग्यान । मरन जनम ते स्तक भयो। तिव ते करम कांड मिटि गयो।। ७।। नहीं करम लेखे सू लगते। जिनके सूतक होति भनते। तुम ते ही हम सूनि इस भांति। त्यागे करम जानि वख्याति॥ ८॥ कहह जि स्तक थोरो रहे⁶। गुर की आग्या इस विधि अहै। नाभी ते जिब उपजिह स्वास । तिव तो जनम सुहोति प्रकाश ।। ९ ॥ वहिर नासका ते निकसाइ। तबि तिनको मरनो हइ जाइ। स्तक बिना करम को समै। रहे बिचार, न प्रापित हमै।। १०॥

^{1.} हृद्य स्थिर हो। 2. अच्छा पद (मुक्ति) मिले। 3. सावधानी पूर्वक इन्द्रिय-निग्रह करो। 4. जब वृत्ति अस्थिर दीख पड़े। 5. तब से अज्ञान रूपी पिता मर गया। 6. यदि थोड़ा सूतक (भ्राष्ट्य) रहे भी।

स्वास स्वास महि नाम अधारा। राखित हैं सितगुरू उचारा। सुनित बिप्प्र तूपन हुइ रहे। रहे बिचार, न उत्तर लहे।। ११।। तोता महिता जिस मन रोका। हतो पाठिका¹ नाम तिलोका। पद सम पदमिन सीस निवाए ।। १२ ।। दरशन श्री अरजन के आए। श्री सतिग्र उपदेश तुमारा। हाथ जोरि मख वाक उचारा। राम नाम सिमरो लिव लाई। इसते नहीं नरक महिं जाई।। १३।। इम सुनि बिप्प्र तरकना² करैं। जे सिमरनि ते नरक न परें। क्यों पुन नरक पाइ करि देति ।। १४ ।। सभि जग राम नाम को लेति। क्यों प्रभु नरक बनावनि चहै। जे इह साचु होइ जिमि कहैं। नियफल करे सूरग के धाम ॥ १५॥ सगरे मुकति पाइं जपि राम। नरक सुरग दोनहं नहीं चहीयहि । जे सिमरिन ते मुकती लहीयहि । निशचै राम जपित हैं सारे।। १६।। सूनि श्री मुख ते वाक उचारे। निहं प्रतीत अरु मन न इकागर । किम कल्यानिहं पाइ उजागर । राखश गह्यो³ म्रदाना जाति ॥ १७॥ कहह दिजनि संग एह ब्रितांत। कर्यो तेल को तपत कराहा। तिसमैं कौडे पावनि चाहा। सिमरयो मरदाने सूख धाम ॥ १८॥ श्री नानक उपदेशयो नाम⁴। ततिष्ठिन सीतल भयो कराहा। नाम प्रताप बिदत जग मांहा। कहहु दिजनि सो अवि के जाइ। जे तुम सिमर्यो राम बनाइ।। १९।। करहु तपाविन तेल कराहा। हम तुम पाविह कर⁵ तिस मांहा। इक सम सभिनि राम को सिमरनि । तौ अबि मिलिक कीजहि परखनि ।। २०॥ जग तिशना महिं तपत कराह। दहीयति नित, नहिं निकसनि पाहे। गुरमुखि को गुर बखशहि नाम । हरि विशना, मन लहि विसराम ।। २१।। सुनि करिश्री गुरते सो गए। पंडित ब्रिंद मिलत जबि भए। सकल प्रसंग सुनायहु जवै। संकमान⁶ दिज ह्वैकरि तवै॥ २२॥ करे भए हाथ नहिं घाला। इम सतिगुरू प्रताप बिसाला। तरक करन ते कीनसि मौन। जानी महिमा बड गुर भौन।। २३।। इक सिख जड़ीआ सांईदास। करि गुर नमो वैठि करि पास। हाथ जोरि अरदास बखानी। मैं बहु सिक्खिन सेवा ठानी।। २४।। धारन कर्यो रिदै उपदेश। सेवौं तुमरे चरन हमेश। तऊ शबद सुनिवे के काल। निह मन ठिहरित चपल बिसाल।। २४।।

^{2.} पाठ करने वाला । 2. तर्क, अनाधारित बातें । 3. राक्षस ने पकड़ लिया था । 4. गुरु नानक द्वारा उपदेशित नाम । 5. हाथ । 6. शंकायमान ।

आप कह्यो मन करहु इकागर। पठहु सुनहु गुर शबद उजागर। सुनि श्री मुख ते जतन बतायो। मन गति को अबि तौ लखि पायो।। २६॥ टिक कि नहीं जान सभि लीनो। इस विधि को पूरव नहिं चीनो। जिब मन जाइ कितिहि लिखि पावहु । तिबि तिस मिथ्या वसतु दिखावहु ।। २७ ।। बहुर मोरि करि¹ शबद मिलावहु । जे चिल जावै फेर हटाबहु । जिम अरीअल असु को असवार। सनै सनै तिह अग्र दिखारि।। २८।। मोरि बहुर बागनि² को फेरिहि। फेर फेरि निज मरजी प्रेरिह। करहि सुधारिन हित को दैहै। अरिह जि, ब्रास तांहि उपजै है।। २९।। इस विधि फोरि फोरि³ मन जोरहु। सुद्ध होइ लहि स्वादि, न मोरहु⁴। सुनि गुर ते कीनसि विधि तैसे । सने सने मन विस हुइ जैसे ।। ३०॥ आपा नहिं जनाइं गुर आगे। निस दिन रहे सेव महिं लागे। इम श्री गुर अंम्रितसर माही। सिक्खनि को उपदेश कराहीं।। ३१।। गोइंदवाल जानि को चाहा। सतित गुरु अमर के पाहा। करि त्यारी सिख संग बिसाल। जिन महि ब्रह्म ग्यानी मुख जाल।। ३२।। ब्रिध ते आदि सेवगुर भीने। गमन हेतु सभिहिनि मन कीने। श्री अरजन गुर गुननि उदार। नितप्रति चाहति पर उपकार॥ ३३॥ जिम सूरजकरि महां प्रकाश। सकल जगत को दे सुखरासि। निदक दुषट उलूक न जानिह । अंध बनिह निज बुरा सु ठानिह ।। ३४ ॥ चढि खासे पर सतिगुर चले। माता जी करि बंदन मिले। रहहु सदन दे धीरज तूरे। सनैं सनैं मग चलिबो करे।। ३५॥ कितिक कोस गमने थित होए। उतरे सुंदर थल को जोए। जहां तरन तारन इसथान। तीरथ देख्यो लाइ धिआन॥३६॥ नारी शनान ते पावन। शरधा करे कामना पावन । मारग चलिंह भाव ते पावन⁶। मिटिंह रोग गन, आनंद पावन⁷।। ३७॥ इक ते पलासुर तिहं ग्राम। खानवाल दूसर को नाम। इन ते आदिक ग्राम जि और। लरित परसपर रहिं तिस ठौर।। ३८।। बहु नर मरिह परिह संग्राम। करते द्वैख जाहि जमधाम। तिनको महां बिलोक्यो झेरा। श्री गुर अरजन कीनसि डेरा।। ३९।।

^{1.} पुनः मोड़ कर। 2. लुगाम। 3. मोड़ मोड़ के। 4. शुद्ध भाव से जब वह रसलीन हो जाय, तब न मोड़ो (अर्थात् लगा रहने दो)। 5. कामना तृष्ति पाएँगे। 6. पैरों से, पैदल। 7. आनन्द को प्राप्त होंगे।

स्वास स्वास महिं नाम अधारा। राखित हैं सितगुरू उचारा। सुनित बिप्प्र तूपन हुइ रहे। रहे बिचार, न उत्तर लहे।।११।। हुतो पाठिका¹ नाम तिलोका। तोता महिता जिस मन रोका। पद सम पदमिन सीस निवाए ॥ १२ ॥ दरशन श्री अरजन के आए। हाथ जोरि म्ख वाक उचारा । श्री सितगुर उपदेश तुमारा । राम नाम सिमरो लिव लाई। इसते नहीं नरक महि जाई।। १३।। इम सुनि बिप्प्र तरकना² करै। जे सिमरनि ते नरक न परें। सिभ जग राम नाम को लेति। क्यों पून नरक पाइ करि देति।। १४।। क्यों प्रभु नरक बनाविन चहै। जे इह साच होइ जिमि कहैं। निषफल करे सूरग के धाम ॥ १५॥ सगरे मुकति पाइं जपि राम। नरक सुरग दोनहुं नहीं चहीयहि । जे सिमरिन ते मुकती लहीयहि । सुनि श्री मुख ते वाक उचारे। निशचै राम जपित हैं सारे।।१६।। किम कल्यानहिं पाइ उजागर। नहिं प्रतीत अरु मन न इकागर। राखश गह्यो³ म्रदाना जाति ॥ १७॥ कहहु दिजनि संग एह ब्रितांत। तिसमैं कौडे पावनि चाहा। कर्यो तेल को तपत कराहा। सिमर्यो मरदाने सूख धाम ॥ १८॥ श्री नानक उपदेशयो नाम4। ततिष्ठिन सीतल भयो कराहा। नाम प्रताप बिदत जग मांहा। कहहु दिजनि सो अवि के जाइ। जे तुम सिमर्यो राम बनाइ।। १९।। करहु तपाविन तेल कराहा। हम तुम पाविह कर⁵ तिस मांहा। इक सम सभिनि राम को सिमरनि । तौ अबि मिलिक कीजहि परखनि ।। २०।। जग तिशना महिं तपत कराह। दहीयति नित, नहिं निकसनि पाहे। गुरमुखि को गुर बखशहि नाम । हरि विशना, मन लहि विसराम ।। २१ ।। सुनि करिश्री गुरते सो गए। पंडित ब्रिंद मिलत जबि भए। सकल प्रसंग सुनायह जबै। संकमान⁶ दिज ह्वैकरि तबै॥ २२॥ करे भए हाथ नींह घाला। इम सतिगुरू प्रताप विसाला। तरक करन ते कीनसि मौन। जानी महिमा बड गुर भौन।। २३।। इक सिख जड़ीआ सांईदास। करि गुर नमो वैठि करि पास। हाथ जोरि अरदास बखानी। मैं बहु सिक्खिन सेवा ठानी।। २४।। धारन कर्यो रिदै उपदेश। सेवौं तुमरे चरन हमेश। तऊ शबद सुनिवे के काल। निह मन ठिहरित चपल बिसाल।। २५।।

^{2.} पाठ करने वाला । 2. तर्क, अनाधारित बातें । 3. राक्षस ने पकड़ लिया था । 4. गुरु नानक द्वारा उपदेशित नाम । 5. हाथ । 6. शंकायमान ।

आप कह्यो मन करहु इकागर। पठहु सुनहु गुर शवद उजागर। सुनि श्री मुख ते जतन बतायो । मन गति को अबि तौ लखि पायो ।! २६ ॥ टिक कि नहीं जान सिभ लीनो। इस विधि को पूरव नहिं चीनो। जिब मन जाइ कितिह लिखि पावहु । तिबि तिस मिथ्या वसतु दिखावहु ॥ २७ ।। बहुर मोरि करि 1 शवद मिलावहु । जे चिल जाव<mark>ै फेर हटावहु ।</mark> जिम अरीअल असु को असवार। सनै सनै तिह अग्र दिखारि॥ २८॥ मोरि बहुर बागिन 2 को फेरिहि। फेर फेरि निज मरजी प्रेरिह। करिह सुधारिन हित को दैहै। अरिह जि, त्रास तांहि उपजै है।। २९।। इस विधि फोरि फोरि³ मन जोरहु। सुद्ध होइ लहि स्वादि, न मोरहु⁴। सुनि गुर ते कीनसि विधि तैसे । सने सने मन विसि हुइ जैसे ।। ३०॥ आपा नहिं जनाइं गुर आगे। निस दिन रहे सेव महिं लागे। इम श्री गुर अंम्रितसर माही। सिक्खिन को उपदेश कराहीं।। ३१।। गोइंदवाल जानि को चाहा। सतति गुरु अमर के पाहा। करि त्यारी सिख संग विसाल । जिन महिं ब्रह्म ग्यानी <mark>मुख जाल ।। ३२ ।।</mark> ब्रिध ते आदि सेवगुर भीने। गमन हेतु सभिहिनि मन कीने। श्री अरजन गुर गुननि उदार। नितप्रति चाहति पर उपकार॥ ३३॥ जिम सूरजकरि महां प्रकाश। सकल जगत को दे सुखरासि। निंदक दुषट उलूक न जानिह । अंध बनिह निर्ज[ं]बुरा सु ठानिह ।। ३४ ॥ चिं खासे पर सितगुर चले। माता जी करि बंदन मिले। रहहू सदन दे धीरज तूरे। सनें सनें मग चिलवो करे।। ३५॥ कितिक कोस गमने थित होए। उतरे सुंदर थल को जोए। जहां तरन तारन इसथान। तीरथ देख्यो लाइ धिआन॥ ३६॥ नर नारी शनान ते पावन। शरधा करे कामना पावन । मारग चलिंह भाव ते पावन⁶। मिटिंह रोग गन, आनंद पावन⁷।। ३७॥ इक ते पलासुर तिहं ग्राम। खानवाल दूसर को नाम। इन ते आदिक ग्राम जि और। लरति परसपर रहिं तिस ठौर।। ३८।। बहु नर मरहि परिह संग्राम। करते द्वैख जाहि जमधाम। तिनको महां बिलोक्यो झेरा। श्री गुर अरजन कीनसि डेरा।। ३९।।

^{1.} पुन: मोड़ कर। 2. लुगाम। 3. मोड़ मोड़ के। 4. शुद्ध भाव से जब वह रसलीन हो जाय, तब न मोड़ो (अर्थात् लगा रहने दो)। 5. कामना तृष्ति पाएँगे। 6. पैरों से, पैदल। 7. आनन्द को प्राप्त होंगे।

अगले दिन ग्रामीन हकारे। लरन बिखै बहु दोष उचारे। द्तीए धन लेवहु मन भाई।। ४०।। इकतौ तुमरी मिटहि लराई। चत्रथ नर प्रापति फल महां। वितीए गुर को कारज इहां। दरव मोल ते लिहु दुगुना लव ।। ४१।। देह भिमका गर घर को अबि! पलासुर रंघर वक्ख्यात। खान वाल के खती जाति। कहिवो श्री अरजन को मान्यो।। ४२।। मिटै कलिह सिभ ने मन जान्यो। अधिक सहंस्र सपत पंचासि²। दीए रजत पण लच्छ प्रकाश। दीनसि दरब ब्रिंद तिस वेरी ॥ ४३॥ भिमका मोल घनेरी। चितवहि पर उपकार महान। रहिन लगे श्री गुर तिस थान। दुखद अंधेरा जग हरि लेति॥ ४४॥ जिम सूरज सिभिहिनि सुख देति। सभि औषधि⁴ महिं रसको भरिकै। जथा चंद्रमा निज कर करि कैं । तथा करींह गुर हित सिभ कोइ ।। ४५।। जिसते जीव विपत जग होइं। सकल मसंदिन साथ वतायो। ताल तरन तारन चिह लायो। लगे मजूर करें गन कारी⁶ ।। ४६ ।। लगे करावनि बह बिधि त्यारी। श्री अरजन जी गन धन देति। चना अधिक इंटका हेत। भए त्यार सतिगुर हित पूरित ॥ ४७ ॥ पुनहि खनन हित करनि महरत। घनो करवायो। सिख संगत तहि ब्रिंद बुलायो। पंचांम्रित अनिक प्रकारिन के उतसाह। होति प्रसंन सिक्ख्य मन माहि।। ४८॥ लग्यो दिवान अधिक गुर पास । वोले वाक करह अरदास । ब्रह्म सरूप बिखैं चित जुर्यो ॥ ४९ ॥ भाई बुड्ढे कह किय खर्यो। महां शकति धरि सिक्छ्य महाना । करतल फल सम रूप स् जाना⁷। राति द्योस जिस रहै समाधि। दात शांति जुति रिदा अगाधि।। ५०।। खरो भयो जिब गुरू अगारी। हित अरदास करनि सुलकारी। इक देवीचंद नाम। गोइंदवाल हतो जिस धाम।। ५१। दरशन हेत् गुरु के आवा। एक रुपय्यो तांहि तुरावा8। आधे टके राखि निज पास। अरध लए हित गुर अरदास।। ५२।। गुर कै जाइ अगारी धरे। हाथ बंदि करि बैठिन करे। श्री अरजन अविलोकि उचारी। भाई वुड्ढा लेहे निहारी।। ५३।।

^{1.} लोभ। 2. एक लाख सत्तावन हजार चाँदी के रुपये दिए। 3. अपनी किरणों के कारण। 4. वनस्पति। 5. वैसे गुरु सबका भला करते। 6. मजदूर लगे एवं सेवक भी सेवा में संलग्न हुए। 7. हस्तामलक समान स्व-स्वरूप को जान लिया। 8. रुपये के छूटे पैसे लिए।

पूरन ताल सकल विधि होइ। रिदे हमारे आइ न कोइ। आधी भेट प्रथम ही आई। आधो रहै इही लखि पाई।। ५४॥ पुरपोतम की जथा रजाइ। होइ तथा निह अपर उपाइ। करि अरदास तिहावल केरी। सिमरे सिभ सितगुर तिस वेरी।। ५५।। कर्यो महूरत खनि लगाए। सिक्ख्य मिहनती नर समुदाए। तीरथ की सुहोनि लगिकारी। कारीगर बुलाइ मतिभारी॥ ५६॥ ईंटनि **के** आवे¹ लगवाए। चूना त्यार कर्राहं समु<mark>दाए²।</mark> ताल विसाल अरंभिन कीना। मनो मानसर होइ नवीना॥ ५७॥ शिलपी लगे चिननि सोपानि। लावहिं चूनो ईट महान। कह्यो मसंदिन सों गुर वैन । करवावहु कारज गुभ दैन³ ॥ ५८ ॥ सितगुर के घर तोटि न काई 4 । मिहनत देहु मजूर सवाई 5 । जिसते होइ अखिल इहु ताल। तथा करहुतुम सुमित संभाल। ५९।। इस बिधि हुकम पाइ गुर केरा। कहि कहि को निकराई वडेरा। शिलपिन ते सु करावित रहै। चूना ईट पचावहु कहै।। ६०।। कवि कवि श्री गुर देखहि जाई। लगे कार जहि सिख समुदाई। निज कल्ल्यान चहैं करि सेवा। जिसते हुई प्रसंन गुरदेवा॥ ६१॥ इस विधि केते दिवस विताए। श्री अरजन उपकार कराए। पूरव दिशि की बनहिं सुपान। नरिन भीर बहु हुइ तिस थान।। ६२॥ आवहि संगति कावल केरी। बलख युखारे नगर घनेरी। धंनींघेप पिशौर जि बासी। पुरि मुलतान, शिकार पुरा सी।। ६३।। इत दक्खण अर पूरव केरी। संगति दरशै आइ बहेरी। कितिक देश गिनीअहि जग केरे। जे आवित गुर टरशन हेरे।। ६४।। तीरथ कार करहि सो आइ। तिस पर होवति खुणी सिवाइ। सितगुर को रुख देखिँह ज्यों ज्यों। खनिह कार किर हैं नर त्यों त्यों।। ६५।। इस बिधि केते मास बिताए। पूरव दिशि सौपान बनाए। केतिक खनी भूमका तहां। गुरू काम तीरथ हइ महां⁷।। ६६।।

इति श्री गुर प्रताप सूरज ग्रंथे क्रितिय रास 'तरन तारन' प्रसंग वरननं नाम सपत सषटी अंशु ॥ ६७॥

J. भट्ठे। 2. बहुत-सा। 3. देकर (पदार्थ)। 4. कोई कभी नहीं। 5. मजदूरों को सवाया पारिश्रमिक दें। 6. खोदने का काम। 7. गुरु की इच्छा है कि यह महाना तीर्थ हो।

अंशु ६८ तरन तारन प्रसंग

दोहरा

दिन दिन प्रति तीरथ बनित सितगुर कर्रीह तगीद । आप आपने काज करि संध्या होत रसीद¹ ।। १ ॥ चौपई

नित प्रति सति गुर सुधि सभ लहैं । करहू भले तूरन तिन कहैं । के समुदाइ पजावै। बहु नर लागे तिनहि पकावैं।। २।। नूरदीं तुरक हंकारी। सिफती परविदगार विसारी²। तहां हुतो तहां ते कोस अढ़ाई। चिनवावित सो अपिन सराई।। ३।। रहितो हुतो दिलीश्र तीर³। यांते गरबति मूढ अधीर। तिसके चिनति ईट थुर गई 4 । कित ते हाथ न आवित भई ॥ ४॥ अटक रही तिस कार उसारी⁵। खोजि रहे नहि निकटि निहारी। तिव किसहूं ने तिह सों कह्यो । सुनहु काज मैं तुमरो लह्यो ॥ ५ ॥ श्री गुर रामदास के नंद। करिवावति हैं ताल विलंद। आवे भए तयार। बडी ईटका पाकी सार।। ६।। तिनके अनवाइ लेहु 6 इस थान। सरै कार तुमरो हित ठानि। अपर निकटि द्रिपटी नहिं आवे । दूरि होहि तौ कौन सु ल्यावे ॥ ७ ॥ खोजा नूर दीन सुनि रह्यो। नहीं वाक त्यावनि तवि कह्यो। हतो अमानत खान पठान। सो भी चिनवावित इक थान।। प।। हुतो तरन तारन जी नेरे। चहति ईंटका चिननि घनेरे 6 । मझार । राहक बसति धनाढ उदार⁷ ।। ९ ।। न्रंगाबाद तिसको बूझनि कीनि पठान। कित ते आइ ईंटका में सराइ अबि लागि बनावनि । पातशाहि कीनसि फुरमावनि ।। १० ।।

पहुँचते हैं (घर) । 2. ईश्वर के गुण भुलाकर । 3. दिल्लीश्वर के निकट रहने के कारण । 4. कम पड़ गई । 5. निर्माण-कार्य । 6. मंगवा लो । 6. बहुत-सा । 7. मार्ग में एक उदार धनाढ्य रहता था ।

सभि उमराविन कहु दिय थान । निज नामिन पर करिंह मकान । खोजे ढिंग जाइ। देहि ईंट, कै देहि बताइ॥ ११॥ सुनित चौधरी करि अहिलाद। ग्राम जु वसै नुरंगावाद। इसकै आइ ईटका हाथ। मैं भी लेऊं इच्छिति साथ¹।। १२।। सुनिके नूरदीन ढिग गयो। जहां सराइ चिनावति² भयो। कही अमानत खां की बात। सुनिकै बोल्यो सम मुसकात³।। १३।। हम को तुम ते चाहि घनेरी। कर्राहं टोर⁴ बहु थानिन होरी। श्री अरजन गुर हिंदु विसाल। सो करिवावित इह ठां ताल।। १४।। आवे तिनहु बिंद लगवाए। वडी ईट अरु भले पकाए। खान काज अरु होइ हमारो । मिलिकै लिहु निह करिह पुकारो ।। १५ ।। उधारी कहिकै लेहु। जबरी तुमसों करें न केहु। इम मसलत 5 करि आपस मांही । फिरित 6 चौधरी ने ठिहराही ॥ १६॥ आइ वहिर ते लिए पजावे। निज निज ग्रामनि ईंट ढुवावे। सिक्ख कुलाल आइ गुर पास। हाथ जोरि कीनसि अरदास।। १७।। तुरक समूह वहिर चिल आए। हुकम करित हम साथ अलाए। नूरो दीन अमानत खान। दोनहु निकट चिनाई मकान।। १८॥ चाहि ईंटका तिन कहु भई। करि उधार तुमते हम लई। इह किह बगे लदाविन गाडे। गिनती मिनती दीनिस छाडे॥ १९॥ सुनि बोले श्री अरजन नाथ। हमको क्या है गिनती साथ। जहां ईटका लगै हमारी। तर्हि की ल्याविंह जड़ा उखारी⁷।। २०।। सरव कोट चहुं गिरद विसाला । ढिह आविह इह ठां जिस काला । तिब इह पूरन होइ तड़ाग। करिह सिक्ख मेरो वड भाग।। २१॥ तुरक सकल की जरां उखारिह। सनम्ख लड़िह तांहि को मारिह। ब्रधहि तेज हिंदिन को जोर। तिव इह ताल होइ चहूं ओर।। २२।। मेला होइ अमस्या भारी। लहैं कामना लोक उदारी। रोग ब्रिंद को बरजिन करिहीं। नाम तरनतारन स् उचरिहीं॥ २३॥ दरस मास भाद्रों पद जोइ8। महां महातम इसको होइ। सगरे पाप विदारनि करैं। शरधा धरि शनान जे धरै।। २४॥

^{1.} मैं भी आवश्यकता- नुसार ले लूँगा । 2. निर्माण, वास्तु-निर्माण । 3. सम-भावी मुस्कान के साथ । 4. खोज । 5. परामर्श । 6. एक फेरे का पारिश्रमिक । 7. वहाँ की जड़ें उखाड़ लाएगी । 8. भाद्र-पद की अमावस ।

इम किह सितगुर तूषन रहे। चलिन भोर को चित मिह चहे। तिस दिन डेरो तहीं टिकाए। श्री अरजन चित शांति विधाए।। २५।। नहीं स्नाप तिब कूर उचारिस। जिसते दुषट दगध ह्वं छारिस। छिमावान महि श्रेषट रूप। महां शकति धरि धीर अनूप।। २६॥ सम दम के जूत रिदा उदार। धरम आतमा सहत बिचार। मनह धरम की धुजा सरीर। पर्उपकारी परम अभीर¹।। २७।। जम बसि जीव नरक मों परते । तिन्हो बिलोकति करुना करते । भले पंथ पर सुख को पावैं। इस प्रकार के व्योंत बनावै।। २८।। तीरथ की तिब कार हटाइ। लख्यो भिवख्यत जिम ह्वैजाइ। अजर जरन निसठित 2 ब्रह्म ग्यानी । मोह बिदारिन उचरित वानी ॥ २९॥ $_{
m in}$ नैन रसीले करुना रसे। जिन महि प्रेम रहै नित बसे। जग गुरता बर तखत बिराजे । दरसहिं सहि शरधा अघ भाजे ।। ३० ।। नूरो दीन अमानत खान। तिनहं सुनि सुधि सगरी कान। तीरथ करिबे ते हटि रहे। कूच करिन चलिवे चित चहे।। ३१।। मिलि दोनो इक मनुज पठावा। शाहु सुने नहिं चित डर पावा। आइ गुरू के कह्यों अगारी। तुम क्यों बरजी ताल उसारी।। ३२।। जितिक पजावे पर लगि दरवा। किह हम ते अवि लीजिह सरवा। अपर ईटका देहु चढाइ। करति कार सगरी पक जाई।। ३३।। आगै को हम लेहिंन कोई। बैठे रचह अपनि सर जोई। बनी जरूरत हम को भारी। शाहु निदेश जु शीघ्र उचारी॥ ३४॥ करहु सराइ तुरत ही त्यारे। यांते आवे लए तुमारे। तिसको लीजै मोल सवाया। दिहु आइसु पुन लगिह पजाया³।। ३५।। श्री अरजन पुन कीनि बखान। कर्यो मोल बल लाइ महान⁴। सोई मोल देहि हम तमै। जिब ही आइ जाइगो समै।। ३६।। हमरे सिख ह्वं हैं वलिभारी। निज बल करि ले नींव उखारी। ढहैं सदन जे पाक बनाए। इही ईटका लागहि आए।। ३७।। जिम बल मोल तुमहु ने दीनि । ईंट पजाविन की सिभ लीनि । सो बल मोल देहिंगे तुम को। तबै त्यार तीरथ हुइ हम को।। ३८॥ **अबि** ते जाइ कहहु इह बात । तीरथ बर्नाह तूरक कर घाति⁵ । सुनि कैरिस जुति गुर के बैन। गमन्यो सो नर करि तर नैन।। ३९॥

शूरवीर । 2. दृढ़ । 3. ईटों का भट्ठा । 4. बल-प्रयोग रूपी मूल्य । 5. तुर्कों का नाश करके ।

सभा बिखै सिमहूंनि सुनाई। सुनि करि नूरदीन रिस खाई।
क्या करि लेहि कहै जे ऐसे। लग्यो चिनाविन मूरख तैसे।। ४०॥
श्री गुर कर्यो कूच हिट आए। रामदास पुरि बिखै सुहाए।
श्री गुर हिरगुविंद संग मिले। अंक विठाइ प्रेम करि भले॥ ४१॥
अपर सरब सिख करि करि बंदन। दरसिंह दरशन दोष निकंदन।
भई रैन मंदर निज गए। भिले सकल आनंद मन भए॥ ४२॥

इति श्री गुर प्रताप सूरज ग्रंथे वितिय रासे 'तरन तारन' प्रसंग वरननं नाम अषट सषटी अंशु ।। ६८॥

अंशु ६६ सिक्खन प्रसंग

दोहरा

एक सिक्ख सितगुर निकट गुरमुख तिसको नाम । हाथ जोरि बिनती करी मैं रावर की साम ।। १।।

चौपई

गर सनमुख सिख मानहि भाना। मोहि दिखावह दिखि दुख हाना। सूनि श्री अरजन गिरा उचारी। पुर गुजरात सुनाम भिखारी।। २।। तिह दरसहु अबि करहु पयाना। गुरमुख गुर बच मानि महाना। चल्यो बिचारति सिख बड होइ । सतिगुर आप बतायहु जोइ ॥ ३ ॥ प्रभु भाणा किम मानति रहै। कहां क्रित करि ब्रिau को लहै 1 । उलंघ पहंच्यो गुजरात। नाम भिखारी पूछ्यो जाति।। ४।। व्याह स्त केरा। ग्रिह मैं गयो समंगल हेरा। गावें तिया किरत कमावति पिख्यो भिखारी । सीवति सतरंजी जे फारी 2 ।। ५ ।। पैरी पैणा³ कहि थिर गुरमुख। पठ्यो मोहि गुर ने भो सनमुख। सनित भिखारी उठि सनमाना । नमहि कीनि वैठावनि निज कारज लाग्यो जिस काला। गूरम् व उर विसमाइ विसाला। लख्यो भिखारी ने मन ताहं। उठ्यो पकर कै तिसकी वाहं॥ ७ । सौज व्याह की लग्यो दिखावनि । इह स्त हित किय बसत्र सिवावनि । इह भूखन को गढै सुनारा⁵। पुत्र-सुनुखा⁶ केर शिगारा ॥ ८॥ इहां परी पिखि अधिक मिठाई। अनेक प्रकार करहिं हलवाई। आगै चितक हेत की त्यारी। खफन रुसीढी घरी सूघारी।। ९।। ग्रमुखि विसमिति पूछन कर्यो। इह समाज किस कारन धर्यो। कह्यो भिखारी फर बतावैं। जिंव समाज इह कारज आवं⁷।। १०।।

^{1.} कार्यं करके जीविका चलाता है। 2. फटी हुई दरी सी रहा था। 3. चरण-बंदना। 4. सामग्री। 5. सुनार आभूषण गढ़ता है। 6. पुत्र-वधु। 7. जब यह ्सामग्री काम आएगी।

इम कहि ग्रायो प्रथम सथान। सतरंजी को सियति महान। गुरमुख बिसमित उर मैं रह्यो। सितगुर ने इसको जसू कह्यो॥ ११॥ ग्रिह कै घंघे पची¹ महाना। करिह भगित किम मानिह भाना। निसा भई किय सेव भिखारी। खान पान दिय सेज सुखारी।। १२।।। भई प्रात तिब चढी जनेत। आन्यो सुत करि नुखा समेत। सिभ विघि के वाजे वंजवाए। व्याह समाज सकल करि आए॥ १३॥ सदन आइ दिन द्वैक विते जिय। सुल उठे निस पुत्तर मर्यो तिव। गावित हुती व्रिया सो रोई। खफन जुलीनि भिखारी सोई।। १४॥ तिस सीढी पर पायह नंद। राह कर्यो करि काठ विलंद। किरतन करि प्रसादि वरतायो । ब्रिति जिहि सम हटि करि घर आयो ।। १५ ।।। सतरंजी जो सियति डसाई 2 । लोक आइ बैठे समुदाई। दिन महिं गुरमुख रह्यो निहारति । भा अचरज इह रिदै विचारति ॥ १६ ॥ पिखि निस विखै इकाँत भिखारी। मिलि गुरमुख तवि गिरा उचारी। सुत की भ्रितु जानति जे उर में। नुखा व्याहि क्यों आनी घर मैं।। १७।। खरच्यो धन उतसव वह करयो। दिन दो इरु महि सभि परहर्यो। तुव महि शकति जि हुती इती न । सितगुर ते जाचित हुइ दीन ॥ १८॥ किपा निधान सिदक पिखि तेरा। पुत्र जियनि बर देति अछेरा। संकट होति न एतो घर मैं। रुदित कूटब प्रीति करि उर मैं।। १९।। इह संसै मन मोहि बिसाला। शकति सहत सहि³ कषट कराला। स्निति भिखारी गिरा उचारी। इह मनमख की रीति विचारी।। २०।। परमेश्र करै। तिस मिह दूख संसै जो घरे। जतन करहि भावी को मेटिन । तिसको प्रभू संग कवहँ न भेठिन ।। २१ ।। जैसी इच्छा हुइ भगवान। तिस महि कीजिह हरख महान। सिभ सों सम प्रभ वैर न प्रीति । करम हेरि फलदेहि सु नीत ।। २२ ॥ कषट आइ अरि शकति हरावै 1। पाप करे सो फल भुगतावै। होइ सूखी किह संकट देति⁵। सो पिन दरगिह आदर लेति।। २३।। न्त्रिप मायक जो करिह सुभावै⁶। सो सेवक तिस ते सुख पावै। जे महिपति कित महिं दे दोष् । रिसहि तांहि पर लखि विहोण् ॥ २४ ॥

^{1.} संलग्न। 2. जो दरी सी रहा था, वही बिछाई। 3. सशक्त होकर भी सहन कर लिया है। 4. यदि कष्ट हो भी तो शक्ति-पूर्वक उसका अन्त करना चाहिए। 5. 'सुखी होओं ऐसा कहकर संकट देता है। 6. मायिक नृप जो करे वही (सेवक को) पसंद हो।

इम अलपग्यनि 1 की कित मांही। प्रभु सरबग्ग जथोचित ेआही। बिना करम सुख दुख नहिं देति । भूगतिह सोइ जि बीजिह खेत ।। २५ ।। इम बिचार जिसके उर होइ। प्रभु कित पर नित हरखिह सोइ। तिसको सनमुख कहैं जु संत । तरकहिं मनमुख दुख लहिं अंत² ।। २६ ॥ सतिगुर ते नित जाचिय ऐसे। प्रभू कित पर अनंद लहि जैसे। नाशवंत द्रिशमान पदारथा इन लगि जनम न खोइ अकारथ।। २७।। मम सुत नुखा करम जिम कीनि । सोमि सुनहु करि संसै हीन । तपसी हुतो प्रथम के जनमा। पुरि ते जाचि खाइ रहि बन मां।। २८।। तप करि परमेश्र आराधे। महां जतन ते इंद्रिय साधे। इक दिन पुरि ते चल्यो अघाई। बारबधू³ लखि रूप लुभाई।। २९॥ तपसी देखति मन बिरमायो। हठकरि मिल्यो न, बन गमनायो। काल किया ऐसी तींह भई। दुहुं देहि सिमरित छुटि गई।। ३०।। तप फल ते इह मम सूत होवा। सिमरि प्रभू को संकट खोवा। बारमुखा 3 इह नुखा भई है। तपसी रित 4 ते सुमित लई है।। ३१।। सिख संगति की सेव कमावै। अंत बिखे उत्तम पद पावै। तांते भो गुरमुख ! सूनि लीजै। भाणा माननि मन थिर कीजै।। ३२।। सत्तिनाम को सिमरन करनो। तनहंता को रिदै विसरनो। मुकती के साधन ए तीन। कहैं गुरू अरु संत प्रबीन।। ३३।। सनि गुरमुख ने बाक भिखारी। द्वै कर जोरि बंदना धारी। धंन धंन बड बृद्धि बिचच्छन । नाम मोहि गुरमुख तव लच्छन⁵ ॥ ३४ ॥ जस देख्यो मैं चिह मन पावन । तस सितगुर मुझ कीनि दिखाविन । तुझ दरशन ते पाप मिटावै। सूदागुरू के उर महिं भावै।। ३५।। करि बारंबार। दीन होइ चरनिन सिर धारि। इम उसतति भयो बिसरजिन गुरपुरि आयो । निशर्च पिखि सिख को बिसमायो ।। ३६ ।। श्री अरजन बैठे जिस थाई। पग पंकज पर ग्रीव निवाई। मुसकावित श्री मुख सों कह्यो। कैसो सिख जाइ तैं लह्यो॥ ३७॥ कैसी रहित रहै किम सेवहि। किम उर निशर्च दुख सुख खेवहि⁷। सुनि करि हाथ जोरिकरि बोला। श्री प्रभु तुमरां सिक्ख अडोला।। ३८।।

^{1.} अल्पज्ञ, कम जानकार । 2. मनमुख तर्क करते और अन्त में दुख उठाते हैं।
3. वेश्या । 4. तपस्वी के साथ प्रेम । 5. नाम तो मेरा है, परन्तु वास्तव में गुरमुख के लक्षण तुम्हारे हैं। 6. विदा होकर श्री अमृतसर आया । 7. सहन करता है।

महिमा जिसकी कही न जाइ। दुख सुख मैं इक सम हरखाइ। सकल प्रसंग कहा। तिस केरा। जथा भिखारी को घर हेरा॥ ३९॥ जिस पर आप प्रसंनता होइ। अस निसचा धारिह उर सोइ। किया निधान सुनित हरखाए। सुजसु दास निज को सुनि पाए॥ ४०॥ सिक्खिन प्रिय नित बनिह सहाई। लोक प्रलोकिह लेहि बचाई। किव संतोख सिंघ करि गुर बंदन। किया धारि गंन विघन निकंदन॥ ४१॥

इति श्री गुर प्रताप सूरज ग्रंथे त्रितिय रासे किव संतोखिंसघ विरचतायां भाखायां 'सिक्खन' प्रसंग बरननं नाम एकोन सप्तती अंगु ॥ ६९ ॥

(तीसरी रास समापति होई)

१ओंकार सितगुर प्रसादि अथ चतुरथ रासि बरननं

अंशु १

मंगलाचरण प्रसंग

१. कवि-संकेत मरयादा का मंगल।

दोहरा

बीन दंउ 1 पाणीन मिहं 2 सरवोतमा प्रवीन 3 । बीन बीन बिघनिन हनहु 4 दाती 5 सुमित कवीन 6 ।। १।।

२. इष्ट-गुर—श्री गुरु नानक देव जी—मंगल।

चौपई

कहना आकर⁷, कलमल हरना। हरिनामा चित नीत सिगरना। मरना जनमन इव जगतरना। तहनापन⁸ विरथा नींह करना।। २।। विदि हाथ सितग्र सुखकंद। कंदल दासन देति अनद। नंदन कालू केरि मुकंद⁹। कंदन विवन¹⁰, सदा जगवंद॥ ३।।

इष्ट गुरु—श्री गुरु अंगददेव जी — मंगल ।
 चौपई

अंगद गुरु सहाइक संग। संगित सेवित सहत उमंग। मंगित सिक्ख मुकित हिरि रंग 11 । रंगित ब्रहम ग्यान प्रभु अंग 12 ।। ४।।

४. इष्ट गुरु — श्री गुरु अमरदास जी - मंगल । चौपई

दीन द्यालु सेवित जिन लीनि । लीन प्रेम महि, कबहुं दुखी न । खीन मोह भे ग्यान प्रबीन 14 । बीन सु अमर गुरु सुख दीनि ।। ५ ।।

1. बीणा का दण्ड । 2. हाथों में । 3. सबसे उत्तम और निपुण । 4. चुन-चुन कर विघ्नों का अन्त करो । 5. वर-दातृ । 6. किवयों को श्रेष्ठ मित (देने वाली-दाती) । 7. करुणा के कोष । 8. तरुणाई, जवानी । 9. महता कालू के सुपुत्र तथा मुक्तिदाता । 10. विघ्न-विनाशक । 11. सिक्ख हरि-रंग की मुक्ति माँगते हैं । 12. प्रभु का प्रेम । 13. लीन भाव से सेवा करने वाले । 14. वे मोह में क्षीण एवं ज्ञान में निपुण होते हैं ।

५. इष्ट गुरू —श्री गुरू रामदास जी — मंगल। दोहरा

मानि मानि पद पदम को पान जोरि सनमान। मानस में हरिदास सुत³ वसहु सदा मम मानि ॥ ६॥ ६. इष्ट गुरू —श्री गुरू अरजनदेव जी — मंगल। सोरठा

हर हर 5 विघन बिकार हरि 6 , हरि लिव उर दे अधिक । धिक तिन जन बहु बार गुर अरजन बच परहरिह 7 ॥ ७ ॥

७. इष्ट गुरू — श्री गुरू हरिगोविंद जी — मंगल। सुंदर शुभित बिलंद मद न रह्यो मन मदन के है। श्री हरि गोविंद चंद बंदन पद दुति सदन के है।

८. इष्ट गुरू $-श्री गुरू हिरराई जी—मंगल। करे रंक ते राइ<math>^{10}$ सेवक सेवित पास जे। श्री सितगुर हिरराई हती दुखद जम पास जे 11 ।। ९॥

९. इष्ट गुरू —श्री गुरू हिर किशन जी — मंगल। देहि अवसथा बाल¹² बडे गुनिन महि अवतरे। तरे सेव¹³ नर बाल¹⁴ श्री हिर किशन सुजस करे।। १०॥

१०. इष्ट गुरू —श्री गुरू तेग बहादर जी — मंगल। धरम जगत रिख लीनि विण सम अपनो दीनि सिर। सिरर¹⁵ न दीनि प्रबीन तेग बहादुर धीर गुर॥ ११॥ ११. इष्ट गुरू —श्री गुरू गोविदसिंघ जी — मंगल।

सवैया

जो जग मैं तन हिंदु अहैं 16 सिभ पें उपकार बिसाल कर्यो । मानहिं जे न 17 , अघी निहं को सम 18 , जाइ निरैपद बीच पर्यो 19 । बीर वली गुर गोबिंद सिंघ महां तुरकान को तेज हर्यो 20 । हिंद थिर्यो, वड जंग जुर्यो, भटबिंद मर्यो, रसबीर भर्यो ।। १२ ॥

1. मान देकर । 2. मन में । 3. हरिदास जी के सुपुत्र—गुरु रामदास जी । 4. मन में । 5. हर एक । 6 नष्ट करके । 7. (जो) बचन त्यागते हैं । 8. मन में काम देव का मान न रहा । 9. द्युति के घर, उनके चरणों पर वंदन । 10. रंक से राव बना दिए । 11. यम के दुखद फंदे से छुटा लिया । 12. बालक । 13. नारी । 14. सेवा करने से । 15. भेद । 16. जग में जितने भी हिंदू हैं । 17. यदि न नानें । 18. उनके बराबर कोई पापी नहीं । 19. नरक में जा पड़ेंगे । 20. तुकों का तेज हरण किया ।

१२. समसत गुर मंगल ते बिनय।

दोहरा

आगे दश पतिशाह के सिख संगत गुर दास¹। नमसकार मेरी सिभिनि सुनहु इही अरदास²।। १३॥ सितगुर चरन सरोज को मानस³ मानस⁴ होइ। मानस जनम⁵ सकारथा मानस⁶ तर है सोइ॥ १४॥

चौपई

सभि संतन को करि करि बंदन । कहूं कथा सभि बियन निकंदन । तीन रासि में पूरन करी। कथा गुरिन की सुंदर घरी।। १५।। बूछ्यो सभि सिक्खन हित करिकै। कथा गुरिन की कहो विचरिकै। रास कुइर⁷ सो सकल उचारी। सुँदर विधि जुति बहु विसतारी।। १६॥ तिस प्रसंग ते सिक्खनि कथा। जथा हुती गन वरनी तथा⁸। सिभ सिविन को अधिक रिझावा। उर संबूहिन चाव वघावा ॥१७॥ कथा सुनिन पर मन रुचि जागी। गुर पग पंकज के अनुरागी। सिभिनि सुजसु को बरनन कीना। रामकुइर सरवग्ग्य प्रवीना ॥ १८॥ भूत भविक्ख्यत केरि वितांत। हसतामल सम जिस उर ग्यात। कथा सुनाइ अनंद बिलंदे। ब्रिध को बंस उदिध तुंम चंदे।। १९॥ जाति अखेर⁹ निताप्रति बाहर। दरसो नित कलगीधर जाहर। अवचल नगर जाति गुर कह्यो । संग न त्यागित जिव चित लह्यो ।। २० ।। हमरे दरशन को नित चाहति। इस हित चलिवे साथ उमाहित 10। जोई। सदन वसहु पूर्राहं हम सोई ।। २१॥ तौर मनोरथ चहिर अखेर चढहु तींह दरसहु। जया संग तेसे इत 11 परसहु। यांते तुम को दरशन देति। श्री गोविन्द सिंघ ग्यान निकेत ॥ २२ ॥ सिंघ तुनारो दरशन करिहीं। जनम सकारथ के अनुसरही 12। दूसर गुन तुम कथा सुनावहु । सितगुर गुन गन बरन रिझावहु ।। २३ ॥

^{1.} गुरु के सेवक। 2. प्रार्थना, विनय। 3. मानसरोवर। 4. मन। 5. मनुष्य जन्म। 6. मान सहित। 7. भाई राम कुँवर ने जो कथा उचारी। 8. (उसी प्रसंग में) मैं ने जैसी की तैसी वर्णित कर दी। 9. आखेट, शिकार। 10. साथ चलने को उत्सुक रहता है। 11. यहीं। 12. जन्म सफल करते हैं।

तुम हो घंन सदा जुग लोक। हम भी धंन जिदरस विलोकि। इह रावर को बड उपकारा । कथा सुनाई करि विसतारा ॥ २४ ॥ अबि आगल इतिहास बखानहु । हरिगुविद जिम उतसव ठानहु । श्री अरजन जिम कीनि चलानो । करि चंदू को चलन बहानो ॥ २५॥ सकल कथा विसतार सुनानहु। हमहि निहाल करह हरखावहु। इम सिंघनि की सुनि करि विनै। राम कुइर गन आनंद सने ।। २६।। श्रोतिन को बहु भांति सराह्यो। जिन बहु सिक्बी धरम निवाह्यो। जनम सफल अपनो करि लीनिस । कथा सुनिन पर चित हित दीनिस ।। २७ ॥ तुमरे उर को निशचा हेरे। अधिक अनंद उमगतो मेरे। रुचि अनुसार कहों इतिहासा। सरव खालसा शुभ सभि पासा ।। २८॥ श्री अरजन को सुनह चलाना²। पून श्री हरिगोविंद अख्याना³। पूरव ब्याह होनि की कथा। बरनन करौं भई विधि जथा ॥ २९॥ तुरकेशुर 4 के संग मिलापनि। चंदू पापी को पूनि खापन 5 । दिल्लीपत के रहिबो संग। विगर परे तिब जूटे जंग⁶ ॥ ३०॥ सैना तुरकिन की गन घाई⁷। बचे सुर से गए पलाई। देश मालवे महिं गुर गए। अनिक बिलास करित तिहं भए।। ३१।। इत्यादिक सतिगुरू की कथा। भई जथा में वरनौ तथा। महां महातम स्िनवे केरा। शरघा सहत, न हुइ जग फेरा।। ३२।। सितगुर को पद पंकज प्रेम्। वधिह, देति जो जोग सु छेम्⁸। सूत बित आदि कामना जोई। श्रोतिन को सभि देवित सोइ ॥ ३३ ॥ देहि अरोग, रोग को घातक। अनिक भांति के पातक हातक। म्रितक पिछारी बरनै जोइ⁹। तिह परलोक विखे गृति होइ ॥ ३४॥ संकट सकल नाश को करता। महां धरम को उर महिं धरता। शरधा करि जो सूनै सूनावै । अंत समें गुरु ते गति पावै ।। ३५॥

इति श्री गुर प्रताप स्रज ग्रंथे चतुरथ रासे 'मंगलाचरण' प्रसंग वरननं नामु प्रथम अंगु ॥ १ ॥

^{1.} यह आपका बड़ा उपकार होगा। 2. निधन। 3. प्रसंग। 4. बादशाह (मुगल)। 5. अन्त, नाश। 6. बिगड़ कर (अन्ततः) जंग में जुटे। 7. बहुत-सी मार दी। 8. योग-क्षेम, अप्राप्ति की प्राप्ति और प्राप्त की रक्षा। 9. जो मृत सिक्ख के पश्चात् (कथा) करेगा।

अंशु २ सगाई को प्रसंग

दोहरा सुनहु कथा सवधान ह्वै श्रोता सिख समुदाइ। वधहि बखेरा जांहि ते मिलनि तुरक¹ वनिआइ॥१॥ सबैया

राज करै सगरी छित को जिन आइसु मेटि सकहि नहिं कोऊ। दीरघ कोट चमू जिम पै, न मवासि रह्मयो अस भाखिह जोऊ। भूपित पूरव दच्छन को पुन पच्छम के नृप सैल जि² होऊ। आन को मानि के, डानु³ को देति, कि सेव करैं रहिं हाजर सोऊ।। २०११

कबित्त

दिल्लीपित भयो जहांगीर जिस नाम कहैं अधिक प्रताप तुरकेशर को जानिये। कीश मैं दरब महाँ, देति लेति जहां कहां, अपर समाज कहां गिनिबे मैं आनिये। चारों दिशि माहि तास, जुद्ध ते निरास भए, हाथ बंदि आनि पासि जीविन को ठानिये । रंक देहिराजा करि, राजा को बनावै रंक ऐसो पातिशाहि भयो ऐश्वरज महानिये।। ३।। किबन

ताको है दिवान एक चंदू नाम अविवेक, गुरू परमेश्वर महातम न जानई । माया मद मातो, मूढ़ कुमति अरूढि रहे, हुकम चलावित हंकार कै महानई । पातशाही लोक सभि माने आन ठानै,नमो, चाहै जिम करै तिम देश जिस मानई । एक सुता भई तां को नाम राख्यो सदा कौर कलहावतरी⁵ दोनों लोक पित हानई⁶ ।। ४ ।।

कबित्त

सातमे बरख बिखै सुता जिब निज करों सनवंध कहूं ऐसे मन आनिओ। बिप्प्र को बलायो समझायो मिलि दंपित ने संपित हमारे सम सदन महानिओ। ऊँची कुल होइ, लेहु बिंद पुरि जोइ तुम, सुंदर सरूप बर खोजो सिम थानिओ। तीनो ह्वै इकत्र तौ बिचित्र बाति जानो मन, आलस न कीजै फिरिबे को हित ठानिओ।। ४॥

1. तुर्क से मिलना। 2. पहाड़ी राजे। 3. दण्ड। 4. जीवन व्यतीत करते हैं। 5. कलह का अवतार थी। 6. दोनों लोकों में पिता का नाश करने वाली है।

कबित्त

हम सम धनु होइ, ऊचो बंस शुद्ध होइ, सुंदर सरूप होइ वरु देखि लीजीए। देशिन बिदेश विखे बिचरो विशेष किर, हेरहु अशेष जे नरेश वेश कीजीए। काहू कामदार होइ, वडो विवहार होइ, जाहर उदार होइ, मिलिकै जनीजीए। ऐसे पैपतीजीए, नसंसे को रखीजीए, मो लाज को पिखीजीए, सुनातौ तहां दीजीए?।।६।।

कवित्त

चंदू के वचन सुनि विष्प्र ने सु मानि मन भन्यों तेरे भाग धंन तैसी तुव जातिकी³। फिरें देश देश में विलोकेंगे अशेष हम, उत्तमता खोजेंगे समान तुव जाति की। मेरो जजमान, धन लैहौं सनवंध वनै, होइ जसु ब्रिंद गंधि जथा जलजाति की। कीजै विदा मोहि, तोहि काज शुभ होहि, जोहि शगुन अनुठे, अविसमें चिल जाति की ।।।।।।।

कवित्त

नाऊ कीनि साथ नित सेवा करै हाथ निज, और दास करे संग अधिक समाज ते। नगर नगर प्रति खोजित फिरित वर, रैन को बसेरा किर हेरैं सिभ साज ते। जहां आछी कुल तहां घन में न तुल्ल होति, जहाँ घन तुल्ल तहां कुल नहीं राजते। जहां घन कुल में सु तुल्यता मिलित आइ, बालक बिहीन रूप⁵ हेरित कु काज ते।। ८।।

कवित्त

पुरि पुरि हेरित फिरित नर पूछि लेति छत्री ह्वै धनाढि धाम सुंदर सपूत होइ। शाह को सचिव तांकी सुता को सबंध चहै जांके वड़े भाग जग मिलै इसथान सोई। हुकम महान चारों दिशि मैं बखान करैं अनगन संपता को प्रापित सदाई जोइ। हेरि हम रहे नहीं सुद्धि कहूं लहे अस, फिरे मन ढहे, नहीं पायो किति सम कोइ⁶ ॥ ९॥

कबित्त

फिरे चार ओर मैं, लहौर पुरि गए पुन, कह्यो वहू लोकिन मैं दिल्ली हूंते आए हैं। चंदू के मिनंद हम खोजित बिलंद फिरे प्रापित न भयो वहु थान मैं सुनाए हैं। हूंते कुछ सिख तिनो गुरू की सिफित कीित⁷, धन अनगन नित संगित चढ़ाए हैं। उत्तम महान जिने मानित जहांन बहु जाहर विसाल जसु सिभ ते सुहाए हैं।। १०।।

कवित्त

धन अरु बंस तो बिदत जिम कह्यो तिम तिनि के सपुत्र भयो ताँकी सुनि गाथ को। राज चिन्ह अंग मैं, अनंग को सरूप मानो, बाहू हैं प्रलंब⁸, मुक्ख चप निशनाथ को⁹।

^{1.} बढ़िया राजा ढूँढिए। 2. वहाँ सगाई कर देना । 3. वेटी। 4. अब चल देने का समय है। 5. असुन्दर। 6 कहीं कोई बराबर का (वर) नहीं मिला। 7. गुणगान किया। 8. लम्बी। 9 मुख चन्द्र समान है।

लोचन विसाल ते विलोकित निहाल करें चार ओर संगतां निवार्वें पग माथ को । सुता के सहत चंदू भाग जे महत होइ बनै सनवंध तिब सितगुरू साथ को ।। ११॥

कवित्त

सुनि दिजबर उर हरख अधिक धरि रूरो वर गुर पायो, विचरित गए हारि । रूपवती कंन्या हुती बालक सुन्यो सु तैसो, देरि न बनित अबि गमने तिनो को द्वारि । जानु पै अरूढ करि, आनंद अगूढ करि, पंथ मैं पयाने बात चित्त मैं विचारि चार । रामदास पुरी मैं प्रवेश भए आनि करि, सुधासर हेरि कै प्रसंनता विशेष धारि ॥१२॥

सबैया

अंदर श्री हिरमंदिर के गुरु सुंदर रूप विराजित हैं। संगति आवित है इक जाति, निहारित ही अघ भाजित हैं। गावित राग रवाबी घने, थिर आगे सु बादित वाजित हैं। होति अनेकिन को अरदास मनोरथ सेवक साजित है² ॥ १३॥

सबैया

देखि प्रताप विसाल गुरू कहु विष्प्र अनंद लह्यो उर भारी। चंदू मनिद है कैधो विलंद है, मानित वंदन के नर नारी।। श्री हरि गोविद एतने मैं तिहं आइ गए दुति दीरत्र धारी। संगति देखित प्रेम विशेख अशेख खरे हुइ आदर कारी³।। १४॥

कबित्त

कोकनद पद स्निदु रकत छत्रीले अति. हीरिन की पंगति ज्यों नख हैं अनंदकरि। चिकन अकार एकसार जुगजंघ नीके⁴, गुलफ सुजानू प्रिथ⁵ निठुर बिलंद करि। त्रिवली उदर पर, नाभिका गंभीर शुभ, आयुत सुछाती द्वै उतंग हैं सिकंव करि। गाढे भुजदंड हैं प्रचंड बलवंड बड़े. कुंजर की सुंड जिम श्री हरिगोबिद कर।। १५॥

कबित्त

हाथ द्वै पाथोज⁸ सम पल्लव से पलविन, तां पै नग सूचे खिच लिखन की पंगती⁷। चंद्रमा बदन शुम सुखमा सदन, जां मैं उज्जल रदन ओठ सुंदर सुरंगती। पंकज की पांखुरी सरीखी आंखि तीखी तीखी, पिखनि तिरीछेते निहाल करें संगती। चिबुक अमोल, गोल स्निदुल कगोल जुग, कुंडल की डोल पै अतोल श्री उमंगती।। १६।।

^{1.} घूमते-फिरते थक गए हैं। 2. सेवकों के मनोरथ पूर्ण होते हैं। 3. सत्कारार्थ सभी खड़े हो गए। 4. सुपारी के पेड़ के समान दोनों जंधाएँ समान सुन्दर हैं। 5. टखनों और घुटनों के ग्रंथियाँ। 6. कमल। 7. उन पर (अगुलियों के नख) नगों की तरह जड़े हैं।

कवित्त

मंडित विभूखिन, अद्खिन हैं अंग सारे, दीरघ सुडील¹, शुभ शील मैं प्रकाश ते । नीकी उशनीक 2 सोहै, जिगा की जलूत 3 जो है, हेरित ही मन मोहै सिक्ख आस पासि ते । मोतिनि की माल हीरे खचित विसाल चीरे कारदार रूर 4 चहुं ओरि विखै भासते । तम को विवाशते, अनंद को उजासते सुग्यान मैं विलासते, उधार दास वासते ॥ १७ ॥ कवित्त

श्री हरि गोविंद अंग सुंदर विलंद सिम. देखिकै सु दिज्जन अनंद उर धारिओ । भाग बली चंदू है जमाता अस पायो जिनि, उज्जल सु वंस अवतंस को निहारिओ । धन की न गिनती, करति वहु बिनती चढ़ावें चीर भूखन, गुरु सु जग सारिओ । हाथ वदि वदना पदारविंद करें ब्रिंद, सिम विधि अधिक समाज विसतारिओ ॥ १८॥

सबैया

श्री हरिगोविंद पास पिता थिति सोहित हैं सिख सेवक मांहू। ज्यों कमलासन सों पदमापित देविन विद में शोभि उमाह । संगति सों दिज वूझिन कीनि वतावहु जाति सुगोत जितांहु। चाहित हैं सनवंधे कर्यो हम, शाहू दिवान सुता हित याहू ।। १९ ।।

संगति सिक्खान तिब कह्या सोडि वंस सिर मौर। वडे भाग जागे जिसे तिस प्रापित अस ठौर॥२०॥ जगत गुरु घर आइ जो जग माता विन जाइ। पूजनीय इह सरव के अन गन भेट चढाई।। २१।।

चौपई

दिज नाई दोनहुं सुनि करिकै। महां प्रताप सु नैन निहरिकै। कहित परसपर ऐसो थान। प्रापित होइ न फिरिय महान ॥ २२॥ जिम चंदू ने हमहुं जनायो। सो तीनहुं शुभ इत द्रिषटायो। इम निशचे करिके मन माहूं। बहुर जनायहुँ श्री गुर पाहू।। २३।। शाहु दिवान सुता को नाता। कर्यो चहति हम तुमरे ताता। हेरि चले श्रवि दिल्ली जाइं। सभि ब्रितांत को तहां सुनाइ।। २४।। देरि नहीं तूरिन हटि आवें ?। हम उत्तम सनवंध वनावें। श्री अरजन दोनहु संग भाखा। होवहि सो जुराम रंचि राखा॥ २५॥ परमेणुर सिभ बनत बनाई। भली जुहोइ करित विवि साई। इम कहि लागि देनि जिब लागे। लियो न तिनह. कहित गुरु ओगे।। २६।। जिब ऐहैं हम दूसर वारी। तिब किर हैं जिम आप उचारी। मसतक टेकि बिसरजन होए। गमने तूरिन दिल्ली दोए।। २७॥

इति श्री गुर प्रताप सूरज प्रथे चतरथ रासे 'सगाई' प्रसंग बरननं नाम दुतीओ

अंश्।। २॥

^{1.} लम्बा कद। 2. पगड़ी। 3. कलगी की नमक। 4. काट कर चमकदार बनाए हीरे। 5. यहाँ दीवान की पुत्री का सम्बन्ध करना चाहते हैं। 6. वे तीनों— धनाढ्य घर, उच्चकुल, सुन्दर वर । 7. शीघ्र लीटकर आएँगे।

अंशु ३ सगाई को प्रसंग

दोहरा

दिज गमन्यो दिल्ली दिशा सनै सनै मग जाइ।
पहुंचे चंदू के सदन आशिख दई 'वधाइ'।। १।।
सबैया छन्द

बैठि समीप सुनाविन कीनिसि बिचरे जिंह किंह पूरि समुदाइ। नहिं पायह सनवंध किसी थल लवपूरि ते सुधि को पुन पाइ। पिख्यो पहंचि कै भलो ठिकानो सोढी वंस बिदित सिभ थाई। श्री रघवरि की कुल अकलंक ज जगत पूज्य अबि गुरु सुखदाइ।। २।। कुल आछी, धन गन बर सुंदर, तोहि कह्यो जस देख्यो जाइ। तव तन्जा के भाग बड़े लखि बनिह पुज्य जग मात कहाड । सो घर ऊन न किस हं बिधि करि हम तो हेरि रहे हरखाइ। इति तं बडो दिवान शाह को उत जग गर जिम चहैं बनाइ ।। ३ ।। तिन बिन अपर खोज हम थाके निहं पायह विचरे वह देश। श्री नानक गादी पर थित है श्री अरजन गुर नाम कहे सु। महां प्रताप पूजते चहं दिशि दरव विभ् खन चढिह विशेष। भीर हजारिन लोकनि की रहि, करिह नमी धरि भाउ अशेषु ।। ४ ।। बर की सूरत सुंदर ग्रतिशै मनहं क्रिशन के इह अवतार। अपर बिखे दुति ऐसी होइ न जिनहं हेरि मोहति नर नारि। देखित रहे खरे इक टक सों बंदन करि होवित विलहारि। बीच सभा उडगिन महिं दीपति चंद अमंद बिलंद उदारि ।। ५ ।।

दोहरा

नव संमत² की बैस है सर्जीह विभूखिन ब्रिंद। सुंदर दीह सरीर सिस वर³ श्री हरिगोबिंद॥ ६॥

^{1.} सितारों की सभा में निर्मल चन्द्र के समान दीव्त होते हैं। 2. नौ वर्ष । 3. बालावस्था।

सबैया छन्द

सुनि दिवानं जी ! भाग आपने जग महुं सभि ते घंन निहारि। जिस को भयो जमाता ऐसो सेवहिं मिलिकै लोक हजारि। सुधा सरोवर महि हरिमंदर धन लगाइ गन कीनसि त्यारि। तिस मिंह बैठि सुहावत नितप्रति चहुं दिशि की संगत दे कार ।। ७ ॥ चंदू सुनति अनखदंको करि कै दरव जाति को उर हंकार। नीक न मानी कीनि बखानी नहिं जानी तुम ने निरघारि। सदन अढाई उत्तम खत्री 1 मैं तिन मों ऊत्री कुलि चारु। सोढी बंस श्रीण सो खती नीवें थल हम ते उरधारि।। ८।। हम उत्तम चौवारे सम हैं सभि घर ते ऊचो जिमि होइ। कहां स्त्रीण हम ते बहु नीच जथा सदन की मोरी जोइ। तिनया ईंट चुवारे की मम मोरी सम कुल महि दी सोइ²। जया जोग नहिं कछू बिचार्यो असमंजस जाने सभि कोइ॥ ९॥ ईट चुवारे की सिभ सिर परि लगी जु सिभ ते नीव। तीन वार तकरार कर्यो इम पुन बोल्यो धन क्या ढिग थीव3। गुजर फकीरिन जैसी तिस की पूजा लेहि अहार करीव। आनि चढार्वीहं तो घन पार्वीहं नांहि त वैठे रहैं सदीव ॥ १०॥ देश परगना नहीं श्रजारैं वित्ति दिवान किसिही महिपाल। नहीं घनो विवहार चलावहि, जिह ते आविह दरव विसाल। मैं दिवान ब्रड पातशाहि को जित कित मेरो हकम अटाल। महां पिदाइशि घन की मेरै डरित लोक मुझ लखें कराल ॥ ११॥ यांते भी मम सम को नांहिन, तुम ने कीनिस कहां विचार ? जाति नहीं बिवहार पछान्यो नहि जान्यो मुझ जथा उदार । हुइ अनजान बखानह महिमा क्या तिस को तुम लीनि निहार। सिख रंकिन की भीर रहै ढिग इह प्रभाव इक कीनि उचार ॥ १२॥ कर्यो सुकर्यो मानि मैं लीनिस इसको हेतु सुनहु दे कान। सूता संबंध करिन के कारिन पठींह विष्प्र को अपनै थान। जिंह कर आइ उचित सो मानिन कर्यो संबंध जि देय बखान⁶। नहिं मानहि तौ दोष लगहि तिह तिनया पित को दुतिआ ठानि ।। १३ ।।

^{1.} ढाई घरिए क्षतिय। 2. मेरी पुती चौवारे की इंट समान है, उसे (तुमने) मोरी समान कुल में दे दिया है। 3. पास में धन क्या होता है ? 4. ठीका। 5. मुझ सरीखा धनवान्। 6. जहाँ (ब्राह्मण पुत्री का नाता) उचित समझ कर आए वह मान ही लिया जाता है।

प्रथम कह्यो जिंह पति सो होयहु यांते तुम ने कीनिस जोइ। कुल हइ हीन दरब ते हीन ज़, भयो जमाता अबि मम सोइ। जगत रोति बिगरहि अबि फेरें[।] भला न मानहिंगो सुनि कोइ। अपनि थान करि नाते हित मैं पठ्यो बिप्प्र तव कर्यो सु होइ ॥ १४॥ इत्तयादिक कुछ अपर बडाई अपनी कही धारि हंकार। कह्यो सगन को अबि ले गमनह जथा जोग जैसो बिवहार। चंद्र दारा ने सभिदीनसि चल्यो पंथ दिज आनंद धारि। समधी मिले महातम जानै 2 अबि दिवान इम करिन उचारि ।। १५॥ जिब चंदू गुर निंद उचारी केतिक गुरु सिक्ख हुते सु पासि। भई संझि सभि संगति इकठी ध्रमसाला महि भजन प्रकाश। सिंग में बिदित कीनि विरतंत सु शाहु सिचिव जिह सुमिति विनाशः। निज ते लघु किह नाता भेज्यो सुता आपनी का निरजास ।। १६॥ जरी न जाइ अजोग कही जिम³; सभि संगति सुनीयहि मन लाइ । तुमहि उचित सुधि लिखिवे गुरु को खत्री पतित, न भगति, न भाइ। धन मद ते अंधा बड दुरमित तुम मिहं नहीं भावना ल्याइ। करे अरोपनि दोष मूढ मति अपनो आपि जानि अधिकाइ ॥ १७ ॥ सुनि सिक्खनि सिभ सहे न कैसे मसलित करिकै भए इकत । छपिकै लिखहु, न सुनहि दुषट किम, जैसे इहां भयों बिरतंत । लगे लिखनि अरदास आपनी श्री श्री श्री सतिगुर भगवंत। उपकारी जग तारन समरथ हरि अवतार सहाइक संत ।। १८ ।। लिखतुम⁴ सभि दिल्ली की संगति सतगुर के सनमुख अरदासि । शाहि दिवान सुता को नाता भेज्यो अहै तुमारे पासि। आप हंकारी बन्यो चुवारा तुमहि कह्यो मोरी संकास⁵। विन शरधा ते मूरख बोल्यो इत्यादिक निदा करि रास ।। १९॥ हमको नहिं सुखाइ तिस कहिबो बिस नहिं चल्यो सु लिख्यो ब्रितंत । सुता न साकत⁶ की तुम लीजहु इह संगति को अहै मतंत⁷। पठ्यो दूत तूरिन चिल पहुंचहु जिब ली बिप्प्र न तिलक कढंति । तिव ली सुनि दिहु श्री सितगुरु को जथा दुषट जानहि भगवंत⁸।। २०॥

^{1.} मोड़ने से । 2. ब्राह्मण विचारता है (समधी से मिलने पर ही चंद्र उनका महत्त्व समझेगा । 3. जो अयोग्य (बातें) कहीं, सही नहीं जाती । 4 लिखते हैं । 5. सदृश । 6. अश्रद्धा-युक्त, वैसे 'शाक्त' के लिए प्रयुक्त शब्द । 7. परामर्श । 8. जिस से भगवंत (उसकी) दुष्टता को जान लें ।

पठे दिवान विष्प्र अरु नाऊ भई छींक चलते अगुवाइ। बास अंग फरकति दिज जाने होइ बिधन को लख्यो न जाड । विन उतसाह गवन को ठानित नहीं नीकता कित लखि पाइ । रामदास पुरि आइ प्रवेशे सुधि सतिगृह को दीनि सुनाइ।। २१।। जिब ते प्रथम आनि सूधि दीनिस तिब ते श्री गंगा सूख मानि । नितप्रति पोशिश² वरन वरन की सुत को पहिरावहि रुचि ठानि। मुकता माल विसाल गरे महिं कंचन जरे जवाहरि जानि। अंगद महि हीरे बह मोले नवरतने दमकति दृति खानि ॥ २२ ॥ छाप छलायनि³ कंचन के बह खचे रतन सुंदर कर मांहि। अंक बिठाइ बदन को देखति करति दुलार मोद उपजाहि। रलीम्रां⁴ करिह नवीं नित बहुती विया वधाई आवित प्राहिं⁵। देति आशिखा नंदन तेरो जुगु जुगु जीवहु दुख कबि नांहि॥ २३॥ चंदु सुता सबंध प्रतीखित किव आवै दिज बर इस थाई। तिस दिन पर बलिहार सखी री जिब मेरो सूत तिलक कढाइ। उतसव रचें अनेक विधिन के ढोलक बजिह, नागरी गाई। जग गुरु बखिशश दीनिन करि हैं, मचिह कुलाहल तर समुदाइ।। २४।।

दोहरा

आज काल दिज आइ है, उतसव रचिंह विसाल । इम सखीअनि महिं वैठि करि गंगा चहै उताल ॥ २५ ॥

सर्वया छंद

दिज दिल्ली ते आइ सुधार श्री अरजन सुनि के किह दीनि।
गमनहु दास जयोचित सेवा करह भलो जैसे चित चीनि।
मोदक आदिक दिहु पकवाना सुखम चावर श्रित मल हीनि।
रुचिर प्रयंक दए पहुंचाई आसतरिनि सों छादिन कीनि॥ २६॥

दोहरा

खरे करे ढिग दास गन सेवा सरव प्रकार। करिवाई श्री सतिगुरू लखि लौकिक विवहारि।। २७॥

इति श्री गुर प्रताप सूरज ग्रंथे चतुरथ रासे 'सगाई को प्रसंग' बरननं नाम तीसरो अंशु ।। ३ ।।

^{1.} कोई अच्छाई नहीं देखी। 2. पोशाक। 3. अंगूठी-छल्ले। 4. खुशियाँ।

^{5.} आकर वधाई कहती हैं। 6. चादरें।

अंशु ४

सगाई प्रसंग

दोहरा

गमनी सुधि गंगा निकट 'लागी सो अबि आइ'। श्री जगगुरु सो बूभि के उतसव कीनि सुहाइ॥१॥

चौपई

नारि सुहागणि ब्रिंद हकारी । वसन विभूखन सुँदर धारी । मंगल मूल धरायो ढोलि। बाजिन लग्यो गाइ सुठि बोलि।। २।। लघु निशान अरु बजी नफीरें । पहिरें चीर नबीन सरीरें। कोकिल कंठी मिलि मिलि टोली। उमग अनंद बधाई बोली।।३।। मानि सौ गुनी सीस चढावति । गंगा अनंद कह्यो नींह जावति । बादित बर्गित हरख भरपूरा । जिंह कहि उतसव होवित रूरा ॥ ४॥ सूखम बसन कुसुंभी वरन। पहिरनि करे रुचिर आभरन। मधुर बचन ते चंपक बरनी। गारी देति मिली गन तरुनी³।। ५।। पूरन भगवन भयो मुद ठानित । सभिहिनि को गंगा सनमानित । म्निदुल गिरा ते निकटि बिठावति । उमग उमग सगरी विय गावति ।। ६ ।। ब्रिंद नर नारी ऐसे। वितहि जामनी त्रन होति प्रात के उतसव नाना। मंगल कौतिक पिखिंह महाना।। ७॥ सभिते हैं बडिभाग हमारे। श्री हरिगोविंद चंद निहारे। शादी को निकसावहि टीका। मानुख जनम होइ हम नीका।। ८।। ल्लेनिहार व्रिय आवित केई। हरख धरित गंगा धन देई। किसहूं बसन देति हित धरै। किसै विभूखन दैबो किसहूं देति अधिक मिषटान। किह सों माधुर करति वखान। भई प्रथम शादी जग गुरके। देति चौगुनो धन मुदि करिकै।। १०।।

^{1.} सुहागिन स्त्रियों को बुलाया। 2. तूतियाँ 3. युवितयाँ मिलकर गालियाँ देती हैं।

बादित केरि वजावन हारे। अपर किते जो जाचिक द्वारे। ड्म भाट जुति देखि सरव को । लेति वधाई देति दरव को ।। ११ ।। दीपमाल तिसकाल विसाला। होति भई सभि थान उजाला। सुधा सरोवर श्री हरिमंदर। पुरि अरु विपनी $^{
m L}$ के थल सुँदर।। १२।। जनु उतसव धरि करि निज रूप। रामदास पुरि आवि अनूप। मंगल रीति जितिक जग अहै। सिंभ ही करी जथा ब्रिध कहैं।। १३।। खान पान करि कै नर नारी। गुरु घर मंगल ते मुद धारी। नाना गीतिन गाइ सुनावें। गारी देति अधिक मन भावें॥ १४॥ अरघ राति लगि गावति रही। प्रात प्रतीखित / निद्रा लही। को हरखित बहु सुपत्यो नांही। देखिह उतसव मुद उर मांही॥ १५॥ जाम जामनी श्री गुर जागे। क्रिया सौच सिम करिवे लागे। श्री हरि मंदिर को इशनाना। फ़रश फनूस² कए सवधाना॥ १६॥ रागी आसावार। रागरागनी शबद मझार। श्री परमेशुर सिमरि विसाला। सुखदायक गायक सिम काला।। १७।। सतिगृरु वीच बिराजे जाइ। सिक्खिन को सरूप दिखलाइ। करे निहाल अधिक फल दीनिसि। मनुख जनम लाभ सिख लीनिसि।। १८।। प्रात होति लौ किरतन होयो। सिख संगति गुर दरशन जोयो। दिवस चढे दिजबर किह सोइ। लेहु बुलाइ जोतकी³ जोइ। १९॥ थित्ती वार महरत आछो। तिसके साथ पूछवो वांछो¹। श्री अरजन तबि लौकिक रीति । सूनि दिज ते करि आनंद चीति ॥ २० ॥ ततिष्ठिन गनक³ हकारिन कीना। जोतिश विखे विलंद प्रवीना। चावर थाल⁵ पूरि करि सारो। पुन तिस विखै दरव किछु डारो॥ २६॥ धरि दिज आगै वृझनि कीना। पिखो मुहूरत दोष बिहीना। होइ सगाई। लागी बैठे आइ इथाई ॥ २२॥ हरिगविद की सूनति गणक⁷ हरखाइ विचारा। हे सितगुरु सिभ कुछ तुम धारा। दिवस आज को उत्तम लहै। अगहन सुदी सिपतमी अहै।। २३॥ सपत घरी दिन जिंव चिंढ आवै। उत्तम समी लगिन तिव पावै। सुनि सतिगुर तिब दास पठाए। सकल समग्ग्री तूरन ल्याए ।। २४।। महांदेव को प्रथम बुलायो। सनमानित निज निकटि विठायो। समै उचित बोलित मुसकावित । कुल की रीति बिलंद बतावित ।। **२**५ ।।

मार्किट । 2. बिछाई और झाड़-फानूस । 3. ज्योतिषी । 4. उससे पूछ लो ।
 5. चावलों से भरा थाल । 6. यहाँ आकर । 7. ज्योतिषी ।

पुरि के पैंच हकारिन कीने । दिज बर अपर बुलाइ प्रबीने । पुनि बजार ते बणक बुलाए। करिकरिटोलि सकल चलि आए॥ ॥२६॥ बुड्ढा कलिआन। उम्मर शाहु महान दिवान। सालो अरु हुते मसंद बिलंद सु ब्रिंद। श्राइ बंदना करि कर बंदि ।। २७ ।। सिख संगति सुनि सुनि समुदाइ। लगी सभा सिभ रही सुहाइ। नौबति बाजति अनंद उपावति। मंगल शबद कलावति गावति ।। २ ः।। सुनावै । बजिंह नफीरी नाद उठावैं। ठांढे भाट कबित्त श्री अरजन बिच सभा बिराजे। जिम उडगिन महि निसपित छाजै।। २९॥ चमर ढुरित है बारंबारी। ले जनु बिसद मराल उडारी। सेत बसत्र सतिगुर गरपाए। मनो समेट चंद्रिका ल्याए ॥ ३०॥ शांति सरूप सुशील सधीर। बदन प्रफुल्लिति गुनी गहीर । पठ्यो दास ताबि दिज पहि जावों। समों नीक अबि ले करि आवों।। ३१।। ग्यानवान सिख सभा मझारे। चहुंदिशि महिं गुरु के परवारे। ब्रहम लोक महि ब्रह्मा जैसे। सुरगन सहत बिराजिंह तैसे।।३२॥ कोकिल बैनी। गार्वाह गीति प्रफुल्लिति नैनी। तारनागरी बैठी ढिग ढोल बजावें। मंगल गीत बनाइ सुनावें ।। ३३।। **इक** नाचित हैं पाइ भवाली 2 । बिहसि बजावित हैं इक ताली। रुण .रुणाट भूखनि झुनकारे। भरी हरख तिज अंग उसारैं³ ।। ३४ ।। हम घर वहिर अनंद विसाला। मिले लोक श्री गृरु ढिग जाला। बैठे कितिक भीर बड होई। चहंदिशि खरे भए थिर कोई।। ३५।। सभि ही करति मनोरथ जीका। हेर्रीह हरि गोविंद हुइ टीका । बासनि भरे मोदकनि केरे। ल्याई ल्याई करि धर्राह घनेरे ।। ३६ ।। अस उतसव होवति समुदाए। दिज नाऊ तिस थल चलि आए⁴। देखि सभा को हरख धरंते। आशिखबाद विलंद भनते ॥ ३७॥ श्री सतिगुरु अरजन जी देखि। बैठारे सनमान विशेखि । पूर्यो चौंक गणक ने तबै। गणपति ग्रह थापनि करि सबै।। ३८।। चंदन की चौंकी मंगवाइ। सिभ मिंह गरु ढिगि दई डसाइ। लौकिक बैदिक रीति बडेरी। दिजि किह करिवाइसि तिस बेरी।। ३९।।

^{1.} नगर के पंचों को बुलाया। 2. फिरिकियां लेती हुई। 3. उभारती हैं।
4. ब्राह्मण और नाई उस स्थान पर आ गए।

दोहरा

करिहु हकारिन इह समैं श्री हरिगोविंद चंद । इम किह किर दिज गणक तिब पठ्यो दास मितिवंद ।। ४० ।। बसन विभूखन पहिरते किर शनान जिस थान । तहां जाइ किर कहित भा चलहु आपि सुखदानि ।। ४१ ।।

इति श्री गुरु प्रताप सूरज ग्रिथे चतुरथ रासे 'सगाई प्रसंग' नाम चतुरथो अंसू ।। ४ ॥

अंशु ५

संगति की अरदास पहुँची। सगाई मोड़ दी

दोहरा गंगा रिदे अनंद करि नंदन हरि गोविंद। वसन बिभूखन मोल बहु पहिरावित सुखकंद।। १॥ स्वैया छन्द

सुखम बसत्न गरे मैं जामा जिसके वीच दिपति तन चारु। चीरा 1 रकत सुहावति सिर परि जरीदारु है शोभ अपार। पर्यो सिकंधनि पर दुकूल गुभ दमकति गोटा² जुति विसतारु । चीरे कोरदार वर जरे जवाहिर जिगा मझार ॥ २॥ कुंडल डोल कपोलनि ऊपरि मुक्ता गोलि जि मौलि विसाल । तिम मोतिनि की माल गरे महि उज्जल दमकित है दुति जाल। कंचन के अंगद अर कंकन जेब जबर ते जटित उजाल। छाप छल। यिन ते छवि छाजित सरब सराहित हेरित बाल³।। ३।। निज करते ले जननी अंजन आंजै कमल पत्र सम नैन। राई लवन वारती ऊपर डरित रिदे किस डीठ लगै न। पिखत अनंद बिलंद रिदै लहि, इमि सु जाइ विय जुत विच ऐन । करे संग दासनि ले गमने जहां सभा सितगुरु सुख देन ॥ ४ ॥ श्री अरजन बिन उठे सरब ही हेरि प्रताप न बैठ्यो जाइ। हाथ जोरि करि बंदन ठानिंह चहंदिशि ते देखित हरखाइं। पित को नमो कीनि के ठांढे दिजवर ने कहि लए विठाइ। चौंकी पर शोभित इम लिखयित सुर समुदाइ सहत सुरराइ।। ५।। रूप बिलोकति देति आशिखा जुग जुग जिवहु गुरू को नंद। इह उतसव हम हेरनि करिहैं बहुर ब्याह को होहि बिलंद। शाहु दिवान घनी हुइ अतिशै, इत सतिगुर को घर धनवंद। मंगल होहिं ब्रिंद नर सुख लहिं भयो मेलि सम के ग्रबिदुंद⁴।। ६।।

^{1.} पगड़ी (लाल)। 2. सुनहरी पट्टी । 3. बालरूप। 4. दोनों एक-से (परिवारों) का मेल हुआ है।

पांघे तब अभिखेक करायह परव गनपति को करि मानि। अपर ग्रहनि को करि अभिसेचनि भरी भीर मानव गन आनि । सतिग्र मुख दिशि नयन लगाए दरशन करति हरख उर ठानि। को बैठे को खरे तहां मिलि नर भे अनगन थोरिय थान²।। ७।। इतने महिं दिल्ली ते संगत पठ्यो दूत आयो बहु चाल। श्री अरजन के निकट पहुंच्यो हाथ जोरि करि नंम्री भाल। महाराज अरदास एक है मैं ल्यायह अवि लेहु संभालि। होइ इकंत ब्रितंत लखीजै पून कीजिह जे काज बिसाल।। ८।। तूरन हेरह देरि न ठानह, सगन वाति करीअहि पशचाति। सुनति उठे सतिगुर तिस छिन महि, वैठ्यो सिक्ख एक, सभि ग्यात³। भृत भविखयित बरतिह जानित वे परवाह सदा चित गांति। मगन रहै गुरु शबद बिखै नित मन गुरु चरन बिखै दिन राति ॥ ९ ॥ उठित देखि करि बोल्यो गुरु क्षो, छ्पी न रहै प्रभो इह बाति। शरधा होन हंकारि पातकी तिसकी सुता न लिह हित तात । टक्कर हतिह चुवारे सों नित मोरी मिह मिर है पछ्ताति । जिसे छ्यायहु चाहित हो अवि सो विदतिह सिभ महि भिल भांति ॥ १०॥ कुकर कुकति की सम पापी गजराजिन गुरु कमी न होइ। साकति संग न विन है तुम सो, इम विचार करि त्यागह सोइ। सुनित लोक रिस करि तिस हटकति 5 तुपनि 6 रहो क $_{\tilde{e}}$ न बच कोइ । अति शादी महि बिख सम कहिवो उचित न तोहि लेहु अविलोइ ॥ ११ ॥ अंतरिजामी श्री अरजन तिव ऊची कर्यो हाथ अरिवंद। धीरज धरह करहिं हम ऐसे वैठे गावहु गुन गोविद। हुइ इकत विरतंत पढ्यो सभि लखी खुटाई कीनि जुमंद। सभि संगति को इही मनोरथ नहीं नाता लीजहि जगबंद ॥ १२ ॥ पठी अरदास सभा महिं आए हिरि उठे मानव समुदाइ। निज गादी पर वैठि विराजे जगत गुरू सिख्यनि सुखदाइ। महांदेव आदिक सो बूझयो खती दुषट हंकार बधाइ। बोल बिगार बिसाल भयो बहु नहि नातो लेनो बनिआइ ॥ १३॥

^{1.} तिलक। 2. स्थान कम पड़ने लगा। 3. जो सब जानता था। 4. (वह) नित्य चौबारे में टक्करें मार मार कर मरेगा और फिर पछता कर मोरी में गिरेगा। 5. रोकते हैं। 6. मौन रहो।

महांदेव, ब्रिध 1 , साल्हो आदिक सिभिनि सलाह दई तिस भाइ। रावर जानति मृढ गुमानी तिह संबंध नीको न सहाइ। \bar{x} ह अभिखेकित 2 बोल्यो पांधा सुन्दर समो न इह बित जाइ। तिलक करावह अबि निज सुत के बनिह सर्वध विघन बिनसाइ ।। १४॥ दिहु आइसु दिज करिह सगुन को सिभ की लालसा पूरी होइ। भए विरुख⁴ श्री अरजन बोले तिसकी समता हमें न जोइ। लैबी उचित नहीं इह नाता जाति दरब हंकारी सोइ। ऊचो बन्यो चुबारा मद ते चहुं दिशि ते दुख दे सिभ कोइ।। १५।। जो ऊचो तिह गिरवे को डहपरहिगाज जर रहैन जाइ⁵। हम सम हम को आनि मिलहि को, बनहु चुबारा भाल भनाइ⁶। सितगुरु को घर माण निभाणिनि मानी जिब किव लहै सजीइ। नंम्रि होइ नंम्रिन सों मिलि है, दृहि दिशि रस रहि, प्रमुद उपाइ।। १६।। सितगुरु गिरा ज्वाल सी निकसी सफल सतेज प्रकाश बिसाल। नर नारिन को हरख सु कानन⁷ सुनित दियो इक छिन महि जाल। रिदे बिसम इह भई कहां गति क्या करते क्या बरती चाल। कमल बाटिका हुते लगावति उदै कंटका थिरी सडाल⁸ ॥ १७ ॥ उगवनि लगी अनंद वेलि इह किस गज ने मरदी ततकाल। सिभ इसित्रिनि को भयो भंग मन, तिज गाविन चिहि सुन्यो उताल। बादित बजित थिरे इक बारी को बूझित को भाखत हाल। शाहु दिवान दरप को उरधरि गुरु लघु कहि निज वन्यो विसाल ॥ १८॥ अबि सुधि पाइ बिरुख⁹ गुरु होए, नींह नाता तिह सुता मनंति। रहे बैठि लागी चित चिंता इम कूस्त¹⁰ बरत्यो दुखवंति। बिसमे नर नारी तिज हरखिन चंद्र को सिभ खोट भनंति। कारण करण गुरू समरत्थं इनकी समता कृतो चहंति $^{\mathrm{ll}}$ ।। १९।। गरब कहां इन आगै तिसि को, कहैं बाक सुख दुख नर पाइ। पातशाह को रंक करिंह द्रुति रंक शाह की पदवी पाइ।

^{1.} भाई बुड्ढा । 2. ग्रह देखते हुए । 3. विघ्न नाश हो जायँगे । 4. वे परवाह । 5. बिजली गिरने से वह जलने से बचता नहीं । 6. प्रसन्नता रूपी बन । 8. काँटों वाली झाड़ियाँ उग पड़ीं । 9. विमुख । 10. बिगाड़ । 11. कैंसे चाहता है ।

अजमित अजर जरी उर अंतर निंह काह सों करिंह लखाइ। जिन को सेवक सकल शकित जुित जिम चाहै तिम लेति बनाई।। २०।। श्री नानक को महां प्रताप जुसूरज सम जग विदति प्रकाश। चंदु पेचक1 सो नहिं जान्यो वृद्ध विलोचन मंद महां सु। निस मींह चमक जींगना² जैसे रिव को निदे धरिह हलास। तैसे जानि परै सो मुरख चाहिसि अपनो कर्यो विनाश ॥ २१ ॥ इम चरचा लोकिन महि विथरी दिज लागी ने कह्यो सुनाइ। श्री गुरु तजह क्रोध, तुम स्याने, जिसकी सुता आपके आइ। कहां हंकार करहिगो तुम सों कर जोरिह अरु सीस निवाइ। िष्टमा कराविह ऊचे जानिह पिता सुता³ को हम बनिआइ।। २२।। कितो बडो हइ तनीयां पित⁶ जो, नंम्रि होनि ही जदकद जानि। नर रंकिन के कहे न हटिये नाता लेहु वड़े सो थानि। लछमी आइ किवार न दीजिह, रिदे अनंद धरि लिह सनमान। शाह दिवान महान धनी सो उत्तम जाति इते गुन मानि ॥ २३ ॥ श्री अरजन कींह तिस के धन ते हम नींह धनी वर्नीह किस भाइ। चंदू कै सम होइ सु लैहे खोजहु जग महिं देहु पठाइ। हमें गरीब आन को मिलि है जिस महि होहि न गरव वलाइ⁴। मिलि सुख पार्वे नित हरखार्वे जिंह हंकार नहीं दुखदाइ ॥ २४ ॥

दोहरा

सितगुरु को रुख देखि कै सिभ संगति भई मौन। साकत सुता न लेहिंगे, निहं शरधा गुरु मौन।। २५॥

इति श्री गुरप्रताप सूरज ग्रिथे चतुरथ रासे 'सगाई को प्रसंग' बरननं नामु पंचमो असं ॥ ५ ॥

^{1.} उल्लू । 2. जुगनू । 3. पुत्री के पिता को । 4. अहंकार रूपी बला ।

अंशु ६

दो सगाइआं इकट्ठी होना

दोहरा

कहिन सुनि बहु तिव भयो ठिहरयो अंति मतंत । निहं नाता हम लेइ हैं हंकारी कुलवंत ॥ १ ॥ चौपई

दिज नाई सुनि जुगल विसूरित । जनु चिंता इह धारी मूरित कहि बहु रहे नहीं गुरु मानी । कहिबे संगति को प्रिय जानी ॥ २ । जिब श्री अरजन एव उचारा। हमिह मिलिह को निरहंकारा। डल्ले की वासी सिख वैसे। सुन्यो बखान्यो सितगुर जैसे।।३।। श्री गुरु अमरदास के पासि। भाई पारो भयो प्रकाश। नराइणदास उचारे।। ४॥ जनम्यो तिसक बंस मझारे। नाम किया द्रिषटि सिक्खनि दिश जानी । निज मन महिं गिनती तिब ठानी । सुता सपत संमत की मेरी। नाता देउं जि नहिं गुरु फेरी।। ५ ॥ निरहंकार गरीब जि होइ। दे नाता हम लैहैं सोइ। इम श्री गुरु ने बाक बल्लाना। सफलहि सोइ होइ नहिं हाना॥६॥ कहौं अबहि बिच सकल समाजा । श्री सतिगुरु राखिंह मम लाजा । इस जग महिं तौ अहै सुहेली[।]। विच प्रलोक के रखनि दुहेली।। ७।। राखिंह तहां सहायक होइं। िदित बित कुछ छपी न सोइ। यां ते सतिगुरु पर भरवासा । पूरित करींह मोहि मन आसा ।। ८ ।। भाई पारो को बरु भयो। श्री गुरु अमरदास जी दयो। गुरु घर सों तुव कुल को नाता । हइ है आगै जग बख्याता ॥ ९ ॥ सो अबि समा आनि करि होवा । औचक ही मंडल 2 महिं जोवा । इत्त्यादिक बहु रिदे बिचारा । सार असार कर्यो निरधारा ।। १० ।। खरो भयो जोरे जुग हाथ! हे प्रभू मुझ को लखहु अनाथ। विखै जनमयो। डल्ले की वासी मैं थियो।। ११।। पारो बंस

^{1.} प्रसन्न है। 2. सभा।

शुभ खत्री हों दास त्मारा। मुझ निकेत नहिं दरव उदारा। वड्यो सहत हम गुर जरनाई। मम पूत्री की लेह सगाई।। १२॥ संमत सपत आरवल होइ। हरि गोविन्द दासी बिन सोइ। लाज विनां में सभा मझारी। विनती शरधा सहत उचारी॥ १३॥ राखहु लाज मोहि भरवासा। यांते कही आपनी आसा। श्री अरजन सूनि भए प्रसंन। भले समें बोल्यो सिख धनं॥ १४॥ उतसव को समाज वर जुर्यो। सो तैं नाहिन विरथा कर्यो। मंगल नौका ज्यों विचि धारि। डुबति हती लगाई पारि।। १४।। महिमा गुरु सिक्खनि की महां। को समता करि सकिह न तहां। सितगुरु को सिक्खनि सों मेला। सकल थान महिं होति सुहेला॥ १६॥ हंकारी मनमुख नर जोइ। सतिगुरु संग मेल नींह होइ। जे करि मिलिह उठिह उतपात । ज्यों रिव राह गगन मिलि जाति ॥ १७ ॥ यांते श्री नानक सुखदाई। सिक्खिन सो हम वणित वणाई। दैवग सों 2 श्री अरजन भाखा। पूरन करहु सभिनि अभिलाखा।।१८।। इह नाता लीजै हित साथ। दिह टीका हरिगोविद माथ। चिहय सिंगग्री जो समुदाई। तुरत नराइण दास मंगाई ॥ १६ ॥ पाई हरि गूविंद की झोरी। भई सिभिनि के खगीन थोरी। कर्यो निकासनि मसतक टीका । अच्छत³ सहत विराजित नीका ।। २०।।

दोहरा

केसर तिलक सु देव गुरु तिसके मंड*ल* आइ । अच्छत जन् सिस कला गन स्नास राहु ते पाङ्⁴ ॥ २१॥

चौपाई

धनं धनं सभी सभा वखाना। दास नरायण बहु सनमान । हरी चंद इक खबी और। लंम गोत बैठ्यो तिसठौर ॥ २२॥ तिह बिलोकि तिन रिदै विचारा। इसते आछी अपर न कारा⁵। मम घर सुता सु अरपिन करौं। इसी समैं मिह उचित, न टरौं॥ २३॥ खरे होइ सो बिनति कहै। द्वै संमित की दृहिता अहै। सो मैं चहौं दियो तुम पासी। हरिगोविद की बिन है दासी ॥ २४॥

^{1.} आयु। 2. ज्योतिषि से। 3. अक्षत, चावल। 4. केसर का तिलक मानों बृहस्पित है और उसमें चावल जैसे चन्द्रमा की कलाएँ राहु-भय से आ छिपी हैं। 5. इससे अच्छा और कोई कार्य नहीं।

आपि अनाथिन के हो नाथ। याते कहौं जोरि जुग हाथ । अंगीकार सगाई। मन बच ऋम ते मैं शरनाई ॥ २५॥ कीजहि श्री अरजन सूनिकै सिख बिनती । भए प्रेम विस तीज सिभ गिनती । की प्रदेष्ठ ॥ २६॥ भन्यो बाक इह भी लै लेहु। आसा सिक्खिन साथ हमारे। गुर सिक्खनि की सांझ उदारे। हरीचंद तिब होद नजीका। दिया सगन अरु काढ्यो टीका।। २७।। लोक हजारहं अदभुत हेरे। सभि के उमग्यो अनंद वडेरे। परसपर चौंप¹ वधाई। इक त्यागे भई दोइ सगाई ॥ २८॥ सितगुरु के घर कभी न कोई। क्या चंदू ते धनी सु होई²। हजारिन केरा। सिभ ते सितगुरु सदन उचेरा ॥ २९॥ लेनो देनि जे करि तिसके होवति नाता । कबहूं उठति महित उतपाता । शाहु दिवानी ते हंकारा। बोले ते कवि परित विगारा ॥ ३०॥ सहैं न गुरू बाक हंकारी । चंदू रिदे अशरधा धारी । यांते भलो भयो बख्याता। लियो न तिस तनुजा को नाता।। ३१॥ । ततिष्ठिन जुग नाते हुइ गए। कहैं परसपर हरखित भए । जनुगन रंकिन सुरतर लीओ। छीनि सिभिनि ते पुन तिन दीओ।। ३२॥ बोई किधौं अनंद की बारी³। सूकति हुती सींचि वर बारी । इस प्रकार मंगल पुन होयो। सकल समाज अनंद करि जोयो।। ३३।। हरखित चित गावित पिकवैनी। उमग उमग करि पंकज नैनी। नौबति बाजित सहत नफरीनि । बोलित भाट सुजसु विसतीरिन ।। ३४ ॥ मिरदग वजावित । गीत कलावित गावित भावित । डोम आदि मंगत जन सारे। सतिगुरु को जैकार उचारे ।। ३४ ॥ पतासे ब्रिंद । ले आइसु तबि उठे मसंद। मोदक धरे वदाम छुहारे ॥ ३६॥ मिसरी के बहु थार सुधारे। मेवा गरी सिम बरताए 4 सभा मझारे। भरि भरि अंजुलुदे जन सारे। बरतावे लायसि तबै ॥ ३७॥ अधिक भीर हेरी गुर जबै। गन सभि को पहुंचिह कह्यो सुनाई। बरती तुरत समूह मिठाई। सिम ही धंन धंन गूरु कहैं। तुमरे सम तुम ही प्रभु अहैं।। ३८।।

^{1.} चाव सिंहत । 2. चंदू ने क्या कर लेना था। 3. आनंद की वार्टिका। 4. बाँटे।

श्री अरजन सिंभ लाग दिवाए । दान मान देकिर हरखाए । अनंद उदिध जनु वध्यो अनंत । सिख संगित नर भे जल जंतु ॥ ३६ ॥ उद्यो अनंद चंद कै अबै। कुमद चकोर भए नर समें । चंदू के लागी जे दोह । चकवा सम दुख प्रापित सोइ ॥ ४० ॥ लिख अनृ चित गुरु रिदे बिचारा । तिन दोइन को निकिट हकारा । समें हरख को सिंभ हरखाए । तुम मन भंग सिंचत दिसाए ॥ ४१ ॥ लिहु धन गन मन अनंद करीजै । चंदू को बितंत किह दीजै । जो संजोग विधाता जोरं² । सोई होइ, न किसको जोरं ॥ ४२ ॥ दिज ने कह्यो जोगता नांही । जे सबंध तुम सों हुइ जाही । तौ लैबो हम को बिन जाइ । इम निंह, लेहिं देहु समुदाइ ॥ ४३ ॥ इस विधि जथा जोग सिंम कीनि । श्री अरजन सितगुरू प्रवीन । सुत को आइसु उठिवे दई । सभा सरव निज निज थल गई ॥ ४४ ॥

इति श्री गुर प्रताप ग्रिथे चतुरथ रासे 'सगाई को प्रसंग' बरनन नाम खषटमो अंस् ।। ६ ॥

^{1.} नाई-ब्राह्मण आदि को दिया जाने वाला धन । 2. जोड़ता है।

अंशु ७ विवाह की तिआरी

दोहरा

श्री हरि गोविंद चंद तिव वदन प्रफुल्ल्य विलंद । रुख लिख पित सितगुरू को उठे सु देति अनंद ।। १ ।।

तोटक छंद

जिस भाल जगी बड भाग रती¹। जननी गन तीयनि बीच हती। हित बंदन के तिस थान चले। उर धारि अनंद विलंद भले।। २। पद मंदह मंद घरे घरती। बड लोचन ते क्टलैं बरनी 2 । जुति सुंदरता बहु शोभ धरे। घर पौर³ विखै तबि जाइ बरे।। ३।३ गन तीयनि देखि विशेख सुखं। हरखाइ बिलोकति चारु मुखं। करि जोरि नमो सभि धारति हैं। गुरु नंद गुरु सु विचारति हैं॥४॥ सुत गंग उमंगहि संग पिच्यो। गुर त्रंसहि को अतितंश लख्यो। पदबंदित को गहि अंक लयो। निहं जाइ कह्यो जु अनंद भयो।। ५!। मुख सूँघति घारि दुलार घनो । किसि रंक लही निधि ब्रिंद मनो । सुत जीवहु पुंज बिघंन हनो। हम आशिख देति सु प्रीत सनो।। ६।। निज अंक बिठाइ सु नंदन को। सिभ नारि पिख्यो जग वंदन को। बहु आणिख देति वधाइनि को। वय दीरघ संकट होइ न को।। ७।। मिलि को अबला पगकज छुवैं। अविलोकित के सिर नंम्र हुवैं। मन भावति गीतन गावत हैं। पट भूखन चारु सुहावति हैं।।८।। इम होति भयो उतसाहु महां। गुर को पुरि मोद जहां सु कहां। नर नारि मिले अविलोकिन को । हरखाइ गए सिभ ओकन को ।। ९ ।। गन मंगति⁵ को धन दीन महां। सभि हूं जसु कीनि गए सु जहां। नरवाज बजावित जे गन को⁶। समुदाइ प्रमोदित ले धन को ।। १०॥

1. भाग्य-मणि । 2. कुटिल वरौनियाँ । 3. घर की ड्योढ़ी । 4. सब सहर्ष घरों को गए । 5. भिखारियों को । 6. कौन गिने ? इस भांति विताइ भले दिन को। किर खान रुपान सुजामिन को। सुपते सु साथ सभे तिबहुं। तिज नींद प्रभाति भई जिबहुं॥ ११॥

दोहरा

दिल्ली को गमन्यो तर्व दिज नाई ले संग। महां दुखित चित महि चलति भयो जाहि¹ मन भंग।। १२।।

तोटक छंद

विवहार मनो बड घाट पयो2। सम वानिक चिंत विलंद लयो। उदत्यो जनु बाग लगाविन को। छिति छीनि लई पछ्ताविन को।। १३।। कि जहाज भर्यो जल डब गयो। न बच्यो कुछ, यौ दख तांहि भयो। मुरझाइ रह्यो कहि संगिन को। विगरी वह बाति निरंगनि को 3।। १४।। श्भ मेलि विखे वड भंग भयो। सम दोइनि वीचि⁴ विगार कियो। जिम चंदु कह्यो तिम श्रौन सुन्यो। रिस ते नींह लेहि, कुवाक भन्यो।। १५॥ इम सोचित बोलित शोक धरे। पनि चंद जहां तिह प्यान करे। जिब श्री गुरु बैठि दिवान कियो। तिब आइ नराइणदास गयो।। १६॥ कर जोरि कही बिनती गरु को। प्रभु मोर मनोरथ यौं उर को। दिज दैवग लेह बुलाइ इहां। दिन व्याह विचारिह बैठिमहां।। १७।। बिन दोषनि दयोस बताइ जबै। हरिगोविंद ब्याह उमाह तबै। लिहु आपि प्रभु निहं देरि वरो। गन जे वसतू मंगवाइ धरो।। १८।। उत मैं सुनि कै घरि जाइ अबै। इकठी गन सौज कराइ सबै। सुनि पास नराइण दासहि ते। सिख संगति मोद प्रकाशहि ते।। १९।। तिव श्री गुर बिष्प्र बुलाइ लियो । निज पास विठाइ सु मान कियो । भरि अच्छतथार बरयो घन को। कहि सोधहु ब्याहिन के दिन को।। २०।। इम चाहि नराइण दास घरै। सुधि द्योस वतावह जानि परै। बिन दोष बनै अस नीक अहै। दुह पासनि ते रस रीति रहै।। २१।। सुनि बिप्प्र लयो पतरा कर मैं। दिन देखि विचारित भा उर मैं। ग्रैह वार निछ्त्रनि रासिनि को । दिन जानि सुब्याह प्रकाशनि को ॥ २२ ॥ गुरु संग भन्यो जुग मास बिते। हुइ माघ सुदी दसमी सु हिते। सुधि द्योस अहै तिब ब्याह करो । रुति सुंदर है निशचै सु घरो ॥ २३।।

^{1.} जिनके । 2. मानो घाटा पड़ गया हो । 3. रंग-रहित हो गई । 4. बरा**बर** के दो में (परिवारों में) । '

दोहरा

इम साहा सुधवाइ करि सुन्यो नराइन दास। करि निशर्चे हरखत भयो खरे करी अरदास ॥ २४ ॥

तोटक छंद

दिहु आइसु जाउं अवासि अवै। गन सौजिन त्यार कराउं सवै। करि बंदन को ततकाल गयो। अरने घर प्रापित होति भयो।। २५॥ बिरतांत कुटंबिह संगि कह्यो। सुनिकै सिभ ने मन मोद लह्यो। निज भाग बिसालिह धंन लखै। घर श्री गुरु आदि सरूप पिखै।। २६।। सभि संग्रहि सौज¹ करंति भए। हित ब्याह उछाह अनंद लए। इति श्री गुरु संगहि संगति है। मिषटान मंगाई उमंगति हैं॥ २७॥ पित थान थप्यो हरि मंदर को। हित पूजिन के चिल सुंदर को। तट तीरथ पौर पहूंचि तहां।। २८।। सिख सेवक भीर सु साथ महां : निज संगि करे तिहं गंग चली। हरिगोविंद नारि अनेक मिली। गुरु नानक नाम उचारित ही।। २९॥ गुरु अग्ग्र भए पशचाति इही। परटच्छन दीनि सभी फिरि कै। दरबार कि द्वारि नमो करिकै। बर फूलिन की बरखा सु झरी।। ३०।। सभि होइ खरे अरदास करी। कर जोरति श्री गुरु सेविति हैं। बहु धूप धुखावति देवति हैं। पिखि मंगल कौ हरखंति हियो ॥ ३१ ॥ बरताइ प्रसादि समूह दियो। गुरु नाम जपैं अभिनंदन को। कर बंदि करें अभिवंदन को। झुक बंदित हैं जग बंदन को।। ३२।। इम गंग लिए निज नंदन को। कुल रीति हुती सभि ही सु करी। पुन आइ निकेत अनंद भरी। रहि ऊच जुनीच गुरू पुरि मैं 211 ३३।। मिषटानि दियो सिभ के घर मैं। इम मंगल और कुल रीति जिती। हरखाइ करी तिब गंग तिती। जसु फैलित भा तिस देश महां। धन ले उचरंति जहां सु कहाँ।। ३४।। पुन श्री गुर सौज मंगावित हैं। हित व्याह अवास रखावित हैं। बहु ग्रामिन ते घ्रित लेति भए। धन पास मसंदिन के सुदए।। ३५॥ पुरि भूरिन मैं धन भेजि दियो। मिषटान महांन मंगाई लयो। बड बासनि ले करि पूरि घरे। गन मेवनि की सु खरीद करे। ३६॥ पशमंबर³ केतिक मोलि लियो। बहु सूखम अंबर ब्रिट किये। गन जात पटंबर लीनि भले। जिन लागि जरी बहु भाव मिले।। ३७॥

सामग्री। 2. अमृतसर में रहने वाले सभी ऊँचे-नीचे घरों में मिष्टान्न भेजा। 3. पश्मीने के कपड़े।

सिख संगति और मसंदिन को। पुरि पैंच अनेक बिलंदिन को। जिनि देनि बनै हित मानि घने। सुखरीद करे तिन कौन गिने।। ३८॥ दोहरा

साहा जानि समीप को सिभ त्यारी किर लीनि।
अंन अधिक संचै कर्यो जिंह किंह घन गन दीन।। ३६॥
रिदे अनंद विलंद ते गंगा धारि उमंग।
प्रथम व्याह लिख चौंप चिति करित अधिक गन रग।। ४०॥
जाइ नराइण दास घर जथा शकित को धारि।
सरब वसतु संचै करी है जु अनेक प्रकार।। ४१॥
हित दाइज* के देनि को, करिन समूह अहार।
अंन वसन भूखन भले कीनिस सगरे त्यार॥ ४२॥

इति श्री गुर प्रताप सूरज ग्रिथे चतुरथ रासे 'सगाई को प्रसंग' वरननं नामः सपतमो अंसू ॥ ७ ॥

^{*} दहेज

अंशु द

चंदू का वैर वधिआ

दोहरा

दिज नाई छूछे हटे तिन को सुनो ब्रितंत । महां दुखित गमनित भए रिदे अधिक पछुतंत ।। १।।

चौपई

सनै सनै दिल्ली पुरि गए। मग महिं किन हुं लूटि जनु लए। पहुंचे जाइ। जहां मूढ वैठ्यो गरवाइ॥२॥ घर खती के गिलमि गलीचे फरश विसाला। वैठिक मैं बैठ्यो खुगहाला। बड उपधान[।] धर्यो जिह पाछे । सगरे सेत बसत्र तनु काछे² ॥ ३ ॥ बैठे लिखिन हार ढिग ब्रिंद। कितिक खुशामद करति बिलंद। केई। जोरति हाथनि जाचित सेई ।। ४।। अरथी मानव बडी कचिहरी मिंह सो वैसा। उत्तर देति जोग जिस जैसा। बिप्प अशीरवाद कहि जीवहु । चिरंकाल जसु जुति जग थीवहु ।। ५ ।। चंदू तबहि बिलोचन हेरा। नुख मुरझायो बहु दिज केरा। पांइ लगिह, पांधा³ कहु बाती । तुझ देखति धरकति मुझ छाती ।। ६ ।। नहीं शगुन कुछ आछे हेरे। फरकति बांम अंग तन मेरे। बदन सींचत देखि करि तोही । ग्रति संसै होवति उर मोही ॥ ७ ॥ चलति वसतू चुरवाई। किघौं अपर कारज विगराई। मृदि जुति मिलिबो चहीअहि तेरा । पठ्यो हुतो शादी हित मेरा ।। ८ ।। जिस महिं तुझको लाभ बिसाला । अस कारज महिं तूं इस काला । समै हरख के मुख मुरझायो। देखित मोको अचरज आयो ॥ ९॥ शुभ कारज सो वन्यो कि नांही ?। कहु पांधा सिम विधि मुझ पाही। सुनि चंदू ते बिप्प्र उचारा। सुनहु इकंत होइ करि सारा।। १०।।

^{1.} तिकया । 2. सिज्जत । 3. पुरोहित ।

संसै जुत उठि करि ततकाला। बैठ्यो सिभ ते होइ निराला। दिज ने ढिग हुइ सकल सुनायो । हे जजमान सु हुइ प्रभु भायो ।। ११ ।। हम नाता जिब ले करि गए। शुभ दिन तबिह सुधावित भए। सकल समाज मिल्यो ततकाला। लोक हजारहं अनंद विसाला।। १२।। वालक चौंकी आनि विठायह। गावनि बादित सकल रचायह। हमहिं बुलायो गमने तीर। जिंह गुरु अपर नरिन की भीर।। १३॥ नौ ग्रिह गनपति हुतो मनायह। तिलक करनि को जबि उदतायहु¹। दिल्ली ते तबि पठई पाती। चलति हमहि तुम कही जु बाती।। १४।। मोरी अरु द्रिषटांत चुवारा। निज वडता के हेतु उचारा। किह सिन कै लिखि भेज्यो सारो। सो पिठ कै लिख तुव हंकारो।। १५।। जरी न बात, न लखी बडाई। तूरन हम सों गिरा अलाई। रहै चुवारो सो दुख पाविह। मारिह टक्कर भाल भनाविह 2 ।। १६।। केतिक सिक्ख कह्यो बख्याता। निंह लिहु इस किराड³ को नाता। प्रथभ भयो तैं बोल बिगाड़। सही न तिनहु सु दीनि उघाड़⁴़॥ १७॥ क्या कहीअहि बड काज विगारा । नींह सवर्यो मैं बहुत उचारा । कहित भए, जो सम है मोरी। सम मोरी के मिलहि सु मोरी॥ १८॥ इम सुनि बहुत थानि की संगति। बैठी ब्रिंद बिलोक उमंगति। तिन महिं ते इक उठि करि खत्नी । हाथ जोरि कहि गिरा बिचित्नी ॥ १९ ॥ सपत बरख की दुहिता मेरी। लिहु नाता गुर करहु न देरी। बालक तिलक कर्यो ततकाला। तिम ही उतसव रह्यो बिसाला।। २०॥ खत्री और उठ्यो इक पाछे। संग गोत निज कहि करि आछे। तिब ही दूजी करी सगाई। देखित दुगनी बजी बधाई।। २१।। नाता तोहि सुता को फेरा। चल्यो उपाइ नहीं कुछ मेरा। सुनि अनख्यो चंदू मिति हीन। जपित रिदा तूषिन दुखभीन।। २२।।

^{1.} उठे। 2. टक्करें मारकर माथा फोड़ेगा। 3. वणिक, यहाँ आशय धन-लोभी से है। 4. प्रकट कर दी।

कहां भयो जे अपर सगाई। धनी पुरख कै बहु हुइ जाई¹। जे हमरो सनबंध तुमारे। कारज देउं अनेक सुधारे।। २९॥ नांहित जे करि लेहु न नाता। तौ मेरो दैरी बख्याता। तुमरे सिक्खन कुकर कह्यो। सो सुनि मैं हिरदे दुख लह्यो॥ ३०॥ कुकर होइ लगौ तुम गैल 2 । तिब जानहु जिब हुइ फल फैल 3 । अबि लौ रस है हम तुम मांहि। अधिक विरोध वघावहु नाँहि।। ३१।। मो सों द्वेष रचिह बिन जाने। सो आशा जीविन किम ठाने⁴। शाह दिवान मरातव मोहि। कहौं बाक मानहि तिम होहि⁵।। ३२॥ कनका अवहि हुतासन द्वैष⁶। समझहु कीजहु नहीं विशेष। इत्त्यादिक लिखि के विच पातो । लिखि अनीति को सुलगति छाती ॥ ३३॥ एक निसा दिल्ली दिज रह्यो। बड़ी प्रात चिल चंदू कह्यो। पश्चम मुख करि गमन्यो तबै। सनै सनै मग उलंघ्यो सबै।। ३४।। गुरुपूरि बिखै प्रवेश्यो आइ। निस परि गई बस्यो इक थाई। पसंद सन्दाई ॥ ३५ ॥ भई प्रात गुरु सभा लगाई। संगति सिख बिप्प्र आइ करि आशिख दीनि । पाती वैठि अग्ग्र को कीनि । पढ़ी चंदू चतुराई ॥ ३६ ॥ ले सिख गुरु के कर पकराई। खोलि जानि कृष्टिलता म्रख केरी। उत्तर कहित भए तिस वेरी। माननीय गुरु सिक्ख हमारे। करिह तथा इह जथा उचारें ।। ३७॥ श्री नानक आदिक गुरु सारे। जानित रहे इनहु बहु प्यारे। हम भी मानित हैं सिख बाक। कह्यो तिनहू नीह लीजिह साक।। ३८॥ सो किन फीर मर्कीह मन जानो। तूम क्यों अबि ऐसे हठ ठानो। अपर थान नाता करि दीजहि। जो अपने समसर लिख लीज ह।। ३९॥ दोहरा

सुन, तिय, धन, तन आदि सभि तिजिति न लावौँ देरि । सिक्ख बचन को त्यागबो तऊ न हमते हेरि ॥ ४० ॥

चौपई

होइ सिक्छ्य एतो पद पाए। सकल जगत के पूज बनाए। सिख के समसर⁸ अपर न प्यारो। सासि सासि⁹ महि सिक्ख संभारो।। ४१।।

^{1.} धनी लोगों के अनेक (विवाह) होते ही हैं। 2. तुम्हारे पीछे। 3. फल फलेगा। 4. मुझसे वैर करने वाला जीवन की क्या आशा रख सकता है। 5. (बादशाह भी) मेरा कहा मानता है और वैसा करता है। 6. अब द्वेषाम्नि कण वत् है। 7. जैसा ये कहें, वैसा हम करें। 8. समान। 9. भ्वास-भ्वास।

पूजनीय हैं सिख्य महांन। तन धन मेरो हैं सिक्ख प्रान। सिक्खिन की कहना मुख पयुषै। कहुयो तिन्हु के किम हटकय्ये।। ४२।। विशनु भगत बतसल भगवान । जिम तिन के प्रिय भगत महान । तथा हमारे सिक्खनि केरी। श्री सितगुरु सो प्रीति घनेरी॥ ४३।। हम ते लियो जाइ निहं नाता। कह दिज चंदू कह बख्याता। सुनति बिप्प ने गिरा बखानी। शाह दिवान अधिक हठ मानी।। ४४।। परिह बैर बह काज बिगारे। चहै सु करै महा बल धारे। हटी सगाई सम दख और । नहीं होति मानहिं सिम ठौरि ॥ ४५ ॥ हित रावर को मैं शुभ कह्यो। जथा भविख्यति वरतिह लह्यो। लिह नाता हुइ गाँति विखेरा। नांहि त इस फल कपट घनेरा॥ ४६॥ सभा चुके पछुताविन रहे। भलो न कर्यो आपि को कहें 1 । यांते मानि लेह मित मेरा। दुह दिशि वधिह प्रमोद बडेरा।। ४७॥ नतु संसै जीविन महि होइ। जेतो बल करि है सिभ कोइ। सूनि श्री अरजन दिज ते दाति । बोले श्री मुख ते मुसकाति ।। ४८ ।। हम किसहूँ सों बैर न करें। किस को बुरो न हिरदे घरें। कर्राह न्प्रिवैर संग जो वैर। तिस के जुग लोकिन क्या खैर ?।। ४६॥ सभि को पति परमेशुर अहै। सुखदुख की सुधि जग की लहै। भला बुरा जो करम करंते। तिन ते सुख दुख जीव धरंते॥ ५०॥ वितवति बुरा, बुरा फल पार्वे। इहीं नेम प्रभु ते बनि आवै। पर को खनहि कूप हित बुरे। झरे गिरै सु वहु दुख मरे2।। ५१।। इम कहि तूपिन भए गुसाई। दिज उठि गयो बहुत पछुताई। दिल्ली पुरि को होई निरास। चंदू को सुधि दई अवास।। ५२।। दोहरा

चंदू सुनि जर बर गयो नेक मान्यो त्रास ।
करीजाति मैं हीनता हतौं जतन निरजास ।। ५३ ।।
गुरु घर सों रुचि द्वैष को बुरी करिन तिब लागि ।
घाति बिचारित पिखित नित चुगली उगल कुभाग ।! ५४ ॥
बहुर कथा इह कहै गे दुषटी दुषट जु कीनि ।
श्री हिर गोविंद ब्याहु को श्रोता सुनहु प्रबीन ॥ ५५ ॥
इति श्री गुर प्रताप सूरज ग्रंथे चतुरथ रासे 'चंदू को प्रसंग बरननं नाम अष्टमो

अंशु ॥ ५ ॥

^{1. &#}x27;भला न किया' ऐसा अपने को कहेंगे। 2. जो दूसरे के लिए कुआं खोदता है, (वह) खड़ड़े में गिरकर दुःख पाता है।

अंशु ६ मेल आवण प्रसंग

दोहरा

कासर कितिक बिताइ करि श्री गुर अरजन नाथ। चितवित नंदन व्याह को बिड उतसव के साथ।। १।। निसानी छंद

अगहिन बीत्यो मास जिब पुन पूस सु आयो। समै महाँ उतसाह को जान्यो नियरायों²। महांदेव सों मिलि गुरु बैठे इक थाना। करी वारता बहुत ही परसंग जि नाना ॥ २॥ बहुर ब्याह की बाति को सिभ जिकर सुनायो। एक मास ही विचि रह्यो दिन निकसु आयो। बड़ो भ्रात अबि दुरि है बड धरित बिरोधा। नम्र भए, नहिं मानही, राखिह उरक्रमेधा ॥ ३॥ चहियहि अबहि बलावनो इहु उचित महाना। सहत कुटंब सु आवनो होवहि इस थाना। महांदेव बोल्यो सुनित भेजहु लिखि पाती। को नर आछो जाइकै आनिह भिल भांती।। ४।। सनमानहु सभि रीति तै है भ्रात बडेरो। ज्यों क्यों करि तिस आनिय³ आछी बिधि हेरो। परने मरने महिं सरब सनबंधि मिलंते 4 । इहि जगत की रीति है सिभ नर वरतंते॥ ५॥ शादी तुमरै सदन है रूठे सु मनाओ। भ्राता करहु इकत्र सभि वडित जिम पाओ। शोभा है बहु मेलि की वंधुप समुदायो⁵। जाति बिखे सो बडा हुइ सिभ सो बिन आया ॥ ६ ॥

^{1.} दिन । 2. निकट आया । 3. बुलाइए । 4. विवाह और मृत्यु पर तो सब सम्बन्धी मिलते ही हैं । 5. सब सम्बन्धियों के मिलाप की शोभा है ।

महांदेव के बाक को सतिगृह ने माना। लिखी पतिका तबहि गुरु वडिआइ महाना। मिहरवान नंदन जथा हरि गोबिंद तैसे। ब्याह समां इनको अवहि भेज्यो लिखि जैसे ॥ ७ ॥ अपनि जानि आवह इहाँ तुम काज रचावो । जिम आइसु दिहु कर्राह तिम जिस ते जसू पावों। कोध बिरोध न कीजीए हम को लघु जानो । हान लाभ तुम को अहै जस अपजसु सानो ॥ ८ ॥ हम अघ तुम भाता वडे सागरी विधि जानो। चत्र महाँ विवहार महिं सभि ते नहिं छानी । इत्यादिक लिखि सिख पठ्यो जंगल दिशि² जाही। ग्रामनाम कोठा अहै वासहि तिस मांही॥ ९॥ कावरि³ भरि पकवान की संग करे कहारा। गमने ले करि पंथ को गे सलिता पारा। उलंघि बिपासा सत्द्रवा⁴ कोठे कह आए। जिंह प्रिथीआ वैठ्यो सून्यो तिस निकट सिधाए।। १०।। अग्र मिठाई को धरयो पाती कर दीनी। गुरु दिशि ते बंदन करी वह धरी अधीनी। पाती खोल्ही पठी जिब दुख रिदा परोयो। चितवति सभि विधि भयो वड, सूत ब्याह संजोयो ।। ११।। वघति गयो दिन प्रति श्रधिक, नहिं चल्यो उपाऊ। किम गहाइ मरवाइ हों, को घात न पाऊं। इम मन महिं संकट लह्यों पठिकै पुन पाती। उतसव सूनि कै अनुज कौ जन फाटति छाती ॥ १२ ।। मुख ते कहि सिख साथि तबि को हमरो भाई। दुशमन जानित हों महाँ, तिह साँझि न काई। घर दर मेरो लूटि कै पुरि वहिर निकासा। तुहमत लाइ तुफान की सिभ बिखै प्रकाशा ।। १३।। महां कठोर निलाज है, घट कपट बिसाला। मुख ते मीठा उज्जला अंतर ते काला।

^{1.} सब जानते हैं कि आप समझदार हैं। 2. मालवा की ओर। 3. **बहुंगी।** 4. शतद्वु। 5. रचा हैं। 6. भारी लाइन लगाकर।

पाइ पिता की वसतु को बड मालिक होवा। तिसको फल पायो नहीं संकट नहिं जोवा ।। १४।। मेल हमारो रहि चुकयो, नींह बदन मिलै हैं¹। शाह पास गहिवाइ करि अविलोक सुलैहैं। उर गरूर गुरुता लहै नहिं जाने आना²। शाहू दिवान महान सों जिन बाद उठाना ॥ १५॥ कहाँ अलप हम, कहाँ सो जींह बैर लगायो। निज जीवनि नींह चाहतो दिल क्तो बंधायो³। मैं जावों जिव ब्याह मैं चंदू सुनि लै है। करिह वैर मो सों तबिह सिम किछु बिगरै है।। १६।। यांते मैं किम जाइ हौं, पुन दुशमन मेरा। नहिं भ्राता मन जानतो, छल करित बडेरा। लै जावो मिषटान को मैं नांहि न जावौं। जीवति मिलौं न प्रीति किर, छाती तपतावौं ।। १७ ॥ उठहु जाहु मम पास तै नींह विलम लगीजै। अनिक जतन ते नहिं मिलौं अबि जाइ कहीजै। इत्यादिक कहि क्रोध सों सिख दियो उठाई। कावर सभि मिषटान की हिट करि पुरि आई ॥ १८॥ आइ सिक्ख सतिगुरु को वंदन पद कीनी। प्रिथीए की सभि बारता थिति हुइ कहि दीनी। क्रोध विसाल कराल तिसं उर बैर धरंता। चाहति है गहिवाइबो प्रानन को हंता॥१९॥ सुनि श्री अरजन जानि करि तृषिन ही ठानी। बुरा भला किछ् नींह कह्यो भावी असमानी। महांदेव को फर तिव निज निकट बुलायो। बड़े भ्रात बिरतंत को किह सकल सुनायो।। २०॥ तिह सो मेल न बनित है. टूट्यो नीह थोरा। जो चाहति है रिस घरे हिन प्रानिन मोरा। पुशतिन लौ किम मिलहि नींह, ऐसी तिन कीनी। गयो पुकारू फिरि रह्यो रिस तजी न चीनी।। २१।।

^{1.} मुँह नहीं लगेंगे। 2. गुरुआई लेकर मन में अह आ गया है। 3. जाने मन कहाँ बंघा (लीन) हैं।

महांदेव ने सूनि भन्यो क्रोधी सो मानी। उचित रीति तुम ने करी, अनउचित न मानी। हेरि हेरि ऐश्वरज को दुख पाइ घनेरे। समता चाहति किम लहे नींह भाग वडेरे।। २२।। श्री अरजन जी पुन भन्यो सिम मेल वलावें। गोइंदवाल खडूर ते सूनि करि चिल आवै। कावर भरे कहार गिन पठिए पकवाना। लिखी पत्निका सभिनि सो करि प्रेम महाना।। २३।। सरब संगि परवार ले इति दिशि को ग्रावो। हरि गोविंद विवाह लिख निहं देर लगावो। गोइंहजाल पठाइओ सिख दे करि पाती। मिल्यो जाइ करि मोहरी सूनि सीतल छाती।। २४।। सभि कटंब हरखति भयो निज उतसव जाना। तथा जाइ दात् निकट बिरतांत बखाना। सुनित सुधासर को चह्यो करिबे प्रसथाना। त्यार सरव परवार भा करि हरख महाना ॥ २५ ॥ पन अपने सस्रार घर इक मनुज पठावा। मउ¹ सु ग्राम को नाम तिह सुधि सकल सुनावा। किशन चंद² आनंद लहि धनवंती³ दारा। दोहित को उतसव मन्यो, कीनिसि वड त्यारा ॥ २६ ॥ ब्रिंद मसंद हकारि गृरु आइस् फुरमाई। त्यार समिग्ग्री करह सुभ चहिय जु समुदाई। चंदोए4 बह मोल के झालर झमकंती। खीनखाफ⁵ लागहि जरी सुन्दर दुतिवंती।। २७॥ रेशम की डोरें लगी वह वरन बनावी। मखमल ने सभि फरश⁶ कोगन दरव लगावी! कनात बनात की तंब जु बिसाला। चाँदी की चोबैं रचिर कीजैं दरहाला⁷।। २८।। स्यंदन⁸ सकटिन त्यार हुइ जो चहिय करावो। आतशबाजी होहि बहु तिन दरव दिवावो :

^{1.} गुरु अर्जु नदेव जी के ससुराल का गाँव, जो तहसील फलौर में है। 2—3. गुरु अर्जु न के ससुर-सास। 4. खैमे, तंवू। 5. कीमखाब (मूल्यवान वस्त्र)। 6. बिछाई। 7. शीघा। 8 रथादि।

जीन तुरंगिन के नवें लीजिह विड मोले। अलंकार घरिवाइ करि साजह सभि टोले ॥ २६ ॥ नौबत आइस् दइ दिन रैन बजावो। लघ तुती अपर नफीरींआं निज संगि मिलावों। डफ बाजित जुत वंसरी बड घौंस गहीरं। पटह पणव¹ की घुनि उठिह सुनि होविह भीरं।। ३०।। वाजिह ढोल अरु वंसरी दिन प्रति गुरुद्वारे। महाँ कुलाहल होति है सुनि हरखित भारे। ग्रनिक कराहे धरि दए पकवान पकावें। भांति भाँति की स्वादि महिं मेवे सु मिलावैं।। ३१।। खुरमे, अरु बरे दिध लविन रलाए। बडे जलेब जुित इत्यादि बनाए। मेल लग्यो आविन तबै हरखित नरनारी। पहरि बिभूखन बसन शुभ बिड शोभा धारी ॥ ३२ ॥ गुइंदवाल ते मोहिरी इसत्री गन ल्लायो। रिदे अनंद अनंद² मिलि संसराम सु आयो। सुंदर जुति गमने सकल स्यंदन चढि चाले। अरूढे सकट पर शिगार बिसाले।। ३३।। उतरे निकट खडूर मैं दातू घर जाए। करी सेव सिभ भांति की निस तहाँ बिताए। उठे प्रात करिवै गमन रथ सकट सु जोरे। आरूढे बड चौंप जुति चिल गुरु पुरि ओरे।। ३४॥ कुटंब को संग ले दातू भा त्यारी। चिं चिं अपने जानु³ परि गमने हित धारी। दोनहु थल ते चालि करि गुर नगरी अए। कूप शनाने प्रथम पुन अंम्रितसर न्हाए।।३५।। मंदिर सुंदर सिभिनि बंदन को कीनी। करि जसु उचरते परदछना दीनी। सतिगुरु के सदन को गमने समुदाई। मिलि मिलि करति प्रणाम को बहु भनै बडाई ।। ३६ ।।

^{1.} छोटे-बड़े ढोल। 2. बाबा आनंद जी हृदय में आनन्द भर (आए)। 3. यान सवारी।

जथा जोग अरजन गुरु सगरे सनमाने। संदर सदन निवेस दे¹ं वच मधुर वखाने। महाँ देव सों मिले सिभ घरि प्रेम उदारा। करति परसपर बंदना निज कशल उचारा ॥ ३७ ॥ ब्ड्ढा अरु गुरुदास जुत मिलि आनंद पाए। साल्हो आदि मसंद गन सिभ सीस निवाए। जहा कहाँ की संगताँ सुनि सुनि चलिआई। घर्रीहं अकोर² अनेक विधि गृरु निकटि रहाई।। ३८॥ अनगन नर की भीर भी उतसव हुइ भारी। भोजन वनिह त्यार वह जिन स्वाद उदारी। दिनप्रति अधिक अनंद भा को कहै बनाई। हरि गुविंद जी तबि अए निज ग्रीव निवाई।। ३६।। तुरत अंक ले मोहरी निज गरे लगायो। करि दुलार सिर सुंघके देखति हरखायो। मिलि अनंद संसराम जुति दातू भरि अंका। करींह सराहिन रूप को बोलींह सिंह शंका।। ४०।।

इति श्री गुर प्रताप सुरज ग्रंथे चतुरथ रासे 'मेल आवण प्रसंग' बरननं नामः नवमो अंशु ॥ ९॥

^{1.} स्थान दिया । 2. भेंट ।

अंशु १० ह्याह प्रसंग

दोहरा

नारि मोहरी की समुति मिलि गंगा के संग। नेहुं जनावति अधिक ही करि करि हिंदै उमंग॥१॥

पाघड़ी छंद

गन अवला अपर मिलंति संग। सनमानति सभि कहि म्रिदुल गंग। दातू सु त्रिया मिलि अनंद कीनि । हित बैठिन चारु आसिन सुदीन ॥ २ ॥ पुन बुझिन लगी कित हरि गुविंद । दिखरावहु मुहि लालस विलंद । कहि गंग गयो अबि वहिर थान। आए ऐसुने सु जवि प्रीति ठानि॥३॥ हित मिलिन करित बड चाव चीत । तिन निकट होहिंगे धरत प्रीत । इमि कहि सु दास भेज्यो तुरंत। घर विखै आनि मिलिबो चहंति।। ४।। श्री अमर पुत्र के निकट हेरि। लीन सि हकार जो गयह चेर। निज साथ ग्रानि करि घर मझार । सभि त्रियनी हरख सूरित निहारि ॥ ५ ॥ त्रिय मोहरी जु, गहि कंठ लाइ। बहु चीत प्रीत गोद सु बिठाइ। सिर हाथ फेरि मुख हेरि हेरि। करती दुलार बहु फेर फेर।। ६।। श्री हरि गुविद कर बंदि बंदि । सभिहूनि वंदना करि अनंद । सगरीनि¹ गोद लेकरि दुलार। चिर जीव आशिखा देति प्यार॥७॥ नर नारि मेलि होय्हु बिसाल। करि जया जोग सेवा संभालि। अनंद ॥ ५ ॥ दिन प्रति उछाह बधतो विलंद। जनु मीन होति सागर इम बसे जामनी जिब बिताइ। सर मज्जति संदिर दरस जाइ। श्री अरजन को ससुरार जोइ। गुर पुरी अयो पिखि हरख सोइ॥९॥ तव किशन चंद सुनिओ अवति 2 । उठि आगे श्री अरजन तुरंत। लखि जगत रीति वंदन सु कीनि। आसिन बिठाइ सनमान दीनि।। १०।।

^{1.} सबने हा। 2. आते हुए सुना।

श्री हरिगुविंद सुनि आइ धाइ। करि नमो तुरत नाते सु पाइ। धनवती सासु गुर की सुनीति। मिल सुता संगि धरि प्रीति चीति।। ११।। नर नारि अपर परवार केरि। मिलि मिलि अनंद सुख हेरि हेरि। कीनसि निवेस सुन्दर अवास। तिव मात मात के आइ पासि।। १२।। मिलि हरि गुविंद वंदन सु कीनि । घरि हरख उर आशिख सु दीनि । गन मेलि परसपर मिलहि चाइ। कौतक हुवंति शुभ थाइं थाईं।। १३।। संगति मसंद अरू मेलि आइ। बहु भई भीर वाजति वघाइ। इम कितिक द्योस बीते मिलति। सभि करी त्यार वसतू तुरंत।। १४।। मंगत्राइ सरब को गुर निहार। तैंबू कतात कीने उदार। रथ बहिल साजि सुन्दर शिंगारि । जिनि लगे घुंघरू वजित चारु ।। १५ ॥ श्री हरि गुविंद चौकी विठाइ। त्रिय मिलि सुहाग न गीति गाइ। मरदन करंत बटणा¹ मु अंग। सभि विखे अधिक आनंद गंग।। १६।। विलहार हेति पिखि सुत सरूप। दिन प्रति उदोति सुन्दर अनूप। कर वंधि कंगणा सगुन संगि। पट पीत पहिर करि सरव अगु।। १७ः। कुल रीति करी जेतिक बताइ। दिन चढिन वरात समीप आइ। श्री अरजन त्यारी सिम कराइ। जनु कर्रीह शीन्नता लें बनाइ॥ १८॥

दोहरा

जेवर जरे जराइ जे जबर जवाहर जोति । जाँबूनद² दमकति महिद, पहिरे शोभ उदोति ।। १९ ।।

पाधडी छंद

श्री हिरगुविद तन करि शिगार। सिभ वसत्र विभूखन चारु डारि। सिर पेच सीस पर अति सुहाइ। जिस पर जिगा सु हीरे जराइ॥ २०॥ कलगी उतंग जिह जगित जोति। मुख मंडल शुभित अनंद होति। कुंडल सु डोलि गोलें कपोल । शोभित अमोल जिव होत लोलि ॥ २१॥ मुकता सु माल गर मैं विसाल। भुजदंडिन अंगद दुति उजाल। हाटक जड़ाव कर कटक पाइ । छिव छाप छलायिन स्वछ छाइ॥ २२॥ कर बंछ्यो कगणा शोभ देति। पट पीत पहिर दुति परम लेति। झूलयंति छतर फिर फिराइ। हुरियंति चौर चारू सुहाइ॥ २३॥

^{1.} हल्दी आटा आदि का लेप। 2 स्वर्ण। 3 पगड़ी। 4. पगड़ी पर लगाने का आभूषण। 5. गालों पर सुन्दर गोल बालियां लटकती है। 6. जब हिलते है। 7. स्वर्ण के जुड़ाऊ कड़े हाथों में डाले हैं।

नबिगई गंग ले गुरु सथान। इसत्री समूह मिलि करति गान। तिब हने डंक घौंसा घुँकार। डफ पणाव पटहु धुनि भी उदार।। २४।। तुररी नफीर छैणे बजंति। गन ढोल बंसरी धुनि उठंति। •गन थार भरे मोदक बिलंद। थिर पौर दरशनी हाथ बंदि।।२५।[।] पुन ग्रग्ग्र जाइ दरवार द्वार। करि नमो तहां बिनती उचारि। इह दास आपको व्याह जाहि। तुम हुइ सहाइ दिहु विघन दाहि।। २६।। सभ थान करो कल्याण नाथ। निस दयोस दास के होइ साथ। मुख संगि व्याह के सदन आइ। तुम ढिग कराह बहु तिब चढ़ाइ।। २७।। हम पुत्र श्रेय हित गंग भाखि। गूरु दासनि की पुरवित भिलाखे। पुन दीनि प्रदच्छन चार बारि। चहूं ओर निम्न ह्वे भाउ घारि।। २८ 🕌 सितगुरु मनाइ ले तनुज सिग । हित ब्राति चढाविन गमिन गंग। पुरि वहिर जाह गन संग नारि। बादत बजंत धृनि एक सार॥ २९॥ वाहन अनेक निकसंति चारु। स्यंदन सुरंग जर सो उछार 2 । किसहू तुरंग किस ब्रिखभ जोरि³। जिय केर पुषट तन महिद जोरि।। ३०।। ठणंक, घुंघर झणंक। प्रेरक सबिद्य तोरति निशंक⁴। बहु बहिल वेग ते चिल बिलंद। सुन्दर शिगार पिखि दे अनंद।। ३१।। निकसे कितेक चढिकरि तुरंग। जो चलति चाल बड बेग संगि। अलंकार पहिरे नवीन ।। ३२ ।। बह हेम रजति जुत सजति जीन । पट चिंढ छैल 5 कुदावित चलित गैलि । पुरि तिज बरात गई विहर फैलि । श्री अरजन तबि दरवार जाड । पित ध्यान धारि करि सिर निवाइ ॥ ३३ ॥ ले ब्रिद्ध संगि गुरदास आनि । अरु महांदेव बड भ्रात जानि । स्यंदन चढाइ सनमान कीनि। पुन दात् मुहरी बोलि लीनि।। ३४।। जुत अनंद भ्रात संसराम जोइ। बच म्निद्ल सुनति रथ चढति सोइ। पुन किशन चंद नंदन समेत । हुइ करि अरूढ बड शोभ देति ।। ३५ ।। जेठा पिराण अरु बिधियचंद**। च**ढिकरि सु लंग⁶ पैंड़ा बिलद। गन भल्ले तेहण सहत दास । गुरु सिक्ख चले घरि कै हुलास ।। ३६ ।। सगरे मसंद लहि लहि अनंद। सभि चढे जानु पिखि पिखि मुछंद। साल्हो अरूढ़ि करि सू चालि। अरु उमर शाहु कल्ल्यान लाल।। ३७।।

^{1.} अभिलाषा पूर्ण करो । 2. जरी के आवरणों सिंहत । 3. किसी को घोड़ा और किसी को बैल जुते थे । 4 रथवाही विद्यवान् उन्हें नि:शंक चलाते हैं । 5. बांके जवान । 6. पूरा नाम-लंगाहा ।

मोरिन मिनद घोरिन चलाइ। जुत वसन विभूखन दुति बढाइ। अरु और नाम गिनीर्आह कितेक । चाले वराति साऊ¹ अनेक ॥ ३८ ॥ श्री अरजन सिवका² पर अरूढि। जिह जरी लागि दुति है अगूढ। बिच मुकर जरे मलहीन चारु। लटकंति जरी गुंफनि सु लारु³।। ३९ ।। श्री हरिगुर्विद पट पीत शोभ । चढ़ि हैं कुदाइ किव चित्तलोभ । जनु सझ समै घन अलप होइ। वर वर्राह⁴ नचावति चलति सोइ॥ ४०॥ इक दिशा बजति वाजे उदार। इक दिशा गीत गन गाइं नारि। छणकार रथनि उत अधिक होइ। इक दिशा कुदावित हयनि कोइ॥ ४१॥ वड शबद चक्करनि 5 भरी भीर। नर ब्रिंद कुलाहल अधिक भीर। हुइ हयनि हिरेखा धुनि उठंति। शूतरंनि उपर सुथरी वर्जाति⁶।। ४२॥ कुछ कही बात निंहं सुनिय जाइ। इम पणव पटह ढोलादि वाइ। गुर पुरी छोटि उतसव विसाल । जनु विच न मेय वाहर उछालि ॥ ४३ ॥ गमने सु पंथ दिन रहित जाम । जुग कोस जाइ ठान्यो विस्नाम । चिल प्रथम सिवर किय थोरि दूरि। उतरी बरात शोमंति रूर ॥ ४४॥ गन त्रीय संग ले गंग आइ। निज सदन प्रवेशति रुचिर गाइ। सुख चहति पुत्र मिंह अधिक प्यारि । विछर्यो सु प्रथम जिस नित निहार ॥ ४५ ॥ सुत सहत सनुखा पिखिव फोरि। उर सिमरि सिमरि कहि बेरि वेरि। गुरु किपा पाइ आविह अनंद। सभि त्रीय कहित 'तुव नंद चंद'।। ४६॥

इति श्री गुर प्रताप सूरज ग्रंथे चतुरथ रासे 'ब्याह प्रसंग' बरननं नामु दशमो अंशु ।। १० ॥

भले-उत्तम लोग । 2. पालकी । 3. जरीदरी लिड़याँ । 4. सुन्दर मोर ।
 पिहिये । 6. ऊँटों पर नगाड़े बज रहे थे ।

अंश् १९ विआह प्रसंग

दोहरा

खान पान उत्तम कर्यो निसा विखे परि सोइ। श्री सतिगुरु अरजन निकटि हरि गुविद तिब होइ ॥ १ ॥

पाधड़ी छंद

जिब रही जामनी आनि जाम । सिमरिन छगे सु करतार नाम । रागी रवाव सु भ्रिदंग संगि। इनको बजाइ गावति उतंग॥२॥ श्रुति सुखद गाइं गुर शबद राग¹। सिख सुनित प्रेम करि महिद भाग। इशनान आदि सभि सौचि कीनि। नर उठे सकल मित नाम भीनि॥ ३॥ धंन धंन सतिगुरू भनति बैन । सतिनाम श्रोनि सुनि होति चैन । पुनि बजे बाज पिखि प्रातकाल । सभि थिए त्यारि उर मुद बिसाल ॥ ४ ॥ असवारु भए सभि सजति जानु²। बड उठयो शबद नहिं सुनिय कान। दिन चढे चलति हिम रुत महान । निहं लगिह सीत हुइ तेज भानु ॥ ५ ॥ बादित बजंति, चालति उताल। स्यंदन तुरंग अरु बहिल जाल³। बड धूलि उठित वाहन चलंति। गन शुतर गमनि भारिन उठिति ॥ ६।। गन आइ जु मंगति पंथ बीच। सिम लहैं दरव हुइ ऊचि नीच। जसु भनित ग्राम जे राह मांहि। ढिग शाइ जाचि हिट छूछ नांहि।। ७॥ जनु धनु गन घन बरखंति जाति । इम देति गुरू अरजन सु दाति । चिल सने सने पहुंचे खडूर। तिब आइ दातु गुरु के हदूर।। ८।। बच कह्यो करहु डेरा सथात । मैं चहीं दियो सिम खान पान । पुरि गोंदवाल जे चहहु जानि। सभि होहि श्रमित वड खेद मानि।। ६।। हित ब्याह आवनो नित न होइ। पहुनःई प्रिय मुफ्त अधिक जोइ। इम दातू ते सुनि श्रौन बात । श्रो अरजन उलंघनि नहिं चहाति ॥ १० ॥

कानों को सुख देने वाले गुरुवाणी के 'शब्दों को राग में गाएं। सभी । 4. मेहमानी, आर्तिध्य । 3

कहि करि निदेश कीनसि निवेस । सभि परे उतर करि मुद विशेष । श्री हरि गुविंद को संग छीनि । गुर अंगद थल चिंह दरस कीनि ।। ११ ।। धन पंच सहस गिन लीनि साथ। परसादि थारि भरि घरहि हाथि। श्री अरजन गमने अनंद धारि। चिल पहुंचित भे दरवार द्वारि॥ १२॥ अरदास खरे $\bar{\mathbf{g}}$ करि करा \mathbf{g}^1 । बहु नमो कीनि धरि सिर निदाइ । परदछन² दीनि पुषपनि चढाइ। उरमाउ धारि धूपनि धुखाइ³॥ १३॥ जिंव रह्यो दिवस घटिका सुचार । गुरु सभा लाइ दरवार द्वार । सुनि चौकी सोदर संझि आइ। तिब विच निवेस प्रविशे सु आइ।। १४।। सिभ खानपान की सेव जोइ। हित लाइ सु दातू कीनि सोइ। सुख के समेत जामनि विताइ। उठ सीच किआ कीनिसि नहाइ।। १५।। चिढिकै बरात गमनी सु राहु। जिस विखे छैल करते उभाहु। त्रै कोस हुती गोइंदवाल। तिंह गए जाइ पहुंचे उताल।। १६।। सभि उतर बावली करि शनान । करि नमो जहां श्री ग्रमरथान 4। पुन मिले जाइ मोहन सु पास। कर बंदि वंदना कीनि तासि।। १७।। श्री हरिग्विंद सिरचरन धारि। बिलहार हेति तन दुति निहारि। लिह सोढि वंस विडिता विलंद। जिन शुभित रूप जनु उदय चंद।। १८।। जिन अंक लीनि धारति द्लारि । पिखि वधो प्रीति लागंति प्यार । अस कौन पुरख देखे सरूप। निह करिह प्रेम अस लिह अनुप।। १९।। पुन ग्रिंथकरिन की बाति कीनि। श्री अरजन सुधि सभि उचरि दीनि। इह किपा आपकी भी विसाल। नर मंद मित किल काल जाल।। २०।। इसके अलंब होद सि उधार। उपकार सहां जग पर तुमार। सुनि मोहन कहित सचरो विचार। मम पिता करिन लागे उचार॥ २१॥ नींह लिखनहार ढिग उर विचारि । संसराम पुत्र मेरो हकार। इसको सिखाइ दिन थोर माँहि। तिव लिखिन लगायसि शब्द ताँहि॥ २२॥ सिभ गुरिन केरि वानी महान। करि खोजि रोज लिखि करि सुजान। सिभ शबद सकल पोथी सुकीनि। इह पिता मोहि उपकार चीन।। २३।। देवलोक पहुंचे क्रिपाल। तबि संसराम राखी संभालि। तुम करी जाचना बहुर आइ। हम दई तवहि सुत ते मगाई।। २४।। श्री अरजन, कहि अबि चलहु संग । निज सेवक व्याहिन को उमंग । तुमं बडे सदा हमरे अलंब। निज शरिन हेरि हित दुख कुटंब।। २५ ।

स्वयं खड़े रहकर अरदास कराई । 2. परिक्रमा । 3. धूप-बाती जलाई ।
 गुरु अमरदास जी का स्थान ।

सुनि मोहन उतर बहुर दीनि। सिभ कुटंब संग हमरो सु लीनि। नित मोहि भावतो रहि इकंत ॥ २६ ॥ हम सदा साथ तुमरे रहंति। स्नि किया भरे मातूल सुबैन। करि नमौ उठे पुन तांहि ऐन। बादित बर्ज़ित गमने अगारि।। २७॥ उलंघी बरात सलिता सुपार। हुइ नदी पारि प्रसथान कीति। श्री हरि गुविंद निज संग लीनि। धन देति जाचतो जौन आइ।। २८।। स्लतानपुरे पहुंचे सु जाइ। उतरे सम्ह पिखि थान वेश¹। श्री गुरु निदेश लेकरि निवेस। लिंग खानपान सभि थाइंथाइं।। २६।। स्यंदन तुरंग दीनिसि लगाइ²। श्री हरि गुर्विद निज संग लीनि । गुरु नानक थल तिन दरस कीनि । जिंह लगी दंताधाविन³ सु बेरि । तींहं घरी भेटि कर जोरि हेरि ।। ३० ॥ पुनि करी कार मोदी दुकान। तिस दरस कीनि निज जोरि पान। निज संग संगतां सिख महान । तिन सौ प्रसंग करते बखान ।। ३१ ।। दिन तीन रहि सु वेई मझार्य। पुन निकसि लुटाइ वसतू उदार। बहु देश विदेशनि फिरि विशेष । बिसतार दीनि सिक्खी सु वेष ॥ ३२ ॥ कीनिस प्रकाश जिम चढित सूर। कलिकाल घोर अंधेर भूर। इम कहित दरस करि सकल थान । पुन वसे निसा निज सिवर आनि ।। ३३ ॥ करि खानपान मिषटान आदि । नर भए सुपति परि साहिलाद⁵ । पहिरे सु बिभूखन बसन चारु।। ३४॥ उठि के प्रभाति सभि हरख धारि। वाहिन सजाइ निज निज बडेर। हुइ है ढुकाउ मुख कहित टेरि। सिभ चढे बजित बाजे उदात । तुररी नफीर घौंसा घुंकार ॥ ३४ ॥ डफ, पणव, पटह, ⁷ मुरली बर्जति । बड शुतरिन पसि सुथरी⁸ चलंति । स्यंदिन धवाइ घोरिन कुदाइ। बहिलिन चलाइ घुंघरू बजाइ।। ३६॥ इम मच्यो कुलाहल धुनि बिलंद। गमनें सु पंथ घरि घरि अनंद। तिब गए सरब पहुँचे सु जाइ। अध गोस ग्राम डल्ला रहाइ॥ ३७॥ तिह उतर परेसिभ जानु छोरु। सुधि गई⁹ तबहि डल्ले सुओरि। सुनि श्रुति नराइण दास सोई। सिभ करी त्यारि हित पठिन जोइ।। ३८॥ पकवान अधिक मिषटान लीनि । भरि कावर जेतिक खरच चीनि । सिंज वाहन अपने हुइ सचेत । चिंढ़ चले अगाऊ लैंनि हेति ॥ ३९॥

^{1.} सुन्दर, बढ़िया । 2. स्थान-स्थान पर बाँघ दिये । 3. दातून । 4. बेइं नदी में तीन दिन तक रहने की चर्चा। 5. आह्लाद सहित। 6. पहुँच रही है। 7. ढोल। 8. नगाड़ा । 9. सूचना गई ।

अगवान आइ अविलोक ब्रिट। तिव हने डंक वादित विलंद। छूटे निशान अगवानि जाति। जिन जरी लागि वहु रंग भांति॥ ४०॥ दुर्हि दिशिनि मेल इस रीति कीनि । जनु धोखि घोचि घन मिलति पीने। वाहिनि² मजाइ वाहन³ उठाइ। मिलि आप मांहि आनंद उपाइ।। ४१।। जनु नदी हरख की उमिंड दोइ। हुइ संगम अग उमंग जोइ। गन वसतु अग्प्र गुरु के टिकाइ। सिभ परे पांइ चित चाइ चाइ॥ ४२॥ बहु बिनै भनी सभि हाथ वंदि । हम अलप, लघू, तुम बिड विलंद । निज दास जानि पति लेहु राखि । दे दरस करी पूरन भिलाख⁴ ॥ ४३ ॥ सनमान जानि गुरु तिनहुं केरि । पकवान लीनि दिय वाटि फेरि । सिभ जथा जोग करि तिनहुं साथ । करिवे ढुकाउ पुन चहित नाथ ।। ४४ ॥ इकि महांदेव को दरब दीनि। गुरुदास ब्रिद्ध, दोनो सु लीनि। पुन किशन चंद थाती सुधारि। बरखावत⁵ गमनहु गुरु उचारि॥ ४५॥ तिव चले ग्राम के समुख होइ। नर मिले हजारों दिसिन दोइ। गन वजित वाज भई धूम धाम । वड उठी धूलि लिय छादि ग्राम ॥ ४६ ।। घन को ब्रखाइ घन मनहुं चारु। बड भयो शोर इक वारि झारि। चिं के उतंग नर नारि हेरि। किंह बच 'बरात आइ बडेरि'॥ ४७॥ शुभ थान दीनि डेरो लगाइ। करि रंक त्रिपत, **धन** को ब्रखाइ। तंबू शम्यान दीने सु तानि। बड जै उतंग बहु शोभ वान ॥ ४८॥ दोहरा

बीच चंदोआ चानणी ताने रेशम डोर। लगी कनात बनात की चहुं गिरदे दुति बोर⁶।। ४९।। श्री अरजन निज तनुज जुति बैठे ब्रिंद मझार। मनहुं सुधरमा शोभती बसन बिभूखन चार।। ५०।।

इति श्री गुर प्रताप सूरज ग्रंथे चतुरथ रासे 'बिआह प्रसंग' बरननं नाम इका-दशमो अंशु ।। ११ ।।

^{1.} जैसे तीखे बादल गरज गरज कर मिलने हैं। 2. वाहन, घोड़े ब्रादि। 3. भुजाएँ। 4. अभिलाषा। 5. बरसाते हुए, न्यौछावर में धन फेंकते हुए। 6. शोभा में डूबी।

अंशु ११

ब्याह प्रसंग

दोहरा

श्री अरजन के साथ तिब मिलिन हेतु हितु धारि । त्यार नराइणदास भा गन वसतुनि संभारि ॥ १ ॥

चौपई

जरे जीन बाजी चपलावित¹। गरे विभूखन शोभ बढावित। रेशमी छादनि कीने। गहे लगाम न थिरता लीने॥ २॥ बहुमोले ललित दुकूल। श्री सितगुरु के हुइ अनुकूल। ऊपर धरि करि गन दीनारु। ले करि संग नरिन परवारु।। ३।। सिहत समुदाऊ। चल्यो नराइणदास अगाऊ। सखा श्री अरजन सनमुख तिह समो। आइ मिल्यो करिबे चहि नमो।। ४॥ हुतो परोहित तिह समुझाइव। भुजा पसारि मिलहु गर लाइव। कैसे स् हवंते ॥ ५॥ सम समधी इस समै बनंते। राउ रंक लोकिक बैदक रीति जु दोऊ। व्याह आदि महिं करि सिभ कोऊ। लाज छोरि करीअहि बिवहारे। समधी सीं मिलि भुजा पसारे।। ६॥ नराइणदास बखाना। मैं कैसे करि इनहुं समाना। सुनति लोक प्रलोक सहाइक स्वामी। तीन भवनि पति अतरिजामी।। ७।। दास को दासा। किम समता करिहौं, हुइ हासा²। दास इम किह करी अकोर अगारी। पर्यो चरन पर निरहंकारी।। ८।। पकरि उठाइ लियो गर लाऊ। श्री अरजन समधी लखि भाऊ। जथा जोग करि लौकिक रीति। सनमान्यो सभि महि लखि प्रीति।। ९।। हेरि हेरि सिख सिभ बिसमाविह । धंन नराइणदास अलावहि । आदर अधिक गुरु किय जांही। लग्यो गरे, इह समकों नांही।। १०।।

^{1.} चंचल, चपला के समान । 2. मज़ाक होगा।

इम मिलिनी 1 करि घरौं सिधारा । श्री गुरु जनवासे 2 पग धारा । लावां 3 लेनि समै तबि आयहु। धेनु धूलि पावनि दरसायहु 4 ।। ११।। दिजगन प्रेर्यो बैठे पास। भेज्यो मनुज नराइण दास। लावां हित करीअहि आगवनू। मैं त्यारी जुति इसथित भवनू।। १२।। जिब जनवासु विखं सुधि आई। हने डंक सिभ बाज बजाई। लघु दुंदभि विडि घौंस घुंकारी। तुररी, मुरलि, नफीर संभारी॥ १३॥ पटह पणव वड ढोल वजाए। सुनति उठे ततछिन समुदाए। दूलह श्री हरिगोबिंद चंद। गुरु नंदन सुन्दर सुखकंद॥१४॥ महांदेव, ब्रिध अरु गुरुदास। उमर शाहु, साल्हो गुरुपास। ले गमने सभिहिनि को संग। हित^{्र}लावां के चले उमंग।। १५।। वादित बाजित जाति अगारी। कीरित भाट नकीव⁵ उचारी। आतपत्र⁶ दूलहु पर फिरिही। चमर चारु सितगुरु पर ढुरही।। १६।। महिद कुलाहल सभि महि होवा। त्रिय गन चाहित दूलहु जोवा। सुनि वादित की धुनि इक बारी। विश्वम भयो सिभिनि मन नारी।। १७॥ तजी कार घर की उठि धाई। छुद्र घंटिका⁸ ले गरि पाई। अंजन अंज कपोलिन लायो। कंठहार कट सों लपटायो⁹।। १८।। करित शीन्नता चढ़ी ग्रटारी। खरी सु दूलहु बदन निहारी। बादित धुनि वड छुटी हवाई¹⁰। चढी गगन पुन हटि करि आई।। १९।। तारे ट्टित चमकंते। भयो प्रकाश अकाश दिखंते। छुटित बरूद भरे गंज घोरे। इत उत जरित वेग ते दौरे।। २०।। झार छूटति फुलवा \S^{11} । देखति लोक हसति हरखा \S । देवनी दारुन¹² वने। छूटति बिलोकत मानव घने।। २१।। देव अधिकक्लाहरु हरखित होवा। जरैं मताबी अदभुत जोवा। भयो प्रकाश समिनि महिं ऐसे। बिना तेज ते बासुर जैसे।। २२।।

^{1.} मिलनी इस रीति में समधी परस्पर मिलते हैं और वधु पक्ष के नाते वाले वर-पक्ष के नातेदारों को धन, वस्त्र आदि भेंट भी देते हैं। 2 जहाँ बारात को ठहराया जाता है। 3. फेरे। 4. गोधूलि का पावन (समय) देखा। 5. चौबदार। 6. छत्र। 7. घबराहट (अतीव प्रसन्नता की) 8. करधनी। 9. अंजन कपोलों पर लगाया एवं कठहार किट से लिपटा लिया। 10. आतिशवाजी। 11. चादरें, झाड़ और फुलझड़ियाँ छूटती हैं। 12. बारूद के।

मताबी पाइ बहाना। गुरु प्रकाश दिखाइ महाना। बिसमै नरु नारी। अस प्रकाश नहिं कबहं निहारी।। २३।। देखि भए तिस प्रकाश महिं दूलहं देखें। बारि बारि बलिहार विशेखे। कोठिन चढी निहारिहिं दारा। श्री अरजन को करिहं जुहारा।। २४।। सनै सनै देखति दिखरावति । समधी सदन सतिगुरू जावति । श्री हरिगोबिद। गए ससूर के सदन अनंद।। २५।। पर आइ नराइण दास अगारे। लेति प्रवेश्यो अंतरि द्वारे। जिंह वेदी सुन्दर रिच राखी। गन वंधुपिथित देखिन कांखी ।। २६ .। खरो हेरि श्री गुरु अगवान्। सभि आगै दूलह दूति रवन् 2 । सगरे करे बिठाविन । चहदिश वेदी के थल पावन ।। २७ ।। बिप्प्र उचार करिन तिब लागे। पूजित नवग्रैह गणपित आगे। बीच हतासन कीनि प्रकाशनि । पावति सरनी करति उपासनि ।। २८ ।। त्तिब दूलहन ढिग आनि बिठाई। जथाजोग सिभ विधि करवाई। बरबर³ सगफोरि करि फोरे। पाणग्रहण कीनिस तिस वेरे।। २९।। मिलि सरवध करे छल बेसा। आनि प्रवेशी रूप स् वेसा। रिल नारिनि मैं गीतिनि गावें। सितग्र मंगल अधिक वधावें।। ३०॥ करति अपनि पौ सफल बिसाला। गरु को दरसिंह अनंद उछाला। नराइणदास सुजानी। बिन जाने सगरी सनमानी।। ३१।। बिखे सकेला। तिन मैं ते जानसि हित मेला⁴। ब्रिंदमेल घर सुरनर बेस घारि समुदाए। मिले आनि बहु सेव कमाए।। ३२।। जथा जोग श्री अरजन तहां। दियो दरव हरखे जींह कहां। बिप्प्र प्रसंसति धन हित चाऊ। कितिक सराहिह घरि घरि भाऊ।। ३३।। साखोचार⁵ उचारिन कीनिसि । सुन्यो सिभनि पुनि धन गनदीनिस । इम लावां ले छरि जस् साजा। बीच बेदिका उठ्यो समाजा।। ३४।। अरजन गमने जनवासे। छुटति मताबी होति प्रकाशे। अगारी। बाजे वर्जीह उठित धुनि भारी।। ३४।। ब्रिंद मसालैं ज्वलति जनवास मझारे। हित अहार गुरु बहुर हकारे⁶। आइ थिरे सकल बराति जाति हरखंती। आतशवाजी ब्रिंद छुटंती॥ ३६॥

इच्छुक । 2, सुन्दर द्युतिवाला । 3. सुन्दर दूल्हा । 4. उनको भी जाने-अनजाने मित्रों-सम्विन्धयों में से ही समझा । 5. गोत्रोच्चार । 6. भोजनार्थ पुन: बुलावा भ्राया ।

सुन्दर मंदिर अंदर सारे। सादर किह किह पंति बिठारे।
पुन चौकी पर आसन डासा । सितगुरु थिरे विसाल प्रकाशा ॥ ३७॥
परसिन हारि आइ समुदाए। धरे थार सिभके अगुवाए।
मोदक, खुरमे नुगदी घनी। घेवर ित्रितिसिता बहुसनी ॥ ३०॥
स्वादिल महाँ अंग्निति दीनि। मेवे ब्रिंद मिलौनी कीनि।
तुरत परोस्यो चतुरिन चारु। खानि लगे बहु स्वादि अहारू॥ ३६॥
गारि गेरि गीतिन को गाव । सुन्दर रीतिन सिभिन सुनाव ।
बैठि झरोखिन किह किह नामू। मिली मनोहर त्रिय अभिरामू ॥ ४०॥
सुनित मुदित गुरु सहत समाजा। समें उछाह विसाल विराजा।
सुनि सुनि पिखि पिखि दुह दिश हरखिंह। मनहुं अनंद उनव किर वरखिंह ॥ ४१॥
इम अहार को अचविन कीनि। उठी वराति लागि घन दीनि।
पाइ उिछसट विखै वहु दरवा। खान पान किर गमने सरवा॥ ४२॥

दोहरा

जनवासे महिं जाइ गुरु, सुपते निज निज थान । अति अनंद उर पाइ कर सकल बरात सु जान ॥ ४३॥

इति श्री गुर प्रताप सूरज ग्रंथे चतुरथ रासे 'ब्याह प्रसंग वरननं नाम द्वादशमो अंशु ॥ १२ ॥

^{1.} बिछाया । 2. गुरु जी बैठे, स्थित हुए । 3. भोजन पिरसने वाले । 4. बूँदी । 5. गाली-युक्त गीत गाने लगीं । 6. मानो आनन्द (की घटाएं) उमड़ कर बरस पड़ी हों । 7. जूठन ।

अंशु १२ ह्याह प्रसंग

दोहरा

सुख सों बीती जामनी जाम रही जिंव आइ। गावित आसा वार जुत रागिन के समुदाइ।। १।।

हाकल छंद

एकल थाने। ਕੈਨੇ पून उठि कर सौचि शनाने। गर लिवलाई। मन थिर्यो समाधि लगाई । २।। विखे निज गइऊ। सभि सौचा चारी भइऊ¹। हइ तिब प्रातकाल श्री हरगोविंदे ।। ३ ।। वाज विलंदे। तबि उठि वादित गन शनान महाना। तन वसन्न पहिर दुति नाना। करि सीच संगति बहु छिब पायो ।। ४।। दिवान लगायो। सिख चढें दिन मझारे। गन घनी तहां परवारे। ब्रिंद मसंद थित गुरूदास् । कल्ल्यान आदि सभि पास् ॥ ५॥ अरु व्रिध सालो बूझित भाखित घीरा। तीरा। जिम महांदेव गुरू थित मझारी । सिख संगति वसहि सु सारी ।। ६ ॥ ग्राम तिब डल्ले धारी। अपर उपाइन ले गुर कारी। करि इकठी हइ भाउ दरस को आए। जो सिक्ख कदीमी गाए।। ७॥ घरि रहे ज्तीरा। अमर सघीरा। हित सेवा गरू अंगद घारी ॥ ८॥ बंदति वंदन अगारी। करि अकोर घरी गन विवेका। रिदै विसाल शरधावान अनेका। जिन सिख हरख महाने ॥ ९॥ बंठे सनमाने। ढिग जानि गृरु अस गुनी गहीरा। भए प्रथम सिख धीरा। सो बूझे 2 उचारो ॥ १०॥ प्यारो। सो हमरे पास भयो महद गृह गन नाथा³। सिक्ख्यिन जोरे हाथा। इस ग्राम दास सूनि भरपूरा ॥ ११ ॥ लालो, भाईँ घीरा। गुन सिक्खी के भा

^{1.} शौच-स्नानादि आचरण वाले बने । 2 उनके सम्बन्ध में पूछा (गुरु जी ने) ।

^{3.} स्वामिन् ! इस गाँव में आपके अनेक दास हैं।

जो रावरि बखिशश कीनी। सिख बहिलो हित करि लीनी। श्री सभि सोई। ढिग लालो के दई जोई॥ १२॥ अमरदास सिक्ख अपर गन होए। जोगि निवे ते वह जोए। अस भयो इक सु भाई पारो। गुरु अमर केरि वह प्यारो।। १३॥ तिस अधिक प्रसंने। गृरु भाणा जिन मन मंने। ऊपर ग्यान महिद गंभीरं। नित निशचल मन, उर धीरं।। १४॥ उर तिस देविन लागे। निहं मानी मन बडभागे। गुरुत्ता कर जोरति बिनै बखाने। हम सिक्खी महिं मन माने।। १५॥ इहतुम को ही बनि आवै। हम सेवक सेव कमावै। सुनि अमरदास गर भाखा। जै तेरी अस अभिलाखा।। १६।। तौ तनु को त्याग समावो। गुर बिखै एकता पावो। इम आग्या सुनि घर आयो। ततिछिन तन् तज्यो समायो।। १७।। वडवा चपल बली है। जिह सम निह और, भली है। सो असर गुरू ढिंग भेजी। नहिं अपर चढिन दे तेजी।। १८॥ पिखी अपने ढिग रिख लीनी। गुरू रामदास को दीनी। श्री अंम्रितसर के थाना । तिस चढिकै कीन्स प्याना ॥ १९॥

दोहरा

सो भाई पारो भयो वडो नाराइण दास। जिस की तनुजा निज तनुज व्याही धरे हुलास ।। २०॥

हाकल छंद

अबि सभि सिक्खनि की बिनती। जिम आए मिलि करि गिनती। सो स्नीअहि करि निरधारा। इति आवन भयो तुमारा॥ २१ ॥ चिन्ह इथाईं। सिख हेरै सीस निवाई। की जिंह কুত श्री अरजन सुनति प्रसंने। गुरु सिक्ख्यिन महिमा धंने।। २२।। वचन मानिबो धारा¹। पर उपकारा। हम चाहति जिब जाम रहे दिन आई। तिब करें जि तुमहु अलाई।। २३।। पंगति। कह्यो गुरू अरु संगति। जींह नरिन हजारहुं गमने नमह करंते। शरधा उर भाउ धरंते॥ २४॥ गन मंगति जन तबि आए। बहु ग्रामनि भे इक थाएं। गुरु साचे ॥ २५॥ विखे जस जाचे²। तस देति तुरत तिस काल

^{1.} धारण किया है। 2. जैसी याचना की।

गन ढाढी. भाट. कलावति। बह ड्म, बिप्प्र धन् पावति । देति असीसा। गुर नंद जिवह जग बीसा ॥ २८ ॥ रंकिन गत को धन दीना। जस करति जाति सभि लीना । देति ढर्यो दिन जाए। हित असन¹ हकारनि आए ॥ २७ ॥ सभिनि अगारी। पून चली बराति पिछारी। दलह दासै। बडि पास ।। २८॥ घर ग्रा धमधाम चहं नराइन हरि सृहंता। सिर ऊपरि गोविद रूप झलंता । छतर अरजन पर दतिवार²। करि गृह द्रावतिचारू ॥ २९ ॥ चमर सभि नर सिभ बरात विभखन आछे। बसन में काछे। तिब अंदर गमने। करि पंकति मंदर ਕੈਨੇ रवने ।। ३० ॥ तिब अए परोसनिहारे। जल ले करि हाथ पखारे। सभि केरि स्वादलि अगारी थारा। बह पाइ अहारा ॥ ३१ ॥ जो सपति बिधिनि पकवाना । बिच मेवे मिले महाना । दधि संग मसाले। गन बरे पकौरे बिसाल डाले ॥ ३२ ॥ सभि सराहे। अचते साद पुन सखम चाहे। चावर जगरीतनि के तिब ल्याए। इक मधुर, सलवन मिलाए।। ३३।। बहसावग4, गरी, बदामं। किय चत्रित अति अभिरामं। पिखि नारी। गन बैठी नागरि भखन शिगारी ॥ ३४ ॥ वसन' कोकल गावैं। द्रिग कल कंठी खंजन अंज नचावैं । अभिराम्। दें गारी ले नर बरात करि नाम ॥ ३५॥ रिदै सिभ अनंद वधावैं। हैं गारि तऊ भावैं। मन रंग समै तिस होवा। मुदं करहिं परसपर जोवा ॥ ३६ ॥ अचि सनै सनै अस असना⁶। मुसकाइ दिपै दूति बसना । कै तबि बिरमाए। नहिं उठिन किसू मिन भाए।।३७।। पाइ भनें सभि ऐसे। अस उतसव सुख कितहं कैसे। न बिसर्यो देश रु काला। अस उर आनंद भयो बिसाला ॥ ३८ ॥ तिब नीठि नीठि लै पानी। सिभ करै पखारनि पानी । दीनि पुन गिलौरी खाने7। मुख रंग सुरंगी बाने ॥ ३९॥

^{1.} भोजनार्थ । 2. शोभायमान । 3. दो प्रकार के । 4. किशमिश । 5. अंजन डालकर नयन मटकाती हैं । 6. धीरे धीरे भोजन खाते हैं । 7. इलायची-सुपारी युक्त पान ।

धन जथा जोग तिंह दीना। उठि गमने गुरू प्रवीना। सिख संगति संग लए हैं। दिशि पूरव ग्राम गए हैं।। ४०।। तिह खरे होइ मुख भाखा। सिभ सिक्खिन की अभिलाखा। चित चहैं कर्यो इसथाना। विन है गुर चिह्न महाना।। ४१।। जो आइ दरस को लै है। करि वंदन शुभ फल पै है। टक वापी¹ कौ हम लाई। पुन पीछे लेहु बनाई ॥ ४२ ॥ इम **क**हि करि कही 2 मंगाई। वहु दीनिस बांटि मिठाई। निज कर सौं टक्क लगायो³। पुन खोदयो पाड़ बनायो।। ४३॥ ढिंग साल्हों को गुर हैरा। श्री मुख ते कहि तिस बेरा। तुम रहो कितिक चिर ग्राम् । हित वापी करिवे काम् ।। ४४ ।। जिंव त्यार सरव विन जावै। गुरु वापी संगति न्हावै। सितनाम जपै लिवलावै। मिन बांछिति सौ फल पावै।। ४५।।। इम कहि करि गुरु किपाले। जनवासे को पन चाले। जो मंगति जन जिब आवै। धन ले जसुउचरित जावै।। ४६।। ग्रु आनि विराजे डेरे। सिख संगति संग घनेरे। 'घंन धंन' उचारति बानी। तर्हि कीरति भई महानी।। ४७।। इम रहै तहां गति दाई। सिभ ब्याह रीति करवाई। जे लागि देनि अरु लैना। सभि करे महां गुन ऐना।। ४८।।

इति श्री गुर प्रताप सूरज ग्रंथे चतुरथ रासे 'व्याह प्रसंग' बरननं नाम त्रयोदशमो अंशु ।। १३ ।।

^{1.} बावली की काट । 2. कस्सी । 3. खुदाई के लिए पहली काट स्वयं की ।

अंशु १४

बरात आगवन प्रसंग

दोहरा

श्री हरिगोविंद चंद के ब्रिंद नागरी नारि। बिच बरात ते ले गए करि जबि लीनि अहार॥ १।

सबैया

देखि सरूप विशेख ही दूलो आनंद ते वतरावित हैं¹। दीरघ अंग. प्रलंब भुजा, अर्रावद विलोचन भावित हैं। केवित जानि गुरू सुत हैं गुरू हेरित सीस झुकावित हैं²। हास विलास करें मिलिक इक प्रेम धरे बिल जावित हैं।। र

रूप दमोदरी* को जिम सुंदर त्यों हरिगोविद रूप विसाला। ऐरी सखी इह जोरी जुरी सम, जीवो भोग भुगो चिरकाला। भाग नराइन दास बड़े जिस केरि दमाद भयो दुित जाला। सुंदर लच्छन अंग समूह मिनद बिलंद दिपै महिपाला।। ३।।

सासु तर्वे बड भाग भरी निज अंक विठाइ सनेह महाना। सीस पैहाथ को फीर सराहति, डीठ लगे निहं, भै उर माना। सारीआं सारीआं³ आइ पिख्यो बिलहारीआं ह्वै मन को विरमाना। बोलि महां मधुरे बचनां हरिगोविंद आनंद को प्रगटाना।। ४।।

यौं मिलिकै सिभ सौं शुभि रीति विलास के हास करे मन भाए। जानि समै निकसे तिब ही जनवास विखे हरि गोविंद आए।

^{1.} दूल्हे से बातें करती हैं, आनन्द पूर्वक । 2. कई गुरु-पुत्र को गुरु जानकर प्रणाम करती हैं। 3. सब सालियाँ। *गुरु गोविन्द की पत्नी, नारायणदास की पुत्री। यहाँ दुल्हिन।

श्री गुरु बीच सभा के सुहावित, होइ समीप ते सीस निवाए। बैठि गए मुद देति भए, बहु शोभ छए सुतहां दिपताए।। ५॥

वासुर तीन रहे थिर कीनि गुरू सुप्रवीन महां जसु छायो। फेर नराइणदास कह्यो, सिभ दाइज को निकसाइ धरायो। वोलि पठे¹ तिब हेत बिदा², सुनि बादित ब्रिंद बिसाल बजायो। मंद ही मंद गए गुरु मंदर सुंदर साज समाज सुहायो॥ ६॥

तेवर जेवर जेवर³ हैं जिम जोति जवाहर की झमकावै। भूखन संग तुरंगम भूखिति⁴ चंचल अंगिन ते चपलावें। बासन ब्रिद विसाल घरे जुति दासिन के कहि भाट सुनावें। ढैं करि जोरि नराइण दास मनै विनती गिनती न सुहावै।। ७।।

और कछू न बन्यो मुझ ते इक दासी दई हित सेव तुमारी। आपको नाम अनाथ को नाथ है राखि लई पति आनि हमारी। दोनहुं लोक सहाइ करो सु करोरिन की करते रखवारी। मैं पकर्यो इक दामन आपको आयो शरंन लखे उपकारी॥ ८॥

मैं समता को समरत्थ नहीं जिम रंचक मेरु अगारी कहां । आपने नाम की लाज रखी बिडआई दई घरि आइ इहां। श्री गुरु श्रोन सुनी विनती मिन धीरज दीनि प्रबीन महां। साधु ही साध अहै तुझ को बहु दीनिसि दीनि ही बाक कहाँ।। है।।

श्री हिर गोविंद संग दमोदरी दाइज⁶ बीच धर्यो समुदाई। पान लेपान मैं कीनि सभी बिधि, डोरा⁷ संगाई लियो तिस थाई। दीनी बिठाइ सुता तिस मैं घर ते निकसे त्रिय वाहिर आई। रोदति है गर संग लगावित मात मिलै बिड नेहु जनाई।। १०॥

देरि लगे. फिर फेर मिले, हिट जाहु नराइणदास कह्यो। होइ बिदा गमने जिब ही, बरखाघन की बहु दीन लह्यो⁸ श्री हिरगोविंदु दुलहु ते दूलही चिल आगे सु अश्रुबह्यो। उपर को बहु डारित हैं बित, दारिद रंकन ब्रिंद दह्यो॥ ११॥

^{1.} भुला भेजा। 2. विदाई के लिए। 3. तिल्ले-किनारी वाली पोशाकों और गहने। 4. सुशोभित घोड़े। 5. जैसे कण की मेरु के सामने क्या सत्ता ? 6. दहेज। 7. डोली, पालकी। 8. धन की वर्षा की, जो गरीबों ने लिया।

भ्रातिन साथ नराइणदास गयो मग केतिक श्री गुरु जाना। आप खरे हुइ तीर बुलाइकै बाक कह्यो हटीए निज थानां। यौ सुनिकै बिनती बहु कीनि िष्ठमो अपराध मैं कीनो महाना। आपने धाम बुलाइ पठे जग के गुर पूज न मान पछाना॥ १२॥

चार दिशा नर देखिन के हित पंथ उलंघित दूरि ते आवें। देति अकोर थिरें कर जोरि अनेक मनोरथ आप ते पावें। राउ कै रंक तजें सिभ शंक धरे शरघा पद कंज मनावें। मैं मितिहीन न जान्यों कछू लिख लोकिक रीति करे बिन आवें।। १३।।

श्री गुरु ने सुनि धीरिज दीनि इते हम आप ही आविन ठाना। तोकहु दोष न राखि भरोस को जाप करो सितनाम सुजाना। आपि हटो निज धामिन को, अब चाहित हैं हम भी प्रसथाना। लौकिक रीति सभै बिन आविति, क्यों मन तोहि संदेह उठाना। १४।

वैनसने करुना¹ सुनि कै कर जोरि नराइणदास तवै। श्री गुरु के पग पंकज ऊपर सीस धर्यो बिच भ्रात सबे²। श्री हरि गोविंद बंदन कीनि लख्यो समुरो बड थान जवै। और नमो सगरे करिकै हटि धाम चले मन प्रेम फबै।। १५।।

यौं मिलि के बिछुरै दिसि दोइ, गए निज धाम बडो मुंद पाए। ग्राम के लोक कहै सिभ ही बहु व्याह पिखे हमने बडि थाए। हुयो न ऐसो अनंद बिलंद जथा इसमें गन मंगल छाए। श्री गुरु केर प्रताप बक्ख्यात है ग्राम बिखै सगरे हरखाए।। ९६।।

बिंद बरात लिये हिर गोविंद डोरे को अग्र करे मग चाले। लिंघ गए सुलतान पुरे कौ बादि वजावित जाति विसाले। भानु ढरे सलिता उलंघे³ सिभ पार परे थिति गोइंदवाल। केवट को धन दीनि महां हरखाइ रह्यो पिखि रूप ऋषाले।। १७॥

जाइ निवेस बरात कियो गन स्यंदन संगि तुरंग बिलंदे। डोरे को अंतर ले गमने बहु आदर सों उर धारि अनंदे। बाहर औरि थिरे सिम हूं सकटे उतरे ढिग भारिन बिंदे। मोहरी सेव करी सगरी बहु खानु रुपान कियो मनर्चिदे ।। १८।।

^{1.} करुणा-सिक्त वचन । 2. सब भाइयों की उपस्थिति में । 3. सूर्यास्त तक नदी पार कर ली । 4. मनानुकूल ।

श्री गुरु नंदन संग लिए चिल मोहन को पग वंदन कीनी। देखित ही हरख्यो तिव हुं हिर गोविंद गोद लै आशिख दीनी। व्याह प्रसंग जु वुझ्यो तबै जिम होयो कह्यो सुख मैं मित मीनी। आइ निवेस प्रवेश भए, गुरु थान नमो करि जो पुन चीनी ।। १६॥ रैनि विखै सभि सैन करी मन चैन धरी, मुंद नैन लिए! प्रात उठे करि मज्जन बावली नाने गुरू को प्रनाम किए। होइ सु त्यारि बरात थिरी पुनि मोहनि पास गुरू जी गए। आप किया करि संग चलो तहि देखहु तीरथ जैसे थिए।। २०॥ वानी इकत्न के बीड़ रची वड ग्रिथ भयो अविलोकहु तांही। श्री हरि मंदर युंदर भा तिस अंदर सो ग्रसथाप किया ही²। मंगल केरि समो अबि है सभि संग अहैं पिखि कै सुख पाही। मातुल सों विनती हम कीनी सुमानि लई हरखे उर माही ॥ २१॥ दीरघ मातुल संग भयो मन आनंद पाइक लीनि चढाई। मोहरी और संसराम³ आनंद⁴ चलें चढि कै बहु बाद वजाई। छुटे निसाण चले अगुवाइ कुलाहल मारिंग मांहि उठाई। ग्राम खड्र पहुचिति भे तिब दातू ने होए समीप अलाई ॥ २२ ॥ डेरा करो गुरु, देग अचो⁵, पुन प्रात को आप किजै प्रस्थाना। यौं सुनि श्री गुर बैन भने उतरें अबि आगै, न रोक पयाना⁶। जाति दयो तुम खान रुपान, अनंद करे विस कै इस थाना। तीन ही कोस चले अटकैं किम आगै रह्यो कल्ल पंथ महाना⁷ ॥ २३ ॥ रैनि वसा निहं जे तुम आप, अहारि है त्यार अचौ समुदाई। यौं कहि कैं अटकाइ लिए सिभ के हित ल्याइ सु दीनि अचाई। श्री गुर अंगद संदर को अभिवंदन कै गमने अगुवाई। संग लिये निज दातू चल्यो अति मोद बढ्यो सिभ मैं तिस थाई।। २४।।

दोहरा

उलंबि पथ पहुंचित भए तारन तरन सथान। उतरे जाइ समूह तर्हि श्री अरजन गुन खान॥ २५॥

^{1.} देखा । 2. स्थापित किया है । 3. बाबा मोहन जी का पुत्र । 4. बाबा मोहरी का पुत्र । 5. भोजन करो । 6. जाते हुओं को न रोको । 7. कल का मार्ग अधिक रह जायगा ।

सवैया

दीनि सबै पकवान सु खान को वाहन को मन भाइ खुलायो।
रैनि बिखै करि सैन परे सुख संग तहां सिभ काल वितायो।
प्रात उठे करि मज्जन तीरथ दान दियो जुऊ मांगनि आयो।
प्रामनि के, पुरि के, मग के नर रंकिन को धन दे हुलसायो।। २६।।
दुदिभि दीरघ घौंस बजी सिज वाहन त्यारि भए संभ चाले।
देदिभ दीरघ घौंस बजी सिज वाहन त्यारि भए संभ चाले।
केतिक स्यंदन जाति पलावित, केतिक वाजी कुदाइ विसाले।
केतिक बैलन की बहिलें बहु दौरित हैं तन प्राक्रम वाले।
घुंघर की छनकार महाधृनि बादत की मिलि के तिस नाले।। २७।।
हास बिलार्स प्रकाशित हैं मिलि आपस मिह मन मोद उपाए।
सारग दूरि उलंघ गए निह जान पर्यो पुरि के नियराए।
डोरे को आगे करे गमने हिर गोविंद दूलहु शोभ वधाए।
आइ सुधासर तीर गए तिब बादित की धुनि ऊच उठाए।। २८।।

क्विता

महांदेव, मोहरी औं मोहन सु दातू साथ, ब्रिंड गुरदास तो मसंद ब्रिंद आवई। सेवक औं सिक्ख हरखाए देखि देखि पुरि आनंद बिलंद ते न अंगिन मैं मावईंं। पटह, पणव, ढोल, दुदिभ, नफीरी जुत धौंसा की घुंकार घुनि अधिक उठावई। पटह, पणव, ढोल, दुदिभ, नफीरी जुत धौंसा की घुंकार घुनि अधिक उठावई। इफ अरु बंसरी बजाई ऐलि गैंलिं भयो सुथरी सु तुररी शबद को सुनावईं।। २९।। इफ अरु बंसरी बजाई ऐलि गैंलिं भयो सुथरी सु तुररी शबद को सुनावईं।। २९।। सुनी घुनि गंग, भई आनंद के संग उठी रिदे ते उमंग, साज मंगल बिसाल को। ब्रिंद कीनि अंगना सु अंगिन मैं अंग शुभ्य, अंगिन मैं मेवै निह देखि मोद जाल को। दातू दारा, मोहन और मोहरी की दारा संग और गिनौ कौन कौन मिली गन बाल को। देति हैं वधाई ठेति सौ गुनी चढाई सीस, सिभ उमहाई देखि को वधू लाल को।। ३०।। डारें धन वारि वारि श्री गुरू उदार चित मिले नर नारि मोद धारि पुरि वरे हैं। सुजस पसारि किट, जोरी गई द्वार निज, गंग ने निहारि सुन रीति गन करे हैं। सहत सनुखा लीनि जोखता को पुंज सींग, बंदना के हेत हिर मंदिर को मुरे हैं। रयाग असवारी लए मोदक को थार भिर सगरी पधारी गीत गाइ प्रीति घरे हैं।। ३१।। सनै सनै गए संग बादित बजाइ गन. जाचक जो आए धन पाइ हरखाइ के। तीरथ के तीर पर भई बहु भीर तहां, बंदना करित नर नारी सीस न्याइ कै।

^{1.} मार्ग की दूरी का पता ही न चला और वे अपने नगर के निकट आ गए।
2. अंगों में नहीं समाता। 3 रेल-पेल। चहल-पहल। 4. आंगन, में सुंदर अंगों वाली अंगनाएं (स्त्रिएं) इकट्ठी थीं। 5. दुल्हिन-दुल्हा। 6. स्त्रियाँ।

अंतरि प्रवेश होए सेतु पै गमन करे, थिरे हिर मंदिर अगारी उर भाइ कैं। देकरि दरव अरदास को कराइओ खरे जोरि जुग हाथिन को बंद भाल लाइ कैं। ३२।। वांटिक प्रसादि अहिलादि कें, अगारी किर दे दीनि है प्रदच्छना फिरे स्चारि वारि हैं। सितगुरू रामदास चरन मनाइ चले आपने सदन की अनेक नर नारि हैं। वादित वजित आगे गावें, तीय पाछे लागे. सिभिन मझार जोरी शोभित उदार हैं। चित्रा के समेत चंद आनंद विलंद किर पूजि देव गुरू को चलित मनो चाह हैं। ३३।। देवकी मिनद श्याम घन सितभामा जुित मानी कुल वड़ो जाित निज द्वारि हैं। मंद मंद गमनित गए निज मंदिर को सुंदर फरश जहां आसन उदार है। सहत सन्खा-सुत हेरित हरख चित गंगा को अनंद किम कर को उचार है। जथा जोग सगरी विठाई सनमान किर, हुती कुल रीित सिभ कीनी निरघार है।। ३४।।

इति श्री गुर प्रताप सूरज ग्रंथे चतुरथ रासे 'बरात आगवन' प्रसंग बरननं चौदसमो अंशु ॥ १४॥

^{1.} अमृतसर हरिमन्दिर का पुल । 2. आगे करके (दम्पित को) । 3. चित्रा सिहत चन्द्र (चन्द्र दम्पित) । 4. बृहस्पित । 5. क्योंकर उच्चारण किया जा सकता है ।

अंशु १४ विवाह प्रसंग

दोहरा

गंगा मंगल संग तिब करित निछावर नंद। अपर सरब ने उठि करी, खरचिह दरव बिलंद ।। १।। चौपई

पिखिनि सनूखा मुख को लागी¹। रिदा अनंद मर्**यो व**डि भागी। पाइ ओलि महिं 2 धन की थाती। स्रविलोकित भई सीतल छाती।। $^{\frac{1}{2}}$ ।। पुन उठि उठि करि सगरी दारा। जथा उचित झोरी धन डारा। पिखति बध् को मुख हरखाई। कर्राह सराहिन सुंदरताई॥३॥ हे अलि गंगा के विंड भागा। जिसको जग गुरु अहैं सुहागा। बहुर पुत्र जनु चंद अमंदू। को अस त्रिय, पिखि ह्वै न अनंदू।। ४।। तिह सुतसंगि सुनूखा सोही। राम चंद जनु सीता होही। इह जोरी³ जीवहु चिरकाला। इक सम सुंदर रूप विसाला।।५।। उतसव जथा जोग करि गंगा। सभि को सनमानति हित संगा। नाना भांतिनि बन्यो अहारा। सूखम चावर दौनि प्रकारा।। ६।। मधुरु सलवण सु मेवा डाले। गरी वदामिन छील 4 विसाले। पिसता स्वाद सावगी⁵ पाए । पूरी करि कचौरि समुदाए ॥ ७ ॥ बरे पकौरे दिघ महि डाले। धनीआ मिरच अनेक मसाले। नर नारिनि को रुचिर अहारा। सादर किह किह सिभिनि खुआरा।। ८।। त्रिपति होइ भी चाहति खाया। आसन⁶ सु अस स्वादल मन भायो। सभि के वाहन को दे दाना। त्रिण**ग**न दई निहारी⁷ खाना।। ९।। दास अनिक अरु सगल मसंद। सिभ की सेवा करींह विलंद। जो जिस चाहि दई तिह सोइ। रिदे काम पूरित सिभ कोई।। १०।।

^{1.} बधू की मुँह-दिखाई होने लगी। 2. झोली में। 3. युगल, दम्पति। 4. छिले हुए बादाम। 5. स्वादिष्ट पिस्ता, किशमिश। 6. भोजन। 7. घोड़ों को देने की घास और चने-गुड़ आदि।

पान सनमान महाना। परी रैन सुपते निज थाना। श्री अरजन सुधि सभि की सुनि कैं। भई सेव त्रिपतेगन — गुनि कै।। ११॥ सपते सभिहिनि ते पशचाती । तिम अंतरि गंगा हरखाती। दासीगन को प्रेरिन करती। खान पान सिम की सुधि धरती।। १२।। वह सनेह ते नुखा बिठावहि। कहि किह वर भोजन को ख्वावहि। पुन अपने ढिग सिहज।² सुंदर। करी डसावनि अंदर मंदिर।। १३।। ले करि निकट आप तबि सोई। नुखा बिलोकति हरखति होइ। हरि गुविंद वर इंद मिनदा। पित असमीप पोढे सुखकंदा³।। १४।। महादेव निज घरहु सिधारा। सभि कुटंब हित पठ्यो अहारा। मोहन अपर मोहरी दातू। खान पान सुपते हरखातू।। १५॥ अपर सिक्ख संगति नर नारी। ब्रिंद मसंद करति जे कारी। दासी दास सभिनि सुखपाए। निज निज थान सकल सुपताए।। १६।। जागे नाथ। मोहन मातुल लीनसि जाम जामनी साथ। सोवाचार करे विधि सारी। प्रथम नहाइ कूप के वारी ॥ १७ ॥ सुधा सरोवर जाइ शनाने। पुन पहुंचे हरि मंदिर थाने। वैठिन भए सू सभा सुधारि। गाविन लगे सू आसावारि।। १८।। बिद्ध जुत आइ गयो गुरदास। वैठे ब्रिंद मसंदे पास । भाई कल्लयान । वह सिख कर्राहं दरस को आनि ॥ १६ ॥ उमरशाह, अनंद मोहरी संगि। संसराम जुति रिदे उपंगि। नंद दरबार लगाई⁴। हेरति सुनति सरब हरखाई।। २०।। सभा प्रात होति के पायो भोग। सिर निवाइ तबि सभिहं लोग। श्री गुरु ग्रिथे साहिब जिब आइव । सगरे उठि सनमान वधाइव ॥ २१ ॥ श्री मंजी पर खोलिन कीनि। पठिन हेतु गुरु आइस दीनि। ब्रिद्ध ने तबि बांची गुर बानी। जिस मिंह हंता ममता हानी।। २२।।

श्री मुखवाक छंतु।

तिन घोलि घुमाई जिन प्रभु स्रवणीं सुणिआ राम।
से सहजि सुहेले जिन हरि हरि रसना भणिआ राम।
से सहजि सुहेले गुणह अभोले जगत उधारण आए।
मै बोहिथ सागर प्रभ चरणा केते पारि छंघाए।

सबके पश्चात् सोए।
 सेज।
 (वे) सुखदायी पिता के निकट लेटे।
 दरवार साहिव में सभा लगाई।

जिन कंउ किया करी मेरें ठाकुरि तिनका लेखा न गणिआ। कहु नानक तिसु घोलि घुमाई जिनि प्रभु स्वणी सुणिआ।।१। चौपई

परमेशुर को सुजसु महाना। कै संतनि को कीनि बखाना। अधिक नंम्रता तजिनि हंकार। सत्तिनाम सिमरन सुखसार॥ २३॥ काम क्रोध आदिक को त्यागनि । श्री भगवंत भगति को लागनि । जगत ते करिवो । संतिन सेविन शरधा धरिबो । २४ ॥ बह बैराग जिसते उधरहि जीविन जाल। अस जहाज कीनिस किल काल। मुनि मोहनि दातू तबि श्रौन । भरे हरख कुछ ठानी मोनि ।। २५ ॥ बहुर सराहनि लगे विसाला। सोढी पथ सु कीनि उजाला। महां उपकारे। जिसते कलि महिं मंद उघारे। २६।। दोनो करे धंन बैठिबो गुरता गादी। जिसते होहि अनिक अहिलादी। सरव गुरूनि को सुजसु प्रकाशा । बिसयार्यो सभि महिं चहूं पासा ।। २७ ।। इन्ठी दरसावै। पर्हींह लिखींह सिख सने सनावै। अवनी मंडल गिर लगि सागर। पुरि पुरि घर घर होइ उजागर।। २८।। हरि मंदिर तीरथ गरू केरो। इन प्रताप नित वधिह वधेरो। चहं दिशि के नर शरधा धरि धरि। निरमिल होहिं सु मज्जन करि करि।। २९।। श्री अरजन पुन भन्यो सुनायो। ऋिपा तुमारी ते विन आयो। इकत सकल गृह बानी। सिरज्यो तीरथ क्लमल हानी। १०।। गरि सिक्खनि को भयो अधारा। होहिं भविख्यति विखे अपारा। मिटहिन सिक्खी इनह अलंब। गुरु को मानहिं सदा कदंब²।। ३१।। जो नर हित धरि सुनीहं सुनावें। जनम मरन तिनकी छटि जावै। महातम है गुरुबानी। तर्जीहं कषट को लाखहुं प्रानी।। ३२।। सूनि गुरु मुख ते हरखे सारे। करे सराहनि सुजस् उचारे। जाम दिवस तींह वैठे आयो। पुत्र सिभहिन तींह सीस निवायो।। ३३।। परदछना धारे। लीने संग आपने उठि गमने वहिर प्रकरमा फिरे। पोर दरशनी वंदन करे ॥ ३४॥ तिहं ते चिल निज घर को आए। मोहन आदि संग समुदाए । बैठिवे को तींह गए। सरव जथोचित थल थिर भए।। ३५।। थान

^{1.} कलियुग की मलिनता को नाश करने वाला। 2, सब के सब।

वहु स्वादिन जुति दन्यो अहारा। धरि धरि थार सिभिनि कहु ख्वारा। किशन चंद आदिक तिपताए। महांदेव पुन चिल करि आए।। ३६।। वैठे सगरे इक थाना। करिह परसपर वाक वखाना। प्रिथीए कहां कर्यो नहिं आयो। क्यों दुखपाइ विरोध उठायो।। ३७।। श्रो गुरु रामदास कै हाथ¹। दे गुरता को कर्यो सनाथ। अपर जतन ते क्यों हुन पावै। क्यों अबि लिंग वड कपट कमावै।। ३८।। अवि के विछर्यो मिलहि न कैसे। आगै संतति रहि है तैसे। नहि कुछ समझी भा मित मंद । मिल्यो न ऐसे काज विलंद² ॥ ३९ ॥ श्री अरजन सिभ साथ वखानी। अघ को करति रह्यो छलसानी। हरि गुविंद के मारिन कारन। करे अनिक³, किय गुरू उवारिन ॥ ४०॥ तऊ बेनती हमने कीनि। नहिं मान्यो मन महां मलीन। तुरकिन पासि पुकारु गयो। कुछ न बसाइ त वैठित भयो॥ ४१॥ लिखि अरदास पठ्यो पकवान । पिखि कहि करौं प्रान तिन हानि । अबि ते हमने त्यागिन कर्यो। मिल्यो न, मरने मरने बर्यो।। ४२। सुनि कुकरम को सगरे निंदिहिं। कपटी कोधी कलही विंदिहिं। इत्यादिक बहु बातिन करते। श्री अरजन को सुजसु उचरिते।। ४३।। पुन अहार सभिहिनि कह दीनो। महाँदेव हित धारि प्रवीनो। श्री अरजन जुत मेलि जि सारो। जाइ करयो तिह सदन अहारो।। ४४।। दिन प्रति नई प्रीति उपजावै। बिन जाने निस दयोस बितावै । बासूर पंच बिते⁷ इस रीति। सम घटिका के जानिसि चीत⁸।। ४५।। निज निज सदन जानि को सारे। हुइ करि वहु वेबसे उचारे। विस सनेह को गयो न जावति । निस दिन विसमे पुरी उमाहति ।। ४६ ।। बसत्र बिभुखनि दे करि सोहन⁹। करे बिसरजन मुहरी मोहन। के संग अनंद। सभि के उर उपजाइ अनंद।। ४७।। संसराम

^{1.} गुरू रामदास ने अपने हाथों। 2. ऐसे उत्तम कार्यों में भी मेल न किया। 3. अनेक (छल) किए। 4. वश नहीं चला। 5. मानते है। 6. रात-दिन का भी भास नहीं होता। 7. पाँच दिन बीते। 8. एक घड़ी के समान महसूस हुए। 9. सुन्दर।

तिम दातू को दीनिस दाति। दारा सहत हरख धरि गाति।
हरिगुविंद संगि करि करि प्यारि। मिलहिं तिया गन क्यरं वारि।। ४८।।
निज घर को गमने मग मांही। श्री अरजन को अधिक सराहीं।
स्त्रिदुल सुशील सनेह महाने। बड़े उदार ग्यान गुनवाने।। ४९।।
सिभ खड़्र मिहं उतरे जाई। गोइंदवाल गए अंगवाई।
किशन चंद धनवंती दोऊ। पिश्रित कुटंब हितू निज सोऊ।। ५०॥।
अपट दिवस पाछे सो रह्यो। बहुर चलिन को चित मिहं चह्यो।
ब्याहि दोहते को हरखाना। खरच्यो ढिग ते दरब महाना।। ५१॥।
कर्यो जथो चित तबहि विसरजन। भयो सनेह अछेह दुहिन मन।
मिल पुत्री संग वारिह वारी। मैं। की ओर चले सुखधारी॥ ५२॥।
अपर सिक्ख संगति जे आए। जथा जोग सिभ विदा कराए।
उतसब एव व्याह को होवा। पर्ठीहं सुनिहं सिख तिन दुख खोवा॥ ५३॥।

इति श्री गुर प्रताप सूरज ग्रंथ चतुरथ रासे, 'विवाह प्रसंग' बरननं नाम पंचवणमो क्रेंशु ॥ ११ ॥

^{1.} बहुत-सा धन गाँठ से खर्च किया। 2. गाँव मऊ।

अंशु १६ सुलही को प्रसंग

दोहरा

श्री गुरु इम सुत ब्याह कै लीनो सुजसु विलंद। जाचक जिंह किंह कहति भे देश विदेशनि ब्रिंद।। १।।

चौपई

हजारहुं उतसव देखा। सभिहिनि कउ भा मोद विशेखा। जित जित देश गयो चिल जोई। व्याह कथा कहु भाखित सोई।। २।। अपर प्रसंग हटी जु सगाईं। इसते भी किह गुरु विडिआई। आज शाहु को महां दिवान। जिसकी मार्नाह आन जहान।। ३ ।। फोर्यो तिसी सुता का नाता। कहि वहु रह्यो³ न मानी <mark>वाता।</mark> र्द्ध वेर पठाए लागी। नहीं लीनि, चित चिता जागी॥४॥ देनि को कह्यो घनेरे। करौं काज मैं शाहु सु नेरे। तऊ न श्री अरजन मन मानी। जान्यो मूढि महां मनमानी।। ५।। करि हंकार जु बोलि विगारी। सिक्खिन भने लखी गुरु गारी। कर्यो अनादर नीच समाना। मान महान ठानतो माना ॥ ६ ॥ कुल खत्रीनि जहां कहि जोई। हान भई चंदू की सोई। दिल्ली लवपुरि आदिक सारे। कहैं विचारें सार असारे ॥ ७ ॥ संगति भेजी अरदास। तिनह कही मानी लखि दास। सो कहि रह्यो फिरे नहीं फेरें । सून के अपर थान किय फेरे।। ८।। प्रिथीए निकट जाइ नर जोई। कहै बहुत जैसे जोई। इत कीरति नहीं अनुज की जरै। विनां हतासन हीयो जरै।। ९।। चितवहि जतन अनेक प्रकारा। कुछ न सरी दुशमन सों कारा। दिन प्रति वध्यो अनंद बिलंद्र । ज्यों सागर पिखि पूरिन चंद्र ।। १० ।।

^{1.} बहुत कहता रहा। 2. सिक्खों ने कहा और लिखकर भेज दिया कि उसने गुरु को गाली दी है। 3. बात से नहीं फिरे।

मैं नित निबल परयो. दख परयो। सुतपित महि ते एक न मरयो। गह्यो न गयो शाह ढिग गयो¹। सलही आदि न कुछ करि लियो ॥ ११ ॥ जतन रचौं अब प्रापित घाति²। जिसते होइ शत्रु को घात। सलही सों लिखि कै इक वारी। मंगवावौं इस थल अस्वारी।। १२।। जे करि अपनो प्राक्रम धरै। आनि इहां अरजन को धरै³। मिलि मसलित करि कै संग चंदु। गहै इसै राह जिम इंदू।। १३।। हम विचारि लिखिबे लगि पाती। रिस ते निस दिन सलगित छाती। लिखितम त्रिथीआ मल सुनि मीत । चितवौं चीत नीत करि प्रीत । १४ ।। सकल काज कीनिस तैं मोरा। इह न भयो किव रिप् मुख मोरा4। तें अरु मैं मिलि करे उपाया। नहीं अनुज ते गुरु पद पाया।। १५।। निहरवानगी 5 चाहति तोरी। कवहं देह रिप् धीरज तोरी 6 । वध्यो जगित मैं ग्रधिक प्रतापु। देखित सुनित मोहि रर तापू।। १६॥ आइ इतह करि काज हमारे। दिह गरुता, अरजन को मारे। तो पर मोहि बिसाल भरोसा। वध्यो शत्र लखि कीजहि रोसा।। १७।। इम लिखि दिल्ली पिठ हलकारा⁷। देउं इनाम करह इह कारा। स्नि तूरन गमन्यो मग मांह । पहंच्यो पुरी महान उमाह ।। १८ ।। मिल्यो सलाम कीनि हुइ दीनि। पुन पाती सुलही कर दीनि। खोत्ति पठी सखा के कर की। श्री अरजन कीरति उर करकी⁸।। १९।। मेरो त्रास रिदे महिं घरि के। अबिलौ शतु न छाती धरके। बडो होनि निषफल है मोरा। सूख न सखारिपु तुंड न मोरा⁹।। २०।। चित्तति चीत चार 10 को बोला 11 । तिसके साथ वाक अस बोला। मुझ दिश ते कह सकल अनंद। कहां भयो जे ब्याह्यो नंद।। २१॥ इत आर्वों आग्या ले शाहू। गुर गहिवे को नित उतसाहू। चंद्र बिन मैं ही लिउं मारि। जैसे डसै अचानक मार् 12 ।। २२।। धीर धरो, आयह मुझ जानि। करों काज सुनि सखा सुजानि। केचित दिन मैं देखों आई। अरजन हित, दै हौं गुरिआई।। २३।। तिब मेरे मन उपजंहि शांती। जिब तेरे शत्रु हुई शांती¹³। **इम लि**खि करि दीनिस कर पाती । लखिह न मूरख अपिन निपाती 14 ॥ २४ ॥

^{1. (}मेरे) शाह के निकट जाने पर भी (वह) पकड़ा नहीं गया। 2. अवसर। 3. पकड़े। 4. यदि यह न हुआ (तो समझूंगा) कभी (तुमने) शत्रु का मुँह नहीं मोड़ा। 5. कृपा। 6. कभी तो शत्रु का धैर्य भंग करो। 7. सदेश-वाहक। 8. हृदय में चुभी। 9. (यदि) शत्रु की गर्दन न मरोड़ी। 10. हरकारा, संदेश-वाहक। 11. बुलाया। 12. सर्प। 13. नाश। 14. अपना नाश।

ले करि चार चल्यो ततकाला। जींह प्रिथीम्रा अंतर ते काला। सखा लिखे को पठि हरखायो। छुधित अधिक जनु भोजन खायो।। २५।। अविके आए ज्यों क्यों करिके। हतौं अनुज को नित उर करके¹। गुरता गादी को ले करि मैं। तिव सिव किछु प्रापित ममकर मैं।। २६।। बहुर चार ने बाक उचारा। कीजिह त्यारि तुरंगिन चारा। अन्य न्नित्त संचहु समुदाया । सुलही कह्यो बडी करि ढाया ॥ २७ ॥ तोहि समीर आइ हैं पूरवा करहि काज बल साथि अपूरवा कागद लिख्यो सु खोलि पठावा²। तिव खातर करि मोहि पठावा³।। २८।। आयो ही जानहु निज तीर्ं। निहं अटकहि जिम छूट्यों तीर। तुव हित ते निज सैन सकेले 5 । शत्रु हतिह करी जिम केले 6 ॥ २९॥ हलकारे ते सुनि सिभ बाति। मनहं स्वेदि तनु लागी बात⁷। वीस रजत पणदीनी इनाम् । करिह काज स्लही जिस नाम् ॥ ३० ॥ निशचे घरे प्रतीखनि करी। हतौं शेर, जिम चाहे करी⁸। संचिन लग्यो त्रिणिन अरु अंनु । वसिंह समीप ग्राम जे अन् ।। ३१ ।। तिस आगवन चितिह दिन राती । जानै अनुज द्खद आराती 10 । सुलही जिब दिल्ली महं गाजा। परौं रिपुनि जिम गिर परगाजा।। ३२।। संगति महिं बितने बिसतारा। बोल्यो तुरक वरी ही तरा। मिलि करि सभिनि लिखी अरदास । मसतक टेक्यो जे गन दास ॥ ३३ ॥ प्रिथीए के प्रेरे इति सलही। जिम बोल्यो हमने सुधि लही। केचित बासुर मिंह इस देश। आइ गहावौं देउं निदेश।। ३४।। रावर जतन करहु जिम बनि है। कै पुरि छोरि वसहु जित बन है। कै मिलि जाहु साथि वड भ्राता । लिख्यो जुहम यां महिं नहिं भ्रांता 11 । ३५ । जहांगीर ते करहि बहाना। चहै तुमारे प्रानन इम संगति लिखि पाती पठी। गुर ढिग पहुंची खोलित पठी।। ३६।। हते मसंद कितिक गुरु तीर। सुनित वाति जनु लाग्यो तीर। सितगुरु पठि रहिगे अरुगाई 12 । हते समीप गिरा सिम गाई 13 ।। ३७।।

¹ सीने में चुभता है। 2. पढ़ा। 3. बुलाया। 4. निकट। 5. इकट्ठी करके। 6. शत्रु को इस प्रकार नष्ट कर देगा, जैसे हाथी केले को। 7. शीतल पवन। 8. जैसे हाथी सिंह को मारना चाहे। 9. अन्य। 10. वैरी। 11. संशय। 12. मौन। 13. सब ने कही। (अपनी-अपनी)।

वडो कुसूत वनै इम होए। बैरी करिह आनि करि ढोए 1 । बिना उपाइ न मिटि है ब्याधी। हुइ ग्रसाध भी लेवें साधी 2 ।। ३८॥ चंदू सुलही शाह अगारी। वधे बडे अफरे हंकारी। तिन सों मिलह प्रीत उपजाइ। बैर जुबध्यो शांति हुइ जाइ॥ ३९॥ नांहित लीजहि आप बिचारी। मिलि मिलि करें शाहु ढिंग चारी³। ज्यों क्यों करिह रिसाविह शाहु। बिगरिन हित पहुंचे तुम पाहू।। ४०॥ सुनि मसंद कम दिल⁵ की बानी । कीन मौन गुर कछून बखानी । पुनहु कह्यो श्री गुरू सुनीजै। तुरक राज वड बली लखीजै।। ४१।। हिंद्नि को मति मानै थोरा⁶। पुन सुलही पापी वड घोरा। आगे आइ जनायो जोर। निकसे आप बडाली ओर।। ४२।। हमरो किहनो ई बनि आवै। करहु आप जैसे मन भावै। तुम सुख ते सुख सदा हमारे। होनि शुभाशुभ कीनि उचारे॥ ४३॥ तूषिन⁷ करिन समो ग्रबि नांही। पूरव जतन सकल बनि जाही। बर्नाह नहीं ततकाल उपाइ। खनहि क्प किम आग लगाइ।। ४४।। सोचित जल समरो वहि जाए। सरिह कहां पुन सेत् बंधाए⁸। श्री अरजन सनि कीनि बखाना। चित महि चिंत न करो महाना।। ४५॥ होनहार आवश्यक होइ। बिध ते बल ते मिटिह न सोइ। श्री करतार कियो जिम माणा। सो कैसिहं निषफल नहिं जाणा।। ४६।। जो परमेशुर कर्यो न चाहै। होइ न सो, नर कितो उमाहै⁹। अस मन जानि करह भरवासा। देखह जैसे होइ तमाशा।। ४७॥

इति श्री गुर प्रताप सुरज ग्रंथे चतुरथ रासे 'सुलही को प्रसंग' वरननं नाम खोडसमो अंशु । १६ ।

^{1. (}निकट आकर) वार करेगा। 2. असाध्य में भी करने योग्य होता है (साधन से)।
3. चुग़ली। 4. बिगाड़ करने के लिए। 5. कायर। 6. हिन्दू मत को नहीं मानता (कम मानता है)। 7. मौन रहने। 8. पानी वह जाने पर बाँध बाँधने से क्या?
9. मनुष्य कितना ही उत्सुक हो।

अंशु १७ सुलही आगवन प्रसंग

दोहरा

चितवित कारज अनिक को सुलही चहित पयान । गमन्यो शाह समीप तिब तसलीमात¹ वखान ।। १ ।।

चौपई

जिव अवकाश कहिन को पायो। तिव सुलही कर जोरि अलायो। माझे देश चहति मैं गयो। कछ्कार तर्हि अफतर² भयो।। २।। श्री अरजन जग गुरू कहावै। कहि लोकिन को सो बिगरावै। देश मामला देति बिगारे³। नर हजार ही तिस अनुसारे।। ३।। विगर्यो सरव जाइ सुधराऊं। देकरि जोर आप मैं ल्याऊं। मैं विन गए दरव नहिं आवै। अपर न वृधि वल करि को ल्यावै।। ४।। स्निति शाहु कीनसि फुरमान। जाइ करो धन काज महान। त्रिन ही हिट करि इत ग्रावह । सैन संग लेकरि चढ़ि जावहु ॥ ५ ॥ सुलही लई शाह की आइसु⁴। हरखित उर निज घर को आइसु। करि बिचार चंदू ढिग गयो। मिलि सलाम करि बैठित भयो।। ६।। सनह दिवान वाक अस मोरा। एक काज भा ममअरु तोरा। जिनहि हटाविन कीनिस नाता। सो मेरो वैरी बख्याता॥ ७॥ मैं अबि जाति गहाँ कै मारौं। नहीं कूशल युत त्याग सिधारौं⁵। शाहु समीप सहाइक रहीअही। तिसके दोष, मोर गुन कहीयहि।। ८।। तोहि वैर को ले करि आऊं। तौ मैं सलही नाम कहाऊं। माझे देश बिखे मम फेरा। तहि क्या काज करौ नहिं तेरा।। ९।। नाता फिर्यो मोहि दुख लागा। गहौं जाइ करि जे नहिं भागा। स्ति चंदू हरख्यो सुख भयो। बिन ही जतन शत्रु मरि गयो।। १०॥

^{1.} वंदना। 2. खराब, अशान्त, अवतर। 3. मालिया या कर देने वालों को बिगाड़ता है। 4. आज्ञा। 5. (उसे) कुशल छोड़कर नहीं जाऊंगा।

नकूल¹ अचानक ले तिस धाई। जिम को सरप गह्यो नहिं जाई। लिह मम दिशि ते अबि सिरुपाइ² ॥ ११ ॥ कहति भयो मैं बनों सहाइ। देति भयो हरखाइ घनेरे। इम किह बसत्र मोलि बह केरे। कर्यो बिसरजन धीरज दै कै। सुलही चढ़यो सैन संग लैकै।। १२।। दिल्ली की संगति लखि पायो। दे अरदासिक दूत पठायो। तूरन निस दिन गमनित जर्यै। श्री अरजन को सकल सुनर्यै। १३।। श्री सतिगुर को सकल सुनायो। धाइ पंथ हलकारा आयो। लिखत्म सभिही संगति दास³।। १४॥ लेकरि हाथ पठी अरदास। आयह तुम दिशि अधिक रिसाना। अबि सलही मग कीनि पयाना। हमरी तो पिखि धरकति छाती ॥ १५॥ श्री प्रभु हो समरथ सिभ भाँति। गृह सौं कर्राहं न काज अनिषट। शाह समीपी होए दूषट। सो करि पठी तुरत गन चेरो।। १६।। हमरो जोर करिन सुधि केरो। करी मौन वैठे सिख पासि। श्री अरजन पठि करि अरदास। श्री गरु को नहिं लखहिं ब्रितंता ॥ १७ ॥ बिंद मसंद समिनि को चिता। त्रिब समिहिनि कर जोरि वखाना । प्रभु जी कौन जतन अबि ठाना । जिसते बैठे निशचल होइ। आवित चल्यो महा रिष्टु जोइ॥१८॥ हमरो धीरज होति बिनासी। क्या सो करहि आनि करि पासी। कुछ सैना को नांहि न जोर। जिसते समुख जंग दें जोर।। १६।। तुम भ्राता जेषट को मीत⁴। नहिं देखति कुछ नीत-अनीति। आगलि बार आइ रिस भर्यो । नीठि नीठि तर्वि मोरन कर्यो⁵ ।। २० ।। शाह न तुम सौ विगर्यो चहै। तऊ दुषट ए नीति ढिग रहै। तुम दिशि अनिक तूफान उठावहि । कहि कहि अधिक सदा विगरावहि ।। २१ ।। आपि करी तूषिन किस कारिन । ध्रिति हम लहै सु करहु उचारिन । बुरा करिन बैरी ढिग आवित । नींह उपाउ तुम कळू बनावित ।। २२ ॥ जिम कूकर ते वासत हरन। तिम हमरी गति है तुम शरिन। श्री सतिगुरु करि लेहु मिलाप। कै तिज थान चलहु कित आपि।। २३।। ऐसी होइ न जे चिल आवै। करिह शत्रुता गिह ले जावै। तिब सिभ विधि ही मुशकल बने । शाहु समीप दुषट हैं घने ॥ २४ ॥ हम को उतर दीजहि स्वामी। जिसते सुख लहिं थिति पद सामी⁶। बारि बारि सभि सिक्ख मसंद। भनति दीन ह्वै बिनै विलंद।। २५।।

^{1.} नेवला । 2 सिरोपा, मान-पत्र । 3. सब दास-सेवकों की संगित द्वारा लिखी गई । 4. आपके बड़े भाई (प्रियीए का) का मित्र है । 5. ज्यों त्यों तब वापिस हुआ । 6. चरण-शरण में रहकर ।

किपा ठानि संगति सों बोले। निशचा धरहु कहां तुम डोले। सितगुर बनिह सहाइ हमारी। विषदा परिह तिनहुं पर भारी।। २६।। नहिं आविन हम लिंग तिह केरा। हुइ मारग महिं दुषट निवेरा। जिम कूकर मिरगनि पर धावै । स्वापद पंथ विखै भिख जावै ।। २७ ॥ सुनित ब्रिंद आनंद विलंदे। सितगुर वाक अमोघ हुवंदे। भए न चिंत न हौल 2 उठावा। मनहु मर्योई सो लिख पावा 3 ।। २
 ॥ संगति को सुनि कै हलकारा। दिल्ली पुरि को तुरत पधारा। पहुंचि सुनायो श्री गुर बैन। सिभ के मन उपजी तिब चैनि॥ २९॥ पहुंचिह नहीं सुधासर जाड़। मारग महि ह्वै विघन विलाड् 4 । अचल मेरु सम लखि गुरु बानी । सगरी संगति सुनि हरिखानी ।। ३०।। अवि सुनीअहि सुलही की बाति । वहु अपशगन भए वख्याति । फरके भुजा विलोचन वानू। सिर वाइस 5 वैठ्यो दुख धामू 6 ॥ ३१॥ निकसित छींक भई दिसि दाएं। वहिर कुफेरो हरण पलाए⁷। हुते जु संगी तिह समुझायो। गन कुसौन⁸ को हम लखि पायो।। ३२।। सुख सरीर की चहिय तुमारे। इन को फल दुरदणा विचारे। हम इह सभि पतिआविनि⁹ कीने । बुरा करे बिन होइ न हीने ।। ३३ ।। सुनि सुलही बोल्यो मनमानी। कहां विचारि करित हो वानी। मैं क्या चल्यो जुद्ध कित करिबै। जिस ते अस संसे तुम धरिबै।।३४॥ अपने देश गमन हम कीनि। सगरो अहै िपुनि ते हीनि। इक हिंदुनि गुरु सो मम वैर। तिस गिह लेह अपर सिभ खैर।। ३५।। फकीरनि के सम सोई। आयुध धरता तीर न कोई¹⁰। प्रथम सखा सों मिलि हों अपने। देश विखे मुझ त्रास न सुपने।। ३६॥ पुन माझे ते लै धन घनो। चहीं सुगहीं किधों तिस हनी। शाहु समीप सहाइक मेरा। चंदू बली दिवान वडेरा॥३७॥

^{1.} स्वयं ही मार्ग में सिंह द्वारा खाया जाए। 2. आंतक, भय। 3. मानो उसे मरा हुआ ही देख लिया हो। 4. मार्ग में ही नाश हो जाएगा। 5. कौआ। 6. दु:ख का घर। 7. बाहर निकलते ही मृग दाएँ से आकर बाएँ भाग गया। 8. बहुत-से अपशक्तन। 9. परीक्षा करके देखे हैं। 10. उसके पास कोई शस्त्रधारी नहीं।

मैं अपशगुन बिचारौं कैसे। को हुइ सनमुख लखौं न ऐसे। इम कहि सनेसने मग चाला। दुषट रिदे हकार बिसालाः।। ३८।। पुत्र सखा सभि संग लए हैं। दिवस चलहि थिर निसा भए हैं। गमनित मग सगरों उलंघायहु। कोठे ग्राम दिशा समुहायहु¹।। ३९।। एक मंजल नर पठ्यो अगारी। प्रिथीए को सुधि जाइ उचारी। मुलही सखा तोहि चिल आयहु। मिलिन हेतु हियरो ललवायहु॥ ४०॥ सुनि फूल्यो जनु गुरुता पाई। अबि मेरो दे काम बनाई। सगल भाँति की ठानिसि त्यारी। त्रिण अरु अंन संचि करि भारी।। ४१।। निसि को जागति रह्यो अनंदति । बोलति करति उडीक बिलंदित । भई प्रात सुलही ढिग आयो। सुनि करि आगे लैनि सिधायो।।४२।। केचित मानव लीन संगि। मिल्यो जाइ करि घरे उमंग। दोनहुं उतरि गले सो लागे। बूझित कुशल रिदे अनुरागे।। ४३।। हरख हरख परसपर मिलि करि कीनो । पुत प्रिथीए आशख गन दीनो²। सतिगुर करहि मरातव³ ऊचो । दधहु, मिलिहु जो तुम मन रूचो ।। ४४ ॥ सहाइ अंग संग रहै। शाह खुशी करि करि नित चहै। कहि सुलही वडि क्रिपा तुमारी । अभिलाखा सभि पुरव हमारी ॥ ४५ ॥ कारज तोर मोरि उर रहै। करौं पूर अबि कै जिम ग्रहै। झगरे पाछे छोर न जाऊं। मैं आयो तुझ गुरु बनाऊं॥ ४६॥

इति श्री गुर प्रताप सूरज ग्रंथे चतुरथ रासे 'सुलही आगवन' प्रसंग वरननं नामु सपतम दशमो अंशु ॥ १७॥

¹ कोठा नामक गांव सामने आ गया । 2 प्रिथीए ने बहुत आशिष दीं । 3 मरतबा, पद ।

अंगु १८ सुलही नषट प्रसंग

दोहरा उतर्यो कोठे ग्राम ते वहिर, सैन जिह संगि। सेवा सिभ विधि की करी प्रिथीए धारि उमंग।। १।। चौपई

ज्यासत1 हेत दरव लै गयो। जाइ स डेरे प्रापित भयो। तंव मैं मिलि कै सौ दयो। 'गुरु घर कृतका' भाखति भयो।। २॥ सुलही किह सिभ क्रिया तुमारी। क्यों धन धर्यो सु ल्याइ अगारी। नहीं लेति वरवस इन दीनो। सेवा ते प्रसंन अति मसलित हित इकंत हइ वैसे। किह प्रियीआ अबि करिहो कैसे। दिन प्रति धनी अधिक रिपू होवा । चरच्यो बह सुत वयाह संजोवा ।। ४ ।। शाह त्रास भी नांहिन मानहि। उमराविन को कछ न जानिह। शाह दिवान स्ता को नाता। मोर्यो कहि क्कर बख्याता।। ५।। मोहि अचरज जोइ तिस देखे। साम सौं करहि हंकार विशेखे। अबि लौ रोम न बांको होवा²। वधित प्रताप अधिक ही जोवा³।। ६।। सुनि सुलही ने धीरज दीनो। शाहु संग आवित कहि लीनो। बहर चंद्र को सकल जनाई। शाहु समीपी रहिह सहाई।। ७।। पहंचित श्री अरजन गहि लैहौं। करि वंधन किस दुरग गिरै हौं⁴। इक हइ मास रखी बिधि ऐसे। हेरि लेउं नर गन कहिं जैसे⁵।। ८॥ जिब मिट जाइं किहन ते ब्रिट। रुख लिख लैहीं शाह विलंद। तिह पाछै हुइ कैद मझारी। कहि किह सों तिब दैहीं मारी⁶।। ९।। तोहि वर्नैहों गुरु जग केरा। चहुं दिशि ते धन मिलहि घनेरा। संगति सकल पाइं तव पूजिह । सुत जुति रहिन देउं निहं दूजिह ।। १० ।।

आतिथ्य, उत्तम भोजन-पान ग्रादि । 2. वाल भी वाँका नहीं हुआ । 3. देखा ।
 कैद करके किसी दुर्ग में डाल दूँगा । 5. लोगों को देख लूँगा कि क्या कहते हैं । 6.
 किसी से कहकर मरवा दूँगा ।

निज बल तबहि सफलता पाऊं। तुव रिपु स्त जुित जिब मरवाऊं। नांहि त धिक जीवन है मेरा। दियो सखा को सुख न बडेरा॥ ११॥ गहिन तिसै पूरव अभिलाखा। गयो वडाली महि तिव राखा। अबि ली हती कबी कउ मारा॥ १२॥ नांहित करति काज तिव सारा। तोरी बात न चंद्र जनाई। रिष् मारे तिब देउं मिलाई। शाहु संग अरु संग दिवान। बनि जैहै तुव बात महान ॥ १३॥ इम मसलत सुनि सदन सिधारा। सुलही सुपत्यो निसा मझारा। प्रात भई करि सौच शनाना। दिवसु चरै तिस निकट पयाना।। १४।। बैठि गयो तर्हि सहिज सुभाइ। बात कहित निज को बडिआइ। सुनहु सखा उपकार तिहारो। प्राम दिवायहु, बसे मझारो ॥ १५॥ सुख को पाइ कर्यो निज थाना । कीनि चिनावनि महिल महाना । बडे जतन ते लगे पचावे¹। पाक ईटिका सदन बनावे। १६।। क्पा ठानि करि आपि निहारो । मोहि ग्रनंद को अपने बिचारह । लोक बसाए किखी 2 विसाला। आइ पिदाइश 3 बहु सिभ काला।। १७।। फिर करि देखहु चढ़हु तुरंग। मैं चढ़ि चलौं कालि को संगि। आज पिखो मंदर अरु आवै। तुमहं दिखाई हरख मुझ आवै।। १८।। इम सुनि सुलहो आनंद धारा। भयो बिलोकनि को तिब त्यारा। पूत्र सखा सगरे संगि चाले। बसत्र शसत्र तन पहिरि विसालै।।१९।। प्रियीए को कर सों कर गह्यो⁴। प्रिथम ग्राम की हेरनि चह्यो। सनै सनै आंतरि चिल गर। मंदर सकल निहारित भए।। २०।। अनिक भांति की बातनि करते। इत उत प्रेरति हेरति फिरते। ग्राम दिखायो जितिक बसायो। तिह ते पून वाहर निकसायो॥ २१॥ चले पचाविन की दिशि फेरि। दीखित लगे ज् ऊचे हेरि। प्रिथीए की सराह को करता। मो महिं प्रीत बिसाल बिचरिता।। २२।। जबि आवे पर लगे अरुढ़िन। निकट मीच⁵ आई तिन मढिन। प्रियीए को पिशाव तिब आयो। त्यागिन लग्यो रह्यो पिछवायो।। २३।। सलही निज संगनि सों कहे। चलह उचेरे सिभ दिशि लहैं। खरे होइ चहुंदिश को हेरें। पहुँचिह द्रिषटि दूरि अरु नेरै॥ २४॥

^{1.} इँटों के भट्ठे । 2. कृषक । 3. उपज । 4. हाथ में हाथ पकड़ ुक्तर । 5. मीत ।

इम कहि चढ़यों वेग ते मानी। नहिं नीके थिल पिखि अगवानी। दौर्यो जाति संग सभि लीए। एक स्वास चढ़िहैं हठि कीए।। २५।। होतिहार ने मित विचलाई¹। सने सने निह कीनि चढ़ाई। श्री अरजन जी शवद वनायो। दीनो स्नाप समै सो आयो॥ २६॥ छार दिखाई परै। तरे तिसी के पावक जरै। ऊपर कछुक भसम करि हेरा। तरै पोलि धसि जानि घनेरा 2 ॥ २७॥ जिदति परसपर³ धाइ पहुंचे । चढ़े पचावे चोटी गुरु बाक ते धिस गयो ऐसे। प्रान हान ते बचे न जैसे।। २८॥ धसित मसम ते उद्दरयों बल ते। निकस्यों गयो नहीं तिस थल ते। बहुर गिर्यो तिसही महिं जाए। साथी गहिन हेतु उतलाए॥ २९॥ हाइ करते तरफर्यो । उछरि उछरि तिस ही महि पर्यो । हुतो हाथ महिं खर 4 गंडासा। उछलति गिर्यो ताहि के पासा॥ ३०॥ जहां गिरी ग्रीवा तिंह धारा। तति छिन घर ते सिर किट डारा। अगितसाथ तन भरथा भयो । किसते नहीं निकास्यो गयो ॥ ३१ ॥ उतलावित नर वस न बसावै। निकटिन होति इतै उत जावै। पहुंच्यो नहीं निकासन वारो। दूरि हटे कुछ चल्यो न चारो॥ ३२॥ आप जलनि ते गाति बचावैं। सो जलि गयोन को निकसावै। रोदित ऊचे करित पुकारू। मरयो जरित हमरो सिरदारू॥ ३३॥ प्रियीआ सुनि दौरति चढ़ि गयो। करयो विलोकनि भुरथा भयो। बड़े जतन ते तिब निकसावा। चरवी सेत⁷ देहि दरसावा।। ३४।। हाइ हाइ किह प्रिथी आ रोवो । कारन कौन अचानक होयो । मिहरवान के सहत पुकारै। अश्रु विलोचन ते गन डारै॥ ३४॥ मर्यो कुमौत संगि के कहैं। या खुदाइ दोज़क⁸ इह लहै। दफन करिन को तुरक इमान⁹। जर्यो जर्यो दुव लहै महान ।। ३५।। बहुर दुश।ला तिस पर डाला। खाट पाइ करि वहिर निकाला। कबर खोद करि तिहं दफनायो। सिभ मिहं शोक अधिक विदतायो॥ ३७॥ पत्र भ्राता हितकारी। मरे होति शंकति दुख भारी। जथा प्रियीए ने संकट पावा। चितवहि-'मुझ कलंक इह आवा'।। ३८।। तिम

^{1.} होनी ने बुद्धि कुण्ठित कर दी। 2. धंस जाने के लिए खोबला स्थान था। 3. आपस में जिद्द करते हुए। 4. तीक्षण। 5. गिरते हुए गर्दन के पास ही (उसकी) धार थी। 6. भून गया। 7. सफोद चर्बी। 8. नरक। 9. तुर्कों का धर्म है।

स्लही स्त रुदयंति पुकारा। प्रथीए ने पित जारित मारा¹। मैं अबि चही तोहि संग कीना²।। ३९।। भलो संखापनि को फलदीना। छल करि जार्यो अगनि भखाए। छादि छार चढिवाइ पचाए। में क्या तोहि कपट नहिं जानों। इसको पलटा तिस विधि ठानौ ॥ ४०॥ इत्यादिक सुनि प्रिथीआ डर्यो । चहै रिदे तिस हरखनि कर्यो । करको जोरति बिनै बखानै। तुझ ते अधिक हितू हम मानै।। ४१।। को लखैन कोई। अचवित सुधा हलाहल होई। होनिहार पालिय धेनु दूध के लैवे। जिम हुइ शेर उठे तन खैंबे।। ४२॥ कहों कहां कुछ बाति न कहिवे। मुझ तजि चढ्यो तुरित भा दहिवे³। अपर अनेक दीनता लहि लहि । समुझावति बहु भाँतिनि कहि कहि ।। ४३ ।। तिन संगिन को गन धन दीनों । नीठि नीठि पचाविन कीनों । अपर दुशाले बसत्र अछेरे। बाजी चपल जु मोल बडेरे॥ ४४॥ दरव समेत विनै वहु कीनि । सुलही सुत को प्रिथीए दीनि । को दिन रहि करि दिल्ली गयो। जहांगीर के ढिग कहि दियो।। ४५।। जर्यो अचानक आवै जाड़। होनिहार नहिं मिटहि कदाइ। प्रियोआ रह्यो बिस्रित भारो । श्री अरजन प्राप्यो तन जारो ॥ ४६ ॥ कैसे बचिह जु दोखी गुरु को । कौन बचाइ, हत्यो सो धुर को⁶ । स्नाप दियो गुरु सबद बनाइ। सौ मैं लिख्यो वनहि इस थाइ।। ४७।।

श्री मुखवाक।

बिलावल महला ५ ॥

मुलही ते नाराइण राखु।
मुलही का हाथु कही न पहुचै, सुलही होइ मूआ ना पाकु।। १ रहाउ।।
किं कुठारु खसिम सिरु काटिआ खिन मिह होइ गइआ है खाकु।
मेदा चितवत चितवत पचिआ जिनि रचिआ तिनि दीना धाकु ।
पुत्र मीत धनु किछू न रहिओ सु छोडि गइआ सभ भाई साकु।
कहु नानक तिसु प्रभु बिलहारी जिनि जन का कीनो पूरन वाकु।। २॥ १८।

^{1.} प्रिथीए ने (मेरे) पिता को जलाकर मार दिया। 2. वैर। 3. जल गया।
4. उसके संगियों को बहुत-साधन दिया। 5. ज्यों-त्यों करके मनाया। 6. आदि शक्ति
द्वारा मारे गए को कौन बचा सकता है। 7. धकेल दिया, आगे कर दिया।

दोहरा

श्री अरजन को बुरा नित चितवति, चितवित मीच¹। वस न बसायहु मूढ को पर्यो सु दोजक बीच॥ ४८॥ **घोप**ई

गुर दोखी की दुरगित होइ। हिंदू किधीं तुरक हैं कोइ। इंद्र आदि गृरु दोख न तिषटें । दुख सजाइ लहि पद ते श्रिषटे ॥ ४९ ॥ खिमा निधान गुरू निहं रिसै। आपि परमेशुर नासिह तिसै। हुइ दरगाहु बिखें मुख कारा। मिर कुमौत परि नरक मझारा॥ ५०॥ सिभ पुंनिन को होइ बिनाशीं । जनमिह मरिह परिह जम फासी। इम सुलही गुर दोखी मर्यो। घोर नरक मिहं ततिष्ठिन पर्यो॥ ५१॥

इति श्री गुर प्रताप सूरज ग्रंथ चतुरथ रासे 'सुलही नषट' प्रसंग बरननं नामु अषट दशमो अंशु । १८ ।

^{1.} मृत्यु चाहता था । (गुरु की) । 2. गुरु का दोषी बनकर इन्द्र भी स्थित नहीं रह सकता । 3. सभी पुण्य नष्ट हो जाते हैं ।

अंश १९ 'प्रिथीए सौं चंदू' प्रसंग

दोहरा

पहुंची केतिक द्योस महिं सुधि सित गुरु के पास। मिलि संगति उतसव कीओ दुषट महां लिख नाग ॥१॥

चौपई

करिवाइ घनेरा। सित गुर को जस करिह उचेरा। बारि बारि सो शबद पंठित । जिस ते सुलही मर्यो दुखंति ।।२॥ धीरज धारि भरोसा करिहि। लघु विसाल कहि श्री गुरु पुरिहि1। 'बडे दृषट को भयो बिनाशि। हुइ निर्चित भोगहु सुख रासि।।३।। श्री अरजन गुरू। बाक सिंध जिनके रिपुरूरू²। ब्रहम असत्र सम जथा कहंते। कोटि जतन ते बचहि न, हंते ।। हो। जिब ते सुलही जर मरि गयो। चिंतो दिध महिं प्रियीआ भयो। गटी अनेक उतार चढ़ावहि । निस बासुर झूरति दुख पावहि ।।५ः। हते अलंब सैलसम³ मोरा।भावी बज्र अचानक जिसने मेरा मान बधायो । ग्राम शाहु ते कहि दिलवायो ॥६॥ सदा चहति रहि करिवे आछो। मैं तिसते नित निज हित वांछो। जिस अलंब हों सदा सुखारो। करति प्रतीखन अनुज संधारों।।७।। शाह सभा सभि अपनी जानित । इस वैठे पिखि वुरा न ठानित⁴ । घर शादी होवै। मूझ ते अवहि त्रास को खोवै।। पा अपनी अजमित नरन जनावै। कहि किह संगति ते पुजवावै तिसुको सुत ले गुरुता गादी। मन भावति लखि ठानहि शादी॥९॥ मिहरवान मम सुत क्या करै। हेरि शरीकिन को दुख भरै। बिपदा परी आनि करि मोही। अब मम कौन आसरो होही ॥१०॥ नहीं शरीरिन को बिस्वास। सुलही सम छिन महि हुइ नाश। मुझ पाछे सुत होइ अकेला। किस के रहै अलंब सहेला।।११।।

^{1.} अमृतसर। 2. जिनके वचन शत्रु रूपी मृगों के लिए सिंह समान हैं। 3. पर्वत समान अवलंब। 4. उसे बैठा देख मेरा बुरा कोई नहीं कर सकता था।

अपर उपाइ बनित निहं कोई। इक चंदू अरजन रिपु होई। तिस दिवान सों कौन मिलावै। कहि गुर 1 , मेरो सुजसु सुनावै।।१२।। जिसते अदब साथ मुहि मिले। करौं चिनारी दिल्ली चले। तिस को ले अलंब मै रहों। अमुज संघारित² ी विधि कहों।।१३।। इत्यादिक नित गटी गिनंता। सिमरि सिमरि सुलही पुछतंता। अबि गमनित ही रिपु गिह लेतो । करि कै कैद मारि पुन देतो ॥१४॥ सो नहिं भयो आप मरि गयो। भावी आइ अचानक हयो³। उत चंदू दुखीआ पछुतावै। देखिह सुता बदन मुरझावै।।१५॥ इतने महि सुधि किसे सनाई । हरि गुविद लिय ब्याह किथाई । दरव ब्रिंद खरच्यो तिह समे। चहुं दिशि के नर अनगन नमै ॥१६॥ सुनित मनो किन बरछी मारी। मुख अछादि पौढ्यो तिस वारी। चितवित-तिनया रही कुमारी। जाति विखै पित गई हमारी।।१७।। नाता हट्यौ न लैहै कोई⁴। मुशकल आनि मोहि कहु होई। तनीआ दुख देखनि ते आछो। प्रान हान अपने को बांछों।।१८।। धिक जीवन मेरो जग मांही । जिस तनीआ पति प्रापति नांही । नाता फर्यो रह्यो सुखारो। सो मुझ ते नहि गयो संधारो।।१६।। शाहु दिवान हुकम मम चलैं। लोक हजारों मोकहु मिलैं। जिसने त्रास तनक नहीं माना । मैं न तिदारक तिस सों ठाना⁵ ॥२०॥ प्रिथीआ भ्रात वडेरो अहै। कोठे ग्राम सुन्यो सो रहै। लिख्यो पटा में, दीनो जबै⁶। तिस को त्रासद लिखि हौं अबैं⁷।।२१।। अनुज आपने को समुझावै।नांहि त कोठा ग्राम छिनावै। देउं विगार कार मैं सारो। सहत कुटंब गहीं दुख भारो॥२२॥ निरभं कीनि अनादर मोरा।कहि स कठोर विप्प को मोरा। लिखि पत्रिका अपनो जोरा। 'अब लिग कहों हाथ मैं जोरा⁸।।२३।। नाता मोर सता नहिं मोरि। यां ते कहीं निहोर निहोरि⁹। अबि लिंग मैं कछ नहिन बिगारा। होवै गो सनबंध बिचारा 10 ।। २४।। इत्योदिक लिखि करि पठी पाती। निस दिन दुख ते सुलगित छाती। चिल दिल्ली ते तिव हलकारा 11 । आयस् कोठे ग्राम मझारा ॥२४॥

^{1.} गुरु कहकर (पृथीए को)। 2. मार डालने की 3. नाश हुआ। 4. तिरस्कृत सगाई कोई और स्वीकार नहीं करता। 5. उसका प्रवन्ध न किया। 6. जब (पृथीए को) गाँव दिया था, तो पटा मैंने लिखा था। 7. अब उसी को भय दिखा कर लिखता हूँ। 8. अब तक मैं हाथ जोड़ कर कहता था। 9. प्रार्थना पूर्वक। 10. सम्बन्ध होने की भावना विचार कर। 11. पत्र-वाहक, हरकारा।

प्रिथीआ बैठ्यो जाइ निहार्यो । हुतो पत्र तिस आगे डार्यो । पठि के हरख कषट ज्य धारे। पुनहि बाक भाखे हलकारे।।२६॥ 'तुम किम बैठि रहे सुख माने ?। शाहु दिवान बैरि को ठाने । नहिं अपनो तुम जीवनि चाहा। जिसको हुकम देश के माहां।।२७॥ सपतो किम निचित हठि करि कै। झोरी महिं बिखधर¹ को धरि कै। अबि लगि लखै सबंध वनं है। नतु 'पतिशाह स्नाइ गहै है²।।२८॥ किस के बल अलंब को लीए। बैठे बिना त्रास करि हीए। सूनि प्रिथीए डरु कीनि घनेरा। विगर न जाइ अनुज संग मेरा³ ॥२६॥ मैं अति व्राकीनि विलमायो⁴ । अपनि द्वैष को नहीं लखायो। भ्राता जानि गहै जब जिब आई। पति⁵ बिगरे क्या बनहि उपाई ॥३०॥ चंदू संग बैर तिस केरा। इस महि भला भयो अति मेरा। तऊ जनाए बिन निज द्वैख। मो कहु बुरा बनिह सु विशेख।।३१।। इम बिचार चार⁶ ज् सनमाना । दीन वाक⁷ तिह साथ वखाना । 'जिन चंदू के संग बिगारी। सो तो मोर शत्रु है भारी।।३२॥ जे तिह संग करिन कुछ चाहो । बनौं सहाइक सदा उमाहों । मो कह इषट हतिन तिस केरा । इस विधि देहु संदेसा मोरा ॥३३॥ जिस दिन गहहु कि मारउ नांहि । उतसव करौं अपनि घर मांहि । मैं चाहित हों नितप्रित मारा। नहीं परंतु चलिह मम चारा॥३४॥ मैं पित को सूत अहीं बडेरा। सिब ते लघु सो लखहु खुटेरा। बल छल करि सभि वसतु संभारी। बनि वैठ्यो आपे अधिकारी।।३४।। बहु, उर गरवावै। चहं दिशि के नर दरव चढावें। भयो धनी छीन लीनि मेरो अधिकारा। पित पुरि ते कहि वहिर निकारा।।३६॥ तुम सभ ने मुहि शाहु मिलावा। एक ग्राम तिब तिसते पावा। साथ गरीवी करौं गुजारा। लिख मुझ अपनो कीजिह प्यारा।।३७॥ हमतो तुमरे नित अनुसारे। तिह भ्राता लखि दिह न विगारे⁸। मिहरवानगी हम पर करीए। निज शत्रू को पकरि संधारीए'।।३८।। इत्त्यादिक लिखिक, हलकारे । कुछुक दरव दे आदर धारे आछे करिवाई। गुरु द्वैष को बहु समुझाई खानपान

^{1.} विषधर, सर्प। 2. पकड़वा देगा। 3. छोटे भाई के साथ-साथ कहीं मेरा भी अनर्थ न हो जाये ? 4. विलम्ब किया। 5. इज्जत। 6. पत्र-वाहक को। 7. नम्र वचनों द्वारा। 8. उसका भाई समझकर मुझ से मत बिगाड़ना।

चार विसरजन कर्यो अनंदे। जान्यो-अविह्वै काज विलंदे। जुया अचानक सुलही मर्यो । तथा काज मम गुरू सुधर्यो ।।४०।। हरख करित चितवित नित ऐसे । चंदू विगरि गहै गुरु जीसे दिल्ली बर्यो जाइ हलकारा । पाती देति ब्रितांत उचारा 118811 'अनुज साथ सो वैर धरंता। प्रानहान ली जतन करंता सुलही ते चाहित गहिवायो । सो मरि करि जम धाम सिधायो ।।४२।। अवि वांछत डर, हतिह दिवान । मो समीप बह बार बखान मेलि चहति है रावरि संग । करिह जतन गहिवे गुरु अंग 118311 आप हकारो तूरन आवै। अनिक भांति की घात वतावै तुमको हुइ सुखैन गहि लेनो । चहहु सजाइ करहु तबि देनो 118811 कै कंन्या को लेहै नाता । कै मानहि निज प्रानिन धाता करहु जतन रहि आवहि लाजा । सुधरिह नीके विगर्यो काजा 118811 सुनि करि चंदू हरखित होवा । लेऊं वैर सहिजे-तिव जोवा जे रिपु घर महिं भेद परंता । तौ सुखेन ही काज बनंता 118811 जया अश्रु निकसिंह चख द्वारे । अंतर दुख लिखयित विधि सारे त्यों रिपु को सिभ भेद बतावै। भ्राता फटि करि जे मिलि जावै2 118011 कहिन शाह सों वनै बहानो । भ्रात पुकारू दुखी महानो यांते अबि बुलाइ करि तूरन। करों मनोरथ अपनो पूरन 118511

इति श्री गुर प्रताप सूरज ग्रंथे चतुरथ रासे, 'प्रिथीए सौं चंदू प्रसंग' वरननं नाम ऊन बिसती अंश् ।।१८।।

यथा आँख-द्वार से अश्रु निकलने पर (मन की समूची पीड़ा दीख पड़ती है)।
 यदि भाई फूट कर साथ आ मिले।

अंशु २० चंदू मिलनी प्रसंग

दोहरा

लिखी पत्निका तिब भले अपिन जनायहु प्यार । 'आवहु मोहि समीप अबि, द्वैष जि इसी प्रकार ।।१।।

चौपई

रचौं जतन मिलि संग तुमारे । गहि लैहों ततछिन तिस मारे मैं जि सहायक होयहु तेरा । बनै काज, तजि कपट बडेरा इत्त्यादिक लिखि चार¹ पठावा । 'मिलहु आनि, कहु, जिम गहि जावा' । कोठे आयो । मिलि प्रियीए सों सकल सुनायो ॥३॥ 'तुव दिशि ते मैं बहु समुझायो । सुनि हरख्यो अबि निकट बुलायो । मिलहु, दुहिन को सुधरे काजू। उठो चरन धरि मग महि आजू।।४।। निहं बूझो पांधा² चिल परीअहि । अपनि मनोरथ पूरन करीअहि । सुनि प्रिथीए नहि बिलम 3 लगाई । बडवा 4 पर काठी मिहरवान सों करि करि प्यारू । छोर्यो करि चौकस परवारू। 'अबि के जाइ लेय हीं गादी। शाह दिवान भयो बहु बादी'। ६।। कहि इत्त्यादिक करमो संग । धीरज दे करि चल्यो उमंग । चलै दूर मग बासुर सारे⁵। निस महि बसै कुकरम चितारे।।।।। थोरिन दिन महि दिल्ली गयो । प्रविश्यो कित निवेस करि दयो । पठ्यो दास तबि चंदू पास । 'आयो मैं उर धरे हुलास ।। ।।।। सुनि सुध को निज निकट बुलायो। जाइ दास ने तब सुनायो। 'गमनह तुरत, काज बनि आयो। सुनि प्रिथीआ मन महि हरखायो।।६।। सूखम बहु पालनि को जामा⁶। पहिरि पाग बांधी अभिरामा। दैवे हेत । जिम सिरुपाउ गुरू सिख देति ॥१०॥ पुन चंदू के

1. दूत। 2. आकर मिलो और बताओ कि वह कैसे पकड़ा जा सकता है। 3. किसी मुहूर्त्त की प्रतीक्षा न कर अर्थात् बिलम्ब न कर। 4. घोड़ी। 5. सब दिन 6. वस्त्र।

अधिक मोल की पाग मंगाई। जरी छोर है बहुति लगाई। तैसे लियो दुकूल अछेरा। तिस हित खरच्यो मोल वडेरा॥११॥ दास पास ते सो उचवाए। अपर वसव ते लीनि दुराए। कछुक संग नर पहुंच्यो जाई । 'आवित है' सुधि अग्र पठाई ।।१२।। खरो भयो चंदू जिंव हेरा। मिले भुजनि भरि जग तिस वेरा। वैठे इक आसन दोऊ । देखि परसपरि हरखित सोऊ ॥१३॥ प्रथम प्रिथीए प्रिथक करनि की । कही बारता जथा गुरनि की ।2 जेपट सुत बैठो रहिओ। वल छल ते गुरता पद लहिओ।।१४॥ हते गोइंदवाल। तिन को पक्खी कीन बिसाल। इक भल्ला तिहं ते गुरदास । सो ले ले संगति तिस पासि ॥१५॥ करे मिलावनि धन अरपावै। कहि कहि महिमा अधिक बधावै। देश विदेशनि महिं प्रगटायो । धनी होइ करि गरब वढायो ॥१६॥ तुहमित⁴ मुहि तुफान की लाए । पित पुरि बसित हुते निकसाए । सुलही हतो सहाइक मेरा। मर्यो अचानक दुखद बडेरा।।१७॥ अवि अलव⁵ मैं गह्यो तहारो । बांह गहे की लाज बिचारो । सुत जुत⁷ हतह कि कैद करीजै। नाता⁶ फेरनि को फल दीजै।।१८॥ गुरता गादी मैं अधिकारी। मोहि दिवावह करुना धारी'। सुनि चंदू नै धीरज दीनि । अबि न चिंत करि चीत मलीनि ।।१६॥ मेरे संग बैर नहिं बाधा । चाहति निज प्रानिन को बाधा । सकल बिनासों तिस हंकारा । कारा ग्रहि महि पर दुखारा ॥२०॥ दिउं सजाइ नाता मनवाऊं। तौ चंदू मैं नाम कहाऊं। करौं दीन दुख ते सिभ भांती । तिस बासुर हुइ सीतल छाती ।।२१।। जाति बिखं पतिमोर बिगारी । दुहिता साक हट्यो दुखभारी । जावति लवपुरि को नहिं जावति । तावति सुख, मैं साच बतावति ॥२२॥ अवै शाह को दिउं उपदेश। होइ प्रवेश सु माझे देश। तहां जाइ करि जतन बनावों। करि फरेब को निकट बुलावों।।२३।। इक बार निज धरि महिं वार। दै दै हीं पुनबार किबारि। जया व्याध को जार पसार । करै फसावनि बिहंग⁸ उदार ।।२४।।

^{1.} दोनों छोरों पर जरी का काम था। 2. पृथिए ने पहले गुरु-पद से पृथक् किए जाने की वार्ता कही। 3. वहाँ का एक भल्ला जाति का व्यक्ति गुरदास है। 4. लांछन। 5. आसरा। 6. दोनों बेटे। 7. विवाह का रिश्ता। 8. अहंकार। 9. पक्षी।

तिस पाछे गरता बर गादी । पहुंचिह तोहि करो नित शादी । प्रतीखित एतो समै। हिठ को त्यागि मोहि दिसि नमै ।।२५॥ नाहि त अबि लगि मैं गहिवावित । जिम चाहित तिस ते मनवावित । कै ले नाता, कै दे प्रान । निशचै हुइ है इही निदान ॥२६॥ सूनि सुनि प्रिथीआ अंग न भावै । करि अनंद चंदू बडिआवै । तुम मालिक जग के समरत्थ । बखशनि हतनि नरिन विच हत्थ ।।२७।। इम बक सम अघ 1 चितवित दोऊ । सिरेपाउ चिह दैवो सोऊ । बहुत मोल को जरी विसाला । गुरु घर को लिहु रहो सुखाला ॥२८॥ सादरचंदु ने तबि लीनि । सिर पर धरि करि आनंद कीनि । दरब मंगाइ अरपना² करे । हाथ जोरि नंम्रयो हित धरे।।२६॥ प्रिथीए निशचे कीनसि तबै। गुरता प्रापित मोको अबै। सुलही ते इह अहै महान । मालिक मुलकिन शाहु दिवान ।।३०।। कर्यो सखापनि सुख को पाए । चितहि मनोरथ हुई दुखदाए । केतिक दिन तबि दिल्ली रह्यो । नित चंदू मिलि हुइ हित लह्यो ॥३१॥ सदन जानि को पुन चित चाहा । गमन्यो शाहु सचिव के पाहा । मसलित करें। श्री अरजन संग अघ को धरें।।३२।। सादर बैठे मोकहु देहु विदा, घर जावौं । बीत्यो चिर, कुटंव सुधि पावौं । रहीं प्रतिखति पंथ तुमारा । आविन महि नहि करह आवारा³ ॥३३॥ एक आसरो हम ने हेरा। तुम ते कार सुघर 4 है मेरा। बारि बारि क्या कहीं बनाई । जानति सिभ बिधि की चतुराई।।३४॥ ज्यों क्यों करह शाह को त्यारी । लवपूरि थिरह आइ जिस बारी । रावरि संग मिलौं मैं आई। तिहं लै हैं सिभ बात बनाई ॥३५॥ मैं पुकार करि ही तिस थाना । बनिह बुलाविन केर बहाना । लवपुरि महि निज घर ले जावहु । मन भावति रिपु संग करावहु । ३६।। चंद रोज मींह चंद्र कहै। हमरो आविन हइ तींह रहै। बिलम⁵ नहीं बहु, जानह साची । हइ पूरन जिस महिं रुचि राची ॥३७॥ मिलहु आइ, सभि कार सुधारें। गुरता देहि शत्रु को मारें। महां दुसट सों मसलति करि कै। भयो बिसरजन⁶ सुख उर भरि कै।।३८।।

^{1.} पाप । 2. अर्पण किया । 3. देरी । 4. आसान । 5. बिलम्ब, देर । 6. विदा ।

दिल्ली ते ह्वं करि असवार । गमन्यो तूरन मग पग डारि । पहुंच्यो कोठे गाम मझारा । मिल्यो आनि अपने परवारा ॥३६॥ मिहरवान को ले करि गोद । वैठ्यो प्रिथीआ पाइ प्रमोद । चंदू संग मिलनि हरखावनि । सिभ कर्यो ढिग करयो वतावि ॥४०॥ केचित दिन मिहं गुरता गादी । हम ढिग आइ होहि सिभ शादी । प्रथम सहाइक भयो बिनाश । अबि चंदू हम करिह हुलास ॥४१॥

इति स्री गुर प्रताप सूरज ग्रंथे चतुरथ रासे चंदु मिलनि प्रसंग वरननं नामः बिसती अंशु ॥२०॥

^{1.} शीघ्र।

अंशु २१ गोइंदवाल गमन प्रसंग

दोहरा श्री अरजन जग सतिगुरू संगति करति उघार। सहत अनंद बिलंद के कितिक काल को टारि ॥१॥

स्वैया छंद

सिखय हजारों शरनी¹ परि हैं सत्तिनाम को दें उपदेश। अजमित जुति बह जीव मकति भे काटे बंधन कुमित कलेश। सेवा करि करि शरधा धरि धरि पातक² हरि हरि भए विशेष। कितिक समीप रहति नहिं गमनति, दरशन को सुख लहै अशेष ॥२॥ अपर3 देश करिवे किरतारथ कितिक बिसरजन ह्व चिल जाइं। रिदे ध्यान गुरू रूप बसाविह, निशचल मित करि नहीं डुलाइं। मिलहिं तिनह उपदेशति सिक्खी, असि⁴ ते तिक्खी जो अधिकाइ। गुरु भाणे कह मानै सुख सों इक सम ब्रिती न शोक उपाइ।।६।। जिंह किंह गुर की बाणी बिथरी, सथरी करिंह केंठ हरखाइ। पातक दादर गनको अहनी, दहनी विघन विपन सम्दाइ। मिगिन बिकार बिंद को शेरिन, प्रेरीन मन की प्रभ दिसि घाइ। ब्रहम ग्यान की सुगम सुजनिनी, हननी⁵ मोह, जननि सुखदाइ ॥४॥ पुंज मनोरथ पूरनी, फुरनी अनुभव की उर मांहि। कूर बिश्यन की अहै बिरागिन, रागिन सत्तिनाम की आहि। प्रेमा भगति उपावनि हारी, हारी निंदक ब्रिंदन दाहि। पिंठ गुरू सिक्ख कितारथ होवित, जोवित अपनि रूप सुख पाहि ॥५॥ जिसे हित जग अवतरे प्रभु जी सभि जीवनि की चींह कल्ल्यान। होति निता प्रति कारज ऐसे, जैसे वधहि भगति अरु ग्यान । पुरविन बिखे आइ गन संगति मंगति सत्तिनाम दे दान। आइ उपाइन अरपिंह पग पर, परींह शरन करि संकट हानि ॥६॥

^{1.} शरण 2. पापी 3. दूसरा 4. तलवार 5. नष्ट करने वाली।

इक दिन श्री अरजन गरु बैठे हरि मंदर महिं शुभित विसाल। महांदेव तिव त्याग सदन को करि शनान श्री अंम्रित ताल। गयो अनुज के निकट, देखि तबि लियो बिठाइ मान के नाल । शबद रवाबी गावित सुंदर, सुनित रह्यो करि प्रेम विसाल।।।।।। चौकी को जिब भोग पर्यो तिह श्री मुख ते फरमाविन कीनि। बडी किपा करि तुम चिल आए, आइस देह उचित चित चीनी। हम रावर के नित अनुसारी अहो शांति मित गुर जसु भीनि। भली बारता नित समुझावित ग्यान उदिधि² महिं सद मन मीनि ॥ । । ।। महांदेव उर हरख्यो अतिशै तुम को ऐसे ही वनि आइ। सरव जगत के गृह शिरोमणि मुझ को बोलित बहु विडआइ। अहै वडिन की इह विडिआइ पर जस किहनो अपिन दुराइ। बडो भ्रात करि मुझ को जानहू तुस गुन मिंह सिभ ते अधिकाइ ॥६॥ श्री नानक आदिक की गादी तिस पर बैठें तिनह समान। मो उर विखे प्रतीति भई अवि, नांहि न अनुज आपनो जानि। बिनै सहत में कहति तुमहं को अपने नाने गुरू महान । गोइंदवाल अंश है तिन की हमरे संग सु सनेह सु ठानि ॥१०॥ श्री गुरु अमर दिवस ग्रुभ पूनो उतसव करति सकल हरखाइ। सिख संगति गन मिलहि आइ करि, पाइ महां फल सिभ सुखदाइ। है मम चित महिं तहां जानि की चहौं तुमारी अवहि रजाइ।³ केतिक दिवस रहौं पुरि तिसहि, जीवति रहयो मिलिहि पुन आइ ॥११॥ सुनति स्रात ते हरखित होए कह्यो बुद्धि तुमरी को धन। हम भी चलहिं करिह सिभ दरशिन उतसव पूरनमा मन मिन। हुइ इकल पुरि पिखहिं पवित्रा जहां विचल्न पाइं फल जंन। चिर बीत्यो दरसे बिन थल को उमगति रिदा⁴ बिलोक प्रसंन ॥१**२**॥ इम सादर बहु भ्रात सराह्यो, महांदेव सुनि करि हरखाइ। अपर बारता⁵ अमर गुरू की कर्ति शलाघा⁶ रुचि उपजाइ। सम पारस के परसे जिसके हुते मनूर सु हेम⁷ बनाइ। बन महिं जिम इक बावन चंदन तरू सुगंधित करि समुदाइ।।१३।। देश विदेशनि महिं निज दासनि करामात साहिव करि दीन। नरिन हजारिन के बच फ़ुरि हैं सुर आदिक सिभ करे अधीन।

^{1.} इज्जत के साथ। 2. ज्ञानसागर। 3. आज्ञा। 4. हृदय। 5. अमरवार्त्ता, अमरकथा। 6. प्रशंसा। 7. सोना, स्त्रणं।

जिम आइसु करि देति सुभाइक मार्नीहं तिम बासी पुर तीन। सिक्खी जिंह किंह बहु बिसतारी, बिशयनि बिसतारी दुख हीन ॥१४॥ इसते आदिक करित प्रसंसा हमरे पित पर अधिक किपाल। प्रिय पुत्रनि ते आदि तजे सिभ दई बडाई करे बिसाल। जम आदिक गन व्याधि नरिन की निज पूरि ते बरजे दुख जाल। कौन कौन गुन तिन के भनी अहि अंत न पयति भगति रसाल ॥१५॥ उठे बहर श्री अरजन सतिगरु निज निज सदन गए सिम कोइ। निसा परी भोजन शभ करि के सठ प्रयंक² पर पौढति सोइ। प्रातकाल करि सोचि शनानिह चिलवे हेत त्यार गुरु होइ। महांदेव को संग मिलायहि चहति ज दरस साथ भे सोइ।।१६।। नंदन हरि गोबिंद रिपू कंदन, चंद मनिंद बिलंद दुलारि। दे धीरज बीरज जुत सत को, हाथ बंदितिन बंदन धारि। हटे निकेत समेत सिखय गन, सितगुरु गमने पंथ मझारि। दास मसंद ब्रिंद सिख संगी संग चले जैकार उचारि ॥१७। उलंघे मारग गए ग्राम ढिग नाम खड्र गुरु इसयान। सुनि दातु दित आदर आयो ले निज संग प्रवेशनि ठान। डेरा करवाइसि शुभ घर महिं नीर अनाइ पखारे पान। पग पखार³ करि टिके कितिक चिर श्री अरजन ह्वै करि सवधान ॥१८॥ ले दात संग श्री अंगद थल गए दरस करिवे दरबारि। दरब दीनि, अरदास कराइसि, हाथ जोरि ठांढे अगवारि। बहुत प्रसादि तहां बरताइसि, नमसकार कीनिसि हितधारि। दई प्रकरमा चारबारि फिरि सिख संगति सभि तिसी प्रकारि।।१६।। qनह सिवर 4 मिंह पहुंचे सितगुरु दात सेवा सरब कराइ। निस सुपते उठि प्रात चले गुर **गो**इंदबाल अनंद उपाइ। सुनि आगवन् ग्रपने भवन् दुशमन दवन् जुत समुदाइ। निकिस मोहिरी आगे आइ सु मिल्यो रिदे बहु प्रेम बधाइ।।२०। आदि परवार अगारी मिल्यो गुरु सो आगे आइ। दुहि दिशि बंदन करी भाउ धरि कुशल पुछ करि सुख को पाइ। सुंदिर बिखे उतारे रुचिर प्रयंक डसाए ल्याइ सकल भांति की सेवा कीनसि खान पान आदिक समुदाइ ॥२१।।

^{1.} संकट । 2. चारपाई, बिस्तर । 3. पांव घोकर । 5. शिविर ।

निस मिंह सुपते, उठे प्रात को, जाइ बावली कीनि शनान। सिख संगति तैसी विधि करि के पुनह चुवारे दरशन ठानि। श्री गुरु अमर अंग सभि मिलि के कीनसि चरचा आतम ग्यान। भन्यो, सुन्यो, मन गुन्यो भले करि, सभि महिं भयो अनंद महान ॥२२॥ कितिक दिवस वसि पुरी विताइसी पुन पूरनमाशी दिन आइ। डल्लेवासी आदिक सिखगन भयो मेलि आए समुदाइ । ब्रित, मिषटान चून गोधुम को, सूखम चावर² सूप लिआइ। संचे भयो ब्रिंद सामिग्ग्री देग हेति सिध स्वादि रसाइ ॥२३॥ सिखय ब्रिंद सेवामहिं ठाँढे को जल आनहि, इंघन जालि। भयो अहार सुत्यार अनिक विधि सिख संगति थित संगत नालि। श्री अरजन जलनिज कर धरि कै, चरन पखारै प्रीत विसालि। महांदेव, सेवा महुं लागे बरताविह बहु असनरसालि ॥२४॥ मोहन, अनंद, मोहरी आदि जि सिभ संगति की सेव करति। श्री गुरु अमरदास को मख³ है इस कहि सगरे टहिल चहित। केतिक अचित कितिक वरतावित केतिक जल को देति पिवंति। लोक हजारहं मेलि भयो वड अधिक कुलाहन सुने शुभंति ॥२४॥ भाउ भगति वह संगति पंगति मंगति जो पुरवति अभिलाख। उतसव करि पूरनमाशी असन खुवाइ खाइ करि कांखि। भयो प्रमोद सिभिनि के मांही गुरू अमर के जसु को भाखि। करि गुरु दरशन हरखित ह्वै करि बहु नर मिले भाउ चित राखि ॥२६॥ इम . पूरनमाशी को मेला गुरु दरशन करि नर समुदाइ। आज दिवस मींह गुरु अमर को देखिन के फल को नर पाइ। सभि संगति महि आइ प्रवेशति महां महातम कह्यो न जाइ। गुरु जसू को इम उचरित गमने आपो अपने सन सिधाइ।।२७॥ दोहरा

> मेला भयो सु विछरगा श्री अरजन करि <mark>बास ।</mark> पूरनमा पीछे रहे मोहन, मुहरी पास ॥२५॥

इति श्री गुर प्रताप सूरज ग्रंथे चतुरथ रामे गोइंदवाल गमन प्रसंग बरननं नाम एकबिसती अंशु ॥२१॥

^{1.} बावड़ी, तालाब। 2. सूखे चावल। 3. यज्ञ।

अंशु २२. महांदेव प्रलोक प्रसंग

दोहरा पूरतमा के जग्ग्य महिं सिख मेला दरसाइं। दरशत जिम श्री अमर को फल तैसे नर पाइं।।

सबैया छन्द

श्री अरजन पुन पुरि महि बासे होति भयो अतिगै सितसंग। नितप्रति चरचा आतम केरी करिंह जानि इह तन् छिन भंग। भजन पराइनि इक रस है करि प्रीति वधहि परमेशुर संग। सभि को उपदेशति म्रिद बाकिन जिसते चढिह भगति को रंग ॥२॥ सवा जाम जामिन ते किरतन् कर्राहं रबाबी शवद उचारि। श्री अरजन जत महरी आदिक सनै सकल अरु करिह बिचार। मिथ्या जगत जानि करि निशचे अंतर ब्रिती करिह सुखकार। मनो महाँ मुनि मन सूध करिवे कपल रिखी जुत के अनुहार ॥३॥ देखि प्रताप अनुज को तिबही जिन के उपदेशित हइ ग्यान्। भ्रात सबंध जानि करि करो महादेव शरधाल महान। तन तजिबे को सभै निकट लुखि जनम सफलता चहि मनमानि। श्री अरजन को लखि इकांत महिं गयो समीप बैठि हित ठानि ।।४।। श्री सितगुरु की गादी पर तुम इश्रुर 2 के सरूप अवतार। मैं भ्राता ही जानति नित चित, अवि बखशो तुम रिदा उदार। उपदेशहु इहु आतम को है, किम बंधन मैं दुख गन धारि। किम सुख लहै दहै जग संकट, मोहि सुनावह भली प्रकार ॥५॥ श्री अरजन शरधाल भात लिख अह जान्यो तन् तजिवे काल। उत्तम अधिकारी, लघु कहिवे समझहि गो³ ब्रह्म ग्यान विसाल। करिन लगे उपदेश म्रिद्ल बचः भ्रात सुनहु इह बात सुखाल। आपहि बंधन लहि दुख भोगति श्री नानक कहि गिरा रसाल ।।६।।

१. वाणी । 1. ईश्वर । 2. इन्द्रियां ।

।।सलोक । मः १॥

नानक इहं तनु जालि जिनि जिलऐ नामु विसारिआ। पजदी जाइ परालि पिछै हथु न अवडै तितु निवंधी तालि ॥१॥

सबैया छन्द

प्रथम कुवंधन पर्यो सुनहु सो अहै आतमा ताल समान। तनु हंता धारनि इन कीनी मैं दिज खत्री बैस सुजान। इत्यादिक तन अपनि रूप लिख भयो जानि हरिआविल आनि । जल को कर्यो अछादन जैसे तिम सरूप निज छादनि ठानि ॥৩॥ अहं ब्रहम इह नाम विसारवो तनु हंता जब्नि धारनि कीनि। पुनहु पराल घास अरु फूस जु पर्यो जाल परि भा बहु पीन 2 । तिमि हंता पर ममता उपजी मम सुत मम ग्रिह, त्रिय³, घन चीन। जल सम आतम अधिक अछाद्यो परदा मोटो भयो नवीन ॥६॥ ब्रित न पहुंचे इन दुइ को तिज फस्यो इनहु महुं, जाने नांहि। जिव सितगुर उपदेश जितन को जल आतम प्रापित निज मांहि। इन दोन हुते दुख को भोगहि अति दुख के मुख लखि चित चाहि। वहिर ब्रिति ते उठिह वाशना तिन अनुसार जनम को पाहि ॥६॥ इह परदो तन हंता ममता त्यागे ते आतम लिख लेति। मन को इंद्रय संगि सबंध जु इह बंधन अतिशे दुख देति। इंद्रय ते हिंट करि हुइ फिर जिब टिक जावै मन रिदे निकेति। सो मुकती है सुखद परमगति कहति संत सिभ वेद समेति॥१०॥ बुधि ते गेय आतमा ब्रहम जु नहिं किस इंद्री विषय विचार। ग्याता पाइ अनंद उदधि⁴ की तति मिलहै तांहि मझार। नहीं बाशना उठिह बहुर किब जनम मरन निह हुइ संसार। सार असार विचार धार करि सार गहै सिभ त्या असार ॥११॥ अंतर ब्रिती होइ करि जानह वहिर नहीं कुछ सिभ इस माहि; महांदेव सनि द्रिग जग⁵ मुंदे अंतरि ब्रिति ते वहिर न आहि। ततछिन लगी समाधि अंचलि चित रस को पाइ तजित सो नाँहि। बीत गए जुग जाम थिरयो जबि श्री अरजन तबि गहि करि बांहि ॥१२॥ धंन बिति तुमरी गुरुसुत हो, कहो तनक ते उपज्यो ग्यानु । लहह समाधि वहिर की अबि तुम जगत आपनो रूप पछान ।

^{1.} नीची जगह। 2. मोटा। 3. स्त्री। 4. उदिध समुद्र। 5. दोनों आंखें।

ब्रहम सु दीसहि ब्रहम सु सुनिऐ तिस बिनु ऊन नहीं को थान¹। जागित सुपित उठित अरु बैठित फिरित सथिति इकरस ब्रिति ठानि ॥१३॥ द्रिग उघार करि अनुज बिलोक्यो महिमा महां जानि सूख पाइ। निस वास्र² की महां समाधी सो सिभ जानी इक रस भाइ। एक आतमा पूरन नभ सम, अंतर वहिर व्रहम द्रिषटाइ। नमसकार करि उठति भयो तबि कहां भयो इहु चित बिसमाइ ।।१४॥ राग न द्वेष न मोह न माया परदा मिट्यो पछान्यो एक। इक दुइ दिन पून बसे तिसी पुरि अति सुख पाइसि परम विवेक। तिब श्री अरजन गिरा बखानी सुनहु भ्रात तन तिजवे टेक। दोइ दिवस महिं प्रानि त्यागहु बसहिं इहां हिंह सिख्य³ अनेक ॥१५॥ श्री गुरु अमर अंश है इहनां पित, नाने तन् त्यागिन थान। ज्यों गज् फूल माल को डारे, तिम तुम तजो देहि सुख मानि। सुनति प्रफुल्लित महांदेव भा अबि कुछ करनो रह्यो न जान। नहिं चिन्ता तन राखनि त्यागिन, होहि भले करमिन ठानि ॥१६॥ नित अमर, न जनम न मरनो मिथ्या देह न थिरता 5 पाइ। इम किह रह्यो अनंदित अतिशै भ्रम अग्यान समेति बिहाइ। बीत गए दिन, समां सु आयो जान्यो तनको तजिन सुभाइ। श्री अरजन ढिग ह्वं करि पौढ्यो कह्यो प्रान अबि मेरो जाइ ॥१७॥ तिब सितगुर परवार सहत को मृहरी ततिष्ठिन लीनि बुलाइ। संसराम जिंह साथ अरथमल सिख संगति आनन्द स् आइ। अरू बलवंड बुलाएं करह कीरतन बच फुरुमाइ। भई भीर धुनि उठी शबद की सुनि वैराग सभिनि उपजाइ ॥१८॥ महांदेव सभिहिनि को पिखि करि कर को जोरि वंदना कीनि। छिमह सरब ही जे मम अवगुन सित संगति गुर सिख्य प्रवीन। देह सकल बर मन लहि थिरु उर परमेशर मैं होवसि लीन। सनि करि सभिनि नमी तिसको करि अश्रु भरे द्रिग तन् तजि चीन ॥१९॥ पौढयो पाइ बदन पर अंबर, तत्ति छन तन तिज सिभिनि मझार। लीन भयो श्री अरजन महिं तबि लही एकता गती उदार। घंन्य घंन्य मुख कर्राह उचारिन उसतित सुजस् भनित बहु बार। सत्तिनाम सिमर्राहं बैरागहिं इह जग सगरो दीसति छार ॥२०॥ सिसकारिन की बिधि सिभ कीनिस जल बापी ते तांहि शनान। बसन सरव पहिराइव बहु धन ते बनवाइ बिबान⁶।

^{1.} स्थान । 2. रात-दिन । 3. शिष्य । 4. हाथी । 5. स्थिरता । 6. अरथी ।

चहुंदिसि महिं सुमनिस लरकाइसि पाइ दुशाला मोल महान। गन चंदन अरु संचै काषट¹ तीर विपासा डारे आनि ॥२१॥ श्री अरजन अरुसंग मोहरी व्रिव, गुरदास आदि समुदाइ। कंध उठाड चले पुरि बाहिर धुनि संखिन की अधिक वजाइ। चमर ढुरावति जाति ब्रिंद नर तीर विपासा सुन्दर थाइं। चिनि करि चिता सु चंदन गन ते ऊपर देहि धरयो उचवाइ ॥२२॥ श्री अरजन कर लीनि अगनित विनर अनुसार रुदन को ठानि। कीनि लगावनि ऊचे रोदित दिखि सभि ही के अश्रु चुचानि। ब्रिध ने सिभ समुझाए किह किह करहु न शोक इही मग जानि। मिथ्या तन हैं बिनसनि हारे, मेलि बन्यो जल नाउ समानि ॥२३॥ जया प्रवाह नदी को चिल है त्रिण² मिलि जाहि विछ्रते फेरि। सम्बन्ध शरीरिन सभि को ग्यानी जानिह जग हम हेरि। कहां शोक इस तन को करिवो नित परणामी नसिह अदेरि। एक आतमा सो सित समझहु आइ न जाइ अनंद वडेर बडेर ।।२४।। इम सुनि करी कपाल किया उठि पुनह बिपासा नीर शनान। गाइ राग वडहंस रवाबी पौडी लाइ सुनावहिं कान। दीनि तिलांजुल नाम लीनि तिह पंचािम्नत बरताइहु आनि। सने सनै पुन पुरि मिंह आए बापी आगे लाइ दिवान ॥२५॥ ब्रिंद नरनि की भीर भई तहिं शबद रवाबी सुन्दर गाइं। कितिक काल थित ह्वै नर गमने गुरु प्रसंसति सदन सिधाइ। सुनि सुनि ग्रामनि के सिख पहुंचे श्री अरजन सतिगुरु ढिग आइ। मिलि मिलि गमनै गुन गन वरनींह महादेव अबि गए समाइ।।२६।। दिवस तीसरे पूषप भसम सभि बीच विपासा के तिह डारि। दिन दोइक श्री अरजन तिहठां बसे किआ करि जितक संसारि। करि जथोचित सकल बारता जथा मोहरी बचन उचारि। मिलि मिलि करै विराग अनिक विधि श्री गुरु अमर केरि परवारि ॥२७॥

दोहरा

सोलह सत ऊपर सपत महांदेव जनम्यासु। ऊपर पाँच पचास के बरस वैस द्वे मासु³।।२८॥

^{1.} काठ । 2. तिनका । 3. पचपन साल, दो महीने ।

सोलह सत बाहठ अधिक भाद्रों चौथ बिचार । महादेव परलोक भा गुरु को पुत्र उदार ॥२६॥ श्री अरजन तबहि सति संगति ले संग । श्री अंम्रितसर को गए देति भगति को रंग ॥३०॥

इति श्री गुर प्रताप सूरज ग्रंथ चतुरथ रासे महांदेव प्रलोक प्रसंग बरननं नाम है बिसती अंगु ॥२२॥

^{1.} सोलह सौ बासठ, 1662।

अंशु २३ श्री गुर गुन प्रसंग बरनन

दोहरा

इस प्रकार श्री सितगुरु केतिक समें बिताइ। करित नरिन कल्लयान को सिक्खी जग प्रगटाइ।।१।।

॥ निशानी छंद ॥

श्री हरि गोविंद चंद जी आनंद बिलंदे। चढ़ै तुरंग¹ क्रंग² जनू दित मोर मिनदै। अधिक पलाइ फंदावते धनसर धरिहाथा। कवि अखेर³ हित गमनते लैंके सिख साथा ॥२॥ बिदय आयुध की करहिं दस संमत वैसा। तीर प्रहारति वेग ते रिप् को अहि जैसा। महां सफाई बल सहत धरि लच्छ हनतें। गरक होति जिंह लगति है सेवक निकसंते ॥३॥ आरवला जिन की अलप शूभ डील बिसाला। भूजा पलंब अलंब वल गहि धनुष कराला । स्कचित पित ते करित हैं इह रीति नवीना। शूभित सिकंध उतंग जुग मुख बाक प्रबीना ।।४।। दिढ संधी जग बांह की भजदंड प्रचंडे। करसाखा दीरघ सुमिलि शुभ रेखनि मंडे। रेखा लगि मणिबंध ते भई मच्छ अकारा। रेखा छतर अकार की जिसको फल भारा ॥५॥ अयुत छाती उदर पर त्रवली द्ति पावै। चिव्क वारु विसती तिक्छ चौकाचमकावै। रकत अधर सुंदर म्रिदुल बोलित मुसकाए। मुख मंडल दीरघ दिपति द्रिग स्निग डरपाए।।६।।

^{1.} घोड़ा । 2. हाथी । 3. शिकार । 4. ठोड़ी ।

सुभटिन की बिदया सबल अभ्यास करंते। मनहूं बीर रस अवतरयो रणप्रिय लखियंते। नित प्रति देहि विसाल ह्वै तिम बल विरधावै। तिम ही शत्रुनि मरदबो निज भाव जनावै।।७।। सिख पिखिक सिभ करति हैं मन महि अनुमाना। इह सतिगुरु योघा बनहि हाने रिप्-प्राना। केतिक कहैं न जोगता गुरु के घर ऐसे। माला सेली राखते संतिन मित जैसे ॥५॥ बालक लीला करति हैं बडि होइ तर्जे है। पित दादे की रीति को सुनि पिखि बरते हैं। केचित कहींह न इह करींह गुरु पूरब रीता !। दिपति प्रतापी तेज ते शसत्रनि महि प्रीता ॥६॥ सकल जंग की विधि करिंह प्रिय लागै सोई। अरु ब्रिध को वच कह्यो जिम सो हटहि न कोई। गरु के भाजर किम °परी किह सहज सुभाऊ। भाजि वडाली महिं रहे इम बचसफलाऊ ॥१०॥ मुगलमारि गुरु उपजहै बरदेति उत्राचा धरिहं। तुरकिन हनें इह होवें साचा। गुरु मूरित सूरित चितिह पूरित अभिलाखे। हेरि हेरि अनुमान करि सिख बहु बिधि भार्ब ।।११॥ पित समीप आवहिं जबहु बहु नम्रं होइ। जावित वैठिह सभा मिहं मुख पिखि सिम कोई। सगरे दीरघ अंग हैं कद वधहि विसाला। दबहि शत्र छाया तरे रण पिखहि कराला ॥१२॥ श्री अरजन ले गोद महि सिखया सिखरावै। सिख संगति सुख पाइ जिम तिम करहु सुहावै । गुरु सिखनि सनमानी अहि नित बनहु सहाई। श्री नानक आदिक गुरू इह रीति चलाई।।१३।। प्रात उचारी। गुरु बाणी बहु कंठ उठि किरतन सुणहु सनेह ते निज धरम संभारो। जाम जामनी जागी अहि मज्जन करि लीजें। सभि ते करहु इकंत मन, प्रभु सिमरन कीजै ॥१४॥

^{1.} पारम्परिक रीति-रिवाज।

चितवहु अपन सरूप को सति चिति अनंदा। दिवस चढे दिह दरस को चिह संगति ब्रिंदा। इत्तयादिक सिखया कहैंले अंक द्लारें। सुन्दरता निज नंद की करि अनंदू निहारैं।।१५॥ चहुं दिशि ते बहु संगता पहुंचिहं समुदाया। पूरिहं तिन की कामना करिक निज दाया। ढाका आदिक देश जे दिश पूरव केरे। वंधे आविहं टोल को ले भेट घनेरे ॥१६॥ दिसि दच्छन वासी जु सिख दरशन हित आवैं। अभिमति प्रापित होति है उपहार चढावैं। आदि हैदराबाद जे पुरि गिने न जाई। सुनि सुनि उज्जल सुजस को दरसति समुदाई ॥१७॥ पुन पणचम के देश जे बिंड नगर सथाना। धरि धरि भरधा चौंप ते दरसहि दुख हाना। वलख वुखारा सिंधु पूरि कावुल कंधारा। नाना आनि अकोर¹ को हेरहिं दरबारा ॥१८॥ तिम उत्तर दिसि के मनुज आविह धरि भाऊ। अरपै अनिक अकोर को देखति चित चाऊ। संमति महि मेले उभै अंग्रितसर लागै। मन भावति सिख आवते मज्जति अनुरागै ।।१६॥ श्री मुख ते महिमा महां विच शवद बनाई। पिठ सुनि कै शरधा धरित पहुंचिह दरसाई। सकल दिसनि महिं सुजस वह पसर्यो शुभ ऐसे। पारद नारद सारदा रंग उज्जल जैसे ॥२०॥ घर घर फूली मालती जनु सुमनस जाती। सधा कि चंद्रक चंद्रिका जनहंसनि पांती उपकारी धुज घरम की श्री अरजन होवा। धारिन गुरुता भारु को दिढ थंभ खरोवा।।२१॥ नर अनुहरि लीला करिंह उर निरहंकारा। देति म्रिदुल उपदेश को लगि सभि हिनि प्यारा। करे अजमती सैं करे सिद्धां सिभ दीनि। घाली घाल सुफलित भी किस बाद न कीनि ॥२२॥

^{1.} भेंट।

अजमत नहीं जनावते सिर देति न देरे। अजर जरन धीरज धरिन गृन धर वडेरे। सित्तनाम को दान दे नर भगति लाए। ब्रहम ग्यान महिं निपुन को सिद्धां समुदाए ॥२३॥ सभिदिशि की संगति बिखै रहि ब्रिंद मसंदा। आगे हइ निजसंग ले दरसिंह सखकंदा। देश बिदेश अशेष महिं ले करि गुरकारे। खषट मास कै वरख मैं आनं गुरुद्वारे ॥२४॥ दंरब विसाल सु आइ जिम तिम खरच विसाला। देग अतोटी चलति है निस दिन जुग काला। अचै अहार हजार ही नित प्रति नर आवें। निकट हजारों रहति हैं गुरु के घर खावें।।२४॥ सिरे पाउ पून देति है सिख हुँ मिख जोई। ब्रिद मसंद विलंद धन ले गुरु तो सोई। इत्यादिक नित खरच को कुछ तोट2 न आवै। गाइरबाबी पुंज सद सो धन गन पावैं।।२६॥ गर घर को बड खरच नित गन ब्रिखभ रहंते। खरे तबैले हयन³ के धन देति लहंते। सेवा हित सिभ पसुनि के राखेगन दासा। लेति चाकरी सकल सो प्रापित घन रासा ॥२७॥ अपरथान जिस के नहीं बित हाथ न आवै। सो गुरु के पुरि गिर रहै नित भोजन खावै। माण निमाणनि के प्रभ वह ताण निताणे। खाइ गुरू के सदन ते मानीहं हरि भाणे ॥२५॥ सत्तिनाम को सिमरिबो पसर्यो जग सारे। भगति करिह मिलि संगता गुरु सुजस उचारे। तजें बिकारिन को रिदे गुन गन उपजावें। सुनहिं उचारहि कीरतन प्रभु प्रीति लगावै ।।२६।। सलिता मंदर भगति की सभि देश विथारी। सिक्ख मीन निहं तिज सकहिं शरधा बर बारी। सद गुन कमल प्रफूलयते जनगन जलजंता। भ्रम बेस्खता कूल द्वैसंसै तरु हंता ॥३०॥

^{1.} अक्षय, असमाप्त । 2. कमी 3. घोड़े । 4. सरिता, नदी । 5. मछली ।

ब्रहम ग्यान सागर महां तिसको समुहाई।
प्रापित सिभ थल मिंह सुगम सुर गन को भाई।
कौन कौन गुन गुरू के किन बरन सुनावै।
शेख शारदा कहिन ते मन मिंह सकुचावै।।३१॥
दोहरा
नर तन सांगी जिम घर्यो करिह निवाहिन सोई।
रूप दुरावै प्रथम को किन संतोख सिंह जोई।।३२॥

इति श्री गुरु प्रताप सूरज ग्रिंथे चतुरथ रासे श्री गुर गुन प्रसंग वरननं नाम तीन विसती अंशु ॥२३॥

^{1.} शेषनाग और सरस्वती।

अंशु २४ जहाँगीर प्रसंग बरननं

दोहरा

नित प्रताप अरु सुजसु को सुनि सुनि प्रिथीआ खान। बहुत बिसूरित दुखित है रुचिह न भोजन खान।।१।।

सबैया छंद

सुजस गुरू को ब्रित 2 सम जानहु प्रियीआ जरै हुतासनि होइ। गुर कीरति बरखा जिम पावस रिदा जवासो जर जर खोइ। चिंता सलिता करहि बधावनि बह्यो जाति मन थिरहि न कोई। संकट नीर वधहि नित प्रति ही तट निचित³ नहिं पावति सोइ ॥२॥ हेरि हेरि पति को मुख करमो धीरज देति न करी अहि चिंत। तन को भख्यति है निस दिन महि अति दुरबलता तुमहि करंति। रुचि सों खान पान निंह करते उर को हरख महां नित हंति। चिंता सम बैरी नहिं दूसर अंतर बरि कै दुख बरधंति ॥३॥ जतन अनेक करहु जुति उद्दम मित्र न को उतसाहू समान। सुलही हुतो सहाइक मरिगा अविचंदू वड शाह दिवान। मुलाकात करि मसलत ठानो तिसको पुषट करहु हित ठानि। उतसाही नर चहै सु करि है, चिंतावान प्रान दे हानि ॥४॥ लिखहु पत्रिका स्धि मंगवावह किम दिवान के मन महि आइ। दिहु उतसाह गहावह रिप्⁴ को सो मालिक मुलकनि समुदाइ। चहै सुकरै बली सिभ रीतिनि गहि कै प्रान तांहि बिनसाइ। गुरुता गादी लेहु शाहु ते चहुं दिसि की संगति चलि आइ।।।।। इम करमो ने जिब समुझायो लिखी पित्रका सुनह दिवान। गहयो अलंब तुमारो हमने निसदिन तुब दिशि को मन ध्यान। शत्रु हतनि जतनि नहिं कीनसि कै बिसारि दीनसि इत ग्यान। भाग बली हम आशिखि नित कींह, रहिह शाहु सों कार महान ॥६॥ 1. मानसिक कष्ट होना । 2. घी । निश्चित । 4. शत्रु को पकड़ो ।

दे करि नर कर तुरत पठाई उतर आनो तूरिन जाइ। गमन्यो दिल्ली दिशि को पहुंच्यो मिल्यो दिवान साथ हरखाइ। गुरु प्रिथीए की है इहु पाती छाती दुखिति लिखि अकुलाइ। ले करि खोलि पठी तिब चंदू लखी हकीकत ज्यो दुख पाइ ॥७॥ उत्तर लिख्यो दुपट ने ततिष्ठिन निहं वैठ्यो मै बात विसार। दुहिता बदन कुमारी देखित लगित सूल सम रिदे मझारि। करकित $^{\,1}$ नितप्रति चित मैं अतिशैं रिपु बिसाल को जसु बिसतारि । रुचिहि न भोजन, जुरिहं न पलका बिना नींद मैं झुरौं उदार ॥ ॥ ॥ शाहु लहौर चलनि की देरि जाइ संग में करों उपाइ। गहि लेवौ करि कैंद विनासौ, लखहु निसंसै मैं जु अलाइ। गुरुतागादी तोहि दिवावी शाहु पास ते वाक कहाइ। सिभ दिशि मिहं विदर्ताहं धन पार्वाहं सकल संगता भेट चढाई ।।।।। दई पत्रिका कुछक दरव जुत ले करि नर कोठे को आइ। प्रिथीए पास दई ले खोली पठि करि रह्यो महां हरखाइ। मुझ दुख ते दुख सौ गुन तिसको कैसे करै न अनिक उपाइ। सभि क्टंव को कीनि सुनावनि खुशी करहि मन मोद बधाइ । १०।। धरि धीरज तिव वैठ्यो घर मिह मुझ तो चिता चंदु महान। करिह प्रतीखिन शाह आगमिन बिना जतन मम शत्रु हानि। पूरव भाग उदे अबि मेरे बनौ गुरू हुइ सिक्ख जहान। पुन सुत मिहरवान बिदतै है अनगन धन भोगहि स्खदान ॥११॥ उत चंदू अवसर को चाहति शाहु प्रसंन वात ले मानि। करि फरेव अवकाश पाइ करि तुरकेशुर² सो कीनि वखान। हजरत सुनहु रहे बहु दिल्ली समों वितायहु वसे महान। फिरनो देश अशेष आपने सुधि को लेहु पनाह जहान।:१२।। वडे तुमारे विचरति जित कित गरमी समै गमहिं कशमीर। केसर घोर बिलासिह वेगम अतर गुलाब उडाइ अभीर। करें सैल मग सैलिन केरी जहां न करती तपत अधीर। गन सेविन के बिटपिन देखित मन भावित पहिरित बर चीर ।।१३।। जिम इक थल जल रोक्यो विगरहि तिम तुमरो इक थल महिं बास । तेज हीन हुइ तासित निहं नर, नहीं प्रताप विसाल प्रकाश। अबि सूरय की चण्ड³ किरन भी इहठां होवहि तपत अवास। नहिं कशमीर बिखै अस उसन सु गमनहु कीजिह तहां विलास ॥१४॥

^{1.} खटकना । 2. जहाँगीर । 3. प्रचण्ड, तेज ।

सुनित शाहु के उर महिं भाई आछी बाति कही समुझाइ। सुमतिवान गुन खान पुरातन कर्यो दिवान इही लखि पाइ। नित हमरे तन को सुख चाहति नीकी बातिन देति बताइ। अबि बहार कणमीर देश की जहां न सूरज तप उपाइ ।।१५।। इम कहि सिरोपाउ वह मोला चंदू को बखश्यो बडिआइ। गमन हेति त्यारी करिवाइ सि आधी चम्' रहे इस थाइ। आधी संग चलहि कहि दोजै सिभ वेगम को दीनि सुनाइ। चलहु पिखहि कशमीर देश को, बिलसहिं बिना उपन हरखाइ ।।१६॥ गज तुरंग स्यंदन अरु डोरे चली पालकी हजरत संगि। सैनां उमडी ज्यों हड 2 का जल चल्यो शाहुधरि रिदै उमंगि। चंदु बिलंद अनंदित ह्वं के दुहिता देखित करि मन भंग। देउ ब्याह कै लेउ प्रान गुरु तो मुझ को सुख ह्वै सरवंग।।१७।। शाहु संग चिं चल्यो मतंगिह डेरा करित चलित पुन प्रात। किब हजरत गज पर चिं चालिह किब तुरंग पर उर हरखाति। कबहुं पालकी बैठित गमनित चमूं अनिक उमराव प्रयाति। बाजे बजे छूटिह बहु तप्पै धौंसे धुंकारित मग जाति । १८।। मग उलंघ शत्रु द्रव तट आए तरी³ तरी पर ह्वैगे पार। नौका हित लशकर इक्ठी बहु केवट⁴ मिलि दए उतारि। सने सने बिच देश दुआवे करति सैर को पंथ मझार। तीर बिपासा के चलि पहुंच्यो तिस दिन हय⁵ पर भा असवार ।।१९।। करिन अखेर⁶ पंथ को छोर्यो उमराविन कुछ ले करि संगि। खोजित फिरित कूल सिलता के निकस्यो कारी पिषट कुरंग। जहांगीर जिब करयो बिलोकिन अपर वरिज किय तेज तुरंग। बली वेग ते बह्यो वायु सम मिलति जाति पाछे हितभंग ।।२०।। विखम सथल आगे कुछ आइव बाजी⁷ कीनसि दीरघ छाल । जहांगीर अविनी⁸ पर गिरगा लगी लात पर चोट बिसाल। संगनि गह्यो दौर के तति छिन सनमानित बहु लीनि उठाल। ल्याइ पालकी बिर्ख सु पाइव सने सने गमनै तिस काल ॥२१॥ हाहाकार करै सिभ लशकरि हजरित गिर्यो सहाइ खुदाइ। चंदू निकट गयो करि वंदन बहुत दरद की बात जनाइ।

¹ फोज। 2. बाढ़। 3. नदी। 4. मल्लाह। 5. घोड़ा। 6. शिकार। 7. घोड़ा। 8. पृथ्वी।

शाहु द्रिषटि इसकी दिशि आइ कह्यो वाक किछु करहु उपाइ। जनम किताब नजूमी सोघहि किस कारन ते मैं दुख पाइ।।२**२**।। अवसर लह्यो दुषट ने भाख्यो हजरत कहिंवे उचित न बात। कहौ कहां निसत सकर लागे गई किताब भई सुधि प्रात। अपर दरव सामिग्री केतिक भा नुकसान आज की राति । बहुत चोर इस देश भए अबि कित को गए न जाने जाति ॥२३॥ सुनि हजरति मति विसमत अतिशै मोहि राज कित चोर वसंति। वास न मानहिं मेरो चित महिं मम डेरे को आइ लगंति। लवपुरि को सूवा नहिं त्रासति नरखोटनि को नहीं गहंति । ज्यों क्यों करित सकर को सावत गहि करि दिहू सजाइ अत्यंत ॥२४॥ हाथ बंदि चंदू कहि निदक इक अरजन खत्री लखियंति । कहैं सु नानक गादी पर मैं नहिं किसहूं ते चित डरपंति । सो राखित है तसकर के ढिग जिंह कहिते धन को चुरवंति। तुम ते तनक स्नास नहिं पायहु डेरे महिं ते वसतु कढंति ॥२५॥ रामदास पुरि 1 महद बसायो गुरू कहाइ बन्यो धनवंत। बड़े भ्रात को वहिर निकास्यो बल छल भांति अनेक करंति। देश विदेशनि तसकर भेजति नीकी वसतु न किते छुटंति। लेति मंगाइ समीप आपने वैठि नरिन महि वच गरवंति ॥२६॥ सुनति शाहु बिसम्यो भा तूषिन गुर घन की बातिन चितवंति। उचरति भयो अनुचित न भाखो कित गुरु पद कित चोर रखंति। पीरन पीर महां गुर नानक जिसकी वखिशश जग वहसंति। बाबर बडो हमारो होवा तिसको सलतन² दीनि तुरंति ॥२७॥ हिंदू तुरकिन इक सम जानित शरधालू नर किए निहाल। तिस गादी परं बैठि गुरु भा पुन किम ले चोरी को माल। खोटी मित को परहरीआ कैसे चोर रखै निज नाल। नगत बिखै जिन को जग कहीयति तिनको कभी न दरव बिसाल ॥२८॥ सुनि चंदू ने पुन उलटाइ जिम तुम कहां अहै तिम बात इस बिन प्रथम गुरू जे होए तिनको जस जग में अवदात। इह बड क्रोधी, लोभी चंचल, नगर निकास दीनि बड भ्रात। अपर नरिन सों द्वेष करंता डरित न रचिह अनिक छल घाति ।। २६॥

^{1.} अमृतसर । 2. सल्तनत, बादशाहत ।

शाहू कह्यो पित अकबर मेरो अरपे¹ ग्राम कितिक तिन पासि । लवपुरि महिं चिल अबिसुधि लहैं खरच बिसाल जि भयो अवास । देहि अपर कुछ अरप तिनहू ढिग चोरी बरजहि नीक न तास । अबि तौ चलो बिपासा उतरहु पार करहु डेरा निसवास ॥३०॥

दोहरा

दिढ नौका पर शाहू चिं पर्यो पार सुख संग । गुर जसु बरन्यो लात दुख ततिष्ठिन होयहु भंग ॥३१॥

इति श्री गुर प्रताप सूरज ग्रंथे चतुरथ रासे जहांगीर प्रसंग वरननं ्तामु चतुर विसती अंगु ॥२४॥

^{1.} अपित किए।

अंशु २५

सुलभी हतन प्रसंग बरननं

दोहरा

सुलही भ्राता पुत्न¹इक सुलबी नाम कहंति। चंदू अर पितशाहू को सगरो सुन्यो ब्रितंत।।१।।

निशानी छंद

उतर पार जिब टिके निस तंवू महिं चंदू। सुलबी सुलही को चितहि उरकपट विलंदू। तम महिं गमन्यो पास तिस वृझी सुधि सारी। हमरो रिपु अरजन गुरु क्या करति उचारी ॥२॥ सुनि चंदू तरकति भयो लायक विन होए। बर न चाचे को लियो पर सुख सो सोए। मै उपाइ गहिवे करौं दिन केतिक मांही। बनि सहाइ जे दुख रिदे, छोरहिंगे नांही ॥३॥ सुनि दिवान मुझ आन है सुधि हती न तेरी। हम दोनह को मारने विधि स्गम बडेरी। बाय बंग्ही बली बिव वन वडो बिनाशै। हकम दिवावह शाह ते गुरु जाउ अत्रासै ॥४॥ पहंचति पूरि मैं पकरि हो काराग्रह पावौं। निस महिं एकल को करौं धर सिर उतरावौं। इहां शाह लिंग बात को पहुंचन निहं दीजें। रहै निकट धन दिह तिनहि अपने करि लीजै ॥ ४॥ जे करि को चिरकाल महिं सुधि पहुंच बतावै। करि फरेब वह बिधिनि के तबि बात मिटावै। इह तेरे गर काज है, मारिन गर मेरे। गयो निसंसे मारिहीं रिण उतर बडेरे ॥६॥

^{1.} सुलही का भतीजा। 2. कपट, धोखा।

मम चाची बिधवा भई गन तरक उचारै। जिस हतिबे हित पति गयो तिस तूं नहिं मारैं। लाज नहीं किसकाज की रिपु सुखी रहंता। बल छल करि जादू अधिक घसि पावक हंता ॥७॥ जतन बन्यो नहिं मोहिते चितवति चितनीता। समझ्यो आज प्रसंग को आयो धरि प्रीता। सुनि चन्दू हरख्यो रिदे जे इस करि आवैं। सदा आफरी तोहिको सभि कषट मिटावें।। ।।। प्रात समीपी रहहु तुम जिब अवसर पाऊं। आज समान मिलाप हुइ कहि शाह रिझाउ । तबहि प्रसंग चलाइ हों तसकरिन बडेरा। करहुं उगाही मदत को पाट्यो कहु डेरा॥६॥ किसहं भेज्यो चहति हैं समुझाबनि हेतू। किधौं हकारन को निकट तिस पठहि निकेत्। मैं तिव तेरो नाम लै देहीं समुझाई। हजरत जी सुलबी पठहु सुधि लैहै जाई ।।१०।। साच किधी हुइ कूर इह तिह को समुझावै। जाइ सुधासर इतिह ते लवपुरिको आवै। कह्यो सुनहि मेरो जब आइस तवि दैहै। करहु जाइ मन भावती नहिं जियति रहे है ।११।। हम सामीपी शाहु के जो पनह जहाना। अस शत्रु जे सघिह नहिं धिक जीवन माना। गजके बसि जिम ससा हइ सो मरहि न मारा। ता धिकार तिस ओज को भाखिह जग सारा ॥१२॥ कीटी सम मम अग्य है नहिं मानहि हासा ! कहाँ करिह हंकार को किसको भरवासा। करयो कलकित मोहि को निंदहि जग सारा। सता कुमारी देखिकै परवार दुखारा।।१३॥ विनाहने मम चैन नहिं इम बैन उचारे। अबि निस मींह श्रम परहरह, करि कार सकारे। दोनहं दरमतिद्षट विड मसलित ठानी। अपने अपने थानमहिं सुपते सुख मानी ।१४।।

^{1.} चींटी।

भई प्रात तिव कूच के धौंसे धुंकारे। सुनि करि सगरी वाहनी¹, तूरन भई त्यारे। गमन्यो पंय विहीरगन लवपुरि के राहू। चिल चंदू पहुंच्यो निकट जिंह बैठयो शाहू ॥१५॥ हजरत सुख है लात को हम देह बताई। चितवति पीरा आपकी मुहिं नींद न आई। जानित जनम किताव ते किम संकट होवा। सो तसकर हरि लेगए कुछ जाइ न जोवा ॥१६॥ कहां नज्मी अबि करें ढिग है न किताबा। शासत्र हीन जिम सूरमा क्या देहि जबाबा। जहाँगीर सुनि कै भन्यो अवि संकट नांही। तऊ किताव खुजाइ अहि इस दोष कि मांही ।।१७।। लालंच दरब दिखाई अहि को खोज बतावै। करह जतन सिभ बिधिन के जे करि सो पावैं। कहि चंद चित आपके ऐसे बह चाहा। सुलबी को तागीद करि भेजहु गुर पाहा ॥१८॥ कठन मिद्रल बच कहैगो समझावहि जाई। लेहि किताव सु तिनहु ते तसकरिन दुराई। नहीं सपारश को सुनहि तिसको डर पावै। विन डरपे को देति नहिं सिभ के विन आवै ॥१६॥ करिह दोह शाहन लिख किह चंद संगा। प्रथम बिन के बैन कहि नहिं कहै कुढंगा। मम दिशि ते समझाइ है नहिं चोर रखी जिह । जे करि खरच बिसाल है धन हमते लीजहि ॥२०॥ किधौं ग्राम लिहु और अवि मद तजि चोरी। होति पीरजी पाप बड कवि करहि जि थोरी। विनै करो बहभांति की मिद्र किह समुझाओ। तसकर राखिंह कै नहीं इह निशचा पाओ ॥२१॥ सनि सलबी कर जोरि किह जिम आइसु पाऊं। मिलि परखी सभि बारता नीके समुझाऊं।

^{1.} सेना।

जिम निकसहि चोरी करी तिम रचौं उपाया। अपर थान खोजों भले दे दरब सवाया¹ ॥२२॥ ज्यों क्यों करिक आनि हो धन के दिउं तासा। ब्रिच्छ हलाए देति फल न त् प्रहि न आसा। इत्यादिक किं चिढ़ चल्यो सूलवी मितिहीना। प्रेर्यो काल सु दुरमती खल उर नहिं चीना ।।२३।। जिम अजगर के मख परिह अंधा बिन् हेरे। बिन कारण दोही द्षट करि कोध बडेरे। करै वैर निरवैर सौं ततिछन स्रित् पावे। जब गहि गेरिह नरक मिंह दुख ते बिललावै ॥२४॥ गिर सो सिर मार सबल फुटति मर जैहै। नभ दिशि बान प्रहारने उलटो तिम घैहै। अलप 2 सेन जिह साथ है हरखंति पयाना। जो चाचे ते बच रह्यो मैं करि हौ हाना।।२४।। कही क्टंब मझार मै पैहौं बडिआई। आनि अचानक विधि वनी इम चितवति जाई। जहागीर चंद्र चम्ंलवपुरी पयाने। तोप रहिकले संग मैं छुटि शवद महाने ॥२६॥ चंद रिदे विचारतो जावति गुरु धावै। नाता दियो हटाइ जिनसो अबि फल पावै। इत सलबी गमन्यो गयो जिब द्वादश कोसा। जथेदार सय्यद मिल्यो जिसके मन रोसा ।। २७॥ मिले सलामालेक सो बुझ्यो कित जावो। पठयो शाह किस काम मुझ पुन लवपुरि आवी। सनि सय्यद ने तबि कह्यो हम तम ढिग आए। सुलही के चाकर हुते इह भट समुदाए।।२८॥ एक बरख की चाकरी इन हाथ न आई। सो तुझ ते सभि चहति हैं दिहु राखि बडाई। बिना दिए सो अरि गयो तूं पुत्र समाना। इन सुभटनि को दीजीए चित चहात महाना ॥२६॥ सुनि सुलई बोल्यो तबहि मैं जानति नाही। कबि की देनी कै नहीं, केतिक तिस पांही।

^{1.} सवाया, सवा गुणा। 2. थोड़ी। 3. रोष, गुस्सा। 4. शूरवीर।

जिव लवपुरि को आइ हौ निरने करि लैहैं। मिलि चंदू के संग हम निकसहि सो दे हैं ॥३०॥ सय्यद कहि किम इहु टिकहिं चहिं खान क पाना। कहै न लागें किसू के लैंहै इस थाना। सुलबी अखि दिखाइ रिस मैं गमनति राहु। जाहु पुकारु शाहु ढिग निंह धन मम पाहु ॥३१॥ सुनि सय्यद बोल्यो तबहि मग देहिं न जाना । लेहिं नौकरी थान इस किम करें पयाना। स्लबी किह निज सैन को इन मारि हटाओ। देहु दरव ऐसे अवहि वैठे पछताओ ।।३२॥ सय्यद कहि भट सभि सुनो चाकर सम सारे। तुम भी लेते दरव को तिम लखहु हमारे। अपर जंग को काज नहिं नाहक मरि मारो। रहहु थान थिति आपने उर भले विचारो ॥३३॥ सुनि जबाब सैना दियो इह सय्यद पीरा। पुनजाचित है नौकरी दीजिह धरिधीरा। लर्रीह न हम सुलबी सुनित भुखगार निकारी। तिब सय्यद ने तुरत ही जमधर उर मारी ॥३४॥ उदर पारि के पार भी हाने खल प्राना। गिरयो उथलके प्रिथी पर चित दूषट महाना। लीनो सभि असबाब को हय भूखन सारे। चमुं हटी लवपुरी को मार्यो सरदारे ॥३४॥ उतचंद्र चितवति रहति हति करि गुरुआवे। पलटा है बहु द्योस2 को तिसको अवि पावै। तिब लौ संगी आइके सुधि सकल सुनाई। सय्यद के संग जिदि पर्यो मुख गारि सुनाई ॥३६॥ स्लही आगे नौकरी कीनी धन जाचे। झगर परे आपस बिखें दोनहु रिस राचे। जमघर मारी, मरिगयो, हम हटि करि आए। सनि चन्द्र बिसम्यो रिवे मल मारनि घाए ।।३७।।

^{1,} गाली । 2, दिन ।

केतिक दिन मैं शाहु लखि चंदू संग बूझा। अबिला सुलबी कित रह्यों किस काज अरुझा। दो त्र दिन मैं आवनो चहियति तिस केरो। कबिहुं सुधि आई कि नहिं सामीपी तेरो ॥३८। सुनि चंद् कहि शाहु जी सय्यद सो गारा। झगर परे हित नौकरी बड गज बगुजारा। जहांगीर चितव्यो तबहि गुर पीर महाना। किम तसकर सो राखते इन झूठ बखाना ॥३६॥ कह्यो पुनहि बिन दोष पर तुम दोष बखाना। किम पहुंचिह अधि बीचि ही मुरख हति प्राना। मुझ मन मैं इम समुझ भी कहि तूषन होयो। रुख लखिक पतिशाह को चंदु दुख पोयो।।४०।। उठि आयो निज सदन को उरझु रहि भूरा। इतो जतन करि कूर के नहिं उतर्यो पूरा। ताती वायु नहिं लगी नहिं पायह त्रासा। मूरख संकट के सहत भरि दीरघ स्वासा ॥४१॥

इति श्री गुर प्रताप सूरज ग्रंथे चतुरथ रासे 'सुलबी हतन प्रसंग बरननं' नाम पंच बिसती अंगु ॥२५॥

^{अंशु २६} प्रिथीआ मरन प्रसंग

दोहरा

चिंता चिंत गलतान ह्वै चंदू दुषट बिलद। चाहति गुरु अपकार को निस बासुरी मितिमंद। 📆।

निशानी छंद

जतन कपट के चितं चित बड घाति बनावै। पूरत करे उपाइ जे को पेश न जावै। शाहु लखिह निहं इम हनों करिक चतुराई। किम वैठ्यो घर महिं मरिंह नित अनंद वधाई ॥२॥ अवहि शाहु को देखि रूख हरखहि जिस काला। मोहि साथ बातें करे तिव कहीं रसाला। तसकर राखनि दोष को मैं पुनह जनावां। अपर घात नहिं दंड तबि कहिकै लडवावौ ॥३॥ अवसर को हेरति रहित दिन कितिक विताए। नर प्रिथीए को ढिग अयो दे पत्र पठाए। पठी इम लिख्यो विच तुं सुमित बडेरो। कारज सिभ पूरन करहिं, भरवासा² तेरो ॥४॥ हजरत को उपदेशि के लवपुरि महिं ल्याए। इह कारज तझ ते सरिह निहं अपर बनाए। रिप् हतिवे को समै अवि है निकट तुमारे। जे पुकार को मिसि बनिह मुझ लेह हकारे ॥ १॥ दोप संदोह अरोप करि कहि शाहू गहीजै। लिखो आपि मै आइ हौं, मिलि जतन करीजै। पठिकै पाती चित्यो चित करि वृझनि शाह। पुन प्रिथीआ बुलवाइ हों तूरन निज पाह ॥६॥

^{1.} रात-दिन । 2. सहारा ।

इम निशचे करि प्रात उठि मति मंद चितारे। गमन्यो हजरत के निकट नर निमहि हजारें। रजत दंड गिह अग्य चिल, को नरिन हटावै। संग सभट गमनति पगनि चहं दिशि महिं जावें।।७।। कितिक दास दौरति चलहि अगवा पिछवाई। बोलति जाति नकीव जो को सजस सनाई। आगै चलैं ढलैत कछ खिह भडग रू ढाले। को सनमानति संग मैं कहि बाक रसाले।।।।। मंगति जन गन बोलते सिवका पर चाला। गर जामा पाले बहुत सिर पाग विसाला। दह दिशि लेति सलाम को गमनति पुरि मांह । पिखि दिवान नर खरे हइ सनमान उमाह ॥६॥ सिंह पौर महिं बर्यो जिब भट गन भे ठांढे। मराविन महिं पून गयो जे धन करि गाढे। जहांगीर बैठयो तखत बहु नमो करंता। निज दरजे पर तबि थिर्यो उतसाह धरंता ॥१०॥ हजरत को अभिनदने करि करि चत्राई। कहति सनावति म्रिद्ल बच कीरति वरधाई। हसति शाह हरंखति हियो सिभ सभा सराह्यो। चंद्र दिवान पुरातनी रावरि चित चाह्यो ॥११॥ घात पाइ बोल्यो बहर सुनि पनहजहाना। बहदिन बीते प्रिथीए निज कषट बखाना। कह्यो आपि लवपूरि चलहिं तहिं झगर निवेरें। रह्यो प्रतीखित छुधित जिम भोजन दिशि हेरै ।।१२।। अबि आविन को चहति है तुम पाइ रजाई¹। सुनह निवेरो न्याव² कह लिखु दुहनि वुलाई। शाहन को ईमान वड नित न्याव विचारें। जथा जोग रखि प्रजा को सभि को प्रतिपारें।।१३।। सिभ काजिन ते इह बडो नित झगर चुकावै। त्म समान को निंह भयो सुखि प्रजा बसावै। राउ रंक बिच न्याव के तुम लखे समाना। प्रिथक करयो पै पानि को को रख्यो न छाना ।।१४।।

^{1.} आज्ञा । 2. न्याय । 3. अलग ।

शमश मनिंद प्रकाश नय तम अनय नसाए ' चोरजार वटपार ठग समचर सुछपाए। सुनि चंद् ते शाहु कहि गुरु ढिग न पठाओ। करिह पुकार जु प्रियीआ निज निकट बुलाओ ॥१५॥ प्रिथम सुनैं निरनै करिह किम करिह पुकारू। बहुर उगाह हकारि करि तिन सिख जि उदारू। श्री गुरु बहुर बुलाइ हैं जिब उचित निहारैं। जथा जोग करिवाइ हैं, निहं पक्ख संभारें ॥१६॥ हाथ जोरि कहि भला जी उठि शाह गयो है। भई त्रखासति सभि सभा मुद चंद भयो है। सदन आइ तिस चार को सिभ कह्यो प्रसंगा। आनह प्रियीआ जाइ करि चिल तूरन संगा ।।१७।। स्नि कोठे को नर गयो नहिं बिलम लगाई। वैठ्यो करित प्रतीखना, मिलि सकल सुनाई। सिमर्यो हजरति ने चलो नहिं गहर लगीजैं। हरखित चंदू ने पठ्यो मग महिं पग दीजै ॥१८॥ सुनित हौसला उर वध्यो त्यारी करिवाई। मिहरवानु स्तके सहत करमोढिग तुम प्रवीन सभि मति विखै क्या कहौं वनाई। करो बात शुभ रीति की हुइ सहिज सुभाई । १६॥ नहिं उलटी किम गर परिहं, पति रहै न जैसे। चलहि जीवका बहुत अबि नतु आछे ऐसे। वाहु परै तुरकानि सों, करहिं न सनमाना। हांसी करहि शरीक गन जे हुइ कुछ हाना ॥२०॥ मोहि न आछो अबि लगहि कित जानि तुमारा। गुरुं पदारथ बहु दए, भल चलै गुजारा। सुनि प्रिथीए धीरज दई किम बोलति बैना। लेनि समो गादी अबहि, किम बैठिव ऐना ॥२१॥ जियति रहैं रिपु को हतिंह पुन मिलि हैं आई। नत् बैठो दर शाह के लिउ किमै रिझाई। मिहरवान मम पुत्र सुख बहु बिधि के पार्व । मोहि आरबल बितगई दिन अलप रहावै ॥२२॥

अंक लियो मिलि प्रेम करि सूंघति मुख माला। सरब रीति समुझाइ कै चाहति चितचाला। निकसति सनमुख छींक भी फरके बामंगा। समघा को सिर भार धरि नर मिल्यो कुढंगा ॥२३॥ संसै करमो बहु कर्राह नहिं सकहि हटाई। फरत बिलोचिन दाहिनो लिख उर सखदाई। नहिं प्रिथीआ कुछ मन गिनै मम पक्खी चंदू। लवपरि चलि करि हिंह जतन करि अनुज निकंदू ।।२४।। दास सिक्ख गन लै पशचम मूख कीना। गमन्यो मारग छिप्प्र करि, त्रिशना किय दीना। निश बिसराम है दिन चलहि, दिन थोरिन मांह। पहुंच्यो तरन तारन निकट, बोले नर पाह ॥२५॥ गुरु रच्यो तीरथ महां मज्जन करि लीर्ज। चिल डेरा आगे करें निस परी लखीजै। चले कोस बह श्रमति हैं, करिले विसराम्। सनी प्रियीआ रिस करि कहै जिसको मन वाम् ।।२६।। इह छपडी तीरथ नहीं फल कहां नहाए। नहीं गरू को रचति थल कछ पूर न पाए। तरकिन छीन पचावि अनि रचिवे नहिं दीनो । चलो अगारी देखी यहि तीरथ हम कीनो ॥२७॥ तहां करहिं बिसराम को श्रम सभि निरवारैं। भले अस्दे होइ हैं दिन दूइ त्रै टारें। बिन हेरे गुरु थान को चिल जाति अगारी। जाइ पहुच्यो हेहरी उतर्यो मुद भारी ॥२५॥ सिक्खिन को उपदेशतो इह तीरथ आछो। मज्जह शरधा धारि करि प्रापत जो बांछो। बिसरामहु, श्रम पर हरहु, पुन लवपुरि चालें। खानपान कीनसि पुनह करि स्वाद विसाल ।।२६।। परी सुपते पुनह उठि प्रात नहाए। कर्यो कराह¹ बताइके हरखति हिय खाए। तीन दिवस बीते बसति कहि संध्या काला। चलहिं कालि² को लवपूरी हइ काज बिसाला ।।३०॥

^{1.} नदाह-प्रसाद। 2. कला।

चंदू करिह प्रतीखना इक सिख मिलि आया। अरजन को मार्यो चहै, ले मोहि सहाया। निसा भई भोजन अच्यो दिध सिख ने आना। सूखम चावर सागर सों कीनसि वहु खाना ॥३१॥ स्वादि साथ अचि बहु गयो हुनिहार खुवायो। गर ली भरि कै उदर को निस महिं सुपतायो। अरध निशा वंदहाजमा हैजा हुइ आवा। सूल उठ्यो जनु सूल चुभि दुख ते विकुलावा ॥३२॥ हाइ हाइ मुख करित है जागे नर पास । कहां जतन को तिव कर्राह निहं औखध¹ रासू। नहिं हकीम को ग्राम महिं, कछ ह्वं न उपाई। रुदति ह्वं दुखति सभि तिस आस चुकाई ॥३३॥ प्रिथीए ने जान्यो मरनि नहिं सिक्ख दास गन हित् लिख अस बाक बखाना। अवि मेरो परलोक ह्वै रुज वध्यो विसाला। दाह करह इस थान ही करि किया कपाला ॥३४॥ पीछे होइ जु अंस मम मरि हैं कित कोई। दाहु आनि इस थल कर्राहं कहि दीजिह सोई। मोकहु मिलहि सु आनि करि फल उत्तम पावै। मिहरवान सो कहो तुम बहुत न रुदनावै।।३४॥ इह रीति सभि जगत की आवति इक जाते। करह किया मेरी सकल जिप नाम प्रभाते। पुन आवहु चंदू मिलहु लिहु गुरता गादी। ज्यों क्यों अरजन को हतह, पुन कीजिह शादी ।।३६॥ परह कामना आइ करि सभि बन्यो बनाऊ। बैर संभारो आपने नहिं करह बलाऊ। इम किह धरनी पर पर्यो ब्याकुल बड होवा। बोल बंद म्रितु चिन्हमें, सभि संगनि जोवा ॥३७॥ रहे बुलावति दास गन, निकसे तन प्राना। चितवति गृह संगि बैर को, परलोक पयाना। रुदित सकल बैठे निकट सो रात बिताई। भई प्रभाति उठाइकै बड चिखा बनाई।।३८।।

^{1.} मौषधि, दवाई।

ऊपर धरि करि छारि करि होए समुदाए। असथि बीन दिन तीन भे हटि पाछि सिधाए। इक सिख कोठे को गयो पूरव सुधि दैवे। सुनि मरनो, सुत भारजा बड कुक करैंवे।।३६॥ हाइ हाइ करि रुदत है निहं सध्यो सरीका। हे पति पूरव ही भरयो इह कियो न नीका। मिहरवान सुत की खबर किब लैं है आई। बदन मरित हम निहं पिख्यो, बिधि कहां बनाई ।।४०॥ रही हटाइ न हट्यो तिब अप शगुन बिसाले। किम फल सो देवे नहीं दुख कीनि कराले। किंह लिंग बरनी शोक जन किय आइ अवासा। इतने मैं आए असथि रोदित भरि स्वासा ॥४१॥ मिहरवान बहु रोइ कै स्नित् किया कराई। शबद पढायो दरब दे सुनते समुदाई। तिन की संगति आइ करिपून पाग बंधाई। मिटयो शोक तबि जन कह्यो जो अकल सिखाई ।।४२।। श्री अरजन ते बैर करि लिह गुरुता गादी। चंद्र हतहि उपाइ ते तबि कीजिह शादी। भरति कह्यो तुम सों पिता इह स्नह संदेसा। सून्यो पुत्र अरु भारजाउर लहति कलेशा ॥४३॥

दोहरा मिहरवान मन मानि कै मौन ठानि रहि भौन । करिह प्रतीखन गुर बनौं हुइ है कारन कौन ॥४४॥

इति श्री गुर प्रताप सूरज ग्रंथे चतुरथ रासे 'प्रिथीआ मरन प्रसंग बरननं नाम खषट विसंती अंग्रु ॥२६॥

अंशु २७ चंदू के प्रसंग

दोहरा

संमत सोरह सत हुते ऊपर पंच मिलाइ। 1 सपतम हुती असौज की 2 प्रियीआ तबि जनमाइ॥ १॥

निसानी छंद

सोरह सत त्रेहठ बिखे माधव को मासा3। म्रितक भयो सो जानी अहि नहिं पुरवी आसा। वुरा सु चितवति गुरू को सिभ वंस 4 विताई। जिम तसकर ससि को कहै जर क्यों नहिं जाई ॥२॥ जिम उल्क⁵ कहिसर⁶ को किम उदयतिनीता। क्यों नहि माले महिं गरिह दखदे हम चीता। जवासो पावसै दे दोष बडेरे। जथा बिना चाह क्यों बरसतो हम हरति घनेरे !।३।। बाट पार जिम पातकी निज घात तकावै। घर मातम महिपाल को गन दोप बतावै। जार जथा कुछ वार को नित चहति बिनासा। बक मराल को पद चितहि, किम पूरवहि आसा ॥४॥ जिमि बिरहिन को चांदनी दीरघ दुखदाई। तथा अनुज की कीरती कबहु न मन भाई। जिमि जंब्क8 बनपति बनिन नित जतन करंता। केहरि को काढ़िन चहै किमि इच्छ पुरंता ॥५॥ गादी सीता लैनि को रावनि सम होवा। अभिलाखात ही पचग्यो नहिं सो सुख जोवा।

सोलह सौ पाँच । 2. असौज (अश्विन) की सप्तमी । 3. वैशाख संवत् 1663 ।
 अायु । 5. उल्लू । 6. सूर्य । 7. राजा । 8. गीदड़ । 9. शेर ।

कंस किशन के हतनि हित छल रचे घनेरे। मारत आपिह मरिगयो, तिम प्रिथीआ हेरे।।६॥ ससाकहै में शेर हो गरबति विचमाइ। जबि श्रावे गज समख तिसि तिब कौन हटाइ। गुरु बन्यो मैं नित कहै जिब जम दे पीरा। सिक्खनि गन अरु आपि को धारिह को घीरा ॥७॥ मिहरवान प्रसथान को चाहै बहुतेरा। जननी जानि न देति है करि नेह घनेरा। है सुत तुं अबि आसर सिख संगति केरा। मैं अनंद ते रहित हों पिखि करि मूख तेरा ॥ = ॥ तोहि पितामा जग गरू अजमति धरि भारी। नर निहाल करि सैं करे दूरमति उर टारी। बखशति नवनिच सिद्ध को पिखि कै निज सेवा। पूजनीय सिभ के भए जग श्री गूरु देवा ।। ह।। तोहि पिता सेवे नहीं होइ न अनुसारी। समता को करतो रह्यो, कटु गिरा उचारी। कह्यो न मानहिं कछु कवहि जानहि पित मेरा। प्रभू न जान्यो अदब करि, लरतो बह वेरा ॥१०॥ सासू रही समुझावती जे चहिं गुरु गादी। समता करह न पिता की ह्यनहि जहि वादी। नांहि ते लैहे दासको छूछे रहिजावो । सेवा के विस होति हैं, तुम सेव कमावो ॥११॥ एक न मानी किसे की निज हित नहिं जाना। लिख बिसाल वृधि आपनी उर मे गरवाना। अरजन आइस मानि करि लवपुरी सिधावा। इस ही ते सुप्रसंन हुवै तिन के मनि भावा ॥१२॥ गुरुता गादी पर थिर्यो अजमति को पाए। देखि निकट तेरे हत्यो सुलही धिस जाए। सलबी गमन्यो पकरने मग बिखे संहारा। तेहि पिता असि गति भई कछु चल्यो न चारा।।१३।। घर अपने गुजरान बहु सिख सेवक आवे। वैठे करो अनंद को सुख लिहु मन भावे।

करामात को जोर तिह नर किते संहारे। नहिं गमनो करि बैर को जीवनि चित धारे ॥१४॥ जिन मार्यो निज भ्रात को लखि शत्रु समाना। कहां भतीजे सो करिह उर प्यार महाना। बहु फल पायह वैर ते अबि टिको अवासा। प्रथमें काढे नगर ते तुहमत दे त्रासा ॥१४॥ इत्त्यादिक माता कह्यो नीके समुझावा । मिंहरवान डर प्यो तबहि घर वैठि रहावा। नहीं जानि की मित करी किसही इसथाने। रह्यो ब्राम कोठे विखै तिन के सिखमाने ॥१६॥ उत पापी चंद्र सुन्यो प्रिथीए तनछोरा। पर्यो घाव पर लवन¹ जनु प्रापित दुख घोरा। छिण पाके पर लगि गई जनु औचक चोटा। बान लग्यो जन् कान महिं बीध्यो मन खोटा ॥१७॥ बादी हतो समान को सो भी प्रभु हाना। जतन निफल सिभ होति है जे रचे महाना। स्लही, स्लबी, प्रित्शीआ तीनो म्रितु होए। अवि उपाइ मैं क्या करों मित आइ न कोए।।१८।। महिमा मानि न परिह पग जिह वडे कुभागा। पातिशाह के पास महिं चारी अनुरागा। नहिं भोजन बह अचित है सोचित चित मांही। निसा बिखै नहिं नींद सुख छाती रिस दाही ॥१६॥ निकट न बोलिन देति है झिरकहि बहु दासा। निह सुखाइ किसको कह्यो रहि मौन अवासा। चितवति चिंता चित विखै बहु जतन बनावै। इक गिनती उर चढ़ित है इक किर उतरावै ॥२०॥ शाह सुनहि सभि बात को निशर्च न करंता। रिदे अदाइव राखि करि संसे उपजंता। हुकम नहीं कुछ देति है, गिह लिहु कि हकारो । कई बेर कीने जतन इत उत हुइ टारो॥२१॥ गिनती उर ल्यावै। इत्त्यादिक पापातमा स्वास उसार बिस्रतो कबहुं न विसरावै।

^{1.} लवण, नमक।

खर सर समसर करक उर गडि गयो सु गाडो। चिंता सलिता $^{f 1}$ मिंह बहति दुख जल बहू बाझो ॥२२॥ इक दिन गमन्यो शाह ढिग बह बात सुनाई। प्रथम भए पतिशाह जे तिन की थडिआई। निज दिसि जान्यो रूख अधिक वोल्यो कर जोरे। हजरत जी ! प्रिथीआ गुरू तन प्रान विछोरे ॥२३॥ गादी श्री नानक हुती शुभ रीति चलाई। मतो सत चित शांति जुत अति मति चतुराई। सिक्खी देश अनेक की पग पूजन आवै। अनिक अकोरंनि² आनिकै धन को अरपावैं।।२४॥ अनुज नाम अरजन अहै मन महिद हंकारी। आंख तरे आनहि नहीं गुन एक न धारी। आयो निकट न आपि के निज लखिह बिसाला। प्रिथीआ आयो कई बेरि इह शील रसाला ॥२५॥ तिसको सत इक मैं सन्यो पाछे थिर गादी। करहि प्रतीखनि आपते बैठनि हित शादी। सिरेपाउ हजरत करें सिर पाग बन्धावै। जगित जिठाई बिदत हुइ मंनता वहु पावै ॥२६॥ सनि दिवानते शाह तबि करि हकम दिवायो। तम ले अपने पासि अबि तहिं देह पुचायो। लेकरि निज जन को दियो किह बहर प्रसंगा। दई जीवका प्रथम तुम बहु आदर संगा।।२७।। कोठे ग्राम सुधाम करि बसि बास सदीवा। अनुज ओज छल दाव करि पूरि ते निकसीवा। श्री अरजन तिब ते महां करि गरब अफारा। नहीं शाह भी कुछ कह्यो उर ते डर डारा।। २८।। पून तसकर ढिग राखि करि धन दूर कि नेरे। मंगवावही भा घनी बडेरे। निकसावै ताल रच्यो मंदिर कर्यो बहु दरब लगायो। लोकिन को बिरमावने इक ब्योंत³ बनाये ।।२६।।

^{1.} चिन्ता की नदी। 2. भेंट। 3. योजना।

तुम भाख्यो न बुलाव तिह, आपे चिल आवें।
अवि लो मिल्यो न आपको कुछ मन निहं ल्यावें।
हजरत जी चाहहु करहु तसकर के हेता।
चहीअहि कहिन बुलाइ ढिंग आवश्यक एता।।३०।।
शाहु कह्यो निहं आइ जे पुन लेहिं बुलाई।
निश्चें कीजिह साच इह के मिथ्या गाई।
ज्यों क्यों किर निज देश ते चोरी हटवावौं।
सावत किर गिहं लीजिये निहं झूठ लगावो।।३१॥

दोहरा

चन्दू अनंद बिलंद रिद लखि निज रुख की बाति । बाति ब्रिच्छ को हतिह जिम, घाति देखि करि घाति ।।३२॥।

इति श्री गुर प्रताप सूरज ग्रन्थे चतुरथ रासे 'चन्दु के प्रसंग बरननं' नाम सपित विसति अंशु ।।२७।।

^{1.} अवसर देखकर ही वार करना है।

अंशु २८ श्री चन्द प्रसंग बरननं

दोहरा

श्री गुरु अरजन मुधासर करहिं नरिन कलयानु । कीरित घर घर चन्द्रिका उज्जल दीपित महानु ॥१॥

हाकलु छन्द

श्री नानक सुत श्री चंदं। तप तापित दिपति बिलंदं। अभ्यास जोग महिं भारी । हुइ सफल जि गिरा उचारी ॥२॥ नित दास कमलीआ पासी। मित विशियनि विसे उदाशी। इक सेव करिन ही भावै। निस बासुर बहुत कमावै।।३।। तिस निकट देखि श्री चंदं । वच भाख्यो कारजवदं। 'भो सुनहु कमलीआ नीका । गुरु सोढी कुल को टीका ॥४॥ श्री अरजन धीरज धारी । नित बन्यो रहित उपकारी । तिनि अपनो नंदन ब्याहा । हरि गोविन्द चन्द उमाहा ॥५॥ इक संमति जबहि बिताए। धन हम ढिगभेट पठाए। गिन देति पंचसै सारे । अबिकै नींह रिदे बिचारे ॥६॥ लिख दुगनीं भई अकोरा। एक व्याह, बरस की औरा। तूं गमनहु तिनहु अवासा। हुइ कठन लेहु धन पासा ॥७॥ कहु हम दिशि ते अस बाती। इहु एक हजारिन थाती 1 । अरु चंचल एक तुरंगा²। करि दीजिंह मेरे संगा ॥ ।। ।। जिब श्री अरजन ढिग जावो। रहु खरो, न बैठहु आवो। सिम खरे खरे निज लीजै। पुन हम दिशि आविन कीजै।।६।।ः रहु तिन ढिग तावत ठांढे। नहिं जावति दें धन काढे। जबि देहि उपाइन सारी। तवि निकसहु पुरी मझारी।।१०॥ बैठहु सुपतहु आछे। इत आवहु जिम चित वांछे। सुनि आइसु को सिर धारा। करि बंदन पंथ पधारा।।११।।।

^{1.} एक हजार की थैली। 2. घोड़ा।

चिल सने सने पुरि आवा। विच प्रविश्यो पिखि मुद पावा। श्री अरजन थित जिस थाना । सुनि सुधि को निकट पयाना ॥१२॥ विच सभा सु जाइ प्रवेशा । करि वंदन दीदि संदेसा । श्री चंदू खुशी बहु कीनी। चहि भेट आपनी लीनी॥१३॥ मम आविन कारज एही। अबि दुगिन प्रथम ते लेही। अरु लैनो संग तुरंगा। है कारण व्याह उमंगा॥१४॥ तुम दियो न बिलम लगाई। इस कारण ते इम गाई। लिहू खरो खरो धन थाती। नहिं की जिह बैठिन बाती।।१५।। मैं आयसु करों न भंगा। दिहु दरव हजार तुरंगा। श्री अरजन सीतल छाती। सुनि मानति भे तिस वाती।।१६।। कहि बाक लेहु घन सारो। अबि की जै जाइ अहारो। श्री नानक नन्द बिलन्दे। नित पूजनीय सुखकंदे ॥१७॥ जिम आग्या देय पठाई। हम मेटहिं नहीं कदाई। इम कहि सिख संग मिलायो। इसथान देग के आयो।।१८॥ श्री गंगा तिहं बरतावै। सिख संगति ले सिभ खावै। गन दास करें बहु सेवा। जहिं लंगर श्री गुरु देवा ॥१९॥ निज कर तेगन को देना। गन भोजन करते लेना। थिर भयो कमलीथा जाए। नहिं वैठ्यो खरो रहाए।।२०।। हिंह माई देहु अहारा। अचि लेवौं मैं इस बारा। कछु माता रुख नहिं कीना । बहु नर को देति प्रवीना ॥२१॥ पुन जाच्यो मोकहु दीर्जै। नहिं तनक विलम को कीजै। गन सिखनि बांटति सोई। चित महि अति काहल होई ॥२२॥ बच बोली अहिंदी जैसे। रहि खरो जाचतो ऐसे। निहं वैठिहं धीरज पाई। ले अचन्यो ठांढे सारा। करि पानी पान पखारे। पुन ते निकसि पधारे।।२४।। श्री अरजन के ढिग आयो । मोहि दीजिह बाक अलायो । नतु ठांढो निकट तुमारे। नींह बैठो आइसु धारे॥२५। तबि सतगुरु धन अनवायो । युत बाजी दियो सुहायो । निज सेवक संग रलायो। सँभारि भले पहुँचायो।। २६॥ श्री नानक दिहरे थाना। श्री चन्दु थिरे तपवाना। तबि दासनि बिनै बखानी। इह भेट तुमारी आनी।।२७।। सुनि हरखति होइ प्रबीना। निज सेवक वूझन कीना। कह बाति कमलीआ सारी। जिब गुरु ढिग जाइ उचारी।।२८।।

तिब हरख कि रिसि उरछाई। किमकिह करि भेंट पठाई। केतिक काला। किम बोले बाक रसाला।।२१।। रहि ठांढो कमलीआ दोऊ। हुइ ठांडे आगे सोऊ। गर दाम बिरतांत भयो जु बतावा। मैं जाइ सुवाक सुनावा।।३०।। नहिं छोभ गुरू उर होवा। सम पूरव के मुख जोवा। मुझ भेज्यो देग सथाने । तिब पहुंच्यो भोजन खाने ॥३१॥ श्री गंगा तहि बरतावै। सिखपुंज असन ले खावैं। बहु भीर भई सिख लेते । इक माता भोजन देते ।।३२।। दुइ बारी। तिन देखित गिरा उचारी। मैं जाच्यो इक सम अहिदी के तुम आवो। रहि खरे असन को खावो।।३३॥ इम किह करि दियो अहारा। मैं खायो विहर पद्यारा। अरजन भेंट मंगाई। सिख दे करि संग पठाई।।३४।। सुनि सिरीचन्द जिन भै ना। रिस तनक धारि करि बैना। अहैं अहिदी अनिभूषे। चित चहित कहित बचरुषे।।३५॥ तो अहिदी तिन घर आवें। रिपु कूरे दोष लगावें। तिन आविन को फल देखो। तुरके शुर दुखद विशेखो।।३६।। दियो स्नाप गुरु घर को । हुइ होनहार परहरि को । सभि लई अकोर संभारी। घन थाती गिने हजारी ॥३७॥ पून घोरा सुन्दर हेरा। परसन्न भए तिस बेरा। गुर घर महि वधहि तबेला। हुइ अधिकै सैन सकेला।।३८।। बरु दीनो अस तिस काला। सिख राख्यो निकट विसाला। पुन कीनि बिसरजन नीके। ढिग आयो सतिगुरु जी के ।।३६।। कहि सकल प्रसंग सुनायो । जिम बर्¹ अरु स्नाप² अलायो । सभि बिखे जबे बिदतावा। श्री गंगा सुनि दुख पावा ॥४०॥ श्री अरजन बूझनि कीनं।तुमस्रापकहांकरिलीनं। श्री नानक नन्द उबाचा। नहिं मिटि है हुइ है साचा ॥४१॥ तपवान जती ब्रति पूरा। किम बनि है तिन बच कूरा। सूनि गंगा सकल सुनाई। बड भीर विखे अकुलाई ॥४२॥ सो मांगहि खरो अहारा। नहिं बैठ्यो तबहि निहारा। बच निषठ्र जाचित जोवा । बहु काइल मम चित होवा ।।४३।।

^{1.} वरदान । 2. शाप।

सम अहिदी खर्यो उचारा। पुन दियो अचाइ अहारा।
इक इही अवग्या होई। निह छिमा करी सुनि सोई।।४४॥
इम भयो स्नाप गुरु जाना। हुई होनहार को माना।
निह चिंत चिंत मिह कैसे। इक रस ब्रिति नित चिंत तैसे।।५४॥
गुरु धीर अमीर गम्भीरा। जिमि छुभित न नीरव नीरा।
निह सीतल तपत हुवंता। निह वधिह न घटिह कदंता।।४६॥

इति श्री गुर प्रताप सूरज ग्रंथे चतुरथ रासे 'श्री चंदू प्रसंग वरनन' नाम अषट विसंती अंसू ॥२८॥

अंशु २९ चन्दू प्रसंग

दोहरा

श्री गरु अरजन जी टिके तारन तरन सथान। संग मसंदिन संगतां दरसिंह अनगन आनि ॥१॥

चौपई

जहांगीर किस कारन करिकै। इक शहजादे सों रिस घरिकै। दियो निकास कह्यो सिभ ठौरि । इसके संग न मिलि हैं औरि ॥२॥ जे नौकर मम लघु कि महान । को निहं देहि इसे सनमान । ग्राम नगर परवेश न होइ। देश त्याग करि गमनै सोइ॥३॥ इम सिभ को लिखि दियो निकासि । सो तिज दिल्ली तुरी अवास । क्छ नर संग निकसि करि आयो । सने सने बहु मग उलंघायो ॥४॥ आइ । दिशि पशचम चित बांछत जाइ। देश प्रवेश्यो गृरु तरन तारन पुरि डेरा । केतिक दिन ते कीनि बसेरा ।।५।। जिब शहजादा तिंह चलि आयो । इहां गुरू तिह किसहि सुनायो । मिलौं इनहिं दरशन करि आछे । इक दुइ दिन रही गमनो पाछे ।।६।। शहजादे रिदे विचारा । उतर पर्यो डेरो निरधारा । तिस निस महिं करकै बिसराम् । भई प्रात, सुनि सतिगुरु नाम् ॥७॥ मिल्यो आनि करि वंदे हाथा । लिख महिमा नंस्री करि माथा । बूझ्यो सगरो तांहि त्रितांत । भन्यो तांहि बीता जिस भांति ॥ । । । । शाहु रोस बहु मो पर कीनो। देश निकारा कहि करि दीनो। पशचम दिशि को मैं चिल जायों। श्री गुर जी तित वैस वितावौ ॥६॥ भनति बिनै अधिकाइ अधीन । अपने कषट निवेदनि कीनि । खरच गयो थुर पास न पैसा । दिन प्रति छुधिति रंक ह्वं जैसा । नीठ नीठ ते खरच चलावौं। वेचि विभूखन नरिन खुलावौं। अपः पातशाहित मैं जावौं । माफक गुजर तहां धन पावौं ।।११।।

^{1.} तरनतारन नामक स्थान पर।

इत्त्यादिक जिंव विन वखानी । सुनि श्री अरजन करुना ठानी । निज ढिग दिन केतिक सो राख्यो । देति असन हित धन जो कांख्यो ॥१२॥ जबहि चलिन कहु तिन मनकीना । पंच सहस्र गुरू धन दीना । लेकरि नमो ठानि शहजादा । गमन्यो पशचम दिशि अहिजादा ॥१३॥ जिस दिन ले तिन कीनि पयान । नर चंदू को इक तिस थान । सकल वारता सुनि करि गयो । चंदू निकट सुनावति भयो ॥१४॥ करहि शत्रुता गुरु के साथ। जर वर भयो मलति जुग हाथ। कहाँ शाहु ढिग छिद्र सु पायो । रिसिह रिदे हुइ मुर मन भायो ॥१५॥ मैं करि रह्यो उपाउ मनेरा । नहीं विगार सक्यो गुरु केरा । सो फकीर, मैं शाहु दिवान । अबि लगि सम कैं रह्यो महान ॥१६॥ शत्रु सम शहजादा सोइ। तिह धन दीनि सखा जिम होइ। निज ढिग राख्यो त्रास न माना । रिसहि शाहु जब सुनि है काना ।१७॥ प्रात होति गर जामा पाइ। गयो मूढ उर हरख उपाइ। तसलीमात शाह सो कीनि । चुगली उगलनि को मति हीन ॥ १ न।। हाथ जोरि करि बहुर सुनाव । तो अरजन जग गुरु कहाव । चहं दिशि ते धन जिस ढिग आवै । तुम ते त्रास न कैसे पावै ॥१६॥ निज पूजा अरु धन को देखि । जिस के उर हंकार विशेख । शहजादा जो तुमिंह निकार्यो । निंह किस तिस को आदर धारयो ॥२०॥ तुम ते वडा कि तम सम जानि । पहुंच्यो गुरु अरजन के थान । सादर तिसको पास उतारा । हम राखिंह तुझ धीर उचारा ॥२१॥ हमरो कहा करै पतिशाह । नहिं रय्यत जे हकम कराहि । केतिक दिवस निकट सो राख्यो । सो नहिं रह्यो चलनि अभिलाख्यो ॥२२॥ गमनित को वह धन तिह दीना । सकल रीति ते मद्दत कीना । तुमरो त्रास पाइ सो गयो। गुरु अरजन उर डर निह कियो।।२३॥ वड हंकार जिनहं के मांही । आंखि तरै किस आनित नांही । तम हिग आगे अरच उचारी । राखिह तसकर सदन मझारी ॥२४।। आप कहावति है सभि मांहू। सभि ते बडो साच पतिशाहु। निज खातर महिं किस न ल्यावै । बरतरि तथा जथा मन भावे ।।२५॥ अपर सजाइ नहीं जे देवह । ढिग बुलाइ अजमित को लेवह । करामात जो दिख्यो न चाहो। तऊ हकारह अपने पाहो ॥२६॥

^{1.} जैसा मन में आता है, वैसा ही व्यवहार करता है।

जे इस क्रित को तुम मन जानि । नहीं तिदारक $^{f 1}$ देह महान । निरभै होइ बहु करहि कुकाजा। तसकर आदि लगाइ सु राजा।।२७।। ज्यों तुम छिमा करह लखि पीर । त्यों उरगर बति है धरि धीर । श्री नानक क्रित्त न तिनको । धरहि ईरखा² कपटी मन को ।।२८।। सुलबी पठ्यो न पहुंच्यो तहां। तिस पीखे उर गरव्यो महां। हजरत जे डर ह्वै न तुमारा । होइ राज महिं बहुत विगारा ॥२६॥ बहु कह्यो । साचत्रक पति ने चित लह्यो। इत्त्यादिक पापी नित प्रति तिनकी आइ खुटाई। मैं अबि लौ नहिं कछ जनाई।।३०॥ निज दिवान पापी संग कहयौ। केतिक डंड उचित तैं लह्यो। जेतिक देहि³ लिखह परवाना । आवै अविचलि कै इसथाना ॥३१॥ द्यटसचिव ने मति बिचलाई। उचितानुचित सकल बिसराई। जिनकी करित सत्ति लिख पीर । डंन चहै मरख तिन तीर ।।३२।। धन दइ लाख दीजि यहि आइ। तुमने कीनसि बात बिजाइ शहजादा जो हमह निकारयो। रिप्र समान उर महि निरधारयो।।३३॥ टिकन दयो निंहं निकट सु काहुं। तुम धन दीनिस राख्यो पाहुं। आइस जहांगीर की लेके । चंद द्षट लिख्यो बिधि कै कै ॥३४॥ शाह कहे को दस गून रिस को। लिख्यो कठोर हकम गुरु दिशि को। अहिदी को निज निकट हकारा। तिन पर शाह कोध बडधारा।।३५॥ गह परवाना गमनह तरन⁴ । लिहदइ लाख दरव करि पूरन । जाह सुधासर हुकम प्रकाश । लिह सिभ किछु श्री अरजन पास । ३६॥ म्रिदल न बोलह लिहु घन रासी। नाहिं त आनह हजरत पासी। अपर किस् को कह्यो न कीजिहि। गमनह अबिह छिप्प्र पहुंचीजिह ॥३७॥ चल्यो अहिदीआ ले परवाना । पीछे उर पापी हरखाना । बीते संमत करति उपाऊ । अबि कुछ लाग्यो मेरो दाऊ ।।३८।। लैहों बैर देऊं दुख तैसे। सुता मोहि संकट लहि जैसे। नहिं भे कर्यो न लीनि सगाई। करि बिनती भी मोहि पठाई।।३६॥ लागी अबि ली आंचि न ताती⁵ । बैठि रह्यो करि सीतल छाती । करित रह्यो मैं जतन घनेरे। तिनके संकट गयो न नेरे।।४०।।

^{1.} कड़ी सजा। 2. ईर्ष्या। 3. जितना दण्ड देना है। 4. शीघ्रतिशीघ्र। 5. अभी तक उसे कोई हानि नहीं पहुँची।

खित्रिनि विर्खं लाज मम खोई। करिन सबंध¹ न मानै कोई। सो बदला अबि आबिह हाथ। इम बिचारि मूरख मुद साथ²॥४१॥ निहं जानिह निजमूल उपारित³। अपने पर अपदा वड डारित। इस जग मिंह दुख भोग घनेरो। मर्यौ कुम्मितु अंत की वेरो॥४२॥ नरक अगारी परिहाँ जाइ। निहं अनजान लखिह इस भाइ। चिल लहौर ते अहिदी आयो। होनिकूर्⁴ जो दुषट सिखायो॥४३॥

इति श्री गुर प्रताप सूरज ग्रंथे चतरथ रासे 'चंदू प्रसंग वरननं' नाम ऊन त्रिंसती अंशु ॥२६॥

^{1. (}मेरी बेटी की) सगाई लेने को । 2. सप्रसन्त । 3. अपनी जड़ उखाड़ता है । 4. ऋरतापूर्ण भावी ।

अंशु ३०

श्री हरिगोबिंद जी पित सो सम्बाद

दोहरा

श्री अरजन बैठ्यो गुरू जानित सकल प्रसंग। अहिदी ने दरशन कर्यो भा सीतल सरबंग ॥१॥ चौपई

लिख्यो शाहुको धर्यो अगारी। आप जोरिकर बंदन धारी। देखि सरूप सुभाव विसाला । अहिदी कहि न सक्यो तिस काला ।।२।। सतिग्रु सो खुल्हाइ पठवायो¹ । धन दोइ लाख शाह मंगवायो । श्री अरजन सगरी विधि जानी। तजनी काया' अपनि पछानी²।।३॥ अरु कान्हे को स्नाप चितारा। तजिन देह दुख पाइ उचारा। हरिगोबिंद गुरु वैठे भारी । महां वली वड शसत्रन धारी ॥४॥ सो सभि बदला लेग् हमारा। भूत भविख्य भले निरधारा। एक दिवस अहिदी को राख्यो। भई प्रात ते सतिगर भाख्यो।।५।। हम लहीर आभिह चिल जैहैं। कहै शाह जो तिह ठां दैहैं। इस प्रकार कहि अहिदी तोर्यो । बोल्यो सो निज हाथनि जोर्यो ॥६॥ जिम चंद्र ने मोहि पठायो। खोटे बाकनि को सिखरायो। सो मुझ ते किम नहिं बनि आवहि । तुम दरशन ते कुमति नसावहि ॥७॥ अपनो सेवक मोहि पछानो। रावरि कहह तथा अवि मानों। पुरषोतुम तुम सभि कुछ जानहु । तऊ दिवान दुषट पहिचानहु ।। ५।। तिस ते आप रहहु सवधाना। सकल कुकरम तिसी ने ठाना। अहिदी ते स्नि कीनि पसाउ³। सतिगुरु देति भए सिरुपाउ ॥६॥ ब्रा जुहोइ आप जर जैहै। मुरख अपनो कीता पै है। रुसखद हुइ अहिदी चिल गयो। चंदू संग कहित इम भयो।।१०।। मुझ को कह्यो आप हम आवै। कहै शाहु सा तहां दिवावैं। स्नि खुनस्यो मनयो ढिग शाहु। करी अरज ह्वं करि तबि पाहु।।११।।

^{1.} वह चिट्ठी पढ़वाई। 2. अपना शरीर त्यागने की बात जान ली। 3. दया करके। 4. प्रसन्न हुआ।

नहिं श्री अरजन घन कछ दीनो । अहिदी संग न आविन कीनो । नहीं त्रास कुछ करहि तुमारो । हुकम अदूली गुनहि विचारो ॥१२॥ शाहु कह्यो को दिन करि मौन । नहिन पठावहु मानव कौन¹ । जे नहिं आविह तिहं टिक रहै। पुन तिउं करिह जया तूं कहैं ॥१३॥ इत श्री अरजन सभि कुछ जाना । होनिहार विरतंत महाना । श्री गुरु ग्रंथ थिरहि जहिं रैन । तिस थल वैठे जिन किह भै न ।।१४।। ब्रिद्ध आपने निकट हकारा । सादर भाखति तहिं वैठारा । पुन श्री हरगोबिंद बुलाए । युत गुरदास तहां चिल आए ॥१४॥ करे प्रेम को निकट बिठाइ। अबि समरत्य हए बल पाइ। कहु बुड़ढा श्री हरिगोबिंद । अवि सुचेत भै वली विलं<mark>द ।।१६।।</mark> गुरता गादी बैठिन जोग । दै हैं दुषटिन के घर सोग । 2 । ब्रिध ने भाख्यो जोति तुमारी । होहि बीर वड आयु<mark>ध धारी ।।१७।।</mark> छत्रिनि कुल ते युद्ध हट्यो है। राज तेज को सकल घट्यो है। भए मलेक शसत्र बड धारी। करहि राज बड अविनी सारी।।१८॥ छत्री धरम दूरयो नहिं भासै। तखत बैठि अवि इही प्रकाशै। जिंव किंव जगित विपरजै होति³ । तुम तन धारि म्रिजाद उदोति⁴ ॥१६। हाथ जोरि गुरुदास उचारी। ब्रिध साहिब की उपमा भारी। श्री नानक आदिक गुरु सारे । बहु सेवा करि सदा निहारे ॥२०॥ सफलिह बाक स्नाप अरु बर को। ब्रहम असत्र जिम रघवर करको। भए पंच गुर शांति सरूप। करि गुरु सिक्खी रीति अनुप ॥ २१॥ देति रहे शांती उपदेश । जिह सुनि काटे सकल कलेश । अवि सायुध गुर होवहि आप । सिख सायुध करि बधहि प्रताप ॥२२ अपर कौन समरथ इस काल। सिभ छित⁵ तरकाने राज बिसाला। रावर ते होवै विधि सारी। हिंदु धरम को लेहु उवारी ॥२३॥ इम सुनि करि श्री अरजन नाथ। उठे हरख ले श्री फल हाथ। करी प्रदच्छन फिरि करि तीन । जगत रीति सत लख्यो प्रवीन ॥२४॥ पैसे पंच सहित नली एर। धरि आगे नं स्रे तिस वेर। करी सथापनि अपनी जोति। सिभ गृह के आई जिम होति ॥२५॥ साहिव सों फूरमायो। करह सु आप करति जिम आयो। शूभ अधिकार करिन को नीका । उठहु मुदित दिहु अबि सुठ टीका ।। २६।।

^{1.} कोई। 2. दुष्टों के घर शोक प्रदान करने वाले हैं। 3. जब संसार में उलट-फरेर होता है। 4. तुम प्रकट होते हो। 5. घरती।

हाथ जोरि तिब ब्रिद्ध बखान्यो । इह क्या कौतक रावर ठान्यो । जिब हं होति देह को अंत । तिब इस बिधि को होइ ज़ितंत ।।२७॥ तन रावर को पर उपकारी। जब् दीप दीप अनुहारी 1 । जिह किह कर्यो प्रकाश विसाला । मग शुभ गमन्यो जगत सुखाला ।।२८।। दरशन की संगति है प्यासी। दूरि दूरि ते आइं हलासी। भगतिन भूर भावना जानि। आप सरीर धरह जग आनि।।२६॥ औचक अचरज कहां जनावहु। थिरो आप शुभ दरस दिखावहु। सिभ के अहो आसरा भारे। चहुंदिशि दुषट दुषटता धारे।।३०॥ बनहु सहायक संगति केरे। सरब प्रवार तुमह दिशि हेरे। बिगर्यो शाह चंद् के कहे। सभि विधि के तुम जानति अहे।।३१॥ सुनि करिश्री अरजन गुर कह्यो । अंत समां हम अपनो लह्यो । त्यागिन मैं कारन हैं घने। गए लहौर सरब ही बने²।।३२।। कान्हे ग्यानी दीनो स्नाप। ब्रिथान होइ बिचारह आपि। शत्रुनि करते छूटनि सरीर। पलटो³ ले हरि गोविंद धीर।।३३।। सिभ संगति को गुर इह भारी। होइ सहाइक पर उपकारी। काज सुधार हिंगे इह घनो। धर्यो सरीर बीर रस मनो ॥३४॥ हम तजि हैं तरकिन सिर होइ। इनको तेज करिह छैं जोइ। श्री नानक की वखिशश भारी। सिर दे करि छीनहिं हम सारी।।३५॥ अपर उपाउ लेनि को नांही। जिसते तुरक तेज बिनसाही। अपर सकल कारज बनि रहे। कौन बिघन करि सिकहै लहे।।३६। दीन दनी को राज बिसाला। श्री सतिगर के घर सभि काला। परमेशूर की बखिशश महां। कौन मिटाइ सकै बल कहां।।३७।। हुइ प्रसंन श्री नानक दीनि । तिन झूठे करिलें हमछीन । इत्यादिक सतिगुर समुझाइ । निज गादी पर पुत्र बिठाइ ।।३८।।

दोहरा

साहिब बुड्ढे निकट ते कुंकम मलय घसाइ। सोढी कुल के तिलक के दीनो तिलक कराइ।।३६॥

चौपई

'राखहुं गोप नहीं, बिदता वहुं । सिभ संगति को सीख सिखावहुं । मम सरूप श्री हरिगोबिंद । जो जानहु सो लहै अनंद ॥४०॥

भारत वर्ष में दीपक सदृश । 2. सबका लाभ होगा । 3. बदला । 4. क्षय ।
 गोपनीय नहीं रखना, सबको विदित कर देता ।

हम पछै दीजिह दसतारु। सिभ बिधि कैरह मंगलाचार। सरव मसंद संगतां सारी। लिखह हकम सभि लेह हकारी।।४१।। चहंदिशि को हइ मेल बिसाला। तखत बिठावह तम तिसकाला। निज सहाइता चाहि न धरैं। अपरिन की सहाइ इह करैं ।।४२॥ इम कहि परम प्रेम को करि मन । सिख्या देति भए श्री अरजन । 'अहं ब्रहम इह ब्रिति उर धरनी । वहिर किआ भगतिन की करनी ॥४३॥ इह उपदेश आदि गृरु घरु को। लेह आपि निम शरधा धरि को। श्री नानक को आशै महां। गरु अंगद संग जैसे कहा ॥ ४४॥ अजर जरिन धीरज उर धरनी । अजमित बिदित न काहं करनी । रामचंद श्री किशन महाने। वल करि रण आदिक विधि ठाने ॥४५॥ नहीं शकति करि कहं दिखाई। सही सरव ही जिम बनि आई। तिसी प्रकार आपि मति धरो। नहीं विदित अजमित कित करो।।४६॥ पुरषोतम जे करि दिखराई। हित म्रिजाद के जननि सहाई 1। बिना करे बिगरिह जिंह बात। ताहां करित हैं नित चित शांत ॥४७॥ जाम जामनी करह शनान। सनह कीरतन प्रभु निरबान। जगत अनित्त आतमा साचो । इम लखि सति संगति चित राचो ।।४८॥ पाइ पुत्र को गुरू बहाना । संगति को उपदेश बखाना । श्री हरि गोविंद सुनि करि धीर । कमल विलोचन मोच्यो नीर² ॥४६॥ कारन करन आप तम सारे। असमंजस हम समुख उचारे। इम किह नंम्रि ग्रीव करि थिरे। धीर स्रवग्य जानि चुप करे।।५०।।

इति श्री गुर प्रताप सूरज ग्रंथे चतरय रासे 'श्री हरिगोविंद जी पित सो संबाद' बरननं नाम त्रिसती अंशु ॥३०॥

^{1.} सेवकों की सहायतार्थ। 2. कमल सरीखे नेत्रों में जल भर आया।

अंशु ३१

श्री गुर अरजन लवपुरि आगमन प्रसंग

दोहरा

इस कित को करि सितगुरू निसा भई पुन आइ। ग्रिह प्रवेश भोजन कर्यो बैठि प्रयंक सुहाइ।।१।।

चौपई

साध्वी श्री गंगा चिल आई। वैठी निकट देखि सुख पाई। श्री अरजन सभि बाति बखानि । सनह ! आरजे भाग महानी 1 ।।२।। लवपुरि को हम करहिं पयान । होति प्राति निशचै हइ जान । तब सत सकल काज को स्थाना । धरम धीर धरि धरिन समाना ॥३॥ नहीं सदीव देहि इह रहै। यांते समित सनेह न गहै। जो उपजिह सो बिनसन हारि। जो ऊचो सो गिरने हारि।।४॥ इहि सनातन देहिन धरम । इस मिंह प्रेम, महां उर भरम। दिन प्रति सभि प्रणाम को पावहि 2 । प्रथम समान सथिर न रहावहि ॥५॥ बालिक ते होवहि स् कुमार । तरुन होति पुन बिधता धारि । जरा ग्रसे तबि जीरण होइ । बहरो अंत समें महिं सोइ ॥६॥ रहु पीछे कुछ शोक न मानह। देहि आपते तजनि न ठानह³। पुत्र सुपौत्रनि को सुख देखि । शादी करह अनंद विशेखि ॥७॥ अंत समां हुइ प्रापित जबै। हम सों मिलिह आनि तूं तबै। गंगा सुनी अचानक बाती । कमल विलोचन अश्रु पपाती 1 usl इह किम कही आपने बानी । तीखन तपित नरांच⁵ समानी । श्रुत दर 6 प्रविश रिदा मम वेधा । कस उपदेशति हो अस मेधा ॥६.।

^{1.} हे श्रेष्ठ ! बड़े भाग्य वाली, सुनो । 2. परिणाम (अन्त) को पाता है । 3. अपने-आप शरीर छोड़ना न ठानो । 4. अश्रु-पात हुआ । 5. तीर । 6. कर्ण- कुहुर ।

धीरज धरिन वखानित आपू । जिस ते इस जुत आनंद खापू 1 । सिम संगति के सहत कुटंबू। करिन श्रेय के आप अलवू।।१०।। श्री हरिगोविंद बालिक बैसा । आप जनावित कारज कैसा । शत्रूगन सिभ रचित उपाया । नीठि नीठि 2 निज नंद बचाया ॥११॥ तुम समरथ हो नित सभि भांती । कौन आसरो गींह पणचाती। श्री अरजन जी पुनह बखानी । अस चिंता किम चिंत महिं ठानी ।।१२॥ श्री नानक समरथ जगनाथ। तिनको अहै माथ पर हाथ। सदा सहाइक विघन न साइक । प्रभु विसाल गन शत्रुनि घाइक ॥१३॥ प्रताप ते हरिगोविंद । दिन प्रति इनको तेज बिलंद । अपर न कीजिह चित दुचिताई । बेदी कुल के तिलक सहाइ ।।१४॥ अस कहि करुना धारि निहारा । उर गंगा के मोह विदारा। प्रापित भयो ग्यान सुखदानी । जिम पित कहित साच तिम जानी ॥१५॥ करको नोरति वाक वखाना । जथा जोग सो कित तुम ठाना । तुमते अपर न स्यानो कोई । जो आछी हुइ भाखह सोई ॥१६॥ इम संभाखिन करि गृह सोए । जाम जामनी जाग्रनि होए। किआ शनान आदि सभी करी । बहर समाधि रूप निज धरी ॥१७॥ जिब प्रकाश रिव को हइ आयो । चढ़िन हेतू खासा³ मंगवायो । पंच सिख्य ले अपने साथ । कीनि अरुढ़िन अरजन नाथ ।।१८।। विधीआ, जेठा लंग पिराणा। पंचम पैडा संग पयाणा। अपर सरव दै धीरज त्यागे । रहह सुधा सर सेवा लागे ।।१६।। श्री हरि गोविंद संग सदीवा। दरणन परसह हरख धरीवा। निकसि ग्रेह ते सतिगुरु आए। गए सुधासर को दरसाए ।। २०।। पित थल जानि भाउ विडिधारा। नमसकार कीनिस दरवारा। सदा कीरतिन की धुनि जहां। श्रो हरिमंदर सुंदर महां।।२१॥ करी प्रकरमां पिता निहोरे⁴ । धरयो ध्यान वंदति कर जोरे । निकसे वहिर पंथ तिस परे। लवपुरि दिशि सनमुखु मुख करे।।२२।। सिक्ख्य सकल जुति हरि गोविद। बिदा हेतु गमने नर ब्रिद। कितिक दूर जिब पहुंचे जाई। खरे भए सतिगुरु सुखदाई।।२३।।

^{1.} जिससे इस (धीरज) सिंहत आनन्द का नाश हो जाए। 2. ज्यों-त्यों।
3. पालकी। 4. विनती की।

सिम सों किह नीके उपदेश । सिमरहु सितगुर हरहु कलेश । साहिब बुड्ढा अरु गुरु दास । इन जुित श्री हरिगोविंद पासि ।।२४।। रहहु सदा धरि गुरुमित आछे । नित प्रसन राखहु हम पाछे । किनहूं आग्या भंग न करनी । निज मित कीजिह इन अनुसरनी ।।२४।। हरिगुविंद को पुनह सुनाई । अदव रखहु नित बुड्ढा भाई । जिम आग्या दे तैसे रहिना । निहं इनके सनमृख किब कहिना ।।२६।।

दोहरा

सुनि श्री अरजन के बचन वुड्ढा आदि जि दास । युत श्री हरिगोविंद के वंदि चरन सुखरासि ॥२७॥

चौपई

बारि बारि करि बिन घनेरी। हटिये चहति नहीं तिस वेरी। श्री अरजन कहि करि वह वारी । वरबसि सभिनि हटाइ पिछारी ॥२८॥ अपनी जोति पुत्र मिंह धारी। गुर अशोक तिब चले अगारी। पठ्यो सिखय इक गोइंदवाल । पहुंचह आज तहां मग चालि ।। २६।। मिलह अरथमल को तम जाइ। लवपूरि गमनै देह सुनाइ। होति प्रात के सो चिल आविह । हमको मिलिह मोद उपजाविह ।।३०।। सुनित सिक्ख्य उतलावति ¹ धावा । संध्या होति पुरी प्रविशावा । मिल्यो अरथ मलू को करि नमो । हाथ जोरि बैठ्यो तिह समी ।।३१।। श्री सतिगुरु को दीनि संदेसा। तमको सिमरनि कीनि विशेषा। लवपुरि को गमने जिसकाल । मो कह करि तागीद बिसाल ।।३२॥ प्रात चढावह तिनको³ जाइ। सुनि आग्या मै आयो धाइ। इम कहि बाक, सुने बिसमाने। कारन कौन करित अनुमाने।।३३। श्री गुर अमर अंस मिलि सारे । सिख सों वृझति करति विचारे । सुन्यो ज् शाह पठ्यो परवाना । यांते चित महि चित महाना ॥३४॥ करिह शत्रुता मूरख चंदू। बिनू दोषिन दे दोष बिलंदू। बहुत बिचारित निसा बिताई । चल्यो अरथ मल पिखि रुनाई 113 र 118 इत श्री अरजन गुर तिह समो। रामदास पुरि को करि नमो। सने सने मग महिं प्रसथाने। डेरा करि जामन गुजराने।।३६॥ भई प्रात हुइ करि असुवार । पहुंचित भै लवपुरी मझार । इक सद् सिख गुरु मुख महां। करित प्रतीखिन बासै तहां।।३७।।

^{1.} उतावली पूर्वक । 2. उसके सामने । 3. भाव, अरथमल को । 4. लालिम (पूर्व दिशा की)।

दीन अहों मैं दीनिन दयाला। भिखहु भगत के भाऊ विसाला।
मम घर निसाबास जै करिहीं। सरब सेव ठानौ निज करिही।।४६॥
करिन अहार आदि जै सेवा। करिवाविह मो ते गुरु देवा।
बनो श्रितारथ पुरिह आसा। सिमरित सितगुरु धिर भरवासा।३६॥
निस दिन जिस के उरि लिव लाई। मैं किह सभे बनहुं बडभागी।
किरतन मेल करित बहुतेरा। रिदे प्रतीखित संझ सबेरा।।४०॥
करिन कामना पूरन तांही। सिभ तिज गए सिक्ख्य घर मांही।
ऊच नीच की परख न कोई। प्रेम विलोकित हिर गुरु सोई॥४१॥

इति श्री गुर प्रताप सूरज ग्रंथे चतुरथ रासे 'श्री अरजन लवपुरि आगमन प्रसंग बरननं' नाम एक त्रिसती अंशु ।३१।

अंशु ३२ अरथ मल मिलनि प्रसंग

दोहरा

सद्ध् सिख्य सभारजा प्रेम करे मन मांहि। श्री अरजन सभि जानि करि पहुंचे तिस घर मांहि।। १।।

चौपई

हेरि अनंद रूप गुरु केरा। बंदन करी चरन तिस घटि घटि के नित अंतरजामी। दास कामना पुरवहु स्वामी।।२॥ धनी सिक्ख ध्रमसाला छोरि। उरकी लखि आए म्रि ओरि²।। यांही ते कहैं। प्रेम बसी तुम को सिभ लहैं।। ३।। वंध हाथ जोरि वहु उसतित करिकै। तरे उतारे³ उर मुद भरिकै। उसायो संदर ॥ ४ ॥ ले करि गयो सदन के अंदर। नौतन पलंघ ऊपर छाए। करि विनती सतिगुरु बिठाए। आसतरनि4 ते जथा शकति करि अपर फरश को । सिव़ख बिठाए धारि हरष को ॥ ५ ॥ और सरब सेवा करि नीके। चरन पखारित भा सिभ ही के। श्री सतिगुर के चरन पखारे। चरनांम्रित कुटंब मुख डारे।। ६।। सरब सदन महि छिरकनि कीनिसि । भयो निहाल अधिक फल लीनिसि । सिभ विधि की सुचता⁵ तवि करी । लेपन आदि रसोई धरी ॥ ७ ॥ हारि इशनाने 6। सूच सों नीर नयो भरि आने। भोजन करन बासन सकल मांझ करि ब्रिट। पावनता करि तबहि बिलंद।। ८।। चून गोधून⁷। स्खम चावर धरि सुधि भूमि। संदर अंन पहित⁸ बनाई डालि मसाले। पाइस पाक कीनि बिधि नाले।। ९।। व्चित सों मेलि बनायह नीको । करि त्यारी भोजन सभि ही को । बहु दीपक सगरे घर करे। चौंकी नई डसाई तरे।। १०।।

^{1.} भार्या सहित । 2. (मेरे) मन की बात जानकर मेरी ओर मुड़ आए हैं । 3. (सवारी से) नीचे उतारा । 4. बिछौना । 5. शुचिता । 6. भोजन करने वालों ने स्नान किया । 7. गेह का आटा । 8. दाल ।

हाथ जोरि आगे हुइ खरो। कह्यो गुरु जी भोजन करो। सुनित उठे लिख प्रेम घनेरा। चौंकी पर बैठे तिस वेरा॥ ११॥ प्रिथक प्रिथक करि थाल परोसा। भख्य भोज लेहज अरु चोसा। तुरष मधुर अरु तिकत¹, सलौन । आगे धर्यो गुरू के तौन² ॥ १२ ॥ हाथ जोरि सनमुख रिह खरो। चाहति हुकम सु सेवा करौं। सिख्यन सहत सु कर्यो अहारे। विपत भए सिभ हाथ पखारे।। १३।। मान राखिवे कारन। स्वाद सराहति भले अहारिन। सद्ध हाथ जोरि कहि मैं किस लायक। दीन द्याल तुम सहिज सुभायक।। १४।। जिम दुरजोधन आदिक त्यागे। सदन विदर के बिस अनुरागे। सो विधि आज भई मम साथ। सिभ को तिज मम घर विस नाथ।। १५।। रुचिर चरित्र विचत्र पवित्र। को किह सकिह आपके चित्र। गुरु प्रयंक पर पहुंचे जबै। भोजन अच्यो त्रिया जुति तबै।। १६।। पुन दंपति विजना छे गए। पौन प्रीति सों हांकति भए। सुंदर म्रिदुल चरन को गहि कै। चांपति³ चौप चारुको चहिकै॥ १७॥ जिस जिस सिखको सुधि तबि होई। दरशन को आए सिभ कोई। धरि धरि भेट वंदना ठानहिं। मनो कामना विनै बखानहिं।। १८॥ इसी प्रकार निमा वड गई। सुख सिहजा पर निद्रा लई। निकट सिख्य सिभही परि सोए। बिधीचंद आदि कहै जोए।। १९।। जामजामनी जाग्रन कीनि। सौचा चारु सगल करि लीनि। तन शनान जल निरमल साथ। इक चित बैठि रहे गुर नाथ।। २०॥ पुनह प्रकाश भयो रिव चढ्यो। सिभ संगति सुनि सुनि मुद बढ्यो। -आइ आइ दरशन को कर्राहं। वंदहि चरन उपाइन घर्राहं।। २१।। तबहि अरथमल चिल करि आयो । मिल्यो प्रेम करि सीस निवायो । पुत्र मोहरी केरा। भरि करि अक मिले तिस वेरा॥ २२॥ जेठो सादर निकटि विठावनि कर्यो। प्रिथक सिभनि ते हुइ हित धर्यो। जिस प्रकार को कारन करना। निकट अरथमल के सो वरना।। २३।। हमरे तन को है अबि अंत। तिजिबे को सिम सुनी ब्रितंत। महां बिरोधी हमरे जे हैं। सिर अपराध तिन ु के दै हैं।। २४।। अपराधी जिब होहि विसाला। उचित सजाइ वनिह तिस काला। श्री हरगोविंद चंद बिलंदे। संकट देहिं दुषट हित ब्रिंदे।। २५।।

^{1.} करारा । 2. उसने । 3. चरण-सेवा ।

सुर्नात अरथमल ब्झन करे। कहहु मोहि, किम तन परहरे। श्री अरजन सिभ गाथ बखानी । चंदू दूती करित महानी ॥ २६ ॥ प्रथम कहित इह चोर लगावै। शाहु समाज मिलिह चुरवावै। पुनह सजादा इक चिल आयो। दीन जानि तिह भोजन खवायो।। २७॥ इह दूती कीनसि मितमंद। शाहु सिखाइ रिसाइ विलंद। दोइ लाख लिखि दंड पठायो। अहिदी ले हमरे ढिग आयो॥ २८॥ यांते महां दुषट है एही। दोष तजिन तन सिर इसी देही। कान्हे को है स्नाप हमारे। तनु त्यागहु रिपु धरिन मझारे।। २९।। पुन हमरे नाने बच कह्यो। माता ने जिब ही बर लह्यो। गुरता रहै हमारे घर मैं। अबि नहिं जावहि बंस अपर मैं॥ ३०॥ हुइ है संकट एव बिलोक्यो। सलिता जल चलता तुम रोक्यो। समै निकट ते तन् नहिं बाचे ॥ ३१ ॥ सो अबि फुरिह करिह हम साचे। सो सभि कारन आइ मिले हैं। अबि तनु त्यागनि लख्यो भले हैं। सुनित अरथ मल शोक विसाला । रुचिर विलोचन ते जल डाला ॥ ३२॥ हे प्रभुतुम अलेप सिभ समे। दरस लाभ सुख जो बड हमें। सिख संगति सिभ रहें विसूरित । करित प्रेम हेरित तुम मूरित ॥ ३३॥ करह अनेकिन को कल्ल्यान। परउपकारी सदा महान। तुरक युकत चंदू दुख पावै। हरख धरित उर बिख को खावें²।। ३४॥ जिब घट अंतर पहुंचिह जाई। सोखिह अंग प्रान विनसाई। तैसे अबि इह नांहिन जानहि। संग निरवैरु वैर जो ठानहि॥ ३५॥ आपद परिह इनहु परि जबै। इस फल को पार्वीहगे तबै। करते ने कारन करने। सो सिभ ते कारज हैं सरने।। ३६॥ अबचल नीव रखी गुरु नानक। पिच हैं³ निदक दुषट अचानक। बहुर अरथ मल जोरे हाथ। सुनो बिनै श्री अरजन नाथ।। ३७॥ मम कांयां है आप अगारी। तजि करि दिउ जर 4 तुरक उखारी। तुम बिन जग मैं रहनि न भावे । अबि परलोक चलनि बनि आवे ।। ३८ ॥ दिहु आग्या मैं करों चलाना। आप रखहु तन, काल महाना। श्री अरजन सुनि करि बच प्रेम । कह्यो रहहु तुम तन युत छेम 5 ॥ ३६ ॥ रही आरबल बासुर चाली। तिब तुम कायां तजो सुखाली। मिलहु आनि परलोक सु मोही। नींह बियोग बहु दिन को होही।। ४०॥

^{1.} शाह की सम्पत्ति (चोरों के साथ मिलकर) चुरवाता है। 2. हृदय में प्रसन्नता धारण कर भी विष-भक्षण कर रहा है। 3₊ नष्ट होंगे। 4₊ जड़। 5. क्षेम, कुशल।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

इम दे धीरज राख्यो पासी। अनिक रीति की कथा प्रकाशी। लंगर लग्यो होनि गुर केरा। अरपिह संगति आनि घनेरा।। ४१।। आविह सिक्ख टोलि करि घने। पूजि पूजि गमनिह सुख सने। श्री अरजन को पुरि आगवन्। पसरी सुधि लघुदीरघ भवन्।। ४२।। शरधा सहत भाउ को धिर धिर। जांहि संगता आनंद करि करि। सुजसु उचारति नर बिय घरि घरि। उपदेशित नित सिमरह हिर हिर।। ४३।।

इति श्री गुर प्रताप सूरज ग्रंथे चतुरथ रासे 'अरथ मल मिलनि प्रसंग' वरननं नाम दोइ त्रिसंती अंशु ॥ ३२ ॥

अंशु ३३

चंदू ग्रिह आविन गुरु प्रसंग

दोहरा

सिख संगति लवपुरी के सकल दरस को आइ। वहिर दूर के सुनति इत आनि भए समुदाइ।। १।।

सर्वया छंद

आनि उपाइन अरपींह दरसींह बडे भाग सुनि सुनि उपदेश। सित्तनाम की उर लिव लागहि जनम जनम के कटींह कलेश। सुख अतोल को पाइ न डोलहिं अंतर मन के थिरहिं विशेष । धंन्य धंन्य श्री अरजन सितगुर प्रभु अवतार भगति के बेस ।। २ ।। सिक्खिन को समुदाइ भयो बहु सित संगित मिलि कर्रीहं अनंद। इक आवित इक जाति चले नर एक निकट रहि कुमित निकंद । गाइं रबाबी बडी राति ते सुर्नाहं सिक्ख्य उर प्रेम विलंद। बानी पठिंह कंठ को धार्राहं सित्तनाम जसु उज्जल चंद ॥ ३॥ इक दिन सतिगुरु चढि करि खासे वहिर चले रावी के तीर । निंदक चंदू मिल्यो अगारी देखी संग नरनिगन भीर। बूझ निकर्यो कौन इह गमनित काम दार उमराव अमीर। मानव संग अनेक चलति हैं आगे पाछे, बहुत बिहीर ।। ४ ।। पातिशाह को होइ समीपी कै चाकर हुइ अलप बिसाल। सो मुझ नमो करति मिलि गमनति मानहि आनि उलंघ ततकाल² । सुनि दौर्यो इक नर सिख बूझे को इह जाति ब्रिंद नर नालि । थिरहुइ कर्यो बताविन तिसने श्री अरजन सितगुरू किपाल ।। ५ ॥ आनि बतायहु चंदू को तिन सुनित जर्यो मन मिहं दुखपाइ। मम रिपु फिरहि दिखाइ प्रतापू बहुते मानव संग लगाइ। मैं नित चिंता के बिस द्रबल इह निंचत बिचरित हरखाइ। धिक जीवन मम बुद्धि बल को धिक, सरेन कुछ बहु करे उपाइ।। ६।।

^{1.} दुर्बु द्धि को नाश करने के लिए। 2 श्रीरों को छोड़ शीघ्र ही (मेरी) मानता।

तुरत तोर असवारी गमन्यो आज कहों सुघि शाहु के तीर। उतर्यो करति सलाम गयो ढिग रिसि ते धरहि न किम उर धीर। कहि प्रसंग कुछ हजरत को तिव निज दिशि रुख फेर्यो निह भीर1। कर जोरे उचरति दुरमति को अवि आयह पुरि सिक्खनि पीर ।। ७ ।। तुम ढिग आविन कर्यो न अवि भी हिंदुनि ते पुजवावित पांइ। नित प्रति धन अनिगनत ग्रामदन धनी भयो उर गरव वधाइ। दोइ लाख को दण्ड लखिह क्या, ततिछिन लै दै हीं इस थाई। आप सपारश कहो न सुनीयहि 2 तौ तसकर रखिह न डरपाइ ॥ ८ ॥ सुखी बसहि गो देण बहर सिभ करह ब्लावनि तौ चिल आइ3। नत् सिक्ख नि ते लेकरि धन को अपनी पुरी प्रवेशहि जाइ। न्त्रिभ होइ तुम ते बहु राख्यो शहजादा देश जु निकसाइ। पाइ तिदारक तौ चित समुझिह शाहु अवग्ग्या इम दुखदाई 1। ९।। इक दुइ अपर शाह के निकटी धन दे कीने अपन सहाइ। सो उमराव कहिन तिब लागे चंदू शाह! सुमित अधिकाइ। देश दृखी दिखि दोख लखै उर बार बार सो अरज कराइ। आप हदूरि हकारि निहारहु कहहु न कुछ मग पूछह खुदाइ ।। १०॥ दंड दिवान स् लेहि निवेरहि आप दोष ते संकति जेथ⁶। सुनि तिस बाक बिसरजन करीऐ तुमह न लेप लगै बिधि देय। चंदू अरु उमराविन रुख लिख शाहु रिदे भी चाह करेय। दरशन करौ उचारिन सुनि हों निंदा सिफति वह जिस केय।। ११।। निकट वजीरखान को देख्यों कह्यो ताहि को संतिगुर आनि। स्नि आइस् को ततछिन गमन्यो जिस थल श्री अरजन भगवान। घरि अकोर को करे निहोरनिं हाथ जोरि जुग बंदन ठानि। धंन्य धंन्य तुम गिरा धंन्य है जिह सुनि दुख ते उबरे प्रानि ॥ १२ ॥ भयो जलोधर अरु बहु पीरा निस बासुर व्याकुलता पाइ। हाइ हाइ करि पर्यो पुकारति किस हकीम ते शांति ने आइ। पाठ सुखमनी ते सुनि सुख भा व्याधि गई ततकाल नसाइ। चंद्र चारी⁸ करित आपकी बहु दिन बीते करित उपाइ ॥ १३ ॥

^{1. (}बादशाह के पास) कोई भीड़ नहीं थी। 2 आप सिफारिश न करें या मार्ने (तो)। 3. आपके बुलाने से यहाँ आ जायेगा (तो फिर) समूचा देश सुखी बसेगा। 4. दण्ड पाएगा तो मन में बादशाह के निरादर की दुःखपूर्ण प्रतिक्रिया को जानेगा। 5. खुदा का। 6. दण्ड दीवान स्वयं निपट लेगा, यदि आप द्रोष लगने से शंकित हैं। 7. भेंट रख कर प्रार्थना की। 8. चुगली।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

- बारि बारि सुनिशाहु बिचलगा पुन उमराव सहाइ दिवान । चहै कहावति भरम उपावति एव स्नावति द्पट महान। हजरत तऊ वडाई राखित श्री नानक गादी पर जानि। करे हकारिन दरशन कारन वाक सुनिन की चितं रुचि ठानि ॥ १४॥ पठयो आप ढिग, मैं चिल आयह दिह दरशन को बिरद ऋिपाल। सुनि श्री अरजन बाक बखाने हम इस हित आए मग चालि। करति प्रतीखन समा सु पहुंच्यो इम कहि भए त्यार तिस नालि । चिं खासे पर गमने सितगुरु पंच सिक्ख ले संग विसाल ॥ १५॥ करिंह हजारहु बंदन मग मिंह खरे होिंह पिखि हित सनमान। धंन धंन गुरु सुजस् उचारिंह सुनित चलित जस् को निज कान। सुधि वजीर खां करी अगारी पहुंचे आइ गुरू भगवान। ऊचासन किह के डसवायो चदू दुख्यो देखि सनमान।। १६॥ इतने महिं गुरु दरशन दीनिस सादर किह किर तहां विठाइ। शाहु नम्यो गुरु कुशल प्रशन करि हेरि हेरि सभि सीस निवाइ। पुन हजरित ने बूझिन कीनि हिंदू तुरक जि बाद वधाइ। निज निज को मानिहं हम दीरघ कहैं भिसति इक दोजक जाइ।। १७।। दोनहु महं को साहिब जानहि किस पर करुना करे खुदाइ। कौन साचु कहि ? कूर कहै को ? इह संसै मेरे मन आइ। उत्तर देहु पीर तुम दीरघ जिसते मम खातर¹ हुइ जाइ। सुनि हजरत ते मितगुरु अरजन कहि जवाब को शबद सुनाइ।। १८।।

श्री मुखवाक

रामकली महला ॥ ५ ॥

कोई बोलै राम राम कोई खुदाई।
कोई सेवै गुसईआ कोई ग्रलाहि।। १।।
कारण करण करीम।
किरपा धारि रहीम।। १॥ रहाऊ।।
कोई नावै तीरिथ कोई हज जाइ।
कोई करै पूजा कोई सिरु निवाइ।। २।।
कोई थाँढै वील कोई सुपेद।। ३।।

^{1.} हार्दिक सन्तीय।

कोई कहै तुरकु कोई कहै हिंदू। कोई वाछै भिसतु कोई सुर्राग्दू 2 ॥ ४ ॥ कहु नानक जिनि हुकमु पछाता। प्रभु साहिव का तिनि भेदु जाता ॥ ५ ॥ ९ ॥

दोहरा

श्री परमेशुर एक है झगरति दोइ बताइ³। स्नहु शाहु निशचै करहु एको राम खुदाइ।। १६॥ अरथ किपाल रहीम को एको जान्यो जाइ। पक्ख बाद किर परसपर झुठे दोइ बनाइ॥ २०॥ हमरो मत है अपर विधि मिल्यो दोनहं साथि। अर दोनों ते प्रिथक भी नहीं बाद की गाथ।। २१।। हुकम जान साहिव प्रभू दुख सुख जिम वनि आइ। हरखित रहिंह सदीव हिय दोष नहीं अरपाइ।। २२।। सत्तिनाम को सिमरनो त्यागनि तन अभ्यास⁵। तीनह ते प्रभू को मिलहि हुइ ब्रह्म ग्यान प्रकाश ।। २३ ।। हिंदू हुइ के तुरक हुइ तीनह जिनह कमाइ। पारि परे भव सिंधु ते जनम कलेष मिटाइ।। २४।। तीनहुको विसतार करि कहैं जि अरथ विसाल। अधिक होइ कहि तक सुनहु छूटहिं बंधन जाल ।। २५ ।। सुमति वंत थोरे कहे समुझहि वाति विसाल। जिनको लगी खुदाइ लिव सोई अकल कमाल ।। २६ ।। इम सतिग्रु के कहति बच रवि पशचम असताइ। संध्या लखि करि शाहु तबि करे बिसरजन गाइ ।। २७ ।। उठे गरू निकसे वहिर चंदू अवसर पाइ। में ले जावों निज सदन राखों सेव कराइ ।। २८ ।। समुझावों सिभ बारता तुमरी दिशि ते होइ। लिउं दुइ लाख सुखेन ही रखिह न तसकर कोइ।। २९।। बिना दंड ते हटहि नहिं देश न होइ अराम। करो न्याव ईमान⁶ तुम सुजसु जगत अभिराम ।। ३०।।

^{1.} चाहता है। 2. स्वर्ग। 3. दो बताकर (झगड़ते हैं)। 4. अपना-अपना पक्ष लेकर खींच-तान। 5. शारीरिक अभ्यास का त्यागना। 6. धर्मानुकूल न्याय।

शहजादा राख्यो निकटि पाइ तिदारक सोइ। नहिं बिजाइ¹ बहरो करहि उर दीरघ डर होइ ॥ ३१ ॥ तुमको दोष न होइ क्छ मैं लेवौं दुइ लाख। करों खजाने दाखली तीन चार दिन राखि।। ३२।। अवि न बनं कशमीर को रावरि करनि पयान। मरजी उर दिल्ली चलह मानि बिनोद महान ॥ ३३ ॥ आप करहुअवि कूच को पाछे ले धन सोइ। करहि सपारश कबहुं को² नहि सुनियहि तिस जोइ ।। ३४ ॥ हां कहिवाई शाह ते निकस्यो तति छन आइ। करे सिपाही संग गरु निज डेरे कह ल्याइ।। ३५।। पंच सिक्ख्य ड्योढ़ी विखे करिकै कैंद विठाइ। अंतर गुरू उतारि कै कहि कहार निकसाइ³ ।। ३६ ।। तिमर भए घर ले बर्यो डेरा दियो कराइ। ब्रिंद सिपाही द्रिढ करे सावधान हरखाइ ।। ३७ ।। निस बास्र ठांढे रहो गहे हाथ असि ढाल। निकटि न आविन देह किस भेरि किवार विसाल⁴ ।। ३८ ।। मनभावति मेरी भई हरख्यो मूढ बिसाल। सुपत्यो खातर जमा करि⁵ करि ठांढे नर जाल ।। ३९ ।।

इति श्री गुर प्रताप सूरज ग्रंथे चतुरथ रासे 'चंदू ग्रिह आविन गुरू प्रसंग' बरननं नाम तीन विसती अंशु ॥ ३३ ॥

^{1.} अनुचित । 2. कभी कोई। 3. कहारों को बाहर जाने को कहा। 4. बड़े द्वार बंद कर दो। 5. सन्तोष पूर्वक।

अंशु ३४ चंदू गुरु प्रसंग

निसा बिती पून प्रात भी शाह बाक कहि दीन। बजे नगारे कूच के सुधि सिभहं सुनि लीनि ।। १।।

चौपई

हजरित जिब तिआर हुइ गयो। चंदू अधी मेलि तिब कियो। दिहु प्रवानगी मुझ को आपू। दिन चारिक महिं करिव मिलापू।। २।। कछु मामले की रहि कारि। इक संमत² की करनि संभारि। लागे समुदाइ। जमां खरच को सभि समुझाइ।। ३।। नवी सिंद करि फरेब को छोर्यो साथ। शाहु न चितवी पुन गुरगाथ। धंधे गन भोगनि विसै। बहुर चल्यो चिं क्या सुधि तिसै।। ४।। पूरव भी कवि गुरू प्रसंग। कोई न करति शाहु के संग। सलही सुलबी चंदू बतावै।। ५।। सिमरि द्वेष को दुषट चलावै। लेना देना किह संगकोइ न। धन हंकारी जानहि सोइ न³। कहां चिनारी गुरू उदारा॥ ६॥ ग्रसे विकारा। अहैं तुरक प्न बरजि दिये 4 चंदू द्रचारी। नहिं प्रसंग चिल मिले पिछारी। जे हजूर गुर गाथ चलाइ।। ७।। गमनति मिल्यो सकल को जाइ। बुधि बल ते बरजह तिह रोकि। क्या तिन गाथ फकीर जिलोक। कहीं पिछारी तुम भरवासे। केतिक दिन मैं आइव पासे॥ ८॥ सारी। किस धन दे किस म्रिदुल उचारी। करी कचिहरी अपनी जस जस हुते तथा हरखाए। शाहु समीप समूह सुहाए।।९।। दुषट पने महि चित को धरि कै। चंदू हट्यो धीर उर धरि कै। सतिगुर अरजन जिंह उतरायो ॥ १०॥ सभिनि चढाइ मृढ तींह आयो।

^{1.} पापी । 2. वर्ष । 3. (गुरु जी का) किसी से कोई लेना-देना न था, (इसलिए) धन का अधिकारी (कोषाध्यक्ष) आदि उन्हें नहीं जानते थे। 4. उन्हें मना कर दिया कि शाह के पास पीछे का प्रसंग कोई न चलाए।

वैठ्यो सनमुख रिसि ते भर्यो। कहति भयो बच दुख ते जर्यो। मोरि सुता की मोरि सगाई। क्यों हूं न मानी बिनै अलाई।। ११।। भेजे दोइ बार पुरि लागी। अति चिंता चित हमरे लागी। लेनि साक तो रह्यो किथाई। दई मोहि कूकर समताई।। १२।। अबि लौ कछू न बिगर्यो सुपने। नाता लेहु जाहु घर अपने। नतु कूकर भाख्यो जिमि जबै। लगों गैलि कूकर हुइ अबै¹।। १३।। दिहु जबाब मैं करों उपाइ। मौज ब्याह की, कै तुम धाइ²।। न्त्रिभै बाक तिब सितगुर भाखा। सुता देनि की किम अभिलाखा।। १४।। तूं ऊची कुल अहैं चुबारा। हम को मोरी सरस उचारा 😥 मोरी मेल सु मोरी घारा। मिलहि चुबारे संग चुबारा।। १५।। तिब भी कह्यो अविह भी कहैं। सम सो मिलन भलो सिभ लहें 3। अंतर बहुत हमार तुमारा। कित मोरी कित होति चुबारा।। १६।। कह्यो न कूकर, जे तैं लह्यो । जे न कह्यो तौ भी अबि कह्यो । सिख ने कह्यो हमहु किह तदा। सिख हम एक रूप हैं सदा।। १७।। सुनि मन जर्यो 4 , जर्यो निह 5 बैन । कूर पसारे लाल जि नैन 6 । निकटि बुलाए अपनि सिपाही। जल भोजन पहुंचनि दिहु नांही।।१८।। जिब लागिह गी तिखा महानी। दे गिन लाख देहु तिब पानी। व्याकुल होइ छूधिति बहु जबै। लेहु लाख दिहु भोजन तबै।। १९॥ निंद्रा ते जबि सुपतनि चहै। देहि लाख तौ सोवनि लहै। इसके मन महिं अति हंकार। निमहि नहीं अवि करौं संघार।। २०॥ एक बाति को निशर्च मानि। कै लिहु नाता कै दिहु प्रान। सुनि सतिगुरु तबि बाक अलावें। अबि ते सुपति न पीय न खावें।। २१॥ एक ही थान। करिहु जथा करिबे मन जानि। अपर कठोर सु दुषट बखाना । करे सिपाही गन सवधाना !। २२ ।। खरे रहो राखो तकराई⁷। नांहिं न खाय पीय सुपताई। पांचो सिक्खिन पौर मझारु। कैंद करहु रसरिनि को डारि⁸ ॥ २३ ॥ इसके पास न आविन दीजो। वाति वखार्नाहं कोइ न बीजो⁹। इकाकी इहां विठाइ। खरो रहे इक नर इस थाइं।। २४।।

अब कुत्ते ही की तरह पीछा करूँगा।
 तुम्हें मार देने का।
 बराबर का मेल सब अच्छा समझते हैं।
 जल गया।
 सहन नहीं हुआ।
 कोध से लाल आँखें उघाड़ीं।
 कठोरता।
 रिस्सियाँ डालकर।
 दूसरा।

उठने देह न पौढिन देह। बोलिन देह न, देखहु एहु। इम किह सदन वर्यो निज जाइ। महां दुषट वड खोट उपाइ।। २४।। सो दिन बीति गयो निस बीते। खान पान विन सतिगुर रीते। सिक्खिन महिं रौरा परि गइऊ । गुर कित गए न सुधि को पइऊ ॥ २६ ॥ इत उत नगर विखं फिरि हेरैं। पिखं धरमसालादि घनेरै। सिक्खिन के घर सिक्ख फिरंते। कित सितगुरु उतरे गुनवंते।। २७॥ गए शाह ढिग वहरि न आए। किधौं सुधासर को गमनाए। फिरति फिरति सरकारी लोक। वूझनि कीने सो अविलोक।। २८।। तिन ते सुधि गन सिक्खिन पाए। चंदू के नर संग सिधाए। तिसके सदन प्रवेशति हेरे। तिमर भए पहुंचे तिसि वेरे।। २६॥ प्रेमी सिक्ख तहां को गए। दिए किवार विलोकति भए। अंतर सिक्ख पठति इक वानी । गुरु इहठां हैं तिब सुधि जानी ॥ ३० ॥ झिरकिन करहि सिपाही तौन । क्या तूं वकिह वैठि घरि मौन । वहिर खेरा पिखि दीए हटाई। खरे न होहु जाहु निज थाई ॥ ३१॥ डरें दुषट ते टरिकरि गए। सुध आपिस महि करते भए। बहुत विसूरत चलिह न चारा। भै ते करिहं न ऊच उचारा॥ ३२॥ पुन चंदू गमन्यो गुर तीर। निठुरसुनाइ कर्यो चहि भी६³। अबि बी मानि सुता को नाता। नांहि त प्रान होहिंगे घाता॥३३॥ जीवति नहिं त्यागो अवि तोही। बहु दिन की चिंता लगि मोही। दियो कषट पति सभि मैं खोई³ । अवि ली त्रास भयो नहिं कोई ।। ३४ ।। आनहु4 अगनि तपावहु नीर। वीच बिठावहु तपहि सरीर। में जिम तपत्यो दिन अरु राती। महां कषट ते सुलगति छाती।। ३५॥ तिम तपतावो बिलम न लावहु । नांहि त ले नाता मनवावहु । सुनी दुषट की आइसु जबै। जल भरि देग चढाइसि तबै।। ३६।। समधा वारि वारि तपतायो 5 । वारि वारि 'लिहु मानि' सुनायो। सुनि सतिगुरु कुछ रिदै न आनी। चितें स्नाप कान्हा ब्रह्म ग्यानी।। ३७।। कह्यो वाक हम को डरपावै। जिम पूरव तिमही विन आवै⁶। नहिं तुव दुहिता लें किव नाता । जित जे चहित प्रान करि घाता ॥ ३८ ॥

^{1.} लेटने नहीं देना। 2. भीरू बनाने के लिए। 3. मैंने सब इज्जत खो दी। 4. लाकर। 5. लकड़ी जला-जला कर पानी गर्म किया। 6. जो पूर्व-लिखा है, वैसा ही होगा।

जिती अवग्या करें दुखावें। तितो अंत दुख लहिं पछुतावें। क्रोध बसी हुइ जिम अघ करता। पर्राहं नरक जम फासी धरता।। ३९।। कहि चंदू अबि ग्यान सुनावति । कूकर कह्यो न तबि डरपावति । तिसको फल अबि लेहु महाना। देउ सजाइ प्रान करि हाना।। ४०।। गुरू भन्यो जेनहिं तबि कह्यो। तऊ कह्यो जैसे करि चह्यो। पकरो देहु तिसी महिं डारी।। ४१।। कहि चाकर सो देग उवारी! तिब सितगुर उठि आपे गए। तपित नीर महि बैठित भए। उठ्यो पिराणा शकति न जरै ।। ४२ ॥ हाहाकरि हेरि सिख करें। गुरु दिशि चल्यो कि लेउं उबारी। हतौं दुषट चंदू दुरचारी। तबिह सिपाही गहि करि सोटा 2 । दुइ त्रै हते जाति को होटा 3 ।। ४३॥ सितगुरु कह्यो न आवो तीर। परिह दुषट जर खारे नीर4। हम तौ तर्जीहं आपने प्रान। लेहु सामना तुम क्यों आनि ॥ ४४॥ खर्**यो दूर** कर जोरि पिराणा⁵। शकति दिखावनि हेतु वखाणा⁶ । प्रभुजी! रह्यो जाइ निहंमो ते ! रावर को एतिक दुख होते ॥ ४५॥ दिल्ली लवपुरि नगर बिसाले। अबि लेवौं निज हाथ उठाले। दुहिन भिरावों जिउं करतारी⁷। देउं नासकरि, लगहि न वारी ॥ ४६॥ क्यों इतने दुख सहहु गुसाई। दिहु शारत मुख कहहु न काई⁸। सुनि सतिगुरु कहि किह ते पाई। जे चाहित अबि शकित दिखाई।। ४७।। सुनहु गुरू करि सेव तुमारी। भयो क्रिपा ते प्राक्रम भारी। चंदू दुषट मूढ क्या अहै। नासौं तुरक नाम नींह रहै।।४८।। जिनके राज महां अंन्याइ। तुम सम को अस होति सजाइ⁹। गुरु कह्यो जिनकी करि सेवा। लई शकति धारति अहंमेवा।। ४६।। तिन महुं शकति अहै कै नांही। किम जानति अपने मन मांही। जे जानति तूषिन करि रहो । बैठे पिखहु नहीं कुछ कहो ।। ५० ।! नांहि त छूछो ही रहि जै हैं। खोइ शकित को पुन पछुतै हैं। हमने इम ही कारन करना। तूं नींह लखें एव आचरना।। ५१।। परम बिसूरति तूषिन होवा 10 । नीच ग्रीव करि ऊच न जोवा। सितगुरु बैंं हे देग मझारी। तरे दुषट बहु समधा 11 जारी।। ५२।।

^{1.} सहन नहीं कर सका। 2. दण्ड। 3 रोका। 4. दुष्ट की जड़ खारे जल में पड़ रही है, अर्थात् गल रही है। 5. कहा। 6 दोनों को टकरा दूँ, ज्यों हाथ की ताली हो। 7 इशारे से कह दें, मुख से भले ही न कहें। 8 तुम्हारे समान को भी ऐसी सजा। 9. परम कातर हो वह चुप हो गया। 10. देखा। 11. ईंधन, लकड़ी।

अगिन धारि उर डर समुदाऊ। कर्यो विषरजै अपनी सुभाऊ। तज छोरि करि सीतल होवा। गुरु तन ताप तनक नींह जोवा।। ५३।।

दोहरा

कितिक काल वैठे रहे पुन खल किह निकसाइ। गयो सदन निज मूढ मित मिहिमा लखी न काइ।। ५४।।

इति श्री गुर प्रताप सूरज ग्रंथे चतुरथ रासे 'चंदू गुरु प्रसंग' वरननं चतुर विंगती अंशु ॥ ३४ ॥

^{1.} अपनी प्रकृति को उलट दिया।

अंशु ३५ चंदू अरु गुरु प्रसंग

दोहरा

ग्रिह चंदू के सुधि भई सितगुरु को द्ख देति। किसे सिक्ख की सुता थी पापी नुखा निकेति²।। १।।

चौपर्द

सुनि प्रसंग दलक्यो³ तिस रिदा । मम नैहरि मानहि जिह सदा । अनिक कामना जाचित पाई। गुरुगुरु सिमरित नित सुखदाई।। २।। ससुर पातकी तिह दुख देति। को अघ ते मैं इनह निकेत। कितिक दिवस ते पियों न पानी। खाइ न भोजन निंद्रा हानी॥३॥ धिक जीवन इस घर महिं मेरो । गुरुको दुख सुनि थिर ह्वं हेरो । रह्यो न गयो मिठाई घोरी 4 । कुछ भोजन लैं गमनी चोरी। ४॥ पहुंची जिह ठां खरे सिपाही। सुकचित डरितं जाति निहं पाही। इक हकार करि अपने पास । दीनिस जेवर तिनिहि निकासि ॥ ५॥ राखो गुपत सुनावहु नांही। मैं इक वेरि जाउं गुर पाही। धरे लोभि तूषिन हुइ रहे। जाइ तुरत आवहु बच कहे।। ६।। चंदू पातकी लखिह न जिस ते। हमहु निकासिह नींह मन रिस ते। गई गुरू ढिग देखति रोई। नमो ठानि कहि विनै भिगोई।। ७।। श्री सितगुरू जी पीजिह पानी। लिहु अहार को कीजिह खानी: पापी के सुत सों मैं ब्याही। हुती जोगता ऐसे नांही।। ८।। कर्यो पाप को आगे आयव। जिस करि इनके सदन बसायव⁵। तुमरे सिख सुता पछानहु। निज दासनि लगि करुना ठानहु।। ९।। पिखि सितगुरुश्री मुख ते भाखा। साधु तोहि अस भाउ जि राखा। जे करि चींह अपनी कल्याना। संग हमारे त्यागहु प्राना।। १०।।

पापी की पुत्र-वधु। 2. घर में । 3. आंतिकत हुआ । 4. शक्कर घोल कर । 5. कोई पुराना पाप आगे आ गया, जो (मैं) इनके घर में बस रही हूं।

जरां उखेरहिं चंदू केरी । मरहि जब दोजक महिं गेरी। इहां हमारो पलटा लै कै। हर्तीह कुमीत महां दुख दै कै।। ११।। सकल सदन इस होइ खराव। थिरहिन किम², इम वनहि शिताव। क्टंव अलंव विहीने। रोदित मर्राहं महां दुख लीने।। १२।। राखहु गोप वतावह न। संकट इनह संग सहि नाहिन3। खान पान इम्के घर केरा। हम नींह करींह, जाहु ले फेरा॥ १३॥ सुनि सितगुरु ते सगरी वात । आछो लख्यो प्रान को घात । कहित आपने संग मिलावहु। करहु किपा ले संग सिधावहु।। १४।। अंगीकार न गुरु कुछ कीनो। हटि गमनी मरिवो निज चीनो। अधिक दुखी हुइ परी बिचारी। वसि न वसाविह हुइ लचारी।। १५।। वीति जामनी सो तिव गई। वैठे गुरु प्रभाति तिब भई। चंदू दुषट विचारति मन मैं। अगिन तापते पीर न तन मैं।। १६।। व्रास पाइ नींह मानी बात। नींह जानत मेरो हुइ घाति। तपत बारि की लगी न कोऊ। वारू तपति लगाइव सोऊ॥ १७॥ इमि चितवति ही खाइ अहारा। आइ पातकी वड हत्यारा। पौर बिखे सिक्खनि को हेरा। ठांढो होइ कह्यो तिस बेरा॥ १८॥ इह सिख रंक कहति क्या काली। करह ताड़नां इनहि बिशाली। डरपावित मुहि अचरज देवा⁴। छुटिवे कारन करित फरेबा।। १९।। मुशकल मुझ ते होनि खलासी⁵। मानहि जे नहि तो दे फासी। इन जैसिन ते सुनि गरवायो। नहीं मोहि कहु मन महिं ल्यायो।। २०।। इम किह सोटे कुछ मरवाए। रहे मोनि गुर ते डरपाए। नहीं शकति किन कीनि दिखावनि । बैठि रहे भरि मन मुरझावनि ॥ २१ ॥ पुन गमन्यो सतिगुर के पास। कहै कुबाक उपावहि व्रास। कुकर किहबे को फल जोई। लह्यो कि नहीं बताबहु सोई॥ २२॥ अबिली कहां सासना⁶ बनी। देखहु आज होहि जिम घनी। होति नहीं मैं मिथ्या बादी। द्यों अति गृमी कि द्यों अबि शादी⁷।। २३॥ जिस धन को ढानित हकार। सो सिभ जपित⁸ करौ घर बारि। प्रथम करों तेरों तन घाति। पून गहिवाइ लेहु तुव तात।। २४।।

चंदू की जड़ें उखाड़ दोगी।
 किसी भी प्रकार टिक नहीं पाएगा 3.
 सहन न करो।
 मुझे आश्चर्य-चिकत कर डराता है।
 मुझ से छुटकारा पाना किन है।
 ताड़ना।
 पीड़ा पहुँचाऊँ या सुख दूँ।
 जबत।

नाता मानहि करौं खलासी। नांहित हतौं घालि गर फासी। तिब प्रापित हुइ मन चित शांती। विधवा लखौं सुता पशचाती।। २५।। मंगवाइस तिह करहि निहार । इम कहि भाठ विख ते वारू। वह समधा ऊपर तिस पई।। २६।। तपत करनि की आइस् दई। अगनि समान तेज प्रविशायो²। करिवायो । दे दे आंचि तपत महां तपित ते तपिह तमाम ॥ २७॥ इक जेसठ की रुति अति घाम। पुन पावक को भा बहु दाहि। लोवां³ चलहिं सही नहिं जाहिं। अच्यो न भोजन पियो न पानी ! १२८।। जिस दिन ते प्रविशे गुन खानी। मनो नरक दर ढांपनि खोला। सिकता तपित विलोकति वोला। निह जे करे त्रास उपजावह ।। २९ ।। ल्यावहु वहिर दिखाई विठावहु। घरनी घरनी धीर सिखाए4। तिब सतिगुरु उठ बाहिर आए। तन हंता उतपति नहिं कदे।। ३०।। हरख शोक को लेष न रिदे। जग महिं जनु जनाइ विदमानी। जस आवसथा हुइ ब्रह्मग्यानी। भूख न प्यास न मुख मुरझाइआ। मन की ब्रिति इक रस सुख पाइआ।। ३१।। कहिस कठोर चंदु कुलघाती। इन कीनिस छाती मुझ ताती। तिम अबि तपतावहु उतपाती। इसते परे न अपर अराती 5 ।। ३२।। धरी मौन अबि आइ न वानी। बैठित बोलित बिन ब्रह्म ग्यानी। कुकर कह्यो कलंकति कीयो। अबि तापहु जिम तपि मम हीयो।। ३३।। बोले सुनीयहि मूढ कुभागे। सिकता तपत ग्ररूढिन लागे। अपनो भाख्यो नहीं विचारति । कूकर ह्वै किराड झख मारति ।। ३४ ।। सकल बंस की जरां उखार्राह । अपने पर अपदा बहु डार्राह । दोजक दीरघ दुखद सहेरैं। मरि कुमौति तूरन फल हेरैं।। ३४॥ हम तो त्यागनि अहै सरीर। समा आनि पहुंच्यो अति तीर⁶। इम बोलित आरूढिन करे। रेत हुतासन सम⁷ परि खरे॥ ३६॥ सिख लंगाहु पिराणा दौन। इक बारी दौर मन भौन। तपत रेत पर हम तन परे। सुख सों हुइ गुरु ऊपर खरे।। ३७॥ इन कारन निकसींह जे प्रांन । तौ हम होवींह धन महान । निह इनको दुख देखिन करें। आछी बात देहि परहरें॥ ३८॥

^{1.} भट्ठी में से रेत । 2. उसमें अग्नि समान लालिमा आ गई । 3. लू । 4. (जिन्होंने) धरती को धैर्य धारण करना सिखाया है । 5. वैरी । 6. बहुत निकट । 7. अग्नि समान (गर्म) रेत । CC-O. Nana)i Deshmukh Library, BJP, Jammu. Digitized By Siddhanta eGangotri Gyaan Kosha

हेरित चंदू सिपाही प्रेरे। लए लशटका 1 धाइ घनेरे। हाथिन पर पैरिन पर मारि। गिह किर मोरे बहु बल धारि॥ ३९॥ श्री गुरु करींह वरजना घने। क्यों तुम आवित हो रिस मने²। बैठे रहो खाति क्यों मारि। इह सिभ ह्वै हमरे अनुसारि।। ४०।। कहै पिराणा रह्यो न जाइ। तुमरो दुख नहिं देख सकाइ। अपुने प्रान देनि अभिलाखै। रावर के सरीर को राखै॥ ४१॥ कह्यो गुरु इम कीजहि तवै। हमरी आइसु होवहि जवै। अबि हमरा इह खेल पसारा। बैठे पिखहु होइ जिम सारा।। ४२।। पुनह दूषट ने कहि बिठवाए। थिर सतिगुरु कुछ खेद न पाए। चौदह लोक रचे जिन केरे। तेज हुतासन हुइ किम नेरे॥ ४३॥ तपित रेत पर निशचल वैसे। सुख ते म्रिदु आसन पर जैसे। इत उत अंग नहीं डुलयंते। भए मौन कुछ नहीं कहंते।। ४४।। कह्यो द्षट पुन करछे लैं कैं³। तपति रेत दिहु ऊपर पै कै। निहं बोलित निहं मानित नाता। इस के गात लगिह निहं ताता॥ ४५॥ भरि करछे तबि ऊपर पाए। नहिं कुछ कह्यो न अंग डुलाए। दह दिशि ते तातो अति वारू। परि सरीर पर वह दुख कारू।। ४६।। निज इच्छा करि गात समूहे⁴। सतिगुर कै तिव परे फलहे⁵। अजमत नींह जानै दुरचारी। विन पीरा गन करे दिखारी॥ ४७॥ दोइ जाम लिंग वाधा दीनसि। नहीं लास मन दुषटिन कीनसि। रहै अवोल अडोल। सतिगुर महिमा महां अतोल।। ४८॥ वैठे अजर जरिन की औधि⁶ जनाई। इते कषट ते नहीं दिखाई। इंद्र आदि जेतिक सुर सारे। चिक्कत चित गुरि चिलत निहारे॥ ४९॥ धंन्य धंन्य सभ करहिं बखाना। इनते विना न ऐसो आना। करि वंदन सूर सदन सिधारे। आपस विखे ब्रितंत उचारे॥ ५०॥ गयो दुषट पुन गुरु निकसाए। पूरव थल तींह आनि विठाए। सभि तन परि जरिबे ब्रिण भए । काना स्नाप साच चिह कए।। ५१।।

इति श्री गुर प्रताप सूरज ग्रंथे चतुरथ रासे 'चंदू अरु गुरु प्रसंग' बरननं नाम पंच विसती अंशु ॥ ३५॥

^{1.} बेंत । 2. ऋद्ध मन से । 3. कड़छा लेकर । 4. समूचे शरीर पर । 5. फफोले । 6. सीमा । 7. सारे शरीर में जलतं के कारण फफोले हो गए ।

अंशु ३६ चंदू ग्रहि गुरु प्रसंग

दोहरा

भई जामनी आनि करि छायो तिमर महान। खरभर¹ पर्यो विसाल तवि जे जग अजमत वान² ।। १ ।।

चौपई

चिल आयो तिव गोरखनाथ। सिद्ध चुरासी ले करि साथ। मुरिछत कीनि सिपाही सारे। देखि 'अदेस अदेसे उचारे।। २।। सनमुख खरो होइ करि वोला। द्रिढि निशचा उर अधिक थडेला। अजर जरिन तुम सम निह ग्रान । हेरित सगरे भए हिरान ॥ ३ ॥ एतिक ताप सहे नींह डोले। नसिंह जगत जिन इक बच बोले। न्तुम निज नेम निवाहनि करो । दुषट विनाशनि इच्छ न धरो ॥ ४ ॥ मैं अबि पापी को घर जेतो। अवनी खंड उलट दिउ तेतो³। महां अवग्या को फल पावै। पुन जग महिं नहिं संत दुखावै।। ५।। नाहि त दुषट हंकारी होइ। देहि कषट संतनि सिभ कोइ। अप्री सितगुर सुनि करि कहिं बैन । मन संतिन के त्रासे रहै न ॥ ६॥ हमने करनो है अस खेले। आइ अपर को विघन न मेले। होनिहार पर निशवा करनो। इह संतन को मत वर वरनो।। ७॥ इही बात अबि दे करि जानो। तनु हंता धरि नहीं डुलावों। सुनि करि 'धंन्य धंन्य' कहि गए। गुरु रुख देखि न सिध प्रगटए।। ८।। छिन महिं कुछ ते कुछ करि देवें। हेरित जिन को नर गन सेवें। अवसर पाइ पीर पुन आए। करामात कामल समुदाए॥९॥ नमो करी हुइ खरे अगारी। क्यों तुम सहो कषट तनुभारी। हर्ताहं दुषट को बिलम न लावें। आग्या तनक आपकी पावें ॥ १० ॥ सिम को सादर बाक उचारे। क्यों तुम नाना द्रिषटि निहारे । आतमा पूरन साचो। जगत अकार जानि सिभ काचो।। ११।। एक

^{1.} घबराहट । 2. जो संसार में करामात वाले थे। 3. पापी के घर का धरती-खण्ड ही तोड़ कर उलट दूंगा। 4. क्यों तुम विविध दृष्टियों से देखते हो, (एक देखो)। 512

हमरे तन त्यागिन महिं ऐसे। कारन अनिक जानीअहि तैसे। समां सु पहुंच्यो लिख चित राचे। कर्यो चहै हम सिभ को साचै।। १२।। आप आपने थान सिधावो। हमरी खेल वीच नहिं आवों। सुनति धंन्य कहि करि सिभ गए। सवाधान चाकर सिभ भए॥ १३॥ कहैं परसपर सुपते सारे। चले जाति लखि चंद मारे।। गहि असि ढाल भए सवधान्। इक आसन गुरु थिरे सथान्।। १४।। सकल जामनी गई बिहाइ। दिवस चढे उठि पापी आइ। रिदे विचारिह वड हठवंता। इते कषट ते नहीं वुलंता।। १५।। भै करि नाता नांहिन मानहि। विना वास ते वाक वखानहि। बारि बारी बहु बारू। अति तपताए थिर्यो मझारू²।। १६॥ प्रान जानि लिंग हठ पहुंचावै। नींह त्यागी में जियति जि जावें। आज तपत करि लोह विसाला। खरे करौ वोलहि तिसकाला।। १७।। इम पापी ने रिदे बिचारा। नाता देउं कि करो संघारा। कहि करि दीरघ लोह मंगाई। धरि ऊपरि तर अगनि जलाई।। १८॥ सम तांवे के तपित कराई। देखि पातकी लिए बुलाई। इस पर खरे होहु तप सहो। नांहि त नाता लैंवे चहो।। १९॥ गरू न उत्तर दीनिसि कोई। लोह अरूढिन उर महिं होई3। बादि चंडाल जि किनहं निहारे। सिभिहिनि हाहाकार उचारे॥ २०॥ इह चंडालिन ते अति पापी। रिदे न करुना कैसिहुं ब्यापी। चढै लोह पर भे थिर ठांढ़े। देखि देखि सिक्खिनि दुख बाढ़े।। २१।। चहैं जानि ढिग, जानि न देते। रसरिनि बांधे दिढ करि लेते। अगिन बिपरजे सील कर्यो है। डरित गुरू ते तेज हर्यो है।। २२।। त्रक गुरु पग तरवा जारे⁴। पापी वैठ्यो समुख निहारे। पुन कहिकरि तर अगनि जराई। पूरव के समसर तपताई।। २३।। चित बांछित हुइ दुख ते दीन । मानहि नाता डर चित चीनि । तिसि दिन सतिगुरु कछू न बोले। तपत लोह पर थिरे अंडोले।। २४।। जरित चरम अपनो दिखरावे। अगिन ताप ते पीर न पावे। अजमत नींह जानींह किम एही। परे फलूहे सगरी देही।। २५॥ नहीं परतीत उपावें। जाते अपने दुख दिखरावे। लगि ठाँढे अपर। पुन उतराए थिर पुष भूपर।। २६।। रहे जाम

^{1. (}गृह को) चला गया देखकर चंद्र (हमें) मारता। 2: उसमें भी स्थिर रहा ।
3. भाव, मन में तैयार हुए। 4. पैरों के तलवे जल गए।

पच्यो रिदे बहु चितहि उपाया। बोल्यो नहीं व्रास नहिं पाया। कौन जतन करि इसे मनावौँ। को संकट ऐसो दिखरावौँ।। २७।। जिसते अधिक त्रास को पाइ। बोलहि ततछिन मौन हटाइ। इह वड धरमी धरम संभार। प्रान जाति लौ नहीं निवार। १८॥ यांते धरम हरन को त्रासा। दिखरावौं पुन पुरवों आसा। इम निशचे करि मूरख मानी। कही सिपाहिन के संग वानी।। २९।। इक चलि जाहु चंडालिन पास। आज भई को गऊ विनास। तिस को चरम उतारित ल्यावो। सिभ सरीर इसको मढ़वावो।। ३०।। सितगुरु श्रोन सुनाइ बखाना। भोर होति ल्यावो इस थाना। बैठि निकट दुखदेउं महानो। घरम विगार प्रान पुन हानौं।।३१।। इम किह मूरख सदन सिधारा। कोधी कपटी विड हितिअसरा। सो दिन गयो बीत निस आई। छायो सिम जग तम समुदाई।। ३२। अरिध राति जानी जिब होइ। नुखा अघी की सुनि सुनि सोइ। संकट महां पाइ करि रोई। खान पान गुरि करहिं न कोई॥ ३३॥ जाइ आज सुध लेवो गुर की। करींह कहां सुनिहों सिभ उर की। सिंभ ते चोरी चिल करि आई। खरे सिपाही झिरक हटाई।। ३४।। तिब कंचन के भुखन दीनि। अंतर बरी दरस गुर कीनि। हाय जोरि तबि खरी बिचारी। मैं अपराधनि प्रभु तुमारी।। ३५।। कषट इते सनि जीवति रही। दुषट कुटंब तज्यो मैं नहीं। चलिह नहीं कछ मेरो चारा। निज मरनो इक हाथ मझारा¹।। ३६।। सनि सतिगर बोले सुखदायक। नहीं सुता ! तुं इस घर लायक। भई प्रभाति करहि तबि त्यारी। चिलबो चिहि, चिल संग हमारी।। ३७।। बोली सेव जथा मैं लायक। कहि दीजै सो करों सभायक। किपा करी अबि मोहि बतावा। त्यागों प्रान जु जीवनि भावा।। ३८।। गर किंह हमरे चाह न कोई। जाह अबै करि चित रुचि जोई। सनि गमनीम्रित् निशर्च करिकै। क्या फल पैही प्रानिन धरिकै।। ३६॥ बिती बिभावरि भई प्रभाती। वैठे रहे गुरु तिस भांती। सगरे नगर पर्यो बंह रौरा। घर घर दर दर ठौरहि ठौरा ॥ ४० ॥ बारि बारि तिस पौर अगारी। फिरि फिरि जाति निहार निहारी। निस दिन रहैं कि बार असंजिति²। बांछित चित किम होई स भंजित ।। ४१।।

^{ा 1.} स्वयं पर जाना ही मेरे हाथ है। 2. बंद।

क्या इह करिंह लखी निहं जाई। विहर गुरू निकसे न कदाई।
पंचहुं सिख नहीं पुन हेरे। भए कहां वच सुने न फेरे।।४२।।
दुरिदुरि¹ मिलिंह करिंह गुरबाति। करिंह पातकी क्या उतपाति।
जिब को अंतिर ले परवेशा। किम कलेप दे, सुन्यो न लेशा॥४३॥
वस निंह चलिंह, जतन कुछ होइ न। शाहु समीपी जुित ढिंग कोइ न²।
ध्रमसाला³ मिलि मिलि पछुतावैं। निहं दिन मिंह विवहार चलावैं॥४४॥
खान पान रुचि ते निंह करें। सितगुरु पापी को बिस परे।
चिरंकाल को द्वैष करंता। निकट मुगल चुगली उगलता॥४५॥
सितगुर नाता लेहिं न कवै। इह मनवावित लखीयित अवै।
हठ को त्यागिंह लेहिं सगाई। इही वात आछे विनआई॥४६॥

इति श्री गुर प्रताप सूरज ग्रंथे चतुरथ रासे 'चंदू ग्रहि गुरु प्रसंग' बरननं नाम खपट विसती अंशु ॥ ३६ ॥

and the second of the second o

1 1127

which was aff the of a total for the

^{1.} छिप-छिप कर। 2. निकट में शाह या शाह का समीपी कोई भी नहीं। 3. गुरद्वारा।

अंशु ३७

श्री गुरू अरजन साहिब जी परलोक गमन प्रसंग

दोहरा

उठ्यो प्रात चंदू दुषट चितवित चित गुर बाति । आज मनावौ जिम चहौं नांहि त करिहौं घाति ।। १ ।।

चौपई

अति प्रिय धरम रिदे जिस केरे। तिस खोविन हित त्नास घनेरे। करौं आज बिधि सुता सगाई। कै गो चरम देउं मढवाई 1 ।। २।। इम चितवति पहुंच्यो तींह आई। बैठ्यो दुषट क्रोध उपजाई। निकट गुरू के बाक बखाना। अबि ली नाता लिहु मन माना।। ३।। सकल मुलख मालिक अबि शाह । तिस दिवान मैं बैठिति पाह । जहिं लगि राज तुरक पति केरा । तिंह लगि हुकम चलित है मेरा ।। ४ ।। वास न तनक सु मनमहिं जाना । कर्यो अनादर रंक समाना । सो फल अबि लेवहु दुख घने। विना धरम करि अबि दिउं हने।। ५।। धेनु चरम को लेकरि गीला। लपटावहि जेतिक तुव डीला²। सुसकहि प्रान तोहि बिन साइ 3।। ६।। पन आतम महिं दोउं विठाइ। पुनह पठौं मैं अपन सिपाही। घर को लूट लेहि धन पाही। गहि लैंहैं तबि नंदन तेरा। इसी रीति दे कषट बडेरा।। ७।। करों घात नींह जीवित छोरें। विना वंस करिहौ दख घोरें। नांहित नाता मानो आजि। बचै प्रान सिभ सुधरिह काज।। ८।। सलही सलबी प्रिथीआ मर्यो। करे जतन तुं हाथ न पर्यो। चहति गए मरि, पूजी न आसा। मैं अबि करिहौं तोर बिनाशा ॥ ९ ॥ किस बल के भरोस उर भूला। मम सम बली केर प्रतिकूला। कहिबो ग्रहै सु कहु अवि समों। जबि लगि मैं बुझित करि छिमो ॥ १० ॥ स्रो अरजन सुनि करि सिभ श्रोत। बोले बाक जिनह कित भौत। अबि हम रावी चहैं शनान। सेवक पंच संग दिह जानि।। ११।।

^{1.} या गो-वर्म में मढ़वा दूँगा। 2 शरीर 1 3, श्वास के विना। 516

पंचिदवस बीते इस भांति। दई सजाइ अगिन सम ताती। पावन तने पुनह जिम करें। निशचल मित करि निशचे धरें।। १२।। सनि करि दषट रिदे हरखायो। धरम बिनाशनि ते डरपायो। अवि इह मान लेइ है नाता। सीतल गात होइ जल नाता।। १३।। इम विचार कहि जाइ शनानहु। वर्चीहं प्रान कहिबो मन मानहु। दसक सिपाही करि सवधानो। खड्ग सिपर गहि संगि पिआनो।। १४।। अपनी द्रिषटि तरे इस राखह। वहिर किसू ढिग कछू न भाखहु। इत उत दूरि न जाने देह। रावी तीर सथिरता लेहु॥ १५॥ अपर गरी ते कहि हटकावहु।। मज्जिति बैठित कुछ न अलावहु। इत दिशि ल्यावहु रहहु पिछारी। सिक्खिन जुित इस रखहु अगारी।। १६॥ इम कहि कीनि घनी तकराई। सुनि खल ते चिल परे गुसाई। परे फलूहे सरब सरीर। छादि चादरे दीरघ चीर।। १७।। तरुवा चरण जरे ब्रिण होए। सनै सनै घर परि धरि जोए²। निकट पिराणा सेवक हेरा। गह्यो सिकंध चले तिस बेरा।। १८।। सलिता दिसि छोटी इक मोरी। गमनित निकसे गुरु तिस ओरी। को को नर पिखि ठानति नमो। लाल वरण मुख को तिह समो॥ १९॥ भोजन कीयो न पीयो पानी। दुरबल तन सजाइ खल ठानी। हेरि हेरि नर उर बिसमावैं। वया इन दशा भई गुरु जावैं।। २०।। चितकी ब्रिति एक रस तैसे। निजानंद महिं पूरव जैसे। तन पीरा ते डिगी न सोई। मेरु हिलाइ न जिम नर कोई।। २१।। सनै सनै रावी के तीर। पहुंचे छुयो नीर बड सीर³। कर पंकज ते मुख अरविंद। कर्यो पखारिन धीर मुकंद।। २२।। ब्रिंद चुरे करि मुख सितलायों । महां उपनता जो तपतायो। गहि पद पदम लंगाह पखारे⁵। प्रविशे जल महि मज्जन धारे ॥ २३॥ वहिर निकसि पट शुषक लियों है। देह अछादनि पुनह कियो है। जपुजी पाठ करति उर प्रेमा। जो सिक्खिन की ठानित छेमा।। २४।। पुन पंचहु सिख कीनि शनाने। गुरु बानी को पाठ बखाने। खरे भए सतिगुरु परवार । जपुजी पाठ सुन्यो निरधार ॥ २५॥

^{1.} अन्य किसी गली में जाने से रोकना। 2. चरणों के तलवों पर जलने से फफोले हुए थे, (इसलिए) धीरे-धीरे धरती पर पाँव रखते चलते थे। 3. ठंडा। 4. कई कुल्ले करके मुंह शीतल किया। 5. लंगाह (सिख का नाम) ने चरण-कमल पकड़ कर धोए। 6. सिक्ख।

भोग पाइ करि सीस निवायो। पुन सिक्बनि सनि बाक अलायो। अबि हम चंहि परलोक विआना। चित जिम कहति सकल हम ठाना।। २६।। श्री हरि गोविंद संग मिलीजै। हम दिशि ते बहु धीरज दीजै। करह न शोक गुविंद गुन गावो । अपर सरव को कहो मिटावो ॥ २७ ॥ जया शकति सैना संग साजह। सायध होइ तखत पर राजह। प्रथम चंद् ते पलटा लीजिह। हतहु कुमौत महां दुख दीजिहि।। २८॥ निकट हकारो कुल अवितंश। श्री गरु अमरदास की अंस। सकल वडिनि संग कहि वच नीका ॥ २९ ॥ प्रथम रीति करि लीजहि टीका। पूरा गहनि की रीति प्रमानह1। ब्रिध आदिक सिक्खनि सनमानह। अपर प्रथम सम गति चलीजिह ।। ३०।। नई रीति इक रण की कीजिह । दाह देहि नहिं करिह हमारी। दिह प्रवाह इस सलिता बारी²। दरशन हमरो इह दरिआउ। उत्तर दिशि सिर दच्छण पाउ ॥ ३१ ॥ एक रबाबी तिव चिल आयो। हाथ दुतारा गृह दरसायो। सलिता तीर रुचिर थल थिरहु ॥ ३२ ॥ कह्यो तांहि को किरतन करह। गरू पछाने बंदन कीनि। गाविन लग्यो शबद रस भीन। ब्रह्मादिक लिख करि ग्रुह त्यारी। इंद्रादिक सूर ग्रुह सूर झारी³॥ ३३॥ बिदया-घर उतलावति⁴ आए। किनर जच्छ अप्पसरा ल्याए। सकल वायु गन सिद्ध अरु चारन। नभ थिति जै जै कर्रीहं उचारिन।। ३४॥ भयो विवान सहत असमान । पसरीजिंह कहिं जोति महान । गोरखनाथ लीये गन चेला। पीर अजमती मेलि सकेला॥ ३५॥ गुपत⁵ आइ सिभ मंगल करिंह। परवारित चहं दिशि मिंह यिरिंह। सितगुर चरित कहै, को सूनै। बिसमित हइ करि उर मींह गुनै।। ३६।। इन सम धीरज धरनी मांहि। जग महिं अगर विवरी अहि काहि। अजर जरिन की अविध दिखाइ। अछित शकित अति⁶, दुख अति पाई।। ३७।। नहिं संकलप रिदे महिं कीना। दोखी कहु करिवे सुख हीना। इन की उपमा इन हुं बनै। सही सजाइ न आनी मनै।। ३८।। अनिक प्रकार गगन महिं कहैं। अबि आविह सगरे चित चहैं। श्री सित गूर तिव कुशा मंगाई। किस दिजके घर ते समुदाई।। ३९।। आसतरन⁷ अविती पर कीना। बिसद चादरा ऊपर गए आछ।द्यो बदन । गमनि करनि बैकुंठ निज सदन ।। ४० !। पौढि

^{1.} पूर्व गुरुओं की रीति मानना । 2. नदी के जल में । 3. इन्द्र, वृहस्पित आदि तथा अन्य देवता । 4. शीझता से । 5. गुप्त लोक के वासी । 6. अतीव शक्ति होते हुए भी । 7. बिछाई ।

त्याग देहि जवि चरे विमाना। हने डंक सुर ब्रिंद निशाना। मंजुल फूलिन अंजुल डारिहं। जै जै एको वार उचारिहं॥ ४१॥ बार आरती पुंज¹ उतारिह। ध्रप ध्रुखाव सुगंधि विथारिह। अति उतसव को सगरे धार्रीह । नमसकार कर बंदि दिखार्रीह ॥ ४२ ॥ भयो अकाश अरण ही वरणा²। पिखति लोक अचरज उर करणा। सिख की सुता जानि तिव गई। विण सम तन परहरि संग भई।। ४३।। घर महिं परी न किनहूं जानी। भई गुरू संग भाग महानी। उरध गुर को चल्यो विवाना। गन देवनि को संग पयाना।। ४४।। रागिन राचि अपसरा नार्चीह । चलीह अगारी कौतक माचिह । जिंह लिंग जिसकी शकति पयानित । बहुर थिरहिं पिखि करि ऊचानन³ ।। ४५ ।। गोरख आदि पीर सभि मुरे। बंदन करि करि निज थल थिरे । इंद्र आदिक पुन बंदन धारी। हटे संगि, गुर चले अगारी।। ४६।। ब्रह्म लोक लिंग ब्रह्मा साथ। पुन आगे गमने गुर नाथ। अपने सदन बिकुंठ पहूंचे। सरव लोक ते अहै जु ऊचे।। ४७।। केतिक दिन सुर गन वच कहैं। सितगुर चरित सु अचरज अहैं। जिन समानता करिहैं कोइ न । भूत न भयो भविख्यति होइ न ॥ ४८ ॥

इति श्री गुर प्रताप सूरज ग्रंथे चतुरथ रासे 'श्री गुरु अरजन साहिब जी परलोक गमन प्रसंगे बरननं नाम सपत विसती अंगु ।। ३७ ।।

^{1.} सबके सब। 2. अरुण (लाल) रंग का। 3. ऊँचा मुख करके। 4. अपने स्थान पर स्थिर हुए।

अंशु ३८

श्री अरजन बैकुठ गमन प्रसंग

दोहरा

पंचहु सिख परवार करि सितगुर तन तिस काल । मंद मंद रोदित अधिक संकट पाइ कराल ॥ १ ॥

चौपई

कवि जेठा 'वडहंसहि गावो। गुर प्रलोक भा शबद सुनावो'। पापी बैसे। करनि प्रतीखनि-आइ न कैसे ?।। २।। थल कहां भई गति ? लखी न जाए-। बडी देर लागी नहिं आए। इतने महिं उतलावित आवा 2 । सेवक संग किते करिलावा 3 ।। ३।। तूरन आइ तीर पर हेरे। —परे चादरे तानि बडेरे। बह दिन भए न सुपतिन दीनि । पिखि अवसर को निद्रा लीनि ।। ४ ।। अवि सुधो भा मानहि नाता। धरम जानि ते उर डरपाता-। निकटि गयो नर ले समुदाए। सूपित जानि करि दशट अलाए।। ५।। हइ निचिंत सोयो सुख पाई। 'किम तुम को अबि निद्रा आई? स्ता कूमारी मैं नित हेरे। तजी नींद दिन बिते घनेरे'।। ६।। तिब बिधीए बहु रोइ सुनायो । 'दुशट पातकी ! पाप कमायो । तुव सिर चढ़े दोश बड दै कै। गए प्रलोक देहि तिज कै कै।। ७।। करि कुरो मार्राहं हतिआरे। बचहिं नहिं करि जतन हजारे'। कुछ डरपित उर मिंह बिसमायो। तति छन हिट करि धाम सिघायो।। ८।। सदन रुदन बड सुन्यो पुकारा। चिकति चित्त ह्वै तबहि उचारा। 'क्या होयहु, क्यों करहु ब्रिलागा ? कौन गजब गुजर्यो फल पापा ?'।। ९ ।। सेवक आनि कह्यो ततकाला। 'नुखा म्रित् औचक भा काला'। अनिक तरकना सुनति बिचारहि । —बिना रोग किम मरी ?-उचारहि ।। १० ।।

^{1. (}गुरु जी) क्यों नहीं आए ? 2. (चंदू) आया। 3. कितनों ही को साथ लेकर।

दुखी बिसूरित मूरख मानी। मनो कशट की ऊपिज निशानी। मितक किया करिवावित भए। जारिन नदी तीर लै गए।। ११।। उत सितगुरु की सुधि विदताई। पर्यो रौर पुरि नर समुदाई। 'ग्रिह चंदू के गुर तिज देहि²। सुनि सुनि सिख निकसे तिज ग्रेह³।। १२।। 'नदी तीर श्री गुरु अबि अहैं'। धाइ धाइ मानव गन लहैं। तजि तजि काज बनक बिवहार। आविह लारि परे 4 नर नारि॥ १३॥ भई मीर कुछ गिनी न जाए। कितिक समिग्ग्री ले करि आए। अतर फूल अंबीर गुलाल। बरखावति होई धर⁵ लाल ।। १४ ।। नदी तीर थिर सिख दलि आए। विधीचंद आदिक दरसाए। बूझी सरव बारता गुरु की। सभि सों कही, कही जिम उर की⁶।। १५।। 'नहीं देहि को दाह उचारा। —करहु प्रवाहनि वारि मझारा। मेरो दरशन इह दरिआओ। उत्तर की सिर दच्छन पाउं-'।। १६।। सुनि सिख सदन सदन रुदनाए। दौरि दौरि मिलिकै समुदाए। 'वाहिगुरू' सिम बदन कहंते । इकठे भए अधिक दुखवंते ॥ १७ ॥ ततिष्ठिनि सुंदर रच्यो विमाना। सिक्खनि खरच्य<mark>ो दरब</mark> महाना। 'सर्तिगुर सेव जिहुइ इस समै। बडे भाग ते प्रापितहर्में ।। १८। । फल अतोट ह्वै कौन सुजानैं। मिलिह परसपर एव बखानें। जरी बादला रेशम चीर। पर्राह दुशाले मोल गहीर⁷।। १९।। सेत बसत्र मसरू बिधि घने। ऊपर पाइ शोक मन सने। संख ब्रिंद भरि फुक बजाए। 'श्री गृह की जै' ऊच सुनाए।। २०।। चामर चारु चार दिस फेरे। फूल माल लरकाइ घनेरे। चंदन चरचिंह धूप धुखाविह । कर जोरिह उर प्रेम वधाविह ॥ २१ ॥ सनै सनै चंदू खल निर्दाह । --ग्र हत्यारा दोखी-बिर्दाह । दरब गुरू पर अग्ग्र बगावैं । लोक हजारहं बीनति जावें १।। २२।। केतिक जपुजी पाठ पठंते। केतिक 'गुरू गुरू' सिमरंते। कितिक स्वास ले शोक वधावें। कितिक सराहैं 'शील सहावें'।। २३।। कितिक निकारति खल को गारी। 'तुरक राज की जरां उखारी'। रावी के गए प्रवाह । जिंह जल चलति कलत¹⁰ बल माहू¹¹ ॥ २४ ॥ ले

^{1.} जलाने के लिए। 2. शरीर छोड़ दिया है। 3. घर। 4. समूह रूप में। 5. पृथ्वी लाल हो गई। 6. जिस प्रकार गृह जी ने हृदय की बात कही थी। 7. अत्यधिक मूल्यवान्। 8. गृह जी के ऊपर धन की बौछार करते हैं। 9. फेंके हुए धन को उठा रहे हैं। 10. स्वच्छ, सुन्दर। 11. तेज।

विधीआ, जेठा, लझ, पिराणा। इन सन जिस विधि अंति वखाणा। तिस विधि करति बेग¹ महिं गए। कन्ध² विमान उतारित भए॥ २५॥ जल मैं इसथित जबि करि दीनि । जलपित बरण आइ तिब लीनि । सिभ बिधि सों पूजिन करि आछे। जल सरूप करि दीनिसि पाछे।। २६॥ निकसे सिख सलिता ते वाहरि। सिक्ख सैंकरे हेरहिं जाहरि। नहीं बहुर कुछ दई दिखाई। जल सरूप तन ह्वै सुखदाई।। २७।। रामचंद मानिदे। प्रविशे सरिज् नीर विलंदे। रघबह बहुर नहीं निज देह दिखाई। जल सरूप ह्वैगे तिस थाई।। २८।। वाक उचारे। विसमित भए विलोक निहारे। सभि सों जेठे 'अंत समें गुर गए वताइ। जल प्रवाह मों देहु टिकाइ—'॥ २९॥ नर नारिनि की भीर उदार। हिट आए पुन नगर मझार। ध्रमसाला थिति भे समुदाई। रुदित बिलोचन अश्रृ बहाई।। ३०।। दुतारा। किरतन सभि के अग्र उचारा। श्वाबी लिए संगति । दियो बहुत पुन रह्यो न मंगति ॥ ३१॥ दरबादिक वसत्गन तिस दिन रहति भए ध्रमसाला। पंचहु सिक्खनि शोक विलासा। तिस दिन किनहुं न भोजन कीनि । मुरझावित वैठे मन दीन ।। ३२॥ हीना । बिनु महिपाल चमूं जिम दीना । दूलहु बिनु बरात जामनी चंदु बिहीना। गुरु बिनु संगति तथा मलीना।। ३३।। नरेशुर प्रजा दुखारी। पति विहीन जिम पतिव्रति नारी। जिम जन ग्राम पैंच बिन दीना । गुरु बिनु संगति तथा मलीना ॥ ३४ ॥ सरव जामनी सोचित बीती। चितवित श्री अरजन पद प्रीती। अशट जाम जे दरसति रहैं। बिना पिखे शांती क्यों लहैं।।३५।। नीठ नीठ अविलोक प्रभाति । शोक अधिक ते बितहि न राति । सतिगृह के थान ॥ ३६॥ महिं करिक इशनान। नमो करी सरोवर दिशा सिधारे। मनहु करति रण हारि पधारे। सिभ वसत् लुटाई ॥ ३७ ॥ सभि पूंजी जनु बनक गवाई। के बन मैं सम बाक प्रकाश। रिदे बिचारति – माता पास। कर्राह सूल जिस को सुनति गिरिह विकुलाए। धिक बोलन हमरो तिस भाए।। ३८।। हरिगोबिन्द बाल तन बैसा। हमते सुनींह बाक जिब ऐसा। दुखी होइ बहु रुदित पुकारें। 'कहां तजे पित गुरू ? उचारें।। ३९।।

^{1.} प्रवाह 2. कन्धा।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

क्या हम कहैं 'जियित चिलि आए'। दशा देखि अस दुख निह पाए। करदम रिदा न बिदर्यो¹ तबिहुं। जल गुर प्रीतम बिछरे जिवहं।। ४०।। हम ते आछे बन के हरण²। सुनति नाद को गिनहि न मरण। त्रिगद जोत³ क्या कीट पतंगा। प्रीतम हित जारति निज अंगा।। ४१।। नीर बिरहि ते मीन निहारो। देति प्रान नहिं करहि अवारो। भ्रमर तजिह नींह गंध सुमाऊ। पुणप केतिकी वेधित जांऊ 11 ४२।। हम पंचह ते पंचह जीवे। उत्तम प्रेम निवाह सदीव। प्रथम देखि करि दुख गुर केरे। अबि गुर पतनी सुत दुख हेरे॥ ४३॥ एव बिचारित आरित होने। बदन खिन्न दुति, नहीं उदेते⁵। प्रविशे जाइ सुधासर नगरी। अश्रू विमोचि विलोकित सगरी॥ ४४॥ जिंह स्री हरिगोविंद अनंदति। आइ खरे पग पंकज बंदति। दिन को गिनति गुरू जिब गए। 'एतिक विरह तिनहं के भए।। ४५।। करित प्रतीखिन 'किव इत आवैं ? प्रिय दरशन सुंदर दिखरावैं। बैठींह जबिह लगाइ दिवान। सिख संगति दरसींह गन आनि।। ४६।। देखि तिनह को होइ अनंदा। जनम जनम के काटैं फंदा । मन उदास तबि प्रापित शांती। होइ खुशी कबि, सीतल छाती'।। ४७॥

इति श्री गुर प्रताप सूरज ग्रंथे चतुरय रासे 'श्री अरजन वैकुठ गम्ने प्रसंगवरननं नाम अशट त्रिसती अंशु ॥ ३८ ॥

^{1.} जिस प्रकार तालाब का जल सूख जाने पर कीचड़ में दरारें पड़ जाती हैं, उसी प्रकार गुरु जी के बिछुड़ने पर हमारा हृदय फट क्यों नहीं गया। 2. हिरण। 3. निकृष्ट प्राणी। 4. बंध जाता है। 5. मुख शोभाहीन है।

अंशु ३६ सुधासर सुधि होवन प्रसंग

दोहरा •

आदि ब्रिड गुरदासि गन¹ चहुंदिसि महि गुरु दास²। सिमरति श्री अरजन गुरु सभि उर दरशन प्यास ॥ १_०॥

चौपई

'लवपुरि ते गमन्यो कित शाहू। सुधि पहुंची कवि की हम पाहू। अबि किस कारन इन नहिं आए । को कारज नहिं अपर बताए³ ।। **२ ।।** आज काल आविंह' चितवंते । बैठे हरिगोविन्द दुतिवंते । इतने महिं पंचहुं चिंळ आए। बदन बिबरन 4 दुखित जरदाए 5 ।। ३।। दीन मनै हुइ बदन करी। गिरा व मुख ते जाति उचरी। करि तूरनता हरिगोबिंद । वूझित 'किस थल गुरू विलंद ? ।। ४ ।। वरण जरद मुख को दरमाए ?। किम पंचहंत्म तजि करि आए? पखारिन पद अह पाना ॥ ५॥ धिरे कै आवति ? गुरु वहिर सथाना । तऊ एक दुइ आवित आगे। कित्र पंचहुं गमने गुरु त्यागे ?। क्यों कारण नहिं करति उचारा ?'।। ३।। बदन प्रफ्लिति नहिन तुमारा। कहति सकल पंचहं मुख देखैं। 'नाहिन कुशली' करित परेखैं। 'मौति, नंम्रि सिर करि क्यों ठानी ?।। ७॥ पन श्री हरि गोविंद बखानी। क्यों नहिं बोलित वाक उताल ?। दलकृति रिदा देखि तुम हाल। गुरु बाणी को सुनति पिराणा। चाहिस चित—मैं करिव बखाणा।। ८।। शुशक कंठ अरु अधर कपोला। कहै कि 'मुंह निहं निकसनि बोला'। रुदित बारि इकि निकसि पुकारी । निृ्वुटे अप्रण् न बहि द्रिग बारी ।। ६ ।। दासनि जुत श्री हरिगोविंद। बदन वनज बन निकसि बिलन्द। हिम सी गिरा⁶ लगी मुरझाए। पुन पूछति 'दिहु सकल सुनाए।। १०।।

^{1.} भाई बुड्ढा और गुरदास आदि। 2. गुरुओं के दास। 3. और क्या काम है, बताकर नहीं गए। 4. रंग उड़ा हुआ। 5. पीलापन। 6. बर्फ जैसी वाणी।

किस ने गुर राखे अटकाइ ?। कहां विघन भा कहु समझाइ ? शाह चढ्यो, अबि को थिरु थियो। जिनहु गुरु नहिं आविन दियो ? ।। ११ ।। जिम छूर्टीहं सिभ कर्रीहं उपाइ। कहो साच तुम क्यों विललाइ। अहि दी आयहु तिव के जानिहिं। तुरक मंदमित विगरिन ठानिह।। १२।। चुगली उगलित मुग्ल विगारा। किम होई गित करहु उचारा ?'। विधी आ धरि धीरज दिढ हीयो। सभि प्रसंग तिव बरनन कीयो।। १३॥ 'मिले शाहु सो पूरव जाए। थिरु हुइ घरी चारि निकसाए। निकसित वोहेर सिपाही ब्रिंद। भए संग गमने ग्रिह चंदु।। १४।। शाहु संग संवाद बखान्यो। सो हमने कुछ सुन्यो न जान्यो। किम तर्हि भई न कुछ गति जानी । पहुंचे पुन वड दुशट सथानी । १५ ।। अंतरि जबहि प्रवेशति भए। द्रिढि किवार दोनहुं हम को ड्योढी थान टिकाए। अंतरि श्री सतिगुरु विठाए।। १६।। खान पान अह सुपतिन बरजे। पुन सजाइ दुख कहि कहि तरजे²। — लिहु नाता नतु करिहौं घाति-। नींह सितगुर मानी तिस बाति ।। १७ ।। तीन दिवस वडी दीनि सजाइ। होति भई सभि गुरू रजाइ। नाहिं त क्या मार्गन तिस केरो । तुरकनि राज प्रताप बडेरो ॥ १८ ॥ इक सिख नासिह बिलम बिहीन। किह सितगुरु सिभ वरजन कीनि। वैठे मुरझाए। हम हेरति गुरु सही सजाए॥ १९॥ मारि खाइ निक्से रावी करिन शनान। तट पर थिर हुइ त्यागे प्रान। लवपूरि संगति मिली बिसाला। जल प्रवाह कीनसि ततकाला।। २०।। द्रिग आगे अस कौतक होवा। हम सिख नाम सरव ही जोवा। महद कुभागे। रिदा न बिदर्यो दुख नहिं लागे'।। २१।। आगे गुविंद सुनि दुखद महाना। बानी बान लगी जनु काना। पु कारति ऊचे। 'तजि एकलि परलोक बेध्यो रिदा पहुचे ॥ २२ ॥ केरि अलंब। करिह प्रतीखन दास कदंबं 3। संगति अजप आरबल गुरु जिब होए। करि पुकार ऊच सिम को ।। २३।। चित शांती। सुनित कूक दलकी⁴ तिब छाती। बैठी हती गंग त्रित पठाई। 'गुरु प्रलोक भा' अनि सुनाई। २४।। सुधि को दासी बज्ज पहारा। कंचन बेलि गिरी इक बारा। मनह अवानक 'हाइ हाइ कहि कहि मुरझाई। रुदित ब्रिंद दासीनि उठाई।। २५।।

^{1.} किसने अपने यहाँ टिका रखा है। 2. ताड़ना की। 3. समस्ते । 4. धड़कने लगी।

केस उखारित बाहु उसारित । आरित शोक बिसाल पुकारित । सगर नगर कींह सुन्यो प्रसंग । दौरित आवित रुदिति उतंग ॥ २६ ॥ मिले समूह आइ नर नारी। रोदित ऊचे करित पुकारी। बिरलापहिंदिज अम्श्रुनि आपहि । परतापहिं 1 गुन सिमर कलापहिं 2 ॥ २७ ॥ पुत्तर बाल वय त्याग गुसाईं !। सिर पर शत्रु दुशट समुदाई। तुम बिन को दिवान अबि लावहि । किस ते सिक्ख मन बांछित पावहिं ॥ २८ ॥ चहुं दिशि के पग पूजति आनि। करिह कौन दासिन कल्यान। को सुधि लै है पहुंचि हमारी। राज तुरक को बहु बुरिआरी।। २२॥ जिनहुं चह्यो करिबे अन्याइ। परयो अंधेर न सूझिह काइ। उचितानुचित बिचार न काई। गहे बली निबलन को खाई।। ३०।। बाहु उसार पुकारे। गमने हमरे रखवारे'। ऊची रुदित शब्द को बिदत उठाइ।। ३१।! कित नारि होई समुदाइ। केस बिथरे सिभ केरे। सिमरि प्रेम गुरु दुखित घनेरे। नगर भहां शकति जुति चाहति जेती । अच्छत सही विपद किम एती ।। ३२ ।। सीस जरी अजर उर धीरज घारी। हुइ अस छिमा न आन मझारी'। इत्यादिक गुन रुदित भनंती। पीटित हाथिन सीस हनंती।। ३३॥ इम अंतर बडि माच्यो रौरा। सुनित दूर ते आइ सु दौरा। हदति अधिक श्री हरि गोविंद। सिख संगति चहुं दिशि महि ब्रिंद।। ३४।। सकल रोइ करि गुरु सिमरंते। आप बिमोचित लोचन अंते । बध्यो शोक सिभ मिंह तिब ऐसे। बास इहाँ करुना रस जैसे ।। ३५ ॥ 'हुाइ पिता, गुन निधि, सुखदानी !। कौन दुलार करहि बहु आनी। मुख बैठिन पित अंक बडेरे। करि सनेह सिर हाथ सु फेरे।। ३६।। सो अबि कहां न प्रापित मोही। अंति समें नींह दरशन होही। भूत भविक्छ्यति बिदति बितंता। इम किस रीति प्रान करि अंता ?।। ३३।। बलख गती गुर की बिसमावित । निंह अपर ते जानी जावित । पुन श्री हरि गोबिंद उचारे। 'निकट पंच, जिंब गुरू पधारे।। ३८।। बंत समें किम किय फुरमाविन । तुम को कीनिस कहाँ जनाविन ?। सो अबि बाकिन करहु बताविन । सुनि हम धर्राह महद सुख पाविन ।। ३९॥ प्रसंग बूझित बहु रोए। नहीं धीर मन शोक परोए। अवस्युः विमोचित गर लगि जाई। गदगद गरा महां अकुलाई।। ४०॥

^{1,} बहुत दु:खी होते हैं। 2. समस्त गुणों को याद कर-करके।

त्यों अवलोकित सेवक सारे। बहुत विसूरित अभ्भु डारे। दीन मने दुख लहित घनेरे। ग्यानी तऊ प्रेम गुरु केरे।। ४१।। गुर सनेह की महिमा महां। तर्जाह ग्यान मिलि रोदित तहाँ। केतिक ध्यान ठानि भे मौन। गुन सिमरित उचरित सुख भौन।। ४२।। सिभ की दशा देखि ब्रिध भाई। ब्रह्म ग्यान की जिस द्रिढताई। दैवे हेतु सकल को घीरज। गुर को जसु कहिवे अरु वीरजे।। ४३।। दोहरा

> बोल्यो चहित प्रबोधवे श्री गुर हरिगोविन्द। शोक निवारिन सकल को वैठे दास जि ब्रिंद।। ४४॥

इति श्री गुर प्रताप सूरज ग्रंथे चतुरथ रासे 'सुधासर सुधि होवन' प्रसंग बरनज नाम एक ऊनिचत्वारिसती अंशु ।। ३९॥

14.16

^{1.} बल, जिल्ल

अंशु ४०

श्री हरिगोविंद प्रण करण प्रसंग

दोहरा

हरि गोविंद अह ब्रिंद सिख रूदित स शोक बिलंद । देखित भाखित ब्रिंद्घ तिब 'की जिह खेद निकंद¹ ।। १ ।। चौपई

सितगुर नींह सोचन के योग²। सुजसु बिथार्यो चौदस लोग। घन समान तन धरि बिदतावें। जग कारज करि बहुर बिलावें³।।२।। अनंद विलंद बिहारैं। बैक्ठ सिघारें। ब्रिट करि गादी पर पुत्तर अबादी। भए सरूप लीन निज आदी।।३।। करिवे कहु आए। नीके पूरन करि समुदाए। कारज स्नाप साच के हेतु। सही सजाइ सु चंद नकेतु॥ ४॥ पूरनता दिखाइ ब्रहम ग्यानी। जिन के तनहंता ब्रिति हानी। निज सरूप ते फुरनो आन। उठिनि न दीनसि इक रसवान।। ५।। जग की बरतण सहिज सुभाइ। बिना जतन जिम होती जाइ। भगत कबीर नाम दिउ आदि। भीर परी की निस प्रभु यादि।। ६।। कुछ ते कुछ करि नरिन दिखाई। ग्यान अनता इही जनाई। सति आतमा जग सिभ काचो। जिस के उर निशर्च अस साचो।। ७।। सो नानत्त्व⁴ पर फुरना करहि न । अपन सरूप लखहि, अन धरनि न⁵। बस स्वामी नहिं सोचिन जोग। किया तिनह उधरे बहु लोग॥ ८॥ पूरब पुनिन फल को पाइ। भोग बिशै जग चले गवाइ। भगति न, जोग न ग्यान विरागे। से सोचन के जोग कुभागे॥ ९॥ नर तन जिनहं अकारथ खोवा। सत्तिनाम नींह सिमरनि होवा। फासी परे गए जम लोग। सो मुरख सोचिन के जोग।। १०॥

^{1.} दु:ख दूर करो. 2 । शोक करना । 3. लुप्त हो जाते हैं । 4. नाना रूप --भाव, संसार । 5. द्वेत धारण नहीं करते ।

मरि करि बहजोती भरमावैं। करे पाप कै नरक सिधावैं। जिन किंबहुं सितसंग न करे। से सोचन के जोग जि मरे। ११॥ गुर शरबा उर जिन के नांहिन। त्रिशना ते मन बरज्यो जांहिन। गुन तिज अवगुन संग्रहि करे। सो सोचिन के जोग जि मरे।। १२।। निह गुर ध्यान न गुर की सेवा। गुर बिहीन धारित अहंमेवा। गुर हरि की लखिह न बिंड आई। से सोचिन के जोग सदाई।। १३।। इस जग अरु परलोक मझारे। सतिगुर सदा सहाइ हमारे। सिमरिन करे दरस दैं आनि । से क्यों सोचिन जोग महांन । १४।। वंदन करहु, कराहु करावो। किरतन सुनहु, अनंद उपावो। मिमरे नित हाजर गुर अहैं। परम प्रेम मन को सिभ लहैं॥ १५॥ द्रिशटि मान हैं जितिक अकार। सभि कूरे हैं विनसनि हार। इन सों मोह करहि अग्यानी । जो लखियति है सुपन समानी ॥ १६ ॥ तुम को उचित न ऐसे करिवे। हरख शोक अग्यानी धरिवे। तखत बैठि अबि सिक्ख उधारो। शत्रुगन जे सकल संघारों ॥ १७ ॥ इम सुनि के ब्रिध के बच कान। श्री हरिगोबिंद भे सवधान। पंच सिक्ख को वूझिन लागे। 'कहमो अंध जिम कहु हम आगे'।। १८।। सुनति पिराणा कहि म्रिद् बानी । 'इम श्री सतिगुरु तुमहि बखानी । हरिगुविंद संग जाइ मिली जै। हम दिशि ते बहु धीरज दीजै।। १९।। करहु न शोक गुविंद गुन गावहु। अपर सकल को कहहु मिटावहु। सायुघ होहु तखत पर राजहु। जथा शकित सैना संग साजहु।। २०।। प्रथम चंदु ते पलटा लीजिह। हतहु कुमौत महां दुख दीजिह। श्री गुर अमर दास की अंश । निकट हकारहु कुल अवितंश ।। २१ ।। प्रथम रीति करि लीजहि टीका। सकल वडिनि संग कहि बच नीका। व्रिध आदिक सिक्खनि सनमानह । पुरा गुरनि की रीति प्रमानह ॥ २२ ॥ नई रीति इक रण की कीजिहि। अपर प्रथम सम गित चलीजिहि। नहिं करहु हमारी। दिहु प्रवाह इस सलिता बारी।। २३।। दरशन हमरो है दरि आउ। सिर उत्तर दिसि दच्छन पाउ। सोरह सत त्रेसट गिन संमति। जेशठ शुदी चौथ हरि संमत2। २४॥ चंद् । दई सजाइ अनेक बिलन्द । पातकी शत्रु पंच दिवस ली खाइ न पीछ। नहीं दुशट ने आदर कीछ।। २५॥

^{1.} पहले गुरुओं की । 2. प्रभु की इच्छानुसार ।

ज्यों ज्यों घात करह तिस केरा। दुख दे जग विदताइ वडेरा। पिता बैर को उचित सु लैबा। पूरब घोर सजाइनि दैबा॥ २६।। विशटा महिं स्लाइ करि मारो। तीव्र पीर नरकिन महिं डारो। काल, कलप करि पुनह न जावद¹। लहै सजाइ नरक की तावद ।। २७ ॥ करी अवग्या को फल भारी। तऊ न निवट वाकी सारी'। हरिगोबिन्द ॥ २८॥ सुनति पिराणे केबच ब्रिट। तिब रिसि ते फरकी दोनो बाहु बिसाला। द्रिग जल होति, अधर चल चाला। बदन बिलोचन लाल कराले। भ्रिक्टी बंक चाप की ढाले!। २६।। सिभ के सुनित क्रोध करि बोले। 'करिहं कित्त पित आइस् को ले। जे नहिं चंदू को हम गहैं। मुशकैं बंधी जि ना जगलहै।। ३०।। तौ हमरे सिर दोश बिसाले। चढहु अिनहु फल दुखद कराले। जे नित व्यशन परे परदारा। कै पर दरब चोर बटपारा॥ ३१॥ गुर ते बेमुख कुटिल कुचाले। कूरे काइर कुमित कराले। लगहि दोश अस पाप उदारा। जे न करौं चंदू मुख कारा ॥ ३२ ॥ मित्रनि द्रोह अकारण द्रोही। अपिन भरोसे दे करि ध्रोही²। पर संपति को देखति जरना। परजसु सुनति रिदै नहिं जरना।। ३३॥ गुर निंदक, लोलप कुलघाती। मात पिता दुखदाइक छाती। इन अघ फल तौ हम ही पावें। जे न चंदू सिर पनिह³ लगावें।। ३४।। इत्यादिक कहि सभा मझारी। पित पलटा लैंबे इछ धारी। मज्जन करि तिलांजुली दए।। ३५।। उठि पुन सूधा सरोवर गए। लौकिक बैदक जितिक बताई। पिता हेतु सिभ करी गुसाई। हट करि चिल तिकेत कहु आए। मात गंग जिह शोक वधाए।। ३६।। कहित 'गुरू के बसत्रिन संग। करौं दाह मैं अपने अंग। पित के संग जरिन इक बारी । पित बिन जरित सदा दुख कारी' ॥ ३७ ॥ सुनि श्री हरिगोविंद दुखारी। पठ्यो ब्रिध 'दिहु धीरज भारी।' मात बिठाइ। कह्यो बाक 'दिहु शोक मिटाइ।। ३८।। परदे अंदरि श्री सतिगुर जो आइसु करी। हम तुम कौ चहियति सो धरी। हरिगुर्बिद अरु नुखा तुमारी। अलप आरबल लेहु बिचारी॥ ३९॥ श्री गुर पाछे सिक्ख कदंब। सभिहिनि के तुम अहो अलंब। जिंह सिमरे तिह हाजर गुर हैं। तिनि हित शोक सोच क्या धरि हैं।। ४०।। 1. जब तक कल्प का समय पूरा न हो । 2. विश्वासघाती । 3. जूती ।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

तुम बिन सिम की गित है कौन । गुरु तुम तजे आसरा भौन । अंत समें गुरु आइसु कही । —हम हित शोक किरहु को नहीं ॥ ४१ ॥ हिरिगुबिंद को तखत बिठावो । मंगठ आनिक प्रकार करावो- । गुरु आइसु ते कारज एहू । तुम विस करिन उचित लिख लेहू ॥ ४२ ॥ गुर पित की मरजी बिन जरनो । नहीं आपके लाइक बरनो । सिमरो निस दिन ठानहु ध्यान । मिलहु जाइ पित प्रान निदान ॥ ४३ ॥ समिझ पिखहु निहं बहुर कहीजै । शोक संताप त्याग सिम दीजैं । सुनि बिध के बच स्थाने गंगा । माने सिर धिर जाने-चंगा ॥ ४४ ॥ निहं अपरिन सम मोकहु चहीयहि । रोदिन शोक मोह ते पर्याह । मैं जग गुर घरनी अकलेश । जिन ते लें उपदेश अशेश ॥ ४५ ॥ अस मन जानि धीर को धिरकै । करी जितिक जग रीति विचरिकै । सो अहिनिस वितयो विन खाने । गुर के गुन, अध चंदु बखाने ॥ ४६ ॥ उचित जु महां शबुता करिवे । कहित चिहत तिस प्रानिन हिरिवे । सिभ संगित गन गार विनक्तरें। 'पाप आतमा नरक सिधारें ॥ ४७ ॥

इति श्री गुर प्रताप सूरज ग्रंथे चतुरथ रासे श्री हरिगोविंद प्रण करण प्रसंग बरननं नास चत्त्वारिसती अंशु ।। ४० ।।

^{1.} दिन-रात । 2. पाप । 3. गाली ।

अंशु ४१

श्री हरिगोविंद पग बंधाविन प्रसंग

दोहरा

मुधि खडूर पहुंचाइकै पुन पठि गोइंदलाल । मऊ डल्ले सुनि करि अए धारति शोक विमाल ॥ १ ॥

चौपई

नर नारी चढ़ि चढ़ि अमुवारी। आइ सुधासरि केरि मझारी। रोदित पहुंचींह कूक पुकारे। दोनहुं हाथ सीस पर मारैं।। २।। इम विरलापति आवित नारी । प्रविद्यौं गगा सदन मझारी । श्री अरजन के गुन बहु कहैं। कमल विलोचन ते जल वहै।।३।। सभिहिनि को सनमान महान। प्रथम राखि पुन करहि बखान। श्री गंगा शुभ मति महिं स्यानी। 'करह न शोक सुनाबहु बानी।। ४।। कैसे करहिं उलंघनि सोइ। जग गुर की आग्या जिम होइ। अपर नरिन सम तिन तन नाहीं। सदा सुछंः। आइं जग माही।। ५।। करिकारज निज सदन सिधावैं। पर वासे होइ न आइ न जावैं। लोक आनंद बिलदै। सदा मुकंद दास निज ब्रिंदै।। ६।। सूजम् विथारि चंद मानिदै। जनु सुखकंद स् पद अरविदै। चंद पातकी सिर दे दोग। गए विक्ठ परम संतोश ॥ ७ ॥ भल्ल्यनि तेहग कुल की दारा। सुनि सुनि सिमिहिनि सुजस उचारा। मऊ डल्ले की जेतिक नारी। तिन सन्। जगत रीति करि सारी।। ८।। सिख संगति चहुं दिशिनि बिसाले । नितप्रति आइ स्वासर चाले। ज्यों ज्यों देशनि मिहं सुधि जावें। सहत मसंदिन संगति आवै।। ९।। लोक हजारहं नित पहुंचते। मिलि गुर सिक्खनि शोक धरते। श्री हरि गोविंद चंद हमेशैं। बैठींह लाइ दिवान अशेशैं।। १०।।

^{1.} सहित।

फरश विसाल प्रथम करिवावें। आइ आइ तींह बैठित जावें। देग अनोट होति दिन सारे। जबि को चाहिह करिह अहारे॥ १॥ मानव ब्रिंद कार को करें। अधिक समाज निताप्रति धरें। खरच होति कुछ गिनती नांही । सरव मसंद कार निरवाहीं ।। १२ ।। श्री गुर ग्रिय पाठ करिवाइव । भाई ब्रिध पठिन को लाइव । करहिं प्वावी किरतत धने। कबि सिख गाइं जि रागी बने।। १३।। भजन अखड प्रवाह बहंता। हुइ जीवनि कल्यान गुनंता। त्रौदश दिन इस बिधि जबि भयों। पढ्यों सु ग्रिय अंति ली अयो ।। १४।। जगत रें। ति के हेत् गुसाई। संगति तींह बुलाइ समुदाई। रामदास पुरि पैंच सु नीके। करे हकारिन अपनि नजीके॥ १५॥ घनो कर्यो पंचाम्रित तबै। आन्यो तुरिन तिह ते सबै। नीकी पंगति सभा मझारा। ब्रिद्ध ग्रिथ को अंति उचारा॥ १६॥ खरे होइ गुरदास निहुरता2। चामर चारू ढोरनि करता। जबहुं ग्रिथ को पायहु भोग। सीस निवायहु सगरे लोग।। १७॥ पुन रुमाल को ऊपरि पाए। रागी तबहि शबद को गाए। पढ़ि अनंद लौ करि अरदास। हरि गोविंद ले पोशिश पास।। १८।। रेशम जरी समेत दुशाले। सभि अपने तबि हाथ उठाले। साहिब बुड्हे को तिब दई। सुंदर सकल पहिर तन लई।। १९।। रीति चलावनि जगत मझारा। कीनो सभि विधिको वरतारा। अपर सिक्ख प्रीतम गुरु बानी। दीनी पोशिश चारु महानी।। २०।। रागी अनर रबाबी सारे। सो पोशिश ले करि तन धारे। दरव ब्रिंद दीनिस तिस काला। करि जथावित रीति विलासा।। २१।। पंचाम्रित को बरतायो। भाऊ सहत ले संगति खायो। इम सिभ करि कै चालि भलेरी। सितगुर पित हित जो तिब हेरी।। २२।। बहुरो बंधन को दसतार³। हित उतसव के लिए हकार। मुहरी आदिक भल्ले आए। दातू अंगद नंद सुहाए।। २३।। बहु संगति को लग्यो दिवान। सुनि सुनि सुधि बैठींह बिव आनि। सालो आदिक ब्रिंद मसंद। चिल पहुंचे तिब धनी बिलंद।। २४॥ प्रजा जितिक पुरि बसनेहारी। आइ सभिनि अभिबंदन धारी। जबहुं सकेल मेलबडि होवा । भिन्नहि भिन्न मसंदिन जोवा ॥ २५ ॥ 1. भोग तक आया । 2 विनीत भाव से प्रार्थना की । 3. दस्तारबंदी के लिए ।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

सेली माला मंजी त्याइ। आगे धरी गुरू के आइ। सभि के लगे बिलोवन ऐसे। चंद चकोर्रीहं चितवति जैसे।। २६।। तिन पिखि मुसकावति मंद मंदे। श्री हरि गोविंद चंद अनंदे। बुड्ढा सनमुख थिर्यो निहारा। सींग सुनाइ तिह संग उचारा॥ २७॥ 'इह मसंद अबि क्या ले आए ?। अजहं न जानहिं सहिज सुनाए। अबि उन धारिन निंह अधिकारा। शांति सरूप जथा गुर धारा॥ २८॥ तुरक राज भए दुशट बिसाले । क्या कीनहु सतिगुर पित नाले । लियो चहिंह पलटा ततकाला। विना शतव क्यों करम कराला॥ २९॥ संतिन केरि बिरोधी मारौं। गहौं शसत्न, निहं माला धारौं। आयुध को अभ्यास विसाला ।। ३०॥ प्रथम हते छत्त्री महिपाला। लीनो तुरक राज निज पास । तज्यो जवहि शसत्रीन अभ्यास। देश बिदेश जीत करि लीने। शसव्रति बल निंह अटकिन दीने।। ३१।। बिद्या करि अभ्यासिंह पावैं। अबि निज सिक्खनि शसत्र गहावैं। ग्र सहाइ बड राज कमावें ।। ३२।। संघर घोर करिंह, अरि घावैं। 'गुर मरज़ी बिन बनहि न होर। सनि बोल्यां बड़ढा करि जोरि। जथा रीति पूरब निरमए¹ ॥ ३३ ॥ पंच गरू आगे जग भए। तथा मसद आप ढिग ल्याए। करहु आप जैसे मन भाए। नई रीति जे करहु चलाविन । धरहु शसत्र गन दुशटिन धाविन ।। ३४ ।। जिम रावर की मरजी होइ। मानहि तिम नीकी सिभ कोइ। सुनि ब्रिध ते सतिगुर मुसकाए। सेली माल मसंद जु ल्याए ।। ३५ ।। द्वै कर बंदि बंदना करी। कह्यों 'कोश मिह दिहु इन धरी'। कोशप² हकम मानि गुर केरा। आगे ते उठाइ तिस बेरा।। ३६।। तोशे खान महि तिब धरी। उठि अरदास ब्रिद्ध पुन करी। पांचहु सितगुर के ले नाम। पाग लीनि कर मिंह अभिराम।। ३७॥ जिस के छोरिन ज़री बिसाल। चमकित बहु सुखमा 3 के नाल। सुलम सूत अधिक जिस केरा। श्री हरगोविंद को तिस बेरा।। ३८।। प्रयम ब्रिद्ध वंधवाविन कीनि। शोभा गुर की होति नवीन। पुन मुहरी दे बहु धन साथ। अरपी पाग 4 दातु से हाथि।। ३९।। अपर कहां लगि कहंहि बनाई। पुरि के पैंच मसंद समुदाई। सरव अरपना करिंह अगारी। धन दसतार ल्याइ नर झारी।। ४०।। बाजि उठे शदियाने। सभि के उपजित अनंद महाने। मंगल सिरज बिबिध प्रकारी। नवों निशान झलति दुति भारी॥ ४१॥

^{1.} पहले प्रकट की। 2. खजानची। 3. सुपुमा, सौंदर्य, शोमा। 4. पगड़ी।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

मंगति जन को दरव घनेरा। दियो दान सतिगृह तिस वेरा। शोक विसारि दीन सिम लोकिन । श्री हरिगोविंद कर्रीह विलोकिन ॥ ४२ ॥ सभि मसंद मिलि कै चिलि गए। श्री गंगा को बंदन किए। दे आशिख सादर वैठाए। पुत्व समान जानि समुदाए।। ४३।। सभिनि जोरि कर अरज गुजारी। 'सुनह मात जी! करहु विचारो। तुरकिन राज तेज अति तपै। इन सन विगर कहां को छपै।। ४४।। चक्करवरित सम किरिह दुहाई। इक राह लखह अधिक दुखदाई। दुतीए खत्त्री चंदु दिवान। सितगुर अरजुन जिस घर हानि।। ४५।। दुंशमन दीरघ दुशंट सदोग। करहि बैर पापी अति रोस। नहिं किस को जिस के उर तास। मन भावति को करहि प्रकाश।। ४६॥ लोक हजारों नित अनुसारी। शाहु समीपे ते बल भारी। करी प्रतग्या तिस को मारिन । सिंग मिंह कीनी सपथ उचारिन ॥ ४७ ॥ सो सुनि बैर बधाविह पापी। बिघन करिह को बड संतापी। साहिब जादे की वय बाल । शसत्र धरिन के परे सु ख्याल ॥ ४८ ॥ चमुं न पास लर्राहं रण कैसे । राजहीन ते सैन न मुलख नहीं धन जिंह ते आवै। किम बलीयिन संग जंग मचावै।। ४९।। खिझहि तुरकपित सुन अस बाती । चारी करिह जरिह जिस छाती । शाहु दिवान दुऊ बल भारी। फिरहि दुहाई अविन मझारी।। ५०॥ दोनहुं के विगरे किस देश। बसहिं जाइ करि, लेखियन लेश। हम सैनि सुनि करि धरि मुख मौन । नहिं कुछ वोले सनमुख तौन ।। ५१ ।। रावर के समीप जिंब आवें। मन प्रसंन ते बाक सुनावें। तिब तुम बूझहु दिहु समुझाइ। — सुख जुत तिथि, न उपाधि उठाइ।। ५२॥ देखहु श्री अरजन की गाथा। चल्यो न बसि हुकमीयनि साथा²। प्रथम गुरिन की रीति संभारहु। अपने सेवक सिवख उधारहु-—'।। ५३॥

दोहरा

सुनि श्री गंगा ने कह्यों 'कहिन बनिह तिन साथि। करामात साहिब बली अपर न बस की गाथ³॥ ५४॥ सो मैं बूझिन किर भले स्निद्ता जुित समुझाइ। बरजों बरजे जे रहे बरजे मन में आइ॥ ५५॥ सुनि मसंद ठांढे भए मसतक टेकि सिघाइ। श्री गंगा चितवित गुरिन द्रिगजल झलक्यों आइ॥ ५६॥

इति श्री गुर प्रताप सूरज ग्रंथे चतृरथ रासे 'स्री हरिगोविंद पग बंधाविन, प्रसंग बरननं नामु एक चतरिसती अंशु ।। ४१ ।।

1. बाल वय, छोटी आयु। 2. बादशाहों के साथ। 3. और (हमारे) वश की कोई बात नहीं।

अंशु ४२

अकाल बुंगा रचन प्रसंग

दोहरा

वहिर अनंद बिलंद करि श्री हिरगोबिंद चंद। सुंदर मंदिर को गए मुख मिनंद अरबिंद।। १।।

चौपई

जननी को पिख मसतक टेका। निकटि बैठि गे जलिघ बिबेका। करि दलार गंगा कर फेरा । रिदे सनेह अछेह वडेरा ॥ २ ॥ 'हे सत! अबि अलंब सिभ केरे। सिख संगति हम तम दिश हेरे। नहीं आप गर सेली मेली 1 । रीति बिंडन की क्यों किर पेली 2 ॥ ३ ॥ चंदु पातकी अधिक बिरोधी । कृटिल कचाली कलही कोधी। तिस हतिबे प्रण कीनि सुनावनि । सकल जगत कीनसि बिदतावनि ।। ४।। त्रक तेज अबि तपहि महान। महां बली लखि बनयो दिवान। मुशकल महां हतिन सो पापी। करी शीघ्रता प्रण महिं आपी॥ ५॥ मुख ते कहह — शसन्न हम धारें। गुरू पिता को वैर संभारें —। अपने घर महिं सुभट न एक । किम रण करिवे धरह विवेक ॥ ६ ॥ सुनि गंगा ते सतिगुर बोले। 'हतौं पातकी, प्रण नहिं डोले। जिस नर पित को बैर न लीयो । क्यों जनम्यों जग कायर हीयो ।। ७ ।। आयुध धरौँ चम्ं बड करौं। रिपु सन लरौं प्रान तिन हरौं। श्री नानक नित बनहिं सहाई। हतौं तुरक रण महिं सनुदाई।। ८।। पुन पित सितगुर आइमु 3 कही। पलटा लेउं तजौं रिपु नहीं। सेली मेलिन कों निहं काला। मैं करिहौं संग्राम बिसाला ।। ९ ।।

^{1.} डाली । 2 हटाई । 3. आजा ।

नहिं चिंता चित कीजिह माई। हमरे पुरख अकाल सहाई । रिदे अलप जे अहैं मसंद। सुनि रण को उर धरिह बिलंद॥ १०॥ मैं परवत को गरद मिलावौं। रज कन को सम मेरु बनावौं। संत बने परताप न जानैं। हतों शत्त्रु मैं बनि सवधानै।। ११।। जिब लिंग चंदू दुशट न मारौं। तिब लिंग रिदे न शांती धारौं।' सुनि बल जुकति पुत्त्र के बैन । गंगा धरी रिदे तव चैन ॥ १२ ॥ इन को क्या समुझाविन वनै। भूत भिवतख्यित जे लिख मनै। खान पान करि पुन सुपताए¹। उठि प्राती जल बिमल नहाए ॥ १३ ॥ ब्रिध के संमत सतिगुर होइ। आइ सुधासर दिशि सभि कोइ। श्री हरि मंदर वंदन करे। चतुर प्रदच्छन के हित फिरे।। १४।। बहुरो आइ दरशनी पौर। पिखि अकाल बुंगे की ठौर। आइसु दई 'सुथल सुधरावहु। हित बैठिन के चारू बनावहु'।। १५।। प्रथम आपने लेकरि हाथ। धरी ईंट वल तेज कि साथ। कह्यों 'कुछक ऊचा थल करो। जींह लिंग पौर एक सम धरों ॥ १६॥ बहुर हुकम कीनिस फुरमाविन । 'करह हुकमनामे लिखवाविन । चहुं दिशि मिंह मसंद जिंह भारी। तिन पर आइस् लिखह हमारी।। १७।। जो सिख आनहि शसत तुरंगा। होइ खुशी गूर की सुख संगा। सिभ आवैं दरशन हित करिवे। ल्याइं अकोर² बिलम नहिं धरिवे।। १८॥ सुनिहि लिख।री कागद लिखे। इस विधि हुकम भयो तिस विखे। 'श्री अरजन वैंकुंठ सिधारे। खगटम गुरू महां वल धारे।। १६।। थिरे तखत पर दरसह आए। नीके शसत तुरंग मंगाए। जो आनहि, लहि खुशी बिसाला । नहि बिलमहु आवहु ततकाला ।। २० ॥ पूरब दिशि के नगर बिसाले। दिल्ली बहुर आगरे चाले। मखसु दाबाद । कांशी आदिक फरकाबाद ।। २१ ।। प्र तिम दिक्खन सिक्खी जिस थान । पशचम दिशि के नगर महान । काबल अरु कंधार पिशौर। गिनौं कहां लिग सिक्खी ठौर।। २२।। उत्तर पुरि आदिक कशमीर। गमने शीध्र सिक्ख जनु धीर। पंहुचि हुकम नामे सभि थान। पठि मसंद सुधि करी बखान॥ २३॥ सुनि सिक्खन जो गुर की कार। खरच्यो दरव लीनि हथिआर। चंचल तुरंग मोल करि लिए। गुर प्रसंनता चाहति किए।। २४ ।।

^{1.} सो गए। 2. धन, भेंट।

जहिं कहिं करि खरीद बिसाले। सभि दिशि ते दरशन हित चाले। धनी बिलंद मसंद अगारी। गमने संगति सिक्ख पिछारी॥ २५॥ इत सतिगुर सभि कीनि समाजा। बसत्र विमूखनि पहिरनि काजा। पोणिश पीत जरी जुत छाजै। जामा बिंड अभिराम विराजै।। २६।। कलगी जिगा जवाहर जरे। मुकता गुच्छ तिनहुं पर करे कंचन कंकन हीरिन खचे। कुंडल दमक ज़ेब जुत रचे।। २७॥ मुकता माल उजाल विसाला। इक समान गन गिरद सु ढाला। रचे कोर हीरेवर चीरे। जिन की दमक होति विसतीरे। २८॥ नवरतने सुंदर बनवाए। नव वर वरण जिनहु अधिकाए। साज नवीन बनाए।। २९॥ तथा शसन सुथरे सम्दाए। भूखन हुकम सभिनि पर गुर करि दीना । साज तुरंगनि वनहि नवीना । कंचन रजित बिमूखिन बनै। रेशम डोर जरी गन सनै॥ ३०॥ कारज त्यारे। सुनि सुनि हुकम चौंप करि सारे। लगे करावनि श्री गुर ब्रिध के संमत होइ। गनक हकार्यो नीको जोइ।। ३१।। 'सुन्दर समा सुधावनि काज। जस कीजहि अभिखेकनि राज। सुनित हुकम तिनि सोधि सुनायो। श्री सितगुर आछो दिन पायो॥ ३२॥ जिस ते दिन प्रति वधेहि प्रतापा । महां बली शत्त्रू गन खापा । दसमी सुदी असाढ़ मझारी। आदितवार तेज बल भारी।। ३३।। उद्याचल तुल 1 तखत बिसाला। उदहु अ।िप जिम दिनकर बाला 2 । तुरक ताप तम तोम तुरंता। उडगन करन कुकरमनि वंता।। ३४।। करहु अद्रिशट इनहु ततकाला। निंदक पेचक दुखद कराला। जिंह किंह संतदास[े] अरबिंदा । करहु प्रफृुल्लिति हरखित ब्रिंदा ।। ३५ ।। चंदकी3 लैता करो। अनंद गुरू सिख चकविन धरो। चंद पिखि मुरझाइ गिरिहिंगे तेते।। ३६।। कानन दीखी जेते। कही जुगित दिज करी चतुराई। सुनि करि भए प्रसंन गुसाईं। बखस्यो दरव कितिक तिस बारा। पुन मांगिन निहं हाथ पसारा।। ४७।। पिखि पिखि दास उदार सुमाऊ। रिदे प्रमुदति चौगुनो चाऊ। तिस दिन की प्रतीखना धारे। सरव वसतु करिवाइसि त्यारे।। ३८।। केतिक वसतु बनाइ दिखावें। सिरजींह सुन्दर पिखि हरखावें। मिलि आपस मिंह सुजसु उचारें। धरि शरधा गुर दरस निहारे।। ३९।।

^{1.} सूर्योदय के पर्वत की तरह । 2. बाल सूर्य । 3. चंद्रमा की चाँदनी

'सुन्दर डीज सुशीलं उचारि। 'आयुध पहिरि महां दुति धारित। मन सिक्खिन के प्रेम उपावें। विकसित मंद मंद दरसावें।। ४०॥ सिम चाहित-दिन होइ सुनीका। वैठि गुरू निकसाविह टीका। शासत्र सजाइ विराजिह खरे। दुशट जि दोखी गन के हरें॥ ४१॥

दोहरा

सिक्खिन बिखे अनंदता जिम रिश्ति अर्थिंद । क्या करिहैं किम होइ है ? चिंत मसंद बिलंद ।। ४२ ॥

इति श्री गुर प्रताप सूरज ग्रंथे चतुरथ रासे 'अकाल बुंगा रचन प्रसंग बरननं नाम दोइ चत्वारिसती अंगु।। ४२॥

अंशु ४३

श्री हरिगोबिंद तखित बैठिन प्रसंग

दोहरा

दिवस प्रतीखित आङ्गो दसमी आदितवार। गन मसंद करि शीघ्रता संगति संग हजार॥१॥

चौपई

'चलह पिखाँह उतसाह विसालां। जित कित ते आए ततकाला। अनिक भांति की लए अकोरा। चहं दिशि ते चिल गूर पुरि ओरा।। २।। बर्राहे सुधासर दरशन पावें। मज्जिह, किरतन सूनि हरखावें। संगति मिलि आनी समुदाई। जै जै कार करिंह बहु थाई।। ३।। चहुं दिशि परे सुधासर डेरे। दरशन हित चित चौंग बडेरे। जाम जामनी ते गुर जागे। सौवाचार करनि तंबि लागे।। ४।। करि शनान को आसन मारे। निज सरूप महिं ब्रिति थिति धारे। सच्चिदानंद मझारी। लीनह सूख होवति भुनसारी।! ५॥ उदै भयो दिनकर जिस काले। पहिर्यो जामा जिस गन पाले³। छिब उशनीक 4 सिस पर धारी। जिगा विधी ऊपरि दुति कारी।। ३।। कलगी मुकता गुच्छ उजाला। मुख मंडल पर कुंडल झाला⁵। माल बिसाल सुढाल जि मुकता। सबजो, हीरनि चारु सु युकता।। ७।। नवरतने पहिरति छवि पाए। जनुनव ग्रहि तिस के भिस आए। अंगद सुंदर शोभित जाहिर। जबर जेव जिन जरे जवाहर।। ८।। कंकन कंचन के खिच हीरे। छाप छलायिन छिब गंभीरे। इम सतिगुरु शोभति शुभ अंग। बसप्र विभ्खन उत्तम संग।। १।। मेवरो संगति सारी। 'लिहु दरशन' सुधि कीनि हकारी। गयो 'चौक दरशनी पौर अगारी। पहुंचहु तिहं सगरे नर नारी ।। १० ।।

^{1.} घुस कर. 2. स्नान करते हैं। 3.जिस के बहुत पल्ले (छोर) थे। 4. दस्तार, पगड़ी। 5. झुलते थे।

सितगुर दरसहु बांछिति पावहु। जो आनी गुर कार चढ़ावहु'। सुनि सुनि संगति करि चित चाऊ। वसत्र विभूखन पहिरि सुहाऊ।। ११।। सगरे आइ थिरे तिस थान। चाहति —देहिं दरस गुर आनि। महिं श्री हरिगोविंद। आए विन कै छैल विलंद।। १२।। सिक्खिन चख चकोर के चंद। दिनकर मनहुं वदन अरविंद। चात्रिक के धन मानिंद। बंदित कर बंदिहं नर ब्रिट।। २३।। भयो रंगदार। गुरु को रच्यो सिंघासन चारु। विध गुरदास बाम अरु दाएं। अपर मसंद सिक्ख समुदाए।। १४।। निज महिलिन ते चिल करि आए। पौर दरशनी सीस निवाए। हरिमंदरि सुंदर गए। दरशनि लै अभिवंदन किए।। १५।। पुनह प्रदच्छन करि चलि आए। थल अकाल बुंगे थित पाए। वैठे आनि सिघासन चारू। श्री मुख आइसु कीनि उचारु ॥ १६ ॥ आनहु शसत्र जुहम बनवाए। जिनकै हाटिक $^{
m l}$ अधिक लगाए। दौरति दास उताइल ल्याए। धरे अगारी सिभ समुदाए।। १७।। पंचहुं सितगुर को लं नाम। गहे खड़ग द्वै बहु अभिराम। सो गर विखं पाइ गृह लीने। पून निखंग कर धारिन कीने।। १८।। गर महि पाइ सु कट बांधा। जिस महि सर खर करि अरि बाधा। धनुख कठोर गह्यो तित्र हाथ। उपमा वनी जथा रघुनाथ॥१९॥ रच्यो तखत तिस वंदन कीनि। चढि ग्ह वीरासन आसीन। ब्रिध आदिक गुरदास मसंद । अविलोकति विसमाइ विलंद ।। २०।। हाथ जोरि करि व्झन लागे। 'धर्राह खड़ग इक, जे भट आगे। दोइ आप ले निज गर पाए। इह क्या कारन देहु सुनाए?'।। २१।। सतिगर वच कहे। 'हम के इस हित जुग असि गहे। इक ते लें मीरिन की मीरी2। दूसर ते पीरिन की पीरी ।। २२।। पीरी दोनों धरैं। बचिह शरीन, नतु जुग परहरें। सुनि सतिगुरु के बाक अडोले। धरि शरधा लहि अनंद अतोले॥ २३॥ बैठे सितगुरु तखत सुहावति । सुरगन मैं जिम सुरपति भावति । कै मुनि गनि मैं रघुकूल चंद। कै जादव महि किशन बिलंद।। २४।। हेरि हेरि इम उपमा गावित । दुह दिशि चामर चारु ढुरावित । मनहु मराल बिसद उड आवित । मुकता गन पर छुहिन न पावित ॥ २५ ॥

^{1.} सोना । 2. बादशाहों की बादशाहत ।

दुति अखंड मुख मंडल केरी। तेज बिसाल दिप्यो तिस बेरी। भयो हुकम 'संगति सभि आवै। चित बांछत ले, भेट चढ़ावै'।। २६।। तिब संगति आई समुदाइ। हुम हुमाइ दरशन चित चाइ। महां भीर भी चौंक मझारा। दरसिंह सितगुर खरे हजारा।। २७।। उठ्यो ब्रिध कीनसि तबि टीका। भई इकत्र समो लखि नीका। केसर चंदन को तिब सोहा। पिखि मुखमंडल सिभ मिन मोहा।। २८।। प्रथम ब्रिट्ध ने घरी अकोर। नर्मों कीनि कर जोरि निहोरि। बहरो निकट जि रहैं मसंद। धरहिं भेट बंदित कर वंदि॥ ३९॥ देश विदेश। जिनके संगति संग अशेश। तिन पाछे जे धरिंह अगारी भेट बनाए।। ३०।। ले सकल उपाइन आए। दसत्र विभूखन अजव महाने। वीनि बीनि जग गुर हित आने। खरच्यो जिन पर दरव उदारा ॥ ३१ ॥ बहुर शसत्र जिन की खरधारा। चपल बली तन रुचिर तुरंग2। खडग सिपर, बिधि विविधि तुफंग । जमधर³, तरकश धनुश कराले। खंजर खंडे खर करि भाले।। ३२।। तोमर 4 , सांगनि 5 , खपरे तीरिन । जिनके पिखति अनंद हुइ बीरिन । शसत्रिन को सम्ह हुइ गयो। वाजी चपल तवेला भयो।। ३३॥ दोनों दिशि सितगुरु रुख करे। परखिंह आयुध गिह करि खरे। घोरनि मोर मनिंदन हेरैं। जिन आने, ले खुशी घनेरैं॥ ३४॥ धन दिश नहीं बिलोचन लावें। शसत्र त्रंग संग हरखावें। दिन जुग जाम बित्यो तिस काल। दरस दीन, सिख कीनि निहाल।। ३५।। अनगन चढी उपाइन आगे। अनुरागिंह गुर पग बडभागे। नौबत खानो बर्जाह अगारी। सभि को दियो दान तबि भारी।। ३६।। ढाडी, भाट, कलावत, चारिन। जग गुर को जसु कीनि उचारिन। बसत्र, दरब दीने समुदाए। पाइ दान को सिभ हरखाए।। ३७।। जिह जिह नीको ल्याइ तुरंग। कै खंडा, खर, खड़ग, खतंग। तोमर, तबर 6 , तमांच, तुफांग। सेल, सरासन, सांग, सुरं η ।। ३८॥ तिस को बूझहिं निकट हकारि। करहिं सराहिन असु⁷ हथियार। किया द्रिशटि को देखति बोलें। 'सुनि सिख! पाइं सु अनंद अतोलें।। ३९।। संगति महि प्रसिद्ध भई बात। 'शसत्र तुरंग ते गुर हरखात'। जो नहिं ल्याए उर पछुताए। जिनहुं चढ़ाए खुशी सु पाए।।४०।।

^{1.} कटार, 2. घोड़ा। 3. कटार। 4. नेजा। 5. बरछी। 6. जंगी कुल्हाड़ा। 7. अथव, घोड़ा।

ढरे दुपिहरे को मन जानि। जथा जोग दे खुशी महानि।
उठि करि अपने महिल सिधारे। तेज तुरंग होइ असुवारे।। ४१।।
दियो हुकम 'बड बनै तबेला। तुरंग दास गन करो सकेला।
जोधा आइं रहिन को जबै। रिख लेहु हम सों किह तबै।। ४२।।
सरब तुरंगिन दीजिह दाना। चपलन चून, घिति मिशटाना।
बाजी कै सुन्दर हथियार। किह दिहु आविह बेचनहार।। ४३।।
माझे देश दुआवे जावैं। नगरिन मिह सुधि सिभिन सुनावैं।
भट रिहबो चिह, दिग हम आवै। करिह चाकरी धन को पावैं।। ४४।
हुते मसंद बिलंद जि बिद। तिन सों किह श्री हरगोविंद।
श्री गंगा माता के मंदिर। गमने तबिह दिपहि दुति सुंदर॥ ४४।।

इति स्री गुर प्रताप सूरज ग्रंथे चतरथ रासे 'श्री हरिगोविंद तखित बैठिन' प्रसंग बरननं नाम तीन चत्तवारिसती अंगु ॥ ४३ ॥

अंशु ४४

गुर बिलास प्रसंग

दोहरा

जननी रिदे प्रतीखती चहि देखिन मुख चंद । शसत्र वसत्र संयुकति तिम गेश्री हरिगोविंद ॥ १ ॥

चौपई

देखि दूर ते सुत की शोभा। मनहुं अनंद की आविति गोभा। निकटि पहुंच करि वंदन ठानी। आशिख दीनि कही भ्रिदु बानी।। २।। चत्रति जरी मखमली मढ्यो। अंतर ते दासी द्रुति कढ्यो। बैठि मोहिरे पर ढिग माता। बोकी अनंद मेय नहि गाता ॥ ३ ॥ 'कहुस्ति ! संगति केतिक आई ? । देशनि के मसंद सम्दाई। ले उपहारिन मिले कि नांही ?। जिम पूरव तुम पित के पाही ? ।। ४।। श्री हरिगोविंद सकल बतायों। ब्रिंद मसंदिन को सिम आयो। अधिक दूर नींह पहुंचे जोई। आवित चले चितहुं सभि कोई॥ ५॥ शसत बसत अरु चपल तुरंग। आने सिक्खनि शरधा संग । अधिक प्रसंन कीनि मन मोरा। किन हत्थ्यार दीनि, किन घोरा।। ६।। जोवा अचल रहीं ह जे रन मैं। सैन सकेलें केतिक दिन मैं। सिक्खनि अरपी शरधा धारि ॥ ७ ॥ उपाइन के अंबार। अपर श्री नानक सिक्खी बिदताई। देश बिदेशनि अविनी छाई'। सुनि माता मुख पाइ घनेरा। —गुरूता भार उचित सुत मेरा।। ८।। दुइ शमशेर गरे शम शेर। कट निखंग कर महिं धनुहेरि। शसत्रन सहत डील बर बंका। सुखद सेवकिन रिपुनि अतंका।। ९।। निकट मात के केतिक काला। नमो करि उठि आइ किपाला। निज बैठिक महि थिरहि प्रयंका। शसत्र उतारि गुरू अकलंका ।। १०।। दुइ घटिका लगि सुख महि आए । बहुर उठे लोचन बिकसाए। सुक्खा छक सुचेत पुन होवैं। चढि तुरंग पर बाहर जोवें।। ११।। कर्राहं अखेरित्रत्त¹ की लीला। धर्राहं शसत किर अंग छ्वीला। आइ अकाल तखित पर सोहैं। लगिह दिवान पिखिंह मन मोहैं।। १२।। सोदर चौंकी शबद सुनंते। संगति आइ रूप दरसंते। बहुर जाइ निज महिल मझारा। अनिक स्वाद के अचिह अहारा।। १३।। जाम गए जामिन सुपतावें। रहे जाम उठि सौचि नहावें। इसि बिधि किर हैं नित विवहारू। दिन प्रति वली होति दुति चारू।। १४।।

माझे द्वावे देश मझारी। सुधि पसरी सितगुर की सारी। 'भए शसन्न धारी विल भारी। सैन सकेलिन करित उचारी'।। १५॥ सिन दोनहं देशिन के जोधा। लरिह मरिह मार्रीह धरि कोधा। इकठे होइ चार सै सूर। हेतु जीविका आइ ह़दूर।। १६ ॥ थिरे तखत पर सितगुर हेरे। सिभिहिनि वंदन करि तिस वेरे। नहीं खरे सिभ रहे। पिखि श्री हरिगोविंद वच कहे।। १७॥ बैठे 'अहें कीन ? इन बूझिन करो। ठांढे कीन मनोरथ धरो ?'। जाइ मेवरे बूफनि कीने। 'कौन देश ते आइ नवीने ?।। १८॥ ठाँढे रहे कहहु निज काजा। पूछित आप गरीवि निवाजा'। हाथ जोरि करि दीनि सुनाए। 'हेत जीवका हम चिल आए।। १९॥ दोनहुं देशनि के हम वासी। चाहित रिदे रहिन गुर पासी।' आनि हजूर करी अरदास। 'बिति² हित चहति रहति तुम पास।। २०।। तिव सितगुरु के सभि विधि जानी । — जनम धर्यो सुरगन जग आनी । ब्रिंद ग्राम पुरि मिंह समुदाए। वर् जातिनि के घर जनमाए।। २१।। दिज, बाहज, बिट³, शूदिन धामू। लीनिस जनम हमारे काम्। सो अबि सुधि करि सिभ चिल आए। हर्नीह तुरक गन जंग मचाए।। २२।। कर्यो हुकम् सभिहिनि लिहु राखि । देग बिखे दिहु भोजन भाखि । निकट बुलाइ बिलोकिन करे। नई वैस सिम की बल भरे।। २३।। किस के शमस अलप ही आई। किस के नहिं, इक सम समुदाई। बीस पचीसिन बैस शरीर। शसत्र सु बसत्र नहीं किस तीर॥ २४॥ जिनको तुरक गवार कहंते। नहिन चाकरी हेतु रखंते। सिभ सितगुरु सो राखिन करे। बसत्र शसत्र दे शुभता धरे॥ २५॥ रहनि लगे सतिगुर के तीर। आयुध बिद्या नित करि बीर। तुफंग कमान। सभि को दे कीने सवधान।। २६॥

^{1.} आसेट-क्रीड़ा । 2. उपचीविका । 3. ब्राह्मण, क्षत्रिय और वैष्य । 4. दाढ़ी ।

बहुरो बखशे सभिनि तुरंग। हुइ असवार चढिह नित संग। वहिर असेर गुरू जिंब जावें। आयुध बिद्या तिनहि सिखावें॥ २७॥ तुफंगनि बिंद घुटंते। तीर दिन प्रति वहिर असेर करंते। बलवान ॥ २८॥ स्याहगोश बाज, कुही, जुररे, बड स्वान। चीते अखेर धवाइ तरंग। लगर, झगर, शिकरे, गन संग। करहिं देश मझार ॥ २९ ॥ सगरे फैल्यो शसत्र धरिन को सुजसु उदार। भए सूभट तिन को जसू गायो। सुनि अबदुल ढाढी चलि आयो। काइर¹ सोपि लरे नहिं भागे॥ ३०॥ जिस के सुनति बीर रस जागे। जैसे वड दाहन। निज सुभटानि सुनावनि कारन। जंग करहिं दरब दिवाइ मसंदिन भाख्यो ॥ ३१ ॥ अबदुल को चाकर करि राख्यो। बली तुरंग दियो हित चरिबे। सुभटिन वारि सुनाविन करिवे। इमि दिन प्रति गुरु सैन सकेले। संगति गन पहुंचिह करि मेले।। ३२॥ वध्यो समाज अधिक सभि भांती । सुनि पिखि माता सीतल छाती। आइ उपाइन पूजा होते। बड पीरिन के पीर उदोते ॥ ३३ ॥ चढें सैन संग सुभट प्रबीन। इहि मीरिन की मीरी लीनि। आइं अकोरें शसत्र तुरंग। अधिक चमूं ब्रिधति चढि संग ॥ ३४ ॥ जलित अगारी वजिह निशाना। झंडा झूलित खरो महाना। दिन प्रति उतसव होति नवीने । बडे भाग जिनि देखनि कीने ।। ३५ ।। ते संगति उमडाई। बहरो आई। चहंदिश दीपमालका मज्जन कर्राह सुधासर मेले । खशटम सतिगुरु पिखर्हि सुहेले ।। ३६ ।। बाजी शसत्र भेट ले हरखित-। यांते ल्यावित नीके परखति । प्रियक होति पूजा हरिमंदर । बैठिहि तखित आप बिन सुंदर ।। ३७ ।। गन मसंद संगति संग लीए। बंदन कर्राहं दरस चित दक्खन दिश ते किस महिपाला । इक राज भेज्यो बली बिसाला ।। ३८ ॥ शसत्र तुरंग ब्रिंद तिब आए। पुरे भावनी गुरु अरपाए। श्री हरिगोबिंद रिदे बिचारें। — सिक्खनि बिखे रीति अबिडारें।। ३९॥ तिसि कारन ते बाक उचारा। 'गुरूपिता हित कीजिंह त्यारा। इक हाथी अरु पंच तुरंग। शसत बसत बहुबिधि के संग'।। ४०।। खरे होइ करि तखत अगारी। पिता व्यान को धरि तिस बारी। ले करि हुकम खरो गुरदास। कहि गुरु नाम कीनि अरदास।। ४१।

^{1.} कायर।

अरपी वसत् लीनि संभारी। गज ढाढी को हित असवारी। ले तिन सुजसु गुरू को कर्यो। 'तीन लोकपति प्रभु अवतर्यो'।। ४२॥ बहुर गए सितगुरु हरिमंदिर। बसन्न तुरंग दिए बहु सुंदर। श्री मुख ते फुरमाविन कीने। 'जो इह रीति करिह सिख चीने।। ४३॥ अरपिह वसतु जि म्नितक पिछारी। होइ अखै फल बहु तिसि वारी। प्रापित सुख परलोक मझारा। मिटिह सजाइ अधी हुइ भारा।। ४४॥ करिह रीति सिख ह्वैं जि हमारो। जथा शकित अरपिह सुख भारों। निज पित हित के मिसि बिदताई। जिम सिक्खिन को हुइ सुखदाई।। ४४॥ 'छंनि छंनि' सिभहूनि उचारी। महां बली सितगुर उपकारी। अधिक चमूं कीनि निज संग। वखशे आयुध ब्रिंद तुरंग।। ४६॥

इति श्री गुर प्रताप सूरज ग्रंथे चतरथ रासे गुर बिलास प्रसंग वरननं नाम चतुर चत्त्वारिसती अंशु ॥ ४४ ॥

^{1.} पापी । 2. धन्य, धन्य ।

अंशु ४५ श्री गुर बिलास प्रसंग

दोहरा

गुरू गरीब निवाज तिब नाम अपन बिदताइ। राखे संग गरीब जन बखिशिश दे बिंड आइ॥ १॥

चौपई

विद्या शसत्रनि की बहु पाई। तुपक चलाइ तुरंग धवाई। तोमर हतिहं खतंग प्रहारिहं। हित अखेर बन जीव संघारिहं। २।। धौंसा धुंकारति पुन आवैं। आवित को नर देखिन धावैं। सुनहिं सुजसु हरि बेहित सूर। दूरि दूरि ते आइं हदूर।। ३।। कबहुं पच कबि दस को राखें। पर्राह शरीन जे बिति अभिलाखें। दया करहि बखगहि सुख सारो। वसत्र शसत्र असु रुचरि अहारो।। ४।। गुरु उपकार जानि करि बीर। मन ते अरप्यो सरब सरीर। जिह गुर को कारज बिन जाइ । मारिन मरिन िब मैं मुदपाइं ॥ ५ ॥ कहैं परसपर जोधा असे। 'हमिंह मिले पीत रघुवर जैसे। को कारज कवि वनहि किसी न ॥ ६ ॥ सरब स्रिगीन ते जोनी हीन। पर करना धारि घनेरे। अस बानर बन महिं गन हेरे। तिन प्राक्रम गरब हर्यो भिलि कीस ॥ ७ ॥ महांबली रावन दससीस। किया द्रिशिट हम पर गृह कीनि। तिन सम सभि बातिन ते हीन। तिन के संग जंग की चाह ॥ ८॥ जो कहिवाइ जहान पनाह¹। हीन जुन बानरिन समान। जे न करहुगे रण घमसान। तौ कीसनि ते हीन अहै को। जिस की समता हमहि कहै को।। ९।। रण महिं न्त्रिभै शत्त्रुगन आइ। हतहु शसत्र, गुरु संग सहाइं। इम प्रापित महिं कि प्रण करें। अधिक बीरता को उर धरें।। १०।। वहिर अरूढिह गुरू सुनावें। 'तुमरे हुकम ओज² दिखरावें। अरप्यो रावर³ के पग सीस। तुमहि प्रवाह व हे जगदीश !।। ११।।

^{1.} जहांपनाह । 2. शक्ति, जोश । 3. आपके ।

दुहि लोकिन की चिह कल्यान। परे शरिन रावर की आिन । इस विधि बहुत बीर रस वधे। अयुध विद्या को नित सधे।। १२।। जोधा ब्रिंद विलंद अनंदित। गुर सुखकंद बंदि कर वंदित। सरव दरव ले सदन पुचार्ये। भोजन देग विखे नित खावें।। १३।। शसत्र बसत्र बखशिह भट गन को। जो अभिलाखित मन मिह रन को। इम नितप्रति अति चित उतसाहित। चमूं सहत गुर कानन गाहित।। १४।। छोरिह बाज बिहंग पकरावें। स्वानिन ते िम्रग ससा गहावें। गन जोधा आयुध ते मारिह। करिह अखेर जीव संघारिह।। १५॥ जिम रमुवह गनु सैन सकेले। सरजू तीर अखेर सु खेले। गन जादव को संग चढाइ। जथा किशन कानन फिर आइ।। १६।।

अपर महां धरमातम राजे। बिचरे बन अखेर बित काजे। तिम श्री सितगुरु हरिगोविद। करिह शिकार विहार विलंद।। १७।। चमूं चढ़िह, नभ मिंह रज छावै। छुटैं तुफंगिन शबद उठावें। महां क्दाइ पलाइ तुरंग। अस शोमति जनू जाहि क्रंग।। १८।। दिन प्रति सतिगुर चारु शरीर। वल जुति वधिह रिदे बहु धीर। चरन बिलंद म्प्रिदल अर्बिद। नख सुँदर जुति अंगूरी बिद।। १९॥ एडी जुकत अरुण है बरण। गुलफ उतंग सुभोपरि चरण। जानुं जंघ महां दिढ होए। मनह ओज के थंभ खरोए।। २०॥ आयुन छाती अतिशै गाढे। बच्च कपाट कठानि रिष् ठांढे। उदर सित्रवली सुंदर सोहित । नाभि गंभीर दिखित चित मोहित ॥ २१ ॥ बाहु अजान सु अस अमानुनो। शुभित करीकर¹ बली महानो। दिपति प्रचंड बडे भुजदंड। मनहुबज्ज्ञ के इह जुग खंड।। २२।। तुंग सिकं धनि ते बहु छैल । जिम किखिचर सूंनो बडि बैल । ग्रीवा² सवा गिलशति उचेरी। मुकता हीरनि दिपति घनेरी॥ २३॥ चिबुक 3 चारु चौरी कुछ गोल। सुंदर दमकित जुगल कपोल 4 । अघर म्रिदुल अरु लाल विसाला। हीरानि पंकति दंत उजाला॥ २४॥ मुस कावति ऐसे दमकावति। संपुट त्रिद्दम कली लखावति। मुख् मंडल आयुत दिपतावै। कमल प्रमुल्यति महत लखावै।। २५।। सारद चंद⁵ मनो सुख कंद। बचन सुधा प्रवते गन बुंद। दीरघ दरशन देखति भावै। करि नासका तुंग सुहावै।। २६।। करन जराऊ बने। डोलित रुचिर, लाइ धन घने। कमल पांखुरी चारु सरीखी। आंखि बडी जुग तीखी तीखी।। २७।।

^{1.} हाथी की सूड, 2. गर्दन, 3. ठोड़ी, 4. गाल 5. सर्दी का चन्द्रमा।

बरनी कुटिल, कोर सम बाना। तिरछी चितवन किपा निधाना। दुंदिभ सुर सों शबद गंभीर। उपदेशित सिक्खिन बर बीर।। २८।। भर्यो भाग ते भाल महाना। भिकटी कटिल कमान समाना। सिर उशनीक अशेश ॥ २९॥ स्हाइ मेचिक चिक्कविन केस विशेश। जबर जोति जगमगति जवाहर। कलगी जिगा जेब जिन जाहर। बरण बरग बर स्धारे ॥ ३० ॥ वसव सरब बिभूखन भूखति भारे। तीर घरावैं। खपरे कहि कहि धन विदद्या अभ्यास कमावें। छूटहि बडे बेग ते बाना ॥ ३१॥ धरि धरि मारिहं दूरि निशाना। बड बल करि जों च्ऐयो जावहि। चांप² कठोर कहाति बनिवावहिं। दगनौ दिढ कर महिं गहैं।। ३२।। समत एक बितहि पून कहैं। धन् किं किं ब्रिंद कराविंह अपरे। जंगी तीर फुलादी खपरे। सतिगृरु हरिगोविद धीर ॥ ३३ ।। श्री हेरि हेरि तीखन बड तीर। मम कर ते प्रविशिहं किस वारा। —त्रक शत्त्र गन अंग मझारा। करौं प्रहारनि खरनि खतंग।। ३४।। कलहं जंग महिं होइ निसंग। मारि लच्छ की तरे गिरावैं। किब तफांग को गहे चलावैं। अनिक वारि बाहनि ते प्रेरिहं ॥ ३५ ॥ मंगरी गहि भारी को फरेहि। सरब नरिन ते डील बडेरो। नहिं सम अपर कहुं कित हरो। करहिं सराहिन मिलहिं निहारे।। ३६॥ भुजा जंघ आदिक अंग सारे। दूरि दूरि के मानव आवें। करि दरणन मन बांछिति पावें। पिखि सरूप को मन बिरमावें। मिलि आपिस मिहं कहैं सुनावें।। ३७।। 'अविनी पर शरीर नर कोई। अबि तो नहिं न, भविख्य न होई। आयुध धरिन उचित बल भारे। रण मींह रिसींह जि शसत्र प्रहारे।। ३८।। को अस शत्त्र करिह न तरासा। हनैं म् शटते करिह बिनाशा। सुनी कथा द्वापूर मींह भए। पांडव पंच महां वलि थए ॥ ३९ ॥ तिन ते सवा गिलशति महाने। हुते समेत सि नर जुप्रमाने'। पंचहं भ्राता डील बडेरे। जिन को बल कही अति बहुतेरे।। ४०।। तिम इस समें जुनरिन प्रमान। श्री हरिगोविंद तिते महान। ऐसो डील स्शील बिसाला। नींह पय्यत 4 जग में इसकाला।। ४१।। तरुनि अवसथा लगि हुइ परखनि'। अजह सरीर वधहि 'बह बरखिन । दरशन करहिं जांहि जिस देश। कहैं सुजस् अरु डील विशेश।। ४२।। आयुध विद्द्या की अभ्यास। परचहिं सतिगृह करहि बिलास। तिम ही सुंभट संग गन करें। धनुख तुफांगनि को कर धरें।।४३।। इति श्री गुर प्रताप सूरज ग्रंथे 'श्री गुर बिलास' प्रसंग बरननं नामु पंच

चतवारिसती अंशु ॥ ४५ ॥

^{1.} बरौनियाँ। 2. धनुष। 3. पृथ्वी 4. नहीं मिलेगा।

अंशु ४६ चंदू को प्रसंग

दोहरा

श्री गुर हरिगोविंद जी इस विधि समो विताइ। भर्यो महां वल देहि महिं दीरघ डील सुहाइ॥१॥ चौपर्ड

उत चंदू की स्नो कहानी। महां पातकी मित उरि हानी। श्री अरजन घर तज्यो सरीर। दे करि दोष मूढ सिर, धीर॥२॥ उर महि उरपति दुशट महांन । — इम नहि विदर्ताहं बीच जहान । 'श्री सतिगुरु चंदू नै मारे। छपी रहै, निंह होइ उघारे॥ ३॥ नुखा जारि¹ ततिकिन मग पर्यो । दिली शाहु निकट चित धर्यो-। को नहिं कहिंह हटक सभि राखौं। किस धन दे किस बिनती भाखौं।। ४।। चहित जुहत्यो बिदित निहं होइ। भयो जतन के ततपर सोइ —। अनिक भांति चितवति मग जाते। —सुनित शाहु चित ह्वै न रिसाते।। १।। पहुंच्यो पुरी सदन तिब गयो। कलहिसुता² देखति दुख भयो। जिस हित पाप कीनि बहुतेरा। तऊ न तिस को सुख किम हेरा।। ६॥ तीरजि जाइं। सभि सों मिल्यो प्रेम उपजाइ। जहांगीर के बहु मोला किस हूं पट देति। काहुं कुशामित करि खुशि लेति।। ७॥ किस हूं दरव दीनि हरिखावै। फेर घेर ते बात जनावै। 'मर्यो गुरू अरजन लवपुरि मैं। निस हैजा हुइ गयो उदर मैं।। ८॥ शाहु समीप न करहु प्रसंग। जे दल परिह कहहु इस ढंग। को को नाम लेति हे मेरो। तुम ढिग कहै झिरक दिहु फेरो।।९॥ होइन अस सुनिक पितशाह । मुझ पर कोप करहि उर माहू'। नर सभि सभा कोर अपनाए। त्रसति जतन चितवति समुदाए।। १०।। मिल्यो शाहु के पास पहूचा। सुजसु उचारित भा तिहमूचा³। निंह सितगुरु की किनहुं सुनाई। अपर प्रसंगिन चलाई ॥ ११ ॥ बात

1. पुत्रवधु का दाह करके । 2. कलह रूपी पुत्री । 3. अत्यधिक ।

इम नितप्रति रहि शाहु अगारे। सने सने मन त्रास विसारे। सिक्खिन बिखै बिदत बहु भयो । 'चंदू घर गुरु तन तिज दयो ॥ १२॥ तऊ डरित निहं सकित उचारै। मिलें परसपर अघी धिकारैं। सने सने किंह आपस मांही। 'कीन महां अघ पचिह सुनांही।। १३।। श्री हरिगोबिंद गुर सुत बली। तिन हूं प्रण कीनसि बिधि भली। पितकौ बैरि लेइ हों ऐसे। हरों दुणट अपजसु जुित जैसे।। १४।। हलति बिखै करि आनन कारा। तथा पलति महिं जाइ दुखारा। हित हितवे¹ बहु सपथ करी है । सर^{्च} सभा के श्रविन परी है ।। १५ ।। -सतिगुरु हर्तीहं न तर्जीहं कदाई-'। विदेश बिखै बिदताई। मरनो कठन चंद् को जाने।। १३।। केतिक सिख तिन मींह जो स्याने। 'शाहु दिवान हुकम जग चाले। किम पकरिन इह बनै सुरवाले। लोक हजारहुं मानें बैन। बैठे पिखिंह समुख तिस नैन।। २७॥ को कीना। सितगुर सुत की बैस नवीना। बिनां विचारे प्रण शाहु संग को सकहि विगार। राज करति जग कोस हजार।।१८।। अनगन 2 सैन कोश जिस पास । जिंह जिंह रह्यो प्रताप प्रकाश । तिस दिवान को मुशकल पकरिन । हम इह कर्रीह विचारिन को मन ।। १९॥ केतिक सिक्ख कहें फिरतांहि। 'सकल शकति है सतिगुर मांहि। कर्राह रंक को गऊ बिसाल। गऊ रंक ततिष्ठिन वच नाल।। २०॥ को वह विगरावैं। ततकाल बनावै। बनी बात अनवन को जावत अजमत नहिं विदताइं। तावत नर समिकती कराइं।। २१।। रोकिन मत घनो। निर बिवहार करें नर मनो। जिब चाहैं निज प्रण निरवाहनि । भावति कर्राहं रुर्काहं किम नांहिन ।। २२ ।। छटम गुरु श्री नानक रूप। जिन के सुंदर चरित अनुप्। करामात बहु भांति प्रकाश ।। २३ ।। जिस गुर अरजन के गन दास। तिस गुरु अपर नरन सम प्राना। रिपु घर तिज बैकुंठ पयाना। तिन को सुत तिन के सम अहै। जोति सिभिनि गुर एको रहै।। २४।। हमरे तुमरे देखति करें। बडि दुखंदे रिपु प्रानिन हरें। हतिंहुं शाहु के पास ॥ २५॥ हमको निशर्च इह विसवास। चंदू इस सिख मिलि करि बचन उचारें। उर शरधा धरि, कोइ न धारै। बिथरित सुधि चंदू तिव सुनी। बहुत विसूरित मुंडी धुनी ॥ २६॥

^{1.} मारने के लिए। 2. अगणित।

गुर सुत भयो महद बलवाना। तुव हतने हित प्रण वखाना। बहुत सपथ खाई सुनि करिकै। हतहुं कुम्रितु शत्त्रु को धरिकै-।। २७॥ केतिक वदरख बिते दुख भरै । गिनती चिंता बहु विधि करै । हरि गुविंद को गहि करि कैसे। देऊं सजाइ हतौं पित जैसे।। २०।। को मानै मम दुहिता व्याह। कै डरपै है अबि उर मांहि। पित की गति को रिदे विचारहि । हुई सनवंध सरव डरु डारहि -।। २९ !। इक दिन निज दारा के संग। कह्यो गुरु को अखिल प्रसंग। 'वहु सजाइ दे रह्यों मनाइ। नहीं व्याह सुत मन महिं ल्याइ।। ३०।। अबि तिह सुत पित वैर संभारै। मोकह चाहति करिन संघारै। भागहीन दुहिता अस भई। अखिल जाति महिं मम पत गई।। ३१।। इतने जतन करे बहुतेरा। ब्याहु न बन्यो कतहुं इस केरां। सुनित भारजा ने समुझावा। 'प्रथम कुवाक आप तैं गावा।। ३२।। तिस ते वध्यो बिरोध विसाला। सिख की सुता नुखा किय काला। जगत गुरु तिन मान बडेरा । नहीं सहार सके बच तेरा । ३३ ।। अबि भी तिस को पुत्र बिलंद। सूनो नाम श्री हरि गोविद। करहु संधि जैसे बनि आवै। मानै व्याह सदन ले जावै।। ३४॥ विनै करह भेजो कर जोरि। तजह दिवानी को उर जोर। मान लेहि इम जतन रचीजहि । आछे नरिन पठाविन कीजिहि ।। ३५ । जो प्रसंन जिम किम तिन करै। जिस ते पिता बैर को हरै। नतु तुरकेणुर को विस्वास। कहां करति है, तजि उर आस।। ३६।। पठहु बिनै भिन सुता सगाई।' सुनि विय² ते चंदू चित आई।-आछी कहै करनि इम बनै। जे अबि व्याहु करनि मन मनै।। ३७।। इक तौ सुता पाइ पित भारी । मिटिह दोश जौ रहिन कुमारी। दुतीये मारनि हेतु उपाइ। बहुर न करिह, त्नास मिटि जाइ।। ३८॥ घरते निकसि सभा महि आयो । गुरु दिशि चिंता महि चित लायो । जुग आछे नर कीनसि त्यारू। लिखी पत्रिका हाथु बिसतारू।। ३९।। 'बैर अकारण पिता तुमारे। मो मन बांध्यो किसहुं उचारे। इह जि रंक सिख तुम ढिग आवै । कछू बात ते कछू बनावै ।। ४० ॥ जानि देहु अबि ज्यों क्यों होई। भावी³ मेट सकहि नहिं कोई। क्रोध बसी हुई क्या न करंता। लोगी गुन अवगुर न लखता।। ४१॥ 1. मर गई। 2. पत्नी। 3. होनी, जो कुछ होना था, सो हो गया।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

इह मम सुता करहु निज दासी। जसु जुति ब्याहु लिजावहु पासी। दोनहुं दिशि ते मिटहि कलेशू। हम तुम साक आनंद विशेशू।। ४२।। भली बात तै मानहु ऐसो । संधि ब्याह करि जैसे कैसो । जे करि पित को बैर संभारो। मुझ को हितवे हेत उचारो।। ४३।। तौ सुनि लेह जथा मैं लहा। तुव पित मोकह कूकर कहा। लग्यो गैल मैं ह्वै कै स्वान। हट्यो तबहि करि प्रानन हानि ॥ ४४॥ निह आगे मेरो बल जाने। तबिह मरन भा लेहि पछाने। अबितौ जानि लियो निरधारे। तजहु बैर शुभसंधि बिचारे'।। ४५।। तबहि दूत निज निकट बुलाए। म्रिदुन ठिठुर बच कहि समुझाए। सुनावहु महाँ। व्रास धरहि उचरहु तिम तहां।।४६।। प्रताप ज्यों क्यों नाता दे करि आवहु। करहु काज धन मुझ ते पावहु। शाहु दिशा ते त्रास दिखावहु । —क्यों बिन कारन द्रोह कमावहु-।। ४७ ।। उकति जुकति की करि चतुराई। करहु मनाविन सुता सगाई। बहुते समुझाए। अपर बहुत नर संग पठाए ॥ ४८ ॥ इत्त्यादिक चले बहिल पर ह्वै असवार। कितिक पिआदे गमने लारि। बहु थानहि ॥ ४९ ॥ निस बिसरामहि दिवस पयानहि । ग्राम नगर उलंघे सत्तुद्रव सलिता ह्वं करि पार। चले विपासा तरि कै वार। नगर विसाले ।। ५०।। पंथ सरब उलंघ्यो नित चाले। पिख्यो सुधासर

इति श्री गुर प्रताप सूरज ग्रंथे चतुरथ रासे 'चंदू को' प्रसंग बरननं नाम खशट चत्तवारिसती अंशु ।। ४६ ।।

अंशु ४७

दूत आविन जाइ प्रसंग

दोहरा

चंदू पठे जु दूत निज प्रविश पुरमिंह आइ। करि निवेस किस थल भले वसत् अखिल टिकाइ।। १।।

चौपई

लए नीर कर चरन पखारे। पहिरे बसत्र मोल जिन भारे। सितगुरु की सुधि सुति करि कान । 'अहैं अकाल तखत के थान ।। २ ।। पहूचे बीच दिवान। बैठे सुभट² बिंद संबंधान। आनि तोमर, तुपक, तीर, तखार। सैफ, सैहथी, सेल संभारि॥३॥ सांग धरंते। शसत्र बसत्र ते अधिक सुभंते। सिपर सरोही स्री हरि गोविंद तखत बिराजे। विरद³ निवाहनि लोचन लाजे॥ ४॥ जुग गर महिं सोभित शमशेर। जो रिपु को दाहन सम शेर। धनुख निठुर बड धर्यो अगारी। फेरित सर चुटकी कर धारी।। ५।। किया द्रिशटि सिक्खनि पर करते। कवि कवि फेरित तीर निहरते। प्रभुकी प्रभुता पिखि बिसमाए। तेज बिसाल सह्यो निह जाए।। ६॥ धारे। वंदना व्रसति रिदे गृह निकटि पधारे। पद अरविंद पुन पाती धरि दीनि अगोरी। 'पठी दिवान समीप तुमारी।। ७।। बुलायो । देखति श्री मुख ते फुरमायो। पढ्यो पारसी निकट करेजा।। पा 'करहु सुनावनि क्या लिख भेजा । करकति जिनके नाम रिसि⁴ ते सुलगित है नित छाती। अबि क्या किह भेज्यो लिखि पाती ?'। खोलि पठ्यो मतलब सभि जाना । गुरु बोले करि ऊच वरवाना ॥ ९॥ म्रिदुल कठोर जि बाक सुनाए। सकल लोक सुनिही चित लाए। आर्थ कौरा मधुर कहिन को। -जिस किम करिले पान ग्रहिन को।। १०।।

^{1.} डेरा। 2. शूरवीर। 3. गश, कीर्ति। 4. गुस्सा।

सुनी पिता की बात महाना। -मैं इम करे प्रान तिनहाना। गैल लग्यो कूकर की न्याई-। सुनित गुरु के रिस उर छाई ॥ ११ ॥ 'सुनहु दूत मम कह्यो सुनावहु। -क्यों एतिक चित महिं गरबावहु ? समां समीप आइ अबि गइऊ। कितिक काल तुव प्रानिन छइऊ॥ १२॥ शांति रूप गुर पिता हमारे। नींह रिस धरि बच दंड प्रहारे। क्कर गैल भौंकतो तावित हतिन न दंड प्रवंडिह जावित ॥ १३॥ पित को पलटा नींह नर लेति । सो नर नींह, पसु मंद अचेति । केतिक तुव ते ह्वें तकराई¹। करि लीजीह वहुं चितव उपाई ॥ १४॥ हतौं कुम्रितु तोहि को ऐसे। हलत पलत बड संकट जैसे। करी प्रत्तग्या तैं सुनि लीनि। करौं साच साच सो लिहु मन चीन।। १५।। श्री गुरु अरजन को अपराधी। सभि साधिन को तूसम व्याधी²। सकल संत हेरति दिशि मेरी। कहि वच करींह भसम की ढेरी ।। १६॥ अस पापी को त्यागिह कौन। करिह बिनाशन तुव जुित भीन। श्री अरजन को रुख सभि देखे । भए छिमी रिस खोइ विशेखे ।। १७ ।। तूं मूरख क्या कहि गरवावैं। केतिक दिन महिं अबि फल पावैं। बर्चीहं न हुइ सुरइपित रखवारो । अगरित की गिनती क्या धारो ॥ १७ ॥ संतन के बन महिं बिन त्रास । करित खोट विड फिरित हुलास । जौ लगि बली केहरी दाहन। मिलि करि करित न प्रान विदारन-'॥ १९॥ सुनि कर जोरि दूत पुन कहै। 'सदन गुरू नानक को अहै। करहु छिमा सतवंध बनावहु। बनहि हीन जित दुहिना ल्यावहु।। २०।। कर जोरिह अरु सीस निवावै। रहै अधीन सु सेव कमावै। जिस हित एतिक बध्यो विरोधे। दुहि दिशि महि अतिणै चित कोधे।। २१।। सो तुम ब्याहु लेहुगे जबै। मिटहि कलेश तुरत ही तबै'। सुनित गुरू बोले धरि क्रोधं। 'इह तुम कहां कहित बिन बोधं।। २२।। चंदू कृटंब कुमुद समुदाइ। गुरु सूरज सभि को मुरझाइ। जे अरबिंद मनावहु तिनै। गुरु तुखार³, दुखदायक वनै॥ २३॥ जावित चंदू के तन प्रान । हमिंह न शांती होवित आिन । रुचि सों खान न पान न सोविन । निंह सोहित चिंता चिंत खोविन ॥ २४ ॥ जे करि पशचम सूरज उदे। अगिन चंद्रमां श्रवहि जि कदे। पंख लगाइ मेरु उडि जावै। थिरा 4 अथिरा, समुंद सुकावहि 5 ।। २५।।

^{1.} शक्ति। 2. संकट, रुकावट, वाधा। 3. वर्फ़। 4. पृथ्वी। 5. सूखना। CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

इत्यादिक सिभ हुइ विष्प्रीत । तऊ न व्याह करींह किसि रीति । जिस ने पिता हत्यो विन वास । मैं चाहौं तिस करिन विनाश ॥ २६ ॥ तिस सों कहु कैसो सनवंध । हतनो बनिह तांहि मित अंध । बहुर न ऐसी बात सुनावहु । पत्त समेत निकेत सिधावहु ॥ २७ ॥ हम दिशि ते किह देहु सदेशा । — पहुंच्यो तुव ढिंग अधिक कलेशा । अपदा परं आिन अबि एसे । जतन अनिक ते मिटहि न कैसे ॥ २८ ॥ जानि दूत तुम को अबि तर्जाह । नाहि त पकर सामना सर्जाह । जिस ते मूढ मिती सो जान । केतिक दिन मिह प्रानिन हान ॥ २९ ॥ इम किह किरि तिन को अपमाना । दिए उठाइ कठोर बखाना । झूरित निज डेरे कहु आए । निह कछु कह्यो गयो सु लजाए ॥ ३० ॥ वसे निसा इक, उरपित रहे । — हमहु आिन को लेहि न गहे- । त्रासित निहं सुपते सुख संगा । भई प्रभाति चढ़े तिस ढंगा ॥ ३१ ॥

दोहरा

सगरो पंग उलंघि कै दिल्ली प्रविशे आइ। चंदू पापी सो मिले सकल प्रसंग सुनाइ॥ ३२॥ महां दुशट मित पातकी सुनित भयो दुख पाइ। बूझित कहो प्रसंग सिम किम देख्यो तुम जाइ ?॥ ३३॥

चौपई

कहित भए सिन कान दिवान । उतरे प्रथम एक हम थान । लोकिन को बूझ्यो-गृह कित है ? । किव हम मिलिह होइ इक चित है ? - । ३४ ।। तबहु सिक्ख इक सकल बताए । — खेलित अिव शिकार को आए । वैठे शोभित तखत सथान । गन सुभटिन को लागि दिवान ।। ३५ ।। मिलिहु करहु दरशन इस बेरा । ऐसो समो न पावहु फेरा- । सुनि हम बिसमे — क्या इह कहै ? गादी एहु फकीरिन अहै ।। ३६ ।। करिन शिकार शसत गन धिरवे । और तखत पर वैठिन करिवे । इह गित कितवे कीनि नवीन ? । पितशाहिन की रीति प्रवीन ।। ३७ ।। चमूं राखनी बली तुरंग । अपर समाज शाह जिम संग- । सुनि सिख कि ह्यो-जब सुधि आई । चंदू कर्यो पाप अधिकाई ।। ३८ ।। श्री अरजन तनु त्याग सिधारे । तिव ते कोध अधिक उर धारे । दोइ खड़ग निज गर मिह पाए । अंग संग धनु तरकश लाए ।। ३९ ।। दोइ खड़ग निज गर मिह पाए । अंग संग धनु तरकश लाए ।। ३९ ।।

^{1.} महल । 2. कुढ़ना, जलना-भुनना । 3. पापी । 4. गद्दी ।

हतनि 'वंदु हित सपथ अलाई। राखि लई सैना समुदाई। बैठिन हेतु तखत बनवायो ॥ ४०॥ दिन प्रति सभि समाज अधिकायो। बहु बैठे भट¹ भारी। तिब हम सुनिक गए अगारी। देखे जाइ निकट हम सीस निवाए।।४१।। आप शसव जुत तखत सुहाए। ले तुम नाम दई जिब पाती। चितवित पित को सुलगित छाती। जिब पिढवाइ सुनी रिस धारी। बहु कठोर तिब गिरा² उचारी।। ४२॥ पिता बैर को त्यागहिं नांहिन। त्रास रिदे महु मानहिं काहिन। 'अपदा घोर मूढ नियराई'।। ४३॥ चंदू संग कहहु अस जाई। इक तौ तन की बैस³ नवीन। दूजे शसव अंग धरि लीनि। तीजे सुभटिन को नित संग। मारि मारि करि चाहसि जंगि।। ४४॥ तुझ ते कुछ उपाइ हुइ आवै। भली अहै तौ जे बचि जावैं। सो उर करित अधिक उतसाहू। कुछ निह त्नास करित चित माहू।। ४५।।

इति श्री गुर प्रताप सूरंज ग्रंथे चतुरथ रासे 'दूत आविन जाइ' प्रसंग बरनन नाम सपत चत्तवारिसती अंशु ॥ ४७ ॥

^{1.} शूरवीर । 2. वाणी । 3 जायु ।

अंशु ४८ जहांगीर प्रसंग

दोहरा

श्री हरि गोविंद चंद कौ बोलिन अर बिवहार । सुनि चंदू चिंता अधिक अनिक¹ उपाव विचारि ।। १ ।।

चौपई

नहिं मानहि मम सुता सगाई। पिता दशा दिखि वास न पाई। वधित वधित विध गयो विरोधा। अजहं न मेरो मानित कोधा।। २।। होइ बिनाशा। कै जीवनि ते सो बिन आसा। कै मेरो अबि प्रन सफलावौं ॥ ३॥ हरिगुविंद को जिब पकरावौं। तबहि वैर पुन धन खरचौं अधिक सु ऐसे। पकर्यो मरिह न निकसिह जैसे-। इत्त्यादिक मन गिनहि बिसाला। चिंता महिं दिन रैन दुखाला।। ४।। शाह समीपनि रिशवति देती। कहिवे को अवसर नहिं जहांगीर ढिग पहुंचिह जबै। अनिक घाति बातनि कहि तबै।। ५।। हजरित को रुख इक दिन पाइ। कर जोरित किह बिन बनाइ। जैसे धन हकीकति सारी। कहति आइ भारी ॥ ६॥ माझे देश 'श्री अरजन जो तुम बुलवाए। लवपुरि मिले श्राप डिग आए ।। तिन परलोक भयो तर्हि जिब ते । सुत बैठ्यो गादी पर तिब ते ।। ७ ।। बूझन लाग। 'कवि के किम श्री गुर तन त्यागे?। जहांगीर सुनि भरलोक कौन थल आछे।। ८।। हम जिब मिले कितिक दिन पाछे। भा शांति रूप शोभति जिन सूरति । मनहु विराग धरी निज मूरति । म्रिदुल बचन सुनिवे रुचि जागे। प्रभु लिव लगहि धंध जग त्यागे'।।९।। फरेब बनावति भयो। सुनि जसु चंदू जर बर गयो। बात 'सुनहु शाहु जी लवपुरि मांही । मिले गुरू जिब रावरि पाही ॥ १०॥ तिस पाछ केतिक दिन रहे। हैजा होइ महां दुख लहे। रावी तीर जाइ तन त्यागा। संगत मिली दियो तहीं दागा।। ११।।

^{1.} अनेक या अन्य।

तिन सुत श्री हरि गोविंद। थिर गादी पर तरुन विलंद। तिन को बोलनि अरु विवहारू। लवपुरि ते आई अखबारू ॥ १२॥ सो खत पठिकै मैं बिसमायो। सकल अपूरब व्योंत² वनायो। त्तखत नाम गादी को राख्यो। आयुध बिद्या महिं अभिलाख्यो।। १३।। तज्यों फकीरी को बेस³। समता चाहति शाहु बिशेश। संग चमूं हित जंग करिन के। राखित दिन प्रति सुभट बरन के'।। १४॥ कहिवावित लाग्यो- पतिशाह। करिह अक्षेर ब्रित्ति बन मांह्र। ब्रिंद पवाड़े। जिनहु कीनि वड जंग अखाड़े।। १५।। पूरब साके तिन को सुनहि ढाढि अनि पास । पुन अपनो बल कहै प्रकाश । बिना परगने बिन तुम कहे। सैन सकेलित गन नित अहे।। १६।। अस नहिं होइ उठावहि दुंद। किम टिक रहैं सुभट मिलि ब्रिंद। कै निज चमूं चढाविन करी अहि । बिना लरे ते प्रथम पकरी अहि ॥ १७॥ कै भेजो नर आछो कोइ। अपने निकटि हकारह⁵ सोइ। दब्यो रहै नहिं दुंद उठावै। आगै आप करहु ज्यों भावै'।। १८।। शाहु समीनी जे उमराऊ। चंदू बात को करि पुशटाऊ। रिशवति लेनहार जे नर हैं। बुरा भला न बिचारति उर हैं।। १९।। जिस ते लें तिस को रुख करें। साच कि झूठ विचार न धरें। जहांगीर उर तथा पछानी। मिलि सकलिन जिम कीनि बलानी।। २०॥ श्री गुरु गादी के गुन भारे। अपनि बर्डिन पर लखि उपकारे। दुशटिन ते दूती सुनि कान। संसै होति शाहु के आनि।। २१।। प्रथम बारता तसकर केरी। कहती रहे नींह निरनै हेरी। तिन को तन बिनस्यो सुत रह्यो। बैठ्यो गुरता पद को लह्यो। २२।। जावित करौं नहीं निरधारे। तावित बनिह न करिन विगारे-। रह्यो गिनत कुछ हुकम न दयो। उठ्यो सभा ते अंतर गयो॥ २३॥ दिन दूसर महि चितवित शाहू। आयो तिव वजीरखां पाहू। गुरु ब्रितांत बूझ्यो तिस तीर। 'संत रूप श्री अरजन धीर।। २४।। हमने सुन्यो भयो परलोका। लवपुरि महि तिन दरस बिलोका। दूती करित रह्या तिब चंदू। सुनि मैं भयो न निठुर बिलंदू॥ २५॥ अबि तिन को नंदन⁷ इक सुनयो। अपर ब्रितंत चंदु ने भनयो। मुभट शसत्र जुत गन ढिग राखै । दुंद देश करिबे अभिलाखै ।। २६ ।।

^{1.} समाचार, खबर। 2. योजना। 3. वेष 4. आखेट-ऋीड़ा 5. बुलाओ। 6. चुगली । 7. बेटा ।

इस प्रसंग सिभ मोहि सुनावहु। पठिह सैन कै नहिन ? बतावहु। नाहिं त नर नीको इक जाइ। निकट हमारे ल्याइ बुलाइ।। २७।। जे चित महिं नहिं चहति बखेरा। आविंह दिल्ली पुरि विन वेरा। जे नहिं मानहि, मन महिं और। गमनै चमूं जाइ तिस ठीर'।। २८॥ किंचवेग अरु खान वजीर। सुनिकै सकल शाहु के जुग कर जोरे अरज गुजारी। 'श्री गुर अरजिन पर उपकारी।। २९।। धन अनुगन ते ताल लवायहु। हिं<mark>दु</mark> तुरक सभि के सुखदायहु। दुतिय ताल इक लगे बनाविन । तिस महिं बिघन कीनि उमराविन ॥ ३०॥ नित प्रति देते देग खराइत। अलहि खुदाइ याद हर साइत²। तिन महिं तसकर आदिक दोणा। कौन सुमित सुनि करिंह भरोसा।। ३१।। चंदू दिवान जाति निज जानहि। महिमा लखहिन, मतसर ठानहि। श्री अरजन तन त्याग्यो तहां। बीत गयी सो कही यह कहां ॥ ३२ ॥ अबि तिन को सुत वली विलंद। तस्न वैस श्री हरि गोविद। गुरुता गादी कीनि अवादी। दासनि अहिलादित दे शादी ॥३३॥ पूजिह जगत, पदारथ देति। मन बांकित गुरु ते वर लेति। तिनह संग भी मतसर 6 धरै। चंदू आप ढिग दूती 7 करै।। ३४॥ मालिक मुलख आप तम अहो। न्याव सिभिन के करिवे चहो। बसिह जथा सुख प्रजा तुमारी। राव रंक रहूओ अरु भारी।। ३५।। कीरति पसरी⁸ अखिल जहान। सुखी आशिखा देति महान। अबि निरनै करि सकल प्रसंग। बरतहु श्री अरजन सुत संग।। ३६।। पठह आप अवि को उमराव। मिलहि जाइ करि सहज सुभाव। विनै बखानहि तमरी दिशि ते। हइ प्रसंन चित आविह जिस ते॥ ३७॥ प्रथम पिता तिन को चिल आयो। ज्यों क्यों करि तनु को तजवायो। नाहिंत को। करहि दे स्नाप। कह्यों सफल हुइ जानह आपं॥ ३८॥ सुनि करि शाहु खान के बैन। कर्यो सराहनि 'तुं मति ऐन। अपर सभा के मानव ब्रिंद। कहैं तथा जिम भाखिह चदु।। ३९।। तेरो । है नीके निरने करि हेरो। इस कारन ते भेजनि जिम प्रसंन हुइ करि चिक आविहि । पावन दरशन अपनि दिखाविहि ।। ४० ॥ इस के सम निहं नीकी और। कहैं न रिस करि कुछ तिस ठौर। नहीं देश महिं दुंद उठावैं। मिटिह जु इम संदेश उपावैं।। ४१।।

^{1.} निकट। 2. हर समय। 3. ईर्ष्या। 4. जवान उम्र। 5. प्रसन्त। 6. ईर्ष्या। 7. चुगली। 8. फैलना।

मिलिबो पाक पीर को होइ। याद खुदाइ घरी शुभ सोइ। यांते बात इसी बिधि नीकी। भनी गिरा तैं भावति जी की।। ४२।। होति भोर कुछ लेहु अकोर¹। गमन करहु सतिगुरु की ओर। संग सिधावह ।। ४३।। करित प्रसंन इतिह को ल्यावह । किंचबेग लै खां वजीर सुनि जहांगीर ते। हरख्यो जान्यो मिलनि पीर ते। आइस्² मानी कीनि सलाम। लीनि सकेल समाज तमाम ॥ ४४ ॥ खीनखाफ पट ज़री दशाला। कलग़ी जिगा मुकत³ की माला। अपर अकोर जोरि करि सारी। कितिक चमूं संग कीनसि त्यारी॥ ४५॥ हेरि बिचारित गमनित बिकसे। नीके शक्न भए पुरि निकसे। श्री अंग्रितसर⁵ पहुंचि निहारे॥ ४६॥ सने सने मग⁴ उलंघ्यों सारे।

इति श्री गुर प्रताप सूरज ग्रंथे चतुरथ रासे 'जहांगीर प्रसंग' बरननं नामु अशट चतवारिसती अंशु ॥ ४८ ॥

^{1.} भेंट अथवा धन । 2. आज्ञा । 3. मुक्ता, मोती । 4. मार्ग । 5. अमृतसर ।

^{अंशु ४}६ मसलति करनि प्रसंग

दोहरा

डेरा करि कै सुधासर खां वजीर बुधिवान। इक नर सुधि हित गुरू ढिग पठ्यो सु बाक बखानि।। १।

चौवर्ड

'करहु वंदगी गुरु ऋगारी। पठ्यो शाहु मैं पास तुमारी। रावर की रजाइ जिस काला। दिहु दरशन मुहि करहु निहाला'।। २।। गयो सु सिक्खनि पास सुनायो। तिनहु जांइ करि सकल बतायो। श्री हरि गोबिंद सुनित बखाना। 'आज करहु विसराम महाना।। ३ हइ है मेलि हमारो काली। संध्या समै करह इस ढाली। गुरू तेग ते रसद पुचावहु। जेतिक नर, प्रथमहि पिखि आवह।। ४।। देह तुरंगनि के हित दाना। त्रिणनि आदि सेवा जे नाना'। सनि करि हकम मसंदिन तवै। कह्यो जथा, कीनिस तिम सबै।। १।। किपा अपनि पर लखि करि आछे। सकल सैन जूति लीनसि बांछे। खान पान करि सूख को पाए। गुरू सुजसु करि निस सुपताए।। ६।। प्रात होति अंम्रितसर न्हाए। हरमंदिर अरदास कराए। घरि शरधा निज संगी संग। करिंह सराहिन के स् प्रसंग ॥ ७ ॥ सो दिन अरध बीति जिब गयो। भेट सकल लै त्यार सु भयो। श्री हरिगोबिंद फरण कराइस। तखत अकाल जहाँ सुठ थाइ सु॥ ५॥ जाम दिवस ते सतिगुर आए। बसत्र शसत्र तन रुचिर सजाए। नकीब¹ अगारी। कंचिन रजत² दंड की घारी॥ १॥ बोलित आइ तुरंग। सुंदर सजति बिभूखन संग। मनह क्रंग क्दाइ आगू पाछे। शसत्र वसत्र आछे तन काछे।। १०॥ सभट सैंकरे

^{1.} चोबदार। 2. सोना चाँदी।

नौबति बजहि दरशनी पौरि। आइ तिहं सोढी सिरमीर। हुय¹ ते उतरि बंदना करि कै। पुल पर गमने अंतर बरिकै²॥ ११॥ पुनिह प्रदछना³ देवनि लागे। नमो कीनि हरिमंदर आगे। गुरू सुहाए।। १२।। बैठि तखते पर ले हरि पौरि आचमन आए। रागिन तैसे। गाइं रवाबी सभा सहत सुरपित जनु वैसे। चढाई ॥ १३॥ बैठे सूनि संगति बहु आई। दरशन देखति भेट आयो लेकरि भेट उदारा। तिब वजीर खां गुरू हकारा। मसु भीजति 4 मुख शुभित बडेरे ॥ १४॥ तरुन वैस वैसे गुरु हेरे। कै अरविंद मलिंदै बिंदू। जनु पसर्यो चिह तम ढिग इंदू 5। लिख गुरू को सुखकंद मुकन्दे।। १५।। कीनि अनंद विलंदे। 'हज़रत तुमहि बंदगी ठानीं। बंदि हाथ पुन त्रिनै बखानी। कह्यो 'सकल तुम करुना बांछे।। १६।। बैठ्यो निकट 'कुशल कहु आछे ?'। पठ्यो शाह कारज असकवनू ?'। बुझ्यो 'कहु कारन आगवन् ?। 'लेनि हेतु आयहु तुम ओरे।। १७।। सुनि वजीर खां जुग कर जोरे। केतिक दिन ते करित उमाहू। चहै तुमारो दरशन शाहु। शरधा धारि अकोर पठाई। सम मुरीद के विनै अलाई ॥ १८॥ सुनि करि श्री हरिगोविंद कह्यो । 'बडे गुरिन जिम दरशन चह्यो । दुशट पातकी सदन उतारे। तिहं तन तिज परलोक सिधारे ।। १९ ।। शाहिन को अस ग्रहे अवाहिन । निहं सुधि करी कैसि हूं पाविन । सुनि वजीर खां पुनह बताई। 'चुगली अबि उगली तिस थाई ।। २०।। दुशमन बात करै अणहौती। हुइ किम किमहं करहि उदोती। मिलहु आप अबि हजरत संगि। बिदित होहि समि छप्यो प्रसंग।। २१।। दिल्ली चलहु सु बदला लेहु। दुशट पातकी सिर पग देहु। विनां मिले नहिं प्रापित होविह । नहीं तिदारक मूरख जोविह ॥ २२ ॥ अबि हजरत को बहुत सिखायो। मुझ बूझ्यो मैं सकल बतायो। सुनित शाहु के मोहि पठावा। —आनो जाइ गुरू इस थावा।। २३॥ सुनि करि निरने होवहि सारी। जिम श्री अरजन संगि गुजारी। चलिन आपि को दिल्ली नीको। भला आपको भावति जी को।। २४।।

^{1.} घोड़ा । 2. घुसकर । 3. प्रदक्षिणा । 4. मुख मंडल पर उभरती हुई मूछें शोभायमान हो रही हैं । 5. जिस प्रकार चन्द्रमा के आस पास अन्धेरा फैन रहा हो ।

इक तौ शाहु संदेह मिटावै। दुतीए बदला तुम को पावै। आगे आप ग्रहो सरवग्य। क्या हम जानि सर्कांह अलपग्ये।। २५॥ अपिन रित् लिख श्री गुरु तवै। होनिहार उर जानित सवै। कह्यों कि 'टिकह आज की रैनि। कहैं प्रात को उत्तर वैन'।। २६।। किह सूनि करि इम संघ्या होई। निज निज थान गए सिम कोई। पिखि सरूर स्नि बाक अमोले। करि वजीर खां अनंद अतोले 1। २७॥ टिकयो जामनी अपने डेरे। खान पान गुरू पठ्यो घनेरे। अपनि मात संग बात जनाई। 'हमिह शाहने पठाो बुलाई'।। २८॥ सुनति गंग चित चिन विसाला। सूत के संमत हुइ तिस काला। गन मसंद अर सिक्ल्य जूस्याने । पठ्यो जुनर सगरेसंग आने' ॥ २९ ॥ निस महिं श्री माता के पास । सभा करी सतिगुरु सुख रासि । जथा जोग वैठे जबि सबै। शाहु प्रसंग सुनायो तबै॥३०॥ 'बडे गुरिन के संगी अहो। स्याने सिभ निज निज मित कहो। मिलनि शाहु संग है इह नीको ? । किधौं नहीं?िकम भावति जी को?।। ३१ ।। हते पुरातन जितिक मसंद। कह्यो विचरिति बृद्धि बिलंद। 'आगे श्री अरजन जी गए। चंदू दुशट कहां करि दए।। ३२।। घर शाहुनि के ग्रधिक अंधेर। मिलि इक वेरि न वूझैं फेरि। अपर नहीं किनि खबर सुनाई। गुजर्यो गजब सु राखि छपाई।। ३३।। अस अंधेर, तहां क्यों जावहु। ग्रपिन आप को नहीं बचावहु। महां शत्त्रु जो शाहु दिवान। छल ते करित आन की आन।। ३४।। अपर न शाहु निकट हितकारी। तुरक राज गुरु शरध न धारी। लरिन विखे समसरता नांहिन। को थल देश मवासी जाहि न।। ३५॥ जहां बसहि अरिक रण करै। अस न भरोपा किस पर घरें। संधि करिन अरु करिन बखेरो । दोनहुं बिखें दोष गन हेरो ॥ ३६॥ इक जंगल³ जिंह पाइ न पानी। पहुंचि न सकहिं सैन तिस थानी 3। जे करि वूझहु मतो हमारो। तौन देश के बीच सिघारो॥ ३७॥ अपने सिक्ख बिगड़ घनेरे। सो सिम मिलिहि रहिं तुम नेरे। ग्रपर संगतां सिंग चिलि आवैं। भिटिहि शाहु, निहं पुनह बुलावैं॥ ३८ ।। बिधी चंद जेठा रु पिराणा। कहिन लगे 'पूरव किम जाणा ?। श्री अंग्रितसर बैठे रहीअहि। विगरहि शाहु जि निरनै लहीअहिः। ३९।।

^{1.} अतुलनीय आनंद। 2. मालवा का जंगल। 3. स्थान।

पठिह चमूं तिस को बल देखि। मिलाह करिहं संग्राम विशेख। पुन रोके हम रहें न कैसे। सिकता त्रिण पुल ते री जैसे।। ४०॥ जंगल देश प्रवेशिह जाई। सैन सकेलिह तिह सम्दाई। बिन बिगरे बिन निरने करे। निहं प्रसथान मतो हम घरें।। ४१।। श्री गंगा सूनिकै इस भांती। पति को सिमरति धरकति छाती। नहिन बिखेरे ते सुख मानहि। शाहु निकट ते संसे ठानहि।। ४२॥ 'ड्क पुत्त्रा मैं देखति जीवति । निकट रहिन ते सीतल थीवति 2 । किम तुम संघर³ करिन उचारा। भयो तरुन नहि बल संभारा॥ ४३॥ कवन राज सुधरिह जिंव लरो। नाहक बिन आई मित् मरो। अस मसलित को कविह न ठानहु। करहु बखेरा सिभ किछ हानहु॥ ४४॥ अपनो पुरि त्यागिन किम चाहो । बडे बिघन जानह रण माहो । पिता पितामा 4 को जिंह बासा । लाइ दरब जिंह रचे श्रवासा 5 ॥ ४५ ॥ कृप⁶ ताल आदिक लगवाए। लोक जतन ते नगर बसाए। बुनिआदी इह थान हमारो। बसे रहैं जिम तथा उचारो।। ४३।। प्रथम करहु निरने सभि असे। शाहु हकारति है अबि कैसे। जिस ते नहिं बिगरै, रस राखो । इम विचार करि मसलित भाखों ॥ ४७ ॥

इति श्री गुर प्रताप सूरज ग्रंथे चतुरथ रासे 'मसलित करिन' प्रसंग वरननं नाम उनपंचासित अंशु ॥ ४७ ॥

^{1.} रेत, मिट्टी । 2. रहती थी । 3. संघर्ष, युद्ध । 4. बाप-दादा । 5. निवास स्थान । 6. कुआँ।

अंशु ५०

वजीर खानि मिलन प्रसंग

दोहरा

श्री गंगा के वाक सुनि व्रिघ भाई गुरुदास। लखिह भिवक्ख्यति सगल गित बोले करति प्रकाण।। १।।

चौपई

'माता जी ! सुनीअहि हम कहे। श्री हरगोविंद सिम गित लहें। होनिहार इन ते निंह छानी¹। जो करनो सगरो मन जानी।। २।। प्रथम सपय हित चंदू मारिन। वैठि सिभिनि महिं कीनि उचारिन। दुतीए गूर अरजन बिरतांति। होवनि लग्यो अबहि बख्याति।। ३ ।। पलटो लेबे की अबि समों। दिल्ली चलो इही मत हमो। बिना चले नहिं मारिन होइ। पूरन करिंहं सपथ करि जोइ॥ ४॥ श्री अंम्रितसर बसहु सुखारे। जहांगीर नहिं करहि विगारे। अगे शाहिजहां जिब होइ। जिम गुर करींह बरित है सोइ।। ५।। अबि चंदू को गरद मिलावह²। सुजसु बिसाल जगत महिं पावहु। इक वज़ीर खां नित ढिग शाह । सितगुरु को सेवक सुखु दाह ।। ६॥ तिसने सरब बाति समुझाई। चलहिं गुरू, चंदू लें धाई³। जहांगीर चहि फरज उतारा। लिहु पलटा जिसने गुर मारा।। ७॥ नहिं आछे कुछ करनि बखेरा। बिगरे परि है जंग बडेरा। कौन काज हित करहु विखादा । अस की जिह जिम हुइ अहिलादा⁴ ।। ८ ॥ चहैं सु करें जगत के स्वामी। श्री अरजन सभि अंतरजामी। समो जानि तन तजिवे आवा। सिमर्यो ग्यानी स्नाप अलावा⁵।। ९॥ दे चंदू सिर दोश बडेरा। साचु करिन हित बच तिस केरा। बिकुंठ मुकंद मुछंदे। नहीं प्रतंतर अनंदे ॥ १० ॥ रूप गए

^{1.} अलग । 2. मिट्टी में मिलाकर । 3. नष्ट करना । 4. प्रसन्त । 5. शाप दे दिया ।

श्री हरिगोविंद जोति अनूप। पंचहं सतिगुर के अबि रूप। सभि पर बली चिंत नहिं काई।। ११॥ जिम चाहैं इह करींह गुसाई। इनकी सम निहं अपर सरीर।' प्रतापवंत रणधीर। महां श्री गंगा नीको मन लह्यो।। १२।। इस प्रकार जिब ब्रिध ने कह्यो। कह्यों कि 'चहसि दुशट मिरवाए। मसकाए। सतिगरु मंद मंद जिम बच कहि तिम ही सचु होई।। १३।। ब्रिध को कह्यों न फेरहि कोई। जो उचरिह सो होवित हारी। होनिहार सो करिह उचारी। गज रद निकसि न प्रविशिह कैसे ।। १४।। पाहन रेख मिटहि नहिं जैसे। 'खशट गुरानि ढिग इहु अगवानी। सूनि गुरु ते गुरुदास बखानी। निपून जितेंद्री मन बसि लही अहि ॥ १५ ॥ श्भ मति इन सम किसकी कही अहि। दिल्ली चलिन मोहि मन भाई। इन की मसलित सिभ स्खदाई। दतीए चंदू दुशट बिनाशा ।। १३।। इस मत ते सूख बास अवासा। मिलिन शाह सों ह्वै बिधि रूरी। त्रितीए सपथ करहिंगे पूरी। आइ स्धासर बासिंह बासा ॥ १७ ॥ करित अनंद बिलंद बिलासा। 'इह सभि बडिअनि के इसथानी। श्री गंगा सूनि मन हरखानी। इनको कहनि करिन ही बनै। शुभ सिभ होइ जथा बच भनें।। १८॥ खां वजीर जिम जुगित बतावै। मिलिन शाहु सो तिम बिन आवै। नितप्रति निकट हकारनि करीअहि । दान मान दे तोसन¹ धरीअहि ।। १९ ।। तुरकिन गन महि अति हितकारी। राखह मेलि रहै अनुसारी। सकल शाह सों ब्रिथा जनावै। आछे कहि कहि तुमहि मिलावैं।। २०।। इम मसलति² किर श्री गृह तबै। उठे, गए निज निज थल सबै। सुपति जथा सुख निसा बिताई। जागे जिब प्रभाति हुइ आई।। २१।। सौच शनान कीनि बिधि आछे। सभि लाइ बैठे कहि पाछे। कहहु जाइ थित सभा मझारे'।। २२।। 'खां वजीर को आनि हकारे। हकम सूनित नर तरन गयो। डेरे जाइ निहारित भयो। 'सतिगुरु कर्यो याद तुझ ताईं। गमनहु, बैठे सभा लगाई'॥ २३॥ करि उर हरख पहिरि पट आछे। चिल आयो तिस नर के पाछे। किंचवेग लीनह निज साथ। दरसे जाइ सतिगुरू नाथ।। २४।। हाथ बंदगी कीनि। गुर के कहे गयो आसीन। किंचबेग कर जोरि उचारा। 'हजरित बांछित दरस तुमारा।। २५।।

^{1.} प्रसन्न । 2. सलाह ।

श्री अरजन को सिमरित रह्यो। करि करि प्रेम सुजसू कह कह्यो। सुनी कुटिलता चंदू केरी। रिदे विस्रित् भा बहु वेरी।। २६।। तुम ते सुनिह बितांत जु सारा। सिर ते चाहिसि फरज उतारा। यांते उचित आप को आछे। दीजिह दरस शाह बहु बांछे'।। २७॥ पुन वजीर खां बाक सुनावै। 'हजरीत प्रेम समेत बुलावै। वडे गुरुनि को सून्यो बितांत। मुख ते हाह कही पछ्तात।। २८॥ श्री नानक गादी वड जानिह। सदा अदाइव राखि वखानिह। किह बह बारि दोश गन चारी। चुगल शाह की सुमित विगारी।। २९।। सो क्करम को अबि फल पावै। द्रोह अकारण मृढ उठावै। गरु संतिन को द्रोही होइ। सकिह बचाइ न विधि लौ कोइ।। ३०।। अबि कीजिह चलिवे की त्यारी। हम हरखिंह जिब लिह रिपु मारी'। किपा द्रिशटि ते देखि गुसाई। बोलित मंद मंद मुसकाई।। ३१।। 'सतिगुरु घर को तूं सिख अहैं। अपर दुशट चंदू हित चहैं। गन तुरकिन वन वंस विसालू²। तो सम सफल्यो कोई रसालू^{'।।}३२।। उर शरधा पिखि प्रेम बडेरा। मान सहत मान्यो वच तेरा। दिल्ली को करि हैं प्रसथाना। विफल न तो आगमनि ठाना ।। ३३।। सुनति वंदगी करि हरखायो। 'सतिगुरु धंनि मोहि अपनायो!। पीड़ा देति महां सिम काला ॥ ३४ ॥ रोग जलंधर उदर बिसाला। परयो सदन बिललावित रहौं। होति विखाद सकल ही सहौं। निकट गरी महि सिख इक जावति । पाठ सुखमनी मुखहुं अलावति ।। ३५ ॥ जिंब मम कान परी घुनि आनि । पीरा भई उदर की हान। सिख शनान हित गयो अगारी। होनि लगी बाधा पुन भारी।। ३६।। कितिक वेरि महि सिख पुन आयो । पाठ सुखमनी मैं सुनि पायो । बहुर भयो सुख रिदे बिचारा। इस ते मिटति कशट मम भारा।। ३७॥ इतने महि सिख जबि चिल गयो। धुनि को सुनित न मैं पुन भयो। बाधा अधिक बधी तिब मेरे। जानी मिहमा मन तिस बेरे॥ ३८॥ पिंठ करि नर को सो बुलवायो। जिब गुरु सिक्ख निकट चिल आयो। सरब ब्रितांत बूझि करि राखा। पाठ सुखमनी थित ह्वै भाखा।। ३९।। जिब ली सुन्यो न पीरा भई। हटे पाठ, पुन तैसे थिई। तिब मैं सिक्ख अपर ढिग राखे। निस दिन पाठ सुखमनी भाखें।। ४०॥

हृदय जलाती है अथवा हृदय में खटकती है।
 तुर्कों का समूह बड़े बाँसों का वन है अर्थात् उपकारहीन और निष्फल है।

सुनति सुनति भा सभि रुज दाह। मान्यो गुर हित करिन कराहु। करि शनान रुज गए तमाम ॥ ४१॥ कितिक द्योस मिहं भयो अराम। सकल बिनै भनी सीस निवायो। वडे गुरुनि ढिग मैं तिव आयो। लियो अलंब भयो रुज हीनो।।४२।। उर शरधा लखिकै सिख कीनो। रोग सोग ते लीनि बचाई। इम मोकहु गुर भे सुखदाई। अपर न प्रिय तुम ते मम उर को ।। ४३ ।। तिब को मैं सिख रावरि घर को। कित अचानक लवपुरि होई। मक्त ते सेवा बनी न कोई। किस ते सुध नहिं सुनिते भए॥ ४४॥ शाह संग चढि करि चलि गए। गन तरकान महिं मुक्त सुखदान। जिम रावरि के पिता महान। तिम ग्रवि किया आप करि दीनी । सफती मोहि बसीठी कीनी ।। ४५ ।। जन प्रेमी के आप अधीन। करुना करह जानि करि दीन। बिरद गरीब निवाज तुमारा। गमन मतो किय, सो संभारा[']॥ ४६॥ तिव सितगुर करि खुशी विसाली । कह्यो 'पयान महूरित काली । जुग कोसनि परि हुइ है डेरा। पुन बहु गमर्नाह अगलि सवेरा।। ४७॥ सुभट आदि मानव जे सारे। त्यारी करनी गुरू उचारे। सुनि सभिहिनि कै भा उतसाहू। शसत्र बसत्र सजि रिदे उमाहू।। ४८॥

इति श्री गुर प्रताप सूरज ग्रंथे चतरथ रासे 'वजीर खानि मिलन' प्रसंग चरननं नाम पंचासती अंशु ।। ५० ।।

अंशु ५१

श्री हरगोविंद दिल्ली प्रसथान प्रसंग

दोहरा

उठे सभा ते सितगुरू पुन माता ढिग जाइ। नमो करी बैठे तबहि चलि प्रसंग सुनाइ॥१॥

चौपई

मसलति भई 'भोर प्रसथाना। पहुंचहि दिल्ली शाहु सथाना। पाछे बिंध भाई गुरदास। सकल कार करि हैं तुम पासि।।२॥ की सेव महाने। सीन विधि महि दोनह बह स्याने । हरमंदिर आविन जानो संगति केरा। देग चलाविन काज बडेरा॥३॥ सरब अकोर संभारिन करनी। जितिक मसंद तिनहुं सुधि धरनी। सिक्खिन को दैवो सिरपाऊ 1 । सदा कार 2 इह सहिज सुभाऊ ।। ४।। सुनि जननी, सुत को ब्रिहजाना। महां सनेह रिदा अकुलाना। जिब के जनमें, देखित रही। अबि लौ प्रिथक भई किब नहीं।। ५।। लोचन जल बूँदैं झलकाई। दीरघ स्त्रास³ भरति दुख पाई। 'सुनहु पुत्त्र ! समझावौं कहां। गुर गादी थिति वृधि मित महां॥ ६॥ भूत भविक्ख्यति के सरवग्य। क्या वच कहै जीव अलपग्य। तऊ सुचेत रहो सभि काला। नहीं दुशट के परियो जाला।। ७।। द्रोही महां, दया निंह जांके। करम चंडाल हिंदु तन तांके। तुमरे पिता महां समरत्थ। भंजन घड़न जिनहुं के हत्थ॥ ८॥ छिमा निधान शांति चित होइ। दुशट अघी हति कर्यो न कोइ। शकति बिसाली नहीं जनाई। तज्यो सरीर समा नियराई॥९॥ तिस बिधि आप चले ढिग शाहू। बैस नवीन धरित उतसाहू। हे सुत मैं वारी बहुवारी। बिना पिखे मुझ संकट भारी।। १०।।

^{1.} सिरोपा। 2. कार्य। 3. उच्छवास।

इक अलंब तुम देखति रहौं। सदा अनंद रिदे बहु लहौं। कहां करौं मैं तुम ते पाछे। पुत्त सदन जिब पिखौं न आछे।। ११।। उद्यो पाप फल रहौं इकेली। रिदे प्रतीखित अधिक दुहेली। करहु शीघ्रता आविन मांही । मूझ दिशि पिखहु बिसारहु नांही ।। १२ ।। नित प्रति सुधि पहुंचावनि करीअहि । सावधानता साम विधि धरीग्रहि । करम काल करि भयो वियोग। इस महिं वसि नाहिन किस लोगे ।। १३।। श्री हरिगोबिंद सुनि जननी ते। धीरिज दीनि भाखि गुभ रीते। 'नहिं कीजिह चित मिंह दुचिताई। गुरु सहाइ ते शभ विनआई।। १४।। जबहि फरागृति की विधि जोवें। नहिं ठहिरहिं आविन तिब होवे। कशल छेम की सुधि पहुंचावें। सभि बिधि ते अनंद उपजावें'।। १५।। इम भिन सनि जननी के संगि। जित कित विदत्यो चलनि प्रसंग। करि त्यारी सेवक समुदाइ। सुभट शसत्र बसतर तन लाइ।। १९६।। चहीअहि वहिर जि वसत अनेक। करी संभारिन गिनि गिनि एक। तिस दिन त्यारी करित गुजारा। भई जामनी खाइ अहारा।। १७।। सूपति जथा सूख प्राती जागे। सीच शनान करनि सभि लागे। बसत्र शसत्र सतिगुरू सजाए। खड़ग धनुख तरकश अंग लाए॥ १८॥ त्यार होनि को बज्यो निशाना। जनु धनु घोखित घोख महाना2। कसे तरंगिन तंग बनाए। सूभट सूचेत त्यार हइ आए।। १९।। सतिगुर ले प्रसादि समुदाए। श्री हरि मंदिर की दिशि आए। करी नमो हुई खरे अगारी। कुशल सकल हित बिनै उचारी ।। २०॥ लिख सथान शुभ पिता पितामा । दई प्रदच्छन कीनी प्रनामा। करि के पूज प्रसाद बतायो। सगरी संगति पायो ॥ २१ ॥ सादर पुन सतिगुरू निज माता पास। आइ नमो करि देति गमनि समैं लिख द्रिग जल रोका। वारि वारि सुत बदन बिलोका।। २२।। 'श्री नानक आदिक गुरू पंच। सदा सहाइक हुई, सुख संच। अनेक विदारिन करैं। सखा भिलाइ, रिपूनि परहरैं'॥ २३॥ मसतक चुमति गरे लगाइव। भई बिबसि कुछ कह्यो न जाइव। गयो गरा भरि गद गद बानी । सुत सनेह महि मित लपटानी ।। २४ ।। कहि बहु बारि धीर गुर दीनी। 'ग्रहो मात ! तुम सुमित प्रबीनी। अपरिन को समझाविन बनै। क्यों उर करित कशट के सनै।। २५।।

^{1.} फुर्संत । 2. मानों बादल की गड़गड़ाहट की बहुत गूँज है।

केतिक दिन महिं सुख सो आविहं । वसींह निकट आनंद उपजावें'। सुनि जननी बोली बडभागनि। सुंदर सूरित सुत अनुरागनि।। २६।। 'पुत्त्र ! सुनहु बड जतन करंते । प्रापित भए आपि दुतिवंते । पुनि शत्त्रुनि बहु विघन उठाए। निजकर देकरि गुरू बचाए।। २७॥ अवि लौं मैं तुम पारिन कीने । देखित मैं नित विपित बिहीने। इक पुत्त्रा देखहु दिशि मोही। मिलहु तुरत जिम सुख मन होही'॥ २८॥ 'हे जननी ! जबि अवसर पार्वौ । तुमको सिमरि तुरत ही आवौं । करहु अनंद बिदा अबि दीजै। सितगुर सौंपि असीस भनीजैं।। २९॥ इम कहि वंदन करि घर निकसे। कमल विशाल विलोचन विगसे। शुभ सजाइ सेवक हय ल्यायो । श्री सितगुरु नानक उर ध्यायो ॥ ३० ॥ जबै गुसाई। धुनि दुंदीम हनि डंक उठाई। असु असुवार होइ करि चाले। सग सुभटि चढि, गिह असि ढाले॥ ३१॥ शगुन भए चहुं दिशि ते नीके। अविलोकति हुलसाविनि जीके। फरक्यो दिहन बिलोचन सुंदर। भुजादंड दिहनो बल मंदर॥ ३२॥ निरमल दिवस बायु सुखकारी। मिली दुघट धरि सुंदर नारी। म्रिगनि माल दाहिन को आई। मधुर बिहंगिन शब्द सुनाई ॥ ३३ ॥ शत्त्र विनाश जनावनि करिही। सतिगुर हित को विदता चरही2। धौंसा धंकति जाति अगारी। चमूं तुरंगनि वली पिछारी॥ ३४॥ खान वजीर। भए अरूढिन किंचवेग अरु गमने धीर। हयिन क्दावित मारग जाते। आयुध विद्या महि उमहाते।। ३५।। दोइ कोस पर कीनिस डेरा। उतरे गुरू जाइ तिस वेरा। हतो मखमली तंबू सुंदर। ऊपरि जरी पशम पट अंदरि॥ ३६॥ चांदी चोब चतरकी रची। कंचन कलस रुचिर दृति खची। अपर कनात चानणी चारु। रेशम डोर खिचि दिशि चारु।। ३७॥ डसाइ नवीनो। स्वच्छ विछीना छादनि कीनो। बीच प्रयंक गुंडे जरी। अैचि चहुं दिशि वंधन करी।। ३८॥ वंद बड धर्यो म्रिदुल सुंदर उपधानु । हय ते उतरि गुरू भगवानु । चढि प्रयंक पर बैठि बिराजे। जिनके नाम लेति जम लाजे³।। ३९।। फरश बिसाल चहुं दिशि होवा। उपजित हरख वैठी जिन जोवा। गन मसंद अरु ब्रिध गुरुदास। जेठा लञ पिराणा पास।। ४०॥

¹ पालन-पोषण किया है। 2. प्रकट कर रही है। 3. लिजित होना।

अपर सिक्ख सगरे चिल श्राए। नर नारी पुरि ते उमडाए।
जथा शकित ले पान उपाइन। अरपिंह आन गुरू के पाइन।। ४१॥
सुभट आइ गन लग्यो दिवान। गाइं रवाबी राग महान।
चमर चारु चलचाल ढुरंता। उठि अरदास करित मितवंता॥ ४२॥
सूरजमुखी धरे कर खरो। किंह कर दंडु हेम को खरो।
सूरजमुखी धरे कर खरो। किंह कर दंडु हेम को खरो।
मेला महद सक्तिन होवा। चढित गुरू दरशन सिम जोवा॥ ४३॥
केतिक नर नारी हिट आए। सितगुर गुन बरनित समुदाए।
कितिक निसा बिसवे मिति धारी। — गुरु हित हमे पुन हुइ भारी॥ ४४॥
संध्या भई दरस को देति। किंगा द्रिशटि ते दुख हिर लेति।
किंस के संगि भनी स्निद्ध बानी। किंह सनमान कीनि शुभ जानी॥ ४५॥
पुरि जन सिभिन संग किंह बैन। दीनि दिलासा रहै सु रैन।
खान पान करिकै समुदाए। बहुर जथा सुख मिंह सुपताए॥ ४६॥
खरे पाहरू चहुं दिशा विखै। अपनि परायो परखित पिखै।
सावधान भट बने महान। सुपते सिमरित गुरु भगवान॥ ४७॥

इति श्री गुर प्रताप सूरज ग्रंथे चतुरथ रासे 'श्री हरगोविंद दिल्ली प्रसथान' प्रसंगः बरननं नाम एक पंचासित अंशु ॥ ५१॥

^{1.} गवैये, चारण, भाट।

अंशु ५२

दिल्ली पवस श्री हरिगोविंद प्रसंग

दोहरा

श्री हरिगोविंद जी उठे करि, सिम सौच शनान। बसत्र शसत्र को पहिर करि होति भए सवधान॥ १॥

चौपई

बज्यो कुच को तबहि नगारा। कीनिसि त्यारी करनि पधारा1। ब्रिध गुरुदास मसंद जि ब्रिंद²। आइ निकट बंदित कर बंदि॥२॥ वैठि गए चहंदिशि महिं सारे। श्री हरिगोविंद वाक 'ब्रिघ साहिब! भाई गुरदास!। तुम स्थाने करि बास अवास ॥ ३ ॥ हरि मंदरि की करीअहि सेवा। पूजिन करह सदा गुरुदेवा। सिख संगति आवृति जिम आगे। सरव रीति करि तिम विडिमागे।। ४।। कार देग की तथा चलावह। ऊपर सरव कारज सुधरावहु। कितिक सुभट रहिं संग तुमारे। दास ब्रिंद होवहिं अनुसारे॥ ५॥ सदा प्रसंन मात को राखह। हमरी दिशि ते आछे भाखह। संमति होइ कार को करिअहि। सभि दिसि सावधानता घरिअहि'।। ६।। चाह्यो चढिन गरीव निवाजा। इम ब्रिध को सभि सौंपि समाजा। सभि पर करुना द्रिशटि निहारे।। ७।। पूरिजन अर सिख सेवक सारे। करि कै जथा जोग सिभ कार। दे करि खुशी भए असवार। मारग दिल्ली तबहि सिधाए।। पा संग मिलाए। वजीर खां बाजति चलिह नगारा। भाट नकीबिन स्जस् उचारा। जिस मग जगगुरु करित पयाना । सुनिह नारि नर जो सुध काना ॥ ९ ॥ जया शकति ले तुरत उपाइन । पूर्जीहं आनि गुरू के पाइन । किपा द्रिशटि करि चलति अगेरे। जहिं करि डेरा हेत वसेरे।। १०।।

^{1.} प्रस्थान किया। 2. दरवारी लोग।

तिहं ते आइ दरस को करैं। पुरिहं कामना जो उर धरें। होति प्रभाति गमन को ठानैं। सैन भटनि की साथ पयानै।।११।। कुही, शिकरे जु बडेरे। मग महिं खेलति करिंह अखेरे। बाज, बडे भाग जिन जाते।। १२।। वन के जीव उधारित जाते। पूरव अनिक बिलासनि को बिलसंते। पंथ बिखै गमनति हरखंते। खां वजीर निज सुभटनि साथ। चलति संग नित श्री गुरु नाथ।। १३।। सूप्रसंग चलावै। अनिक रीति ते गुरू रिझावै। शाहनि के जिम गुरु हरखहिं तिम उर घरै।। १४।। संग अखेर ब्रित्त को करै। मध्र बचन ते बहु सनमानै। वैठिह निकट प्रेम को ठानै। जित कित के नर पूजें गुर को । हेरति अधिकति शरधा उर को ।। १५ ।। तुरक गन महिमा हेरे। सोपि करहिं शरधा वहतेरे। क्रम करि¹ सकल पंथ उलंघाने ॥ १६ ॥ इस बिधि केतिक दिन प्रसथाने। ग्रु रुखसद करि सदन पिधारे। ब्रिध गुरदास मसंद जि सारे। बतसन2 ढिग जिम धेन् लवाई ॥ १७॥ मिले मात गंगा को जाई। मौन ठानि करि थिरी अकेली। सिमरति सूत को रिदा दुहेली। तरकेश्र³ स्थि नही लखंता ॥ १८ ॥ पति ब्रितंत को चितवति चिता। खत्त्री शत्त्रु वघ्यो तिस पासी । गन छलबल को करति प्रकाशी । अबि भीचारी 4 करि बुलवाए — । इम बैठी सोचित दुख पाए ॥ १९ ॥ 'क्यों माता एतो दुख लह्यो ?। हाथ जोरि ब्रिध ने तबि कह्यो। पूत्त्र तुमारो प्रभू बली है। करहि तहां सिभ बात भली है।। २०॥ सगरो जग सिरजिन अरु हानि। निज वल ते करि सकिह महान। तनु को अंत समो लखि तांही।। २१।। बडे गुरुनि सम जानह नांही। दे करि सिर चंद्र के दोश। गए विकुंठ रहे बिन रोस। पित को पलटो अबि इह लहैं। मिलिह शाहु सो शत्त्र दहैं।। २२।। निंह चिंताचित कीजिह माई। मिलिंह पुत्त्र सों अनंद उपाई। सुख पौत्रनि को कर्राह निहारनि । साचि बचन मम करि उर धारने ।। २३।। इत्यादिक वह ब्रिध समुझाई। कहे ब्रिद्ध के शांति स् पाई। नित गंगा गुरु नानक ध्यावै। करिह तिहावल बहु बरतावै।। २४।।

^{1.} धीरे-धीरे। 2. बछड़ा। 3. जहाँगीर। 4. चुगली।

निज घर की नित तोरहि कारी। संगति आवै सदा हजारी। हर मंदरि महिं पूजा होइ। बांछित को प्रापित सिभ कोइ।। २४।। इस प्रकार सगरो विवहार। संमत मात चलहि सभि कार। उत श्री हरिगुविंद गुनखानी। मग गमने जींह पुरि पति पानी ।। २६॥ करित सिवर दिल्ली पुरि गए। खां वजीर संग वूझित भए। 'तुव मरजी कहु कौन सथान ?। डेरा कर्राह जहां सुख ठानि।। २७॥ सरव रीति जिंह वसिंह सुखारे। दिन समूह को करिन गुजारे। जहां सुभट रहिं आछी रीति। संगति गन दरसै जुति प्रीति'।। २८।। सुनित खान करि जोरि उचारी। 'बसहु रिदे तुम ध्यान जुधारी। जिंहं सितिसंग प्रभू गुन गावैं। तहां बसहु तुम को बिन आवै।। २९।। सिमर्राह संत रूप अबिनाशी। तिन के आप वसति हो पासी। नगर सुधासर श्री हिंर मंदर। निस दिन बसहु तिसी के अंदर॥ ३०॥ जिनके सदा सतोगुन लहो। जनु प्रेमी के उर नित रहो। जो मानहि भाणा करतार। तनु हंता जुति तजै विकार॥३१॥ सरल सधीरज उर को हेरे। तहां वास निज करहु बडेरे। सतिगुर शबद सदीपक जाग। सिहजा सिक्खन सेव जुलाग।। ३२।। सित्तनाम सिमरिन लिवा महां। इह सौरभ² ते महिकति जहां। प्रेमा भगति सुखद जिंह पौन³। बसहु अनंद करि अस उर भौन⁴।। ३३।। इस पुर महिं मजनू असथान। अविलोकिन रमणीक⁵ महान। केतिक कहित सुने मैं असे। श्री नानक जी तिस थल वैमे।। ३४।। तहां वास सुख साथ करीजै। प्रथम चलहु देखिन करि लीजै। दिल पसंद करि उतरहुं फेर। नांहित अपर थान को हेरि'॥ ३५॥ इम किं खां वजीर ले चाला। जाइ दिखायह थान बिसाला। श्री जमना को सुंदर तीर। पावन परम प्रवाहित नीर।। ३६।। जिस देखे उर होति अनंद। इक सम थल, कुछ ऊच बिलंद। अवलोकित मुद उतर परे हैं। लिख गुरु रुख़ को सिवर करे हैं।। ३७॥ तंव शिमयाने गन ताने। रेशम डोर जु अँचि वंधाने। खरी कनात बनात खरी की। कित कित चित्रति कार जरी की।। ३८॥ ग्रु के चहंदिशि भट समुदाए। निज निज तंवू तहां लगाए। पंगति लगी तुरंगिन केरी। जहां द्रिशिट करि नित गुरु हेरी।। ३९।।

जहाँ पानीपत शहर है । 2. सुगन्ध । 3. पवन । 4. भवन । 5. शोभाशाली ।
 शिविर, डेरा ।

तिब वजीर खां निकट हकारा। 'करहु आपने सदन उतारा। जे अवसर बिन है तुव आजू। करहु जनाविन आपिन काजू॥ ४०॥ नांहि त पातिशाहु के पासी। सुधि हमरी किर देहु प्रकाशीं। अस किह सिरोपाउ बड मोल। बखश्यो सितगुरु किह स्त्रिद बोलि॥ ४१॥ अस किह सिरोपाउ बड मोल। बखश्यो सिर पर धिर लए। किंचवेग को दूसर दए। ले दोनो सिर पर धिर लए। ठांढे होइ बंदगी ठानी। बोले स्त्रिदुल स बिनती बानी॥ ४२॥ गुरु घर के हम सदा गुलाम। बखश्यो तुम हम पास तमामं। रुखसदे होइ सदन को गए। शील सहूप सराहित भए॥ ४३॥ उतरे पंग कर नीर पखारे। निरमल बसत्र सकल तनु धारे। गए दूरग मिह मिलि किर दोऊ। शाहु संग मिलिबो चिह सोऊ॥ ४४॥

इति श्री गुर प्रताप सूरज ग्रंथे चतुरथ रासे 'दिल्ली पवस श्री हरिगोविंद प्रसंगे' बरननं नाम दोइपंचासती अंगु ।। ५२ ।।

^{1.} विदा लेकर।

अंशु ५३ दिल्ली प्रसंग

दोहरा

पायो अवसर मिलिन को गमने हज़रत पास। अधिक अदब ते बंदगी निव निव करति प्रकाश।। १॥

चौपई

नंम्री होति गए जब नेरे। जहांगीर इन दिशि द्रिग फेरे। देखति बोल्यो शाहु सुजान। 'खां वजीर! ढिग आउ वखान।। २।। श्री जग गुरु अरजन के नंद। नाम जिनहं श्री हरि गोविंद। ग्रता गादी पर श्रवि वैसे। आए किथों न कह सुधि कैसे ?'।। ३।। खां वजीर कर जोरि अगारी। चात्रता जुति गिरा उचारी। 'वय महि अलप, बिद्ध बुधि मांही। डील बिलंद और अस नांही ।। ४।। प्रियम् रित सरित अति संदर । साहिव करामात गुन मंदिर । कर्यो बिलोकिन जिब हम जाइ। तुमरी दिशि ते कह्यो सुनाइ।। ५।। किपा द्रिशटि को ठानि महाना। जिम हम भन्यो सून्यो तिम माना। हइ असवार आप चिल आए। आनि सू उतरे मजनूं थाएं।। ६।। सनित शाह बह भयो प्रसंत। कह्यो वजीर खां को धंत। 'मक्त ढिंग करित हुते नर चारीं। गुरू न अहैं निकट तुमारी।। ७।। अरु खां वज़ीर। छूछे हिट आवहिं तुम तीर-। तिन ते सुनि मैं मानती रह्यो। इस महिं तुव बुधि को बल लह्यो।। ८।। भई गुरू चिल आए। गन दोशनि² ते मो_{र्ड} बचाए। गूरदेवा ॥ ९ ॥ अबि सभि भांति करह तिन सेवा। हरखावह नीके हम सो मेल करावह काली³। सिभ ते गुरु गादी सु विसाली'। इम किह उठ्यो सभा तिज शाहू। खां वजीर आयहु गुरु पाहू॥ १०॥

^{1.} चुगली । 2. दोषों के समूह । 3. शीव्र ।

शाह ब्रितांत भयो सो भाखा। 'करिह प्राति मिलिवे अभिलाखा'। तिब लौ जाम दिवस रिह गयो। - गूरु - आए संगति सूनि लयो।। ११।। लघु बिसाल गुरु सिख नर नारी। मिलि करि सगरे पुरी मझारी। उर अनंद धरि करि चिल आए। अग्ग्र मसंद सिक्ख समुदाए।। १२।। आनि करयो दरशन तिह समो। धर्राह उपाइन करि करि नमो। शबद रबाबी¹ गावित राग। सुनिहं प्रेम ते जे बड भाग।। १३।। दिल्ली पूरि के नर समुदाए। भई भीर गुर दरशन आए। संदरता सरीर बड डीला। अयुध धारी रूप छवीला।। १४।। रीति नवीन हेरि करि संगति। बिसमहिं रिदे निकटि थित पंगत। राज साज को ब्योंत² बनावा। पूरव गुरिन रीति नहिं पावा।। १५।। हेरि हेरि हरखति सिख परखति । किया दिशिट जन अंभ्रित वरखति । सभिहिनि की होवति ग्ररदास । केतिक पूरवित उर की आस ।। १६ ।। दरशन करित न त्रिपतै कोई। निकिट थिरे को खरे सू होई। गुरु की कार सरब ले आए। भयो उपाइन को समुदाए।। १७।। देवता इकट्ठे होइ। जथा बिशन पूजिह सभि कोइ। कै सुरगुरु को मिलि सुर सारे। तिम पूजिन भा गुरू उदारे॥ १८॥ स्याने सिख श्री अरजन गाथा। करति भए तिब श्री गृह साथा। 'शांतिरूप नित पर उपकारी। सिक्ख उधारे जिनहं हजारी।। १९।। फरेंब अनेक बनाए। जहांगीर वह रीति सिखाए। लियो अंत को सिर अब भारी। महिमा नींह मितमंद विचारी ।। २०।। इम किह लोचन ते जल डारा। सितगुरु को उर रूप चितारा। संगति ते स्ति करि अहदेखि। बोले गुरु दे धीर विशेख।। २१॥ 'सतिगुर सदा अमर पहिचानहु। अंग संग निज सिक्ख्यान जानहु। दोनहं लोकिन बिखै सहाइ। अनिक बिघन ते लेति बचाइ।। २२।। करनो हुतो सु कारन तेसे। गुरु मछंद परतत्र न कैसे। जहां अराधिह तिहं मौजूद। दासिन के पूरित मखसूद³ ॥ २३ ॥ तिन हित चिंत न करी अहि कोइ। सिमरहु अंत सहाइक होइं'। कहित सुनित रिव असत्यो जाइ। सोदर चौंकी भोग सु पाइ॥ २४॥ करिकरिवंदन सभिघरि गए। सुंदर रूप सराहति भए। 'इन को तेज प्रताप बिसाला। निज शत्त्रुन गन को इह काला'।। २५।।

^{1.} दरवारी गायक। 2. योजना। 3. कामना

चम् सकल करि खान रुपाना। दीनि तुरंगनि त्रिण अरु दाना। बहुर समिनि कीनिसि विसराम् । सितगुरु सिमरि रूप अभिराम ॥ २६ ॥ मजन् थान रहिंह इक संता। — गुरु मुक्ति आइ मिलैं — चितवंति। नितप्रति नेम धारि सिमरंता। वूझों प्रशन पुरख भगवंता — ॥ २०॥ सो आयो, जिंव भए इकंत । देखि दरस गुरु को हरखंति । सादर कर्यो विठावनि पासि। करि वदन पद, धरे हलास।। २८॥ हाथ जोरि करि वूझिन कीने। 'उर शंशै मुझ करहु सु हीने। इह जग साच कि झूठो बन्यो ?। निशच भयो न में मन गुन्यो।। २९।। जे करि साच इसे ठिहरावों। पूरव मरे नहीं द्रिशटावों। जे करि झुठो करौं बिचारिन । सभि प्रतक्ख्य ही होति निहाराने ॥ ३० ॥ साच झठ दोनहं विधि कहैं। आपस बिखै विरोधी अहैं। तिमर तेज¹ इकठे निह होइ। यांते निरनै² मोहि न कोइं॥ ३१॥ सूनि सितगुरू तबि उत्तर दीनि । 'जिव नर सुपतिहि निद्रा छीनि । सूपन अवसथा जिवहूं पाइ। सगल जगत जानहु तिस भाइ।। ३२।। जिब ली सुपना नर को रहै। तिब ली साचो ही तिस लहै। भै पावति अरु भाज्यो जाति। कै प्रिय देखति उर हरखाति।। ३३।। जे सुपने को झूठो जानहि। त्रांस बिखाद हरख क्यों ठानहि। तिब साचो लिख कै सिभ करै। वीरज बिन साचे क्यों गिरै।। ३४।। जाग्रत जबिह अवसथा पाइ। जे साचो तिब क्यों न दिसाइ। यांते अनर वचिन प्रभु माया। जानी परिह न बिन गुर दाया।। ३५।। साच झूठ किछु कही न जाइ। तिह कारज इह जग तिस भाइ। माया को आखय³ अग्याना। इस को रूप, न निज को जाना।। ३६॥ वसतु सत्त्य को जानहि नांही। कलपहि अपर तिसी के मांही। दे द्रिशटांत तोहि समझावै। जग की रचना तथा जनावै।। ३७॥ तम महिं रजु को नांहिन जानहि। भ्रम ते बिसीयर⁴ तिस को मानहि। भै धरि कै भाजति कंगाइ। जे हुइ झूठो क्यों डरपाइ।।३८॥ जे साचो हुइ बिनसै नाहीं। यांते अनर वचित लिख तांही। तिम ब्रह्म रूप नहीं जिन जाना। तिस को भाखित हैं अग्ग्याना॥ ३९॥ जिब अग्ग्यान ब्रह्म को भयो। तिस अग्ग्यान जगत निरमयो। सितगुरू बड़े भाग ते मिले। सो उपदेश देहि जबि भले।। ४०॥

^{1.} अंधेरा और प्रकाश 2. निर्णय। 3. नाम। 4. विषधर, साँप।

जैसे रज्जू ग्याता कोइ। उपदेशहि-अहि नहिं इह होइ। मैं नीके हेरी रज्—, कहै। भै अरु कंप तिसी को दहै।।४१॥ तिम उपदेश गुरू जिब करै। ब्रह्म अग्ग्यान तिसी को हरै। कलप्यो जगत सरप की न्याई। ब्रह्म रजु सम लखि सुख पाई।। ४२।। बंध्या सुत सम जग निहं कूरे। इंद्रय विशय दिखति विधि रूरे। सत्त्य ब्रह्म की सत्त्या संग। भासति है सति नाना रंग।। ४३॥ जिह साचो होत्रै धिशटान¹ । तहां कलपना बनिहै आनि । जावति नहिं धिश्रटान सु जानहि । भावति भ्रम ते कलपनि² ठानहि ।। ४४ ।। निशचै होइ ग्यान धिशटान ! पुनह कलपना करहि न आन । यांते सुनहु संत श्रृत मांहि। जिह अलंब³ जग, जाहु तांहि।। ४५।। जिस जाने सगरो भ्रम जाइ। सभि वचित्त्रता एक लखाइ। ब्रह्म सरूप आप हइ, मानि। सति चेतन आनंद महान।। ४६।। जे माया को कीजहि निरनो। इस को अंत न क्योंहूँ बरनो। जुंग कोटानिकोट 4 गन हेरैं। तऊ सु लिखयित परे परेरैं।। ४७।। माया की है शकति अनंत । खोजि खोजि हारे वृधिवंत । किस ते पार न पायो जाइ । यांते एक रहे लिवलाइ ।। ४८ ।। सोई भगत संत सो ग्यानी। सोई ततवेता गुन खानी। धंन पुरख तिन लीनिस लाहा। बिनु इक जाने अखिल फनाहा ।। ४९।। सुनि सतिगुर के बाक स साध। जाने - इह अवतार अगाध-। किया द्रिशटि ते भयो निहाल। तबि गुरू महिमा लखी बिसाल।। ५०।। 'धंन धंन गुरू' किं सुभ बानी। पद अरबिंद बंदना 'संसै हीन भयो उर मेरा। सुनति बाक अरु दरशन हेरा'।। ५१।। जाइ आपने थान रह्यो है। चितवित चित, जो गुरू कह्यो है। डेंढ जाम निश्ति गई बितीति। उपदेश्यो लिख कै युति प्रीति ॥ ५२ ॥ पुनि सतिगुरू स्त्री हरिगोविद। भए अरूढ प्रयंक बिलंद। पौढि रहे सुख पाइ बडेरे। सावधान चाकर चहुं फेरे।। ५३।।

इति श्री गुर प्रताप सूरज ग्रंथे चतुरथ रासे 'दिल्ली प्रसंगे बरननं नाम तीन षंचासित अंशु ॥ ५३॥

^{1.} आसरा । 2. कल्पना । 3. सहारा, आसरा । 4. करोड़ों । CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

अंश ५४

सतिगुरू शाह मेल प्रसंग

दोहरा

निसा जाम जागे गुरू कीनो सौच शनान। आसन करि ग्रासीन तबि निज सरूप धरि ध्यान।। १।।

चौवई

गावैं। राग रागनी रुचिर वसावैं। रवाबी आसावार केतिक सिक्ख सुनींह तींह आइ। कितिक कंठ ते पाठ अलाइं।। २।। सित्तनाम सिमरित सिभ डेरे। जनु अंग्रित बरखंति बडेरे। प्रात होति लै सितगुरू बानी। पठित सुनित करि प्रीति महानी।। ३।। सूर 1 उदै सिभ सूर 2 सुआए। गुरु तंवू दर पर समुदाए। श्री हरिगोविंद चंद अनिदे। बिकसे जुग लोचन अर्रबिंदे॥ ४॥ सूखम बसत्र महिद अभिरामा। गन पालिन को पहिर्यो जामां। दसतार। सिर पर शोभित दुती उदार।। ५।। संदर ऊपर जिगा जवाहर जरे। कलगी मुकता को गुछ धरे। नव रतने अंगद भुज पाए। जबर जवाहर गरे सुहाए।।६।। वहिर फ़रण करवाइ बिसाला। तंवू ते निकसे तिस काला। खरे सकल हुइ बंदन ठानी। दरशन करित गुरू गुनखानी।। ७।। कंचन खचित प्रयंक बडेरा। आसतरन ते म्रिटुल घनेरा। बैठे लग्यो दिवाना महाना। जोधा थिरे शसत्र घरि नाना॥ ८॥ सिख मसंद सेवक समुदाए। खरो मेवरो अरज अलाए। पुरि बासी सिख करे कराह। म्राविन लागे गुरू के पाह।।९॥ जिनहु भावनी पूरन होई। अरपनि लगे आनि करि सोई। पृरिते गुरू लगि लारो पर्यो। दरशन करिन प्रेम उर भर्यो॥ १० !।

^{1.} सूर्य। 2. शूरवीर।

'कोस सैंकरे जिन हित जाते। आए धरि महिं सो सुख दाते। को अस मंद भाग हुँ भारे। जाइ निह गुरू दरस निहारे'।। ११।। इम आपस महि कि कि कि चाले। सौच शनानिन ठानि उताले। लै लै संग कराह उमाहे। चिल आविति श्री सितगुर पाहे।। १२।। होनि लगी सभि की अरदास। बरतिह पंचांम्रित गृरु पासि। बह उतसव करि करि नर नारी। दरसिंह गुरु पर है विलिहारी॥ १३॥ गन संगति को मेल सकेले। दरसिंह चहंदिशि गुरू सुहेले। इतने महिं वजीर खां आयो। पग पंकज पर सीस निवायो।। १४।। सादर तिसै बिठाविन कीनि। पिखि सरूप मुद प्रेम प्रवीन। हाथ जोरि करि अरज गुजारी। 'हजरित करित याद हित धारी।। १५।। दरस अपूरब हेरिन चाऊ। सुनि गुनगन मन सिहज सुभाऊ। गुरू जी बारि वारि तुम बाति । वृझति रह्यो रिदे हरखाति ॥ १६॥ किपा धारि निज करहु पयाना । भित्त्रनि सुख दिहु शत्त्रुनि हानां। सुनि करिश्री हरिगोविंद चंद। श्री मुख ते बोले जग बंद।। १७।। 'अबि संगति सगरी चलि आई। धरि शरधा दरसिंह सुख पाई। पूरन इनहु भावनी होइ। बरति कराहु लेति सभि कोइ।। १८।। गुरु प्रसादि ले घर बरतावैं। सिन परवार जनम सफलावैं। बहु प्रेमी दरशन हित आए। किय इन त्याग सकहि, चिल जाए।। १९।। जिंब इन की हुइ पूरन आसा। करि करि दरशन जाहि आवासा। तिब हम चलिंह शाहु के पासी। भिलिंह भले, दिल होिंह हुलासी'।। २०।। सुनि वजीर खां बहुर उचारे। 'हम भी सेवक सिक्खं तुमारे। देहु प्रसादि खाइ सुख पावैं। मानुख जनम अपनि सफलावैं।। २१।। हजरित के हित दीजिह और। पहुंचावौं मैं तिस ही ठौर'। तिब सितगुर दीने हुइ थाल। भिर कराहु संग स्वाद बिसाल॥ २२॥ 'इक को राखहु अपनि अवास। दूसर देहु शाह के पास'। ले वजीर खां करि कै नमो। उठि तूरन गमन्यो तिस समो॥ २३॥ निज निकेति इक पठि करि थाला । दूसरि शाहु निकटि ले चाला । उतलावति दर उलंघि तमाम। हजरत कीनि शनान हमाम।। २४।। निकस्यो वहिर असन रुचि जागी। हुती सीत रुत बहु छुधि लागी। तिब कराहुले पहुंच्यो तहां। हेरित हज़रत मुख ते कहा।। २५।। 'कहु वजीर खांक्या ले आयो ? सतिगुर संग नहीं द्रिशटायो'। कर जोरित तिब कह्यो सुनाए। 'श्री गुरु िकपा प्रसाद पठाए॥ २६॥

आप त्यारि होवति हित आविन । प्रथम करह मुख महि इह पाविन । हती छुत्रा ढिग शाह मंगायो। भर्यो कवर¹ कर आनन पायो।। २७।। स्वाद अपूरव पाइ अजाइव। कह्यो 'धनं गृरु नानक साहिव'। इक शुभ असन दुतिय गुरु कला। त्रितीए छुधा स्वाद अति भला।। २०॥ अपर ग्रास पुन मुखमिह पाए। खावति रुचि ते वचन अलाए। 'श्री नानक ब्रिध बय बहु होवैं। अस प्रसाद जिन हित करि जोवैं।। २९ ॥ बिना दसन सो खाइं सुखारे। साद विसाल समिनि इकसारे। अबि ली मैं न स्वाद अस पायो। इह सम अपर बह खायों।। ३०।। कहि वजीर खां 'जो गुरवानी। अति स्वादल सगरे दुख हानी। मेरो दरद सुनित जिस गयो। परखी तिव तन सिभ सुख दयो।। ३१।। सुंदर अति सरूप वड डील। देखति रही अहि म्रिद्रल सूणील। मसु भीजित² मुख नेत्र बिसाल। किपा द्रिशिट देखिन शुभ ढालि।। ३२॥ बोलित मनह जरित हैं फुछ। तुम पर खुशी करिह अनुकूल'। इम बोलित अचवन को कर्यो। वैठिन तखत शाहु चिल पर्यो॥ ३३॥ सुनि गुन पुन वजीर खां संग। कह्यो 'जाहु चढि वेग तुरंग। आनहु अबै हमारे पासि। दरशन करौं गुरू सुखरासिं।। ३४।। हरखित हजरत ते सुनि करिकै। गयो गुरू ढिग हय पर चरिकै। करी नमो भाखी अरदास ॥ ३५ ॥ पहुंच्यो उतलावित तिब पास। गुरू भन्यो 'हम आगे त्यार'। इमकहि भए सु असु असुवार। जेठा आदि पंच सिख साथ। गमन कीनि श्री सितगुरु नाय।। ३६।! सने सने हय को ठहिरावैं। तेज होति कुछ ग्रलप कुदावैं।— मो ते जाति अगारी पौत-। रिसति मरोरित है पग दौन³।। ३७।। अवनी⁴ वजित परित जिब पौर । पहुंचे एव दूरग के पौर । जो देखति सो सीस निवावै। घीरज मान रिदे विसरावै।।३८॥ मूरित पिखिंह अपूरव अहै। सुंदरता देखित ही रहै। इह गुरु रूप कितिक नर जानें। कितिक विलोकित वूझिन ठानें।। ३९॥ 'कौन देश को बड महिपाला ?। जहां वसैं, तिन भाग विसाला'। पहुंचे जहांगीर के तीर। श्री हरिगोविंद बीर सधीर।। ४०।। चौकी तखत समान विछाई। सुजनी सेत स्वच्छ संगि छाई। है उमराव आइ अगुवाए। मिले देखि करि सीस निवाए।। ४१।।

^{1.} ग्रास, कीर । 2. दाढ़ी-मूँछ उठ रही है । 3. दोनो पावों को । 4. धरती

ले करि गए शाह के तीर। बैंठि गए चौंकी पर धीर। सादर बंदन करि कै जाह़। रूप विलोकित बैठे पाह़॥ ४२॥ मनहु बीर रस धरयो सरीरा। दिपति प्रताप रिदे गंभीरा। हजरित हेरित विसम विचारी। —इह गादी संतिन मत धारी।। ४३।। प्रथम सभि तैसे भए। इनकी क्रांति लयो मत नए। विहर बेस मिहं फरक महाना। अंतर की गित जाइन जाना।। ४४।। जे मत राज साज को धारी। हिंदु तुरक जिस दावे कारी। तौ निज गादी रीति विगारी। होइ न विडिआई पून भारी।। ४५।। अंतरि मतं संतिन होई। बाहर वेख बिगार न कोई। तथा प्रशन करि परखौं अवै -। इम विचारि बोल्यो वच तवै।। ४६।। 'सुनहु पीर जी! जग मत दोइ। हिंद तुरक महिं नर सिभ कोइ। राम, रखुदाइ, किपाल, करीम । अलह, अकाल, अनंत, रहीम ।। ४७ ।। इम कहि किया प्रिथक ही करें। निज निज को शभ सभिहि उचरें। कौन दौनि महि आछो अहै ?। जग बंधन ते को छुटि रहै ?'॥ ४८॥ श्री हरिगोविंद सुनित बखाना। 'सिरजनहार 1 एक हम जाना। इक सम पंचहुं तत ते बने। इंद्रिय देहि एक सम सने।। ४९।। करनहार को सिमरहि जोइ। सिम ते दीरघ जानह सोइ। इस पर भगत कबीर बखाना। दुहं दिशनि को भेद मिटाना।।५०।।

श्री ग्रंथ जी बाक ।

प्रभाती स्त्री कबीर जी की ॥
अविल अलह नूर उपाइआ कुदरित के सभ वंदे ॥
एक नूर ते सभु जगु उपिजआ कउन भले को मंदे ॥ १ ॥
लोगां भरिम न भुलहु भाई ॥
खालिकु खलक खलक मिह खलकु पूरि रिह ओ स्त्रव ठाई ॥ १ ॥ रहाउ ॥
माटी एक अनेक भांति किर साजी साजन हारै ॥
ना कछु पोच² माटी के भांडे ना कछु पोच कुं भारै ॥ २ ॥
सिभ मिह सचा ऐको सोई ॥
तिसका कीआ सभु कछु होई ॥
हुकमु पछानै सु एको जानै बंदा कही असोई ॥ ३ ॥

^{1.} निर्माणकर्ता। 2. कमी।

अलहु अलखु न जाई लिखआ गुरि गुड़ दीना मीठा । कहि कबीर मेरी संका नासी सरव निरंजन डीठा ॥ ४ ॥ ३ ॥

चौपई

वाहिर बनाउ एक सम बनयो। अंतर ब्रह्म एक ही भनयो। जो नर चिह अपनी कल्ल्यान। तिज जावे को भिज भगवान।। ५१।। मानुख जनम अमोलक रतन। दुरलभ प्रापित हुइ वड जतन। विशियनि विलसनि, वंघनि दावे । इक विराटिका 1 वदले जावे ॥ ५२ ॥ जे लागे सिमरिन सित्तनाम । से लाहा लै गे निज धाम । जिस के छूटि जाइ भ्रम उर का। तिस कै क्या हिंदू क्या तुरका॥ ५३॥ सभि महि पूरन एक पछानहिं। जथा गगन व्यापक जग जानहि। सत्ता चेतन की सिम पाइ। इकसम ही सिम परिह लखाइ।। ५४।। जिनहु देहि हंता दिढ घारी। ते दावे वांधहि भ्रम भारी। हलति निह सुख, पलति न ढोई। प्रभु ते सदा दुहागणि सोई!। ५५॥ नहिं तनु हंता, होति न दावे। तन विन अर्शन रूप लखि पावे। हलति महां सुख, पलाति अनंदे। सो प्रभु पति की प्रिआ विलंदे।। ५६।। छुटिबो नहिं जानहिं नर अंधा। दावे बंधन ते लहि बंधा। तन हंता के बिना बिसारे। नहिं प्रभु पायित अपर अपारे॥ ५७॥ यांते सुनहु शाहु तन मान। इस के त्यागिन ते दुख हान। जिब तन हंता भई बिनाश। तिब दावे बंधन कित आसे।। ५८।। सुनि हजरत ने रिदा बिचारा। — नयो वेस इक बाहर धारा। प्रथम गुरू के मत सम मत है। निशचा एक रीति ही चित है -।। ५९।। 'धंन पीर जीं वाक बखाना। श्री नानक के हो तुम थाना। जिनको सुजसु चंद सम चारू। हिंदु तुरक सभि करित उचारू ।। ६०॥ करी भेट उर शरधा धारा। इम किह अरप्यो दरव हजारा। सो जेठे ने लीनि उठाइ। रंग शाहु संगि ते हरखाई ॥ ६१॥

इति श्री गुर प्रताप सूरज ग्रंथे चतुरथ रासे 'सितगुरू शाह मेल' प्रसंग वरननं नाम चतुर पंचासित अंशु ॥ ५४॥

^{1.} वाडी।

अंशु ५५

केहरि निकंदन प्रसंग

दोहरा

'खुशी करहु निज पीर जी सभि सथान निज जानि । दिहु दरशन को दिन इहां मम इछ पूरन ठानि ॥ १ ॥

चौपई

इम कहि सुनिकै करे बिसरजन¹। उठि निकसे ले अपने सिख जन। बरखाशत भई। निज निज थान सकल चिल गई।। २।। आए श्री सतिगुर निजं डेरे। चहुंदिशि वंदन होति घनेरे। कुछ बिसराम पौढि करि कीनि । घटिका चतुर बिताइ प्रबीन ॥ ३ ॥ बहुर उठे चढि चले तुरंग²। नदी विलोकिन भ्यामल रंग। तीर तीर गमने गुर धीर। हेरति बिमल प्रवाहति नीर।।४॥ थान बहु सुंदर। उतर परे तिहं श्री गुन मंदर। दूरि इकंत सौचाचार कर्यो थल थिरे। जल कर चरन पखारिन करे।। ५।। 'शाहु संग किम वाक अरूझे ?। हाथ जोरि तहिं सिक्खनि बुझे। आइ कीनि अबि नई।। ६।। मुलाकात कैसे करि भई ?। पूरव रहे प्रसंन कि नींह दिशि दोऊ। चारी करित रह्यो सठ जोऊं। निज प्रिय जानि दास सिख सारे। मिले जया, सु प्रसंग उचारे।। ७।! 'नहीं शाहु के रिदे खुटाई। सादर मधुरी गिरा 3 अलाई। हिन्दू तुरक बाद की गाथा। बूझित रह्यो हमारे साथा।। ८।। जिम संसं कीनो हम आगे। उत्तर पाइ कर्यो अनुरागे। सुनि सिक्खनि—हितकारी शाहू—। हाथ जौरि पुन कहि गुरु पाहू ।। ९ ।। 'पापी करि को पाप महाना। राख्यो गोप, नही इन जाना। सो बिदतावह बदला लीजै। जस कीनिस तस फल को दीजैं।। १०।।

^{1.} बिदाई। 2. घोड़ा। 3. वाणी।

सुनि सतिगुरु बोले सिख भावति । 'गुरु पित पलटा लेहिं न जावत । तावत सुख सों नींद न आवै। खान पान रुचि ते नींह भावै।। ११।। केतिक दिन महिं गहि करि तांही । हतौं कुमौत $^{
m 1}$ तजौं किम नांही । पूरी कर्राहं सपथ ए कही। गुरु दोखी उवरिह अबि नहीं'।। १२।। इस प्रकार करि बचन विलास। चहैं दुशट को करिवो नाश। चिं तुरंग पर डेरे आए। खान पान करि निसा बिताए।। १३।। बहुर शाहु जवि याद करंता। ढिग हकारि गुरु दरस लहंता। चिंढि शिकार को विहर सिधावैं। बड़े झील फिरि बाहरि आवें।। १४।। भई शाह को सुधि गुरु केरी। खिलति अखेर2 विती बहुतेरी। इक दिन ले करि अपने संग। गए शिकार अरूढि तुरंग।। १५।। मीर शिकारनि शिकरे लीनि। जुररे, बाज रुस्वान, कुहीनि। गन गडीरने पर हैं चीते। कातन गमने म्रिग भै भीते।। १६।। हते झपट ते लपट बिहंगा। श्कर ससे झंखार कुरंगा। को तपकिन ते मारि गिराए। को तीरिन तखारिन धाए।। १७॥ पाढे घेरि घेरि गृरु मारे। करि लाघवता तीर प्रहारे। निज आगे को जानि न दीयो। तुरकेशुर हेरति हित हीयो।। १८।। आयुघ बिद्द्या महिं बिंड जाने । देखि तमाणो उर हरखाने । सुन्यो प्रथम कित केहरि बली। भई णाहु के उर सुधि भली।। १९।। भन्यो सभिनि सो 'करह पयाना । जित दिशि केहरि सुन्यो महांना'। तिब आगू हुइ ले गुरु संग। चत्यो शाहु चिं तुंग मतंग।। २०।। खोजन कर्यो सु कानन जबै। भभकति निकस्यो केहरि तबै। हेरति सूरा कितिक पलाए। को सुनि शब्द निकट नहिं आए।। २१।। घोरा ठरे मूत्र को छोरा। गज नहिं गमनहिं घोर सु ओरा। शाहु मतंग थिरहि नहिं कैसे। महां बीर ते काइर जैसे।। २२।। तिब पुकार करि गुरु सों कह्यो। खरे सु धीरज को जिब लह्यो। 'तुम ही करहु प्रहारिन इसै। जिंव लों घात करिह निंह किसैं'।। २३॥ श्री सतिगुरु घोरा तिब छोरा। खड़ग सिपर गहिगे तिस ओरा। तुपक छुटनि कहि शाह हटाई। पिखनि तमाशो लगि समुदाई॥ २४॥ बर्यो बिरे मिहं केहरि जहां। लगे बिलोचन सिभ के तहां। धीरज सहत जाति गुरु ग्रागे। मनहुं बीर रस सोवति जागे।। २५।।

¹ बुरी मौत। 2. शिकार।

गमनित गहे खड़ग अरु ढाला। बरन बदन को अरुन विसाला। निकट होइ करि शेर प्रचार्यो । 'निकसि वहिर अबि क्यों बल हार्यो?'॥ २६॥ निकस्यो गरजित केहरि सोऊ। सनम्ख द्रिणटि भई जिव दोऊ। झटकति सटा भीम जनु काला।। २७।। फेरित लांगुल टौर कराला। बदन पसारि आइ भभकाति। लांबी बेल भयानक दांत। हेरति लोक सकल विसमाए। —श्री गुर बर्चीहं न इस अगवाए ।। २८ ॥ हम आगे अस केहिर महां। नहीं विलोकिन कीनो कहां—। ठांढे दूर त्रास को पात्रैं। देखति गन, को निकट न आवे।। २९।। आवित सनमुख बदन पसारा। धरि धीरज सितगुरू निहारा। बाम हाथ धरि सिपर अगारी। करि प्राक्रम को मुख परि मारी।। ३०।। पछेता मेला। \mathbf{a} पे 1 , ओज ते दीनि धकेला। आगे होइ चंद्रहास चमक्यो कर दाए। गिरति शेर के उदर लगाए।।३१।। बही भगौती गुर के कर की। करि तकबीर तुरत दो धर की। गिर्यो प्रिथी पर पग उलटाए। मर्यो जानि देखनि गन आए।। ३२।। बरछै हते शाहु के हाथी। तिस दिशि कर्यो जतन के साथी। कीनि विलोकिनि ह्वै करि पाहू। बली शेर ते बिसम्यो शाहू।। ३३॥ 'घंन घंन' सतिगुर को कहै। खरो निकटि तिस की दिशि लहै। केहरि को निकस्यो तिब जीव । महा प्रकाशवंति सो थीव ।। ३४ ॥ आरुनता फैली सिभ गैन³। देखति शाह उठाए नैन। बूझे गुरू 'कहां इह भयो ?। कौन हुतो मरि कित इह गयो ॥ ३५॥ क्यों प्रकाश असो द्रिशटायो। पिरूपो अपूरव मैं बिसमायो'। सुनि श्री हरि गोबिंद बखानो । 'कासम वेग नाम इस जानो ।। ३६ ॥ तुम हकारिक वूझिन की जै। सुन्यो चहहु सो उत्तर ली जै'। जहांगीर ले नाम गुहारा। तिन तरु पर थिरू होइ उचारा।। ३७।। 'पूरव जनम हुतो नर तन मैं। अबि केहरि हुइ बासौं बन मैं। पातिशाह अकत्रर तुव तात । लगति कत्रीले महिं तिस भ्रात ।। ३८ ॥ इक दिन अमरदास गुरु पास। गयो शाहु करि दरशन आस। हुतो संगि मैं दिखि रिस छाई। —क्या पूजिन हिंदू ढिग जाई ?।। ३९।। चल्यो नहीं मेरो कुछ चारा। मुख ते बहु अपवाद उचारा। नरिन सुनाइ निद मैं करी। जरी न गुरु कीरत, मित जरी॥ ४०॥

^{1.} गुस्से से भरकर। 2. तलवार। 3. आकाश।

निस महिं डेरा गोइंदवाल । उठ्यो अचानक सूल बिसाल । खाने बिखै मास रहि काचा। खायो मैं सु उदर नहिं पाचा॥ ४१॥ गुरु अरु मास चितवना चित मैं। दुख ते होति भयो तिव म्रितु मैं। मास दोण ते धरि तन शेर। गुरु चितवित फल लह्यो घनेरा।४२।। आप आनि करि मुझ को मारा। भव सागर ते कीनि उधारा। तुं बडभाग दरस को पावति । ध्यान जुगीशनि के जो भावति ।। ४३ ।। इम कहि सुरग बिखै चिल गयो । सुनित शाह मन मैं विसमयो । रूप अकार न देखति भयो। जनु तरु बोलति इम सुनि लयो।। ४४।। सतिगर की महिमा बडि जानी। वली बीर अति कीरति ठानी। करामात साहिब गुरु गादी। करी हजारिन के घट शादी ।। ४५।। बडे बहाद्र गुरु बल भारी। गेर्यो शेर सिपर मुख मारी। जया डील तिम आयुघ धारी। कोइ न समसर² होइ तुमारी'।। ४६॥ हजरित हरखित ने गृह तीर। सने सने³ हिट गमने धीर। रूप बिलोकति सुजसु बखानति । गुरु बोलति सुनि पुन सनमानति ॥ ४७ ॥ पुरि के निकट गए जिह समो। शाहु वंदि कर कीनी नमो। सितगरु निज डेरे को आए। शाहु दूरग प्रविषयो निज थाए।। ४८।। सभि उमराव जिनहुं गुरु देखे । आपस महिं जसु करित विशेखे । 'बली बहादुर बीर बिलंद। उतिर केहरी कर्यो निकंद।। ४९।। करि बहादुरी शाहु दिखाई। कीरति आप बदन ते गाई। खान पान करि खिलकत⁴ सारी । सुपति जथा सुख निशा गुजारी ।। ५० ।। इति श्री गुर प्रताप सूरज ग्रंथे चतुरथ रासे 'केहरि निकंदन' प्रसंग बरननं नामः पंचम पंचासति अंगु।। ५५॥

^{1.} प्रसन्नता । 2. समान । 3. धीरे-धीरे । 4. उपस्थित समूह ।

अंशु ५६

दिल्ली ते कूच करनि प्रसंग

दोहरा

बीति गई सो जामनी कीने सीच शनान। वसत्र शसत्र गुरुपहिर करि बैठे लाइ दिवान।। १।। चौपर्ड

हानित पंचानन को कानित । को आनन भिन को सुनि कानित । सुधि हित आए सिक्ख पुरि वासी। देखति दरशन वैठे पासी।। २।। बुझित भे प्रसंग जिम भयो। 'केहरि बली आपि हित दयो। सुख सरीर सारेपर रह्यो ?। नख को घात नहीं कित लह्यो ?।।३।। मसंद ने सकल सुनाई। 'जंबुक² सम स्खेन लिय घाई'। इतने महि वज़ीर खां आयो। हाथ जोरि करि सीस निवायो।। ४।। वैठ्यो निकट सुजसु बहु कह्यो। 'शाहु आपि ढिग आविन चह्यो। श्री सितगुर डेरे बिच रहो । निंह आगवन इहां को चहो-।। ५ ।। तिम कहि मोकहु पठ्यो अगारी। भयो प्रसंन हेरि बल भारी। वैठि रह्यो करि गुरू समीप। उत भा त्यारि तुरक अवनीप³॥६॥ चिल मजन् के आइ सथान। गुरु करिवाइसि फरण महान। करि डसवाविन विड मसनंद। धरि पाछे उपधानु विलंद।। ७।। गादी पर बैठे गुरु पूरे । चामर चलहि चलाचल रूरे 4 । बडो दिवानि लग्यो तिह समो । श्रानि अनेक ठानिते नमो ।। ८ ।। जहांगीर जिंव बैठे हेरे। हय ते उतिर आइ तिब नेरे। करि अभिबंदन बैठ्यो पास। कहि अखेर के बाक बिलास।। ९॥ 'केहरि बली आपि के मारा। पुन ब्रितंत तिन अपनि उचारा। साहिब करामात गुरु गादी। सिक्खनि दियो ग्यान अहिलादी⁵।। १०।। 1. रात । 2. गीदड़ । 3. बादशाह । 4. सुन्दर । 5. प्रसन्न होकर ।

श्री हरिगोविंद सुनित उचारा। 'अंति समं जिस जस मन धारा। पाइ जून तस करम अधीन। भोगति दृख सुख को जिम कीन'।। ११।। घटिका एक बैठि करि शाहु। गमन्यो पुन उर घारि उमाहु। इस प्रकार बीते दिन केते। सतिगृह निज सिक्खनि सुख देते॥ १२॥ पूरि ते सिख संगति चली आवैं। भए बिलोचन को फल पावैं। चंद बदन को दरशन करि करि। बैठित निकट अनंद उर भरि भरि।। १३।। कमल पांखरी आंखि विसाले। तीनख कोर वान अनियाले। दरशन करहिं कामना पावैं। अनिक अकोरिन को अरपावैं।। १४।। इस प्रकार सिक्खी बिसतारी। करनि पयान शाह भा त्यारी। पठ्यो वजीर खान को तबै। करि बंदन प्रसंग कहि सबै।। १५।। 'हजरित कही करिन असुवारी। कह्यो आप सों —कीजिह त्यारी। नगर आगरै चिल करि थिरैं। केतिक दिन बिलास तिहं करें॥ १६॥ करहु आप भी सैल घनेरे — । शाहु दहति है मेल बडेरे। खेलहु मिलि अखेर 1 बिधि नाना । वन उपवन को पिखहु महाना ॥ १७ ॥ कह्यो शाहु मन प्रेमी ह्वै कै। —गमनहु संग किया निज कै कै'—। इत्त्यादिक कहि कीने त्यारि। भए साथि सतगुरु असुवारु॥ १८॥ गमने पंथ ग्रागरे चले। हित अखेर हजरत कवि मिले। हर्नाह िम्रिगिन कहु अधिक धवाइ। देखित ओज² शाहु हरखाइ।। १९।। इम कम कम ते पहुंचे जाई। थिरे आगरे पिखि गुभ थाई। कवि कवि मिलिहं निकट बुलवाविहं। होइ एकठे विहर सिधाविहं॥ २०॥ इक दिन किस को मुख ते सुन्यो । गुरु को 'सचु पतिशाहु' सू भन्यो । जहांगीर उस संसै भयो। -- मुझ ते भी उचो पद थियो।। २१।। रह्यो गिनति चित महिं अधिकायो । — इह किम नाम अपनि धरायो । साचो पातिशाहु नरे कहैं। इती जिठाई क्यों करि लहैं।। २२।। एक द्योस³ पुन चढे शिकार। भयो मेल बोल्यो हित घारि। 'सुन्यों जगत महिं नाम तुहारा । कहिं — साचा पतिशाहु - उदारा ।। २३ ॥ गुरु नाम तुम को बनि आवै। जथा प्रथम ही बिधि कहिवावैं। सुनि बोले श्री हरगोविंद। 'अैसो नाम जि किंह जग बिंद।। २४।।

^{1.} शिकार। 2. जोश। 3. दिन।

अरुपहिं भेट आइ दरसें हैं। दूरि दूरि ते संगति अहै। हम नहि किस को कहैं कदाई। आपहि नाम धरैं समुदाई ॥ २५॥ जहांगीर को कहि समुझायो। तऊ न निशचे तिस उर आयो। श्री गुरु जानि लीनि मन केरी। — लखि न सकहि बिनु लोचन हेरी —।। २६॥ धन् तरकण, कट खड़ग सुहाए। विपन¹ शिकार खेलि करि आए। हित गृह दरसन आए सगर।। २७॥ संगति अधिक आगरे नगर। 'पंचाम्रित करिकै समुदाए। उत्तम अनिक अकोरिन ल्याए। दरशन करे गुरु के, पावैं।। २८।। मनोकामना जिम करि आवें। मुख मंडल जनु चंद छबीला। सुंदर डील बिलंद सुशीला। दिपति दसन जनु हीरिन पांती ॥ २९ ॥ भुजा प्रलंबति आयृत छाती। पिखिंह कटाखिन बंधिन मोचन। त्रिपा भरे अरबिंद बिलोचन। इत्यादिक सुंदरता सारी। महाराज के लच्छण भारी।। ३०।। जोधा गुरु बिलंद सुहावै। करि संगति दरशन, हरखावै। महांबीर करि हैं रिपु हाना'।। ३१॥ 'इहि घालहिंगे किब घमसाना। बार बारि गुरु रूप निहारैं। इत्त्यादिक जस् को बिसतारें। कुशल प्रशनगुरु सभि सोंकरैं। ऋिपादिशटि दासनि परि धरैं॥ ३२॥ ग्रावें सुनति सुजम् अभिराम्। निकटि निकटि के पुरि अरु ग्राम् । सिवख्य सैंकरे बनिह नवीन। लोक प्रलोक श्रेय को चीन। ३३।। दिन प्रति रहित अधिक ही मेले । दरशन करि करि होहिं सुहेले । मनोकामना गुरु ते पावैं। जिंह किंह गमनिहं जस बिदतावैं।। ३४॥ बहुरो इक दिन चढे शिकार। जहांगीर ह्वै करि असुवार। कहि करि सतिगुरु संग चढाए । हयनि कुदावति चले अगाए ।। ३५ ।। श्री हरिगोविंद दूसरि शाहू। दोनहु ग्रमु पर गमनित राहू। कानन चले जाति उतसाहू। भनति सुनित वच अपिस मांहू।। ३६।। जहां म्रिगनि को अधिक बसेरे। लिए जाति भेती जि अगेरे। कूकर, चीते, बाज घनेरे। बहरी, जुर्ररे बेग बडेरे ॥ ३७ ॥ संगि बावरै लेति सिद्याए। जाइ प्रवेशे बन समुदाए। त्रंग।। ३८॥ सतिगुरु अरु हजरत इक संगि। करें धवावनि वेग बन के जीव धेरि करि मार्राह। निकसिंह अग्र न जियत सिधार्राह। तीरित संग अवि गुरु हने। जहांगीर संघारित घने।। ३९।।

^{1.} विपिन, जंगल।

स्वान¹ गहें अरु चीते छोरिह। जानि न देति फांध करि दौरिह। इस विधि करि अखेर को नाना। पिखहि तमाशो करित पयाना³॥ ४०॥ वहुर भई तिछन बड धाम। चाहित उतरिन हित विसराम। बन को छोरित हटे पिछेरे। हेरित छाया सघन घनेरे॥ ४१॥ देखि सथान रुचिर तरु तरे। उतर्यो शाहु खेद³ परहरे। तिस ते कितिक दूरि गुरु थिरे। तरे तरोवर के सुख करे॥ ४२॥

इति श्री गुर प्रताप सूरज ग्रंथे चतुरथ रासे 'दिल्ली ते कूच करिन' प्रसंग वरननं नाम खट पंचासित अंशु ॥ ५६॥

^{1.} कुत्ता । 2. प्रस्थान । 3. थकावट ।

अंगु ४७ आगरे आगवन प्रसंग

दोहरा

शाहु तरोवर के तरे अलप नरिन तिह संग। बैठयो हित बिसराम के खरो समीप तुरंग।। १।।

चौपई

तैसे कितिक दूर गुर थिरे। घाम तपत निरवारनि करे। तिहं इकि घाही चिल करि आयह। घाम खुरचवे हित ललचायह ॥ २ ॥ आवित सुन्यो—गुरू इत आए। हित शिकार के अग्र सिधाए—। हेरख्यो - मैं इत दर्शन पाऊं। मनोकामना सभि पूरिवाऊं ॥ ३॥ होई। टेकों संग नरिन की भीर न कोई। मसतक दरशन हाथ जोरि मैं अरज गुजारों। मन तन के दूख सिभ निखारों - ॥ ४ ॥ इम चितवति चलि करि तिहं आयह । जहांगीर जिंह थिर सूख पायह । वझिन लग्यो 'साच पतिशाह । कित उतर्यो कहीअहि मुझ पाह ?।। ५ ।। शाह नरिन कुछ समझयो नाही। जन्यो हजरित हेरिन चाही। दियो बताइ 'ग्रमक तरु तरे। छाया सघन बिखै तिह थिरे'।। ६।। इम ही बुझति पहुंच्यो जाइ। जहांगीर बैठयो जिस थाइं। बरजन बारो नर जिंह खरो। तिस ढिग जाइ वृझबो करो।। ७।। 'बैठयो जहिं साचो पतिशाह। भेट चढाविन चाहति पाह । शाह सम्ख देखित इम कह्यो। 'आविन देह कहां इन लह्यो।। पा किन्ह न बरज्यो रुख को हेरे। कर धरि टका गयो तबि नेरे। वेख सरूप देखि सो घाही। अधिक अनंद धारि उर मांही।। ९।। आगे टका राखि निज करते। वंदन करि नंम्रि हुई सिर ते। हाथ जोरि पुन अरज गुजारी। 'साचो पातशाह, गृरु भारी!।। १०।। दरशन की अभिलाख घनेरी। सुनह श्रोन ते बिनती मोरी--। दीन दुनी को मालिक अहैं। साचो पातिशाहु—इम कहैं।। ११।।

दास गरीव जानि करि मोही। वनह सहाइ म्रित् जिब होही। अपर कामना कोइ न नाथ! जम ते शखहु दे करि हाय'।। १२।। जहांगीर सुनिक विसमायो। -- गुरू जानि मोकहु इह आयो। मो महिं कहां शकति है असे। रच्छा करों पलति महिं जैसे।। १३।। द्नीआं महिं करिवे समरत्य। नहीं दीन कुछु हमरे हत्थ। श्री हरिगोविंद मुझको जाना। यांते इस विधि वाक बखाना॥ १४॥ दीन दुनी जो करिह सहाइ। सचि पतिशाहित तिस विन आइ। गुरू कहति थे जो मम पास। कर्राह आप नर नाम प्रकाश ॥ १५॥ हम निह किस के संग बखानिह । साचो पातिशाह जग जानिह । कहैं आप ही ते इह नामू। बिदत्यो सगरे पुरि अरु ग्रामू।। १६।। इह कहिबो गुर को सिम साचा। लगनि न देत दास दुख आंचा। इम चित महि चितवित भा शाहू। गुर निशचै होयह उर मांहू॥ १७॥ 'घाही सुनि' तबि कह्यो सुनाई। 'हम दुनीआं के शाहु कहांई। अंतकाल ह्वें नही सहाइ। तिंह कुछ हमरे वस न बसाइ॥ १८॥ साचो शाहु गुरू जिस कहैं। ग्रपर थान सो उतर्यो ग्रहै। तिन ढिग पहुंचहु अरज गुजारो । रिदे मनोरथ को तर्हि सारहु' ॥ १९ ॥ इम मुनि टका उठाइ सु घाही। गमन्यो अपर नरिन के पाही। 'श्री हरिगोविंद सच पतिशाहू । उतरे कहां ? देखिवे चाहू ।। २० ॥ मोहि बतावहु सोइ सथान। बिदत गरीव निवाज महान । सुनि लोकनि गुरु थान बतायो। जिंह तरु छाय अराम सु पायो।। २१।। पहुंच्यो जाइ दरस को करिकै। वंदन कीनि धरिन सिर घरि कै। टका राखि करि अरज गुजारी। 'मैं आयहु गुरु गरिन तुमारी।। २२।। अंतकाल महिं बनहु सहाई। जमदूतिन ते लेहु बचाई। श्रभिलाखित बहु दिन ते दरशन । आज भाग बिंड ते भा परसन ॥ २३ ॥ नाम ग़रीब निवाज तुमारा। करहु निवाहन बिरद उदारा । सुनि सतिगुरू क्रिपाल बखाना। 'सिमरहु सत्तिनाम कल्ल्याना॥२४॥ धरम किरत करि खाहु अहारा। इन दोइन ते सदा सुखारा। निह जमदूत देखिवे पार्वाहं। कर ते करि सितगुरू बचार्वाहं'।। २५।। सुनि बंदन करि गमन्यो घाही। अधिक अनंद धारि उर मांही। तपतं निवारी समां विताइ। चढ्यो शाहुं सनिगुरू बुलाइ।। २६।। महिमा महां मान करि मन मैं। जहांगीर प्रेमी गुर तन मैं। देखित निकट तुरंग चलावै। मुसकावित मुख वाक अलावै।। २७।। CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha सनै सनै पुरि में चिल गए। निज निज सिवर उतरते भए। सुख सो निस दिन कितिक बताए । कबि कबि शाहु मिलहि विगसाए ।। २८ ।। ब्लाए पठि नर पाहु। पुन इक दिन तैसे चढि शाहा। गुरू हुतो प्रभात समो हुइ त्यार। जीन तुरंग सजि भे असवार।। २९।। नगर आगरे इक घर माही। सिख की सुता असिख के व्याही। गुरु दरशन को चाहति रहै। पति ससुसार न आइसु लहै।।३०।। जिब इशनान करिन कउ लागिह । मुख ते इम किह मनु अनुरागिह -। सिन घट घट की सुधि को लहैं।। ३१॥ श्री गर साचे जे करि अहैं। अपने दरगन इहां दिवरी प्रहि -। तौ मम आसा पूरन करिअहि। इस विधि बोलित ले करिनीर। करिह सु मजनन सौच शरीर।। ३२।। नितप्रति कहिबो को करिनेम। चाहित दरशन मन महिं प्रेम। तिस को चितवति सतिगुरु चाले । करित निवाहन विरद बिसाले ।। ३३ ।। जाति वीथका¹ तिस घर जोई। हय चपलाइ चलहि चहि सोई। लेकरि जल को हेत शनान। चढी सदन पर समां पछान।। ३४।। उत ते सितगुर तिहं चिल आए। तिस के सदन जबिह नियराए। सिख तनुजा जिब जल तन डारित । जिम नित बोलित तथा उचारित ।। ३५ ॥ साचो गुर अंतरजामी। पुरहि कामना मम जगस्वामी। इहां आइ दरशन दिखरावहिं। मुख मंडल दुति सदन सुहावहिं'।। ३६ ।। सुनि सतिगुर निज श्रौन मझारा । रोकि तुरंगम वाक उचारा। ''समै शनान बखानित जाचा। चाहित परख्यो जो गुर साचा।। ३७।। सो उठि करि पुरवी निज आसा। नित चाहति जिस दरशन पासां। सुनि करि तनु को तुरत अछादा । ततिछन उठि धरे ग्रहिलादा ॥ ३८ ॥ चंद मानिदा। श्री हरिगोविंद रूप विलंदा। संदर वदन लोचन कीनि चकोरन जोरा। हइ बिलहारी जुग कर जोरा।। ३९।। अधिक प्रसंन भई मनमांही। प्रेम अधिक जांके तन मांही। सीस निवाइ बंदना ठानी। रुकी प्रेम ते आइ न बानी।। ४० ।। पूरन अवतारा। कर्यो सफल मुझ संसै टारा। गुरू प्रवो दास मनोरथ घने। करे उधारिन जांहि न गने ।। ४१।। जसुको करित रही चिर काल। चले गुरू सो भई निहाल। चारु तुरंग चलावति । देखति मुख नर नारि लुभावति ।। ४२ ।।

^{1.} वीथि, गली।

शाहु संग मिलि गमने वन में। करति अक्षेरिन वांछित मन मैं। शूकर 1 संसा कुरंग 2 हराए। स्वान रु चीते छोरि गहाए॥ ४३॥ अभिलाखित फिरि वन के महीआ। हरे नगर को हरख उमहीआ। निज डेरे महिं आन बिराजे। डील दराज प्रलंब³ भुजा जे॥४४॥ जसु विसित्रिति⁴ भयो तिस देश। दिन प्रति संगति आइ विशेश। दासनि कर्रीहं कामना पूरी। जगमींह सुनि इह कीरित रूरी।। ४५॥ सेवक नए अनेक सुजाने। आवित दरशन को सुख माने। लें गुर ते पग पाहुल घने। उपदेशहिं दासनि हित सने॥ ४६॥ सुनि करि सुजसु सुजन रखवाविंह। निदक चंदु आदि दुख पार्वीह। करिह मेल को शाहु घनेरे। किव हकारि, कै आवित डेरे॥ ४७॥ दरव अकोर बसत्र बहु मोले। अरपिह हयों⁵ जो देशिन टोले। इस विधि केतिक दिवसु विताए। नगर आगरे थिर सुख पाए॥ ४८॥ इति श्री गुर प्रताप सूरज ग्रंथे चतुरथ रासे 'ग्रागरे आगवन प्रसंग' वरननं नाम

सपत पंचासति अंशु ॥ ५७ ॥

^{1.} सूग्रर। 2. हिरण। 3. लम्बी मुजाओं वाले। 4. विस्तृत। 5. घोड़ा।

अंशु ५८

शाहु को नज़्मी भ्रमावनि प्रसंग

दोहरा

दिन प्रति पिखि इख्लास को जहांगीर गुरु केर। अदब करिंह उमराव सिभ बंदिंह जिबहूं हेरि।। १।। चंदू के मेली दुर्खिंह निंदक अपर बिसाल। जथा चोर पिखि चंद को जानिह दुखद कराल।। २।।

चौपई

चंदू सुनिह शाहु को मेल। करिह अखेर होिह गुरु गैलि । दरब पंच सै नीित 2 पुचाव । कहिह मधुर सनमान वधाव ॥ ३ । — मम प्रानित को शत्त्रू महां। शाहु संग मिलि धन गन लहा। नित प्रति मिलिह बधिह अधिकाइ। इम जे भयो मीिह दुखदाइ॥ ४॥ बिना उपाइ बिन चित जिरहों। नहीं बचौं तिन ते दुख सहों। मैं बिन चुगल मुगल पित अपास। चुगली उगली बोल्यो तास॥ ४॥ बुरा करिन तिस कीिन उपाइ। भला बिसाल बनित नित जाइ। खर कंटक लिख बोबिन कर्यो। सो तो रह्यो कमल शुभ खिर्यो॥ ६॥ धन सुगंधता जिस ते पाई। यौं बिपरीित भई बिरिग्राई। अबि को जतन बनावौं असे। हिर्गुविद काराग्रिह वैसे॥ ७॥ तहां दरब को लोभ दिखावौं। कैद बिखै किह कै मिरवावौं। तो बचाइ मेरी हुइ जाइ। मिलिह न शाहु संग किम आइ—॥ ८॥ इम गिनती को गिनित हमेश। संकट चिता जिसिह विशेश।

^{1.} साथ । 2. नित्य, हररोज । 3. जहांगीर । 4. ज्योतिषी ।

निस में तिमिर¹ भए घर गयो। दरव पंच सै तिस को दयो। भनति बिनै समुतिसके साथा। 'मेरो भलो अहै तुव गाथा।। १०।। चित दे करहु इही उपकार। अपर देउं धन पंच हजार। हुइ लचार मैं तुझ ढिग आयो । बिन सहाइ अबि हौं शरनायो ।। ११ ।। सुनित नजूमी बोलिन कीनि। 'शाहु दिवान भए किम दीन। सिर के जोर करौं तुव काजा। फेर शाहु मित सहत समाजा।। १२।। को दुख भयो सुनावन कहीअहि ? मैं निखारौं चित न धरीअहि'। सुनि तबि सभिहि बितंत स्चारा। 'हिंदु गुरू संग वैर हमारा॥ १३॥ तुझ ते परदा नाहिन राखौं। जथा भई सगरी मैं भाखौं। गुरु अरजन को सदन उतारा। दे सजाइ बढ पूरव मारा॥ १४॥ अवि तिस को सुत हरिगोविंद। कर्यो शाहु सों मेल विलंद। मैं करि चारी³ इहां हकारा। आइ आपनो काज जवारा॥ १५॥ तिस को हत्यो चहति मैं अबै। इस उपाइ चितव्यो सुनि सबै। तूं किह शाहु संग ग्रस बात। साढसती आई बक्ख्यात।। १६।। मुख मुरझाइ वनहु दिलगीरि। जिस ते शाह धरै नहिं धीर। म्रित को भै दिखराविन करीअहि। वूझै जतन त एव उचरीअहि।। १७।। हरि गुविंद आखय वनख्यात। सोढो होइ सु खत्री जाति। हित तुमरे सो फेरिह माला। थल गुलेर मिंह वैठि निराला।। १८।। तिब सुखैन दिन बितिहिं तुमारे—। एव प्रवोधहु जाइ सकारे³। टरहि शत्त्रु तिव लिहु धन घनो । करहु जतन वहु बुधि ते भनो ।। १९ ॥ तबहि नजूमी धीरज दीनि। 'मैं इम करौं चिंत करि हीन। शाहु करति नित मैं जुबताए। पूरव अनिक 4 बार पतियाए 5 ।। २०।। मेरे कहिबे की देरि। सुनित गुरू को पठींह गुलेर'। गयो चंदु तिब हरख धरंता। जान्यो गह्यो न छुटहि कदंता॥ २१॥ पित कै सम करि कै इस हान । तिब निचित हुइ टिकों सथान —। निस महिं पर्यो रह्यो निंह सोवा । गिनत गटी चित चित परोवा ॥ २२ ॥

भई प्रभाति नजूमी गयो। वगल किताब मिलन मुख कियो। जाइ सलाम शाहु सों करी। किहन बात चातुरता धरी॥२३॥ मिलन नजूमी की दिश हेरि। शाहु विहस बूझित 'है खैर?। किम आवित है मन मुरझायो ?। कछू काज तो निहं बिगरायो॥२४॥

^{1.} अंधकार । 2. चुग़ली । 3. प्रात:काल । 4. अनेक । 5. विश्वास ।

सुनि करि कहिन लागि छल सानी । 'विद्या करहि विचार महानी । दयो आप को सनिकुछ खाति। चहिंदिन रैन ख़ैर $^{\mathrm{I}}$ तुत्र गाति।।२५॥ खोजित करे भले ग्रैह सारे। साढसती अबि चढी तुमारे। कूह महद इह दुख की दाता। जिस पर चढित करित इह घाता॥ २६॥ पुन उपाइ में अधिक विचारे। जिस ते नीकी रहै तुमारे। र्सुनित शाहु दलकयो³ धरि त्रासा । 'कवि ते चढी कहहु मुझ पासा ? ।। २७ ॥ जतन बिचार्यो सो कहि दीजै। साढसती बल जिस ते छीजैं। तबहि नजूमी बाक उचारे। 'दुखद चढी इह आज निहारे।। २८।। बहु लोकिन को नहीं सुनावहु। राखहु गोप महां फल पावहु। सोढि वंस खत्त्री शुभ जाती। हरि गोविद नाम वक्ख्याती।। २९।। करहि शनान तीन हूं काला। दुरग गुआलियर थान निराला। गहि करि माला वैठिह बरनी। ठानि मौिन करि असे करनी॥ ३०॥ तुमरे हेतु मनोरथ धारै। पाक अलाह रिदै संभारै। करह जतन हुइ ख़ैर तुमारी। साढसती वल हुइ निरवारी॥ ३१॥ अपने देश अशेश विशेश। खोजहु अस नर मिटिह कलेशं। सुनित शाहु चित चित परोत्रा । कहे नजूमी के डरु होवा ॥ ३२ ॥ इक चंदू दुइ त्रै उमराऊ। हुते समीप, बिलोकि सुभाऊ। सभिनि एक मित पूरविगिन्यो। तऊ न बिनु बूझै तिन भन्यो॥ ३३॥ कितिक काल सोचित रहि शाहू । बोल्यो बहुर बिलोके पह्हू । 'अस नर है कि नहीं किस ठाहर ? । नतु खोजहु पुरि करि बहु आहर !। ३४ ।। करहि जु बरनी फेरै माला। मोहि बिखाद विनाश विसाला। अस आनहु खोजहु पुरि सारे। तिस को दै हौं दरव उदारें।। ३५॥ चंदू इक उमराव सु प्रेरा। शहु संग बोल्यो तिस वेरा। 'औसा नर रावर के पास। सगरे पते मिलति हैं तास।। ३६।। जो हिंदुनि महिं गुरू कहावै। लाखहुं सिख बनि सीस निवावैं। जिनहु वहिर केहरि 3 को मारा। सो इस विधि को रिदे विचारा॥ ३७॥ सोढी कुल खत्त्री तिन जाति। हरि गोविद नाम बक्ख्याति। करामात भी सुनी सु राखै। लोक सकल —गुर गुर–तिस भाखैं।। ३८ ।। दरव पंच सै रावरि घर ते। पहुंचित नित अनंद सीं बरते'। कहै शाहु 'सो तौ गुर पीर। मरउत शरधा पिखि भे तीर।। ३९॥

^{5.} कुशल। 1. काँप उठा।2. शेर।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

किम इह बात कहिन बनि आवै। वरनी करनी दुरग सिधावै। श्री नानक गादी ज भली है। तिस पर बैठयो वाक बली हैं।। ४०।। सुनि बोल्यो तबि चंदु कुपात्रा । 'तुम कुल के दीपक चवगत्रा। जहां पनाह आप वड भागे। सभि जग के द्रिग तुम दिशि लागे।। ४१।। खैर शरीर जि होहि तमारे। तौ गिनती अस कहां बिचारे। तुम ते श्रेशट अपर न कोई। रावरि श्रेय करिह निह जोई।। ४२।। श्री नानक गादी पर वैसा। रिदे न संसा कीजीह असा। सो वेदी कुल महिं तन पायो। इह सोढी खत्त्री कुल जायो।। ४३।। बिना संदेह पठाविन करीअहि । अपर न गिनित कोइ बिचरीअहि । जे रावरि तनु की सुख होइ। प्रान देति हम देरि न कोइ॥४४॥ तुम कशट जि बांट्यो जाइ। हम सहि लेहिं रिदे हरखाइ। जे इम सुनि है हरिगोविंद। कर्गह जाप लहि अनंद विलंद।। ४५॥ नहिं सकहु तुम आप उचारहु। दिहु सनमान समीप हकारहुं। तीसर उमराव बखानै। 'विद्द्या महां नजूमी जानै।। ४६।। जाय जुकरहिनाम तिस जाति । जानी विच किताव वक्ष्याति । खोजे विना निकट सो पायो । होइ न जग, अस निहं वतायो ।। ४७ ।। आगै बहुत बारि पतियावा। जथा कहै तिम बन्यो बनावा'। कह्यो नजूमी 'हम इह काम। खोर्जीहं हज़रत हाल तमाम।। ४८।। देखति बुरो ग्राइ बतलाऊं। कहे जतन सभ खेद मिटाऊं। सदा शाहु की श्रेय करंते। दरव समूह सदीव लहंते।। ४९॥ हरिगोविंद करि है चालीसा। सिमरिह नाम अलह जगदीशा। करहि शाहु की खैर खुदाइ। मिटहि कलेश अनेक बलाइ'।। ५०।। सुनि उमराउ कहित 'हम जाना। गुन विद्द्या तुम विखै महाना। अजमत जुति मित संत सुभाइ। जाप करिन, सो दयो वताइ।। ५१॥ बसिंह इकंत दुरग के मांहू। तिस ते भलो न क्यों हुइ शाहू। इक चिति सिमरहि नाम खुदाइ। साढसती आदिक दुख जाइ'॥ ५२॥ एव उतार चढाउ सुनाए। जहांगीर को मन भरमाए। सिभ के कहे जानि करि साची। डरित मर्रान ते गिरा उबाची²॥ ५३॥ 'आइ स्राप मैं तिन के डेरे। किहीं बिनै जुित बाक अगेरे। किपा करिहं लेविहं बच मानि। करिहं जाप ते मम कल्ल्यान ॥ ५४॥ इति श्री गुर प्रताप सूरज ग्रंथे चतुरथ रासे 'शाहु को नजूमी भ्रमावनि प्रसं

बरननं नाम असट पंचासित अंशु ।। ५८ ।। 1. दुष्ट । 2. मृत्यु का डर देखकर बोले ।

अंशु ५६

श्री गुरु हरगोविंद दुरग प्रवेशनि प्रसंग

दोहरा

सुधि भोजन के करिन की शाहु नहीं सुधि कोइ। दासिन कहि बहु बारि तिब अच्यो कुछक उठि सोइ॥ १॥

चौवई

चार पांच मूढिनि² के मित की। सुनि करि बात चित चित फ्रितु की। चिं गज पर गमन्यो गुरु ओरे। बरजे रखे साथि नर थोरे॥ २॥ खुशी न चित को भावति कोई। तिसी संदेह बिखैं विर्वित होई। पहुंच्यो गुरु ढिग वंदन धारी । अरपी चारु अकोर³ अगारी ।। ३ ।। मौन ठानि करि बदन मलीना। बैठ्यो शाह निकट मन दीना। सितगुर चतुर, परिख मुरझायो । हित बूझिन के बाक म्रलायो ॥ ४ ॥ 'हज़रत ! कहहु कवन है कारन ?। जिस ते एव दशा किय धारिन । बदन प्रकाशित नहीं तुमारा। मनहु जूप मिंह मन को हारा।। ५।। नहिं पूरव सम बोलिन वाछे। नहिं बिलोचिन बिकसती आछे। को अस काज विगार्यो कांहू ?। जिस ते खुशी नहीं मन मांहू'।। ६॥ कह्यो शाह 'क्या कहौं सुनाई। असमंजस गीत कही न जाई। तऊ अवश्थ्य बनी अबि आनि । सुनहु पीर जी करौं वखान ॥ ७ ।। साढसती मोरे पर आई। अपर नहीं कुछ होति उपाई। एक जतन सो हाथ तुमारे। जिस ते उपजिह खैर हमारे।। ८।। दुरग गुआलियर महिं थिर ह्वै कै। सिमरहु अलह माल कर लै कै। को बल परहरो।। ९।। इक चालीसा जे तुम करो। साढसती खैर होइ सभि रीति हमारे। हुइ बरनी जिब एव तुमारे'। श्री सितगुर सुनि सिम लिख पाई। जथा दुशट मिलि कीनि खुटाई॥ १०॥

^{1.} खाया। 2. मूर्खी। 3. भेंट।

अबि जे करीं हटाविन शाहू। मिलिन होइ, संसे मन मांहू। जे नहिं जाइं, कुटिल मिलि कहैं। हम सों विगरैं, भेद न लहै।। ११।। उर बिचार गुरु कह्यो बनाई। 'तौ परि साढसती नींह आई। नहीं कशट कुछ आवहि नेरे। श्रेय अहै तेरी हम हेरे॥ १२॥ जिस पर साढसती अवि आई। तिस ते वनहि न एक उपाई। काल जाइ भिख देखति तेरे। मरिह कुम्नित्¹ पाप फल प्रेरे। १३॥ हमरे प्रविशे दूरग मझारे। उपजित है कल्ल्यान तुमारे। तौ हम जांहि जाप को करें। सभि संकट तेरे परहरैं॥ १४॥ सुनित शाह हरख्यो मन मांहू। —साढसती बल होइ बिनाहू —। 'धनं गुरू जी तुम सभि लायक। शरनागति के कशट नसायक² ॥ १४ ॥ खातर जमां रिदे अबि होई। संकट मोहि छुवै नहिं कोई। किपा धारि हइ हरख समेता। जाप करिन गमनह मम हेता॥ १६॥ तम ते आछो को हइ प्यारो। जिन के दिए प्रान तन धारों'। परवाना 3 तिब शाहु लिखायो। दुरगपती 4 के पास पठायो।। १७॥ 'श्री हरि गोविंद इहठां आवें। करि चालीसा मोहि बचावें। आछे थल डेरा करिवावह। जो किछ चहैं सु पास पठावह।। १८॥ देते रहियो अधिक अनंद। मानह नाह्यो सकल कर बंदि। निकट हमेश जाह इक बारी। वृझित रहह लेहु सुधि सारी ।। १९॥ इम किं शाह बंदना करी। ग्रिह की गमिन सु इच्छा धरी। सितगुर कह्यो 'रहै सिभ डेरा। हम गमनैं तित होति सवेरा॥ २०॥ कर्माह निवारिन बाघा तोरी। बहुर बिनागहि कुटिल जि खोरी⁵'। सुनित शाहु किंद् 'मैं अनुसारे। करहु प्रथम मो पर उपकारे'॥ २१॥ गयो शाहु उठि अपने धामू। श्री हरिगोविंद तन अभिराम्। त्यारी करित भए निज सारी। सभिन सुनावित गिरा उचारी॥ २२॥ 'पंच सिक्ख गमनहिं हम संग। रहै चमू सुधि लेहु तुरंग। होवित रहै देग इस रीति। सभि की सुधि सभि विधि लिहु नीत'।। २३॥ कह्यो मसंदिन को समुझाइ। 'हम आविह दिन कितिक विताइ। सिभिनि संभार करो हुशियार। रहहु सृचेत निवेस 6 मझार $^{'}$ ।। २४॥ खान पान करि निसा बिताई। भई भोर गमने गोसाई। पंच सिक्ख ले संग पयाने। पहुंचे जाइ गुआलियर थाने।। २५।।

^{1.} बुरी मौत । 2. नष्ट करने वाले । 3. विट्ठी । 4. किने का प्रबन्धक । 5. छिमकर वैर करने वाला । 6. निवास, घर ।

दुरगपती भ्राखय हरिदास। सिमिरित सदा सहित गुरपास।--किम दरशन मैं चलि करि पावों। नहीं दुरग को छोरि सिधावों।। २६।। अहैं कैंद इस मिंह बहु राजे। मेरे गए विगर हैं काजे। शाह तकीद करित बहु बारी। दुरग विसास न कीजिह धारी।। २७॥ नहीं कोस भर छोरि सिधावहु। जिन दरमाहा वैठे पावह। निहं दुरग तिज जायहु जावै—। सिमरिह सितगुरु—दरस दिखावें।। २८।। गयो शाह को जबि परवाना। करित प्रतीखन हरेख महाना। पहुंचे तर्हि श्री हरिगोविंद। तिब हरिदास उठ्यो करि बंदि।। २९।। वंदन कीनि भाउ बड धारा। लेकरि संग सु दुरग मझारा। करायह मितगुरु डेरा ॥ ३०॥ प्रविष्यो आछो थल जिंह हेरा। जोइ सुंदर परधंक डसायो। आस तरन सों नीके छायो। तिस पर बिनती भाखि बिठाए। बैठि तरे मन बांछित पाए।। ३१।। चहति रह्यो मैं दरस उदारा। कहति भयो 'सुनि सुजसु तुमारा। आन दियो दरशन इस बारे।। ३२।। घटि घटि की तुम जाणिन हारे। देति मनोरथ दास जु बांछे'। कर्यो निहाल मोहि को आछे। श्री मुख ते किय बाक प्रकाश ।। ३३ ।। भाउ हेरि करि बहु हरिदास। दुह लोकिन गति लहति सुखारी। 'गुरु घर के जो शरधा धारी। चार पदारथ दें ततकालक ॥ ३४॥ श्री नानकं जगगुर सिभ मालक। सूनित हरख करि कै हरिदास। वसतु जु चिहयित पठी सुपास। पहीपाल विसाला । उमर कैंद जिन की सिम काला ।। ३५ ॥ कैद बिखें तिसी दुरग महिं गेरति सोई। कबहं न छोडिन जिन को होइ। भए अनंद मनहं छुटकाए।। ३६।। सुनी सिमनि 'सितगुरु इत ग्राएं। गृह को दरस कीनि सूख पाइ। कर जोरे सिम ही तिहं आइ। सिभ के ऊपर बसत्र मलीन। तन ते दुरवल चिंता पीन।। ३७।। केश शमश महिं जूंक¹ घनेरी। पाइन पीन ही वेरी। परी जीरन पट तन धारिन करे। झुकति होनि की आस न धरे।। ३८।। विछरे परवारिन अरु देश। निस दिन जिनहुं कलेश विशेश। जरासिंध जिम राज गहे। देखि किशन को आनंद लहे।। ३९॥ तिम सभि पिखि श्री हरिगोविंद । नाम किया जुग की मानिंद । देखित किंगा किपाल विसाला। सभि को दई धीर तिस काला।। ४०।।

^{1.} जूंएँ।

रहिन लगे पुन दुरग मझारे। सभि कैदिनि को देति अहारे। पातज्ञाहु ते धनु बहु आवै। पुन हरिदास रसद पहुँचावै।।४१।। वनहि तिहावल नित सनुदाइ। जिते दुरग महिं सगरे खाई। छुधिति रहिन पावैं निहं कोई। स्वादल असन देति बहु होई॥ ४२॥ कैदो बिंद सिपाही। सतिगुरु दें पंचाम्रित खांही। तऊ बचिह पुन वहिर दिवावैं। आनि लोक गन ले करि खावैं।। ४३।। इक दुइ काल बीत करि गए। गुरू अहार न करो भए। पंच सिवख जेटा रु पिराणा । सभिहिनि पिखि कर जोरि बखाणा ॥ ४४ ॥ 'इह कारन भा कौन गुसाईं ? आप नही भोजन को खांही। धिक हमरो तुसरे बित खायो। बरत्यो देखति लें मुख पायो।। ४५॥ श्री मुख्रते फुरमावनि कीनि। 'इह भोजन हम खांहिकबीन। वहिर जाइ मिहनत करि ल्यावहु । रसद खरीदहु विपनी जावहु ॥ ४६॥ तिस ते त्यार अहार करीजिह । हित भोजन के सो हम दीजिह । नांहित रहि हैं पौन² अहारी। जिब लिग बासिंह दुरग मझारी।। ४७।। सुनि सतिगुर ते बहर सुनाई। 'हम निज हाथनि ल्याइं कमाई। कीजिहि भोजन आप हमेशू। हम को अहै सुखेन विशेशू।। ४८।। ले आग्या गमने तिस बेरे। वहिर दुरग के निकट ठठेरे। तिन सों निज मिहनत ठहराई। 'कर्राह अपर ते दुगिन कमाई।। ४९।। सरब जामनी किती करै हैं। एक रजतपण दोनह लैहें। कह्यो ठठेरिन 'जे बहु घालि। वेहिं मजूरी तुर्मीह बिसाल'॥ ५०॥ संध्या ते गहिलीनि दिवान। धरिन लगे करि तान³ महान। जथा ठठेरा विधी बतावै। पकरि हथौरे तथा लगावैं।। ५१।। होति भोर लिंग बासन बिंद। घरे अगारी ते स होइ प्रसंन रजतपण दीनि। दोनहुं रसद खरीदिन कीनि।। ५२।। चुन स चावर सूखम लीने। झित मिशटान लियो गुभ चीने। पय खरीद गुर के ढिग ल्याए। पाक सिद्ध सिभ कीनि बनाए॥ ५३॥ सभी त्यार करि थार परोसा। सतिगुर को अचाइ करि पोसा। सिभिहिनि पाइ अनंद विशेशू। करित भए तिम कार हमेशू॥ ५४॥

इति श्री गुर प्रताप सूरज ग्रंथे चतुरथ रासे 'श्री गुरु हरगोविंद दुरग प्रवेशि प्रसंग' बरननं नाम एक ऊनसशटी अंशु ।। ५९ ॥

^{1.} वन, जंगल । 2. पवन, वायु । 3. बल, शक्ति ।

अंशु ६०

सिक्खनि मसलित करिन प्रसंग

दोहरा

उर हरखित चंदू भयो पुर्यो मनोरथ जानि।

दयो नजूमी को दरब अह उमराविन मान।। १।।

चौपई

परे कैद अबि करीहौं हान। छूटनि निकसनि होहि तहां न —। जतन बिचारित मारिन केरा। निस दिन गिनती गिनही घनेरा॥ २॥ जमांदार को लिख्यो बनाइ। 'इहु मम रिपु 1 जानह इत आइ। करि उपाव मैं तुझ ढिंग भेजा। इस दुख ते मम पांक करेजा॥ ३॥ नहिं दुरग ते निकसनी पावै। इम कीजहि जिम जम घर जावै। सो उपाउ मैं कहौं बनाई। पोशिश सिन दिहु जहिर लगाई।। ४।। तजीं प्रान पहिरति बिकराल। ग्रति तीछन जिस ते ततकाल। इह बनवाविह हित पहिराविन ॥ ५ ॥ निज नर आछो कीनि पठावनि । तुम निज कर लै के ढिग जावो —। पोशिश पठी शाह — बतरावो । कहहु कपट के माधुर बैन। पहिरावो तन हेरहि नैन।।६॥ जिंब मम रिपु जम धाम पहूचे। तोहि मरातब² करि हों ऊचे। शाहु निकट ते मान करावौं। हेत गुजारे ग्राम दिवावौं।। ७।। पंच हजार दुख मैं दैहीं। अपीन सखा प्यारो करवैहों। इम लिखि करि आछो नर भेजा। कह्यो कि 'दरब संग गन ले जा।। ८।। पठ्यो पातकी 3 को नर गयो। देखि दुरगपित को खत दयो। पठि करि जान्यो अखिल 4 हवाल । सितगुर ढिग पहुँच्यो ततकाल ॥ ९ ॥ 'तुझको पठ्यो शाहु इस थाने । सभि फरेव इह चंदू ठाने । लोकिन धन दे सिखलायो। हत्यो चहति इस दूरग पठायो॥ १०॥

^{1.} शत्रु । 2. मनोकामना, पद । 3. पापी । 4. समस्त ।

अपर न वरनी करनी कोई। इह प्रपंच सभि तिस ते होई। अबि मुझ को लिखि भेज्यो तैसे। मैं तिस कही न मानों कैसे।। ११।। सिब पिढ करि सतगुरिन सुनायो । पुन पावक मैं सो खत पायो । श्री हरि गोविंद बाक उचारे। 'मरिह द्शट पहुंचै जमद्वारे॥ १२॥ आित समा ढिग पहंच्यो तांही। हतौं क्मीत बचाहि अबि नांही। जमादार सनि करि हरखायो। 'इह वड पापी बहत बचायो॥ १३॥ करी अवग्या विड हं वडेरी। अवि ली निहं बाधा कुछ हेरी। दिहु सजाइ तिब दशट ज सारे। निरधार्रीहं रावरि उर घारे॥ १४॥ वहिर जाइ चंद्र नर हेरा। कह्यो 'जाह निज सदन सवेरा। हम ते अब अस होति न कोई। भलो जानि तुम कीजिह सोई।। १५।। लिख्यो जाहइन राजि सखारे-। चहि चंदू अघ हम नहिं धारें। गयो निरासा जाइ सुनायो। बहुदूख ते मन महि मुरझायो॥ १६॥ निस दिन जिसके चिंत बिसाला। हतौं किमैं नत् मेरो काला-। उमराविन धन दीनि सिखायह । 'नहीं शाहु के याद करायहु ।। १७ ॥ गुर को जिकर करहु कवि नांही। जिस ते बसहि दूरग के मांही। शाहु जि कहै, फेरी मित दीजै। निज सुख हित गुर निह निकसीजै।। १८।। बसहि दुरग सिमरंति खुदाइ। तुमरी विनसहि अखिल बलाइ। निज सुख चहहु दुरग मिंह राखो—। सिमरिह शाहु जि. इस विधि भाखो ।। १९ ॥ इत्त्यादिक नित कपट रचंता। महां दुशट अघ 1 नहीं लखंता। इसी रीति दिन बीते चाली। नहिं शाहु किंब कीनि संमाली।। २०॥ वैठि समा मींह जिकर जिकर्यो । किह किर उमराविन सो हर्यो । 'तुमरे तन मुख हुइ गुर वैसे। दुरग विखै निकसाउ न कैसे।। २१।। दरव जाति रावर के घर ते। नित अनंद सों वैठ्यो बरते। तुमरे कुशल, गुरू धन पावै। इस महि दोश न कुछ बनि आवै'।। २२॥ इम फरेव 2 की किंह किंह बात । जहांगीर की मीत विचलाति । दुइ दिन ऊपर बहुर गुजारे। भिलि सिख पंचहुं कीनि विचारे।। २३।। 'श्री अरजन की सम इह बाति । चंदू तकहि गुरू तन घाति । शाहु समीनी साम अपनाए। तिम भाखिह जिम देति सिखाए॥ २४॥ जहांगीर किम धीरज गहै। सगरे नर बद मसलित कहैं। कै श्रवण बडेरे। जिस किस ते सुनि लेति न हेरे।। २५॥ अवनीपन

^{1.} पाप । 2. धोखा ।

दोइ तीन मिलि फेरहिं मत को। परिहं काज निज, कहति असति को। जहां कचिहरी समसर सारी। इक आशै पर करित उचारी।। २६॥ सो कारज परविह नींह कैसे। करह बिचारन निज उर असे। सतिगर छिमा निधान महाने। लवपुरि राखे बरिज निसाने।। २७।। निज बल नहिं संभारनि कीनि । हम को अजमित करनि न दीन । साहि करि सरब सजाइ सरीर। गमनि कीनि बैकुंठ सधीर॥ २८॥ कौतक सभि चंद्र करे। शाह रिदे कूछ समझ न परे। दरग ग्वालियर गुरू बिठाए। तींह क्या करिह लिख नींह काए।। २९।। मानि बाक जे दए बिठाई। —बहुर बुलावौं — सूधि नहिं आई। जे सिंघ होहि तिनहुं मित फेरी। नहीं हकारै गुर इस वेरी।। ३०।। आपे शाह ब्लाविह पाही। निहं अस आस धरह उर मांही। अरु सितगुर अजमित न दिखावै। सहैं सकल जैसे बनि आवै॥ ३१॥ यांते करह बिचारिन बाति। जिस ते गुर सिक्खिन कुशरात। जेठे ते सुनि सकल पिराणां। सिभिनि सुनावति बाक बखाणा।। ३२।। 'ग्र मरजी जेकरि इम नांही। करहु जि तुम लखि कै उर मांही। करहिं क्रोध ते बाक उचारनि । परहि आनि तबि संकटदारून ।। ३३ ॥ कहह सहाइक ईहु तबि कौन। नहिं ढिग बचहिं न गमने भीन1। करह कार हुइ गुर अनुसारी। सभि बिधि उपजिह कुशल तुहारी।। ३४॥ इतने बिखे आइ ब्रिध भाई। सिभ उठि चरन परे सिंहसाई 2 । सिक्खिन अपने बिखै बिठायो। 'अबिह अराम सितगुरू पायो।। ३५।। जिब उठि बैठिहि, दरशन कीजिहि । देश सुधासर की सुधि दीजिहि । आवन भयो आप को कैसे ?। सुमित सहत सुधि दिहु हम तैसे।। ३६।। ब्रिध तिब कही 'गुरू सुधि पाई। दुरग गुआलियरु थिरे सु जाई। किस कारन ते 'तहां पठाए। जान्यो जाइ न लोक बताए।। ३७ N सुनित मात ब्याकुल मुरझाई। उर संदेह समूह उठाई। पठि दासी को मोहि बुलावा। चित संकट गन सकल सुनावा।। ३८।। मो प्रति हुकम मात दिय एहु। — तुम तिह जाहु, सरब सुधि लेहु। बनहु सहाइक शीघ्र करीजै। ठानहु जतन दुरग निकसीजै।। ३९॥ इस सेवा हितु मैं चिल आयो। मात बाक को निह उलटायो'। सुनि जेठा बोल्यो 'तुम स्याने। उचित उपाउ कौन अबि ठाने ?'।। ४०॥

^{1.} भवन, महल। 2. सहसा, अचानक।

निज संवाद सुनाइ सु दीना। 'तुम आगे हम असे कीना। नहीं रजाड् 1 गुरू ते लीनी। यांते मसलति भी सिम हीनी॥ ४१॥ तुम अरु गुरु महिं भेद न कोऊ। आप कहहु हम ठानहिं सोऊ। विन अजमित होइ न छ्टकारा। पर्यो विघन अस, लेहु विचारा॥ ४२॥ जे करि त्रास पइ उर शाहू। तौ निकसाइ दुरग के मांहू। नाहिं त तिस को विगरति क्या है। गुरू बिठाइ निचित भया है।। ४३।। जे किव सिमरिह गुर गुन जानि । चहै हकारिन को हित ठानि । चंद्र के समुदइ । कहि बहु विधि ते मित विचलाई ।। ४४ ॥ पक्खी अविध वढी तिनि वासुर चाली। विती अधिक लिख आज सु व्याली। हम चाहित हैं कर्यो उपाइ। किम रावर की अहै रजाइ?'।। ४५॥ स्नि भाई ब्रिधि ने मन जानी। जथा भविवख्यति महिं प्रभु ठानी। कह्यो वाक सिक्खनि समुझाए। तुरकेशुर दिह त्रास दिखाए॥ ४६॥ मात हकम ते मैं इह कह्यो। , जतन करिन को पठविन चह्यो। -किस के कहे करी अस बात ?-। गुरू वूझिह लिहु नाम सु मात'।। ४७॥ इम सिक्खिन मिलि मसलित होई। 'जांहि जामनी' महिं तिंह दोई'। ब्रिध आइस्³ ते उर हरखाए। करनि उपाउ सिभिनि मन भाए।। ४८॥ दपहिरे सतिगृरु जागे। मिल्यो ब्रिद्ध भाई अनुरागे। जिम वुझी सुधि सरव वत।ई। अति अनंद पिखि रह्यो समाई॥ ४९॥

इति श्री गुर प्रताप सूरज ग्रिथे चतुरथ रासे 'सिक्खिन मसलित करिन' प्रसंग बरननं नाम सशटी अंसू ।। ६०।।

^{1.} आजा 2. रा^र 3. आजा

अंशु ६१

रातीं जहांगीर को शेरों ने डराइआ

दोहरा

श्री हरिगोविद ब्रिद्ध को देखि रहे हरखाइ। 'कहहु सुधासर सुधि सकल सिख संगति समुदाइ॥१॥

चौपई

प्रिय पुरता जुप्रतीखति — आवैं —। अस मम मात सनेह उपावै। सकल कुशल तिन अहै सरीर ?। पिखनि चहति मम कौ युति धीर ॥ २ ॥ किम आगवन आप को भयो ?। कायां निवल खेद मग लयो। विशेश ॥ ३॥ असू पर चढनो चलनि हमेश। हयो होइगो श्रमति श्री नानक के हेरनि हारे। बडी अवसथा बल तन् हारे। बैठि रहिन ही तम बिन आवै। दरशन ते गन दोश मिटावैं।। ४।। तमारे स्धा* समान। श्रवन करे सूख लहैं महान। बचन किया सहत कोमल गुरुबानी। सुनति अनंदति आप वखानी ॥ ५ ॥ कुशल छेम सों वसहि तिथाए। 'छोरि सुधासर को जिम आए। ओर ते संगति आत्रै। म्दति रिदे अंग्रितसर नावै।। ६।। हरि मंदिर महिं जाहि बहोरी। परम प्रेम ते अरिप अकोरी। सिमरति हैं इक दरस तुहारा। करिं प्रतीखन भाउ उदारा॥ ७॥ रावरि की सुध पहुंची जाइ। — शाह मिल्यो वह प्रेम उपाइ। संग अखेर शेर को मारा। भयो जगत महिं सुजसु तुमारा ॥ = ॥ डेरे विखै शाहु चिल आयो। गुरू अदाइब अधिक वधायो-। पुनहु दुरग महि प्रविशनि सन्यो। मात बिस्रति सिर को धुन्यो॥ ९॥ बडे गुरनि कहु सिमरनि करिती। तुम दिशि ते शंका उर धरिती। अधिक विखाद रिदै महि पायो। पठि दासी तिव मोह ब्लायो -।। १०॥ चित की चिंता सकल सुनाई। कह्यो कि - तुम जावनि वनिआई। कारज सकल सुधारहु जाइ। ज्यों क्यों करि मम सुत को ल्याइ ॥ ११ ॥

^{*.} अमृत

सुनि करि मैं पुन बहु समुझाई। —श्री सितगुर समरत्य सदाई। जिम चित चहैं करें सो बाति। रहु निचित, कीरति स्रवदात।। १२।। सनेह आप को धारित। अश्रु विलोचन ते बहु डारित। इक पुत्त्रा, पुन प्रथम बिछुने। आए दूर ब्रिंद दिन पुने।। १३।। दुरग गुआलियर प्रविशे आप। स्ति माता के महत संताप1। कह्यो मोहि प्रति पुनह बनाइ। - तम स्याने जीवनि बनि आइ।। १४।। मैं सुनि कै नहिं हुकम हटायो । वडी मजल² करि तुम ढिग आयो । अबि इहठां बैठिन तुम केरा। नींह आछो करि निरनै हेरा॥ १५॥ अब जिम कहहु लिखहिं सुधि पाछे । जिसते माता रहि मन आछे । जाइ बेग ते कुशल सुनावैं। करहि प्रतीखिन — सुत अवि आवैं।। १६।। सुनि करि श्री हरिगोविंद चंद । कहि मुसकावर्ति देति अनंद । 'सभि विधि लिखहु मात को धीर । सहि सेवक हम कुशल शरीर ॥ १७ ॥ केतिक दिन मींह दरसींह आइ। किमहु न चित मींह चित उपाइ। मेल शाहु को जे अबि होइ। चलिंह सदन कह बिलम³न कोइ'।। १८॥ सुनि सतिगुरु ते लिखि अरदास। पठी तुरत ही माता पास। इस सितगूर को भयो ब्रितंत। धीरज के समेत भगवंत॥ १९॥ जहांगीर की सुना कहानी। पुन चंदू ने हिकमत ठानी। - शाहु चलिह दिल्ली अबि आछे। गुरू हकारन को नहिं बाछे।। २०।। परचहि ग्रपर ख्याल महिं जाइ। यां ते इस ले चलौं चढाइ-। जिव गुरु जाइ गुआलियर वरे। शाह साथ इम बोलिन करे॥ २१॥ 'चली अहि दिल्ली के बड मंदिर। तिहं नवरोज करहु मिलि सुंदरं। इत्त्यादिक बहु बात बनाइ। सभि उमराविन दियो सिखाई॥ २२॥ 'ज्यों क्यों करि अवि शाह चढावह ! चलहु सकल निज घर सुख पावहुं। दिन प्रति सरव कचिहरी कहै। 'अब दिल्ली महिं सुख बहु अहै'।। २३।। सुनि सिव ते चित बिखै विचारी। गमिन करिन कहु होयहु त्यारी। जहांगीर गज चढि करि चाला । दिन प्रति मजलें कर्ीत विसाला ।। २४ ॥ दिल्ली आनि प्रवेदयो शाहू। मिली ब्रिंद वेगम निज नाहू। चंदू अधिक अनंदित भयो। - गुरू जितंत विसरि अबि गयो।। २५॥ दुरग गुआलियर छोर्यो दूरि। को नहि करे है जिंकर हजूर। गुरू कैदीअनि महिं पर गयो। मरिह तहां ही रिपु मम छयो ।। २६॥

^{1.} दुःख 2. लम्बा सफर 3. देर CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

पीरिन हेतु शीरनी आनि। तुरक समीपि दरूद बखानि। धरि उर हरख दई बरताइ। चिंता कशट बिलंद बिलाइ।। २७।। —श्री अरजन पूरव मैं मार्यो। तिस को पुत्त्र कैंद महिं डार्यो। अबि सुख नींद सोवनो करों। सभि पीरिन के पग सिर धरों।। २८।। करी मदत मेरी बल लाइ-। इम कहि मुख ग्रधिक मनाइ। इस प्रकार दिन कितिक बिताए। नहिंगूर सिमर्यो नहीं बुलाए।। २९।। तिब सिक्खिन अजमित को जतन। करित भए शत्त्र को हतिन। इस प्रकार ही दिवस बितावा। जामिन भई तिमर को छावा।। ३०।। लियो पिराणा जेठे संग। दाहन बने केहरि अंगि। आगै दिल्ली पूरि महिं शाह । बिखम बिसाल दुरंग के मांह ।। ३१।। रंग महिल चामीकर केरा¹। तिस अंतर परयंक बडेरा। चहं दिशि बिखे महां तकराई। जागिह नर नारी समुदाई।। ३२।। पौरिन वरजनि नेरिह नेरे। रहैं पाहरू 2 गिरद घनेरे। जहांगीर सुख सों परि सोवा। जाइ दुहं सिक्खनि तिब जोवा।। ३३।। निहंको देख सक्यो जिब गए। भीम शेर को तन धरि लए। दीरघ दांत बिसद 3 दरसंते। लांगुल सटा 4 झटक पटकंते ॥ ३४॥ तीखन नख अरु आंखनि लाल। बदन पसारि बिसाल कराल। आधी राति शाह ढिग गए। तबहि उदर पर दो पद दए।। ३४।। शाह अचानक आंख उघारी। देखि केहरी दारुन भारी। 'हाइ, हाइ' डर धारि उचार्यो। —साढसती इह अई — बिचार्यो।। ३६।। — इस डर ते मुख राखिन हेतु। जार करित गुरू किपा निकेत। — इम उर सिमरति उर्यो बिलंद । उचरि नाम 'श्री हरि गोविंद ।। ३७ ।। बनहु सहाइक श्रबि तुम आइ। शेरिन ते मुझ लेहु बचाइ'। गुरु को ध्याविन जिब किय शाहू । श्री गुर उठे जानि मन मांहू ॥ ३८ ।। ततिछिन आइ हटाविन कीने। दोनहु दिशिनि दूर करि दीने। बहुर पसार तुंड को आए। भीम अकार करे दरसाए।। ३९॥ गुरु सों उर धरि कहै 'बचावहु। इन दोइन को दूर हटावहु'। तिब गुर धरि कर दुहिन रुमालू । दुहि शेरन दिय बदन बिसालू ॥ ४० ॥ करे हटाविन दूरि सिधारे। नर मुख कर तिन बाक उचारे। 'श्री गुरु ने अबि तोहि बचायहु । समझहु महिमां नींह बिसरायहु ।। ४१ ॥

सोने का महल 2. पहरेदार 3. सफेद 4. गर्दन के बाल
 CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

भए लोप गुरु केहरि दोऊ। सुपत्यो शाहुन, डरिधरिसोऊ। जागि जामनी जाम गुजारी। भई प्रभाति सिमरि गति सारी॥ ४२॥ बोले निकट नजूमी स्याने। आइ सलामनि करि निज काने। तिन सों निस की सकल सुनाई। 'भयो त्रास बड नींद न आई॥ ४३॥ जुग केहरि जुग दिशि चिल आए। पाइन सों मम उदर दबाए। कही नजूमी की संचु जानी। — साढसती तन धरि निजकानी।। ४४॥ जिस हित सतिगुरु राखे -। इम बिचार तिन नाम सु भाखे। लियो नाम तति छन चिल आए। जुग शेरिन ते लीनि बचाए'।। ४४॥ सुनी बात बोले तबि स्याने । 'जीव अवसथा तीनहु जाने । गाढी नींद बिखै जिव सोवै। इंद्रै मन आदिक लै होवें।। ४६।। बसिह रिदे मिंह ले बुधि संग। कुछ सुधि रहै न आदिक अंग। तींह ते जिब उथान को पावै। सुपन अवसथा गर मिंह आवै।। ४७।। सूखम ते अति सूखम नारी1। तिस महिं रचिह स्निशिट2 इह सारी। गिर³ सागर जुत अविन बनावै। चंद सूर रिच गगन चावै।। ४८।। तहां त्रास कै आनंद होइ। दुख सुख शत्त्रु मित्त्र सिभ जोइ। जाग्रनि बहुर अवसथा पावै। सुपन स्निशटि सगरी बिनसावै।। ४९।। लोचन आतम रहै। बाम बिखै बुधि बासौ लहै। तीन अवसथा तीनों थान। तबि तुमको भा सुपन महांन।। ५०।।

दाहन लोचन आतम रहै। बाम बिखे बुधि बासौ लहै। तीन अवसथा तीनों थान। तबि तुमको भा सुपन महान ।। ५०॥ रुचि केहरि आपै लै त्रासा। सभि जाग्रति महिंभयो बिनासा। नहिंमन महिं शंका कुछ करीअहि। उरु दिन महिं सुनि निस महिंधरीअहि॥ ५१॥

सुनित शाहु कि हि 'मैं जिब जागा। पिले प्रतक्ख खरे मम आगा।

सिनमुख ग्रावित बदन पसारे। गुरु निज कर ते दूर बिदारे।। ५२ ॥

देखित मेरे हुइगे लोग। गुरु बरजे न तु आवित को प'।

कहै नजूमी अपर जि स्याने। 'इह तो कुछ शगर सम जाने।। ५३ ॥

आज सुपित की जिहि तकराई। लोह कनात लगिह चहुं घाई।

अहै जंजीर दार तनवावो। ब्रिंद पाहरू द्वार जगावो॥ ५४ ॥

बिद्द्या भूतिन धरें जु महां। तिन ते कार कढावहु तहां।

श्रो गुर हिर गोविंद तिह राखो। नहीं दुरग ते निकसिन भाखो॥ ५४ ॥

^{1.} नाड़ी 2. सृष्टि, संसार 3. गिरि, पहाड़ 4. भूत-प्रेतों का खेल,

जादगरी 5. छोहें की कनात CC-O. Nahaji Deshmukh Library, BJP, Jammu. Digitized By Siddhanta eGangotri Gyaan Kosha

हुइ इकंत नित सिमरित मौला। जिस ते साढसती बल हौला। बलाइ। मैं किताब पिखि जतन बताइ।। ५६।। मिटी बचे बिघन ते जानि । इस उपाइ बिन होत न हान'। साच भई लिह आयो। मुनि ब्रितंत को अधिक द्विदायो।। ५७।। चंदू समें कचिंहरी तिब वैसे। तमे। मानी जहांगीर गन उमरावनि भारत्यो कपट सभिनि को लख्यो न गयो। सनित वजीर खान दुख भयो।। ५८।। -क्या मूरख बिपरीति सिखावें। रिदै विस्रित वस न बसावै। हजरत को रुख लिख करि तैसे। धरि मौन मित कही न कैसे।। ५९।।

इति श्री गुर प्रताप सूरज ग्रिंथे चतुरथ रासे 'शाहु को डरावन' प्रसंग वरननं नाम एक ससटी अंसू ।। ६१ ॥

अंशु ६२

भाई जेठे को 'अजर जरन' का उपदेश

दोहरा

दिन बीत्यो संध्या भई शाहु किर जिस भाइ। तकराई सिभ बिधि करी लोह कनात लगाइ॥ १॥

चौपई

जार लोह को ऊपर तन्यो। चहुं दिशि महि जनु पिंजर बन्यो। पाहरू द्वार स्चेत । खरे करे जागनि² के हेतु ॥ २ ॥ सभि विधि सों करिकै तकराई। सुपत्यो शाहु नींद तिव पाई। अरिध शित ली सोवित रह्यो। वहरं त्रास तैसे तिब लह्यो॥ ३॥ दोनह दिशि ते दारुन शेर। दीरघ दांत स् आवित हेरि। बोल्यो डरति हाथ को बंदि। 'राखो मुहि श्री हरिगोविद॥ ४॥ इक तुम हो नित मम रखवारे । बनहु सहाइक, दास तुमारे'। विनै सुनी प्रभु दौरित ग्राए। कर रुमाल धरि दुहनि हटाए।। ५।। ज्यों ज्यों मुख पसार करि आवैं। त्यों त्यों सितगुर दूर हटावैं। चतुर घटी³ लगी केहरि रहे। नर मुख करि अँसे बच कहे।। ६।।ः 'जो सतिगुर दे हाथ बचावैं। तिन की महिमा क्यों विसरावैं। निस महि त्रासति निकटि बुलावित । दिन महि दूर राखवे भावित ।। ७ ।। खाइ जाति हम त्यागति नांही। श्री गुर जे अबि आइ न पांही। समझहुभले आज तुम छोरां। इम कहि लोप भए तिस ठौरा।। ८॥ बहुर न नींत शाहु को आई—। क्या अचरज कुछ लख्यो न जाई। गुरु की महिमा भाखित शेर। नर मुख करि छप जावित फीरे॥ ९॥ क्यों केहिर बन के इह आवें। किस कारन ते त्रास उपावें—। चितवित चित प्रभात हुइ आई। शाहु चित बिस उठि सिहसाई।। १०।।

^{1.} असह्य को सहने का 2. रात भर जागने के लिए 3. चार घड़ी

चंदू सहत नजूमी स्याने। अरु केतिक उमराव महाने। पिठ करिनर से सरब हकारे। झुकि झुकि आइ सलाम उचारें।। ११।। कह्यो 'भली कीनसि तकराई। गुरु राख्यो नतु लीनसि खाई। पाहरू को समुदायो । १२॥ लोह पिंजरे सम करवायो। द्वार रुके न क्यों हूं तैसे आइ। मुख पसार चाहति ले खाइ। गुरु सिमर्यो तिन आनि बचायो । बलि करि बाहुनि दुहनि हटायो ।। १३ ।। क्या शगर ते अचरज होवति ?। महां त्राप्त को निस महिं जोवति । क्यों न बिचारह करह मिटाविन । नाहि त धरिह मोहि तन खाविन ।। १४।। सुनति नजमी स्याने ब्रिट। कह्यो 'भई को मरज बिलंद। तबीब हकारह¹। पूरि सगरे नर ऊंच उचारह ।। १५ ।। सुनहिं आप को नाम जि स्याने। आविह सिभ बिद्द्या जो जानें। प्रथम अहैं चाकर अस जेतिक। करह दिखावनि आर्वीह तेतिक'।। १६।। सुनित शाहु ने आछी माने। पिठ पिठ नर तबीब गने आने। सिभ को कर नारी दिखरावै। बितहि जामनी तथा बतावै।। १७।। सुनि तबीब कुछ रोग न देखें। शेरनि ते बिसमाइं विशेखें। नहीं अकल महिं कुछ बनि आवै । तरू शाहु को कहि परचार्वे ॥ १८ ॥ तिब तबीब बिन जेठा गयो। बहु मोले पट तन पर लयो। गन उमराव खरे कर जोरे। गन स्याने बैठे इक ओरे ।। १९ ॥ किनहुं कीनि न खातर जमा। शाहु रिदै संसै डरु जमा। देखि भलो नर सभि सनमाना। जेठा गयो निकट तिस थाना।। २०।। शाहु बांहु आगे करि दीनि। निस प्रसंग कहि, ले जिम चीन। कहिन लग्यो 'मैं पिर्खीं न नारी । निहं प्रसंग कुछ करहु उचारी ।। २१ ।। तबीब जो नारी देखे। सूरत देखि न रोग परेखै। मम उसताद अहै नहिं काचो। गुन पूरन बच साच उबाचो।। २२।। जानि लीनि मैं रोग तुमारो। सुनहु इकंत होइ निरधारो। निह गन मिह मैं कहौं ब्रितांत । निफलिह मंत्र जि हुइ बक्ख्यात' ।। २३ ।। जहांगीर सुन भयो इकांकी। जेठा गयो निकट तबि तांकी। बैठि कह्यो 'तुझ सपय खुदाइ। कहौं जि साची देहु बताइ॥ २४॥ तो कहु रोग न उपज्यो कोई। निस महिं त्रास किसू ते होई। होल² रह्यो दिल टिकहिन कैसे। दीप सिखा बहि बायू जैसे।। २५।।

^{1.} पीरों-फ़कीरों और स्यानों को बुलाओ 2. कम्पन, भय CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

मानि शाहु किह 'साचु सुनाई। मन पीरा तैं निशचे पाई'। 'सुनि हजरित आवित जुग शेर। दुहिदिश ते करि कोप¹ घनेर।। २६।। गुरू हाथ दे तोहि बचावें। नांहि त दोनहुं तुम कहु खावें। हटित कहैं - गुरु महिमा जानि। नहीं विसारिन उर ते ठानि॥ २७॥ डर हरिबे हिंत जतन बतावें। सो क्यों करि तुम रिदे न ल्यावें। नहि समझ्यो मैं समझाऊं। रोग त्रास सभि दूर मिटाऊं।। २८।। इम जेठे जिब पते लगाए। हजरत कह्यो 'ठीक तैं गाए। अबि जिम हर्टीह, वताबिन कीजै। तुव पूरन उसताद लखीजै॥ २९॥ किम केहरि कहि वूझ वुझावें। दिहु समझाइ न मम मन आवें। अपने महिं शरधा दिढ जानी। तिब जेठे मुख गिरा वखानी।।३०॥ 'गुरुपिठ दुरग न कीनि संभाली। अविध बढ़ी तिव सिभ दिन चाली। सो बितीत ऊपर दिन गए। निकट गुरू न बुलावित भए।। ३१।। गुरु संगि झूठ बोलिबो ठाना। तिह फल होयहु त्रास महाना। जेकरि आज न मनुज पठावें। टर्राह न केहरि आवित घावें।। ३२।। समा बिते कुछ ह्वै न उपाई। गुरु दिशि नमो करहु सिर न्याई। कर जोरह अरु वाक उचारह। — खिमह प्रभू निज बिरद³ संभारह। ! ३३॥ पठौं मनुज अबि निकट हकारौं। दरशन करौं सीस पग धारौं-। उठि करि अवहि न बूझहु कोई। करहु अरज, कबि त्रास न होई'।। ३४।। स्नि हजरत उर लागी आछे। साचि जानि गुरु मिलनो बांछे। बंदन जेठे की दिशि कीनि। 'देह दरव बहु' आइसु दीनी।। ३४॥ कहि जेठा 'मैं लेति न धन को। जिब लिंग होति अनंद न मन को। पुन हम आवैं गुरु जिब देखें। सुख को पावित, हमहूं परेखें।।३६॥ इम कहि निकस्यो वहिर पधारा। वैठि शाह उमराव हकारा। कह्यो 'जाहु अबि ह्वं करि त्यार । सतिगुरु के ढिग बिलम बिसारि⁴ ।। ३७ ॥ मम दिशि ते ले गमहु उपाइन । धरि आगे करि बंदन पाइन । विनती बहु बखानि संग आनहु । —देहु दरत निज करुना ठानहु—'॥ ३८ ॥ इम किह तिस को तुरत पठायो। गुरु दिशि मुख किर सीस झुकायो। 'बखशहु करी अवग्या मोरी। अबि में समझि शरिन गुर तोरी'।। ३९।।

¹ गुस्सा 2. शेर 3. यश, मान, कीर्ति 4. आज्ञा 5. बिना

पुन मन महिं इम शाह बिचारा। — रहीं जामनी विखै मुखारा। गुरु संग झूठ कहिन फल लागा । आगे करों अधिक अनुरागा ।! ४० ।। जे करि आज शेरि दरसावौं। इह नहिं, अपर जतन करिवावौं –। जिंब जेठा सतिगुरु ढिग गयो। अंतरिजामी सिभ लिख लियो। ४१॥ ब्रिध जुति बैठे सेवक सारे। श्री हरि गोविंद बाक उचारे। गंगा सागर भरि ले आउं।। ४२॥ 'उठि जेठा जमना तेट जाउ। उठि करि सिख तति छिनि भरि ल्यायो। सतिगुरु आगै आनि टिकायो। 'ले अबि जाहु करहू तींह पावनि' ॥ ४३ ॥ बहरि कर्यो श्री मुख फरमावनि । सुनि जेठे जुति अचरज धारे। ले करि जाइ तहां जल डारे। आइ खरो कर जोरि अगारी। हित सिक्ख्या के गुरू उचारी।। ४४।। जिब गंगा सागर भरि आना। घट्यो कि निहं जल नदी महाना ?। बहुर जाइ तिस के मधं गेरा। बढ्यो कि नहीं कैसे तिब हेरा ?'।। ४५॥ सुनि जेठे कर जोरित कह्यो। 'नदी प्रवाह सदा जल बह्यो। इक घट $^{\mathrm{I}}$ भरे कहां घटि जैहै। डारे वीच कहां विड ह्वै है।। ४६।। श्री अरजन नंदन तिब कहैं। 'अपिन विखै जानह विधि इहै। गुर ग्रिह शकति चलति जलसलिता²। सद प्रवाह पूरन ही ढलता ।। ४७ ।। घट सम सेवा करि तैं पाई। जरी न जाइ तऊ विदताई। जिंह ते लीन तहां क्या नांही ? अस मन जानि निरिख उर मांही ।। ४८ ।। किस के कहे शाह के पासि। करामाति को कीनि प्रकाश ?। उचित दंडके अहैं। गुरु आग्या के बाहरि चहैं'।। ४९।। यांते तिब जेठे करि जोरि बखाना। 'मैं गुरु बचन प्रेम ते माना। सिख संगति रावर की जेती। ब्रिद्ध तुम महिलिख भेद न तेती।। ५०।। इन केरा। अरु संगति महिं संकट हेरा। हुकम पाइ पूरव महां दुखी पछुतावित सारे। रहैं अलंब जि दरस तिहारे।। ५१।। उपकार हेत् मैं कीनि। गुरु सिख होवैं चिंत बिहीन। अपने हित मैं नहीं दिखाई। ज्यों भावहि त्यों करह गुपाईं।। ५२।। सुनि करि भाई ब्रिद्ध बखाना। 'हकम मात गंगा कहु माना-। करहु जतन — कहि बारंबारी। भेज्यो मोहि विलंब बिसारी।। ५३।।

^{1.} घडा 2 सरिता नदी CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

वडे गुरित के सिमरित चिरत। जरी अजर यांते चित उरित। इतने कोस पठे मैं आयो। करिंहन जतन जाित निकलायो।। ५४॥ सिख संगित गुरु जननी केरा। बहुतिन को हित या मिंह हेरा। तउ मैं कहाो उपाव करीजिह। जिम गुर भावै तिम ग्रिव कीजिहें।। ५४॥ सुनि ब्रिध ते निज मात संदेशा। बोलित भए गुरू जगतेशा। जे ब्रिध आदि मात सिभ केरा। लीिन मतो इम जतन बडेरा॥ ५६॥ तौ हम कहां सकिह किह बानी। तऊ न ग्राछी तैं कित ठानी। अजर जरिन की विड विडआई। महिमा कहैं संत समुदाईं।। ५७॥

इति श्री गुर प्रताप सूरज ग्रिंथे चतुरथ रासे 'जेठे' को प्रसंग वरननं नाम दोइ सशटी अंसू ।। ६२ !।

अंशु ६३

वज़ीर खां लेण आया। राजाओं को धैर्य

दोहरा

गुर सैनापित नर पठ्यो स्रायह श्री गुर पास । दर्शन देखित जोरि कर नमो करी अरदास ।। १।।

चौपई

 $^{\prime}$ ह्य 1 गन रावर के पुरि मांही। घास अलप 2 कर आवित नांही। अधार पर रहैं। हरे त्रिणानि³ कह किमहुं न लहैं।। २।। देति दरोगे मलिन सु थोरे। दुरबल होति आप के घोरे'। सूनि कहि श्री हरि गोविंद चंद। 'ब्रिध साहिव तुम सुमति विलंद।। ३।। डेरा करहु संभारिन सारो। जिब लिंग मेलि न बनिह हमारो। सिभ को दीजिह खाना दाना। ले करि खरचहु दरव महाना।। ४।। सकल तुरंग चमूं लिहु संग। हरो घास पिखि थिरो निसंग। बांगर 4 की दिसि त्रिण बहु जहां । जाइ करहु अबि डेरा तहां ।। ५ ।। हम जिब करें हकारिन आवहु। भावत त्रिणिन तुरंग चरावहुं। ब्रिध साहिब गुरु के बच माने। भयो तयार अभिवंदन ठाने।। ६।। चिल करि आनि पहुच्यो डेरे। निस बिस कै दुरवल अस्व⁵ हेरे। होति प्रात चिं ले दल सारा। दीरघ पंथ उलंघि निहारा।। ७।। चले आगरे ते सभि आए। दिल्ली नगर पिख्यो समुदाए। सन्यो घास जींह खरो उदारे। पंच कोस पुरि त्यागि पधारे।। ८।। हरित त्रिणनि देखति हरखाए। कर्यो सिवर उतरे समुदाए। लई सिभिनि की सुधि ब्रिध तबै। जो चिहयित सो लें भट सबै।। ९।। दिल्ली महिं मिल शाहु कि साथ। जबि ली चढे न सतिगृरु नाथ। तिब ली तहां टिकायह डेरा। सहत तुरंगिन हरख घनेरा।। १०॥

^{1.} घोड़ा 2. थोड़ी 3. हरी घास 4. बांगर प्रदेश 5. अश्व, घोड़ा

अबि लौ तिस थल चिन्ह लखंते। 'जागा बिध की' लोक करंते। कवि सिख वैठिहि सेव करंता। तुरक राज कर नहीं रहंता।। ११॥ पठ्यो शाहु उमराव जू तूरन। पहुंच्यो जाइ पिखे गुरु पूरन। करी बंदगी जुग कर जोरे। वैठि कह्यो 'पद शाहु निहोरे॥ १२॥ घनी बंदगी तुम सों ररी। —रच्छ्या मोरि आप ने करी। अवि आवहु दरणन दिहु सुंदर। पूर नगुरू गुननि के मंदर¹'—॥ १३॥ गुरू कह्यो 'इस थान सुखारे। एकल सिमरहिं सिरजण हारे। हम जिंव के इस दुरग प्रवेशे । न्प्रिप कैदी सुखपाई विशेशे ॥ १४ ॥ आप सुखी पर को सुख होइ। अस गुभ थान न त्यागिह कोई'। सुनि उमराव गयो चढि करिकै। गमन्यो पंथ शीझता धरिकै॥ १५॥ जाइ शाहु के साथ सुनाई। 'कहिंह-इहां हम रिहं हरखाई। कैदी सगरे सुख को पावैं। किम इह थान त्यागि हम जावैं।। १६॥ सुनि विसम्यो चित महिं वहु शाहू। — किस कारन तें आइ न पाहू। करि हकारिन इच्छा जबी ते। निस मिह त्रास न उपज्यो तिव ते।। १७।। कै गुर मेरो कूर विचारा। यांतें नहिं आविन मिति धारा। अपर सबव क्या ? निहं इत आए । जिनहुं प्रान मम निसा बचाए ॥ १८॥ चितवित रह्यो कितिक चिरकाला। शेर त्रास ते त्रसित विसाला। —जेकरि गुरू प्रसीद न होइं। कबहु निसा महिं धावहिं सोइ—॥ १९॥ करति विचार रिदे फुरि आई। —खां वजीर तिन सिक्ख सदाई। सो तिन के सुभाव कहु जानहि। मम ढिग कीरति गुरनि वखानहि।। २०॥ ल्याइ सुधासर ते सु मिलाए। अपर लोग नित चुगली लाए—। इम विचारि निज निकटि हकारा । हुइ एकलि तिह साथ उचारा ॥ २१ ॥ 'निसं शेरनि परसंग² सुनाए। करे हकारनि गुरु नहिं आए। तूं अवि जाहु मिलावहु आनि । कहि सिभ वाकिन प्रथम समान' ।। २२ ।। खां वजीर कर जोरि सुनाई। 'गुरु दोखी सभि व्याधि उठाई। दीरघ पीरिन के गुर पीर। अजर जरिन धरि धीर अभीर ॥ २३॥ त्रिन सम तन सनेह नहिं धरें। सहैं अवग्या दुशट जि करें। नाहिं त तिन के बाकिन संगि। थिरहि कौन खिन महिं हुइ भंग।। २४।। ब्रिंद सहाइक किंह तुम पास। गुरु संगि बिगरनि कर्राह प्रकाश। जे रावर निरनै किंब करो। दोश अदोशी तिब उर धरो॥ २४॥ 1. गुणों की खान 2. प्रसंग, घटना 3. निर्भयता, कायरताहीन

चडे पातशाहिन पर आदि। अरु तुम पर गुर कर्राह प्रसादि । प्रिथम भए बावर चवगता। श्री नानक तिन को बर दिता॥ २६॥ अजमित पिखि करि मंग चढाई। पुशतिन की पतिशाहित पाई। बहुर हुमाउ शाहु परबीन। छीन सलेमशाह² छित लीनि।। २७।। चल्यो बलाइत मग तिस गयो। श्री गुरु आंगद जिस थल भयो। श्री नानक गादी पर थिरे। ग्राम खडूर बास को करे।। २२।। बर हित गयो रह्यो ढिग खर्यो। कितिक काल बीत्यो थक पर्यो। गुरू बारिकनि संग रिच रहे। पातिशाह संग निह किछ कहे।। २९।। नहिं बोले गुरु ऋिया निकेत। उर शरधा परखिन के हेतु। शाहु रिदे रिस को उपजाई । — मम दिशि नहीं द्रिशटि को लाई ।। ३०॥ निकट विठाविन किह सनमानै। सो तौ रह्यो, कहां इह ठानै --। कर्यो हंकार न जानिह शाहू। धर्यो दसत असि कवजे मांहू।। ३१।। खैंचि प्रहारौं दोधर करौं। थिरौंन पुन, मारग चिल परौं। छुटहि न निकसहि बल करि लह्यो ॥ ३२ ॥ खड़ग मुशट सों कर लगि रह्यो। बहुरि विनै करि चहि बखशाविन । बोले श्री अंगद जसु पावन । खड़ग मुशट पर धरि करि हाथ। हतनि चहति हम को रिस साथ।। ३३।। नहीं सलेमशाहु पर कोपा। दियो निकास महां रण रोपा। खड़ग मुशट जे धरित न कर को । अबि ही लेति राज वड धर को ॥ ३४॥ तऊ आस धरि चलि ढिग आवा। गमनहु अबहि वलाइत थावा। लशकर बड सकेल चिल आवहु । अपनो राज निसंसै पावहु ॥ ३५॥ इस महिं कारण हैं वड असे। श्री नानक नर निफल न कैसे। श्री अंगद के सुनि करि बैन। बंदन कीनिस लिजिति नैन।। ३६॥ चिं गमन्यो त्रनता साथि। खड़ग मुशट ते छुटि गा हाथ। बहुर राज दिल्ली कहु पायो।। ३७॥ जाइ वलाइत लशकर ल्यायो। तिन के सुत अकबर पीतशाहू। श्री गुरु ग्रमरदास के पाहू। लेकरि बर चत्तौर को तोरा। गमनि कीनि पुन लवपुरि ओरा।। ३८॥ गोइंदवाल मिल्यो तिव जाइ। ग्राम परगना भेट चढाइ। विनती कहि प्रसंन बहु करे। अधिक प्रीति उर शरधा धरे।। ३९॥ तिन के पुत्त्र आप अबि अहो। गिता पितामा के सम रहो। करहु प्रसंन लेहु बर आछे। पूर्राह गुरू मनोरथ बांछे'।। ४०॥

^{1.} कृपा 2. शेरशाह

जहां र सिन बहुत प्रसंन । कहि वज़ीर खां को 'धंन धंन'। दीनी बहुमाला सिरुपाइ। पच सहसर धन मगवाइ॥ ४१॥ 'उचरी बात अपूरव नीकी। महिद सुखद सद ही प्रिय जी की। विनै करहु अवि लेकरि आवहु । विना विलम गुरु निकट सिधावहुं ।। ४२ ।। हजरत रुख वजीर खां हेरि। चिं तुरंग गमन्यो विन देर। केंदी महिपालक सारे। सुनी — शाहुं के गुरू हकारे — ॥ ४३॥ चिंतातुर उर व्याकुल होए। छोरि धीर मन शोक परोए। हुइ इकत्त्र सगरे चिलि आए। कारे दरशन पाइनि लपटाए॥ ४४॥ दो कर जोरि अगारी खरे। नंम्रि होइ किन सिर्धिर धरे। दीन बचन विधि आवित कोई। 'श्री गुर तुम ते बडो न होई।। ४४।। को हम को कबि आनि छुटावै। रच्छक तुम बिन अपर न पावै। श्री करतार किपालु कहते। तिन सरूप हम तुमिह लखते।। ४६॥ शरिन परे की लाज नियाहो। दान अभैता दिहु उतसाहो। दीनिन पर दयालू की बान। विरद ग़रीव निवाज महान।। ४७॥ विन गुन गज अराधना करी। नगन चरन धाए प्रभु हरी। श्री गुरु सरब भांति समरत्थ । भंजन रचिन आपि के हत्थ ॥ ४८ ॥ तुम ते हुइ हम कैंद खलासी। अपर सभिनि ते भए निरासी। वैस विताइ बीच ही मरैं। तुम ते छुटहिं आस हम घरैं॥ ४९॥ इत्त्यादिक कहि विनै बडेरी। किया द्विशटि, सुनि सतिगुरु, हेरी। दई धीर जेते नर नाथ। 'तुम को राखिहंगे हम साथ।। ५०।। संग लेय सभि निकसनि करें। नतु हम भी इस ही थल थिरें। करि हैं सीम की बंद खलासि। सिमरह सितनाम सुखरासि'॥ ५१॥ सुनति नरिंद्र बिलंद अनंदे। 'अटल बचत जग बंद मुकंदे'। भई खुशी जन रिकरे कैदि। वैठे छुटनि धारि उमैद।। ५२।।

इति श्री गुर प्रताप सूरज ग्रिंथे चतुरथ रासे 'वजीर खां वाक' प्रसंग वरननं नाम तीन शशटी अंश् ।। ६३ ।।

अंशु ६४

पीर मीआं मीर और जहांगीर मेल

दोहरा

जिब वजीर खां चिंढ गयो, बहुत बरख को पीर। आयो पुरि के निकट, सुनि गयो शाहु तिस तीर॥ १॥ चौपई

महां ब्रिद्ध जरजरी सरीर। अंतर ब्रिती रहित धरि धीर। भए सूपैद झुके झिप जाला।। २।। जग भौहिन के रोम बिसाला। बोलै कवहं बहुत वुलाए। मदिद्रत लोचन ऊपरि छाए। ज़ोर जोग के बैस बिसाल। राख्यो निज सरीर चिरकाल।। ३।। वहिर जगत ते ब्रित्ति उठाई। लेति अनंद रस रिदे टिकाई। जे।तेक शाहु भए तिन आगे । राखि अदव पद पंकज लागे ।। ४ ।। चढिह पालकी पर असवारी। शाहु चलिह पद साथ अगारी। बहु शरधा राखित उर माही। गयो शाहु तिब तिस के पाही।। ५।। करी बंदगी बैठ्यो जाई। सरव नरिन की भीर हटाई। जहांगीर इक, दूजो पीर। अपर न राख्यो अपने तीर।।६॥ बूझित भयो 'संत के लच्छन। कहो पीर जी है जु विचच्छन 1 । जिस ते सुखी रहै तिजि शोक। होति न दीन दौनहं लोक'।। ७।। कहै पीर 'सूनि संतनि भूखन। सभि बिकार ते रहै अदूखन। रोक बाशना चाह मिटाई। भए अचाह एक लिवलाई।। ८।। सीतल भयो रिदा निशकाम। सहजा ब्रित्ति² इसी को नाम। जीवन मुकति अवस्था एही। नींह उथान फुरनो विधि केही।। ९।। मित्रक मनिंद जगत महिं अहै। सिंभ रस तिज आतम रस लहै। चिदानंद महि पाइ बसेरे। त्रिण सम अपर रसनि को हेरे।। १०।।

^{1.} विलक्षण, अद्वितीय, अनोखा 2. सहजावृत्ति

मन रिखीक सिथले पर जाइं। जग बरतण सिंज हे सिधि पाइ। जतन जोर ते करिह न कोइ। उर की लिहर बिलै सिम होइं।। ११।। करामात सभि लैता पार्वै। फुरनो होइ न कहां लगावै। तिन अंतर बल बडि हुइ जावै। फूक मारि ब्रहमांड उडावैं॥ १२॥। सिं 1 सूरज के डकरे करें। तारे तोरि तुरत करि तरे। सो परंतु निज ब्रत निवहाइं। प्रथम जु फुरना दयो । मटाइ।। १३ ।। फ्रना उठिह रिदे मिहं जबै। ग्रस पद ते उथान हुइ तबै। निज फुरने पर थिरता धारि। हुइ सुचेत रहिं चौं हीदार।। १४ 🃭 - मत फुरना कबि उठै हमारो - । उठित देति रहैं मन मारो । पाइ अवसथा भ्रितक मनिद। मगन रहें नित ब्रह्मानंद।। १५ ॥ जिम श्री रामदास के नंदन। श्री अरजन द्ख दोख² निकंदन। लवपुरि मैं जिब कैद परे हैं। नर दुशटन वह तंग करे हैं।। १६ । ४ —लाख दख दिहु सुपतिन देवैं। पान करहु भी भी लख लेवें --। सुनि गुर कह्यो - न खाइं न पीवें। नहिं सुपतिंह, इक थल थिर थीवें —।। १७ ।। हुते संग सिख पिखि दख लह यो। जेठे अपर पिराणे कह्यो। — जे अबि होवै हुकम हजूर। लवपुरि दिल्ली करि द्यों चूर।। १८ II इह क्या वसतु अवग्या करें। करहुं नाण, नहि थिरता धरें—। कह्यो गुरू—तुम कितते पाई ?। —प्रभू लीनि तुम सेव कमाई—।। १९ 📭 करित सेव लीनिसि जिह पांही। तिन महि शकति अहै कै नांही ? —। —हे प्रभु तुम महिं शकति अनंत । आदि न अंत महां भगवंत—।। २० ।b हुकम भयो —करि तूशन धरने। कारन सरव आप हैं करने—। पुन मैं सुन्यो सजाइन देति। मोन गुरू सिभ ही सिह लेति।। २१।। दरशन हेतु गयो तिन पास। वंदित चरन करी अरदास। -श्री गुरु अरजन जी ! धंन धंन । तुम सम जग मिंह पुरख न अंन ॥ २२ ॥ एक सूरता³ रावरि मांही। अपर किसी महिं पय्यत नांही — '। सुनि इम शाहु रिदा डग डोला। पीर संग कर जोरित बोला।। २३।। 'पूरब हमको सुधि निंह दई। असे महां पुरख सुख मई। निह मिहिमा किब कही सुनाइ। गुजर गई पर आज बताइ'।। २४।। कह्यो पीर 'तम दुनीआं नर हो। क्या महिमा लिख धारित उर हो। गुरु महिमा हम भी निंह जानिंह। तौ कैसे तुझ निकट बंखानिंह ।। २५।

^{1.} चन्द्रमा 2. दोष 3. शूरवीरता

कह्यो शाहु 'हिंदू तनु सोइ। कहिनी वनै न महिमा जोइ। तुरकिन मत महि दोश गनंते। असि तरीफ क्यों आप करते ?'।। २६।। बहुर पीर कहि 'शाह लखीजै। महिमा को कारन सुनि लीजै। हम सभि पीर जाति दरगाह। सभि की बाति होति इन पाह।। २७।। अंतिहिपुर ते निकसिंह बाहर। सिभ को दरशन दे करि जाहर। इन सों पीरिन मेला होई । अपर कीनि तिहकीक 1 न कोई ॥ २८ ॥ सभि जानति भे मिलि तिस ठौर। इह खुदाइ कै अंतर और। सो सरूप तिहं नदरी आवै।। २९।। श्री नानक गादी जो पावै। वझह अपर पीर जे जानहिं। जे निशचा इम कहे न ठानहि। जहांगीर मुनि के जिब लह्यो। 'क्यों न पीर जी आगे कह्यो ?।। ३०।। अदब राखि, करिबंद ख़लासी 2 । लेति असीस तिनहु के पासी । सुनित पीर उत्तर दिय असे। 'गुरू अछल हम कहति न कैसे ।। ३१।। जबि मुरादि³ तिन हासलु हुई। देखि भुले हम पून स्धि दई। सभि प्रति आइसु गुरू उचारी। — आइ न को हम खेल मझारी —।। ३२।। हकम दियो बिध शिव को ऐसे। — खेल विखै तुम आउ न कैसे। को सूर करिह न शकति जि डारी ॥ ३३ ॥ अस हम ने ही खेल पसारी। पीर फकीर सती संन्यासी। जे नव नाथ सिद्ध चवरासी⁴। नहीं शकति को लावनि आए।। ३४।। हकम त्रास ते हटि समुदाए। श्री अरजन समि विधि समरत्थ। लाखहं कानी दाहन हत्थ। जे करि इक कानी किव छोरें।। ३४।। बाम बिखै सो धरति करोरैं। नहीं शादु नहिं प्रजा रहंती। गगन न स्रवनी कितहुं दिसंती। सिभ मरदन करि गरद उडते। को बल करि निह अग्प्र टिकंते।। ३६।। करनि परेतु हतो तिन तैसे। बल होते निरबल भे असे। उर बिशेखता इह तिन केरी। फूरन उथान न करिं किस बेरी।। ३७।। सर्जाह ब्रित्ति ते नित चित सीतल । मगन सदा आतम रस हीतल । जीविन मुकति अवसथा झूलति । ब्रित्ति एक रस कबहुं न भूलति ।। ३८ ।। दुख जिब निकसे हुइ दुख खान । सो सूख रूप, दया की बान । प्रान त्याग कर रावी तीर। चंदन चिखा जलाइ सरीर।। ३९॥

¹ पूछताछ 2. मुक्त करना 3. मनोकामना 4. नी नाथ और चौरासी सिक

बहु संगति मिलि भी इक थाइं। घन की सम फूलिन बरखाइ।
अतर अंबीरिन अलता डालि। लबपुरि पूरण भा तिस काल॥४०॥
किरतनु बहुत भयो तिस थान'। सुनित शाहु अति भयो हिरान।
नहीं पीर ढिंग बोल्यो गयो। किर बदन घरि आवित भयो॥४१॥
—कर्यो चंदु ने इह अपराधू। मोकहु दोश देति गन साधू।
'राखिह चोर' करित सो चारी। किहित कूर मुझ प्रति दुरचारी॥४२॥
कर्यो कुकरम सकल इह तांही। मुझ को गेरिह दोजक¹ मांही।
नाहिं त अिंब तिन के सुत तीर। बख़शावौं अपराध गहीर²॥४३॥
करौं प्रसंन चंदु गिह देहीं। हाथ जोरि किर खता ि मैं हों।
बिन अपराध होइ हों तबै। श्री हिरगोविंद खुशि हैं जबै—॥४४॥
इम बिचार किर तूशन कीिन। गुरित प्रतीखित होइ अधीन।
—आविंह तूरिन —चाहित शाहू। —गयो बजीर खान अिंब पाहू—॥४४॥

इति श्री गुर प्रताप सूरज ग्रिंथे चतुरथ रासे 'पीर अते शाहु संबाद' प्रसंग बरनशं नाम चतुर शशठी अंसू ॥ ६४॥

^{1.} नरक 2. गम्भीर

अंशु ६५ वज़ीर खां वापस आइआ

दोहरा

खां वजीर उर हरख धरि पहुंच्यो सितगुर पास । नंम्रि होइ बदंन करी जल दरशन जिस प्यास ।। १ ।।

चौपई

पिखि श्री हरिगोविंद उचारे। 'आउ वजीर खांन गुर प्यारे। सहत कुटंब कुशल है तेरे ?। कहहु शाहु की सुधि जिम हेरें।। २।। किया भरे सुनि सुंदर बैन। हुइ वज़ीर खां के तर नैन। हाथ जोरि कहि 'मिहर¹ तुमारी। जुकति कुटंब कुशल विधि सारी।। ३।। मैं रावरि ते करिहौं लाजा। सर्यो न कँसे को शुभ काजा। तऊ आप सिभ घट के मालिक। हित अनहित लिख लिह ततकालक।। ४।। बरतै सरब आप की मरजी। दास घरम कित ठानति अरजी। चारी² करित शाह ढिग गाछे।। ५।। चंदु संवारिन बिना न आछे। ब्रिंद प्रपंच रचिंह जन् व्यापी। द्रोही दीरघ अपराधी। िछमा आपि को क्यों बनि आवै । जबि लौ दुशट द्रिशटि दरसावै ।। ६ ।। जतन करहु मारिन को जबै। किस ते रुकह न, हित हो तबै। पठ्यो शाहु मुझ पास तुमारे। प्रेम बिनै जुति बचन उचारे।। ७॥ -प्रान दान मुझ को गृरु दीनो। अबि दरशन दिह ग्यान प्रबीनो। कर्यत प्रतीखनि निस दिन चाहति । — कवि बिलोकों-महां उमाहति ॥ ८ ॥ अथम गयो उमराव जुमरि कै। नहिं दरसे चित चिंता धरि कै। मोहि हकारिन करि समुझायो। अधिक प्रेम ते इतिह पठायो।। ९।। उचित आप को दरशन दीजिह। सरव सिद्ध कारज करि लीजिह'। श्री हरि गोविंद सुनित बखाना। 'अटक³ परी इक कठन महाना।। १०।।

^{1.} कृपा 2. चुगली 3. रुकावट

जिब हम प्रविशे दूरग मझारी। भयो कैरी अनि को सुख भारी। खान पान ते भए सुखारे। छुउनि भरोसा मन महिं धारे॥ ११॥ अबि सुनि लीनो - श ह हकारे -। परे शरीन वह बिनै उचारे :-रावरि विना न हम गति काई। कै मारह कै देह जिवाई—।। १२।। हमरे सदा प्रतग्या इही। शरिन परे कह त्यागित नहीं। जो नर आरित कहि इक वेरा। —श्री हिर गोविंद मैं अवि तेरा।। १३।। क्या गिनती है इहां बचाविन । निकट न देउं दूत जम आविन । दास जियति की रच्छा न करें। भ्रितक भए किम द्ख परहरें ?।। १४।। जन की करों कामना पूरन। संकट ते उवार² करि तुरिन। मरन प्रयंत नरिंदिनि³ कैंदि। नहिं छूर्शन की रिंदे उनैद।। १४।। इन को छोरनि शाहु जि मानहि । तबहि हकारिन हम को ठानिह । नांहि त रहैं इसी हम थान। पार्रीह कर्रीह महीप 4 महान॥ १६॥ अरु गुरु द्रोही गहै न थिरता। परिह नरक महि कुम्रितु मिरता। काल मजीक आइ अबि होवा। सहत कुटंब सदन दे खोवा।। १७।। अवि तुम गमनहु शाहि कि पास । करहु कैदी अनि कथा प्रकाश । इनहु सनेत दुरग निकसै हैं। नांहि त बैठे इहां रहे हैं।। १८॥ सुने वज़ीर खान गुरु वैन। विखम⁵ वात, निज विस जो है न। कह्यो न गयो विचारति रह्यो । —मानहि शाहु कि नहिं —चित लह्यो ॥ १९॥ तऊ गिनति मन — बिखम न कोई। शक्ति अनंत गुरू महिं होई। अनवन भी सभि लेहि बनाइ। बनी बात को दें बिगराइ॥२०॥ मेरो धरम, बचन गुर मानों। जिम कहि तिम चलि शाहु बखानों। फेरौं नहिं, गमनौं अनुसारे —। इम बचारि करि बचत उचारे।। २१॥ 'दया करिन की वानि⁶ तुमारी। निकट दुखी भे शरिन अगारी। अपनि प्रतग्ग्या करहु निवाहिन। सदा सहाइक संसै नांहिन'।। २२॥ इम कहि सुनि कै हुइ असुवार। गमन्यो पंथ शीघ्रता धारि। गयो शाहु ढिग बैठ्यो देखि। करी बंदगी निम्न बिशेख।। २३।। कह्यो शाहु 'गुरु की सुधि देहु। कर्यो कि नहिं आविन, लिख नेहु। अधिक प्रतीखिन मैं नित करिता। दरशन देहि विघन गन हरता ॥ २४॥

अधिक प्रताखान पार्टिस । अधिक प्रताखान पार्टिस । उ. बचाना, निकालना 3. राजा 4. राजा 5. विषय प्रतिकूल 6. आदत

सुनि वज़ीर खां जुगकर बंदि। कहित शाहु सों देति अनंद। 'सदा चहति हैं क्शल तुमारे। किपा भरे गुर बाक उचारे।। २५।। पर्यो काज अवि अँसो आइ। करनो कठन सु जान्यो जाइ। तुमरे कहे बिनां निहं होइ। नतु ल्यावित मैं करिक सोइ: —।। २६।। महिपालक 1 कैदी समुदाइ। परे शरिन सितगुरु की धाइ। अपनो बिरद विचारिन कीनि। नहीं दुरग पर्ग वाहरि दीन।। २७।। — जे करि ए सगरे खुटि जाइं। तौ हमरो चलिबो बिन आइ। नांहि त बैठे हम इस थान। सिमर्राह श्री नानक भगवान —'।। २८।। सनित शाहु ने रिदे बिचारि। 'करी मुहिंम लग्यो धन भारी। मरयो ब्रिंद लशकर तिस काल। तिब पकरे दुरिव्रिति महिपाल।। २९।। होहि मवासी देश बिगारिह। लुटि कृटि मम नगर उजारिह। अनिक जतन ते बल बहु लाए। दुशट महीपति तबि पकराए।।३०।! किम छोरनि अबि तिन को होइ। दंड उचित अपराधी जोइ। निकस कैदि ते पाइं फत्र²। केतिक देश मिलावहिं धूरि'॥ ३१॥ सनि वजीर खां गिरा उचारी। 'रावर को प्रताप है भारी। करेजोर, को अरै न आगे। सुनहिं नाम तौ दुशमन भागें।। ३१।। तुम तन की करि ख़ैर ख़दाइ। इस के सम नहि वसतू काइ। जीवन लगि है सकल समाज। देश, कोश³, सैना, सिभ राज। ३३।। निज सरीर की कुशल बिचारो। अपर न रिदे कछू तुम घारो। नर तन दुरलभ पुन अस हौिन। जहाँ पनाह! सकल सुख भौन⁴।। ३४।। इह फरेब सिम चंदू करे। दुरगजु अस महिं सतिगुरु बरे। अबि तौ करनि बनति है तैसे। श्री हरि गोविंद उचरें जैसे।। ३५॥ गुरु प्रतिकृल आप जिब होवहु । त्रास बिसाल निसा महिं जोवह । करहु आप जैसे मन भावै। जिस ते सुख तुमरो तन पावै।।३६।। मसलित नहीं अपर की लीजिह। जानि शुभाशुभ ग्रापिह कीजिह। हम तौ चाहति कृशल तुमारी। कायां रहै सदीव सुखारी'।। ३७॥ सुनि वजीर खांके बच शाहू। गिनती अनिक गिनति मन माहू। कह्यो 'जि कैद बिखै महिपाला। छोडिन को जि कहीं इह काला।। ३८॥ दे करि दंड सकल छुटि जावहु । नहिं आगे पुन गर उठावहु । दरब करोरिन लिंग इह देवें। निहं आगे अपराध करेवें।। ३९ ।।

राजा
 जेल से निकल कर फिर बिगड़ जाएँगे
 सुख के घर

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

इम करिवे महिं बड नुकसाने। बहु धन खरच पकरि ग्रिप आने। श्री हरि गोविंद तिंह जि पठाए। सो हुइ दीन दुखी घिघिआए¹।। ४०।। करी किपा तिन पर हठ धारा। संग निकासनि बाक उचारा। बिन छोडे अबि नहिं बिन आवै। गुरु प्रतिकल त्रास उपजावै॥ ४१।। नहि भेजति जे गुरु को तहिवा। महि पालक तिव मिलते कहिवा। मसलिति दई पठाए। जिस ते अस क्वेचि उपजाए॥ ४२॥ जहां कहां कीनिसि खुटि आई। अबि इह पापी उचित सजाई। इत्यादिक कहि सोचिति शाह । जानहिं कठन दोनि दिसि मांह ॥ ४३ ॥ छोड़िह निराप तौ लखिंह कुनीति । विनु छोडे हुइ निस भय भीत-। पुन वजीर खां जुग कर जोरे। 'पिखहु आप निज तन की ओरे। ४४॥ रहे सलामति. सभि इह आछे। काज न आइ किसी तन पाछे। प्रानी निरधार ॥ ४५ ॥ जीवनि लगि सगरो विवहार। सुखदायक — जो आवश्श्य बनित है करनी । निह सोचिह तिह — वृधि जन बरनी। रावरि के सरीर पर सारे। घन कोटिनि लगि डारिय वारे।। ४६।। जथा अनंद आप तुम रहो। सो निचित² हुइ तूरन कहो। जिस कारज महिं गुरु हुइं ठांढे । सो आछो हुइ नित सुख बाढे ।। ४७ ।। रहिंह न्प्रिपति सगरे अनुसारी। जिम गुरु कहैं करें तिम कारी। अपने कारज कहि सुधरावहु। करहिं चाकरी³ जहां पठावहु।। ४८॥ भई सजाई तिनहु कहु भारी। परे रहे दुख कैंद मझारी। छूटिहंगे गुरु के उपकारा । सुनित शाहु पुन रिदे विचारा ॥ ४९ ॥

इति श्री गुर प्रताप सूरज ग्रिंथे चतुरथ रासे 'श्री गुर हकारन' प्रसंग बरननं नाम पंच शशठी अंसू ।। ६५ ।।

^{1.} दीनता दिखाना 2. निश्चिन्त 3. गुलामी, नौकरी

अंशू ६६ बंदी छोड़ जी दिल्ली आए

दोह रा

रिदे बिचारित सुमित ते जहांगीर पितशाहु। —ले निकसिंह गुरु न्प्रिप कितिक रहैं अपर गढ मांहु — ।। १ ।।

चौपई

चितवति जतन शाह मन मांह। — हुइ आगविन गुरू मम पाहू। दरसौं त्रास निसंसै नासौं। निसा बिखै सुख पाइ हुलासौं —।। २।। कितिक काल महिं जुगति बखानी । सुनहु वजीरखान ! हित ठानी । करहु वंदगी गुरू अगारी। दिहुदरशन को करुना धारी।।३॥ जेतिक तुमरे दामन साथ। गहिनि करहि, आनहु नर नाथ $^{
m 1}$ । तिन पर सफलहि किपा तुमारी । प्रान दान दीनसि उपकारी — ॥ ४ ॥ गुरु प्रसंन हइ करि चलि आइं। कही तथा श्मि मित उपजाइ। पहुंचहु जाइ, नहीं बिदतावह । कूछ न्प्रिप संग गुरू निकसावह ।। ५ ।। तुरत चढाइ इहां लै आवहू। सनमानित आनंद उपजावहुं। सुनि वजीर खां करी सलाम। चिंह करि चल्यो तुरंग² अभिराम ॥ ६॥ तूरन गमन्यो पहंच्यो जाई। उतर्यो वहिर दुरग अगवाई। जल सों कर बदन परवारे। भयो पुनीत सु वसत्र सुधारे।। ७।। गयो नंभ्रि हुइ गुर अगवाई। कर जोरति पग परसे जाई। 'उऽहु गरीब निवाज किपाला ! । लेहु संग कैदी महिपाला ।। 🖘 । जो दामन गहि लेहि तुमारे। बंद खलासी³ सो हुइं सारे। हुते दुरग के जे दरवान। हुकम शाहु की दियो वखान।।९।। महिपालक जे अहैं। जों सितगुरु के दामिन⁴ गहैं। सों सिभ दूरग निकसि करि जाइं। पग के बंधन देह कटाइ।। १०।।

^{1.} राजा 2. घोड़ा 3. वंधनमुक्त 4. शरण

श्री गुरु हरिगोविंद गुमाईं। लिख करि तुरकेशुर चतुराई। चढिन हेतु निज वसत्र मंगाए। दौरित दास सकल ले आए॥ ११॥ अरुण 1 बरुण चीरा सिर चारू। जुग छोरीन कै जरी उदारू। सुंदर पेच लाइ सो साजा। मुख मंडल तिव अधिक विराजा।। १२।। जामा पहिर्यो चारु विसाला। वने पचास जास के पाला। सुंदर बंद सु दुंद बिलंदे। आयुत उर पर लमक सुहंदे।। १३॥ सिर पर जिगा जेब जिस जाहर । जबर अजाइब जरे जवाहर । कुंडल करन 2 करन 3 मिंह कंकन । आंखि विसाल विलोकिन 4 बंकन ॥ १४ ॥ जथा सुंड भुनदंड प्रचंडे। नवरतने अंगद जहिं मंडे^ठ। जर महिं मुकता माल बिसाला। विच विच हीरिन जालिन झाला।। १५॥ जरे जवाहर छाप छलाइन। शोभित मुभ सरूप छिव आइन। ले बहु मोला ललित दूकूल। ज<mark>री ज</mark>ुकति शोमित शुज मूल⁶।। १६।। गहि दीरघ पहिरी शमशेर। बली विसाल सुभित सम शेर। जांबूनद⁷ के फून लगाए। बांधि लइ अस ढःल सुहाए॥ १७॥ कंचन महि जराउ जखाओ। अस निखंग कट सग लगायो। धनुख कठोर हाथ महिंगह्यो। पनिह पाइ चलिन को चह्यो॥ १८॥ सुनि पिखि कै कैदी महिपाल। हरखित सिभ आए ततकाल। दीन मलीन, कुनाल कराले। वहु गरूए पंग बंधन डाले।। १९।। देखि किपा करि कह्यो किपाल। 'इक दामन गहि इक महिपाल। उतलावति जवि पकरिन धाए। सने सने दे धीर गहाए॥२०॥ जामे के पचास थे पाले। गहे पचासिन ही महिपाले। दो भूपति कैदी तिब रहे। अपर सरव ने दामन गहे॥ २१॥ सो कर जोरि महां घिघिआए। 'हमहुं न त्यागे जाहु इथाएं'। निकटि होति को हटक सिपाही : गहहु कहां ? छूछो अबि नांही ॥ २२॥ जामे के पचास ही पाले। गहे पचास भुवाल बिसाले। अधिक भीर गुरु केर समीप। रवसि आपम महि थिरे महीप॥ २३॥ तुमरी परालबध दुख पावहु। हटहु पिछारी निकट न जाबहु'। दोनहु िप्रप तिब ऊच पुकारे। 'प्रान दान दिहु गुरू हमारे॥ २४॥ तुमरे विन को रक्ख्यक नांही। ग्रानि छुटाइ कैंद जे मांही। हम अनाय के तुम हो नाथ। िकपा करहु लीजिह निज साथ।। २५॥ 1. लाल 2. हाथों में 3. कानों में 4. दृष्टि 5. सजे हुए 6. कन्धे

^{7.} सोना

देखि किपाल दीन दुखिआरे। श्री मुख ते कहि ऊच हकारे।
'दुइ जामे के बंद हमारे। आइ गहो निज हाथ मझारे।। २६।।
सुनति नरिंद अनंद बिलंदे। आए दुंद दौरि गिंद बंदे।
करि छूछो सिभ बंदीखाना। श्री गुरु चाहति भे प्रसथाना।। २७।।
जहिं किहं सुधि लोकिन सुनि पाई। हित देखिन के आवित धाई।
श्री गुरु संग सकल महिपाला²। निकसित दुरग गहे सिभ पाला।। २५।।
धंन्य धंन्य गुरु बि उपकारी। क्यों न गहै नर शरिन तुमारी।
जीवित म्रितक सदा रखवारे। देति अनंद कशट निरवारे³'॥ २९।।
आवित देखिन नर गन दौरि। सने सने गुरु निकसे पौरि।
हाथ बंदि सिभ बंदन ठानि। मानव गुनहिं सु मन अनुमान:—॥ ३०॥

कबित्त

संकट नरन को बिकट जे बिलाप जैसे, निकसे निसंग संग जनक नरिंद को। कैधों उड ब्रिंद करि ओज को बिलंद राह, रोके छटि चले साथ पूरन सु चंद के। कैंधों घेरि आनीं नारी सुंदर महांनी, देंत हांनी करि लीनि, पाछे गमनी गुबिंद के। तिन के मनिद आज शोभति मुकंद महां, निकसे नरिंद संग श्री हिर गोबिंद के ।। ३१।। कैंधों जरासिंध ने नरिंद ब्रिंद कैंदि करे, गमने अरिंद सु गोबिंद ने छुडाइ दीनि। कैधों राखिंशद⁴ गिह इंद्र के समेत सुर, रामचन्द्र जाइ गढि लंक निकसाइ दीनि। बली ज्यों पारस नाथ रोके नरनाथ जीति, मिलि के मिछंद्रनाथ सभि मुकताइ दीनि। श्री हरि गुबिंद आज तिनहं के मनिंद कीनि, संगि ले महेंद्रनि को दुक्ख ते बचाई दीनि ॥ ३२ ॥

सर्वया

जूंक परी, बहु बार बधे, सिर रूखे बडे न नही चिकनाई। जीरन चीर मलीन फटे, तन छादिन भी नहीं होहि सबाई।

1. खाली 2. राजा 3. दूर कर दिए 4. रावण 5. समान

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

वंधन भार धरे बहु पाइनि मंद ही मंद चल्यो जिन जाई।
श्री हिर गोविद धीर विना कहु कौन करै दुख ते छुटकाई॥ ३३॥
देश विशेश को राज सुत भारजा आदि हितू निंह पासी।
दीह महां दुरगेय वडो दिढ, जाइ न को गढ मैं बलरासी।
हीन उपाइ रहे दुख पाइ जु छूटिन ते नित धारि निरासी।
श्री हिर गोविंद धीर विनां कहु कौन करै अस वंद खलासी ॥ ३४॥
देश विदेशिन जीति भले इक राज भयो विंड तेज प्रकाशी।
नांहि रह्यो अवनि तल को अस, जो रण ठानि करै वल नाशी।
दीह वध्यो तुरकेश प्रताप गहे रिपु तांहि न छोरिन आसी।
श्री हिर गोविंद धीर विना कहु कौन करै अस वंद खलासी॥ ३४॥
दोहरा

परवारित खिस फस महां महीपाल तिस काल। दुरग पौर निकसे गुरू कौतक होति विसाल।। ३६।।

चौपई

लोक हजारहुं हेरिन हेत । मिले आइ हुइ शीघ्र समेत ।
भई दूर लिंग पंगित खरी । गुरु दरशन ले बंदन करी ।। ३७॥
उचरिंह सुजसु महां तिस काला । बंद खलासी जानि चित्रपाला ।
'तुम बिन कौन करे अस आज । बिरद संभारि गरीब निवाज' ।। ३८॥
बसत्र बिभूखण शसत्र सजंते । डील बिसाल चलित दुतिवंते ।
निकसि दुरग ते बाहर खरे । तबिह लुहार हकारिन करे ॥ ३९॥
सिन के पग बंधन कटवाए । हुइ निरबंध मिहप हरखाए ।
जिम सिक्खिन पर किरपा धारें । करम बंध ततिकिन कट डारें ॥ ४०॥
तिम लोकिन द्रिशटांति दिखायो । जो चिल सित्नुरु शरनी आयो ।
सो निरबंधन हुइ मुद पावै । बद्ध्यित होहि न आवै जावै ॥ ४१॥
देखि किपानिधि की बिडआई । तिब हिरदास मोद उर पाई ।
—रहौं संग मैं नांहि न त्यागों । सफल जनम गुरु सेवा लागों —।। ४२॥

पाधड़ी छंद

हरिदास हेरि कस्ता निधान। चित चहति दियो आनंद महान। तिब कह्यो 'जितिक कैदी ग्रिपाल। सभि लेहु संग अबि पंथ चाल।। ४३॥

1. पत्नी 2. बंधनमुक्त 3. पृथ्वी तल 4. यश, सम्मान 5. राजा

हम ते सु जदो हुइ करि पेयान*। ।ग्रेप सने सने चिल हैं महान। करहिं शीव्रता मग बिसाल। हम उर शाहु प्रतीखित बितिय काल'।। ४४।। कह्यो पुनह कीनो पयान। इम तुरं। चंचल महान। करि चढि खां वजीर निज संग लीनि। तिब करति बारता गुरू प्रवीनि ॥ ४५ ॥ मुख आदि जेठे अनंद । सिक्ख सिंग सु लारि कुल सोढि चंद। गमने धरि शसत्र शुभित जिम महिद सिंघ। सिंघ।। ४६॥ संतोख जाति बलिहार अबि रासि चतुरथी पूरि कीनि। क्रिपा धारि उद्दम सु दीनि। विलास कीने प्रकाश। जिस पठित सुनित सिभ पाप नाश ।। ४७ ।।

इति श्री गुर प्रताप सूरज ग्रिंथे चतुरथ रासे कवि संतोख सिंघ बिरचतायां भाखायां 'श्री हरिगोबिंद दुरग निकसन' प्रसंग बरननं नामु खसट सशठी अंसू ।। ६६ ।।

चतुरथ रास समापतं ।।

चौथी रास समाप्त होई।।

^{*} प्रस्थान

संज्ञा-कोश

वाहिगुरु अथवा परमात्मा के लिए प्रयुक्त संज्ञा। अकाल

अमृतसर के हरिमिन्दर के सामने गुरु हरिगोविंद द्वारा सन् 1665 ई० अकाल-तख्त में बनवाया एक ऊंचा चबूतरा, जिस ५र वैठकर वे दीवान सजाया करते थे।

देखिए 'अकाल'। पुरव' कहने में परमात्मा के पौरुष पूर्ण रूप का संकल्प अकाल-पुरष भी इसमें निहित हैं।

अकाल-तख्त को ही कहते हैं। अकाल-बुंगा

माता नानकी जी से गुरु हरिगोविंद का चौथा पुत्र । बचपन में करामात अटल राइ दिखाने के कारण 9 वर्ष की आयु में पिता के संकेत पर शरीर त्यागा। आज भी अमृतसर में वावा अटल के नाम से एक भव्य गुरुद्वारा देखा जा सकता है —वहां पका अन्न चढ़ता है।

माता नानकी से ही गुरु हरिगोविन्द का तीसरा पुत्र। अणी राइ

दया राम की पत्नीं, गुरु हरिराइ की सास। अनंती

सूबा जालन्धर का मुस्लिम नवाब। अब्दुल खां गुरु परम्परा में तीसरे गुरु, जिनकी वाणी गुरु ग्रंथ साहिव में (गुरु) अमर दास

'महला ३' के अन्तर्गत संगृहीत है।

गुरु रामदास (चौथे गुरु) द्वारा बसाया नगर । इसका पुराना नाम (गुरु का चक) था, अमृतसर नाम वहां पांचवें गुरु द्वारा बनवाए पक्के अमृतसर तालाब के कारण पड़ा।

पांचवें गुरु । इन्होंने ही गुरु ग्रंथ साहिव का सम्पादन किया था । (गुरु) अर्जुन देव

पैंदेखां का दामाद। आसमान खां

गुरु ग्रंथ साहिब में राग रामकली के अन्तर्गत गुरु अमरदास द्वारा रचित एक विशेष वाणी । आजकल सिक्ख रहत-नामों के अनुसार इस आनंद वाणी का पाठ सिक्खों में विवाह के अवसर पर किया जाता है।

गुरु हरिगोविंद (छठवें गुरु) का एक सिक्ख। आज्ञा राम

639

(गुरु) अंगद देव द्वितीय गुरु। गुरु-गर्दी प्राप्त होने से पूर्ण इनका नाम भाई लहणाथा।

कबीर उत्तर प्रदेश के प्रसिद्ध सन्त किव । सन्तों में सबसे अधिक वाणी इन्हीं की गुरु ग्रन्थ में संकलित हुई ।

करतारपुर (1) जि॰ गुरदास पुर, तहसील शकरगढ़ में गुरु नानक द्वारा सं॰ 1561 में बसाया एक नगर जिसे गुरु जी के ज्योति-जोति समा जाने पर रावी नदी ने लगभग लील लिया। (2) जालन्धर के निकट गुरु अर्जुंन देव द्वारा सं॰ 1651 में बसाया एक नगर, जिसे बाद में धीरमल्ल ने अपने लिए प्राप्त कर लिया।

करमो गुरु अर्जुन देव जी के बड़े भाई पृथिए की पत्नी । भाई-भाई में द्वेष उत्पन्न करने तथा गुरु हरिगोविन्द के प्राणों पर एकाधिक आघात करने में इस महिला का विशेष हाथ रहा है।

कटारू काबुल का एक सिक्ख दुकानदार। अज्ञानवश जिसका तोल का बाट पांच पैसे भर कम था और गुरु अर्जुन जी ने अदालत में उसकी लाज रखी थी।

काने खां पेशावर का नवाब । यह गुरु हरिगोविंद द्वारा पराजित मुगलस खां का भाई था । अपने भाई का बदला लेने के लिए इसने भी गुरु जी से युद्ध किया और मारा गया ।

कान्हा एक साधु, जो अपनी वाणी गुरु ग्रंथ में दर्ज करवाना चाहता था, किन्तु अर्जुनदेव ने उसे अपनाने से इनकार कर दिया था।

काशी वर्तमान बनारस, वाराणसी । कालू बेदी श्री गुरु नावकदेव के पिता।

काबुल भारत की उत्तर पश्चिमी सीमा पर एक प्रदेश।

किदारा (भाई) गांव मद्र का एक सिक्ख। इसे कंठमाला रोग था, गुरु जी का जूता छूने से यह रोग-मुक्त हुआ था।

कुतब खां जालन्धर का पठान सरदार । इसने पेंदेखां को गुरु जी के विरुद्ध लड़ने में सहायता दी थी ।

कुरुक्षेत्र वर्तमान हरियाणा का नया जिला—एक प्रसिद्ध तथा ऐतिहासिक तीर्थं स्थल।

कुक्की गुरु हरिगोविंद जी का सिक्ख योद्धा। गुरु जी के लिए लड़ा और शहीद हुआ।

किश्त चन्द भोउ गांव के निवासी खती। आप गुरु अर्जुन दैव के श्वसुर और गंगा माता के पिता थे।

कौलां लाहौर के निकट मुजंग कस्वे के एक काजी रुस्तम खां की सुपुत्री, जिसने गुरु हरिगोविन्द की शरण में आकर जीवन पवित्र किया। करतारपुर में इसकी समाधि विद्यमान है, कौलसर इसी के नाम पर है।

कौलसर गुरु हरिगोविंद द्वारा सन् 1684 में अमृतसर में कौलां के नाम पर वनवाया सरोवर ।

कोठा पृथीचन्द द्वारा बसाया गया एक गांव। यह रेलवे स्टेशन जैतो से 14 मील दूर बठिंडा के निकट है।

कंधार भारत के उत्तर पश्चिम में एक सम्पन्न प्रदेश।

खडूर जि॰ अमृतसर, थाना वैरोवाल में गुरु अंगददेव जी का निवास स्थान।

खानपुर वह गांव जहां गुरु अर्जुनदेव तथा उनके सेवकों को ठहरने को स्थान नहीं दिया गया था और लोगों ने उन्हें गांव से चले जाने को कहा था।

खारा तहसील तरनतारन, जि० अमृतसर का एक गांव। खेम कौर गुरु हरिगोविंद की पुत्र-वधू, सूरज मल्ल की पत्नी।

खां वजीर जहांगीर तथा बाद में शाहजहां का मंती। यह गुरु-घर से प्रभावित था और समय-समय पर वादशाह को गुरु-घर के अनुकूल बनाता रहता था।

ग्वालियर मध्य-प्रदेश का प्रसिद्ध दुर्ग, जहां गुरु हरिगोविंद को रखा गया था और जहां से आते समय उन्होंने कई राजाओं को स्वतन्त्र करवा कर 'बंदी-छोड़' पद प्राप्त किया था।

ग्रंथ (गुरु) गुरु अर्जुनदेव ने प्रथम पांचों गुरुओं एवं अन्य भारतीय सन्त महात्माओं की वाणियों का संग्रह करके एक ग्रंथ तैयार किया था। बाद में गुरु गोविद सिंह ने इसे 'गुरु पद' प्रदान किया। भारत के पश्चिमी भाग में एक प्रदेश।

गुमटाला गांव अमृतसर के पास का एक गांव। वहां के जंगल में गुरु हरिगोविंद ने बादशाह का सफेद बाज पकड़ लिया था। बाद में यही घटना अमृतसर के यद्ध का कारण बनी।

CC-O. Nanaji Deshmukh Library, BJP, Jammu. Digitized By Siddhanta eGangotri Gyaan Kosha

गुरदास (भाई) गुरु अर्जुन देव के प्रसिद्ध सिक्ख । इन्होंने गुरु ग्रंथ के लिपिक का कार्य किया था । बाद में गुरु हरिगोविंद की सेवा में भी रहे ।

ग्रदित्ता (बाबा) गुरु हरिगोविंद का दमोद्री माता से उत्पन्न प्रथम पुत्र।

गुरुसर गुरु का लगवाया सरोवर। इस नाम के अनेक तालाब और गुरद्वारे पंजाब में मौजूद हैं।

गुलाब घोड़ा, जो गुरु-सिक्खों से शाहजहां ने छीना और विधीचंद (विधिए) ने • छल-पूर्वक लौटा लिया था।

गूजरी (माता) गुह तेग बहादुर की पत्नी।

(गुरु) गोविंद सिंह गुरु तेग बहादुर तथा माता गूजरी के सुपुत, दशम गुरु।

गोइंदबाल जिला अमृतसर, तहसील तरनतारन में व्यास नदी के किनारे गींदा खती द्वारा बसाया एक नगर। इसमें उसे गुरु अमरदास की विशेष सहायता प्राप्त हुई थी।

गोरख नाथ पंथ के प्रवर्त्तकों में से प्रसिद्ध नाथ योगी। गोंदा खत्री गोइंदवाल नगर बसाने वाला मरवाहा खत्री।

गौरजा दयाराम की पत्नी और गुरु हरिराय की तीन सासों में से एक। गंगा (माता) गुरु अर्जुन देव जी की पत्नी और गुरु हरिगोविंद की जननी।

चित्र सैन वह सौदागर जिसका जहाज अटक गया था और गुरु जी ने ध्यान-मात्र से कंघा लगा कर चला दिया था।

वित्तोड़ राजपूताने का एक प्रसिद्ध गढ़। महाराणा प्रताप सिंह के कारण विशेष ख्याति।

चुटाला शीशम का एक पेड़, जो कि गुरु हरिगोविंद के ससुराल मंडियाली में है।

चोला जिला अमृतसर के थाना सरहाली के प्रदेश का एक गांव, जिसका पूर्व नाम भैनी था। गुरु अर्जुन देव ने इसका नाम-परिवर्तन कर दिया था।

चंदी गुरु नानक देव की सास, (माता) सुलक्खणी की माता।

चंद्र जहांगीर का दीवान । इसके अभिमान के कारण गुरु अर्जुन ने इसकी पुत्री की सगाई गुरु हरिगोविंद के लिए अस्वीकार कर दी थी । प्रति-शोध में इसने गुरु अर्जुन को अत्यन्त पीड़ित किया—बाद में स्वयं भी कुत्ते की मौत मरा।

चंद्रसर चन्द्र सरोवर ।

छज्जू एक महात्मा जो अपनी वाणी गुरु ग्रंथ में संगृहीत करवाना चाहते थे, किन्तु गुरु अर्जुन ने स्वीकार नहीं की।

छिहरटा एक बड़ा कुआं, जो अमृतसर के पश्चिम में चार कोस की दूरी पर है। इसे सं ० 1654 में गुरु अर्जुन देव ने बनवाया था और इस में एक ही समय छ: रहट चल सकते थे।

छोटे (मीर) पेंदे खां का ससुर। पेंदे खां के निवास स्थान का नाम भी छोटा मीर था।

जहांगीर मुगल सम्राट्, अाने न्याय के लिए प्रसिद्ध किन्तु गुरु-घर के लिए कभी संकीर्ण और कभी उदार ।

जपुजी गुरु ग्रंथ में संकलित आरम्भिक वाणी । रचयिता गुरु नानक । प्रातःकाल पाठ किया जाता है ।

जुआला दया राम की पत्नी, हरिराय (गुरु) की तीन में से एक सास ।

जेठा गुरु रामदास का पूर्व नाम । गुरु हरिगोविंद का एक वीर सिवख जो गुरुसर के युद्ध में शहीद हुआ ।

जैदेव एक महात्मा, जिनकी वाणी के कुल दो पद गुरु ग्रंथ में उपलब्ध हैं। ये बंगाल के रहने वाले और संस्कृत के विद्वान् पंडित थे।

जोध (राय) कांगड़ा का राजा । इसने अपनी स्त्री के उपदेश से (जो कि सिरख पुत्री थी) गुरु हरिगोविंद से सिक्खी प्राप्त की ।

टाइली जिला जालन्धर, तहसील नवां शहर, थाना राहों के गांव दौलतपुर के पास बाबा सिरी चन्द का उपासना-स्थल है। वाबा जी कीरतपुर जाते हुए तीन दिन शीशम के इस पेड़ के नीचे रहे।

डल्ला गुरु हरिगोविंद का ससुराल । कपूरथला के सुलतानपुर इलाके में यह गांव है । यहां के नारायण दास की सुपुत्नी दमोद्री से गुरु हरगोविंद का प्रथम विवाह हुआ था ।

डरोली माता दमोद्री के बहिन-बहनोई रामो और साईदास का निवास स्थान (गांव)।

तरन-तारन अमृतसर नगर से 15 मील उत्तर में बसा एक गुरु धाम । इसे गुरु अर्जुन देव ने बनवाया था । तालाब में लगाने की ईंटें नूरदीन पठान ने छीन कर सराय बनवा ली थी । वाद में सराय ढहा कर राजा रणजीत

गर नानक जी की माता। मेहता कालू बेदी की पत्नी। तिपरा (तुप्ता)

गढशंकर निवासी एक प्रेमी सिक्ख जिसने किसी योगी के दर्शनों से तिलक तिलोका बैकंठ प्राप्ति का लोभ भी छोड़ दिया था और सतिगृह के अतिरिक्त किसी के भी दर्शनों से इंकार कर दिया था।

नवें गुरु। माता नानकी से उत्पन्न गुरु हरिगोविंद के पांचवें पुत्र। तेग बहाद्र

थम्ह (स्तम्भ) करतारपुर में गुरु अर्जुन देव ने एक दीवान खाना बनवाया था, उसमें पक्के स्तम्भ की अपेक्षा शीशम की लकड़ी लगी थी, इसी लिए नाम थम्ह (स्तम्भ) पड़ गया। अब यह भवन कई मंजिल का है।

गुरु जी के विश्राम करने का ऊँचा स्थान, वडाली से एक फर्लांग दूर दमदमा दक्षिण की ओर वह स्थान जहां गुरु हरिगोविंद ने एक सूअर मारकर विश्राम किया था।

गरु हरि राय के समूर। देया राम

गुरु हरिगोविंद की प्रथम पत्नी । नारायण-दया कौर की पुत्नी । इ.मोदरी

नारायणदास की पत्नी । गुरु हरिगोविंद की सास । दया कौर अमृतसर के किनारे हरिमन्दिर की बड़ी ड्योढ़ी। दर्शनी दरवाजा

गुरु अंगद देव तथा माता खीवी के छोटे पुत्र, जिनका जन्म खडूर में दात् सं ० 1594 में हुआ।

भाई मरदाने का एक सम्बन्धी रबावी। दाला इम

गुरु अंगद देव तथा माता खीवी के वड़े पुत्र, जिनका जन्म सं० 1581 दासू ई० में हआ।

अभिशप्त गंधर्वी। दाई रूप में अपने स्तन को विष लगाकर इसने दाई गुरु हरिगोविंद को शिशुता में ही मार देना चाहा था। किन्तु स्वयं मृत्यु को प्राप्त हुई।

दिल्ली भारत की युग युग से चली आती राजधानी। यमुना नदी के किनारे बसा वड़ा नगर।

दिलबाग घोड़ा, जिसे गुरु-सिक्खों से शाहजहां ने छीन लिया था और बाद में जिसे भाई बिधिया छल पूर्वक लौटा लाया था।

अधिक द्वारों वाली नगरी। काठियावाड़ में सागर तट पर एक तीर्थ-दुआरका स्थान, जिसे श्रीकृष्ण ने बसाया था हास्त्रि Siddhanta eGangotri Gyaan Kosha

दु:ख भंजनी बेरी अमृतसर सरोवर के उत्तर में घाट पर लगा बेरी का पेड़, इसके नीचे दुनीचंद खत्री की एक पृत्नी का कोढ़ी पित स्नान करके नीरोग हुआ था।

देसा (माई) पट्टी गांव की एक वांझ स्त्री, जिस पर दया कर गुरु हरिगोविंद पुत लिखने लगे थे, घोड़े के पग बदलने से 1 का 7 हो गया।

धनवन्ती माता गंगा की मां, किशन चंद की पत्नी, गुरु अर्जुनदेव की सास।

धरम चंद गुह नानक का पौत, वाबा लखमी चंद का पुत, जिसका जन्म सम्बत् 1580 में हुआ था।

धीर मल्ल गुह हरिगोविंद का पौत्र, वाजा गुरिदत्ता का प्रथम पुत्र । इसे प्रिथी चंद का अवतार माना गया है।

नत्ती (अनती) वटाला निवासी रामा-सुखदेई की पुत्री, वाबा गुरिदत्ता की पत्नी, गुरु हरिगोविंद की पुत्र-वधु ।

(गुरु) नानक देव प्रथम गुरु।

नानक देहुरा वावा नानक, जिला गुरदासपुर, रावी नदी के इस ओर बाबा सिरी चंद द्वारा बसाया नगर।

नानक मता उत्तर प्रदेश में जिला नैनीताल के स्थान पीलीभीत से 15 मील दूर उत्तर पश्चिम में यह स्थान विद्यमान है। बाबा कमलिया (अलमस्त) की सहायता के लिए गुरु हरिगोविंद भी यहां पधारे थे।

नानक सर नानिकयाना का यह तालाब जो राय बुलार ने गुरु नानक के नाम पर बनवाया था।

नानकी गुरु हरिगोविन्द की दूसरी पत्नी ।

नानू कुरुक्षेत्र का वह ब्राह्मण जिसने गुरु जी पर आपित की थी।

निहाला एक सिक्ख। हरिगोबिद के ससुर। माता दमोदरी के पिता।

नीम बुड्ढन के टीले पर लगाया बाबा गुरिदत्ता का नीम का पेड़।

नूरखां वह पठान जिसने तरनतारन के तालाब की ईंटें बलात् छीनकर अपनी सराय बनाई थी। गुरु अर्जुन के कथन को सत्य करने के लिए बाद में राजा रणजीत सिंह ने सराय ढहा कर वे ही ईंटें तालाब पर लगवाईं।

नंद कौर साधु की माता, गुरु हरिगोविंद की समधिन, गुरु-पुत्नी, वीरों की सास ।

पटना बिहार प्रदेश की राजधानी। दशमेश गुरु गोविंद का जन्म स्थान।

पट्टी वह गांव जहां की माई को गुरु हरिगोविंद ्वेन 7 पुत्रों को वरदान दिया था।

पीलो एक महात्मा जो अपनी वाणी गुरु ग्रन्थ में संगृहीत करवाने के लिए गुरु अर्जुन के पास आए थे, किन्तु उनकी वाणी स्वीकार नहीं की गई थी।

प्रियोआ (पृथीचन्द) गुरु अर्जुन के बड़े भाई, आजन्म गुरु जी के प्रति ईर्ष्या और द्वेष े में जलते रहे।

पैड़ा गुरु अर्जुन का एक सिक्ख। गुरु हरिगोविंद के समय में भी वीरता प्रदिशत करता रहा।

पैदे खां एक अनाथ असहाय पठान जिसे गुरु हरिगोविंद ने बच्चों की तरह पोषित किया, मिल्लों की भांति मान दिया। अन्त में गुरु जी के प्रति इसने विद्रोह किया और युद्ध में उन्हीं के हाथों मारा गया।

पंच सिक्ख कौलां-त्याग की प्रेरणा देने वाले पांच सिक्ख — किशना, तीरथ, तखतू. निहालू और तिलोका ।

प्रेम चन्द खत्नी गुरु हरिगोविंद का समधी, सूरज मल्ल का ससुर।

वन्नो लाहौर गांव खारा का वह सिक्ख जिसने जिल्दबंदी के लिए प्राप्त गुरु ग्रंथ की दूसरी नकल तैयार करवाई थी।

बावली साहिब गोइंदवाल में 1616 में गुरु अमरदास जी द्वारा बनवाई वापिका जिसकी 84 सीढ़ियां हैं।

विधीचंद (विधीआ) जिला लाहौर के सुरसिंह गांव का वासी जाट। आरम्भ में चोरी डाके का जीवन। गुरु सिक्खों की संगति में गुरु अर्जुन देव जी की शरण में आया। गुरु हरिगोविंद के बड़े-बड़े कार्य इसने किए। युद्धों में भी वीरतापूर्वक लड़ा और वादशाह से गुरु के घोड़े भी उड़ा लाया था।

विपासा (ब्यास नदी) — ब्यास नदी, दोआबा जालन्धर का एक पक्ष ।

विशन कौर गुरु तेग बहादुर की सास । माता गूजरी की माँ।

बीड़ जंगल, रक्षित वन।

बीबी (माणी तथा बीरो) दो संज्ञाएँ यथास्थान देखिए।

गृह नानक से लेकर गृह हरिगोविंद तक गृह घर का पूज्य आत्म-ज्ञानी ब्ड्ढा (बाबा) सिक्ख प्रथम छ: में से पाँच को गुरु पदासीन करवाने की पुरोहिताई इसी ने की। बचपनाबस्था में ही गुरु नानक की शरण में आया था और फिर आजीवन गुरु घर का आदरणीय सेवक वना रहा। गुरु ग्रंथ साहिब का प्रथम पाठी यही था।

गुरु नानक काल का एक मुस्लिम फकीर, जो सतिलुज के किनारे बुड्ढन शाह कीरतपुर के टीले पर नानक के दूसरे रूप बाबा गुरुदिता की प्रतीक्षा करता रहा और उसके आने पर प्राण त्यागे।

ज़िला लाहौर के रेलवे स्टेशन अटारी के तीन मील दक्षिण में यह बेरी साहिब गुरुद्वारा है। यहाँ गुरु हरिगोविंद पधारे थे और उन्होंने वेरी के पेड़ से अपना घोडा बाँधा था।

अभिशप्त गन्धर्व, जिसने वालक हरिगोविंद को प्रिथीआ परिवार के कहने ब्राह्मण पर विष देने का असफल प्रयास किया था।

काश्मीर की एक गुरु भक्त बुढ़िया जिसने स्वयं कातकर गुरू भागभरी (भागी) हरगोविंद के लिए चीर तैयार किया था।

मंडियाली के दुआरा की पत्नी जिसे नारद के वरदान से कन्या प्राप्त भागन हई थी।

गुरु अमरदास की पुत्री और गुरु रामदास की पत्नी । गुरु अर्जुन देव जी भानी (माता) इन्हीं की सन्तान थे।

वाबा व्डढा का प्त। भाना (साहिब)

गुजरात (पंजाब) का गुरु-इच्छा मानने वाला एक आदर्श सिक्ख। गुरु भिखारी अर्जुन देव ने किसी के सम्मुख इसे उदाहरण रूप में गुरु इच्छा मानने वाला कहा था।

एक गाँव। भैनी (गाँव)

ज़िला जालन्धर तहसील फिल्लौर का एक गाँव, जहाँ गुरु अर्जुनदेव का मउ

विवाह हुआ था।

मुसलमानों का प्रसिद्ध तीर्थ। मक्का

लोक कथाओं का प्रसिद्ध प्रेमी नायक। दिल्ली के निकट यमुना किना 'मजनूं का टीला' नामक एक स्थान जहाँ गुरु नानक तथा गुरु हरगोविं मजन्

विराजे थे।

मल्ला एक गाँव जहाँ बीबी वीरो के ससुराल थे। साधु, गुरु हरिगोविंद का दामाद, यहाँ का रहने वाला था।

मरवाही गुरु हरिगोविंद की तीसरी पत्नी । मूल नाम महादेवी । मरवाही गोव्र नाम है ।

मटनो मरवाही माता का गाँव। यही गुरु हरिगोविंद की तीसरी सगाई हुई थी।

महादेव गुरु अर्जुनदेव का बड़ा और पृथीए से छोटा भाई। बीबी भानी की दूसरी संतान।

भाई बन्नों का जिला गुजरात का निवास-स्थान। यहाँ की संगति के लिए ही भाई बन्नों ने गुरु ग्रंथ की नक़ल करवाने का उद्यम किया था।

मिहरवान प्रिथीचंद का पुत्र । सोढी परिवार में कवीश्वर नाम से प्रसिद्ध । इसने भी पिता की भाँति गुरुजी से द्वेष बनाए रखा ।

मिहरा बकाला का एक प्रेमी सिक्ख । माता गंगा का देहाँत इसी के घर में हुआ था।

मुलतान पश्चिमी पंजाब का एक प्रसिद्ध नगर।

मुँदावनी गुरु ग्रंथ साहिब के उपसंहार में लिखी भोग-वाणी। अन्तिम चरण का

मुजंग लाहौर के निकट एक स्थान, जहाँ के काजी की पुत्री कौंलाँ गुरु जी की शरण में आई थी।

मुगलसवाँ अमृतसर युद्ध का पठान सेनानी, जो गुरु हरिगोविंद के हाथों मारा गया।

मोहन गुरु अमरदास जी का बड़ा लड़का। मस्त और भजन-पाठ में लीन रहने वाला। गुरु ग्रंथ तैयार करने से पूर्व गुरु अर्जुन देव जी इसे प्रसन्न करके, इसी से वाणी-संग्रह की पोथियाँ लाए थे।

मोहरी गुरु अमरदास जी का छोटा पुत्र । मंजी साहिब गुरु जी जहाँ जहाँ जिल्हा

मजी साहिब गुरु जी जहाँ जहाँ विश्वामार्थ चारपाई पर बैठे, वहाँ-वहाँ इस नाम से गुरुद्वारे बने हैं। गुरुदारे के जनको को कि को के

गुरुद्वारे बने हैं। गुरुद्वारे के चबूतरे को भी मंजी कह देते हैं।

मंडियाली

गुरु हरिगोविंद के ससुराल का गाँव।

रागमाला छ: मुख्य रागों का उनकी पत्नियों और पुत्नों सहित विशव परिचय।
गुरु ग्रंथ साहिव के अन्त में परिशिष्ट रूप में यह विद्यमान है।

(गुरु) रामदास चतुर्थ गुरु।

रामदासपुर गुरुका चक । अमृतसर नगर का पुराना नाम ।

रामकुँवर बाबा बुड्ढा जी के वंशज।

रामसर रामसरोवर, अमृतसर।

रामकली एक राग विशेष।

रामराय गुरु हरिराय का बड़ा पुत्र।

रामो डरोली निवासी साईंदास की पत्नी । माता दमोदरी की बड़ी बहिन ।

गुरु हरिगोविंद की बड़ी साली।

रामा नत्ती (अनंती) का पिता । वावा गुरदित्ता का ससुर ।

रहेला ब्यास नदी के किनारे का एक गाँव, जहाँ गुरु हरिगोविंद जी ने एक नया

नगर बसाया था।

लक्खू लाहीर निवासी प्रेमी सिक्ख, जिसके वचन से बुद्धू का भट्ठा कच्चा रह

गया था।

लद्धा लाहीर का एक परोपकारी सिक्ख, जिसने सत्ता-बलवंड रवावियों को

गुरु अर्जुन से क्षमा दिलवाने के लिए स्वयं अपना मुंह काला करके, गधे

पर सवार होकर क्षमा-याचना की थी।

लालचंद गुरु तेग् बहादुर का ससुर।

लाहौर रावी नदी पर बसा पश्चिमी पंजाब का प्रसिद्ध नगर।

लंगाह लाहौर का एक प्रसिद्ध सिक्ख।

वडाली अमृतसर का समीपवर्ती गाँव। छिहरटा के निकट स्थित। गुरु साहिब

प्रायः वहां आते-जाते रहे।

वली खां जालन्धर के सूबेदार अब्दुल खाँ का पुत ।

वीरो माता दमोदरी के गर्भ से गुरु हरिगोविंद की पृती।

वेद ऋक्, साम, अथर्व, यजु: - चार वेद।

श्वान पिस्ता जाति की वह कुतिया जिसने गुरु हरिगोविंद को दिया जाने वाला

विष-मिश्रित दही खाकर प्राण दिये थे।

शाह हुसैन वह महात्मा जिसकी वाणी गुरु अर्जुनदेव ने काह्ना-पीलू आदि के साथ

ही ग्रंथ में लेना अस्वीकार कर दिया था।

सक्रगंगा गुरु अर्जुन ने करामात द्वारा गंगा में डूबा-वहा अपना लोटा इस जल-

स्रोत से निकाला था और बाद में इसे सक्रगंगा का नाम दे दिया था।

अब यह प्रसिद्ध तीर्थ है।

सह बाबा सुन्दर की वह वाणी, जो गुरु ग्रंथ में संगृहीत है। इसे मृत्यु के

समय पढ़ा जाता है।

सत्ता-बलवंड दो डूम भाई। ये एक बार गुरु अर्जुन से नाराज होकर पीड़ित हुए थे,

तब लाहौर के लद्धा नामक सिक्ख ने इन्हें क्षमा दिलवाई थी।

साइँदास गुरु हरिगोविंद का सांढू। दमोदरी माता की बड़ी बहिन रामो का पित ।

साध् मल्ला-निवासी धरमा का पुत्र, गुरु हरिगोविंद का दामाद, बीबी वीरो

का पति ।

सिंधा गुरु हरिगोविद का कुल पुरोहित । अमृतसर युद्ध में शहीद हुआ ।

स्धासरोवर अमृतसर।

सुलही खाँ के वड़े भाई का पुत्र । यह पृथीचन्द की प्रेरणा से गुरु अर्जुन

को संताप पहुँचाने गया था, किन्तु मार्ग में वेतन के लिए झगड़ा हो

जाने से अपने ही सेवकों के हाथों मारा गया।

मुलहीखां जहाँगीर का पठान अधिकारी। पृथीचन्द का मित्र होने के नाते गुरु

अर्जुन को अकारण कष्ट पहुँचाना चाहताथा, किन्तु 'गुरु का कोठा'

स्थान पर भट्ठे की आग में जलकर मर गया।

मुन्दर गुरु अमरदास जी का प्रपौत्र । 'सद्' नाम की वाणी रचयिता ।

मुखदेई बाबा गुरदित्ता की सास, नत्ती की माता।

सुलतानविंड अमृतसर के दक्षिण में गुरु अर्जुन देव का स्थान।

सूरजमलल गुरु हरिगोविंद का मरवाही माता के उदर से उत्पन्न दूसरा पुत्र।

सोधेखां लाहौर के किले का अध्व-पाल, जिसे भाई विधीचन्द ने खूब छकाया।

हरदेई गुरु हरिगोविंद की सास, हरिचन्द की पत्नी । नानकी की माता ।

हरदास ग्वालियर में बंदीखाने का प्रबन्धक । दुर्ग का जमादार ।

हरगोविंदपुर रूहेला धरती पर बनाया नवीन नगर, जिसके लिए अब्दुल खाँ से युद्ध हुआ।

(गुरु) हरगोविद छठे गुरु । गुरु अर्जुनदेव जी के सुपुत्र ।

हरिमन्दिर अनृतसर का बड़ा गुरु-मन्दिर, जित्तका निर्नाग गुरु रामदास ने आरम् किया और गुरु अर्जुन देव ने सम्पूर्ण किया। बाद में अनेक धनवा श्रद्धालुओं ने उसे उत्तरीत्तर सगाया-संवारा और उसकी उन्नित्त की। हरीवन्द माता नानकी का निता। गुरु हरिगोविद का ससुर। हाकिजाबाद जि॰ गुजराँवाला का एक नगर, जहाँ कश्मीर से लौटते हुए व हरिगोविद विराजे थे।

सक्रगंगा गुरु अर्जुन ने करामात द्वारा गंगा में डूबा-बहा अपना लोटा इस जल-

स्रोत से निकाला था और बाद में इसे सकगंगा का नाम दे दिया था।

अब यह प्रसिद्ध तीर्थ है।

सह बाबा सुन्दर की वह वाणी, जो गुरु ग्रंथ में संगृहीत है। इसे मृत्यु के

समय पढ़ा जाता है।

सत्ता-बलवंड दो डूम भाई। ये एक बार गुरु अर्जुन से नाराज होकर पीड़ित हुए थे,

तब लाहौर के लद्धा नामक सिक्ख ने इन्हें क्षमा दिलवाई थी।

साइँदास गुरु हरिगोविंद का सांढू। दमोदरी माता की बड़ी बहिन रामो का पित ।

साध् मल्ला-निवासी धरमा का पुत्न, गुरु हरिगोविंद का दामाद, बीबी वीरो

का पति ।

सिंधा गुरु हरिगोविंद का कुल पुरोहित । अमृतसर युद्ध में शहीद हुआ ।

सुधासरोवर अमृतसर।

सुलही खाँ के वड़े भाई का पुत्र । यह पृथीचन्द की प्रेरणा से गुरु अर्जुन

को संताप पहुँचाने गया था, किन्तु मार्ग में वेतन के लिए झगड़ा हो

जाने से अपने ही सेवकों के हाथों मारा गया ।

सुलहीखां जहाँगीर का पठान अधिकारी। पृथीचन्द का मित्र होने के नाते गुरु

अर्जुन को अकारण कष्ट पहुँचाना चाहता था, किन्तु 'गुरु का कोठा'

स्थान पर भट्ठे की आग में जलकर मर गया।

मुन्दर गुरु अमरदास जी का प्रपौत । 'सद्' नाम की वाणी रचयिता ।

सुखदेई बाबा गुरदित्ता की सास, नत्ती की माता।

मुलतानविंड अमृतसर के दक्षिण में गुरु अर्जुन देव का स्थान।

सूरजमलल गुरु हरिगोविंद का मरवाही माता के उदर से उत्पन्न दूसरा पुत ।

सोधेखां लाहीर के किले का अध्व-पाल, जिसे भाई विधीचन्द ने खूब छकाया।

हरदेई गुरु हरिगोविंद की सास, हरिचन्द की पत्नी । नानकी की माता ।

हरदास ग्वालियर में बंदीखाने का प्रबन्धक । दुर्ग का जमादार ।

हरगोविंदपुर रूहेला धरती पर बनाया नवीन नगर, जिसके लिए अब्दुल खाँ से युद्ध हुआ।

(गुरु) हरगोविद छठे गुरु । गुरु अर्जुनदेव जी के सुपुत्र ।

हरिमन्दिर

अनृतसर का वड़ा गुरु-मिन्दर, जितका निर्माग गुरु रामदास ने आरम्भ किया और गुरु अर्जुन देव ने सम्पूर्ग किया । बाद में अनेक धनवान श्रद्धालुओं ने उसे उत्तरोत्तर समाया-संवारा और उसकी उन्ति की ।

हरीवन्द

माता नानकी का विता। गुरु हरिनोविंद का समूर।

हाकिजाबाद

जि॰ गुजराँवाला का एक नगर, जहाँ कश्मीर से लौटते हुए गुरु हिरगोविंद विराजे थे।

भाषा विभाग पंजाब



Control of the state of the state of the